





BIBLIOTECA
DEL REAL MONASTERIO
DE HUERTA.
Nºm. 309.

TARQVINII
GALLVTII
SABINI
E SOCIETATE IESV
VIRGILIANAE VINDICATIONES
& Commentarij tres
DE
TRAGOEDIA
COMOEDIA
ELEGIA
Cum Privilegio



ROMAE, Ex Typographia Alexandri Zannetti. 1621.

Superiorum Permissu.

SERENISSIMO PRINCIPI
FERDINANDO
GONZAGAE
MANTVAE DVCI.



TARQVINIVS GALLVTIVS. F.



EREOR equidem, Serenissime Princeps , ne sic temerarium sit , istius tutelam gratiæ Commemtarijs hisce tam vilibus expetere , quemadmodum superbum esset , nullum omnino tam imbecillis fœtibus auxilium quærere. Cœpit inter eos , qui scripta produnt in vulgus , usitatum esse iam artis genus , eleuare pretium operis sui , mercisq. propositæ despicientiam per simulationem officij profiteri . sed quæ alijs assimulata modestiæ species est , ea mihi sine fallacijs , & suco veritas , ac simplicitas esse debet ; qui penitus intelligam huius mei futilitatem laboris , & fructum industriæ leuem , aspectum lucemq. non exoptantem . Ac statueram ego quidem , quicquid hoc erat à me , vel temere fusum , vel obseruate compositum omnino premere; aliaq. potius Ethicæ perficere meditamenta doctrinæ , quæ mihi nunc Aristotelem interpretanti sunt in manibus affecta , & primis tantum initijs inchoata . Sed dum molior , & nocturna,

† 2 diur-



diurnaq. opera materiam verso, ex rei magnitudine vi-
deo mihi deesse ingenium, ex valetudine sentio conatum
operi non satis esse. Interiungere adeò, ac posita interim
manu de Moralium tabula, subsistere decreui; quæque
melius fortasse inter aduersaria continuissem, in publi-
cum emittere: vt in viuentium numero me probarem
esse non otiosum, nec fruges viderer omnino consumere
sine fruge. Causam verò cur hæc honori tuo non dubi-
tarim inscribere, nemo quæret, qui meum erga te vetus
obsequium litteris quoq. consignatum agnouerit, & ha-
rum argumenta scriptionum inspexerit, quæ non alium
oppidò, quàm te præsidem sibi depositunt, ac dominum.
Vindicatur in his poëtarum apex, fastigiumq. Virgilius:
qui quoniam si viueret, in tuo profectò viueret, debet
etiam mortuus inuenire defensionem, & quietem in
tuo. Explicatur in ijsdem antiqui Dramatis, Elegiæ, ac
totius pene Poëticæ ratio. At vñus tu, quod magni Prin-
cipis erat, opulento Choragio, machinisq. faberrimis an-
tiqui Theatri miracula reddidisti minora, & quod erat
ingeniosissimi, sic Poëticam adamasti, vt non modo poë-
tas ipsos gratia foueas, & studio, quod est commune mul-
torum, sed carmen etiam condere possis egregium, quod
fanè paucorum est, ac prope tuum. Nihil enim hic ego
dico de illa tua disciplinarum omnium comprehensione
perfectissima, quæ & in conspectu mortalium est, & mi-
hi satis amplum euulgatae iam olim suppeditauit argu-
mentum orationis. Tantum oro, vt munus hoc alioqui
despicandum, ac tenue nonasperneris, measq. vigilias
noctem iure postulantes, ac tenebras apparere sub tuo
nomine patiaris. Vale.

R E-

RECENSIO CAPITVM QVAE IN
Virgilianis vindicationibus explicantur.

Ex Prolegomenis

quibus variæ poëtarum defensiones proponuntur
ab Aristot. desumptæ.



- Defensio prima ex eo petita, quod poëta peccatum duplex sit, alterum proprium, & per se, alterum extrinsecus accidens, & quodammodo alienum. pag. 1
Defensio secunda ex decoro, & ex eo, quod poëta res fingat, quemadmodum decuit, aut oportuit esse. 4
Defensio tertia ex opinione vulgari, ac fama peruerteri de re, quam poëta commemorat. 4
Defensio quarta ex usu, & consuetudine illarum gentium, quarum actiones imitatur poëta. 6
Defensio quinta ex ijs, quæ rem circumstant. 7
Defensio sexta ex varia significatione eiusdem vocabuli apud gentes, & populos varios. 8
Defensio septima ex metaphora, verboq. translato. 10
Defensio octaua ex accentus mutatione, quæ longè variam eidem vocabulo significationem impertitur. 11
Defensio nona ex interpunctione, variaq. membrorum in oratione divisione. 13
Defensio decima ex amphibolia, verborumque ambiguorum explicacione. 14
Defensio undecima ex alicuius vocabuli usu communi. 15
Defensio duodecima ex interpretatione alicuius vocabuli, cui multiplex, & varia significatio sit. 15
Defensio tertiadecima ex depulsione præiudicata alicuius opinionis. 16
Defensio quartadecima ex eo, quod credibile sit, multa re ipsa fieri, quæ nos fieri non posse putamus. 17
Defensio quintadecima ex ratione, ac modo, quo à Dialecticis sophismata soluuntur, & elenchi. 18
Defensio sextadecima ex varijs doctorum hominum opinionibus, quarum singulas quantumuis pugnantes sequi, ac probare varijs locis poëta potest. 18

Quæstiones, quæ in ijsdem Vindicationibus
expenduntur.

Ex primo lib. Aeneid.

- | | |
|---|-------------|
| A N Virgiliani operis initium sit. Ille ego, qui, &c. | 20.21.22 |
| An Aeneas primus in Italianam venerit. | 23.24 |
| An absurdè, ac præter decorum Iuno Troianis fingatur infensa. | 25.26 |
| An Homero Virgilius anteferendus sit. | 28.29.30.31 |
| An Aeneæ notio aliqua, aut præparatio Virgiliano præponenda operi fuerit. | 27.30 |
| An Aeneas rectè in naufragio timens inducatur. | 32. & seq. |
| An rectè ceruos in Lybia posuerit Virgilius, cedrosue, aut onagros in Italia. | 37.38.39 |
| An in Templo Didonis esse pictura debuerit. | 40 |
| An Dido Aeneæ fuerit aequalis, eademq. floruerit ætate. | 41 |
| An iure pius dicatur Aeneas. | 47. & seq. |
| An cum Aeneæ pietate congruat, quod viros oīto viuos reseruarit ad bustum Pallantis immolando, quodq. Mago, Lucago, Turno suppli- cibus non dederit veniam. | 53.54.55.56 |
| An Cupidinis in Ascanium conuersio superuacanea sit, contraque mu- lieribus Troianis aliquod dandum hospitium fuerit, quod in opere desideretur. | 56.57 |

Ex secundo lib. Aeneid.

- | | |
|---|-------------|
| A N Poëticæ, atque Historiæ initia differre debeant inter se, & an rectè factum sit initium libro secundo. | 58.59.60.61 |
| Cur Aeneas tam sepe dicatur Pater. | 64.65 |
| An dracones aliqui sint iubati ut scribit Virgilius. | 65.66.67 |
| Fuerit ne Phtbius Achilles, an Larissæus. | 68.69.70 |
| An bene Troianorum aurum dicatur barbaricum. | 71.72 |
| An Aenea de occidenda Helena deliberatio à decoro discedat. | 73 |

Ex tertio lib. Aeneid.

- | | |
|--|----------|
| A N rectè tertij libri narratio à narratione secundi seiuæta fue- rit. | 78.79 |
| An molitus classis sub Antandro verosimilis sit. | 80.81 |
| Cur ad tumulum Polydori sanguis è fruticibus fluxerit, & an sacrificium illud in Thracia ritè peractum fuerit. | 82.83 |
| An Delos insula verè, aut verisimiliter mobilis aliquando fuerit. pag. | 83.84.85 |
| An Dij Penates, & vates Helenus rectè configuant ad famam, nec a- liunde rem cognitam habere videantur. | 86.87 |
| An Sicilia ab reliqua Italæ parte diuulsio ad Deos potius, quam ad maris | |

| | |
|--|-------------------------|
| <i>maris vim referri debuerit.</i> | <i>87.88.89</i> |
| <i>Cur humilis dicatur Italia.</i> | <i>90.91</i> |
| <i>Quid in Aetna descriptione reprehenderint aliqui.</i> | <i>92.93</i> |
| Ex quarto lib. Æneid. | |
| A <i>N Atlantis descriptio, Mercurijque ad cum montem digressio su-</i> <i>peruacanea sit.</i> | <i>94.95.96</i> |
| <i>An Draco peruigil ad Hesperidum bortos somnifero ali papauere de-</i> <i>buerit, ut fingitur.</i> | <i>97. vſq. ad 101</i> |
| <i>Cur Dido moritura alterum tatum dicatur exuta pedem.</i> | <i>102.104.105</i> |
| Ex quinto lib. Æneid. | |
| A <i>N triremis Chimera recte fingatur.</i> | <i>106. vſq. ad 110</i> |
| <i>An columba Veneri matri sacra recte ab Aenea iacularum iciti-</i> <i>bus exposita fuerit.</i> | <i>111. vſq. ad 116</i> |
| Ex sexto lib. Æneid. | |
| A <i>N rudentes nauium habent recte dicantur.</i> | <i>117.118</i> |
| <i>An Inferorū monstra supra fingēdi leges excogitata sint.</i> | <i>119.120</i> |
| <i>An Palinurus Velinum portum recte nominari eo tempore quo nullus</i> <i>esset.</i> | <i>121. vſq. ad 126</i> |
| <i>An secum pugnet poëta, quod Theseum apud Inferos aeternum sedere</i> <i>scribit, quem anteā dixerat ad superos euasisse.</i> | <i>127.128</i> |
| <i>Cur Dido apud Inferos inter amantes potius in campis lugentiū, quam</i> <i>inter eos, qui sibi mortem consciuerant posita sit.</i> | <i>129. vſq. ad 135</i> |
| <i>An recte Græcorum Vmbræ, conspecto apud Inferos Aenea, per terrefra-</i> <i>cte fingantur, quæ ab eo lædi non poterant.</i> | <i>136.137</i> |
| <i>An in laceratione Deiphobi aliquid Virgilius finxerit historię, ratio-</i> <i>nive contrarium.</i> | <i>138.139.140</i> |
| <i>Cur Sylvius dicatur posthuma proles, qui Aenea longæuo, senique, non</i> <i>mortuo natus sit.</i> | <i>141.142.143</i> |
| <i>Quid geminæ somni portæ significant, & cur Aeneas, ac Sibylla ex e-</i> <i>burnea sint dimissi.</i> | <i>144. vſq. ad 148</i> |
| Ex septimo lib. Æneid. | |
| A <i>N cerui vulnus, ac mors, bellī, quod inter Aeneam, & Latinos</i> <i>exarsit, idonea causa videatur.</i> | <i>149.150.151</i> |
| <i>An in catalogo militum Italorum aliqui numerentur inaniter, ac fru-</i> <i>stra, cum postea nihil agant.</i> | <i>152.153</i> |
| Ex octavo lib. Æneid. | |
| A <i>N Imperatoris boni officium in Aenea desideretur, qui suos in-</i> <i>magno discrimine deserit.</i> | <i>154.157.158</i> |
| <i>An licuerit Virgilio facere Tyberim, siluasq. mirantes.</i> | <i>159</i> |
| Ex nono lib. Æneid. | |
| A <i>N Troianarum nauium in Deas metamorphosis reprehensioni</i> <i>obnoxia sit.</i> | <i>161. & seq.</i> |
| <i>Quæ</i> | |

- Quæ nam diei pars melior, quæve deterior à Virgilio, alijque dicatur
 auctoribus. 167. 168. 169
- An vera sint, quæ de pueris gelu duratis in Italia scribit Virgilius:
 quarumue nationum ille mos fuerit. 170. 171. 172
- Aquila ne cygnū in certamine vincat, ut singit Virgilius, an contra
 vincatur à cygno. 173. 174
- An Inarime vox una rectè sit à Virgilio conformata, cum & duæ, &
 diuersa significantes apud Homerum sint. 175. 176
- An flavi epitheton Tyberi fluui rectè conueniat. 177. 178. 179. 180
- Ex decimo lib. Aeneid.
- A**N Etruria, Italiaeque loca ordine perturbato recensere Virgilio
 licuerit in Catalogo. 181. 182
- Vn Virgilio pugnantes opiniones sequi fas fuerit, ac dicere, diem obitus
 esse cuique fatalem, & mori tamen aliquos ante diem. 183. 184. 185
- An verosimile sit, Lucagum ab Aenea fuisse nomine suo compellatum.
 pag. 186. 187
- An rectè Orodem moribundum inducat Mezentio vaticinantem exi-
 tium. 188. 189
- Ex undecimo lib. Aeneid.
- A**N cygni rectè dicantur à Virgilio rauci, cum sint maximè cano-
 ri. 190. 191
- An equus Pallantis rectè in domini funere lacrymans inducatur, cum
 lacrymæ vni datae homini videantur, ut risus. 192. v/q. ad 195
- Ex duodecimo lib. Aeneid.
- A**N singulare certamen inter Aeneam, & Turnum prudenter, &
 cum ratione singatur. 196
- An Virgilij poëma sit absolutum, ac perfectum, in quo nuptiæ, nouique
 regni inita possessio desideratur. 198. & seq.
- An in opere Virgiliano una sit fabula, & una actio. 202
- Ex tribus orationibus de Virgilij
 allegoria.
- A**N in Epopœia poëtarum uniuersè, nominatimque in Virgiliana
 lateat allegoria, & aliqua interioris doctrina philosophiæ. 210
- Num doctrina, & philosophia, quæ comprehenditur in opere Virgiliano,
 de moribus, ac ciuili gubernatione sit, an de natura. 220
- An ipsa morum, & ciuilis doctrina, quæ in Aeneide continetur, certa
 ratione tradatur, ac via; sic prorsus, ut perpetua, nec interrupta pre-
 ceptorum series sit. 234

R E C E N S I O C A P I T V M ,
quæ tractantur

In Commentario de Tragœdia .

| | |
|--|----------|
| P roœmium. In quo Notatio , Antiquitas , & Definitio Tragœdiæ traditur . | pag. 249 |
| De fine, qui Tragœdia propositus est. Caput I. | 251 |
| De Tragœdia partibus uniuersè. Cap.II. | 254 |
| De Fabula. Cap.III. | 254 |
| De Moribus. Cap.IV. | 257 |
| De Sententia. Cap.V. | 261 |
| De Dictione. Cap.VI. | 263 |
| De Apparatu. Cap.VII. | 266 |
| De Scena. Cap.VIII. | 269 |
| De Machinis, & aulais. Cap.IX. | 271 |
| De Histrionum indumentis. Cap.X. | 273 |
| Appendix. Ad Apparatum. de Tragœdia peragendæ, recitandaque ratione . | 274 |
| De Partibus quantitatis. Ac primo quidem de Prologo. Cap.XI. | 275 |
| De Episodio. Cap.XII. | 276 |
| De Exodus. Cap.XIII. | 277 |
| De Choris. Cap.XIV. | 278 |
| Appendix ad Chorum, & eiusdem officia . | 284 |
| De Commo. Cap.XV. | 287 |
| De alia partium, quæ quantitatis sunt, diuisione. Cap.XVI. | 289 |
| De Protaſi. Cap.XVII. | 290 |
| De Epitaſi. Cap.XVIII. | 291 |
| De Cataſtrophæ. Cap.XIX. | 292 |
| De Generibus Agnitionum varijs. Cap.XX. | 297 |
| De alia quadam Agnitionum partitione. Cap.XXI. | 304 |
| An extra Scenam cædes proferre fas sit. Cap.XXII. | 306 |
| E superioribus errandi modis , quis nam in Tragœdia præstantior sit . Cap.XXIII. | 309 |
| An insigni, vel probitate, vel scelere prædicti homines idonei Tragœdiae sint. Cap.XXIV. | 314 |
| An illæ Tragœdia felici exitu terminatae , dici potius Tragicocomœdia debeant. Cap.XXV. | 318 |
| An argumentum Tragœdiæ possit esse planè confictum , & commentarium. Cap.XXVI. | 320 |
| An Tragœdia sit Heroico Poëmate præstantior. Cap.XXVII. | 323 |

R E C E N S I O C A P I T V M ,
quæ tractantur

In Commentario de Comœdia .

| | |
|---|----------|
| P Roœmum; in quo definitio traditur . | pag. 327 |
| De Notatione, atq. Etymologia Comœdiae. Cap.I. | 329 |
| De varijs Comœdiarum generibus apud Græcos. Cap.II. | 331 |
| De Comœdiarum alia partitione apud Latinos. Cap.III. | 332 |
| An ex hisce Comœdijs quælibet sit imitata deteriores. Cap.IV. | 335 |
| Cur ex omni mortalium numero Comœdia sibi se posuerit imitandos dete- riores. Cap.V. | 337 |
| An ridiculum conueniat in omnes Comœdiae formas. Cap.VI. | 338 |
| Quorsum Comœdia risum excitet. Cap.VII. | 339 |
| Quæ sint causæ ridiculi , quibusque sit è fontibus petendus risus . Cap.VIII. | 340 |
| De Personis ridiculis. Cap.IX. | 341 |
| De rebus ipsis, quæ dicuntur, agunturq. ridiculè. Cap.X. | 348 |
| De alijs quibusdā locis, vnde peti dicta, & ridicula queāt. Cap.XI. | 349 |
| De Comœdia partibus vniuersè. Cap.XII. | 353 |
| De partibus qualitatis. Cap.XIII. | 353 |
| De musicis modis, ac Tibijs Comœdiarum. Cap.XIV. | 356 |
| De partibus quantitatis. Ac primo quidem de Titulo. Cap.XV. | 359 |
| De Argumento. Cap.XVI. | 361 |
| De Prologo. Cap.XVII. | 365 |
| De Actibus. Cap.XVIII. | 368 |
| An Actus omnino, ac prorsus oporteat esse quinque. Cap.XIX. | 372 |
| De Scenis. Cap.XX. | 373 |
| Quid in singulis sequendum, & faciendum sit Actibus. Cap.XXI. | 375 |
| De Fabulis illis, quæ dictæ sunt à nouis scriptoribus Tragicocomœdiae. Cap.XXII. | 377 |
| De Comœdijs illis, quæ Pastoritiae nominantur. Cap.XXIII. | 378 |



R E C E N S I O C A P I T V M ,
quæ tractantur

In Commentario de Elegia.

| | |
|---|----------|
| E Legiæ antiquitas, & scriptores. Caput I. | pag. 383 |
| Notatio nominis, & etymon Elegiæ. Cap. II. | 384 |
| Elegia Materia. Cap. III. | 386 |
| An Elegia sit vere Poësis, ubi de poëtica, deque imitatione agitur uniuersè. Cap. IV. | 395 |
| Ad quam Poëseos formam reuocetur Elegia . ubi de poëticæ generibus agitur singulis. Cap. V. | 401 |
| De Elegiæ partibus uniuersè. Cap. VI. | 412 |
| De partibus quantitatis. Cap. VII. | 413 |
| De Inuocatione. An omittenda sit. Cap. VIII. | 413 |
| De Principio, & Propositione. Cap. IX. | 416 |
| De Narratione. Cap. X. | 418 |
| De Episodio. Quid sit, & quotuplex. Cap. XI. | 420 |
| De duplice Episodio Elegiæ. Ac primum de longiore. Cap. XII. | 421 |
| An Episodium Elegiæ sine redditu probabile sit. Cap. XIII. | 425 |
| De altero Episodio Elegiæ breuiori. Cap. XIV. | 437 |
| De Fine. Cap. XV. | 441 |
| De partibus Qualitatis . Ac primò quidem de Constitutione .. Cap. XVI. | 451 |
| De Moribus. Cap. XVII. | 453 |
| De Sententia. Cap. XVIII. | 455 |
| De Dictione. Cap. XIX. | 459 |



M V T I V S V I T E L L E S C V S,
Societatis Iesu Præpositus Generalis.

CVm Vindicationes Virgilianas , & tres Commentarios de Tra-
goedia, Comœdia, & Elegia, P. Tarquinij Gallutij Societatis no-
stræ, tres eiusdem Societatis, quibus id commisimus, recognoue-
rint, ac in lucem edi posse probauerint ; facultatem concedimus,
vt typis mandentur, si ita Reuerendissimo D. Vicesgerenti ; & Re-
uerendissimo P. Magistro Sacri Palatij videbitur. In quorum fidem
has litteras manu nostra subscriptas, & sigillo nostro munitas de-
dimus . Romæ 26. Februarij 1620.

Mutius Vitellescus.

*Imprimatur, si videbitur Reuerendissimo Patri Magistro Sacri Pala-
tij Apostolici.*

Cæsar Fidelis Vicesgerens.

EGo Petrus Arcadius Corcyraeus , de mandato superiorum hoc opus
eloquentissimi, ac religiosissimi Patris Tarquinij Gallutij summa
animi voluptate perlegi; quod varium, multiplex, ac eruditionis ple-
num sit . Proinde dignissimum censeo, quod in lucem prodeat . Non
enim dubito , quin deinde frequenti usu , & lectione doctissimorum
virorum, qui præ manibus illud habituri sunt, teri debeat. præsertim
eorum, qui bac ingenua nobilissimaq. facultate Poëtices oblectantur;
& diuini Poëta Virgilij , alterius nimirum Homeri latini , mirum
artificium, grandiloquum genus carminum , grauitatem sententia-
rum, magnificum argumenti apparatum, ac totius operis maiestatem
inspiciunt, & suspiciunt; & susceptum illius patrocinium aduersus
calumniatores meritò probatissimum habebunt.

*Imprimatur . Fr. Gregorius Donatus Romanus Magister , & Socius
Reuerendissimi Patris Fr. Hyacinthi Petronij Romani Sacri Pala-
tij Apostolici Magistri, Ordinis Prædicatorum.*



TARQVINII GALLVTII SABINI E SOCIETATE IESV

VIRGILIANAE VINDICATIONES
& Dissertationes Poëticae.

PROLEGOMENA.

QVIBVS POETARVM VARIAE
Defensiones exponuntur, ab Aristotele traditæ in
capite Poëtices XXXIII.



RISTOTELES intelligendi summus auctor, omnisq; doctrinæ sine controuersia princeps, traditis vniuersæ poëticæ præceptionibus egregijs, rationes etiam ad extremum proposuit, defendendis à calumniâ Poëtis accommodatas. Eam adeo mihi mentem iniecit, ut Virgilij patrocinium susciperem aduersus eos, qui auerterent aram illam sapientiæ profana propè temeritate contingere. Quo magis mihi faciendum putauit, ut antequam in hunc campum descendarem, locos ipsos Aristotelis explicarem, quos ille tamquam fontes aperuit,

A & ye-

& velut armamentaria quædam esse voluit, vnde Poëtarum defensiones, & præsidia depromeremus. Hinc enim intelligent iij, qui nostras hasce concertationes excepturi legendo sunt (modo lecturi sint aliqui) quasi felicibus à nobis hoc bellum auspicijs suscipi tanto poëticæ magistro, ac duce sic præente; nec frustra me pro Virgilio propugnare inter tam multos, & doctos, & claros viros, qui olim iam in hoc puluere desudarunt. Pauci quippe sunt, qui Aristotelem in rem præsentem aduocarint, cum causam adiudicari Virgilio vellent; & qui aliquam præstantissimi operis partem tutati sic sunt, permultas oppidò indefensas, intactasq; prætermiserunt. Itaque non me deterruit ab hoc labore Modicius, qui defensionem hanc arripuit quidem, sed præcisè, modicèq; tractauit: non Adrianus Turnebus, vir omnirerum cognitione cumulatissimus, qui carptim vndeque delibauit aliqua: non Pierius Valerianus scripturæ castigator accuratissimus: non alij, qui persequendis librariorum vitijs, aut illustrandis exemplorum cumulo locis, olei multum, operaq; plurimum in Virgiliano poëmate posuerunt. Quin aliquam existimauit mihi quoque partem sic esse relictam, vt secundis, tertisque suis etiam relinquitur in studio cursoribus locus. Cum igitur hunc mihi laborem propriè se posuerim, vt ad Aristotelis doctrinam, illud aureum carmen, tanquam ad Lydium lapidem explorarem, vniuersa illa defensionis capita, quæ ab eo Philosopho explicatissimè sunt exposita, ita equidem hoc initio articulatim, enucleatèque propono.

Principio tria quasi fundamenta constituit, quibus innixi facile possimus eorum, qui temerè in Poëtas inuehuntur, obiecta diluere. Primum est, poëtam imitatorem quendam esse, pictoribus, ac ceteris imaginum expressoribus similem: ex quo consequens id esse debeat, vt res imitetur, & exprimat, vel ita prorsus, vt verè sunt, fuerintue, vel vt aiunt fuisse, vel vt decuit, atque oportuit esse. Hoc enim ipsi quoque sequuntur pictores, cum aliquid pennicillo, & coloribus effingunt. quippe qui tales interdum res faciunt, quales verè fuerunt, aut sunt; interdum tales, quales eas fuisse fama vulgavit, interdum eiusmodi, quemadmodum eas esse decebat, si decorum & ratio consuleret. Secundum: res ipsas, siue eas quæ verè ita sunt, siue quæ dicuntur ita fuisse, siue quas sic esse decet, exponi, ac exprimi à Poëtis beneficio locutionis ornatae luminibus, ac figuris quidem omnibus, sed potissimum verbis translatiis, alijsque qualitatibus orationis, quæ facile poëtarum nationi conceduntur, & eorum propriæ iudicantur. Tertium: ea quæ in poësi peccantur, duplice ratione, ac modo peccari. *καὶ αὐτὸν, καὶ τὰ ἀποτελέντα.* semi-barbarè, certè non ita Latinè, dici potest per se, ac per accidens. Per se quidem peccari tum ait, cum in ipsa poëtices arte propriæ,

priè, verèque peccatur: per accidens,cum ex aliarum artium , velutī Medicinæ, Politicæ , Astrologiæ , aliarumq; similium ignoratione fit , vt poëta labatur. Exemplum peccati *κατὰ συμβεβηκός* , hoc est , per accidens , ex eo poëta desumi posse ait , qui equum faceret crus dextrum,sinistrumq; anticæ,posticæque partis ex eodem latere simul attollentem ; cum equorum , aliorumque quadrupedum animantium natura sic tulerit, vt cum duos vtrinq; pedes simul attollunt è terra, priorem ex vno latere,posteriorem ex altero subleuent , vtrumq; simul ex utroque latere,mouere,ac tollere sine casu,ac prolapsione non queant; quod idem docuit Aristot. in libro de incessu animalium,càlidèque vidit artifex ille , qui Capitolinum equum , Antoninum Imperatorem ferentem,ex aere pulcherrimo affabre fecit . Hoc inquam erratum Aristoteles esse dicit ex accidente, quia illa cognoscere tam accuratè , ac probè tenere , non est poetæ, sed eius , qui de animalibus , & eorum incessu sedulò , & dedita opera docet . His totius patrocinij firmamentis ita positis,dispositisque,aggreditur rationes ipsas defensionis varias ex ijs existentes enumerare .

D E F E N S I O I.

Prima defensio petitur ab eo , quod postremò loco dictum de tertio fundamento est . Ait enim peccatum per accidens , quod in alienis admittitur artibus , erratum quidem esse , sed condonandum poëtae,tū præsertim cù eius errati beneficio artis poëticæ finem multò melius , ac magis assequitur : assequitur autem melius , si sic errans , ac peccans facit tamen,vt res admirabilior sit, & stupore quodam afficiat legentem, aut auditorem . Exemplum proponit ab Homero desumptum , cum facit Hectorem nullis stipatum comitibus, planèque solum Græcorum omnem exercitum auertentem in fugam, & compellentem ad naues . Hoc enim in arte militari peccatum est, vt ibi docet Alexander Piccolomineus : quia nemo militiæ sciens ea diceret , aut facta esse commemoraret , quæ ab vno tantum homine fieri ex arte bellica , & fortitudine militari non possunt . Sed tamen hoc ipsum erratum videtur esse condonandum erranti ; quoniam sic magis oblectat , atque in admirationem legentes rapit: qui finis , vt alibi quoque ab Aristotele dicitur , est poëtae , poëticæque propositus . Hunc locum sic,vt diximus exponendum esse de peccatis in alieno accidentibus artificio, docet Petrus Victorius,& Piccolomineus , quem paulò ante laudauimus . Nec audiendus est Robertellus : qui putauit Aristotelem veniam ijs dare , qui peccant in arte ipsa poetica , & per se . Qui enim fieri potest, vt ij melius assequantur artificij finem, qui in ipso peccant artificio,quod tractant , ac profitentur?

4 PROLEGOMENA

Itaque cum ibi hæc apud Aristotelem legimus. Ac primò quidem si quis aduersus artem peccauit: artem alienam intelligere debemus, non propriam, ac poëticam, à qua vel leuissimè declinare sine graui sapientium reprehensione non licet. Ceterum quia videbatur nimia dari licentia poëtis, si omni liberarentur culpa, cum in aliena facultate suo iudicio, ac voluntate peccarent, veniam illam ijs circumscripsit legibus Arist. vt si propositum consequi finem poëta sine ullo artis alienæ peccato possit, faciendum sibi esse putet, vt errorem illum quoque aduentitium, externumq; subterfugiat. Etenim, inquit, optandum est, vt quoad eius fieri possit, nulla ratione peccemus. Sed tamen ad extremum illud adiungit; peccatum hoc extrinsecus accidentis, siue iudicio sit admisum, siue ex ignorantia artis alienæ, siue accommodatius sit ad legentium oblectationem, siue minus accommodatum, semper esse leuius, quam erratum poëticæ proprium. Ut cum Pindarus, & Callimachus ceruas fecerunt cornutas, peccarunt illi quidem, inquit, sed multò peccarunt minus, quam si ceruas male fuissent imitati, nec eas, quod ad reliquas partes attinet, suis coloribus expressissent: id enim poëticæ proprium est, nec in eius artificio desiderari debet.

DEFENSIO II.

Secunda defensio nascitur ex ijs, quæ in primo posita sunt fundamento. Si enim, inquit Arist. eo nomine reprehendatur poëta, quod minimè vera narret, atque commemoret, respondere appositiè poterit, ita se res exposuisse, vt eas decuit, atque oportuit esse, si decori, perfectiè; ratio sit hadenda. Ita quidem se purgabat in hec genere Sophocles, cum diceret, personas se tales effingere, quales esse deceret, vt eodem loco ait Aristoteles. Et profectò sic suo fungi debet officio poëta, vt exprimat in uno quoque genere pulcherrimum, hoc est perfectissimas illas rerū formas, quas Plato appellabat ideas. Si quid igitur in ijs, quæ versibus imitatur est vitij, haud secus ac aliquis pictor in artificio callidus, emendabit, & corriget; eaq; ita fuisse finget, vt illæ rerum absolute postulant ideæ, quas animo consignatas habet.

DEFENSIO III.

Tertia defensionis ratio ab eodem ducta fundamento tum praestò erit, cum poëta eo nomine reprehendetur, quod rationi minimè consentanea fixerit. Responderi quippè potest, ijs de rebus, ita famam, ita vulgarem hominum opinionem, communemq; sententiam.

tiam ferre, vt à poëta eas fuisse canitur, ac perhibetur, atque id nominatim dici, & responderi posse ait Aristot. in ijs, quæ præter rationem omnem, ac modum passim, vulgòque de Dijs commemorantur. Nam Platò in secundo, & tertio de legibus Homerum, aliosque poëtas vehementer accusat, quod in Deos ea conferant, quæ scelestissimi homines, ac profligatiissimi vix patrare soliti sunt. Et Proclus à Platone discipulus in libro quæstionum Platonicarum, quæstione prima, cuius index est; cur Plato poëtas in suam Remp. non acceperit, affirmat, Homerum multa non admodum honestè mentiri de Dijs; quibus nimirum ea tribuat, quæ mortalium propria sunt. His igitur accusatoribus docet Aristot. responderi debere, ea quæ de Dijs in hominum animos, opinionesq; semel irrepserant, tametsi absurdæ essent, ac turpia, non fuisse tamen aliter à poëtis exponenda, quam ab antiquis tradita, & veluti per manus accepta subinde fuissent: laudatque Xenophanis Philosophi Colophonij dictum. Is enim cum eos refelleret, qui nihil vellent de Dijs prodi nisi sanctum, & castum, docere ac respondere solitus erat. At vulgò non ferunt hæc. *ἀλλ' οὐ φασι ταῦτα.* Et sanè Philosophi potius veteres accusandi sunt, si quid in eo genere peccatum est: qui dum sapientiam, rerumque scientiam naturalium voluerunt occulere, nec patere omnibus, fabularum, figuræ, symbolicæ, doctrina huiusmodi narrationes extitisse de Dijs ab ipsorum natura, & maiestate prorsus abhorrentes. Hæc inquam erant, quæ respondebat Xenophanes cum videret eo nomine Homerum reprehendi, quod multa de Dijs à ratione plurimum aliena tradidisset. *ἀλλ' οὐ φασι ταῦτα.* At vulgò non hæc loquuntur de Dijs homines, quæ vos locutum fuisse velletis Homerum perinde, ac si diceret: ea quæ Homerus de Dijs, quantumuis absurdæ, & turpia prodidisset, fuisse desumpta ex communi mortalium opinione de Dijs. Itaque concedendum est, vt ait Aristoteles, melius de Dijs dicere, ac sentire poëtas potuisse; sed tamen id etiam est addendum: defensionem ijs idoneam ex illa vulgata, communique hominum opinione suppeterem. Id verò sibi voluisse Aristotelem eo loco demonstrabit eius oratio, quæ à Paccio latinè sic redditur. Fortasse enim sic dicere (hoc est ea de Dijs comminisci) neque meliorem in modum, neque secundum veritatem fuerit: sed tamen ita contingit, vt Xenophanes ait. *at vulgò non ferunt hæc.* Quibus in verbis perpendendum est accuratè quod dicitur [neque meliorem in modum.] Dicitur enim in eam gratiam, vt intelligamus hanc à proximè superiore defensionem propterea differre, quod illa contendet, ita res ef-

figi satius, ac melius fuisse; cum ad perfecti formam exactæ sint; hæc dat, conceditque, meliora esse contraria, quām quæ finguntur; sed quia translatitia sunt, ac per manus accepta, immutari non debuisse. Neque enim dici facile potest in quātam incurrisset populi offenditionem, qui emendare voluisset inueteratas illas de Dijs opiniones.

DEFENSIO IV.

Quarta defensio repetitur item à primo fundamento: ubi dicitur, interdum à poëtis tales effingi res, quales verè fuerunt. Existere quippe potest accusatio superioribus omnino contraria. Ut si dicatur: esto: afferat interdum poëtis, vel decorum, & perfecti ratio, velfama, & communis opinio istam mentiendi necessitatem, interdum tamen errare videntur in ijs, in quibus aliquod apparet insigne vitium, nec cernimus id quod dicitur esse melius, quām si contrarium diceretur. Huiusmodi ait Aristoteles esse, quod de Diomedis armis in Iliadis x^o. canitur ab Homero. Cum enim significare, atque ostendere vellet, Diomedem vñā cum suis humi cubantem ita de nocte dormisse, vt tamen haberet omnia parata, expeditaque ad tuendam salutem, subitumque hostium impetum propulsandum, dixit, Diomedem ipsum, eiusque milites ita collocasse lanceas, vt erectæ starent, ima parte humi defixa, atque ut verius dicam instrumento quodam inclusa, quod spiculorum, lancearumque recipiendorum causa humi figebatur. Ait enim disertè hastas illas erectas stetisse σταυρωτοῖς. Eustathius autem docet, σταυρωτοῖς Græcos appellasse ferrum quoddam excaatum, intra quod, cum esset humi defixum, hastæ, & spicula collocabantur; tum ut erecta facilius starent, tum ut ne ima pars hastarum obliqua limo corrumperetur. Si quis igitur Homerum errasse dicat, quod hastas ita defixas intra thecam illam ferream fecerit, ut quoniam erant refigenda, illico in subeuntes aduersarios conuersti non possent; ac non potius sinxerit in hostes iam directas, atque in eam conuersas partem, vnde illi venturi putabantur; si quis inquam hæc reprehendat, respondere nos iubet Aristoteles, vsum illum antiquorum fuisse Græcorum, quorum Homerus in toto illo poëmate mores effingit. Ea quippe tempestate Græci cum hastas paratas, ac expeditas haberent, sic, ut à poëta dicitur, habere soliti erant: qui mos, inquit, etiam nunc apud Illyricos retinetur. Itaque in hac etiam defensione dādum est, accommodatius quidem futurum fuisse, ac melius id, quod aduersarij contendunt, si spectetur res ipsa per se (quis enim non videt, spicula in hostes conuersa multò paratiora esse, quām ea, quæ humili sunt, atque intra thecam defixa?) sed tamen quia visus earum gentium id fingi à poëta non patiebatur, rem exprimere talem oportuit, qualis

qualis verè fuit, non qualem esse decuit ex perfecti ratione, absoluti^{q;} præscripto. Non enim propterea poëta prorsus abhorret à vero, quod verosimile illi propositum sit ad imitandum. vtrumq; enim permisit: sed dicitur tamen propter ampliorem partem, potiorem q; verosimile potius sequi, quam verum.

D E F E N S I O V.

QVINTA defensio hæret item in primo fundamento. Habet enim confirmationem quandam rationum, cur aliquid ita singi, aut commemorari oportuerit, vt à poëta factum, & commemoratum est. Ait ergo, cum aliquid reprehenditur à poëtis dictum, factumque perperam, intuendum esse non modò quod dicitur, fingiturè, sed ea, quæ Græcè dicuntur *σειστίς*: semilatinè circumstantia: hoc est eum qui agit, aut dicit, eum, cui aliquid dicitur, aut aduersus quem, aliquid fit, quando, cui, cuius gratia: veluti boni maioris causa, vt fiat, mali maioris causa, ne fiat. Monet nimirum hæc defensio eos, qui poëtas à criminacionibus vindicare voluerint, vt non illa tantummodò spectent, quæ dicuntur, aut fiunt, verum etiam, à quo, cui, quando, cur, & cuius rei gratia dicantur, aganturue. Faciunt enim sàpè loca, personæ, tempora, aliaque rerum genera, quæ ibi persequitur Aristoteles, vt quod alioqui turpe videtur, aut absurdum, honestum, & prudenter excogitatum esse videatur. In tertio Iliad. vt hoc exempli causa dicatur, Menelaus illa quidē impudenter, ac impiè iactat in Iouem.

Zeuς μάτερ οὐντος στόλος θεῶν ἐλούστερος ἀλλος:

Iuppiter ò pater haud te est pernicioſor ullus.

Quæ sine dubio essent in Homero reprehendenda, nisi dicerentur à Menelao supra modum irato, ac pene furente. Huc etiam pertinet, quod Aristoteles tradit in secundo Rhetor. de Hygieonte. qui Euripidem idcirco reum fecit, quod in quadam Tragedia dixisset esse perierandum. A tempore quippe, ac loco suæ causæ purgandæ rationem idoneam sumpsit Euripides apud Iudicem; affirmans, Bacchanalibus id à se fuisse prolatum in scena: perinde quasi diceret, vacare culpa, & reprehensione illo tempore, ac loco debere, quæ cæteroqui non reprehensionem modo, sed pœnam, atque supplicium commarerentur. Nihil attinet ceteras peristases exemplis illustrare. notæ sunt ipsæ pœna, in primisq; finis, & id cuius gratia aliquid dicitur, aut fit. quod profectò spectandum est plurimum. Sàpè enim aberrare videntur à decoro poëtæ, cum decoro maximè seruiunt. quippe qui multa dicunt, aut comminiscuntur boni maioris gratia, multa vitandi, declinandi^{q;} maioris mali, vt dicitur hic ab Aristotele.

• P R O L E G O M E N A

D E F E N S I O V I .

Sexta defensio aggreditur exponere rationes , quæ peti possunt à secundo fundamento, vbi positum est, esse diligenter inspiciendas locutionis varias qualitates, ac formas: quæ faciunt sèpè, vt eiusdem orationis varijs locis sententia variet. Affirmat ergo primum Aristoteles, id accidere, atque vsu cuenire sèpissimè, vt vocabulo poëta vtratur aliquo, quod apud aliam gentem aliud planè significet, quam quod apud eam notat, cuius lingua ille versus suos , ac poëmata scripsit. Iubet ergo lingua nos vim perpendere, qua poëta in scribendo est usus , qui reprehenditur. idque magis exponit, declaratq; tribus omnino ab Homero acceptis exemplis. Primum est Iliad. primo; vbi vulgatissimè illius pestilentiae Apollinis ira in castra Græcorum debacchantis aggressus initia commemorare , ait primum ea lue correptos esse. quæ vox vulgo apud Græcos significat mulos. atque ita latinam illam fecere aliqui, qui sunt Homerum versibus interpretati .

Primum lethiferis petiūt Deus agmina telis

Mulorum, atque canum: tandem discrimine nullo

Ipsos Argolicos iaculis inuasit acutis.

Cum ergo insimularetur Homerus, quod sine consilio, ac propè ioculariter inter animantia, quæ primum ea pestilentiae vis afflasset, posuisset mulos, respondet pro eo causam agens Aristoteles, defendi Homerum facile posse, si non Græcorum tantum , sed aliarum quoque gentium finitimarum linguam, & vocabula respiciamus. Quamquam enim οὐτε Græcis ipsis est mulus , alijs tamen gentibus est custos : adeoque contendit, Homerum ea voce indicare voluisse, non quidem mulos , sed vigiles, & custodes castrorum : qui quoniam sub dio pernoctant, ac pro foribus excubant, magis erant quam alij, pestilentiae, ac lethiferis illis telis Apollinis opportuni. Et profectò canes , qui subiunguntur, hanc maximè probabilem faciunt coniecturam: cum ipsi quoque custodes Regum essent , & custodia causa Heroicis temporibus à Regibus alerentur, haberenturq; perdiligenter . Idcirco in Odiss. libro secundo Telemachum in concionem euntem comitantur δύο κύνες ἀπό duo canes cursu celeres , ac velocias. id quod in Euandro Virgilius expressit Aeneid.viiij.

Nec non & gemini custodes limine ab alto

Procedunt, gressumq; canes comitantur herilem.

Nam quemadmodum vigiles illi, excubitoresq; pro portis, omnium militum maximè erant expositi pestilentiae, sic inter alias animantes, ac mutas belluas canes omnium primi corripiendi fuerunt , qui castrorum ostia , ipsorum Regum , ac Principum tentoria , dies , no-
ctesque

Atque tuebantur. Recte igitur Homerus de pestilentia.

Οἴγνα μὲν τρῶτον ἐπάρχετο οὐ νονάς εἰρηνής :

Gustodes primum inuasit, celeresq; molossoſ.

Secundū exemplum petuiuit ex Iliad.x. vbi de Dolone ait Homerus.

Οὐδὲ τοι εἶδος μέν εὖ κακός, οὐλλὰ πολέμων :

Turpis erat specie: plantarum at robore pernix.

In quo quidem idcirco peccare videtur, quod cum *εἴδος* accipere tur vulgo pro forma totius corporis, omniumq; structura membrorum pugnantia loqui videbatur, cum diceret, cum cursu velocem, summaq; pedum esse præditum perniciitate, quem ante dixisset, habere turpem formam, hoc est totius corporis habitudinem, constitutio nemq; membrorum prauam, ac vitiosam. Volunt enim cursores celerimi compositionem corporis egregiam, singularemq; membrorum omnium symmetriam, ex qua existit agilitas, vt docet Aristoteles ipse in secundo Rhet. Sed huic criminationi Aristot. hic occurrit, affirmans eam vocem *εἴδος* non sic interpretandam esse, quemadmodum vulgo usurpabatur, sed ex consuetudine, vsuque Cretensium, qui cum aliquid appellant *εἴδος* id intelligunt, quod pulcram, elegantemq; faciem habet. Quare dempta particula *εύ*, separatum, abiunctumque vocabulum *εἴδος* nihil aliud erit apud Homerum eo loco, nisi facies, significabitque, Dolonem turpi fuisse, prauaque facie, non enormi, deformiq; corpore; atque vt loquitur Aristoteles *ἀσυντέλεια*. Iure igitur addere potuit *οὐλλὰ πολέμων*. sed pedibus velox, quia fieri facile potest, vt turpi aliquis facie sit, sed membrorum tamen habeat conuenientiam optimam, & symmetriam. Tertium exemplum assignatur in Iliad. ix. vbi Ulyssi, & Phoenici à Græcorum Principibus ad placandum Achillem allegatis Patroclus eiusdem Achillis iusu conuiuum parat. Inducit enim Achillem Homerus imperantem Patroclo, vt legatis illis in conuiuio præbeat *ζεψίτεον*.

*Μεγάρα δὲ κερατία Μερόντια ἦν κατίσια,
Ζεψίτεον δὲ κερατία δέντας δὲ τυφενές εἶδον.*

Maiores nobis Statues cratera Patrocle,

Vinaq: miscebis generosa meracius, atque

Vt sua cuique adsint curabis pocula prompta.

Ita latinè reddidit hos versus aliquis ; ratus *ζεψίτεον* esse vinum, merum, siue meracius. Id quod sanè vox illa vulgo significat. Sed Aristoteles docet, aliam eo loco illi vocabulo subiectam esse notionem ; & Homerum à Zoili calumnia vindicandum esse, qui dicere solitus erat, non debuisse propinari hospitibus illis vinum meracius tāquam ebriosis, & violentis. liberandum, inquam, Homerum ab ea criminatione docet, quod *ζεψίτεον* ibi non pro vino meraciōri positum sit, quo delectantur ebriosi, quemadmodum vulgo ponebatur ab alijs ; sed

sed pro comparatiuo, siue pro aduerbio, celeritatem, & festinationem significante . sic inquam , vt iubeat Achilles dari conuiuum legatis ζερότερον, celerius , & festinatius . καὶ τὸ ζερότερον δὲ κέραυγε, ἐπὶ τῷ ἀκρατον ὁσιόθελος, διὰ τὸ σάτην, inquit Aristoteles . quasi dicat , & cum dicitur ζερότερον præpara , siue præbe , ac propina, non iubetur præparari me-raciū vinum , quod proponitur vinolentis , sed conuiuum adorna-ri festinanter , ac citò: quod legatis subito in tentorium introgressis erat celeriter exhibendum.

DEFENSIO VII.

S Eptima defensio ponitur in metaphora. Nihil enim est apud Poëtas frequentius, quam vt id , quod absurdum alioqui videbatur , beneficio tamen translationis dicatur appositi . Quatuor hoc Aristoteles explicat exemplis , accersitis item ab Homero . Primum est in Iliad. secundo, in exordio, quod aliqui latinitate sic donant.

*Altera turba Deum, noctem, populiq; Pelasgi
Per totam placido mulcebant corpora somno.*

Si enim dicat aliquis imprudenter, & stulte cani, Deos totā noctem dormire, qui dormiant numquam, confugere nos docet Aristoteles ad metaphoram. Poëta quippe cum significare vellet, non homines modò , sed Deos etiam eo tempore cessasse , non potuit aliter Deorum exprimere quietem, nisi ducta similitudine à quiete mortaliū, quam cognitam habebat. Eadem defensione Virgilium facile tuearis cum de Ioue nō dubitat dicere. Oscula libauit Natæ. Olli subridēs, &c. Humana quippe metaphoricè transfert ad Deos : quia cum hominibus esse sibi sermonem intelligit , qui de Dijs nihil informabant animo , nisi quòd ē rerum humanarum expressum simulacris intuebantur. Secundum exemplum est in Iliad.x. de Agamemnone. qui graibus conflictabatur curis , nec vt reliqui Duces somnum oculis capere poterat , adeoque dicitur ab Homero de multa nocte campos respicere , ac contemplari Troianos.

Siue hinc in campum Teucrorum lumina vertat.

Si quis igitur hoc etiam irrideat , quod Homerus eum faciat videntem intempesta nocte, atque inter tenebras Troianum campum , respondere oportebit, id dici per translationē: vt intelligas non quidē oculis Agaménōem eum campum aspexisse , sed animo & cogitatione. Ducum enim est, & eorum, qui populis præsunt, de nocte, ac tum etiam cum ceteri somnum capiunt, cogitare de hostium consilijs, eorumque copias, ac vires animo reputare . Tertium exemplum ex eodem omnino sumptum est loco. vbi confirmat Homerus, vehementissime commotum Agaménōem esse , audientem fistularum tibiarumq; sonum

sonum in Troianorum castris , cum interea Græcorum ceteri dormirent omnes . Poteſt enim aliquis dicere, non eſſe credibile, omnes tum in tam magno exercitu dormiſſe, ac neminem, ſi Agamemnonem excipiās , vigilaffe . Respondendum itaque cenſet Aristoteles , omnes ibi poni pro multis ; cum omne nihil aliud sit, quām aliquid multum . Quartum exemplum eſt in Odyſſ. v. vbi dicitur Vlyſſes intentus nauigationi, cœlum, ac ſidera respicere , aliaque obire officia ſolertiſſimi gubernatoris . Ait igitur Homeruſ eo in loco ſolam Vrſam non occidere , illud ſidus vnum Oceani fluctibus haud lauari . quod Virgi- liuſ imitatus ita circumſcripſit amplius .

Arctos oceanii metuentes æquore tingi.

Hic etiam exiſtere aliquem poſſe Aristoteles autumat poëta repre- hensorem, accuſantem, arguentemq; , quōd ſolam Vrſam expertem o- casus dixerit , cum tamen id in alia quoque ſidera, quæ in eodem Ar- ctici poli circulo ſunt, vbi locantur Vrſæ, cadere, ac conuenire perap- poſite queat . Ergo rationem ſoluendi nodi petit ſimiliter à metaphorā. respondet enim voluiſſe poëtam ſignificare, inter clarissima, & no- tiſſima nobis ſidera Vrſam vnam eſſe , quæ non tingatur oceano: alia ſi qua ſunt, quæ non occidunt, & mergantur , obſcuriora eſſe , atque, ignobiliora . Illud enim, inquit, quod notiſſimum eſt, vnicum, & ſolum dicimus: *τὸν τρεπτούντα πόλιν, μονον.* translatè nimirum, & per comparatio- nem cum alijs: quæ quia non ita ſunt nota, perinde putantur eſſe ac ſi non ſint .

DEFENSI O VIII.

Octaua defenſio ab accentu ratione deſumitur . qui cum mu- tur, dici vix potheſt, quam variam, apud Græcos præſertim, ſen- tentiam ijsdem vocibus tribuat . Exemplum Aristot. proponit apud Homerum in Iliad. libro ſecundo , & ſapienſiſſimum poëtam à maxi- ma liberat calumnia , quam ei Plato prudentiſſimus alioqui Philoſo- phus imponit in ſecundo de Rep. Cum enim eius initio libri ij. Iliad. Iuppiter ad Agamemnonem Somnium allegat, vt Ducem illum Græ- corum deludat falsis victoriæ promiſſis , eidem præcipit Somnio , vt Agamemnonem ad arma concitet, & per ampli illi polliceatur è præ- lio gloriam , ex quo plagam erat relatus inſignem . Præcipit autem hæc Iuppiter, quōd Achillem ornare velit; atque ostendere , quantum eſſet in eo momenti, ſi pugnaret , quantum ſi pugnam detrectaret, in- cōmodi . Sic enim ibi canit Homeruſ ex interpretatione quorundam .

At non uilla quies dulci comitata ſopore

Lumina Rectoris magni ſubigebat Olympi .

Ille ſed intento varios in pectore motus

*Voluebat, qui nam læsum decoraret Achillem
 Multorum fuso Graiorum sanguine, iuxta
 Naves Argolicas, Sigeo in littore. tandem
 Hæc alternanti potior sententia visa est:
 Regem mendaci deludere imagine noctis.
 Quam Pater aligeris compellat vocibus ultrò.
 Vade comes somni citò sumptis labere pennis
 Argolicam ad classem, & Regis tentoria quære:
 Cui mea iussa memor referes ex ordine cuncta.
 Indutos armis populos dic nempe Pelasgos
 Educat properè castris ex omnibus actos:
 Nunc etenim capiet peritura mænia Troiæ.*

Hoc inquam in loco inuehitur in Homerum Platō, quod Iouem induxit deludentem mortales, fallentem, ac mentientem. Nihil enim ait à Dijs alienius esse, quam decipere, ac mentiri. Quin ante Platonem ipsum hoc nomine reprehensum Homerum fuisse, videtur docere hic Aristoteles; cum subiungit, Homeri patrocinium fuisse suscepit ab Hippia Thasio, Philosopho graui, ac poëtarum Principis amantisimo. Quam tanti viri tutelam si vidissent aliqui, non sustulissent, inquit Petrus Victor. ab Homero versum illum, cuius dimidiati partem profert hic Aristoteles. Putarunt enim mentiri, ac falsa polliceri, tam indignum esse Ioue, vt maluerint eam orationem mentientis Iouis inducere, ac tollere, quam cum Homeri dedecore retinere. In eo enim versu illud erat. *Si ducet de oī. damus verò. videbatur Iuppiter dicere, nos illi victoriam, aut gloriam amplissimam damus. Sed vbi nam posita sit illa defensionis ratio, quam ab accentus variatione petiuit Hippias Thasius, videndum nunc est diligēter. Robertellus, Victorius, & Madius eam ponunt in articulo „, contenduntq; hunc articulum ei pluralis numeri referri posse ad Iouem loquentem, & Deos, ac significare nos: sic inquam, vt dicant *ut de dūcere*, nos verò damus victoriam &c. sed eundem articulum si circumflexum aspero spiritui accentum imponat hoc modo, *oī.* pronomen fieri, ac significare *utnō*. Hippias ergo Thasius, inquiunt, vindicauit Homerum ab omni planè calumnia: docens, esse illi articulo circumflexum accentum imponendum, vt intelligamus, non solum Iouem dicere: Nos damus gloriam, victoriam ue; sed ipsi Agamemnoni damus. Ita dicunt hi, atque alij quidam ipsi antiquiores. quorum doctrina irrepedit etiam in Aristotelis Codicem latinè redditum ab Alexandro Paccio. vbi sic legas. enī articulus est: cui si circumflexum addideris accentum, pronomen, sibi, significat. quæ verba in Græco Codice non sunt. Sed errarunt qui cumque sic sunt arbitrati: & errarunt quidem dupli nominis, pri-
mum, quia cum articulus *oī* pronomen, sibi, vel ipsi, significat, signifi-
cat*

cat autem s^epissimè apud poëtas , non assumit accentum circumflexum. nec aliud,nisi vnum profertur exemplum ex Homero in Iliad. vbi articulus *u* circumflexum adsciscat accentum . & in eo tamen exemplo mendum est, vt licebit cernere ijs, qui bonos codices consuere volent.

Secundum istorum erratum in eo positum est , quod quamvis hic articulus ex accentu addito pronomen fieret, & significaret, ipsi, non propterea tamen mutaret sententiam eorum verborum, nec Homerum iusta reprehensione liberaret . Non enim mentitur minus Iuppiter cum dicit Nos (Dij videlicet omnes) victoriam damus , quam cum ait, ipsi , hoc est Agamemnoni, damus victoriam . Sequamur ergo du&ctum , ac lucem Aphrodisiensis Alexandri : qui in libro Elenchorum primo singulariter hunc locum illustrat. Contendit enim, accentus illam mutationem non in articulo *u* sed in verbo *sib^uer* excogitatam fuisse ab Hippia, docente nimirum, esse legendum *sib^uer*, accentu in syllabam penultimam traxo, qui erat in antepenultima, siue in prima; & retinendum esse articulum *u* sine accentu, significantem, ipsi, quemadmodum communis usus, & consuetudo est . Quæ mutatio sententiam eorum verborum immutat incredibili modo. cum ponatur *sib^uer* pro *sib^uera*. Doricorum more, vt ibi tradit Alexander. Dorici enim quemadmodum infinito addebant s^epe syllabam initio, vt in *tau sib^uera*, sic interdum amputabant ultimam, & ex *sib^uera* faciebant *sib^uer*. Hæc, inquam, accentus ex uno loco in alium translatio mirum quantum illorum verborum immutet sententiam. quia cum Iuppiter Somnium allequens dicit *sib^uer deoi*, non dicit affirmatè, damus illi victoriam, sicut dicebat cum accentu priori *sib^uer deoi*. sed imperat Somnio per infinitum *sib^uera*, siue *sib^uer*, vt denunciet consecuturam victoriam hoc modo . Dic dare illi victoriam . siue iubeo, te dare illi victoriam . Id quippe nullam inurere Ioui mendacij notam videtur : cum in ea pollicitatione personam ipse non interponat suam, sed imperet tantummodo somno, vt polliceatur Agamennoni victoriā, quem verè ob iniuriam Achillis erat affecturus ignominia, & clade grauissima. Similis esset apud Latinos fortasse locus ambigui in relatio qui, si absque accentu, aut aliqua nota scriberetur , cum ponitur pro quo modo .

DEFENSIO IX.

Nona defensio constituitur in orationis partitione varia , siue in interpunctione membrorum ; quæ si mendorior in scriptura, vel pronunciatione sit, orationem ipsam plus nimio perturbat, immutatq; sententiam . Huius exemplum rei demonstrat Arist. & ex Empedoclis

pedoclis loco ea tempestate percelebri. vbi Physicus ille rerum naturalium initia litem, amicitiamq; faciebat: ex quibus videlicet extitisset, lite dominante, rerum omnium in vniuersitate compositio . Sic enim ipse arbitrando decreuerat ; in longo illo certamine, ac confusione, quam Chaos antiqui dixerunt, ita demum initiam amicitiam esse, vt omnia confunderentur tamen, & miscerentur; gignereturque acerius quidam rerum, qui esset immortalis, diuinamq; naturam haberet. postea verò motu in contrarium verso, lite iterum gliscente, distincta omnia, ac separata fuisse, quæ sic mista, coaceruataq; illo cumulo tenerentur . Itaque à lite primùm aggrediebatur Empedocles ipsa rerum initia retexere , deinde ad amicitiam illam inchoatam, imperfectamq; veniebat. tum iterum ad litem reuertebatur, quæ dirimeret omnia , fecerneretque ; vt postremò suis disposita locis amicitia quadam incredibili necterentur . Cum igitur hæc Empedocles ita canit, vt exposuimus , ea vtitur oratione, quæ nisi interpungatur appositiè, videbitur alia omnia significare, quām quæ ille decreuerat ; hoc est, mista, & composita corpora fuisse rerum initia , & ea elementa, quæ pura & simplicia corpora nominamus . Hæc autem orationis perturbatio nasceretur ab aduerbio πρὶν, nisi per interpunctionem ab alijs separaretur vocibus, & cum ea iūgeretur, quæ corpora pura, & simplicia significat. ζεσάτε τὰ πρὶν, & pura corpora prius fuere .

DEFENSIO X.

Decima defensio explicat amphiboliam , ex qua nascitur accusatio. Producit item Aristoteles exempli causa locum Homeri ex Iliad. x. πρὸς ἡμέραν δὲ τότε νύκτας . Plurima præterijt nox . vbi nulla profecto est amphibologia, nisi videamus ea, quæ consequuntur. Vlysses eo loco Diomedem hortatur, ac socios , vt quoniam ire ad exploranda Troianorum castra decreuerant , maturarent iter antequam omnino præteriret nox, cuius duæ iam exactæ partes essent , restaret tantummodo tertia .

Α' ηλίον : μάλα γαρ νύξ ἀγεται : ἐπρύθει δὲ οὐδετέλει :

Α' σπα δὲ τὴν προσέκεκε : περόγονεν δὲ πλέων νύξ :

Τῶν δύο μεγάλων, Τηρίτην δὲ την μεγαλέστερα :

Quorum sententia versuum ita referri propemodum potest.

Sed properemus: abit nox, atq; aurora propinquat.

Astra receperunt; fugit nox plurima, noctis

Nempè duæ partes: sed tertia tota relicta est:

In his ergo versibus alicui videri potest absurdii aliquid esse ex verbo πλέων, siue πλέον . nam apud Homerum scribitur per α. apud Aristotelem per ο. Sed quia Græcis vtrolibet modo scriptum, idem est, atque

que id , quod apud Latinos dicitur amplius , aut plus ; nihil attinet
hic de scripturæ vitio laborare . Videbitur autem aliena , atque in-
commoda sententia , si πλέων referatur ad initium versus in sequentis ,
ἢ δύο μοιράων per comparationem ; sic inquam , ut significet , ex nocte ,
plus , quam partes duas , aut plus duabus partibus præterijste , πλέων ἢ
δύο μοιράων . Genitio enim vtuntur Græci pro casu sexto . Erit , inquam ,
hoc ineptum & pugnans cum reliquis , si sic interpretandum sit . Neq;
enim reliqua esse potest noctis tertia pars , si plus quam partes duæ
iam præterijt : cum id quod plus est , quam partes duæ , aliquid habeat
etiam ex tertia parte . Soluitur ergo . inquit Aristoteles , hic nodus , si
spectetur amphibolia : dicaturque id sibi velle Homerum , cum ait ,
τετράκις πλέων νῦξ ἢ δύο μοιράων , plurimum noctis iam transisse : duas ni-
mirum partes : sine syntaxi comparatiua . ita vt πλέων νῦξ sit plurima
nox , siue plurimum noctis . perinde ac si planius latinè diceremus . Id
quod in nocte plus est , præterijt : id verò quod in nocte plus est , & iam
præterijt , duarum partium est , siue duabus omnino partibus contine-
tur . Hæc ita docet Aristoteles . Apud Latinos amphibolia nobilis est
in illo Enniij versu .

Aio te Aeacida Romanos vincere posse .

Aliæquae sunt plurimæ à Quintiliano diligenter expositæ in libro
septimo capite nono .

D E F E N S I O X I .

VNdecima defensio sita est in vsu communi alicuius dictiōnis ,
aut formæ loquendi . Quo ex loco defendi posse ait Aristoteles
id quod vulgò dicunt : Canimedem administrare κεραμίδες , hoc est vi-
num , aqua dilutum Ioui : qui nectar , vt dicitur in fabulis , non vinum
bibit . Ait inquam id defendi posse propter consuetudinem vsumque
sermonis : quia quicquid bibitur , appellari vulgò videtur κεραμίδες ,
misilum , siue vinum dilutum . Quæ vetus consuetudo tantum value-
rat , vt ne de Iouis quidem poculo aliter loqui voluerint homines ; ra-
ti , omnes intelligere nectar cum audiunt Iouis poculum dici κεραμίδες .
Locum item Iliados xj . hoc defensionis genere tuetur Aristoteles : vbi
Achillis ocreæ stanæ dicuntur , quas æreas fuisse , aut ferreas certò
scimus . Vidisse quippè Homerum , ait , vulgò stanum ponì pro aere ,
ac ferro . Principio enim homines stanæ fortassis vti cœperunt ar-
mis : quæ postea etiam inuenito aere , ac ferro , stanæ vulgò , antiquo il-
lo retento vocabulo , dicebantur .

D E F E N S I O X I I .

DVodecima versatur in verbo , ac vocabulo multiplicis variæque
significationis . Cum aliquod verbum , inquit Arist. aut voca-
bulum

bulum apud Poëtas offendes, quo contraria planè declarari sententia videtur, illique prorsus aduerſa, quæ conuenit in rem, diligenter est videndum, an verbum illud multa, eaque inter se distracta significet, ex quibus vnum facilè sit, quod cadat in rem, qua de agitur, aptè, & congruenter. Ut apud Homerum Iliad. xx. ερχετο, si accipiatur pro hæſit, sententia non congruit rei, de qua sermo est: fin autem, quoniam vtrumq; significare potest, ερχετο possum intelligatur pro vetuit, aut prohibuit, optimè, atque accommodatissimè congruet. Loquitur enim poëta de Achillis clypeo cum Aenea pugnantis, qui quidem clypeus progredivetuit hastam Aeneæ trans moras, & laminas aeras septemplicis orbis. Locum illum ita vertit in latinū Nicolaus Valla.

----- *Aeacides vmbonem protulit ultro,
Ne forsitan corpus lœdat penetrabile telum.
Demens: qui Diuum violari munera credit
Mortali sic posse manu. non transit̄ hasta
Magnanimi clypeum Aeacida: sed tegmine primo
Constitit, inq; orbem vix est emissa secundum.*

Constitit] hic Interpres reddidit, quod non abhorret ab Aristotele, qui cum admonuit ερχετο non esse hæſit, sed vetuit, significare sine dubio voluit, hastam Aeneæ non sic hæſisse, vt penetrarit penitus in clypeum septemplicem, omnesq; perfregerit laminas, & Achillem vulnerauerit, sed in primo tegmine constitisse, nec ultra progressam esse. Ex huius ignoratione defensionis ait Robertellus errare Lambinum, qui cum vidisset Horatium dicere [locus est & pluribus vmbbris] existimat eum loqui de cœnaculis vmbrosis, & aliosq; cum verè de parasitis, deque ijs, qui captant alienas cœnas id ille sic dixerit.

DEFENSIO XIV.

Tertia decima propulsat criminationes à præiudicata quadam opinione profectas. quod patrocinij genus excogitauit Glauco Teius, vt docet Arist. Is enim admonebat, vt in poëtarum defensione videremus, vtrum certo aliquo niterentur firmamento reprehensores, an sua tantum ipsorum opinione præiudicata ducerentur ad rem improbandam aliquam, in qua præsertim hominum sententiae variant. Huic loco lucem affert Aristoteles ex Odyss. secundo. vbi Homerus Icarium Penelopes patrem fuisse docet. & ex Odyss. iv. vbi Telemachum Penelopes filium Lacedæmona facit euntem ad Menelaum Regem è bello Troiano reuersum; vt de Vlysse parente ab eo percotaretur. Cum enim hæc ita disposita viderent aliqui, putarentq; prorsus Icarium illum Penelopes parentem fuisse Lacædemonium, Homerum incusabant, quod sibi parum in ea peregrinatione Telema-chi

chi constaret , cum eum accedentem Lacedæmona , atque in Vrbem illam ingressum, non finxerit hospitio acceptum fuisse ab auo materno Icario, aut ad eundem auum salutandum ex itinere saltem, atque ab hospitio Menelai diuertisse . Sed Aristoteles aduersus istos ita defensionem adornat . ait eos attulisse ad damnandum Homerum aliquid præjudicati in re maximè dubia, & controuersa. Sic enim in animum induxerant suum, Icarium esse Lacedæmonium, vt aliter hoc se habere non posse existimarent: sed fallebantur. Nam Cephalenij vulgo prædicabant, Icarium suum ciuem esse, non Lacedæmonium: adeoque Vlyssem è sua ipsorum Insula Penelopem ab Icario traditam in connubium Ithacam adduxisse ; Icadiumq; appellatum ab Homero fuisse, non Icarium. Ita prorsus Aristoteles hoc , atque his verbis docet . Hoc autem fortasse, inquit, ita se habet , vt Cephalenes dicunt, qui duxisse apud se vxorem Vlysem affirmant : Icadiumq; esse non Icarium. Horum igitur Homerus opinionem secutus ita Telemachum iter illud habentem commentus est, vt ad auum salutandum diuertetur non fecerit, qui Lacedæmone non esset, & appellaretur Icadius , non Icarius. Quare adiungit Aristoteles, hoc non esse peccatum , sed verisimile problema . *Si αμαρτυρία δὲ τὸ πρόβλημα εἴκος δεῖν.* propter erratum autem problema fit verosimile . Ponit enim problema pro obiectione, vel criminazione eorum , qui rati, patrem Penelopes esse Icarium Lacædemonium, accusabant Homerum . Itaque propter eorum errorem, inquit, videtur obiectio , & criminatio verisimilis, cum falsa sit. Ita locum hunc Madius interpretatur . & recte . Nam si pater Penelopes est Iarius Lacedæmonius , criminatio probabilis est; sin minus, Homerus accusatur iniuria .

DEFENSIO XIV.

Quartava decima purgat, & tuetur item ea , quæ rationi videntur aduersari. Græcè dicuntur *ἀλογα*. Purgari autem hæc, & defendi posse ait Aristoteles , si respondeamus , à ratione aliena non esse: quia credibile est, multa fieri re ipsa , quæ nos fieri non posse existimamus . Quantum attinet, inquit, ad ea, quæ præter rationem esse dicuntur, respondendum est, præter rationem non esse, quia verisimile est, accidere, atque effici aliqua, contra quam fieri posse credibile, ac verosimile sit . Hoc nimurum eget patrocinio id quod de Oedipo legimus apud Sophoclem . ponit enim poëta ceteroqui sapiens Oedipum ignorasse Laij cedem à se factam. In quo si culparetur, quasi finxisset aliquid præter rationem , ac fidem , probaret facile causam suam , affirmans Oedipo semel accidisse , quod vix vlli accidit aliquando .

DEFENSIO XV.

QVINTA DECIMA, multa tradit, ac varia præsidia à modis illis, rationibusq; petita, quæ sophismata soluunt, & Elenchos apud Dialeticos. Nam ad explorandum, vtrum aliquid iure Poëtis obijciatur, videndumq; num ipsi pugnantia loquantur, perpendere oportere, ait Aristoteles verba, & quod verbis significatur; eo planè modo, quo perpenduntur in soluendis captionibus Sophistarum. Rationem autem hanc explorandæ, ac perpendendæ captionis affirmat in tribus esse positam questionibus, ac punctis. an idem, an ad idem, an eodem modo. Cum enim aliquam in ijs, quæ dicuntur videmus esse repugnantiam, perquirere sedulò solemus, an idem sit re, quod nomine videtur idem: an ad idem referatur, eodemq; consilio, ac ratione tractetur: an eodem modo, ijsdem locis, ac temporibus dicatur, & fiat. quæ qui diligenter obseruatèq; considerat, facillimè præstigias impostorum eludit, vt docetur pluribus, ac de industria in Topicorum primo, atque in secundo Rheticorum sub finem.

DEFENSIO XVI.

PROPOSITIS HISCE DEFENSIONI generibus, ac locis, postremò, ad claudendum agmen duo substituit generalia monita multis sanè frangendis accusationibus opportuna. PRIMUM est: oportere, cum Poëta certo aliquo loco damnatur à Criticis, intueri diligenter, quid alibi dixerit: & ex eo demonstrare, non potuisse Poëtam id sibi velle, quod ei imponit aduersarius, nisi secum ipse pugnare voluisset. Sic enim Victorius Aristotelis illa verba interpretatur [sicuti dicentem ipsum ad ea, quæ ipse dicit] vt iuberi velit, dicentem ipsum, hoc est, Poëtam referri ad ea, quæ alibi dicit, & cum ijs comparari quod obijcitur. Nam nisi cum illis congruat, credibile non est, id sibi Poëtam velle, quod instituto suo contrarium sit. SECUNDUM: videndum esse vtrum poëta sequatur in ea re, cuius accusatur, alicuius hominis docti, prudentisq; iudicium; atque vt ipsius utramur Aristotelis verbis, an dicat ea, quæ prudens aliquis pro compertis poneret, & vera esse putaret. Ut enim Dialeticus, quod docet idem Philosophus primo Topicorum, non modò probabilita sequitur, hoc est ea, quæ in communi hominum vulgariq; opinione posita sunt, sed etiam ea, quæ sapientium, aut plurimorum, aut paucorum, interdum etiam vinis sententia comprobantur, ita poëta amat quidem optatq; plurimum opiniones rerum communes, & perugatas, sed tamen interdum sibi sumit etiam id, quod viris tantummodò sapientibus, aut omnibus, aut multis, aut etiam

etiam eorum alicui placet. Sæpè adeò videmus aliquid poëtas canere à vulgaribus hominum opinionibus alienum, ac singulare; sed quod ab aliquibus tamen probatum sit. Quin Plutarchus enumerat huiusmodi recondita, & singularia nonnullorum placita propemodum infinita: ostenditq; Homerum varijs in locis esse secutum singula. Hæc præsidia, hi loci mihi suppeditantur ab Aristotele ad Virgilij libertatem asserendam, euadendumq; ex ambagibus, quas acutum aliquorum inuoluit ingenium. Quæ quidem non idcirco sic explicate proposui, quod ex eo solum capite xxij. accerere velim defensiones, cum in Aristot. tota poëtica suppetant plurimæ: sed quod hæ sint maximæ, & ex, quas dedita opera colligit, ac suggerit optimus auctor patronis, ac tutore poëtarum. Intrabo itaque penitus in causam, certissimum tanto duce reditum habitus.





LIBRI AENEIDOS

PRIMI LOCVS PRIMVS.

*DE GERMANO VERO QVE
Virgiliani Operis initio.*

Ille ego qui quondam , &c.



OTERAT hic locus à me facile præteriri ,
qui tractatus à multis est ; nec tam Prætorem ,
& dantem vindicias Aristotelem , quam Quæ-
sitores postulat , Iudicesq; Grammaticos ve-
teres . Sed placet hæc etiam attingere , quæ
leuiori iudicio dirimi possunt : nec aditum
hunc declinandum existimaui , quem vnuſquis-
que legentium esset in opere desideraturus .
Dubitatum ergo iam olim est à doctis , atque
intelligentibus viris , num hoc verè sit initium Aeneidos :

Ille ego , qui quondam :

An illud , quod in omnium ore versatur .

Arma , virumq; cano .

Sunt , vt breuissimè faciam , qui posterius hoc , Aeneidos verum , &
germanum initium esse pugnacissimè velint , superioresq; versus ap-
positos fuisse contendant , atque suppositos . Habent hi subscriptio-
rem Iosephum Scaligerum in Propertij Commentarijs , habent cau-
fas sic arbitrandi non contemendas , ab antiquorum auctoritate re-
petitas : qui explanatissimè docere videntur initium Aeneidos Virgi-
lianæ fuisse .

Arma , virumq; cano .

Nam primò quidem Vegetius libro ij. cap. 1. Res militaris , inquit ,
sicuti Latinorum egregius auctor carminis sui testatur exordio , ar-
mis constat , & viris Martialis deinde libro viij. sic de Virgilio canit .

Pro-

*Protinus Italiam concepit, & arma, virumq;
Qui modo vix Culicem fleuerat ore rudi.*

Et in libro xiv.

*Accipe facundi Culicem studiose Maronis
Ne nugis positis, arma, virumq; legas.*

Ouidius item in tertio de Tristibus hoc haud dubiè significauit initium esse, cum dixit.

*Et tamen ille tua felix Aeneidos auctor
Contulit in Tyrios arma, virumq; thoros.*

Persius verò ipse in Satyra prima ex vani cuiusdam, ampullantisq; poëta persona, qui Virgilium quoque tumidum esse contenderet, ita de huius operis exordio loquitur.

Arma virum . nonne hoc spumosum, & cortice pingui?

Voluit enim initio tantum indicato, totum poëma significare, ut Latinis scriptoribus usitatus est mos. Nam Cicero ipse ad Atticum libro xvij. epistola xj. ex primis exordiis verbis libellum suum de senectute intelligi vult. ò Tite tibi prodesse latet. hoc ex libro meo de senectute. & eodem libro epistola iij. Quod verò scribis te magis delectari ò Tite, addis alacritatem. Ad hæc in libro de finibus primo, eodem plane modo Ennij Medeam laudat, indicato principio. At utinam ne in nemore nihilo minus legimus, quam hoc Græcum. Erat enim eius initium Tragedia. [at utinam ne in nemore Pelio.] His accedit Ausonius Gallus: qui Grammaticum sibi vicinum irridens, cui coniux esset clamosa, & iurgiosa, ait initium Aeneidos ab eo ludi magistro subinde repetitum, iteratumq; sapissimè.

Arma, virumq; docens, atque arma, virumq; peritus

Non duxi uxorem, sed magis arma domum.

Namq; dies totos, totaq; ex ordine noctes

Litibus oppugnat meque, meumq; larem.

Atq; ut perpetuis dotata à Marte duellis

Arma in me tollit, nec datur ull'a quies.

Iamq; repugnantii dedam me, ut deniq; victum

Iurget ob hoc solum, iurgia quod fugiam.

Denique Quintilianus libro xj. cap. viij. hoc initium Aeneidi fuisse haud obscure testatur, cum rationem docet pronunciationis. observandum etiam, inquit, est quo loco sustinendus, & quasi suspendendus sit sermo, quo deponendus. Suspenditur, Arma virumq; cano: quia illud virum ad sequentia pertinet. De huius auctoriis initij diximus.

Alij sunt, qui retinere mordicus velint [Ille ego qui quondam &c. confirmantq; illos etiam versus in exordio ipso positos ab auctore. Ut autem facilè respondere queant tam multis veterum testimonij, quæ proferuntur, historiam retexunt antiquam, & quidem huiusmodi.

Virgilio vita iam functo, aiunt, eius poëmata permitta fuisse arbitrio Tuccæ, ac Vari. hos autem audacius, quā res, & ratio voluisset, verum illud initium amputasse; ratos, in ipso totius operis vestibulo esse oportere carmina cōspectiora, & ea potissimum, quæ maiorem cum Homerica Iliade similitudinē essent habitura. Ita quippè Iliad. initio.

Dic Dea pestiferam Pelidae Principis iram.

Aeneis illi esse similis videbatur, si exordiretur ab eo cantu, quem sibi poëta planè dilucidèq; proponit.

Arma, virumq; cano.

Quare nullo negotio diluunt hi quicquid obieceris. Concedunt enim, ac facile dant, temporibus etiam illis antiquis initium Aeneidos vulgarissimum fuisse: [Arma virumq;] sed illud dicunt fuisse, quod Tuccæ Varoque placuit, non quod à Virgilio factum poëmati fuerat. Cum enim ab ijs Censoribus subductum fuisse verum: Ille ego qui quondam substitutumq; Arma virumq;, Grammatici omnes, & qui cumq; principium Aeneidos nominabant, Arma virumq; cano, ponebant esse, veluti rem compertam, & exploratam.

Horum sententiam qui sequi volent, habent opponere Iosepho Scaligero Iulium patrem. qui libro 1. poëtices cap. xvij. ea, quæ contendunt hi, planissime docet his verbis. Veritus Virgilius plagiiorum temeritatem, tum in extremo Georgicorum quarto nomen posuit suum disertè, tum hīc indicauit. quæ qui abstulere, suam faciunt Aeneida, non Maronis. Et erat apud priscos in more positum, ut non titulis solum adscriberent nomen, sed operis statim principijs apponarent. Sic omnes Arabes, & Caldæi, ac Prophetæ veteres; Visio Azaëlis, &c. Sic Herodotus. sic Thucydides. Et in libro item primo cap. lvi. Sunt, inquit, & in generibus poëmatū procœmia, ut in Musicis προδινλία. in quibus plurimus fuit Claudianus separato carmine à iusto poëmate. Diuinus autem poëta vnum corpus fecit. Illa enim fuerant procœmium: Ille ego qui quondam. ut pessima temeritate prætulerint arbitrium suum ij, qui exemerunt ea de iudicio tanti viri. Tales sunt operum conclusiones, quas epilogos Græci vocant, ut apud Horatium.

Exegi monumentum aere perennius.

Et apud Ouidium.

*Iamq; opus exegi quod nec Iouis ira, nec ignes,
quæ sunt à iusto opere separatæ. At non separauit idem Virgilius
in Georgicis.*

*Illi Virgilium me tempore dulcis alebat
Parthenope.*

Ita Iulius Scaliger vtroq; in loco. Cui Collegam dabis Sebastianum Corradum. qui putat, admirabili nexu voluisse Virgilium coniungere rem pastoritiam, rusticam, & ciuilem, quarum alia nascitur ex alia.

Vt

Vt enim hanc triplicem varietatem , inquit , implexam esse colligat- tamque demonstraret , ita cum Bucolicis Georgica coniunxit .

Hinc canere incipiam .

Cum autem Georgica sic terminasset :

Hæc super aruorum cultu, pecorumq; canebam , &c.

Ilo Virgilium me tempore dulcis alebat

Parthenope, studijs florentem ignobilis oti:

Carmina qui lusi pastorum, audaxq; iuuenta

Tityre te cecini patula sub tegmine fagi :

Cum inquam ita finem fecisset Georgicis , Aeneida cum vtrisque pulcherrimo demum artificio copulauit .

Ille ego qui quondam gracili modulatus auena, &c.

Hoc istorum de Virgiliani operis exordio iudicium est. Sed tamen ego superiorem illam multò probandam magis opinionem puto eorum , qui arma virumq; principium volunt . Quia neque Varus , ac Tucca, neque quispiam aliis vnquam ausus fuissest operi, tam augusto, tam temerè manus admouere : nec ab alio ea traditur historia, quam à Niseo Grammatico: qui dicebat, accepisse se à senioribus, Tuccam , & Varum induxisse versus illos, ac sustulisse , quod est apud Donatum in vita Virgilij . Adde quod character, ac forma dicendi non videtur omnino Virgiliana, sed non nihil abhorrens à prisco sæculo . Denique [Arma virumq;] initium mihi videtur esse similius Græcorum exordijs, quos Virgilius æmulabatur. Quantum enim attinet ad nexum illum Corradi, possum Homerum opponere : qui quædam etiam argu- menta proluserat, quæ poëmatis initio non commemoravit. Quare ex ijs qui Virgilium imitati sunt, cuiusmodi est Valerius Flaccus, Silius, Claudianus, alij, nemo principium, Ille ego qui quondam , sed Arma virumque cano, est imitatus.

L O C V S I I .

A N A E N E A S V E N E R I T I N Italianam primus .

----- *Troiae qui primus ab oris
Italianam fato profugus, Lauinaq; venit
Littora .*

Ne hic quidem magnopere necesse habemus ad Aristotelis tribunal ire. Sed tamen aggrediemur hoc loco postremam disputationis partem eius auctoritate firmare .

Querat igitur aliquis, quo pacto primus in Italianam venerit Aeneas, cum antea venissent iam Antenor, & Euander, ut ab ipso Virgilio dicitur in primo, ac septimo Aeneid. Haud ita difficilis haec est quæstio. sed tamen sunt, qui ad eam expediendam venantur aliquam remotiorem notionem, atque sententiam, quæ lateat in ipso nomine, primus. Dicunt ergo, primum hoc loco non esse temporis ordine primum, sed dignitate principem, atque primarium. Ita quippe etiam in viii. dicitur.

Primus ab ætherio venit Saturnus Olympo.

Saturno tamen prior, si temporis ordinem species, venerat in Italianam Ianus. Et in secundo Duces enumerantur multi, ac varij, qui ex equo descenderunt Troiano.

----- *Latiq; cauo se robore promunt
Thersandrus, Sthenelusq; duces, & dirus Ulysses
Demissum lapsi per funem, Athamasq; Thoasq;
Pelidesq; Neoptolemus.*

Quibus enumeratis, additur illicò.

----- *Primusq; Machaon,*

Et Menelaus, & ipse doli fabricator Epeus.

Cur enim post tam multos, qui iam ex equo prodierant, primus dicitur esse Machaon, nisi quia princeps, & primarius erat honore, ac dignitate?

Mihi probatur istorum ingenium: defensio non probatur. Non enim est necesse tam sagaciter exquirere nominis illam etymologiam, quæ alioqui verissima est. Non est, inquam, necesse: quia ut Antenor Troia profectus in eam venerit regionem, quæ consecutis postea temporibus adiuncta fuit Italia, eo tamen tempore dici ea non potuit Italiam pars; cum Rubico, quemadmodum ait Plinius, esset olim Italiam finis. Rubico autem est in Aemilia, ab illa procul urbe, quam ibi condidit Antenor, ubi fuere postea Veneti, ac Patauni, ut ipse declarat Virgilius totam rei gestæ seriem complexus breuissimè.

Antenor potuit medijs elapfus Achivis

Illyricos penetrare sinus, atque intima tutus

Regna Liburnorum, & fontem superare Timaui.

Vnde per ora nouem vasto cum murmure montis

It mare proruptum, & pelago premit arua sonanti

Hic tamen ille Urbem Pataui, sedesq; locauit

Teucrorum, &c.

Sed esto, venerit in Italianam: non tamen venit in arua Lauinia. Euander verò ipse venit quidem in Italianam, sed Troia non venit ab oris. Itaque componenda sunt omnia, atque in Aeneam conferenda. Is enim ita dicitur primus, ut eo nemo venerit in Italianam prior, fato profugus,

gus, ab oris Troianis, in arua Lauinia. Ceterum, vt, quod initio polliciti sumus, addamus operi iam perfecto cumulū ex Aristotele, possimus hīc defensionē promere septimam quam in Prolegomenis exposuimus: vbi diximus ab eo defensum Homerum, affirmantem solam Vrsam non occidere, & æquore non mergi: quia cetera sidera, quæ in Arctico sunt circulo, quamquam non merguntur, aut occidunt, nota tamen vulgo non sunt. quæ autem nota non sunt, pro nullis habentur. quæ notissima, sola esse censemur. *περι τον πανταν, πονον*, inquit Aristoteles. fas est, inquam, inde defensionem petere, atque affirmare, pri-
mum Aeneam esse, qui venerit in Italiam ab oris Troianis; quia no-
tissimus, & nobilissimus est: ceteri, si qui venerint, ignobilissimi, ac pro-
pterea nulli existimandi sunt.

L O C U S III.

DE IUNONE INFENSA

An aliquid absurdī sit in eo commento.

*Cum Iuno tacitum seruans sub pectore vulnus,
Hæc secum. me ne incœpto desistere vietam,
Nec posse Italia Teucrorum auertere Regem?*

Mirabitur, opinor, quicunq; legit hæc, cur summa prudentia vir, ac sapientissimus poëta Virgilius Deos ita infensos, aduersosq; faciat pijs hominibus, ac bonis, qualis Aeneas ipse describitur: & cur eosdem inter se simultates exercere comminiscatur.

Quantum attinet ad intestinas Deorum inimicitias, allegoriam, alibi ego, hoc est, in orat. volum. i. orat. sept. retexui, quæ figmentum, istud à reprehensione liberaret. Dixi quippè ex antiquorum opinione Philosophorum, altercantibus inter se Diis elementa, & rerum initia significari, quæ inuicem pugnant. Sed quia in ipso etiam poëmati, extimo cortice, nihil, quoad eius fieri possit, debet absurdum esse, rationique contrarium, videamus, an hanc amoliri difficultatem, obiciemq; tollere aliqua ratione possimus. Amoliemur autem facile, si nostro cum animo reputemus, omnium omnino gentium esse opinionem de Numine aliquo mortalibus in re perdifficili semper opitulante. Cum enim aliquid fieri vident præter morem, vsumq; communem, eum diuina fine dubio credunt adiutum ope, qui tam facile perficere potuerit, quod alioqui tam arduum erat, atque difficile. Di-
spusat

sputat hac de re Cicero præclarè in libro ij. de Natura Deorum extremo ; contendens neminem è Romanis illis clarissimis Imperatoribus sine peculiari aliquo Deo res egregias, ac propterea difficillimas peregrisse . Sic enim loquitur de amore Deorum in homines . Sin autem his consulunt , qui quasi magnam quandam insulam incolunt , quā nos orbem terrę vocamus, etiam illis consulunt, qui partes eius Insulæ tenent , Europam , Asiam , Africam : ergo & earum partes diligunt: vt Romam , Athenas , Spartam , Rhodum , & earum Vrbium separatim ab vniuersis singulos diligunt : vt Pyrrhi bello Curium , Fabritium , Coruncanum ; primo Punico , Calatinum , Duillium , Metellum , Luctatium ; Secundo , Maximum , Marcellum , Africanum : Post hos , Paulum , Gracchum , Catonem , patrumuè memoria Scipionem , Lælium , multosq; præterea , & nostra Ciuitas , & Græcia tulit singulares viros , quorum neminem nisi iuuante Deo , talem fuisse credendum est . Quæ ratio poëtas , maximèq; Homerum impulit , vt principibus Heroum , Vlyssi , Diomedi , Agamemnoni , Achilli , certos Deos discriminum , & periculorum comites adiungerent . Hec inquam eo loco Cicero disputatione , egredi declarans quod contendebam . Igitur Aeneas , qui tam longo perfunctus itinere , tam multis agitatus tempestatibus , tam paruo instructus comitatu Italiam aliquando tenet , gentes bellicosissimas acie vincit , Imperium subito parat , putabitur vulgo non potuisse ex tam magnis euadere periculis , ac tantam felicitatem adipisci , nisi aliquo instinctu , præsidioq; diuinitatis . Quod cum probè Virgilius animaduerteret , fecit eum identidem , ac subinde ab oraculis , à Veneri , à Dijs Penatibus admoneri .

At ijdem illi mortales , eo tempore , hoc etiam in animum induxerant suum : Deos inter se digladiari , atque inimicitias profiteri priuatis ex causis solere . quo fit , vt qui putare facile possent , Aeneam à Dijs illis promotum , adiutumque fuisse , quos præcipuo quodam honore coluisset , credere quoque deberent , alios eundem habuisse Deos infensos , quos si minus ipse , maiores certè , aut propinquai violassent . Huiusmodi sanè Juno est à Paride læsa : quæ dum Aeneam probum , & bonum tam male habet , ac vexat , à Paride ipso penas sibi repetere videtur , vt dicitur initio primi .

Seruit itaque Virgilius opinioni populari de Dijs : cui seruendum à poëta esse docet Aristoteles , vt in Prolegomenis diximus , defensione tertia , infraq; demonstrabimus pluribus . Nihil adeò est hic abhorrens ab antiquorum decoro , aut alienum ab eorum ratione temporum , aut cum ijs pugnans opinionibus populi de Deorum Natura , quas immutare , aut corrigere poëtas tanquam interdicto quodam Prætoris vetat Aristoteles . Quicquid enim alienum in hoc commento à recta ratione est , solum id intelligitur à nobis , qui veram de diuina na-

na natura consignatam animis notionem habemus . Virgilius verò , non nostræ , sed ætatis suæ seruit opinionibus , & quidem vulgaribus , ac perugatis .

L O C V S I V.

DE TOTIVS OPERIS PRAEPARATIONE :
quæ videtur in Aeneide desiderari .

*Vix è conspectu Siculae telluris in altum
Vela dabant lati, &c.*

Non tám accusatores hic habet Virgilius, quám amicos dolentes, quòd non eo modo munierit Aeneidi viam, quemadmodum Homerus muniuit poëmatis suis . Nam in Odyss. lib. 1. Deorum inducit concilium: vbi tám multa de Vlysse dicuntur, vt qui lecturus est carmen, satis instructus paratusq; ad cetera percipienda possit accedere ; cum satis superq; factus sit certior de rebus ab eo ante iam gestis , deque gerendis in illo poëmate Deorum concionibus admoneatur . Virgilium autem venisse aiunt ad rei narrationem, & synthesim operis imparatum . quippè qui propositione , atque inuocatione vix absoluta , discedentem è Sicilia, tempestatibus expulsum in altum, Neptuni beneficio eruptum , appulsumq; Carthaginem facit Aeneam: cum interea qui legunt hæc minimè cognitum habeant, quid hominis ille fit , eiusdemq; res, & gestas & gerendas prorsus ignorent . Id verò eo reprehendendum magis existimat , quòd Aristoteles velit , in Epico etiam poëmate isagogen aliquam, & quasi manu ductionem esse, quam ipse prologum nominat , ei videlicet respondentem Tragœdiæ parti , quæ ipso statim initio audientes , ac spectatores de præteritis docet , admonet, quantum satis est, de futuris . Quin omnium artium , ac disciplinarum ea videtur esse lex , vt principio informis aliqua , & inchoata rerum earum cognitio tradatur , quæ tractandæ postmodum enucleatæ sunt , & copiosè dicendæ . Hæc isti sic dolent , & à Virgilio prætermissa esse queruntur .

Et quoniā hunc nacti locum appositè sumus , placet hic aliorum etiam iudicia ponere , Homerum Virgilio alijs nominibus anteferentium . Quamquam enim multa de hoc argumēto multis sanè locis disputabuntur, erit tamen ex vsu hic præponere, quæ alibi tractari commodè accuratèq; nō poterunt .

Casteluitrus igitur intimam poëticæ vim attingit, affirmans, Virgilium

gilium ab Homero ipsa imitatione superari, in qua sunt omnia; sed qua ratione superari putet, necesse est distinctè, planèq; proponere. Aristotelis profert, & tractat locum ex poëtica cap. xxij. vbi sic loquitur. Quapropter Homerus poëta in hoc quoque, quemadmodum, & in ceteris, præcipua dignus est laude; quandoquidem omnium unus quid ipsum deceat poëtam optimè nouit. decet autem poëtam ex sua ipsius persona pauca loqui: quia in eo imitator non est. alij igitur poëta in toto poëmate loquuntur, & agunt: pauca verò imitantur, & raro: contra Homerum; pauca admodum præfatus, modò virum, modò mulierem inducit, &c. Ex his Aristotelis verbis id consequens esse contendit homo acutus, & lynceus: Homerum, qui tam crebras, tamque longas habet conciones Deorum, hominumque, multo magis multoque æquius mereri poëta nomen, quam Virgilium, qui nec tam crebro, nec tam verbosè loquentes inducit in poëmate personas: sed identidem, ac sèpè loquitur ipse, quod eo loco disertè damnat Aristoteles, cum ait, alios poëtas, malos nimirum, aut certè non æque bonos, ac Homerum, in toto poëmate agere, atque immiscere se, hoc est loqui sèpissime. Quin ex hoc eodem loco intelligi vult, Aristoteli non probari sententias illas, & dicta poëtarum, quæ videntur esse quædam quasi paræneses, atque orationes ad populum. Vt.

*Nescia mens hominum fati, sortisq; futura,
Et seruare modum rebus sublata secundis.*

*Turno tempus erit, cum magno optauerit emptum
Intactum Pallanta, & cum spolia ista, diemq;
Oderit, &c.*

*Heu vatum ignare mentes: quid vota furentem,
Quid delubra iuuant?*

Mulioque minus Aristotelis huic doctrinæ consentaneas putat exclamaciones illas, & declamationes Lucani concionantis.

Quis furor ò ciues, quæ tanta licentia ferri?

Sed hæc de Homero, ac Virgilio disputat vniuersè, alterum cum altero conferens. ad extremum verò locos certos vtriusq; designat, & comparat, quos quia non attinet singulos recensere, proferam ex omnibus tantummodò duos. Primus est in Aeneidos primo de Aenea, Carthaginem ad Didonem Reginam cum socijs, & classe delato: cui Homericum Vlysssem longè anteponit eo nomine, quod ad Alcinoum venerit solus, & sine comitatu. Res enim, inquit, admirabilior fuit, quod Vlysses ita solus tam facilè à Rege, atque à Phœacensibus exciperetur. Aeneas verò quam afferat admirabilitatem, si tam multis stipatis comitibus, & instructus classe, hospitium apud Didonem inuenenterit? Videtur demum Casteluitrus id sibi velle, quod apud Aristotelem est in capite illo xxij. poëtices, poëtā perquirere, ac feligere debere

debere in materia, quam tractat id quod admirabilius est; ut multo magis, multoq; facilius oblectet audientes. Secundus locus est in Aeneidos vj. de eodem Aenea Inferos adeunte. Viuis enim adhuc, mortalisq; in Tartara penitus intrat, videtq; animas, non eorum tantum, qui iam è vita decesserant, sed eorum etiam, qui nascituri erant, eorumq; singulas res cognoscit, ac censet. Duo igitur hic improbat, in quorum vno posthabendum Homero Virgilium omnino decernit, in altero eidem Virgilio anteponit Ouidium. Primum est: audaciam fuisse Virgilij non ferendam, quòd Aeneam ea via deduxerit ad Inferos, quæ paucissimis antea, hoc est Theseo, Herculi, Pirithoo fuerat diuinitus aperta, quemadmodum fama ferebat, & fabulæ. In eo quippè prudentiorem Homerum fuisse confirmat, quòd Vlyssem Inferorum Manes videntem, alloquenteremq; facit ratione quadam, ac via magis visitata, hoc est eius beneficio magia, quæ *verpoquavna* dicitur. Secundum: vaticinium illud Anchisi, sub libri finem esse plus nimio explicatum, ac planum: cum videatur ea vis esse vaticinij, & natura, ut obscuritatem habeat, & ambages. Videmus enim à vaticinantibus propria personarum taceri nomina, res gerendas abditè, te&tèq; proferri, eos, à quibus gerenda sunt, non demonstrari palam, sed indicari tātummodo subobscure. Itaque melius in hoc genere sibi cauisse Ouidium ait: cum Protheum induxit Thetidi de Achille vaticinantem, perplexè, neque nomen, aut alias explicantem notas, quibus ipsæ res gerenda perspicuè nosci, ac facile distingui potuissent.

Concipe. mater eris iuuenis, qui fortibus aussis

Acta patris vincet, maiorq; vocabitur illo.

At Anchises in eo vaticinio distinguit omnia notis, atque insignibus suis, seriem texit posteriorum vniuersam, non planè tantum, sed etiam putidè: nomina, patriam, studia, vnicuiq; designat, perinde ac si res gestas historico stylo narraret, non denunciaret vaticinantium more futuras.

Evidem hæc facillimè possem subterfugere omnia, si dicerem, Virgilium fuisse nonnullis partibus ab Homero superatum. Scio enim hanc multorum esse sententiam, qui Virgilium ipsum præter ceteros amant: & fieri facile posse intelligo, vt cum ille magistrum æmulatur, ac sequitur ducem, multis quidem eum vincat nominibus, ac locis, multis irrito, cassoque conatu non assequatur. Sed quia nominatim decernere, quæ nam ex partes, lociq; sint, quibus vincitur ab Homero, difficillimum est; nec tamen libet eum hic sine patrocinio, ac tutela, deserere, conabor singulis, quæ hoc loco aduersus Virgilium obiciuntur, quantum patitur mei mediocritas ingenij, respondere.

Ac primò quidem existimo præparationem illam, & isagogen Virgilio non fuisse sic necessariam, quemadmodum fuit Homero. Qui enim

enim post Homerum de Troiano canebat Aenea, videbat iam eum, hominem esse notissimum omnibus ab Iliade, in qua congressus Aeneas cum Achille describitur, aliaq; commemorantur, quibus Aeneas satis iam erat, superq; nobilitatus. Vlysses verò tum primum accipiebat à carminibus lucem, adeoque necesse fuit illud adornari, & cogi Deorum concilium, vbi res eius gestæ, gerendæq; memorarentur.

De imitatione poëtica, quam in Homero vult ampliorem esse Casteluitrus, dico primum, maximè mihi dubium videri quid sibi velit Aristoteles cum ait, Epicos, cum ipsi per se loquuntur, non esse imitatores. Si enim imitationem poëticam ita contrahit, vt eam sola personarum inductione circumscrivat, sequitur, Lyricos, nec imitatores, nec poëtas esse. Sed de his ego disputavi pluribus, meamque de questione perdifficili proposui sententiam in commentario de elegia cap. iv. & v. Itaque, vt ea nunc prætermittam, & quod sentio breuiter exponam, putauerim eo loco, de quo differit Casteluitrus, non esse sermonem de imitatione poëtica vniuersè, sed de Epica nominatim, cui disertè tribuitur ab Aristotele alibi illud imitationis genus peculiare, ac proprium, in quo poëta loquitur subinde mutatus. loquitur autem mutatus cum personas inducit, in easque quodammodo se conuertit, ac mutat. Quare si poëta quispiam ex Epicis esset, qui se non mutaret, Epicus imitator dici non posset. Ex quo consequens esse debet, vt cum Epicus poëta loquitur minimè mutatus, nec inducitis personis, imitatoris non quidē cuiuslibet vniuersè, sed Epici nomen imitatoris vix mereatur, aut ne mereatur quidē: cum in proprio imitationis genere non versetur, nisi personarum etiam addat inductionem. Ceterum hæc nullus dixerim, & in parergo. iterum magis propriè, certiusq; respondeo, quacumq; demum ratione locus ille sit explicandus. Respondeo, inquam, illud tantum intelligere nos ex Aristotele posse: alios poëtas, qui ad ea usque tempora scriperant, minus fuisse poëtas, quam Homerum, quia in toto pene poëmate loquebantur ipsi, personas agentes, & colloquentes vix inducebant: non tamen hinc sequi, Virgilium tam raro personas inducere, vt cum Homero collatus dici minus imitans, ac poëta debeat. Quamquam enim minus inducit, quam Homerus, inducit tamen magis in loco, inducit prudenter, inducit ampliore cum apparatu, ac decoro. Illi ergo minus poëtae sunt, quia non modò minus inducunt, quam Homerus, sed quia non inducunt quantum est satis, ac postulat ratio. hic verò quia tam crebro inducit, vt nulla pars imitationis Epicę desideretur, tam prudenter inducit, vt nihil habeat nimium, & temperantiam teneat, hic, inquam, minus poëta dici non debet, sed alieno tempore, ac loco minus inducēs. quod si vidisset Arist. Virgiliū Homero fortassis in hoc genere anteposuisset. Nemo enim in Virgilij versatus Aeneide, Homerum opī-

opinor leget, cui collocutiones, inductionesq; concionantium personarum crebriores esse non videantur, quam ferre legentium labor, & satietas queat. Id quod cuertere quoque possit ea, qua de longioribus Homeri cōcionibus ab eodem Casteluitro dicebantur. Quotus enim quisque non videt hīc esse præstigias Sophistarum? Nam qui longioribus, quam par sit, concionibus vtitur, vtitur imitatione quidem ampliore, sed intemperante, ac praua. quo sit, vt quamquam plus imitatur, minus tamen imitetur bene: quia decoro, prudentiaeq; non seruit. quod quia Virgilius introspiciebat penitus, conciones fecit breuiores, hoc est idonea longitudine iustas. Itaque hoc nomine semper est doctorum hominum iudicio non modò laudatus, verum etiam Homero duci, ac magistro præpositus. De Aenea verò cum illo suorum comitatu Carthaginem delato confidenter affirmauerim, minus rem admirabilem fuisse, sed magis credibilem, ac verosimilem, quam quod in Vlysse ad Alcinoum omnino sine socijs adeunte, hospitioq; tam honorifice recepto fингit Homerus. Namquam verò Aristoteles id præcepit sequēdum poëtae semper esse, quod admirabilius est, clausit tamen præceptionem illam limitibus suis, eaque lege vult mirabiliora eligi debere, si credibilia, & verosimilia sint. At multo verosimilius est quod à Virgilio canitur, quam quod de Vlysse sic solitario dicitur ab Homero. quippe fidem faciebant Troiani comites, vt pro filio Veneris haberetur, ac pro eo, quem esse se prædicabat apud Didonem. Vlyssi quis fidem faceret apud Alcinoum, & Phæacenses, cum solus fuissest electus in terram, neque socios ullos haberet, qui hominem illum Vlyssem esse testarentur? Quis ergo etiam facile credat, eum Phæacia Regem prudensissimum homini peregrino, ac solitario tam temere fidem habuisse? Id profectò non minus abhorre videtur à verosimili, quam eiusdem Vlyssis in Ithacam à Phæacia reditus. Reuertit enim in patriam toto consopitus itinere, solusque à Phæacensibus expositus in Insula est, & relictus in littore dormiens. quod quia patere accusatoribus posse videt Aristoteles, instituta de industria defensione in fine cap. xxij. vindicavit. Sed Virgilij figuratum, & Aeneæ cum Trojanis ad Didonem aduentus, hoc patrocinio non eget, quia credibilis, ac verosimilis est.

Denique de illa ad Inferos itione non habeo necesse multa dicere. Poterat enim Virgilius Homerum sequi, beneficio vtens, artificioque veteris magiae: sed comminisci maluit quod admirabilius erat, nec à verosimili abhorrebat. Neque enim erat incredibile, immo verò maximè humanæ congruens id esse fidei tum videbatur; Aeneam eo modo, eaque via Inferos adire, qua ceteri olim ante illum opinione mortalium adiissent Heroes, Theseus, Pirithous, Hercules. Quantum verò attinet ad vaticinium: nullis opinor auctoribus dicitur, oportere necessariò

cessariò obscurum esse, atque perplexum. Ut enim oracula interdum aliqua in templis apud poëtas reddantur obscura, vaticinia tamen apud eosdem multa sunt plana, & aperta. Placuit Ouidio vaticinij genus obscurum: placuit explanatum Virgilio: quia sciebat utrumque tractari posse pro arbitratu. Nec quisquam est, quod ego sciam, qui præcipiat poëtis, vt semper in vaticinijs inuoluant ambagibus verū, & versibus obscurissimis: quemadmodū contenditur à Casteluitro.

LOCVS V.

DE AENEA INTER FLVCTVS
ac Maris tempestatem exanimato.

An aliquid in decoro peccatum sit?

Extemplo Aenea soluuntur frigore membra, &c.

Nullus est hic reprehendendi modus. Decorū in Aenea pleriq; desiderant summo consentaneum Imperatori. quem quia fortissimum, animoque præsentissimum esse decet, dicunt nihil Aeneam extimescere oportuisse. At Virgilius usque adeo timentem facit, vt exanimatum etiam inducat, & dolenter admodum de vita periculo conquerentem. Facilè tamen hi refellentur ex Aristotele; qui libro Ethicorum tertio cap. vij. docere non dubitat, licere fortibus viris extimescere, non quidem mortem (fortitudo enim despicit omnia terribilia, quorum primum est mors,) sed mortis genus aliquod inglorium, nominatimq; quod accidere solet in mari. libet hic eius verba de scripto sic recitare. At non in omni mortis genere vir fortis impavidus esse videtur. non enim in ea, quæ in mari accidit, aut in morbis, interritus est, sed in illa, quæ putatur pulcherrima, qualis prorsus in bello contingit. imminet quippe tum obitus in maximo dignissimoq; periculo. Is ergo fortis propriè verèq; dicitur, qui in honesta mortis periculo, atque in ijs omnibus, quæ subito, ac de improviso eueniunt, imperterritus est. huiusmodi verò sunt quæ in bello contingunt. Quin etiam in mari, atque in morbis ipsis timore vacat vir fortis, non tamen ut nautæ. hi enim propter usum, atque experimentum rei confidentes sunt, & spem habent euadendi. fortes verò neque se sperant euafuros, neque timent mortem vniuerse, sed genus ipsum mortis molestissime ferunt. Plura etiam ibi disputat Aristoteles, quorum instructus auctoritate, ac pondere facilè Virgilium liberes, si dicas, Aeneam non quidem mortem, sed ipsum in mari mortis genus perti-

pertimuisse . Quæ ratio vindicet etiam Statium in Thebaid. lib. vi.
Virgilum enim fecutus, fingeit in eodem aquarum periculo sic inge-
miscentem Hippomedontem .

----- *Fluuione (pudet) Mars inclyte merges*

Hanc animam? segnesq; lacus, & stagna subibo

Ceu pecoris custos subito torrentis inquis

Interceptus aquis? ideo ne occumbere ferro

Non potui?

Vindicabit eadem defensio poëtarum etiam omnium parentem Ho-
merum, qui ceteris auctor fuit, vt ita expostulantes, eiulantesq; indu-
cerent inter maris tempestates, atque pericula fortis viros . Nam in
Odiss. v. Ulysses, paulo ante , quām in Corcyram descendat, in postre-
mo imminentis naufragij discrimine perterritus gemit , & lamenta-
tur hoc pene modo .

Argolici proceres ò terq; quaterq; beati ,

Qui quondam ad magna periissis mænia Troiæ,

Sic Danaum ducibus, natisque iubentibus Atrei .

O mihi tunc utinam rupissent stamina Parcæ ,

Cum iuxta Aeacidem crudeli vulnere mersum

Dardanias in me Teucri torsere sagittas.

Tunc etenim mibi funus erat, mibi pompa meorum,

Et populi luctus, & fama inscripta sepulcro.

Nunc autem heu tristi sic morte perire necesse est.

Quin Euripidem Tragicum non alia, quām hac, de qua dicimus , ra-
tione purgabimus, si Herculem apud illum intoleranter mortē feren-
tem, & muliebriter eiulantē tueri, ac defendere voluerimus. Fas enim
erit dicere, non illum dolere, quod sibi moriendum sit, sed quod eo no-
minatim genere mortis sit obeundum. Moritur enim ex pestifero san-
guine Centauri, quo tunicā imbuerat Deianira . Vel ex ipsis Herculis
verbis id intelligetur planissimè , quæ M. Tullius in Tusculanarum se-
cundo, pulcherrima, hoc est vera, germanaq; latinitate donauit .

Quantum una vecors Oenei partu edita.

Hæc me irretiuit ueste furiali insciūm ,

Quæ lateri inbærens morsa lacerat viscera,

Vrgensq; grauiter pulmonum haurit spiritus .

Iam decolorē sanguinem omnem exorbuit .

Ipse illigatus peste interimor textili .

Hos non hostilis dextra, non terra edita

Moles Gigantum, non biformato impetu

Centaurus iætus corpori infixit meo ,

Non Graia vis, non barbara ulla immanitas ,

Non saeva terris gens relegata ultimis ,

*Quas peragrans, undiq; omnem hinc feritatem expuli:
Sed feminea, vir, feminea interimor manu.*

Et post.

— O ante viētrices manus
O pectora, ò terga, ò lacertorum tori :
Vestro ne pressu quondam Nemeaus Leo
Frendens efflauit grauiter extremum balitum ?
Hac dextra Lernam tetram mactata Excetra
Placauit, &c.

Causam ergo tam magni doloris, & questus ipse declarat Hercules non eam esse, quod mori deberet, sed quod cerneret, ex feminea socordia sibi moriendum esse, ac veneno Centauri, qui tantus fuissest Tyrannorum omnium domitor, liberatorq; terrarum. Quam planè causam in Aeneae conquestione, ac gemitu vidit, atque in hunc exposuit modum Iouianus Potañus in libro de fortitud. Quorsum hec singuntur à poëta in viri, ducisq; fortissimi persona , vt quem hostiles tot congressus numquam fregissent, præruptus ille aquæ mons tam humiliter , atque infractè de sua, suorumq; coegerit salute desperare? An quod illud moriendi genus nullum esset decus allaturum, nec virtuti suæ locum sentiret ullum inter transtra , remosq; relictum ? Itaq; non fert grauato animo mori, sed quod sic moriendum esset . His omnino similia docet Scaliger lib. iij. poët. cap. xij. & vulgi videtur etiam esse sententia , eos habendos infelicissimos duces, qui extra belli aleam moriātur. Quare Alexander ille Macedo, cui præstantissima fortitudo Magni nomen attribuit, habebatur à suis longè miserrimus in periculo mortis ingloriæ. Cum enim, vt est apud Curtiū, in Cydnum amnē leuandi æstus, abluendiq; corporis studio descendisset, aquarumq; frigore obriguisset adeò, vt spiritū iam extremum agere videretur; cōfestim in tabernaculū relatus à ministris, ac familiaribus est, lacrymantibus , & acerbè querentibus, in tanto impetu, cursuq; rerū, omnis atatis, ac memoriae clarissimū Regem non in acie saltem, non ab hoste deuictū, sed abluentē aqua corpus eruptum esse. Ac ne ipsum met Alexandrū aliter de suo casu existimasse putemus , hæc adiungit Historicus . Animi ægritudo corpus vrgebat. quippe Darium quinto die in Ciliciam fore nuciabatur. Vinctum ergo se tradi, & tantam viētoriā eripi sibi è manibus, obscuraq; & ignobili morte in tabernaculo extingui se querebatur. Illustrat hunc locum egregiè Seuerus Imperator: qui cum à Mathematico, vt narrat Lampridius , accepisset, gladio se periturum, mirificè latatus est, quod sibi bellicā, atq; Imperatoriam mortem imminere cerneret: tantumq; ex illa denunciatione concepit animo gaudiū, vt Dijs se comparandū putaret, si bello atq; inter dimicandum è vita discederet. Hæc vniuersè de morte diximus ignobili , atq; obscura, quam viri fortes

fortes semper extimuerunt. Ceterum, ut eò reuertamur, vnde digressi sumus, nullā video miseriorem antiquos existimasse mortem, quām quae duces bello præstantes occuparet in mari. Vel ipse Nazianz. Gregor. vir doctissimus, idemq; sanctissimus id docet; affirmans, obitū in mari miserrimū videri, quia nullā habent ibi viri præstantes occasionem ostendendæ virtutis: docet Ouidius in tempestate illa sua Tri-
stium lib. primi, eleg. ij.

Nec lethum timeo: genus est miserabile lethi:

Demite naufragium; mors mihi munus erit.

Est aliquid fatoq; suo, ferroq; cadentem

In solida moriens ponere corpus humo:

Et mandare suis aliqua, & sperare sepulcrum,

Et non aequoreis piscibus esse cibum.

Sed in his Ouidij versibus alia designari præterea videtur causa tam magni timoris ex interitu inter fluctus imminente. Non enim dolet, quod in acie non sit moriturus, sed quod cariturus sepulcro sit, illudq; aditus, opinor, infortuniū, quod morientibus in aquis accidere credebat antiquitas. Putarunt enim veteres, interitum euenientē mortalibus inter aquas ipsi quoq; animę exitiabilē esse. sic inquā, vt funditus interire, ac prorsus extingui crederetur anima, si corpus periret in aquis. Aiunt aliqui tradita hæc ab Homero fuisse in Odyss. quarto; cum de morte Aiakis Oilei narrationem ita clausit extremam.

Sic Ajax perijt, salsam vt babit aequoris undam.

Alios enim, quos alibi mortuos commemorat Homerus, non perijisse dicit, sed domum adiisse Plutonis, atq; ad Inferos descédisse: quia non prorsus interierant. Inde nimirum factū putat Synesius in epist. iv. vt cū ab Homero mortui excitantur ab Inferis, inter eos numquā Ajax Oileus inducatur, qui perierat totus in mari. Huc nimirum pertinet Heracliti vox, pronunciantis, aquā animis esse mortem. atq; hæc opinio tam vulgaris erat, vt quidā milites, quemadmodum docet eodem loco Synesius, decreuerint necē sibi sua manu consciscere; ne naufragio perirent: rati, mortem in aquis esse animę mortaliū exitiale. Volebant, inquit ille, animam in aerem difflari, non aquis extingui.

Hæc ego cōmemoraui, vt locus hic expleretur partibus suis, nō vt significarē. Aeneam de illo interitu animæ quicquam cogitasse dū timuit. satis enim illi timoris, dolorisq; ampla suppetebat ex eo causa, quod ignobili morte, nec inter armatas copias interiret. Hoc verò cū dicitur, cumulatissime defendi videtur ab accusatoribus, qui formidinē illam, & tam mollem in viro forti conquestionem explodunt.

Nihilo tamen minus est aliquid vltra, quod objici queat ex Arist. cap. xii. in poëticis. vbi cum de morata fabula disputat; illud docet: in eo genere peccare poëtas cū personæ minimè congruentes, aut inde-

coros attribuunt mores , qualis,inquit,eiulatio est Vlyssis in Scylla . Si enim Vlysses reprehenditur ingemiscens in tempestate illa prope Phæaciam, de qua supra diximus , reprehendendus etiam erit Virgiliius, qui gemitum , & conquestionem Aeneæ ex eo loco sic expressit , vt ipsa pene verba describere videatur . Sed quomodo sibi constabit Aristoteles, qui in cap. illo vj. lib. Ethic. iij. veniam dat, quemadmodum vidimus, fortibus viris, vt in maris periculosa tempestate pertimescant? Neq; verò dicere iure possumus, ac vere; improbari hoc loco eiulantem Vlyfsem, non quidem in maris periculo prope Phæaciam , sive Corcyram, sed inter Scyllam, Charibdimq; periclitantem , quod est in Odyss. xij. Nullas enim ibi querimonias , aut eiulatus profert Vlysses; sed socios potius hortatur, vt patienter incommodum ferat . Ut aliquid hic ego diuinem cum Victorio , ac Robertello, dixerim, ab Arist. damnari non Homerum, sed poëtam aliquem dramaticū , & fortassis Epicharmum: cuius Vlyfsem naufragum laudat in lib. xiv. Atheneus. Damnari autem non propterea, quod in naufragio dolentē Vlyfsem fecerit (hoc enim, vt diximus, reprehendere non potest Aristoteles, quin à se ipso dissentiat) sed quod induxerit eundem ita muliebriter eiulantem, vt nihil addiderit de illa, quæ apud Homerum, & Virgilium est moriēdi cupiditate in acie, ac bello, quæq; deprehensos in tempestatisibus Heroes , ac fortis Imperatores excruciat . Aliud enim est angi, ac dolere tantum, quia moriendum est ; aliud cruciari eo maxime nomine, quod obscurō interitus genere, nec in arena moriendum sit. Maneat ergo, Vlyfsem illum apud ignotum poëtam doluisse tantū, quod mori deberet, non doluisse, quod extra bellī pulcherrimam aleā moreretur , ac propterea reprehendendum esse : laudandum Aeneam Virgilianum, & Vlyfsem Homericum, quod non de morte , sed genere mortis ignobili doleant, & conquerantur .

L O C V S V I .

D E C E R V I S I N L Y B I A .

An in ea regione licuerit Ceruos fingere, quos occideret Aeneas .

*Nauim in conspectu nullam, tres littore ceruos
Prospicit errantes . bos tota armenta sequuntur.
Constitit hic, arcumq; manu, celeresq; sagittas
Corripuit, fidus quæ tela gerebat Achates.*

Critici Geographos huc omnes, atq; historicos ad Virgilium accusandum conuocant: qui ceruos in Africa nulos esse testificantur. Plinius

nium in primis suæ subscriptorem accusationis volunt, ceruis Africam omnino carere confirmantem in lib. viij. cap. iij. cui adstipulatur Aristot. & Herodotus. Quo grauius errasse Virgilium dicunt: cum non hic tantum, verum etiam in Aeneid. iv. ceruos Lybiæ dederit Aenea & Didone venantibus.

*Ecce feræ saxi deiectæ vertice caprae
Decurrere iugis; alia de parte patentes
Transmittunt cursu campos, atque agmina cerui
Puluerulenta fuga glomerant, montesq; relinquunt.*

Similiter erratum putant in xj. vbi ad pyram Pallanti struendam milites lignatum dimisi, non modo notas vulgo arbores, sed olementem etiam cedrum succidisse dicuntur.

*Ferro sonat alta bipenni
Fraxinus, euertunt actas ad sydera pinus,
Robora nec cuneis, & olementem scindere cedrum,
Nec plaustris ceßant vectare gementibus ornos.*

At cedrus in Italia non est. neque enim cum cedrum dicimus, eam intelligi volumus arborem, quæ citri illa fert poma in Italia nunc vulgarissima, citrusq; propterea dicenda videtur esse, non cedrus. Video quippe à Dioscoride hanc in lib. j. cap. xxxvj. sic fuisse descriptam, ut cum ea cedro, de qua loquitur hic Virgilius vix villam habere similitudinem queat. Postremo inquit Dioscorid. quæ Medica, vel Persica, vel Citromela, à Romanis vero Citria nominantur omnibus nota arborem habent toto fœcundam anno. pomum oblongum est, rugosum, colore ad aurum vergente, cum grauitate odoratum. semen habet pyrorum seminibus simile. Multas hic nobis designat notas, quibus citrum distinguere possimus à cedro. Hæc enim alterius est arbor generis, procera, & magna, nasciturq; tantum in Libano Palestinae, atq; in Atlante, celeberrimo Mauritaniae monte: apud Romanos olim summo in pretio ad ornamenta mensarum, & lectulorum. Differt prorsus à citro non modo fructu, ac pomis, verum etiam folijs, & proceritate. quia citrus haud multum crescit, vt videmus, & folia maiora quidem, quam lauris habet, sed lauro simillima: cedrus autem & altissima prouenit, & folijs, odore, caudice, cupresso feminæ, aut iuniperi similis est. His notis, atque nominibus hæc duæ secernuntur arbores inter se, nihil minus tamen cedruin inuenias sepe pro citro positam apud scriptores, & citrum pro cedro. Nos interea cedrum propriè dicimus arborem illam proceram, ac magnam de qua sine dubio canit Virgilius: eamque confirmamus in Italia non esse, sed tantum in Mauritania, atque in Syria, vt Plinius ipse testatur. Quare mirandum videtur maximè cur à poëta scientissimo inter arbores enumaretur, quæ cæduntur ad rogum Pallantis in Latio.

Haud sanè minorem afferunt admirationem onagri , quos item in Italia collocat , cum præcepta rustica legesq; describens Italii suis , ait interdum exercendam esse venationem , & cursu premendos non lepores solum , & ceruos , quibus abundat hæc regio, sed etiam onagros , quibus omnino caret. Sunt enim onagri filieſtres asini , quorum greges ait Varro lib.ij.rei rustica cap.vj. esse in Phrygia,& Lycaonia , in Italia nullos , sed cicures omnes, ac mansuetos .

Vidit rei difficultatem Petr. Victor in lib. variarum lectionum xxx. viij. cap.j. Et quia modum euadendi non vidit, affirmare non dubitauit, peccasse quidem in his Virgilium, sed culpa leuissima : cuiusmodi maculas , inquit, negligunt poetæ cum ornamenta sectantur . Nemo tamen æquis, opinor, audiet animis hæc de Virgilio, qui limatissimus est, artificioque sic tersus, ut ne labeculam quidem patiatur , aut næuum. Itaque confugerim ego potius ad illam defensionem, quam primo loco posuimus in Prolegomenis ex Aristotelis poëticæ cap. xxij. vbi poëtarum errata bipartitò distinguit, ac diuidit: in ea, quæ poëticæ propria sunt, & in aduentitia, hoc est ea, quæ alienis peccantur in artibus. Priora propriè peccata esse conténdit, posteriora minus propriè , adeoq; poëtis non adscribenda ; cum præfertim idonea postulabat ratio, ut fingerent aliquid, quod ab alijs artibus abhorreret. Ad hunc, inquam, ego locum confugio , affirmoque non esse poëticæ propria illa, in quibus errare Virgilius dicitur, sed alterius discipline, hoc est historiæ naturalis, aut cosmographiæ diligentioris ; quæ non prouincias modò, sed mores etiam incolarum, animantiaq; omnia describit, ac notat in singulis . Quare aduentitium hoc erit erratum , multoq; leuius, quam quod Pindarus admisit cum ceruas fecit cornigeras, quæ cornibus carent. Si enim Pindarus culpa liberatur ab Aristotele , diciturque tantum peccare per accidens , non per se, multo liberandus est facilius hic Latinus poëta, dicendusq; in eo genere peccati accidentis extrinsecus errare leuius : quod est non errare . Id quod fortasse sibi voluit Petr. Victor. cum libere professus est, errasse Virgilium, sed leuissima culpa, hoc est ea, quam per accidens nominat Aristot. Quod si voluit, nihil à nobis alienum dicit : sed rem ipse non explicat. Ceterum hæc vniuersè diximus de tribus illis locis, deque alijs huiusmodi , qui apud Virgilium oppugnantur à Criticis . vna enim illa defensio tuerit singulos . Quia tamen aliam ego nominatim possum inire rationem ad ceruos in Africa retinendos, reseruabo patrocinium illud Aristotelis onagris, & cedro: nec dubitabo dicere , verè ceruos in Africa esse , ex auēritate, testimonioq; multorum . Nam Oppianus lib.ij. de Venatione distinctè, planèq; posuit in Lybia ceruos.

Finibus extremis Lybiae nutricis equorum

Ser-

*Serpentum legio feruet criſtata per agros.
At cum fusus arenoso ſub culmine ceruus
Molles ſub dio carpit per membra ſopores,
Squammeus extemplo ſerpentum exercitus illum
Inuadit,&c.*

At ne dicatur hic etiam errasse Oppianus eodem abreptus oeftro, canendiq; studio, quo deceptus Virgilius sit, alios proferamus testes grauiores. Philoſtratus in lib. vj. vitæ Apollon. cap. xij. vbi ea percenſet, quæ Apollonius ipſe propè Nilum aſpexit, ceruos nominatim ab eo viſos eſſe commemorat, capreas, ſtruthiones, & feras quaſdam ex ceruio miſtas, ac tauro. Albericus verò Gentilis in lib. Virgilian. leſt. cap. viij. exiſtimat Virgilium cum ceruos in Africa poſuit, ſecutum eſſe Timæum historicum, cuius haud mediocris auſtoritas eſt. Sed nulla ſit Oppiani, Philoſtrati, Timæi, aut aliorum teſtificatio. ipſo demum comprobatum experimento eſt, ceruorum in Africa greges eſſe. Tradit enim Brod. libro M iſcellan. viij. cap. xij. Italos à ſe, Gallosque, qui fuiffent in Africa Barbarorum captiui ea de re interrogatos eſſe, ac respondiſſe in Africa ceruos ſe vidiffe permultos.

Quod ſi tamen alicui auſtoritas Aristotelis, & Herodoti, qui ceruos in Africa eſſe negarunt, tanta videtur eſſe, vt ne oculis quidem, ipſis exiſtimant habendam fidem, dicere ad tuendum Virgilium poterit, eorum quidem aūo nullos in Africa ceruos fuifſe, Virgilij autem aetate iam aliunde aduectos extitifſe, adeoq; poētam ea vti voluisse figura, quæ Græcè dicitur πελλαγις, latinè anticipatio. de qua necesse erit alijs in locis de industria, copioſeq; diſputare. Dat enim hæc figura poētis veniam, vt anticipeſt tempora, dicantq; ſine repreheſione aliqua multo iam ante fuifſe, quam nata, aut inuenta eſſent.

L O C V S VII.

DE PICTVR A QVA PASCIT ANIMVM

*Aeneas in templo Didonis.**An temerè, atque alieno tempore ficta ſit.*

— *Videt Iliacas ex ordine pugnas,
Bellaque iam fama totum vulgata per orbem.*

Hic etiam aliqui volunt erratum eſſe, ac per ſummaſ inciſtiam in eo templo picturam affiſtam, quam contemplaretur Aeneas; cñm pingendi ars Troianorum temporibus nulla fuerit, vt docet Plin. lib. v. cap. iij. in quo de picturæ inuenio ſic loquitur ad extreſum. Fatebiturq; quisquis diligenter eas aſtimauerit, nullam artium celerius conſummatam: cum Iliacis temporibus eam non fuifſe appareat. Nihil

ad Virgilium oppugnandum potuit Plin. explicatus dicere . Liceret mihi quidem eodem planè modo quicquid hic obiectur amoliri , quo superiorem quæstionem profigauit . Nam & hoc quoque alienæ peccatum est artis, hoc est historiae, non poëticæ proprium, si peccatum tamen aliquod est ; & poëtarum licentia dari potest hæc anticipatio temporis, quemadmodum aliae concedenda sunt multæ , ut alibi demonstrabimus .

Sed necesse non habemus ad hoc præsidium ire : cum exploratè dicerimus ab alijs , multo iam ante bellum Troianum artificium picturæ fuisse . Neque enim illa est apud scriptores antiquior memoria quam belli Thebani inter Eteoclem, & Polynicem . At illo tépore laudem aliquam habuisse picturam, atque in pretio fuisse , intelligere licet ex Aeschyllo in Tragœdia qua inscribitur ἐπὶ τὸν θηριόν vbi à nuntio describitur ita Capaneus picturatum ferens in eo prælio scutum .

Ἐχει δὲ σῶμα, γυμνὸν ἄνδρα πυρφόρον.
Φλέγει δὲ λαμπάς εἰδὴ χείρων ὀπώλησμένη
Χρυσοῖς δὲ φορεῖ γράμματα. τρίγωνα πόλιν.

*Insigne, nudum gestat in scuto virum,
Armata cui stat lampade ardenti manus,
Notisq; clamat aureis : Vrbem cremo.*

In clypeo autem Eteoclis hæc ait argumenta , superioribus maximè similia, fuisse depicta .

Ἐσχυλάττου δὲ αὐτοῦ οὐ μικρὸν Γρύπον.
Αὐτῷ δὲ ἔτριχος καλυπτός πέρος αὐμβύστεις
Στελζει, πρὸς ἔχθρον πύργον ἐκπέρυται θέλων.
Βοῦ δὲ χιτώνος γεγυμάτων τοῦσα συλλαγῆς :
Οἱ δὲ οὐδὲν ἀργοὶ σφεὶς ἐκβάλλοι πυργομάτων.

*Formatur illi clypeus haud paruum in modum.
Armatus etenim vir stat ad schalæ gradus,
Vertere inimicorum ad solum turres volens.
Itemq; clamat litterarum syllabis.*

Non ipse me de turribus Mauors ruet.

Quod si quis diuinando contendat , hæc in ijs Thebanorum ducum clypeis non expicta coloribus fuisse , sed vel cælata, vel sculpta, eum ego reuocauerim ad auctores picturæ multo sanè antiquiores, quam Troianum Aeneam . Plinius enim idem in lib. viij. eius inuentorem artis ait fuisse Gygem Lydium : qui vixit post nobilem illam eluisionem terrarum, qua nihil est in antiquorum monumentis antiquius. Aristoteles verò excogitatam in Græcia facit à Pyrrho Dædali cognato : Theophrastus à Polygnoto Atheniensi : qui tametsi non æquat alios antiquitate, ostendit tamen incerta initia picturæ fuisse apud priscos scriptores ; atque ideo licuisse Virgilio in tanta sententiarum varietate

tate illam probare, quæ picturam ficeret bello Troiano vetustiorem. Quid enim magis fingere poëta liceat, ac pro facto ponere, quam quod vtrum factum sit, dubio scriptores inter se iudicio disputant? Sic autem illos de picturæ incunabulis, exortuque disputasse, præter eos quos ante laudatui ostendunt etiam alij. Nam Aegyptios, vel eodem Plinio teste, ante sex annorum millia picturam apud se inuentam dicebant, quam transisset in Græciam. E Græcis autem ipsis aliqui apud Sycionios, aliqui apud Corynthios natam putabant. omnes tamen affirmabant vnum; ex umbra hominis initium habuisse: quā primi eius artis autores lineis circumscribere aggressi sunt. Præstabilit igitur hic adhibere tertiam decimam defensiouem expositam à nobis in Prolegomenis, quæ veniam poëtis dat, ut ex opinionibus doctorum hominum aliqua in re variantibus, sibi quamlibet sumant, seponantq; pro arbitratu.

L O C V S VIII.

*D E T E M P O R E Q V O D I D O
Carthaginem condidit, & tan Aeneæ suppar
etate fuerit.*

*Hec dum Dardanio Aeneæ miranda videntur,
Regina ad templum longè pulcherrima Dido
Incessit, &c.*

Hic verò laborādum diutius est. Arguitur enim, planissimèq; conuincitur poëta mendacij: cum Didonem ijs temporibus fuisse finxerit, quibus non dum natam omnes omnino prodiderunt historiæ. Aeneas quippè Didonem antecessit annis ipsis ccxxviiij. eoque amplius, ut facilis est supputatio ex Iustino in lib. xljj. vbi scriptum reliquit, Ascanium Aeneæ filium Albam Longam condidisse, vrbemq; illam Regni fuisse caput annis ferme trecentis. excitatam postea, fundatamq; Romam à Romulo, qui ex Albanis Regibus oriundus erat. At Carthago, ut idem docet Iustinus lib. xvij. à Didone condita est annis tantum duobus, & septuaginta ante Vrbis Romæ molitionem. id quod etiam scripsit Orosius in lib. iv. cap. vj. ergo, si duos & septuaginta demas è trecentis, superant anni ducenti, octo, & viginti, quibus Aeneas Didonem antecessit. Eadem pene testatur Velleius Paterc. in libro primo: eoque tantummodo discrepat, quod Carthaginem exadificatam putat annis quinque, & sexaginta ante Vrbis exordium.

Quin

Quin Dido ipsa cum fuit, & virago, & castissima fuit. Sibi enim in pectus adacto ferro, suo se iudicio præcipitem dedit in subiectum ro-
gum, inspectante populo; ne larba Getulorum, siue Mauritaniae Regi,
contra quam Sichæo conungi vita iam functo pollicita fuerat, nubere
cogeretur. Id enim larba Rex ab ea non quotidianis modo precibus,
sed minis etiam intentatis exprimere conabatur: quod est apud eun-
dem Iustin.lib. xvij. & indicatur à Tertulliano in parænesi ad casti-
tatem. Ait enim Didonem in alieno profugam solo, vbi Regis ultro nu-
ptias optare debuerat, ne tamen secundas experiretur, vri maluisse,
quam nubere. Rectè itaque D. Augustinus lib. Confess. primo cap. iij.
Virgilianam hanc de Didone narrationem appellat mendacium. Re-
ctè Macrobius lib. v. cap. xvij. fabulam nominat. Qui cum dixisset, Vir-
gilium non Homeri tantum imitatorem suisse perdiligentem, sed etiā
aliorum, hæc ad rem comprobandum adiungit. Non de vnius race-
mis sibi vindemiam fecit: sed bene in rem suam vertit quicquid vbi-
cumq; inuenit imitandum, adeo, vt de Argonauticorum quarto, quo-
rum scriptor est Apollonius, librum Aeneidos suæ quartum totum pe-
ne formauerit, ad Didonem vel Aeneam amatoriam continentiam
Medæ circa Iasonem transferendo: quod ita elegantius auctore di-
gessit, vt fabula lascivientis Didonis, quam falsam nouit vniuersitas,
per tot tamen scula speciem veritatis obtineat. Tantum valuit pul-
critudo narrandi, vt omnes Phœnissæ castitatis conscijs, nec ignari ma-
num sibi iniecerit Reginam, ne pateretur damnum pudoris, conniveat
tamen fabulæ. Ita Macrobius. sed præstabit ipsam audire Didonem,
apud Ausonium hanc sibi per summam iniuriam impositam calum-
niam expostulantem.

Illa ego sum Dido vultu, quam conspicis hospes,

Affumulata modis, pulcraq; mirificis.

Talis eram: sed non Maro quam mibi finxit erat mens,

Vita nec incestis lata cupidinibus.

Namque nec Aeneas vidi me Troius unquam,

Nec Lybiam aduenit classibus Iliacis.

Sed furias fugiens, atque arma procacis Larba.

Seruavi fateor morte pudicitiam,

Pectore transfixo, castos quod pertulit enses

Non furor, aut læso crudus amore dolor.

Sic cecidisse iuuat. vixi sine vulnere famæ,

Vita virum, positis mænibus oppetij.

Inuida cur in me stimulasti Musa Maronem,

Fingeret ut nostræ damna pudicitiae?

Vos magis historicis lectores credite de me,

Quam qui fulta Deum concubitusq; canunt.

Falsi-

Falsidici vates, temerant qui carmine verum.

Humanisq; Deos assimilant vitijs.

Aliud est etiam Epigramma Marulli in eodem planè argumento, atq; sententia , quod quia concinit , ac respondet Ausonio prætercundum non est.

Non mibi Phryx nocuit: nec enim Phryga nouimus ullum;

Cura sed antiqui casta, tenaxque thori.

Quam ne coniugio Lybici violare Tyranni

Cogerer, hac cecidi fortiter vsa manu.

At vos ò Vates, si sunt hæc præmia laudi,

Quæ feret incesti fœmina adulterij?

Constat igitur omnium testimonio scriptorum mentitum esse Virgilium , tum in componendis temporibus tam inter se varijs, atque distractis , tum in exprimenda Didone contra quam postulabat eius castitas , & pudicitia . Causam perquirere necesse est, cur id sibi fas esse putarit doctissimus vir . neque enim existimandum est, ea Virgilium ignorasse , quæ isti tām explicatè ab historicis prodita fuisse commemorant .

Non possum de quæstione statuere , nisi quandam prius exponam licentiam poëtarum, quæ dicitur anachronismus, versaturq; in ratione temporum inuertenda pro arbitratu . Quippè videmus sàpiissime nouum tempus ad antiquum transferri , aut antiquum ad nouum ; quæque prisco facta suut æuo perindè commemorari, ac si multo post, aut nuper euénissent: contraque quod nouissimè gestum est, iam olim, & temporibus antiquissimis factum esse configi . Catullus è Latinis primus huius anachronismi sit testis ; qui in Epithalamio de nuptijs Pelei & Thetidis ausus est canere , tum Peleum amore captum Thetidis fuisse , cum in Argonautarum expeditione Colchidem adiit ad vellus illud aureum auertendum .

Tum Thetidis Peleus incensus fertur amore:

Tum Thetis humanos non despexit hymenæos,

Tum Thetidi pater ipse iugandum Pelea sanxit.

Et tamen Orpheus, Apollonius, alijq; prorsus omnes testantur, antequam Argonautæ illud iter haberent in mari, iam natum Achillem ex Thetide, Peleoque fuisse .

Eadem usus anachronismi licentia Propertius est in lib. iij. eleg. xij. cæstum, pancratiumq; Spartanorum ludis eo affingens tempore , quo Lycurgi legibus è gymnasio depulsa iam erant .

Multa tua Sparte miramur iura palæstre,

Sed mage virginei tot bona gymnasij.

Quod non infames exercet corpore ludos

Inter luctantes nuda puella viros.

*Cum pila veloces fallit per brachia iactus
Increpat, & versi clavis adunca trochi .
Puluerulentaq; ad extremas stat femina metas,
Et patitur duro vulnera pancratio .
Nunc ligat ad cæstum gaudentia brachia loris,
Missile nunc disci pondus in orbe rotat .*

Videtur his versibus haud dubiè significare , sua memoria, ac extate, cæstum, & pancratium Spartanorum fuisse gymnicos ludos , & tam en optimè norat, opinor, apud Spartanos Lycurgi decreto eas fuisse Gymnafij vetitas exercitationes, in quibus, vt ait Plutar. *zēs avativeru* manus attollitur . At inter ludos , in quibus attolli manum prorsus oportet , pancratium sine dubio fuit maximè , pugilatus , ac cæstus. Quin Seneca ipse planè, distinctèq; docet in libris de benef. pancratium apud Lacedæmonios non fuisse. Lacedæmonij, inquit, vetant suos pancratio, aut cæstu certare : vbi inferiorem ostendit vieti confessio . Sciebat, inquam, Propertius hæc : per eam tamen licentiam, de qua dico, illa etiam facta esse post Lycurgi leges commentus est , quæ illius instituto à Spartanorum exercitationibus , ac ludis fuerant iam olim sublata . Ante Lycurgum quippè Lacedæmonijs in vsu fuisse cæstum, ac pugilatum docet nos Lacedæmonius Pollux Castoris frater, utraque olim exercitatione gymnica nobilitatus .

Ouidius etiam nonnullis in locis temporum seriem, rationemque præuertit ex ea licentia, quām poëtis videbat esse solemnam . nam in postremo Metamorphos. comminiscitur , Numam Pompilium Pythagoræ fuisse discipulum. At hoc falsò traditum esse Liuius docet in decad. prima , & intelligi facilè potest ex eo , quod Numam decepsisse sciamus Olympiade xx. Pythagoram sexagesima floruisse . Et tamen utrumq; eodem planè tempore vixisse canit, vt dicebam , Ouidius in lib. Metamorphoseon extremo, iterumq; in tertio de Ponto, & Fastorum item tertio.

Omnes verò aliorum in hoc genere licentias vincit Alexis poëta. Comicus apud Athenæum in fabula , quam inscripsit Linum . Inducit enim Linum Herculi, quem erudiebat doctrina, præcipientem , vt è multis, qui aderant libris, vnum caperet, ac seponeret , qui sibi forte fortuna veniret ad manus. Quos quidem libros enumerans Linus, ait in ijs esse Orpheum, Hesiodum, Cherilum, Homerum, Epicharmum . At hi poëtæ non dum nati erant, fueruntq; Lino, & Hercule longè posteriores atate . Huic similis est licentia in illo intemperijs agitato, correptoq; furijs Hercule apud Euripidem . parat enim se ad ludos committendos Isthmiros: qui sunt instituti à Theseo post obitum Herculis, vt docent Pausan. Plutarch. & Pindari, Apollonijq. Scholia festes . Similis est in eiusdem Euripidis Cyclope : vbi Sicilia Græciæ pars esse di-

se dicitur, in quam tamen non dum erant induitæ Græcorum illæ Coloniæ, quæ postea Græciæ nomen Insulæ illi fecerunt. Eò quippe migrare sunt iussæ post imperium Lestrigonum, atque Cyclopum. Quid multa? Virgilius ipse in Aeneidos lib. vii. ponit à Latino Regem usurpatum fuisse morem aperiendi Iani.

*Mos erat Hesperio in Latio, quem protinus urbes
Albana coluere sacrum, nunc maxima rerum*

Roma colit, cum prima mouent in prælia Martem:

Sive Getis inferre manu lacrymabile bellum,

Hyrcanisue, Arabisue parant: seu tendere ad Indos,

Auroramq; sequi, &c.

Hoc tunc Aeneidis indicere bella Latinus

More iubebatur, tristesq; recludere portas.

Hunc inquam morem iam inde à Rege Latino repetit: cum tamen historicorum omnium, ipsiusq. Seruij testimonio nobis exploratissimum sit, eius instituti, religionisq. primum auctorem fuisse Numam, Pompilium, illum secundum Regem Romanorum. Huic alias est persimilis apud Virgilium locus in octauo: vbi laudes canuntur Herculis.

Nec te ullæ facies, non terruit ipse Tiphæus.

Arduus arma tenens.

Quo loco Seruius ostendit, aliud tempus fuisse pro alio positum. Confirmat enim poëta, in illo Gigantum prælio nobili Herculem stetisse, pro Ioue, nec Typhœo cessisse mōstroso Gigantum Principi, quod falsum erat. Cum enim Hercules vicisset Centauros, ut dictum ante fuerat ab eodem Virgilio:

Tu nubigenas inuictæ bimembres

Hyleumq. Pholumq. manu, tu Cressia mactas

Prodigia, &c.

Sequebatur, non potuisse eundem Herculem Gigantum interesse prælio, qui multis sanè sæculis erant iam Centauros antegressi. Sed quid ego poëtas dico? Plato ipse hac est abusus anachronismi licentia in Dialogis, qui poëmatis similes sunt. Eas enim personas colloquentes habet, quæ si tempora compares, inter se colloqui non potuerūt; cum æquales ætate non fuerint. Multa præterea dicit, quæ ab ipsa temporum ratione sunt aliena: quale illud est in Gorgia de Archelao, quem Macedonia Regem tum esse tradit, cum dialogos scribit; nec dubitat paulò post affirmare, Periclem è viuis nuperrimè decepsisse. Pericles autem, ut Athenæus ostendit, locum hunc Platonis exagitās, multo ante quam imperaret Archelaus, esse desierat interviuos.

Haud scio, an ad hunc anachronismum, atque ad hunc usum temporis immutandi, reuocari debeat quod à Callimacho factum est: reuocandum certè contendit Iacobus Mazonius vir doctus, in Apolo-

gia Dantis Aligherij . Cum enim Callimachus in antiquorum legisset historijs, eam annonæ caritatem, quæ, vt ex sacrarum monumētis litterarum didicimus, ipsum tenuit in Aegypto integrum , solidumque septennium , amplificauit illud tempus, atque ad nouem extraxit annos , addiditq; Nilum interea toto nouennio numquam exundasse, id quod etiam est apud Ouid. in lib.j.de Arte.

Dicitur Aegyptus caruisse iuuantibus arua

Imbris, atque annis sicca fuisse nouem.

Scitum quippè illud est de Aegypto ; imminere tām vberi prouincie rerum penuriā, cum parcè, malignèq; circumiectos campos inundat Nilus. ita prorsus, vt scriptum reliquerit Strabo, incolas ex incremēto Nili haud dubiè anni fertilitatē , sterilitatemq; præsentiscere . cuius rationem , ac modum præfensionis planissimè nobis ostenditur his verbis à Plinio . Iustum incrementum cubitorum est sexdecim , minores aquæ non omnia rigant , ampliores desinunt tardius rece- dendo . hæc enim serendi tempora absunt, solo madente, illæ non- dant sitiente . In duodecim cubitis famem sentit : in tredecim etiam non esurit : quatuordecim cubiti hilaritatem afferunt: quindecim se- curitatem: sexdecim delicias .

Ex ijs qua hucusque de temporis à poëtis usurpata peruersione, disputauimus , decernendum est , non debere Virgilium reprehendi , quod Didonem illo tempore fuisse dicat, quo tempore nondum erat : cum eo sit vsus comminiscendi iure, quod communis illi, vulgarisque poëtarum licentia concedebat .

Sed quærere tamen præterea libet, cur ea poëtis permissa libertas in tempora sit , vt omnia ijs in eo genere confundere liceat. Ita namque profligabitur omnino quæstio, si hæc etiam causa proferatur in- luçē. Eam ego repeto à re credibili, ac verosimili, quæ proposita poëtis ad imitandum est . neque enim verosimile , quod poësi tractatur, id esse necessariò debet, quod omnibus probabile sit: sed satis est, si fidem habeat apud multitudinē, ac vulgus. Huiusmodi verò multæ res sunt, quæ abhorrent quidem ab historijs, ac veritate, sed tamen earum fal- fitas cum poëtico verosimili non pugnat : quia non abrogat omnem fidem . Illud enim adimit omnem omnino fidem, quod ne populo qui- dem, ac multitudini credibile est . Quo sit vt quæ rerum , aut narra- tionum falsitas vulgo , ac popularibus cognita non est , à verosimili poëtarum aliena non sit : cuiusmodi video chronologiam esse; quæ vt probè teneatur à doctis, ac sapientibus viris, à multitudine tamen imperitorum ignoratur. Id etiā ab Aristotele didici. qui in eo cap. xxiiij. non obscurè prōnunciat , non semper poëtas sequi quod omnibus est credibile , sed sèpè id eligere , quod aliquibus tantum , aut etiam vni probatur. Igitur Aeneas cum Didone congressus, si spectes historiam,

& chro-

& chrohologiam, nullam meretur omnino fidem, si species poëticum verosimile, hoc est id, quod probari potest à populo, meretur aliquam. Non enim popularis multitudo nouit tām multos inter vtrumque annos, & sacula lapsa iam esse. Atque hoc eo fidentius à poëta potuit ita peruersti, ac fingi, quòd ne certum quidem, ac exploratum omnino apud historicos tempus sit excitatē Carthaginis. Etenim Iustinus conditam facit anno secundo, & septuagesimo, Eusebius tertio, & quadragesimo supra centesimum, antequam Roma poneretur a Romulo. Appianus Alexandrinus anno quinquagesimo fundatam vult ante Troianum excidium: sed tamen alios eius urbis auctores credit, non Sydone, ac Tyro profectam Didonem.

Quod pro Virgilio sic dicitur, alijs etiam opitulatur poëtis: qui tamē planissimē norant, eruditis, & prudentibus viris credibile non esse quod tam longē abesset à vero, sciebant tamen idem esse probabile vulgo: quod poëticæ satis est. Quotus enim quisque sit è populo, qui sciat, Achillem multò ante natum fuisse, quam Argonautæ proficiscerentur in Colchidem? aut Lacedæmonios vetuisse suos pancratio, & cæstu decertare; aut Pythagoram multò post vixisse, quam Numa Romæ regnaret; aut Herculem, & Linum, Homero, Hesiodo, alijs esse atate longē antiquiores, aut Isthmicos ludos institutos fuisse defuncto iam Hercule, aut morem aperiendi Iani à Numa, non à Rege Latino traditum esse. Ergo fas est poëtis immutare, ac peruertere rationem temporum: quia de rei veritate plerumq; popularibus, ac vulgo non liquet, quibus omnino seruiat poëta necesse est, ut copiosius alibi explicabimus.

L O C V S I X .

A N A E N E A S M E R I T O ,
ac iure dicatur à Virgilio Pius.

Rex erat Aeneas nobis, quo iustior alter

Nec pietate fuit, nec bello maior, & armis.

Hi versus cum eo, qui hos antecessit. [Sum pius Aeneas, &c]. faciūt, vt hoc loco quærere debeamus, an illud epitheton, & cognomentum Pij fuerit Aeneæ meritò tributum, & congruenter. Causam cur ea de re dubitandum, & quærendum sit, à multiplici pieratis notione repetendam puto. Est enim ambiguum nomen, ac multiplex, hoc est tām multa variaque significans, vt nisi ea distinguamus initio, tota disputationis ratio perplexa futura sit, atque difficilis.

Principio igitur vere, proprièq; pietas ea virtus est, quæ cultum tribuit ijs, quorum beneficio secundum Deum sumus, regimur, alimus, & conseruamur. Qua ex notione, ac definitione pietatis sequitur illud, vt pietatis officium sit propriè erga parentes, qui nos ediderunt in lucem, erga propinquos, erga patriam, erga ciues, à quorum singulis aliquid in illo genere beneficij hausimus. Vedit hæc, docuitq; in lib.ij.de Inuen. M. Tullius: cuius est ea Pietatis definitio ab Augustino viro sanctissimo probata, planeq; descripta. Pietas est, per quam sanguine iunctis, patriæque benevolis officium, & diligens cultus tribuitur. Hanc pietatis veram, incorruptamq; notionem secutus Valerius est in lib.v.cum illorum exemplis, qui parentum, & patriæ fuerunt obseruantissimi, titulum, atque indicem fecit. de pietate erga Patriam, erga parentes, &c. prudeinterq; in fine cap.iv. narrationem hoc epiphonemate conclusit. Ceteræ virtutes admirationis tantummodo multum; pietas vero etiam amoris plurimum meretur. Significat enim, hanc vnam ex omnibus virtutem suum ijs officium praestare, quos nobis ipsa natura summo vita beneficio copulauit. In hanc eandem sententiam idem usurpauit pietatis nomen Cicero, sed metaphorice, cum suam in Lentulum benevolentiam appellauit pietatem. videbat enim suo se muneri satisfacere non posse, nisi parentem salutis sua non benevolentia tantum, qua colimus amicos, sed etiam eo, quo vita nostræ obseruamus auctores, pietatis officio prosequeretur. Periucunda mihi fuerunt, inquit, litteræ tuæ, quibus intellexi te perspicere meam in te pietatem: quid enim dicam benevolentiam, cum illud ipsum grauissimum, & sanctissimum nomen pietatis leuius mihi meritis erga me tuis esse videatur? Ab hac propria, germanaq; ratione alia fluxerunt minus propriæ, quas tamen usus, & consuetudo probauit.

Nam primo quidem pietas sapissimè apud Latinos est ille cultus, quo vita nostræ principem, auctoremq; primum veneramur Deum. Religio quidem magis propriè dicitur hæc virtus, quæ Deum obseruat, sed eo differt tamen à pietate, quod religio Dei præpotentis excellentiam intuetur, pietas procreationis beneficium, vitæq; fontem primarium in eodem Numine veneratur, & colit. Si enim parentes nostræ dicimus auctores vita, illoque eos nomine colimus, quanto est æquius eiusdem vita fontem appellare Deum, eumque propterea omni planè significatione pietatis obseruare? Sed tamen hæc utriusq; virtutis erga Deum officia confunduntur uno pietatis nomine, quo sæpe numero scriptores eam, quæ propriè dici deberet religio, exprimere, ac significare non dubitant. Quare Augustinus integerrimus, idemq; doctrina vir excultissimus in lib.x.de Ciuit.cap.i. docuit, intelligere nos solere Dei cultum, cum pietatem nominamus, hoc est eam animi virtutem.

virtutem, quam Græci dicunt *εὐελέτην*; Latini religionem appellant. Cicero ipse pro religione distinctè, disertèq; pietatem posuit in oratione pro domo sua. [Nec vlla erga Deos pietas nisi honesta de eorum nomine opinio est.] Honestà enim de Deo sententia ea propriè, restriictèq; virtus est, qua Dei veneratur excellentiam, atque in omnes omnino virtutes imperium habet, ac dominatum. Clarus in oratione pro Plancio. [Fundamentum virtutum omnium pietas est.] fundamentum quippe virtutum omnium est ea, quæ propriè religio dicitur, & rectus sensus de Deo.

Secundo loco magis impropriè pietas omnino virtutem significat, in primisq; iustitiam: quo factum est, ut virtute praestantes, probiq; viri dicantur pii; scelesti, improbiq; nominentur impii.

Impius hæc tam culta noualia miles habebit?
flagitosus nimirum, atque iniustus. Id autem propterea sic est usu sermonis, & loquendi consuetudine iam receptum, quod qui virtuti, iustitiaque potissimum vitam consentaneam degunt, illi Deum præcipue videantur, & singulariter colere; in cuius gratiam eam viuendi rationem instituerunt. Cultus autem Dei pietas sèpè dicitur, ut declaratum est satis.

Tertia pietatis notio omnium maximè impropria est; quia misericordiam, clementiamq; significat: quarum officia virtutum longissimè distant à vera notione pietatis. Sic tamen obtinuit usus, ut quos misericordes, & clementes dicere volumus, eosdem pios nominemus: quod pulcherrimè scribit Augustinus loco laudato, ubi causam etiam impropriæ huius appellationis exponit. More vulgi, inquit, nomen pietatis etiam in operibus misericordia frequentatur: quod ideo arbitror eueniisse, quia hæc fieri præcipue mandat Deus, eaque sibi præ sacrificijs placere testatur. Ex qua consuetudine factum est, ut Deus ipse, qui clementissimus est, pius diceretur.

Quibus ita positis, aiunt aliqui, vel falso, vel minus congruenter à Virgilio dici più Aeream. Quantum enim attinet ad propriam illam notionem pietatis, quæ officiu patriæ tribuit, & cultum ciuibus, Aeneas minimè debuit effungi pius: cū Troiam vna cum Antenore prodiderit Græcis, vrbisq; portas hostibus aperuerit, ut rem litteris consignarunt historici, potissimumq; Dares Phrygius, qui bello Troiano, ut Isidorus ait, interfuit. Sic enim eam proditionem testatam reliquit in postrema eius libelli parte, quem de Troiano inscripsit excidio. Postquam pacta data sunt, Polydamas (qui ad proditionem transfigendam in Græcorum castra secesserat) in urbem redit, rem peractam denunciat. Dicit Antenor, & Aeneas, ceterisq; quibus placitum erat, ut suos omnes adducant, & noctu Scæam portam aperiant, lumen ostendant, exercitum inducant. Antenor, & Aeneas noctu ad portam præstò fuere.

D Neopt-

Neoptolemum exceperunt, exercitui portam referarunt; lumen ostenderunt, fugam prædio sibi, suisque prouiderunt. Quæ si vere dicuntur (dicuntur autem vere, quia dicuntur historicè) non licuit Virgilio Aeneam facere tam pium in suos, quem historici affirmant in patriam fuisse tam impium.

Sed esto, licuerit id comminisci ex poëtarum fortasse licentia, debuit tamen Aeneas etiam ea instrui pietate, quæ probitas, innocètia, iustitia est. qua qui non est prædictus, pius profectò dici non potest. At Aeneas stupro Didonem polluit, pollutam prodit, ac deserit, inuidit aliena regna, vastat Italiam. Quid verò de misericordia, & clementia dicatur, quæ postrema notio pietatis est? Ille ne pius, qui multis supplicibus, ac pœnam deprecantibus eripuerit per sumimam immanitatem vitam, qui que Turno ipsi manus iam danti, concedentique publica professione victoriam non erubuerit gladio mortem afferre? Restat igitur, ut propterea tantummodo dici pius queat, quod Deos impensè coleret, & Penates illos, parentem, filium flammis eruptos auxerit secum in Italiam. At ne hoc quidem credibile est eum fecisse, qui neque in patriam pius, neque in societatem humanam iustus, neque in supplices clemens, ac misericors sit. Quod tamen si fecit, haud propterea Pij cognomentum promeretur: cum alia quoque virtutes, quibus patriæ, quibus deprecatoribus, quibus humano generi prestatur officium, in eo Principe debeant apparere, qui verè Pius appellatione solemni dicendus sit. Quare Imperatores illi, quibus hoc est à rectè factis impositum nomen, non à religione modo, sed à misericordia, à clementia, à iustitia, ab officio in patriam, à probitate, ceterisq. virtutibus honorificum illum titulū sibi pepererunt. libet hoc ipsis propemodum oculis in Antonino perspicere, qui primus appellatus est Pius. Eius enim cognomenti causas innumerabiles, ac varias à multiplici petitas virtute ita commemorat, exponitq. Iulius Capitolinus in vita. Fuit, inquit, vir forma conspicuus, moribus clemens, placidus ingenio, mitis; præcipue sobrius, diligens agri cultor, alieni abstinenſ, in cunctis postremò laudabilis, & qui meritò Numæ Pomplilio ex bonorum sententia comparatur. Pius cognominatus est à Senatu, vel quod sacerorum fessa iam ætate, manu, præsente Senatu, leuauerit (quod quidem non satis magnæ pietatis est argumentum, cum impius magis sit qui ista non faciat, quam pius qui debitum reddat,) vel quod eos, quos Hadrianus per malam valetudinem occidi iusserat, reseruauit; vel quod Hadriano contra omnium studia post mortem infinitos, atque immensos honores decreuerit: vel quod cum se Hadrianus interimere vellet, ingenti custodia, & diligentia fecit, ne id posset admittere: vel quod verè natura clementissimus, & nihil temporibus suis asperum fecerit. Multæ, quod vides, hic enumerantur

tur animi dotes, ac virtutes, quæ Pij cognomentum Antonino dede-
runt: sed præcipua clementia est. à qua potissimum appellatum esse.
Pium ostendit etiam M. Aurelius in epistola ad Faustinam filiam. Cle-
mentia, inquit, patrem tuum in primis Pij nomine ornauit. Aslumpse-
runt hoc sibi postea Pij cognomentum alij, qui consecuti sunt, Impe-
ratores. Nam quemadmodum Pater patriæ dictus, & consalutatus à
Senatu primus est Cicero, ac post eum alij, seu per assentationem, seu
propter merita idem adepti sunt nomen, sic post Antoninum alij quo-
que, vel assentatoriè, vel verè dici cœperunt Pij. Eiusmodi Septimius
fuit: in cuius arcu triumphali ad Forum Boarium sub Capitolio le-
gimus. *Imp. Cæs. L. Septimio M. Fil. Seuero, Pio, Pertinaci, Patri Pa-
tria. Et in Pantheo. L. Septimius Seuerus, Pius, Pertinax, & Imp. Cæ-
sar. M. Aurelius Antoninus, Felix. Aug. Pantheon vetustate corruptum
omni cultu restituerunt. Iustinianus hanc item appellationem est cō-
secutus, vt ipse demonstrat Institutionum initio. Imp. Cæsar Flau. Iu-
stinianus, Alemanicus, Gothicus, Francicus, Germanicus, Anticus,
Alanicus, Vandalicus, Africanus, Pius. Cui altera respondet inscriptio
in ponte Salario. Imperante Domino nostro Pijssimo, ac Triumphali
semper Iustiniano Pijssimo Augusto, &c.* Eodem insignitus est titulo
Valentinianus; cuius hodieq. hic visitur index in ponte Insulae Tybe-
ringæ, qui dictus est Cestius. *F. Valentinianus, Pius, Felix, Maximus, Vi-
ctor, &c.* Quin Augustæ ipsæ Imperatorum coniuges aggressæ postre-
mò sunt eius sibi gloriā nominis usurpare. Nam in quibusdam nu-
misbatis ita scriptum inuenimus. *Diua Faustina, Pia, sideribus re-
cepta.* Sed hi, aliisque prope innumerabiles Imperatores illo cognome-
nto Pij, quod putarunt sine dubio glorioſissimum, non vnam volue-
runt exprimere religionem, sed clementiam, probitatem, iusti-
tiam, virtutes ceteras, vt docuit in Antonino Iulius Capitolinus;
iisque demonstrant tituli, qui subiunguntur: Patri patriæ, &c. Immo
verò disertè articulatimq. hoc dicere, ac docere nos voluisse viden-
tur ij, qui Galieno posuerunt arcum illum adhuc extantem in Vrbe
ad D. Viti. *Galieno clementissimo Principi. cuius in uieta virtus so-
la pietate superata est.* Quid enim hic est pietas, nisi ea virtus, quæ
clementissimi nomen Galieno Principi iure, ac meritò impertita est?
Multo planius id nobis ostendit ille, qui præcepta ciuilia tradit Hono-
rio apud Claudianum, in panegyr. iv.

*Sis pius in primis. nam cum vincamur in omni
Munere, sola Deos aquat clementia nobis.*

Hec autem cum sic agerent, ac dicerent summi viri, quid significabant
aliud, nisi Imperatores, ac Principes dici pios iure non posse, nisi re-
ligioni clementiam, aliasq. virtutes adiungerent, quarum ipsa religio,
vt Cicero dixit, est parens, ac fundamentum? Ex quo prorsus effici-

tur, Aeneam quantumuis religiosum, haud fuisse prudenter, appositiè que dictum à Virgilio pium : quia pietatis non omnes omnino numeros, ac partes expluit: quæ clementia, misericordia, iustitia, multipli ci demum cunctarum prope virtutum genere continentur . hæc isti dicunt, qui Virgilium in ea pietate , quam Aeneæ tribuit, peccasse contendent. Nos qui cœpimus hominis causam tueri , quantum ab ingenio fas est, eorum obiecta diluamus.

Confirmo itaque primum: licuisse Virgilio pium Aeneam facere, quem historici fuisse dicunt in ciues , ac patriam impium : quia rei veritas obscurissima erat, nec ab alio tradita, quam à Darete . Huius autem monumenta scriptoris, non erant in populi manibus. Quo siebat, ut esset credibile multitudini, quod paucissimis erat incredibile. Id verò esse illud verosimile, quod poëticæ propositum est, in proximè superiore disputatione demonstrauimus ; cum de Didone diximus , Aeneaq. in idem plane tempus à Virgilio compulsis : qui verè tamen varia, diuersa q. vixerunt atate . Neque enim illud est alienum à poëtico verosimili, quod aliqui sciunt esse falsum, sed quod omnes, hoc est ipsi etiam populares, abhorrere intelligunt à veritate. Reprehendémus quidem Virgilius esset, si quem ipse tam pium facit , eundem faceret aperientem portas, prodéntemq; hostibus ciuitatem. Sed quia locum istum declinat, Aeneamq. ex ea , quam habet in rebus obscuris commiscendi licentia, ita format , ac fingit , ut pro patriæ salute in vita se discrimen obijcientem, patrem, filium, Deos, Penates è flammis eripientem faciat, omni reprehensione carere debet , nec potest à Censoribus, nisi per iniuriam accusari.

Quod verò de probitate, deque iustitia dicitur , qua præditos esse oporteat eos , qui perfectè, absoluteque dicendi sunt Pij; pronunciare non dubitauerim , Aeneam innocentissimum , ac iustissimum esse . Quantum enim attinet ad compressam Didonem , facile se purget , cum ab ipsa potius in eam amoris fraudem perductus sit, quād eandē ipse pelleterit . Neque enim apud veteres illos homines flagitiosa in eo genere putabantur esse, que vi carerent, & iniuria. At violatam iam deferere non debuit. Iubebat hoc Iuppiter, qui subinde Mercurium allegabat Carthaginem, ut inde remorantem Aeneam , Didone reclamante, depelleret. De occupata verò Italia non est adeo laborandum . Illud enim ius , eamque possessionem acceperat ab oraculis , atque à Ioue , quem non Italiam modò, sed orbis etiam terrarum dominum putabant antiqui.

Tertius locus, qui de clementia est , & misericordia, salebras videatur habere maiores : sed tamen clementissimus est habendus , & dicendus Acneas etiam tum, cum ab ipsis accusatur inclemencie, & crudelitatis . Videntur illis impia, quæ commemorantur in lib. x. de

Aenea

Aenea viuos referuante captiuos octo , quos immolaret ad bustum
Pallantis .

Sulmone creatos .

Quattuor hinc iuuenes, totidem quos educat Vfens

Viuenteſ rapit inferias, quos immolet umbris ,

Captiuoq. rogi perfundat sanguine flamas .

Et quæ dicuntur in vndeclimo de eodem Aenea , funebrem Pallanti
pompam adornante . has enim ipsas hostias cum ceteris ferculis, do-
nisq. supremis ad tumulum duci iubet .

Multaq. præterea Laurentis præmia pugnae

Aggerat, & longo prædam iubet ordine duci .

Addit equos, & tela, quibus spoliauerat hostem ,

Vinxerat, & post terga manus, quos mitteret umbris

Inferias cæſo sparsurus sanguine flamas .

Hæc inquam ijs argumenta videntur esse summæ crudelitatis, & ea ,
quæ iure Lactantium in se declamatorem prouocarint . Apud Maro-
nem, inquit, libro v. cap. x. Rex ille ,

Quo iustior alter

Nec pietate fuit, nec bello maior & armis,

quæ nobis documenta iustitiae protulit ?

Vinxerat & post terga manus, quos mitteret umbris

Inferias cæſo sparsurus sanguine flamas .

Quid potest esse hac pietate clementius , quam mortuis humanas vi-
timas immolare, & ignem crux hominum tamquam oleo pascere ?
Sed fortasse non hoc ipsius vitium fuit, sed poëta , qui illum insignem
pietate virum insigni scelere feedauerit . Vbi est igitur ò poëta pietas
illa, quam sèpissimè laudas ? Ecce pius Aeneas .

Sulmone creatos

Quattuor hinc iuuenes, totidem quos educat Vfens

Viuenteſ rapit inferias, quos immolet umbris ,

Captiuoq. rogi perfundat sanguine flamas .

Cur ergo dicebat hoc ipso tempore , quo vinc̄tos homines ad immo-
landum mittebat [equidē & viuis cōcedere vellem] cum quos viuos
habebat in potestate, vice pecudum iuberet occidi ? Sed hæc, vt dixi ,
culpa non illius fuit, qui litteras fortasse non didicerat , sed tua : qui
cum esses eruditus , ignorasti tamen quid esset pietas , & illud ipsum
quod nefariè, quod detestabiliter fecit, pietatis esse officium credidi-
sti . Ita declamat Firmianus . qui profectò luderet extra chorūm, ni-
si verbis vltimis imprudens , ac nolens Virgilio patrocinium addidis-
set: cum ad extrellum conclusit, eum ignorasse quid esset vera pietas,
& religio . Verè enim ignorauit , qui pro religione superstitionem co-
luit ea tempestate vulgarem . Sed aliud est antiquorum accusare su-

perstitionem, aliud Virgilium arguere, quod congruentia illorum temporum pietati non finxerit: quod omnino faciendum fuit, si poëta cum consilio, ac ratione reprehendendus erat. Ita quippe minus congruentia diceret, si vera religione fuisse imbutus. sed quia superstitionem execrabilem veram putauit religionem, illi superstitioni maximè congruentia finxit, & Aenam maxime piū, ac misericordem fecit in Pallantem, qui videtur in speciem aduersus illos captiuos, ac supplices crudelissimus. Sic enim ipsi animum inducebant suum, mortuorum hominum, vitaq. iam defunctorum animas deleteri hostiarum sanguine, ac potissimum humanarum. Quare ut ijs requietem impertirent, ac pacem, rogos, busta, tumulos, ac sepulcra perfundebant humano sanguine, præcipue verò captiuorum in prælio, qui quidem usus inductus, & sublatus est, substitutis in captiuorum locum gladiatoribus bustuarijs, ut Seruius tradit. Itaque si nostram, hoc est verissimam, incorruptamq. spectemus religionem, impius est Aeneas: sin antiquam illam, quam ipse colebat impendiō, maximè dicendus est pius: immo verò etiam clementissimus est habendus. Nulla enim poterat esse maior, nulla iustior clementia, & misericordia, quam quæ Pallantis oblectare studebat animam inimicorum sanguine. Sed tamen unum est, quod non ita facile vindicare possimus in lib. x. de Mago illo: qui genua complexus Aeneas, vitam suppliciter exposcit cum obsecratione miserabili: & tamen ab Aenea tam pio, non modo non auditur, sed irridetur, depellitur à genibus, occiditur. Nam quæ superstitione ad eam illum crudelitatem adegit?

Inde Mago procul infensam cum tenderet hastam,

Ille astu subit, ac tremebunda superuolat hasta:

Et genua amplectens effatur talia supplex.

Hunc, inquam, supplicem, obsecrantem per manes Anchise, Iuliq. vietam, ad ea genua tamquam ad aram misericordia configientem, obstinatè repudiat Aeneas, &

Sic fatus, galeam laua tenet, atque reflexa

Ceruice orantis capulo tenus abdidit ensim.

Quid ille Lucagus, & Lucagi frater in eodem lib. decimo? non illi quidem immolantur ad bustum, sed cum irrisione quadam amarissima, contrucidantur in acie. Pius enim Aeneas ita eos

diectis affatur amaris.

Lucage nulla tuos currus fuga segnis equorum

Prodidit, aut vanæ vertere ex hostibus umbra.

Ipse rotis saliens iuga deseris. Hac ita fatus,

Arripiuit biugos. frater tendebat inermes

Infelix palmas curru delapsus eodem.

Per te, per qui te talem genuere parentes

*Vir Troiane sine hanc animam, & miserere precantis.
Pluribus oranti Aeneas . haud talia dudu m
Dicta dabas: morere, & fratrem ne desere frater .
Tum latebras animæ pectus mucrone recludit .*

Sed tamen is etiam codem præsidio dissoluit nodus . Quamquam enim hos non immolat Aeneas , neque tanquam hostias admouet ad tumulum , ipsis tamen interficiendis illud agit , vt Pallanti ab hosti- bus occiso gratificetur , quod existimat esse misericordiæ , summæq. in amicum extinctum pietatis officium . quippe hoc etiam crediderunt antiqui , defunctorum manes non modo sanguine illo delectari , quo perfundebatur rogus , ac tumulus , sed etiam reposcere vehementissime vltionem , ac pœnas ab ijs , à quibus essent occisi . sic , inquam , vt erra- bundæ , miserrimæq. putarentur animæ , quæ iacerent inulta , quarum- ue mortem , aut iniurias nemo apud viuos vlcisceretur . Hac nimi- rum imbutus opinione Lucanus , animam Crassi à Parthis interempti errare cecinit inultam , quia non dum in eam prouinciam Romanus exercitus ductus erat ad repetendas à Barbaris pœnas . hac institutus Quid Althæam inducit , occisis à Meleagro filijs ciudē Meleagri mor- te postrema solatia dantem . hac ante omnes inducti Græcorum Tra- gici Polyxena morte placarunt Achillis interficti manes . hac demum Dido iam olim erudita , imminente obitu summam suæ calamitatis eam esse putabat , quod moreretur inulta . Quin Opis apud Virgi- lium ipsum libro undecimo , Aruntem occisura , animam Camilla de- mortuæ sic consolatur .

*Non tamen indecorem tua te fortuna relinquet
Extrema iam morte , neque hoc sine nomine lethum
Per gentes erit , aut famam patieris inulta .
Nam quicunq; tuum violavit vulnera corpus
Morte luct merita .*

Cum igitur Aeneas in eo totus esset , vt Pallantis placaret manes , vel sacrificio funebri , vel vltione , captiuos illos reseruauit inferijs , obuios hosce cōfixit gladio , vtroq. prorsus officio Pallanti gratificaturus , sa- crifidum , & vindictam exposcenti . Atq. id de Turno etiam ipso dicé- dum , & constituendū erit : cui sine dubio dedisset veniam , nisi Pallantis anima , cuius repente baltheus apparuit , illo sanguine placare voluis- set . Quod profecto singularis indiciū est misericordiæ : cū debuerit vir humanissimus moueri potius calamitate Pallatis , qui errabat inulta apud inferos , ac de vindicta sollicitus , quam precibus , aut Magi , aut Lucagi , aut etiā Turni supplicantis inflecti . eorum quippe sanguine , ac cæde requies Pallanti parabatur , vt diximus . Quin à Turno reposce- bat pœnas illas Euander hospes , de quo in eo prælio maximè cogitatbat Aeneas , cū interfecto Pallante tā multos occideret : vt dicitur in lib . x .

• Proxima quæq. metit gladio, latumque per agmen
 Ardens limitem agit ferro. Te Turne superbum
 Cæde noua quærens. Pallas, Euander, in ipsis
 Omnia sunt oculis: mensæ quas aduena primū
 Tunc adjit, dextræq. datae.

Hoc igitur agebat suo quidem iudicio, & voluntate, vt Euandri dolorem consolaretur; sed nimium quantum ad idem est officium incitatus ipsius Euandri postulatis: qui recepto Pallantis corpore, hoc disertè nuncijs dedit in mandatis, vt ad Aeneam in regressu deferrent: mortem se Turni peroptare vehementer, quæ Pallantis animam, manusq. demulceret.

Vadite, & hac Regi memores mandata referte.
 Quod vitam moror inuisam Pallante perempto,
 Dextera causa tua est. Turnum gnatoq. patriq.
 Quam debere vides: meritis vacat hic tibi, solus,
 Fortunæq. locus. non vita gaudia quero:
 Nec fas: sed gnato Manes perferre sub imos.

Fuisset igitur inhumanus Aeneas, si Pallantis animam inquietam, & hospitis Euandri postulata neglexisset. Neglexisset autem, si Turnum ipsum, quantumuis obsecrantem, postremumq. supplicium deprecantem audiuisset.

LOCVS X.

DE TOTIVS PERFECTIONE LIBRI.

An aliquid in eo desideretur, aut superet.

Id placuit extremo loco querere; quia Castelutrus habet duo, quæ hoc in primo libro reprehendat: unum; quod superuacaneū sit, alterum, quod in opere minus absoluto requirendum videatur. Superuacaneam ait esse illam Amoris in Ascanium metamorphosin, & commutationem extrinsecus accersitam: desiderari vero mulierum Trojanarum hospitium, quæ relinquuntur in littore, vel in classe; cum eorum nulla mentio sit, dum alij Carthaginem omnes aduocantur.

De Cupidinis illo episodio in Ascanium commutati respondeo, non esse redundās, ac vacans, quia verè dignus erat vindice nodus ille, nec soluendus, nisi per machinam. Cum enim Dido castissima, non modo peregrini-


peregrinos illos homines , ignotosq. exceptura esset hospitio libentissimis animis, verum etiam eorum Duce impotenter amatura , tam admirabilis ea res videbatur , vt nisi aliquis interneniret Deus , qui Didonem fleteret, caperet, prioris viri obliuione quodammodo consopiret , incredibilis futura esset , nec ullam apud quempiam fidem habitura. Quis verò è Dijs omnibus hanc æquius sibi vindicabat machinam,quam ille,qui & benevolentia putabatur esse conciliator , & eius frater,aduersus quem ea Regina erat amoris ardentissimis fabiis inflammanda ?

Quod verò de curta,imperfecta q. libri compositione dicitur, multis refelli nominibus potest: sed vnum est satis. Quid inquam ? Nemo est, opinor, qui non videat , feminas illas Troianas fuisse gregarias , ac vulgares: adeoq. mirabitur nemo, si minus hospitio recipiantur , aut relinquantur in clasfe, velut impedimenta quædam , & onera nauium: cum præsertim Aeneæ consilium esset, non resistere Carthagine , sed primo quoque tempore in Italiam soluere . Etenim si inter eas fuisse aliqua regia femina , vel primaria , fuisse sine dubio illo perbreui etiam tempore accipienda hospitio, & adhibenda conuiuio. Nunc autem cum vulgares essent,nihil erat necesse curam istam suscipere, aut earum mentionem aliquam facere,dum Æneas , dum oratores , dum Troianorum primi commemorantur .

Suspiciari præterea licet, exceptas illas feminas hospitio fuisse cum reliquis Trojanis : sed tamen id non erat memoria prodendum , aut prohibendum poëta versibus nominatim ; cum nulla, vt diximus, esset inter eas tam magni nominis femina, vt præcipuam postularet à poëta commemorationem .

Finis Libri Primi.





LIBRI SECUNDI

AENEIDOS.

LOCVS PRIMVS.

*DE DISPOSITIONE POETICA AE
narrationis.*

*AN NECESSARIO DIFFERRE DEBEAT
ab historica.*

Conticuere omnes , &c.



ANC huius initio Libri secundi quæstionem proponimus, quia rei gestæ videbatur ordo postulare , vt narrationis initium caperetur ab incendio Troiano, aut ab eo tempore, quo statim post incensum Ilium classis illa sub Idæ montibus adornata soluit ex Antandro . Illud tamen in libro secundo narratur , hoc in tertio: nec expositio poëtica prius exordium narrandi fecit , quam septem ipsos annos errasset Aeneas , ut Dido testatur in primo .

*Immo age, & à prima dīc hospes origine nobis
Insidias, inquit, Danaum, casusq. tuorum,
Erroresq. tuos. nam te iam septima portat
Omnibus errantem terris, & fluctibus, æstas.
Quærendum igitur est , an ita necesse habeant ordinem perturbare
poëtae,*

poëtæ, vt aliud dare principium poëmati debeant, quām quod ab ipsa rei gestæ serie sibi vident offerri: cum præsertim Homerus in utriusque stru^tura operis idem secutus sit institutum; nec inter poëtas vniuersos alios numerare possumus, qui contra fecerint, quām post Virgilium Latinos illos alterius classis, Silium Italicum, Lucanum, Valerium Flaccum, alios ex eodem ordine paucos.

Si consulamus Horatium, sine dubio respondebit, poëta à rei gestæ medio impositam omnino esse necessitatem poëmatis inchoandi: nec aliter exponi, disponique posse poëticum argumentum.

Nec redditum Diomedis ab interitu Meleagri,

Nec gemino bellum Troianum orditur ab ouo.

Quo loco citra controuersiam hoc traditum præceptum ingressio[n]is: quia de principijs ibi poëmatum disputat aduersus Cyclicum, atque hæc subiungit versibus illis, quos modo laudaui.

Semper ad euentum festinat, & in medias res

Non securus ac notas auditorem rapit: & quæ

Desperat tractata nitescere posse, relinquit.

Atque ita mentitur, sic veris falsa remiscet,

Primo ne medium, medio ne discrepet imum.

Eandem exposuerat ante præceptionem initio artis. quo fit, vt minus de hominis sententia dubitare debeamus. Ita enim ordinem, dispositionemq. poëticam describit dilucidè.

Ordinis hæc virtus erit, & venus, aut ego fallor,

Vt iam nunc dicat, iam nunc debentia dici

Pleraque differat, & præsens in tempus omittat.

Hoc amet, hoc spernat promissi carminis auctor.

Sed tamen aliqui requirunt in hoc genere auctoritatem, ac doctrinam Aristotelis; quem dicunt, vel ea de re non præcepisse, vel alia sensisse omnia, quām quæ hic ab Horatio pronunciantur ex tripode. Nam in cap. v. poëtices, vbi de fabulae magnitudine differit, cum eam dixisset oportere ex principio, medio, fine coagmentari, veluti corpus aptè, congruenterque compositum ex partibus, principium ita definiuit. Principium illud esse dicimus, quod non necessariò post aliud est, & quo aliquid posterius necessariò est. Docet igitur Aristoteles principium illud esse, quod reliqua antecedit omnia: id vero quid est aliud, nisi quod ante gestum est? Et monstri profecto simile videatur, si quod medium est, initio collocetur. Locum alium proferunt Aristotelis: vbi sic pene loquitur. Atque hæc in ipso contextu ita sunt componenda, vt ab ijs, quæ ante gesta sunt, nasci consequentia videantur. Existimant enim eum velle, vt quæ gesta prius sunt, priore loco constituantur, quemadmodum fieri videmus in historicâ collocatione, in qua temporis, naturæq. ordo retinetur.

Audiendi tamen isti meo iudicio non videntur : neque ob eas ipsorum rationes explodendi poëtarum principes sunt , qui naturæ temporisq. perturbarunt ordinem: nec antiquorum omnium repudianda sententia est, qui semper existimarunt, hoc nomine potissimum historiam ab Epica differre, quòd illa dispositionem sequatur temporis , & naturæ, hæc artificiosam, permutatisq. temporibus collocationem, accersitam . Nam Dio Chrysostomus in oratione Troiana, non modo nominatim Iliadem immutato rerum ordine dispositam esse ait , verum etiam docet vniuersè, illum eundem esse morem, idemq. institutum omnibus , qui res falsas reddere credibiles oratione conantur . Cum Homerus , inquit , suscepisset explicandum Græcorum bellum aduersus Troianos , non est aggressus ab initio , sed aliunde : id quod faciunt plerique omnes, qui mentiri volunt , ac mentiendo tamen fidem obtinere. Implicit enim omnia ; nec quicquam ordine dicunt : rati, eo modo facere se posse , vt mendacium multo minus appareat : In iudicijs hæc cernere licet expresse, alijsq. sanè multis in locis , vbi callidè tractatur artificiosèq. mendacium . qui verò sic res demonstrare volunt, vt gestæ sunt , priora prius dicunt, deinde posteriora : tum alia subiungunt, vt tempus, & ratio postulant . Hæc ergo vna est causa, cur Homerus noluerit in sui poëmatis expositione ordinem temporis, ac naturæ seruare . Ex hac inquam Dionis Chrysostomi disputatione, non modò coniucere , sed intelligere perspicuè possumus , antiquorum illam opinionem fuisse, quæ crederet, proprium esse poëtarum in narranda, disponendaq. fabula ordinem inuertere , ac permutare. Videtur idem docuisse Quintilianus his verbis [Vbi ab initijs incipiēdum, vbi more Homericō à medijs, vel ab ultimis] Cum enim morem Homericum dicit, poëticum intelligit , aut epicum vniuersè . Quin ita prorsus interpretandum puto prouerbium illud, quod vulgo in eos usurpatum est , qui aliquid ordine peruerso facerent . ὅμηρος ἔστεπον πρότερον . dicebantur quippe rem Homericè , hoc est poëticè disponere, posthabitare prioribus, posterioribus antepositis . Itaque Rodulphus Agricola in tertio libro de Dialectica Inuent. capite septimo, antiquorum iudicia sequutus, decernere non dubitauit, ac pronunciare, inter poëticam, historicamq; narrationem hoc esse discrimen vel maximum , quòd historicus naturalem persequitur seriem, priora primo loco statuens, secundo, tertioue posteriora; poëta rerum gestarum naturam, ordinemq. perturbat , à medijs exordiens rebus, prætermisas aliquo commento , aut episodio postmodum reprehendens .

Ad Aristotelem veniamus, quem isti nobis opponunt . Et quoniam primo loco contendunt , nullam ab eo traditam esse in hoc genere, præceptionem, id primū etiam nos falsò dici demonstremus, deinde locos

locos illos interpretemur , vbi contra sensisse videtur, quam vulgo iam de dispositione poëticæ narrationis existimetur.

In cap. poëticæ xxij. vbi de narratiua poësi , hoc est Epica dedita opera, consultòq. disputat, ita præceptum hoc, si minus expressè proponit, abditè certè, ac dissimulanter adumbrat. De narratiua, inquit, imitatione illud constat; oportere in ea fabulam ex vna tantum actione perfecta sic constituere , quemadmodum constituitur in Tragedia : quæ nimirum principio, medio, fine, componatur, vnumq. veluti corpus, aut animal suis absolutum partibus efficiat , à quo peculiaris quædam voluptas, delectatioq. nascatur . Constat item eiudem narratiua poëseos fabulam vfitatis historijs dissimilem esse debere : quæ non vnius tantum actionis expositionem habent , sed temporis tantum vnius . Ex his Aristotelis verbis ratiocinari sic liber. Confirmat Aristoteles fabulæ constitutionem in Epica similem esse oportere constitutionibus Tragediarum. Sed Tragica, ceterarumq. drammati- carum expositio formarum principium ducit à medio, vel fine rei gestæ, præterita verò, & superiora per episodia coagmentat , & per narrationes aliquorum hominum , qui ea pro re nata commemorant inter agendum . confirmat igitur Aristoteles , Epica narrationis initia petenda esse à medio . Docet deinde constitutionem eandem Epicæ dissimilem vfitatis historijs esse : docet igitur alio prorsus modo disponendam esse, quam disponatur historia . At si temporis sequeretur ordinem, eodem planè modo disponeretur. Video respondere aliquem posse, dissimilitudinem illam in eo positam esse, quod Epicæ constitutionis vna sit actio , historicæ plures : ac verè quidem id video dici. sed tamen hinc etiam consequens est , expositionem poëticam esse, illo nomine dissimilem, quod cum temporis, & rei gestæ peruerat ordinem , quem historia diligentissimè retinet , vt dicebamus . Cum enim ita vnam actionem complectatur poëta , vt necessè habeat cetera, quæ pratermisit, episodijs adnectere, non potest eam actionem historico more, hoc est ordine temporis exponere : quia cum addit digressiones illas, obliquasq. narrationes rerum præteriorum , tempora confundit, ab eaque rerum serie naturali necessariò discedit, quam constanter, & tenore perpetuo sequitur historicus . At omittere posset episodia, dicet aliquis , & Vlyssem in Ithacam, Aeneam in Italiam ducere, neglectis illis errorum narrationibus apud Alcinoum, ac Didonem. Negat id Epico poëta fas esse, ac ius Aristot. qui in eodem cap. paulò post laudans Homerum , significat episodia illa esse pernecessaria, nec Epicam expleri posse partibus suis, nisi digressiones ad- dantur, atque operis appendices aliqua . Quamobrem , inquit, ob id etiam præ ceteris diuinus Homerus haber iure debet, quod bellum quidem alioqui principio, medio, ac fine constans totum scribere mi- nimè

nime est aggressus: sed eius parte dumtaxat suscepta , pluribus in ea vsus episodijs est ; sicuti catalogo , alijsq. quibus poësim ipsam locupletissimam reddit . Alterum ego locum proferre possum ex cap. v. vbi de fabularum principio, ac fine conquirendo præcipit in hunc modum . Oportet ergo bene contextas fabulas , neque vnde fors tulit , temere incipere , neque vibilitate definere, ac terminari. Quæ præceptio illud mihi videtur velle, quod paulò ante diximus . frustra quippe ea doceret Aristoteles de principio fabulae, si principium sumendum esset ab initio rei gestæ , quemadmodum natura, tempusq. præscribit . Quorsum enim admonendus esset poëta , ne temerè , ac fortuitò initium operi faceret , si capiendum necessariò esset ab ijs , quæ gesta principio sunt ? Illud ergo non dubiè monito tamen præclaro demonstrat; esse quidem exordiendum post initium rei gestæ , sed videntur tamen esse , ne post illud initium , vnde cumq. ac temerè exordiamur . Consulendos nimirum putat bonos poëtas, in primisq. Homerum , qui hæc exordia post initium rerum gestarum in loco, prudenterque fecit .

Supereft, vt de principij definitione ab Aristot. tradita videamus; quam aduersarij sibi sumpererunt veluti solidissimum sua sententiae firmamentum . Cum enim dixerit, principium id esse , quod non necessariò post aliud est , & quo aliquid posterius necessariò est , existimant omnino, principium esse poëmatum debere ipsum rei gestæ caput, quo nihil est prius , & quo posterius necessariò aliquid est . Quibus vt respondeam, illud optimo iure contendo : non posse Aristotelem id sibi velle, quod eum isti voluisse credunt , nisi pugnantia cum ijs dicat, quæ , vt ante docuimus , de fabulae unitate scripta reliquit . Homerum enim eo nomine laudauit, quod belli Troiani errorumque Vlyssis partem sibi tantummodo canendam suscepit, reliqua episodijs attexuerit . Nam si principium fabulae illud est, quo nihil est gestum prius , male duxit initium Homerus , cum ab ea exorsus est rerum gestarum parte, quam multæ prorsus antecesserunt . Existimo igitur Aristotelem eo loco definire principium illud artificiosum , quod capitur à medio, vel certè post initium rei gestæ ; ac definiendo pronunciare, id esse fabularum principium exquisitum , atque laudatum , quod quamquam ex ipso rei gestæ medio petitum est , ita tamen apposite, prudenterq. ducitur , vt à rebus , quæ antecedunt, & que benè , accommodatèq. duci non potuisse videatur . Id enim ipsis proprium cernitur oculis in exordijs Homeri, atque Virgilij: quæ à superioribus oriri cum laude non potuerunt . Itaque rectè dici possunt ea esse , quibus nihil sit necessariò prius , & posterius aliquid necessariò sit . Si enim aliquid prius cum laude non potuit esse , aliquid prius necessariò esse non debuit .

Alia,

Alia, quæ producunt in medium ex Aristotele, affirmante, in ipso contextu poëmatis ita esse componenda omnia, ut ab ijs quæ ante gesta sunt, nasci consequentia videantur, hæc, inquam, puto aliorum pertinere: nec eum loqui de toto poëmatis textu, sed de illa poëmatis parte, qua sola, demptis episodijs, ipsa rei summa continetur. Non enim semper Aristoteles, cum de poëmate loquitur, ita narrationem totam poëmatis intelligit, ut comprehendat etiam episodia. Video quippe rem ipsam tantummodo, quæ recta narratione tractatur; interdum appellari ab eo, ac dici poëma, vel id quod poëmatis proprium est: ut in cap. xv. In dramatibus, inquit, episodia brevia esse debent: contra in Epopeia sunt longiora: qualia videmus in Odyssea, cuius argumentum hoc est: Cum annos permultos quidam peregrinatus esset, obseruatus à Neptuno, relictus à suis; cumq. res domesticas sic haberet constitutas, ut absumerentur opes à procis, filius appeteretur insidijs; diu multumque iactatus pelago, domum aliquando peruenit: ubi cum aliquos agnouisset, sic in eos inuasit, ut euaderet ipse sospes, inimicos vlcisceretur. hoc itaque proprium eius poëmatis est: cetera ad episodia pertinent. Sic Aristoteles eo loco totum argumentum retexit Odysseæ. Videmus adeo ipsam tantum narrationem rectam, poëmatis narrationem propriam dicere, siue poëma; reliqua omnia extra narrationem propriam posita, tamquam aduentitia quædam, & accessita ipso poëmatis nomine non comprehendere. quod alibi etiam docet, eo que in primis loco, quem proferunt aduersarij. Cum enim ait è rebus gestis priora esse primo loco ponenda, de illa proculdubio loquitur rei gestæ parte, quam sumit sibi recta narratione canendam poëta. quæ profecto sic est tractanda, ut prius ea exponi oporteat, quæ ante gesta sunt, & consequentia postmodum adiungi. non tamen hinc consequens est, res præteritas episodijs interseri non posse; cum de his nullus eo loco sit sermo, sed solum de contextu recta narrationis ab episodijs abiunctæ, ac separatae. Rei quippè gestæ pars, quam sibi seponit Virgilius recta narratione tractandam, non est excidium Troianum, & Aeneæ secundum illud incendium à Troiano portu digressio; sed eiusdem Aeneæ nauigantis extreæ tempestates, erroresq., aduentus in Italiam, bella, victorix. quibus è rebus id profecto, quod gestum est prius, priore loco positum est. inter extremas enim Aeneæ tempestates erroresque nulla prior est, quam quæ illi accidit à Sicilia digresso propè Carthaginem. Quamquam alia etiam ratione possum Aristotelis dicta interpretari, ac dicere; priora apud illum esse potiora: nec aliud præcipere cum ait è rebus gestis priora esse primo loco ponenda, quam potiora, & ea, quæ videntur aditum illustriorem facere posse, primo loco esse collocanda. Sed hactenus.

LOCVS II.

*CVR AENEAS DICATVR A VIRGILIO
Pater.*

Inde toro pater Aeneas sic orsus ab alto.

Hoc enimuerò sciscitantur etiam aliqui: cur Aeneas non hic modò, sed alibi quoq. tam sape illo Patris nomine cohonestetur. Non uimus quidem seniores à Latinis appellari plerumq; patres; atque à Romulo ipso Senatores illos centum, quos, & senes, & grauissimos legerat, patres item dictos esse. sed Aeneas nondum ad senectutem, ætatemq. prouectam peruererat. cur ergo dicendus sit pater?

Sunt qui respondeant, patris nomen honoris interdum esse, ac reuerentiae titulum; nec semper in grandiorum ætatem conferri, sed sape in dignitatem, ac principatum. Sic enim Virgilius ipse appellat Augustum non dum senem, sed ætate florentem.

*Dum domus Aeneæ Capitolii immobile saxum
Accolet, imperiumq. pater Romanus habebit.*

Et Horatius in serm. secundo, satyra prima, haud aliter alloquitur eundem Augustum.

*Aut si tantus amor scribendi te rapit, aude
Cæsaris inuicti res dicere, multa laborum
Præmia latus . cupidum Pater optime vires
Deficiunt, &c.*

Quorum insistens vestigijs Aufonius, illo ipso nomine tam honorifice, reuerentiaq. plenissimo Theodosium ornat.

Tu modo te iussisse Pater Romane memento.

Hinc videlicet natum, vt Dijs, quibus opinione gentium, & summa deberi reuerentia, & summus in homines esse principatus putabatur, patres à scriptoribus antiquis appellarentur, quod à Seruio docetur ad illud secundi libri Georg.

Huc Pater ò Lenæ veni.

Quare nullum Deum esse ait, cui patris hoc epitheton attributum non sit; quia nullus est, qui aliquem non obtineat principatum. Quin ipsi fluuij, ac montes præcipui, quoniam colebantur pro Dijs, & principatum habere videbantur in alios, sapissimè patres, hoc est in suo genere principes, ac rerum domini sunt apud poëtas. Nam Oceanus Virgilio pater est, pater Neptunus, pater Apenninus, pater Inachus

ehus Valerio Flacco . De Ioue Deorum principe nihil dicatur , qui pater s̄epius est apud antiquos , quām Iuppiter . Cum igitur Aeneas princeps esset , & ductor Troianorum , hoc est is , cui deberetur à Trojanis honor , ac reuerētia , putarūt patrem à Virgilio dictum quasi Rēgē , & Principem ; ex Homero nimirum desumpta loquēdi forma , qui ia Odiss. & Vlyssēm patrē nominauit , cuius paulò ante laudauerat iuuētutē . Hęc in summa istorum sententia est : Aeneam propterea patrem dici , quod Dux esset , ac princeps Troianorū . Quibus addere fidē possint serui illi , qui in Reg.lib.iv.cap.v. Præfecto militiæ dicunt . Pater , et si rem grandem tibi dixisset Propheta , certè facere debueras . Quę quidem , vt verē dicantur , posthabenda tamen ijs sunt , quę Iulius Scaliger in lib. poētices v. cap.iiij. decernit arbitrando . Affirmat enim , Aeneam propter similitudinem quandam sic patrem dici , quem admodum idem cognomentum tribuitur Ioui , qui profecto , non reuerentiæ solum , aut religionis ergo , quę tanto Principi deberi videbatur , dictus est pater : sed propterea nominatim , vt ait Porphyrius , quòd ad Iouem omnes omnino familiæ tamquam ad auctorem referrentur . Ideo , inquam , Aeneam appellari patrem arbitratur , quòd Romanorum omnium principium esset , ac fons , laudatq. testem Virgilium ipsum ; quòd hoc explicatē docuerit eo versu .

At pater Aeneas Romanae Stirpis origo.

L O C V S III.

DE IVBA DRACONVM.

An vere iubati dracones inueniantur aliqui , quemadmodum à Virgilio h̄ic effinguntur .

*Ecce autem gemini à Tenedo tranquilla per alta
(Horresco referens) immensis orbibus angues
Incumbunt pelago , pariterq. ad littora tendunt .
Pectora quorum inter fluctus arrecta , iubæq.
Sanguineæ excuperant undas , &c.*

Iubas hasce draconibus à Virgilio datas , quibus omnino nullæ dicuntur esse , aliqui non probant . Sunt enim iubæ belluarum crines è collo pendentes , quales in equis , atque in leonibus cernimus , nec alias dici iubatas animantes videmus , quām eas , quibus eiusmodi crines

circa collum, aut è collo pendentes à natura dati sint. Sed si hos audiamus accusatores, alios quoque poëtas reprehendere necesse erit, & quidem multos: in primisq. Apollonium Rhodium, qui monstris aliquot marinis iubas item attribuit: & Valerium Flaccum, qui libro tertio leam fecit iubatam, cui crines non sunt collo circumiecti.

Non aliter gemitu quondam lea prolis ademptæ

Terga dedit: sedet inde vijs, inclusaq; longo

Peruigilant castella metu, dolor attrahit urbes

Interea, & misero manat iuba folidida luctu.

Neminem tamen reprehendere necesse est. Virgilium enim & Apollonium reprehensione liberat metaphora; ad quam confugere nos iubet, cum poëtas tueri volumus, Aristoteles: ut in Prolegomenis diximus, defens. viij. Iubam igitur appellat Virgilius non crines quidem, illos collo circumpendentes, & circumfusos, sed cristam, quam draconibus esse confirmat ex quorūdam auctoritate Plinius lib. viij. cap. xiij. Nec alia fortasse marina monstra descripsit iubata, quam cristatos dracones Apollonius: cum ibidem Plinius ipse testetur, quaternos, quinosque interdum dracones inter se craterum modo implexos erectis capitibus velificantes ad meliora pabula Arabiæ vehi fluctibus. Neque vero est, cur aliquis eundem nobis opponat Plinium; quod in lib. xj. cap. xxxvij. dicat, cristatos dracones à nemine visos. Satis enim est poëta, qui verisimile sequitur, si res affirmetur ab aliquo. affirmari autem ab aliquo scripserat iam in lib. viij. cap. xiij. Quare vindicandus est etiam Plautus, qui ante Virgilium ipsum iam in Amphitruone serpentes dixerat iubatos, hoc est cristatos dracones.

Deuolant angues iubati deorsum in impluuium duo.

Non igitur erit necesse Seruij defensionem arripercere: qui pro iubis illis draconum apud Virgilium, ait intelligi posse etiam barbas. Cum enim cristatos habeamus dracones aliquos, barbatos nullos, ad cristam potius est confugiendum, quam ad barbas.

Porro Valerius Flaccus, qui leam iubatam describit, aliam quidem inueniet ab eodem Aristotele defensionem paratam in cap. illo xxij. vbi Pindarum ceruas feminas facientem cornutas vindicat ab errore, illo nomine, quod eiusmodi peccatum extrinsecus aduentitium sit, non poëtica proprium: sed tamen etiam ipse translatè fortasse setas, ac pilos circa collum leænæ dispositos appellauit iubas, tum præsertim, cum ex ira, subriguntur. Videmus quippe canibus quoque, cum irascuntur, circa collum erigi pilos: quos leænæ ex erectis catulis frementi, qualis est ea, quam describit eo loco Valerius, multo magis horrere necesse est. Itaq. iubas eos pilos appellare metaphorice rationi consentaneum erit.

Video equidem Columellam gallos gallinaceos pulcherrima metapho-

metaphora dicere iubatos, non tam ob cristam illam purpuream, quam ob eas plumas circa collum versicolores, quæ belluarum iubis similimæ sunt. lib. viij. cap. ij. Iubæ deinde varia, inquit, vel ex auro flavae per colla, ceruicesq. diffusa. Haec inquam metaphoræ sumitur ex propinquo propter eam de qua dixi similitudinem, adeoq. accommodatissima est; sed tamen est etiam illa maximè probabilis, quæ iubas accommodat cristi, quantumuis ex longinquo petatur. Dicitur enim, ut puto, ab altera metaphora, quæ galearum conis impositas cristas appellat ideo iubas, quod cristas illas antiqui fecerint principio ex equorum iubis, caudisque, ut est apud Homerum in Iliad. lib. iiij. & vj. & apud Virgilium ipsum in x. de Mezentio.

cristaq. hirsutus equina.

Plumæ tamen cōsecuto post tempore fuere barbaris pro cristi equinis. Nam Plutarchus in Mario galeas equitum Cimbrorum, & plurimi, & horribilibus hiantium animalium formis insignes describit. Quin illa galearum ornamenta comantia, ut poëta loquuntur, non nisi metaphorice dicta sunt crista. proprie quippe videmus tantum cristas auibus quibusdam, nominatimq. gallis ipsis gallinaceis, aut draconibus dari, qui sunt item alati. Quantum enim attinet ad aues, vppam Plinius cristatam dicit, cui plumæ quædam in capite sunt plicatiles, habilesq., quæ subriguntur identidem, ac subinde demittuntur. lib. x. cap. xxix. Vpupa, inquit, obscena alias pastu auis crista visenda plicatili. sed pluribus, ac plenius de ceteris auibus, deque gallinaceis in lib. xj. cap. xxxvij. In capite, inquit, paucis animalium, nec nisi volucribus apices, diuersi quidem generis. Phœnici plumarum serie, è medio eo exeunte alio: pauonibus, crinitis arbusculis. stymphalides cirro; phasianæ corniculis. præterea paruae, quæ ab illo galerita appellata quondam, postea Gallico vocabulo etiam legioni nomen dede- rat, alaudæ. Diximus, & cui plicatilem cristam dedisset natura per medium caput à rostro residentem. Et fulicarum generi dedit cirros. Pico quoque Martio, & grui Balearicæ. Sed spectatissimum insigne gallinaceis, corporeum, ferratum: nec carnem id esse, nec cartilaginem, nec callum iure dixerimus, verum peculiare. Draconum enim cristas qui viderit, non reperitur. Cornua multis quidem, & aquatilium, & marinorum, & serpentium varijs data sunt modis. Ita, quidem hoc loco Plinius disputat, sed tamen haud infirmat eorum au- toritatem, qui dracones cristatos esse tradidere. quos secutus est etiam Ouid. metam. lib. quarto, & Seneca Tragicus in Hercule fu- rente: qui angues, ac dracones ipsos dixerunt cristatos.

Itaq. cum horum propriè sit animalium crista, translatè tributa est galeæ. Et quia galearum crista sunt ex iubis equinis, iterum hæ translatè dicentur iubæ. sicutq. vt proportione commutata quemadmodum

de metaphora præcipit Aristoteles in lib. Rhetor. iij. cap. iv. & auium crista dici iuba possit, & galearum iuba etiam crista. Nihil igitur mirum esse debet, si Virgilius iubam tribuit anguis illis, quos videbat a nonnullis haberí, & dici cristatos. Cum enim crista iam notissima metaphora diceretur iuba, erat illi fas draconum cristam, iubam dicere, & dracones ipsos appellare iubatos.

LOCVS IV.

*AN ACHILLES VERE SIT
Larissaeus.*

Quos neque Tydides, nec Larissaeus Achilles.

Hanc nobis aliqui litem contestantur: quia dicitur à multis Achille Phthius, in primisq. ab Horat.lib.iv. Od.vj. Phthia verò vrbs, & Larissa quamquam vtraq. Thessalica est, distant tamen inter se longissimè. sed diluitur ea dubitatio, atque omnis facilè defenditur controversia ex opinione scriptorum varia, quam perpendere nos iubet Aristoteles in poëtarum causa, ut nos multis declarauimus in Prolegomenis, defens. vlt. Erant quippe varia, quæ de Achillis patria tradebantur; cum eum alij natum Larissæ vellent, alij Phthia: nec satis multi sciebant veram, germanamq. Achillis vrbe, aut oppidum illi natale. Quo siebat, vt integra res esset, liceretq. poëtis, eū, vel Phthium dicere, vel Larissæum. Itaq. Virgilius ipse alio quodam loco Achillis patriam Phthiam dixit esse, non Larissam.

*Cum domus Affaraci Phthiam, clarasq. Mycenæ
Seruitio premet, & viciis dominabitur Argis.*

Ceterum quamquam hæc ita sunt, & sic ipsa Virgilij satis superque defensa causa est, addo tamen aliqua poëtarum aliorum exempla, quæ demonstrent, à multis patriam certorum quorundam hominum fuisse multò mutatam licentius, quā à Virgilio permutetur hoc loco Achillis ciuitas. Propertius, vt ab hoc ordiar, in lib. ij. ausus est dicere Laidem, nobile scortum, fuisse Corinthiam.

Non ita complerant Ephyrae Laidos ædes.

Id quod etiam est ausus Claudio in primo libro aduersus Entropium, & Antipater Sidonius in tertio Anthologiæ. Et tamen ex historicorum auctoritate scimus, eam fuisse Siciliensem. Ita quippe testatur Plutarch. in Nicia, Stephanus in Lexico geograph. verbo *negotis*,

Synne-

Synesius in epistolis, Athenaeus in lib. vij. Scholia est Aristophanis in Pluto. Cur ergo Corynthia illi poëtae fecerunt Laidem, quæ à tam multis dicitur esse Siciliensis? Respondet Poëtarum patroni; Laidem natam quidem fuisse in Sicilia, sed diu multumq. iam adultam, & meretricem iam nobilem habitasse Corynthi, vbi famosissimæ fuere pellices, & quidem innumerabiles: inter quas à quibusdam recensebatur etiam Lais. Atque haud scio an in illo Veneris templo Corynthio fuerit, vbi affirmat interpres Aristophanis, meretrices amplius mille prostitisse. Certè hæc illius in ea vrbe commoratio, habitatioq. fecit, vt iure dici Corynthia posset. Quam item causam esse ijdem putant, cur Virgilius alijque in tradenda nobis Achillis patria dissentiant ab alijs. Alteram enim è duabus vrbe natalem sciebant Achillis esse, alteram ab eodem cultam & habitatam: adeoque sibi fas esse putarunt vtriusque illum ciuem facere pro arbitratu: cum præsertim, vt dixi, scriptores in eo non conuenirent. Duos fuisse poëtas scimus apud Graecos, qui scripserint Argonautica, quorum primus est Dionysius Thrax, alter Apollonius Alexandrinus. Vterque tamen dicitur Rhodius ideo, quod vterque longo tempore Insulam illam inhabitavit. Quamquam quid ista ita conquerimus, quasi necesse sit eas saltem habitasse nos vrbes, quae nobis à poëtis pro patria dantur? Etiam citra eiusmodi causam, planeque pro arbitrio videmus interdum poëtas aliquorum patrias immutasse. Ouidius enim Coum dixit Apellem, quem Strabo, alijque fuisse testantur Ephesium.

Si Venerem Cous numquam pinxit Apelles.

Hac eadem abusus est licentia Petrarcha, cum Plinium Veronensem appellauit, quem plerique omnes volunt esse Nouocomensem. Arripuit etiam ipse occasionem sic arbitrandi ex opinione varia, sententiisque discordibus, quae circumferabantur olim de patria Plinij. Ut enim in multis inscriptus lapidibus antiquissimis sit Nouocomensis, & sic prorsus appelletur in Chronicis ab Eusebio, in aliquot tamen vetustis codicibus historiae naturalis, quam ipse scripsit, hic index ante memoriam nostram legebatur. Plinij Veronensis, &c. Immo vero contendunt aliqui, nonnulla, manu styloque exarata, volumina illam ipsam hodieque inscriptionem retinere Plinij Veronensis. Suppetit ad haec non leuis conjectura ex Plinio Iuniore, qui per epistolam ita superiorem alloquitur Plinium patrum suum. Recte fecisti, quod Veronensisibus nostris gladiatorium munus promisisti. suppetit ex ipso Plinio, de quo loquimur; qui in praefatione Catullum appellat conterraneum suum. vt obiter, inquit, emolliam Catullum conterraneum meum. Catullus vero sine dubio est Veronensis.

Vidit hanc eadem licentiam, sibiq. sumpsit Dantes Aligherius, cum

Papinium Statium Tolosanum appellavit, qui Neapolitanus est, non ex veterum modò auctoritate, ac testimonio, sed ex ipsius professione Statij in Siluarum libro iij. sil. vlt.

Anne quod Euboicos fessus remeare penates

Auguror, & patria senium componere terra?

Id quod paulò post planius explicat, de patria illa sua versibus his interponendis.

*Nostra quoq. & proprijs tenuis, nec rara colonis
Parthenope: cui mite solum trans aquora vectæ
Ipse Dionæa monstrauit Apollo columbae,
Has ego te sedes (nam nec mibi barbara Thrace,
Nec Lybia natale solum) transferre labore.*

Quamquam, inquam, ipse quoque Statius Neapolitanum esse se profittetur, ab eo tamen poëta dictus est Tolosanus; ex ea nimirum licentia, quæ permuat patrias. Et fuit profecto idonea causa, cur eam ille, sibi licentiam usurparet, ab ignoratione mortaliū, apud quos diu multumq. de Statij patria, natali⁹ ciuitate dubitatum est; cum præfertim in ea designanda etiam errassent historici. Nam Eusebius in Chron. Tolosanum Papinium nominat, & Sidonius Apollinaris in epistola quadam videtur eum Aquitanicum dicere.

Nam quod Papinius tuus, meusq.

Is enim, ad quem scribit, & Apollinaris ipse qui scribit, Aquitanici sunt. Frustra igitur, & iniuria Virgilius accusatur, qui tam iustum habet causam cur Achillis patriam opinione scriptorum sic incertam & variam non semper eandem fecerit, eumq. nunc Phrygium esse dicerit, nunc Laryssum. Patrocinantur enim ei ceteri poëtae: patrocinatur in primis Aristoteles, hanc veniam in variantium sententiarum multitudine poëtis impertiens, ut quodlibet sibi sumant, elegantq. pro arbitratu, quod diximus in Prolegom. Defens. vlt.

L O C V S V .

DE AVRO BARBARICO.

An rectè illud Epitheton opulentiae Troianorum,
ac Priami tributum sit.

*Barbarico postes auro, spolijsq. superbi.
Procubuere.*

Aeneæ

Aeneæ verba sunt hæc apud Didonem , exponentis excidium Trojanæ Regiæ: quæ , & auro cælata erat, & triumphalibus exornata monumentis. In quo poëtam arguunt incōsiderantia; quippe qui Aeneam inducat de sua patria loquentem perperam, hoc est eius ornamenta dicentem , & appellantem barbaræ : nec eundem habeat cursum , & constantiam orationis , qua semper alibi honorificè sanè de Troia , Troianisq. commemorat. Vt.

— *Quis Troiæ nesciat urbem ,
Virtutesq. virosq. &c.*

*O patria ò Diuum domus Ilium, & inclyta bello
Mænia Dardanidum .*

Cuius enim inconstantia nunc sit, illam ipsam urbem barbaram dicerre, quam ante tam magnificè collaudarit ? Neque vero Troiani ex eo genere nationum externarum erant, quæ habebantur barbaræ. Hauserant enim originem à Græcis, hoc est à colonia, quam Teucer è Crete deduxit in Phrygiam, & Græcè loquebantur, vt multa eorum vocabula demonstrare videntur , quæ Græcam habent etymologiam. Huc accedit , quod ex omnibus minimè debuit barbaros appellare Troianos is , qui Romanos commendare potissimum studebat à maioribus Troianis , quorum ex sanguine ortum , ac natales antiquis iam temporibus habuissent.

Duae sūt huius loci vindicandi rationes, ac viæ. quarum primam expediuit Modicius: qui Barbaricum aurum putat aurum esse partum , à Barbaris , quos Priamus bello deuicisset . videtur enim id esse quod in clausula versus adiungitur .

— *Spolijsq. superbi.*

Quasi velit poëta significare, aurum illud fuisse de spolijs, ac manubijis hostium barbarorum. Quo loco id agebat fortasse Virgilius, vt in ijs manubijis, spolijsque laudaret Romanos : qui , vt tradit memoriæ Plinius , hostium spolia , & monumenta triumphalia postibus affigebant suis , ea lege, vt nemini liceret ea refigere ; tametsi ad alios hæredes , ac dominos aliquando perueniret domus . Quod si queras quibus nam ex hostibus barbaris victoriam Priamus, & ea spolia reportasset, disces ab Homero: qui eum pugnasse dicit aduersus Amazones: disces à Seruio: qui testatur imperiasse Phrygiæ , atq; Mygdoniæ ; Mysiam , verò ipsam debellasse totam, in suamq. potestatem redegitse . Quibus victorijs potuit haud dubiè aurea referre domum ornamenta , foribusq. basilikæ sic suspendere quemadmodum postea Romani triumphalia illa spolia manubiasque suspenderunt . Quæras tamen iterum , cur Barbari dicerentur potius illi finitimi , Reges , nationesq. debellatae, quād ipsi Troiani. sed causam paulò ante iam indicauimus, cum diximus à Græcis oriundos esse Troianos. Hinc enim siebat, vt ceteræ

nationes, sinitimaeque gentes, quae nullam cum Graecis coniunctionem, ac necessitudinem haberent, si cum Trojanis conferrentur, barbaræ dici meritò deberent, eorumque res, & ornamenta barbarica. Atque hæc prima ratio est amolienda difficultatis.

Alteram proponit Adrianus Turnebus in lib. ix. cap. xvij. à superiori distante, illiq. planè contrariam, sed maximè probabilem. Docet quippè nomen hoc [barbarum] in omnes quidem populos, qui Græci non sint, atque adeo in ipsos quoque Romanos, ac Latinos conuenire, (barbaros enim eos Plautus appellat in quodam prologo cum Græcam Comœdiā ait se vertisse barbarè, hoc est latinè) sed tamen interdum idem vocabulum ita contrahi, vt nominatim inter Barbaros omnes significet Phryges; quod est apud Tullium in prima quæstione Tusculanarum ex veteri poëta, qui dixit.

Stante ope Barbarica.

hoc est Imperio stante Phrygio. Nec aliam voluit à nobis intelligi nationem, nisi Phrygiam Horatius illam, quam ipse Barbariam nominauit in ep. ij. lib. primi.

Græcia Barbaræ lento collisa duello.

Et cum in Epop. Ode ix. Barbarum carmen dixit, Phrygium sine dubio significauit sonum.

Sonante misflum tibijs carmen lyra,

Hac Dorium; illis Barbarum.

legi enim Musicorum, quæ Doria dicitur apud scriptores opponitur Phrygia. Itaq. si hæc vere dicuntur, dicuntur autē verissimè, nihil erit aliud Barbaricum aurum, quam Trojanum, ac Phrygium. Sed causam exquirere necesse est, cur ex omnibus, qui barbari dicebantur, hoc sibi nomini singulariter ipsi vindicasset Phryges. Neque enim ad linguam configere possumus, aut ad discrimen illud inter Græcos, ceterosq. cum Troiani, quod supra diximus, originem duceret à Græcis. Natum id ego puto ab eius Regni diuitijs, & opulentia. opes enim exaggeratae, insignesq. diuitiæ immò verò delitiæ maximæ dictæ metaphorice sunt à Latinis barbaræ; quia barbaræ nationes his circumfluebant, Græci, Latiniq. parcus vtebantur. Testatur id poëta peruetus apud eundem Tullium hoc antitheto. Quibus magis palæstra, Eurotas, sol, puluis, labos, militia in studio est, quam fertilitas barbara, hoc est, Barbarorum deliciae, copiæque. Cum ergo inter Barbaros omnes opulentissimi Phryges, deliciosissimiq. haberentur & essent, propter excellentiam illam opum iure dicuntur Barbari, hoc est, ditissimi, eorumque aurum Barbaricum appellatur, quasi multum & exaggeratum: sic inquam, vt postibus etiam ipsis illitum esset. Idem nomen quasi proprium video postea collatum in Persas. Quorum Rex atque Demosthenis appellabatur propriè Barbarus. nec

aliam

aliam credo causam fuisse , nisi quia Persarum deliciae, diuitiaeque haud minus fuerunt insignes , quam ante fuissent opes Phrygiæ, & gaza illa Troiana. Quare nihil agunt qui Virgilium arguunt inconstitæ . siue enim priore illa , siue hac posteriore insistas via , laudatos Troianos inuenias : cum eorum aurum , vel partum à Barbaris , vel multum, & exaggeratum intelligi debeat esse , quod barbarum appellatur .

L O C V S . V I .

AN AENEAE DE OCCIDENDA HELENA
deliberatio à decoro discedat .

*Non ita. namq. et si nullum memorabile nomen.
Feminea in pena est, nec habet victoria laudem,
Extinxisse nefas tamen, & sumpfisse merentis
Laudabor poenas, animumque expesse iuuabit
Ultricis flammæ, & cineres satiasse meorum.*

Huius occasionem quæstionis, ac materiam illi duo censores, arbitri- que Varus, ac Tucca dederunt, quibus Aeneida recognoscendam permisit quidem Augustus , sed ea lege , vt demerent si quid demen- dum , ac tollendum censerent , nihil tamen adderent de suo . Hac enim illi suscepta prouincia , duos , & viginti versus , quibus illa de occidenda Helena continetur Aeneæ deliberatio, induxerunt , ex- punxeruntq. dupli causa permoti . Prima erat ; quod pugnantes vi- derentur esse cum ijs , quaæ dicuntur in vj. libro , vbi casus , & infortu- nium enarratur Deiphobi . Hoc enim loco libri secundi , quem habe- mus in manibus , Helena in Vestæ sacrario latuisse fertur , cum Ilium incenderetur .

*Iamq. adeo super unus eram; cum limina Vestæ
Seruantem, & tacitam secreta in sede latentem
Tyndarida aspicio, &c.*

In sexto verò flagrante iam Troia non quidem in aede Vestæ fuisse dicitur, sed in Deiphobi coniugis domo ; ibique Menelaum intra tha- lamum deduxisse .

*Namq. ut supremam falsa inter gaudia noctem
Egerimus, nosti; & nimium meminisse necesse est, &c.
Egregia interea coniux arma omnia tectis
Emouet: & fidum capitii subduxerat ensem.
Intra tecta vocat Menelaum, & limina pandit.*

Alte-

Altera causa, quæ Iudices illos ad eosdem versus oblitterandos impunit ea fuit, quod aliquid haberent indignum viro forti, atque à summo abhorrens Imperatore. Neque enim decere putabant, eum qui ad fortissimi Principis exprimitur formam, aduersus feminam sic irasci, ut dicere poëta non dubitet.

Exarsere ignes animo, subit ira cadentem

Vlciisci patriam, & sceleratas sumere pœnas.

Mihi vero quamquam non erat hoc loco consilium priorem illam attingere controuersiam, video tamen impositam esse necessitatem eius repugnantiae conciliandæ antequam ad secundam accedo quæstionem, quam consultò, ac de industria tractare decreui. Aio igitur ea, quæ vtrobiq. dicuntur à Virgilio, non esse pugnantia, si rem ita gestam esse intelligamus, ut nunc exponam. Helena ipso noctis initio, cum Troiani vino somnoq. consopiti iam essent, chorum simulans, facemq. manu prætendens summa ex arce vocabat Danaos, hoc est è Regia Priami, vbi tunc erat chorus dicens, & ludibunda. Cum vero iam illi Græcorum duces armati desilirent ex equo, domum illa se recepit suam ad Deiphobum coniugem, Priami filium, cui post obitum Paridis tradita in connubium fuerat. Ibi Menelao thalami fores aperuit, ut gratiam ab eo iniret iterum, illiq. reconciliaretur. Occiso Deiphobo, eiusque incensa domo, Menelaus, quamquam non est aspectu coniugis officioq. planè delinitus, eam tamen interea permitit incolumem, pœnas polteā repetiturus. Helenæ itaq. de Menelao nil iam benè sperati necesse fuit alium querere salutis locum, vbi lateteret. Hunc vero nō in Priami Regia, quæ iam cōflagrasset, sed in æde Vestæ reperiit opportunum. Qua expugnata Regia, cum descenderebat Aeneas, armatorum vallatus globo, in Vestæ limine obuiam habuit Helenam. Itaque, si tempora spectes varia, quæ spectare nos iubet Aristoteles in accusationibus poëtarum, ut docuimus in Defens. xv. nihil erit in secundo cum ijs pugnans, quæ canuntur in sexto. Ante quippè Deiphobum prodidit Menelao domi suæ, ut in sexto dicitur, deinde ad querendam salutem in æde Vestæ se condidit; quod hic legimus in secundo.

Nunc de altera quæstione, quæ grauior est, aggrediamur exponere, ac videamus num Æneæ summo Imperatori sit indecorum de occidenda femina deliberare. quippe mulier imbecillior natura est, & meticulosior, vir audientior, ac robustior; adeoque vir à virtute, mulier à mollitie, ut aliqui putant, nomen accepit. Quare decernit Aristoteles in problematis, iniquius esse feminam interficere, quam virum: cum illa ob eam de qua dicebamus imbecillitatem minus idonea sit iniuria faciendæ. Erit igitur alienum a viro forti, atque magnanimo aduersum id eniti, aut contendere, quod infirmius est, nec idoneas habet

bet vires ad repugnandum. Quam rationem tractat sedulò Tiraquell. in leg. Connub. num. lxxv. laudatque Aurelianum Imperatorem, quòd Zenobia, à qua videbat sibi fuisse iam per summam perfidiam e reptum Imperium, vitam condonari iusserit, cum à militibus rapetur ad necem. Indignum enim Imperatore censuit, à femina quantumvis iniuriosa, & perduelli repetere pœnas: maluitque à se vindictam, quam altitudinem mentis, ac magnanimitatem desiderari.

Duas hic etiā inire licet ad Virgilij tutelam rationes, ac vias. Prima sit huiusmodi. Aeneas non statuit affirmatè sibi sumendas esse pœnas à femina, sed dubitabundus deliberat, expeditat ne viro forti, iusto, atque magnanimo feminam illam interimere, quæ flamas incendio Troiano subdidit primas, postremas etiam suppeditauit. hæc autem deliberatio Aeneam non dedecet absolutè iustum, perfecteq. magnanimum. Quemadmodum enim in virum sapientem ex ipsorum quoque confessione Stoicorum cadunt aliquæ commotiones inconsultæ, ut Seneca docet, & Gellius lib. xix. cap. 1. sic Imperatori magno, & forti accidere queūt dubitationes, de quibus adhibita in consilium prudenter deliberandum sit. Nihil ergo decernit, sed differit, & secum ipse consultat Aeneas. Cuius quidem consultationis hæc prima pars est. Nullum feminea in pœna potest esse memorabile nomen: nec villam habebit vñquam laudem de imbecilla natione victoria. Altera; sed tamen in omnium ore versabor, si tantum nefas extinxero, & laudabor, quòd pœnas, suppliciumq. à merente, noxiaque femina repetiuerim. In qua disceptatione tam dubia, quia melior vincit pars ex cursu matris Deæ, quæ rectam significat rationem, sine dubio exp̄etus hic est Aeneas ad exemplum viri fortis, magnanimi, iusti, absoluти numeris omnibus Imperatoris. Adeſt enim illico deliberanti, & ambigenti Venus, eique nebulas detergit omnes, admonet eundem officij sui, docetque non tam Helenam, quam iram, atque inclemētiam Deorum Troiani esse causam incendij.

*Talia iactabam, & furiata mente ferebar;
Cum mibi se non ante oculis tam clara videndam
Obtulit, & pura per noctem in luce refulſit
Alma parens, &c.*

Ceterū si mirum alicui videatur, quòd Venus pro recta ratione interueniat, meminerit necesse est, duplē esse Venerem: vulgarem vnam, quæ ſecturæ p̄ficit, ac genituræ, cæleſtēm alteram, quæ rectam rationem omnium genitricem, parentemq; virtutum figmento pulcherri- mo Platonicorum adumbret, qua de re disputauimus accuratè in primo nostrarum orationum volumine, cum de Virgilij dicere- mus allegoria.

Secunda ratio defensionis in hunc à me modum conformatur. Eſto decre-

decreuerit Aeneas Helenam de medio tollere , nihil tamen est actum, quod fortitudini,magnanimitati,iustitia consentaneum non sit . Non enim ea gratia,eoque consilio vult Helenam occidere , vt laudem inde sibi paret, ac gloriam , quam intelligit esse nullam in feminea poena; sed vt sic plecat criminosa illam, ac scelestam , quemadmodum iustitia Principum postulat, & vindicta; vt suorum placet Manes eius feminæ sanguine , cuius vitio priuati sunt vita ; vt auertat periculum seruitutis turpisissimæ ab ijs,qui superstites essent ex incendio. Nam si Menelaus,collecta iam præda, reconcilietur Helenæ coniugi , eam captiuorum stipatam comitatu, atque seruitio reducet in Græciam . Hac nimirum cogitatione maximè compellebatur Aeneas , cum de tollenda Helena consultabat .

*Scilicet hæc Spartam incolumis,patriasq. Mycenæ
Aspiciet ? partoq. ibit Regina triumpho ,
Coniugiumq; domumq., patres , natosque videbit
Iliadum turba, & Phrygijs comitata ministris ?
Occiderit ferro Priamus ? Troia arserit igni ?
Dardanidum toties sudarit sanguine littus ?*

Non ita .

Quis enim patiatur affines suos , & matronas Troiæ primarias imperio premi tam impudicæ mulieris ? Benè igitur Aeneas, prudenterq; colligit ad extreum,coniectatq; laudaturos omnes auctoris manus, si caederetur Helena , factumq. tamquam aequissimum,iustissimumq. probaturos .


*Extinxisse nefas tamen, & sumpfuisse merentis
Laudabor pœnas, animumq. explesse iuuabit
Vltricis flammæ, & cineres satiasse meorum ,*

Nihil igitur in versibus illis est cum alijs pugnans , nihil abhorrens ab Imperatorio decoro,nihil à iustitia, nihil à virtute,quæ virum decet,alienum est. Itaq. male Virgilius accusatur inscitia: imprudenter atque inscite Iudices illi ab Augusto designati sapientissimos poëtæ versus inducere atque oblitterare conati sunt . Suffragari potest huic loco defensio ex Prologomenis quinta , quæ ~~versat~~ , hoc est circumstantias spectare maximè iubet in ijs , de quibus accusari poëtas videmus . Hæ quippè faciunt, vt honestum sit,quod alioqui turpe, atq. indecorum esse videretur . Peristases verò,& circumstantiæ sunt , locus,tempus, personæ, in primisque , vt ibi ait Aristoteles,finis , & id cuius gratia geritur aliquid . Saepè quippè poëtæ aliquid factum volunt , ac fingunt fieri boni maioris adipiscendi gratia,vel maioris alienius mali vitandi studio . Quæ profectò cadunt in hoc Aeneæ consilium ad amissim . Si enim Helenam occisam vult , vult propterea , quod Troianorum interfectorum animas placare cupit illo sanguine , quem

quem sit ienter eas expetere putat , ex illa veterum opinione , de qua supra alio loco differui. id verò bonum aliquod maius est, quam femina-
nam illam præstare incolumem, & liberare . Si sua eam manu decer-
nit extingue, quod indecorum videtur , decernit ideo, ut matronas
nobiles , & nurus Priami Regias eripiat è miserrima seruitute ,
quam seruire cogentur , si Helena superstes sit : quod pro-
fecto decernitur mali cuiusdam causa vitandi multo
maioris , quam sit id , quod ab infamia immi-
net Aeneæ , si Helena viri fortissimi
manu tollatur è me-
dio.

Finis Libri Secundi.





LIBRI TERTII

AENEI DOS

LOCVS PRIMVS.

*DE HVIVS DIVISIONE LIBRI
à proximè superiori narratione.*



ODVM hic in scirpo quæsiuit, innuenitque Casteluitrus, Virgilium arguens, quòd libri huius narrationem seiunxerit à secundo: nec è duobus fecerit vnum; cum vtriusque una eademq. sit expositio narrantis Aeneæ super mensam Didonis excidium Troianum, erroresq. septennes. Quin eodem nomine multo maximè reprehendit Homerum, quod sermonem Vlyssis apud Alcinoum in libros diuisit quatuor. Causam accusationis repetit altius.

Existimat enim Epicos poëtas totum carmen, & suum ipsorum opus diuisisse in quasdam quasi concventiones, recitationesue, hoc est in certas partes, quæ commodè uno ductu, impetuq. dicentis recitari possent sine illorum satietate, qui audirent: eo planè modo, quo Comœdia, ant Tragoedia diuiditur in actus, & scenas suas. Has autem recitationes, & partes appellatas esse contendit ab auctoribus libros: adeoq. recitationes singulas libris singulis comprehendi debere: quod si longiores sint, iusta eas reprehensione carere non posse. Hinc intelligi vult, Homerum peccasse dupliciter: primo quidem, quòd plus nimio longam fecerit expositionem illam Vlyssis, deinde quòd eandem in libros diuiserit, nec libros ipsos absoluta narratione terminarit.

rit. Virgilium verò eo solum errasse nomine , quòd narrationem Aeneas partitus sit in libros duos, quæ tam longa non est, vt audiri tota, & pronunciari vna tantummodo recitatione non possit . Hæc ille tamquam è Cortina .

Sed dici vix potest quantum aberret à vero . Ponit quippe sine testimonio, atq. auctoritate maiorum, poëtas, & ipsos Epici carminis auctores antiquos partitos fuisse libros eosq. recitasse ; quod falsum est. Hanc enim curam sibi postea sumperūt ij, quos appellarunt Rhapsodos, hoc est carminum sutores, cantoresque; quos propterea sic dītos accepimus , quòd Homeri , aliorumq. poëtarum opera temere sparsa, & diuulsa cōsuere quodammodo primum, & compingere, deinde in partes aliquas diuidere certas ausi sunt, quas commodè recitare, aut canere possent, cum alijs in locis, tum verò præsertim, ac maximè in conuiuijs Principum .

Aliqui auctorem faciunt huius diuisionis, & Rhapsodiæ Pistratum. Sed hunc ait Aelianus in iij. var. hist. vniuersa tantum Homeri opera confusa, & perturbata in Iliadem , atq, in Odysseam tamquam in duo corpora digestissimè . Suspicari potius libet , auctorem fuisse Pistrati filium Hipparchum : quem testatur idem Aelian. in libro viij. versus Homeri Athenas importasse primum, & Rhapsodos instituisse , qui eos canerent in Panathenaicis . Quos oppidò Rhapsodos videmus consecutis temporibus appellatos etiam fuisse παλαιοὺς, & πατεροὺς , à virga, siue bacillo, qui dicitur Græce πέδης . Prodibant quippe Rhapsodi recitaturi cum scipionibus, & quidem variè coloratis . Nam qui profitebantur Iliadem, gestarunt rubrum, ad indicādas cædes militum, & cruentum: qui Odysseam, croceum : quòd eo colore apud antiquos significarentur exules, & errantes. Quin etiam ante hos Hipparchi Rhapsodos aliqui præterea fuisse videntur Homerici carminis recitatores : cum memoriae prodiderit Aelianus in eodem lib. iij. multo iam ante fuisse Homeri carmina distracta, & discepta, quæ canerent illi prisci particulatim : vt pugnam ad naues, nauium catalogum, Patrocli parentalia, Telemachi peregrinationem, nauigationem Vlyssis, &c. quæ postea collegerunt, conuerunt, & diuiserunt melius ipsi Rhapsodi .

Ceterum haec nihil ad nos, qui de his auctoribus haud laboramus, modo compertum illud sit ; poëtarum libros eos fecisse , ac diuisisse , qui iustam recitationem , concencionemq. sibi seponere voluissent . Hinc enim sequitur , non esse reprehendendum Homerum , aut alios poëtas antiquos ob eam partitionem, quam ipsi non fecerunt . Quod si Rhapsodi illi virgatores male, ac præter rationem diuiserunt opera poëtarum , ipsi plectendi suis virgis sunt , ac parcendum poëtis , qui eam curam, prouinciamq. alijs permiserunt .

De Virgilio verò, quamquam non habeo, cur confirmem, Rhapsodis fuisse datum negotium, ut Aeneida diuidenter in libros, quos in conuiuijs canerent, exploratum tamen esse, ac certum puto, Virgilium ipsum de recitatione, ac cantu non laborasse. Neque enim Epicum carmen ea gratia scribitur, ut recitetur, quemadmodum scribuntur dramata. Itaque sequutum eum esse dixerim Homerum, totumque illud Aeneidos opus sine librorum partitione coagmentasse. Eos autem, qui vel recitare, vel canere Virgilij versus ad citharam vellent, eandem, quam videbant iam placuisse Rhapsodis Homericis, retinuisse diuisionem. Cantoribus enim opportunius erat Aeneæ narrationem bipartito diuidere, quam totam recitare simul, aut canere.

LOCVS I.

DE CLASSE SVB ANTANDRO
adornata.

An ea molitio verosimilis sit.

*Postquam res Asie, Priamiq. euertere gentem
Immeritam visum superis, ceciditq. superbum
Ilium, & omnis humo fumat Neptunia Troia,
Diversa exilia, & desertas querere terras
Augurijs agimus Diuum, classemq. sub ipsa
Antandro, & Phrygiae molimur montibus Ide
Classis hæc viginti constabat nauibus, ut apud Didonem testatur
Aeneas.*

Bis denis Phrygium concendi nauibus æquor.

*Quo magis admirabile videtur esse Casteluitro, qui potuerit Aeneas
tam citò, tam magnam classem, tam prope hostem, ut Græcorum arma
vindique circumsonarent, ipsa demum adhuc fumante Troia, moliri.
Putat ergo ex eo genere peccatorum hoc esse, quæ ab Aristotele in
cap. xxij dicuntur ἀλογα, hoc est figmenta à ratione aliena, minime-
que decentia.*

*Sed nobis Aristoteles ipse eodem in loco aliquam fortassis ad defen-
sionem aperiet viam. Affirmat enim ille quidem errata quædam esse
poëtarum grauia, eaque dici debere ἀλογα: sed docet etiam, interdum
sic esse poëtis condonanda, quemadmodum condonamus Homero,
quod*

quòd Vlyssem è Corcyra remittat Ithacam consopitum, ac dormientem, faciatque Phæcenses vectores ab Alcinoo datos eundem Vlyssem exponentes in Ithace littus item sopitum, ac plane solum, cum muneribus Regijs, cumque insalutatum è vestigio relinquentes. Hæc, inquam, Aristoteles ipse ait esse *λόγος*, & præter rationem omnem, si demque configi: cum credibile non sit, Ithacæ Regem, tam honorificè paulò ante suscepsum, ita negligi demum, & exponi, eo maximè tempore, quo illi multo maximè præsidium erat aliquod aduersus procos necessarium. Nihilo minus tamen Homerum liberat culpa, docetque, quicquid ibi absurdum est, alio quodam bonorum genere compensari.

Itaque licebit etiam nobis absoluere culpa Virgilium: cum multò magis credibilia sint quæ de comparata repente classe comminiscitur ipse, quam quæ in exposito Vlysse fingit Homerus. Neq. enim cum ait Virgilius, Aeneam classem illam esse molitum adhuc fumante Troia, significat etiam, eadem fumante illicò discessisse. Potuit enim in Antandro aliquo tempore facilè commorari dum Græci colligendis spolijs, reficienda classe, partienda præda, gaza Troianorum nauibus imponenda, opperienda demum commoda tempestate occupabantur. Quod si ne tempus quidem istud tam multis molieris nauibus satis esse videatur, illud animo reputemus, quod est in lib. Aeneid. ix. eas Aeneæ naues ex arboribus textas sacris fuisse, concessu & beneficio Cybeles, quæ veniam dedit, vt ex Idae monte succiderentur.

Pinea filia mihi multos dilecta per annos,

Lucus in arce fuit summa, quo sacra ferebant,

Nigranti picea, trabibusq. obscurus acernis.

Has ego Dardanio iuueni, cum classis egeret

Lata dedi, &c.

Quapropter in ea molienda classe aliquam intercessisse machinam intelligere debemus, & Deorum opem interuenire: quia verosimile non est, Cybelem eam tantummodo filiam Aeneæ dedisse, nec eum fabricandis, & componendis nauibus adiuuisse. Quo fit, vt si huius i machinæ, diuinæq. opis rationem habeamus, id quod alioqui videtur *λόγος*, atque abhorrens à ratione, quasi quodam medicamento curretur, & deleatur. Hanc enim ait ibidem Aristoteles esse causam, cur illud erratum Homero condonandum sit; quòd nimirum eiusmodi figmentum absurdum quibusdam veluti condimentis aspergat, deleatq. iucunditate fabulæ quicquid alienum à ratione configit. Illa, inquit, quæ de Vlysse dicuntur exposito, toleranda nō essent, si ab aliquo malo poëta tractata fuissent. Sed Homerus alijs planè bonis absurdâ compensat, ac delet; & quicquid abhorrens à ratione videtur, tamquam medicamentis, & quibusdam quasi condimentis aspergit. Quæ nā vero

sint condimenta illa, quæ medicinam absurdo faciunt episodio pluribus ibi docent Interpretes; Victorius præsertim, & Casteluitrus. Sed ijs prætermisssis, quod ad Virgilium attinet, satis nobis est, receptū habere ad machinā illam, & opem Berecynthiæ, tamquā ad medicamentum longè præsentissimum, quod facere sine dubio possit, ut quicquid in ea molitione verosimile non est, obliteretur, ne cicatrice quidem, aut vulneris aliquo vestigio relieto. Si quis enim contendat, tempus illud, quo Græci occupabantur in colligenda præda, non esse satis fabricandæ classi, habet cur credat esse satis ob eam machinam, & præsidium Deæ, quæ repræsentare facile potest, atque anticipare quicquid à mortalibus operam multam, & temporis diuturnitatem efflagitet.

LOCVS III.

DE SACRIFICIO AENEAE
in Thracia.

An ritè peractum sit, & ex lege Sacrorum.

*Sacra Dionæae matri, Diuisq. ferebam
Auspicibus coeptorum operum superoq. nitentem
Cælicolum Regi maectabam in littore taurum.*

Euan gelus apud Macrobi. in libro iij. cap. x. Virgilium accusat inscitix, quòd Pôtificij videlicet iuris ignarus nesciu erit, apud antiquos lege cautum, ne Ioui taurus immolare tur. Sic enim Atteius Capito in lib. primo de iure sacrificiorum scrips erat. Ioui, Tauro, Verre, Ariete immolare non licere. Quin Labeo rerum sacrarum scientissimus ante docuerat, taurum nisi Neptuno, Apollini, Marti non immolari. His, inquam, auctoribus institutus Euan gelus ille, Virgilium existimat ignarum eius fuisse religionis, ac propterea reprehensione doctorum hominum esse dignissimum.

Sed nos haud possumus melius Virgilio patrocinium dare, quam quod eodem loco aduersus Euan gelum Macrobius ipse subtexxit. Ait enim, poëtam sapientissimum Virgilium non ignorasse Pontificium illud ius, & ritum sacrorum, id quod ipsem et demonstrat cum alibi canit.

*Taurum Neptuno, taurum tibi pulcher Apollo:
sed artificiose hic, & de industria Aeneam inducere sacrificantem Ioui taurum, litantemq. victimam alienam, quia consequi debet prodigium illud, ac monstrum horrendum ad tumulum Polydori.*

Hor-

*Horrendum & dictu video mirabile monstrum.
Nam quæ prima solo ruptis radicibus arbos
Vellitur, huic atro liquuntur sanguine guttae,
Et terram tabo maculant, &c.*

Nam vitio sacrificari, si Ioui taurus immoletur, docet idem Atteius Capito: qui aduersus Maronem in acie collocatus ab Euangelo fuit. Hoc enim verba prioribus illis adiecit. Si quis forte Ioui tauro fecerit, piaculum esto. Non igitur ex ignoratione sacrorum mactatur taurus; sed vt locus detur monstro, ac prodigio futuro: quod consecutum est, quia Ioui præter leges, & vitio litatum fuit.

Probat hanc patrocinij rationem etiam Seruius cum ait, Ioui, cui soleret immolari iuuenlus, mactatum fuisse dedita opera, & ex industria taurum, vt crederetur, ex illo errore, ac sacrificij vitio consecutum esse prodigium Polydori, sanguinem fundentis è virgulto, exclamantisq. de tumulo. Quare poterit huic loco patrocinium dare quinta defensio in Prolegom. exposita: vbi diximus ex Aristotele intuendas esse peristases, hoc est circumstantias, cum aliquid videtur esse perperam excogitatum. Inter peristases autem præcipuum debet esse tempus, & id cuius gratia. Cum ergo tempus & finis poëta propositus illud postularet, vt aliquid fingeretur factum præter morem sacrorum, nō est accusandus Virgilius, sed cum admiratione suscipiens, quod tam lynceus sit, & tam callide circumspiciat singulis in locis vniuersa, fingit enim hæc boni maioris gratia, vt de fine ibi loquitur Aristoteles, atque vt temporis rationi consulat, & euenturo prodigio.

L O C V S I V.

DE MOBILITATE INSULÆ DELI.

Vera ne sit; an verosimiliter excogitata.

*Sacra mari colitur medio gratissima tellus
Nereidum matri, & Neptuno Aegaeo.
Quam pius Arcitenens oras, & littora circum
Errantem Micone celsa, Gyaroq. reuinxit,
Immotamq. coli dedit, & contemnere ventos.*

Cum hic significet haud dubie Virgilius, Delon siue Ortygiam Insulam fluitasse olim errabundam in mari, ac demum constitisse, ab Apolline videlicet, ac Diana redditam immobilem, cum ibi nati ex Latona sunt, ac sub oliua depositi, vt canitur à Catullo in carm. sacerulari: cum hæc inquam ijs versibus poëta significet, videndum est, quærendumq. num id, vel fingere, vel probare per leges poëticæ licuerit, quæ invenit

poëtam, ut est apud Aristot. in cap. primo, à verosimili non discedere. Non enim credit quispia, Insulam esse viam, quæ natura moueat in aquis, & tamquam nauicula fluctuet.

Sed si paucis, & quam breuissimè de quæstione decernendum sit, fidenter ego dicam, ac vere, fas fuisse Virgilio fabulam illam, aut excoigitare, aut probare iam excogitatum: idoneamque comminiscendi, aut probandi causam eum habuisse ab ipsa natura. Nam Plin. lib. iij. cap. xciv. aliquas esse terras affirmit, quæ ad ingressum peditum, equitumque tremant; in agro præsertim Reatino, & Gabiensi: & in cap. xcv. Insulas quasdam inueniri, quæ semper fluctuant, sicut in agro Cæcubo, & in eodem Reatino: in Vadimonis lacu, & ad aquas Cutilias opaca silua, quæ numquam die, ac noctu eodem loco visitur. in Lydia quæ vocantur Calaminæ, non ventis solum, sed etiam contritis quò libeat impulsæ, multorum ciuium Mithridatico bello salus sunt & in Nymphæo paruae, Saltuares dictæ, quoniam in symphoniam cantu ad ictus modulantium pedum mouentur. In Tarquinensi lacu magno Italiae, duæ nemora circumferunt; nunc triquetra figuram edentes, nunc rotundam complexu, ventis impellentibus, quadratam numquam. Hæc ita testatur Plinius, eademque confirmat Theophrastus in libr. iv. historiarum cap. xj. & Seneca lib. iii. Naturalium quæst. cap. xxv. qui præterea causam exponit, cur Insulae tam magnæ sic supernatent aquis. Graue, inquit, & leue est non estimatione nostra, sed comparatione eius, quo vehi debet. Itaque ubi aqua grauior est hominis corpore, aut saxi, non sinit id, quo non vincitur, mergi. Sic euénit, ut in quibusdam stagnis ne lapides quidem pessum cant; de solidis, & duris loquor. Sunt enim multi pumicosi, & leues: ex quibus quæ constant Insulae in Lydia, natant. Ipse ad Cutilias natantem Insulam vidi. Alia in Vadimonis lacu vechitur, alia in lacu Stationensi. Cutiliarum Insula, & arbores habet, & herbas nutrit; tamen aqua sustinetur: & in hanc atque illam partem non tantum vento impellitur, sed & aura: nec umquam illi per diem, & noctem in uno loco statio est; adeo mouetur leui statu. Huic causa duplex est: aquæ grauitas medicata, & ob hoc ponderosa; & ipsius Insulae materia vectabilis, quæ non est corporis solidi, quamvis arbores alat. fortasse enim leues truncos, frondesq. in lacu sparsas pinguis humor apprehendit, ac vinxit. Itaque etiam si qua in illa saxa sunt, inuenies exesa, & fistulosa. His, quæ Seneca ita recenset, agrum addam Tiburtinum, ubi lacus est Insulis huiusmodi mobilibus refertus, non ita magnis illis quidem, sed quæ hominem, aut bouem ferant, quod ipse sic vidi, quemadmodum vidit Cutilias Seneca.

Quo-

Quoniam igitur aliquæ sunt in orbe terrarum Insulæ, quæ mouentur, & fluctuant, iure potuit, seu fingere, seu probare Deli mobilitatem. Virgilius: cum præsertim eam rem testatam iam alij scriptis, monumentisq. reliquissent, vt docere videtur idem Seneca in lib. vj. natural. quæst. cap. xxvj. sed & mouetur Aegyptus, inquit, & Delos, quam Virgilius stare iussit:

Immotamq. coli dedit, & contempnere ventos.

Cum enim Virgilium dicit, poëtas intelligit vniuersè: quorum communi nomine canit Quidius.

Tempusq. fuit, quo nauit in undis

Nunc sedet Ortygia.

Sed opera pretium est cognoscere vnde fluxerit antiquorum poëtarum huiusmodi de Delo commentum. Hoc enim idem Seneca vélut in tabula nobis ostendit; affirmans, aliquos fuisse scriptores, qui dicerent, Delum numquam terræ motibus concuti, aliquos contra, qui non modo quatì vellent, sed traderent etiam nominatim circa Peloponnesiacum bellum tremuisse. Ita quippe, atq. his verbis loco laudato pergit de Delo narrare. Hanc Philosophi quoque, credula natio, dixerunt non moueri, auctore Pindaro. Thucydides ait, ante quidem immotam fuisse, sed circa Peloponnesiacum bellum tremuisse. Callisthenes alio tempore ait hoc accidisse. Sed Macrob. in lib. iij. cap. vj. ex eiusdem auctoritate Thucydidis alia omnia contendit. Delum, inquit, neque antea, neque postea hoc incommodo vexatam, sed semper eodem manere saxo Thucydides historiarum lib. iij. docet. In hac dissidentium varietate scriptorum fas fuit antiquis poëtis, eos sequi qui dicerent, Delum Insulam terræ motibus obnoxiam fuisse maxime, & eos qui confirmarent desississe postea solitis illis tremoribus quatì. Et quoniam ipsis permissa fingendi potestas est, licuit ijsdem comminiscendo dicere, Insulam illam non modo tremoribus agitatam olim fuisse, quod est commune cum omnibus pene terris, sed instabilem, mobilemq. fluctuasse, quod de quibusdam traditum erat Insulis, adeoq. credibile videbatur. Quod si hæc fas fuit ita confingere, ac veris addere, cur non licuerit etiam dicere desississe tandem, aliquando per machinam, hoc est Apollinis, & Diana beneficio fluctuare? cum traderent historici à certo quodam tempore non fuisse amplius terræ motibus illis antiquis, tremoribusq. concussam. Quare nihil à Virgilio peccatum est, qui figmentum probauit antiquum, verosimile, ac prudenter excogitatum. Cum enim scirent mortales, aliquas Insulas esse natantes, credere facile potuerunt, etiam Delum in Aegaeo fluctuasse, & quæ veterum superstitione erat, alicuius Dei beneficio constitisse.

LOCVS V.

DE ORACVLO DE ORVM PENATIVM.
¶ Heleni .

Quid in vtroq. reprehendatur à Criticis .

In hoc Aeneidos libro tertio bis Aeneas de rebus , vel futuris , vel abditis , longèque positis admonetur . primo quidem à Dijs Penatibus ; qui sic canunt .

*Mutanda sedes, non hæc tibi littora sua fit
Delius, aut Crete iussit confidere Apollo .
Est locus, Hesperiam Gray cognomine dicunt,
Terra antiqua, potens armis, atq. ubere glebae .
Oenotrij coluere viri: nunc fama, minores
Italiam dixisse Ducas de nomine gentem.*

Deinde ab Heleno ; qui non de Italia solum , sed de Sicilia vaticinatur .

*Læua tibi tellus, & longo læua petantur
Aequora circuitu . dextrum fuge littus, & vndas.
Hæc loca vi quondam, & vasta conuulsa ruina
(Tantum æui longinquæ valet mutare vetustas)
Diffiluisse ferunt, cum protinus utraq. tellus
Vna foret, &c.*

In vtroque igitur oraculo Casteluitrus requirit à Virgilio prudenter . Nam alienum à ratione purat , nec vaticinio consentaneum , Deos illos Penates , & Helenum diuinum ad famam configere , quæ vulgauerit , eam Europæ regionem Italiam nūc dici , quæ olim à Græcis Hesperia , ab alijs appellata erat Oenotria ; & Italia partem quondam fuisse Siciliam , quæ nūc abiuncta prorsus est , ac separata . Quamvis enim Aristoteles in cap. xxij. veniam poëtis dederit , ut ad famam , vulgarisq. rumores configant , eam tamen illis impertijt propterea , quod aliqua minimè norunt , nec facile possunt fidem à mortalibus impetrare , nisi dicant ea esse iam fama vulgata , & à maioribus tradita . Dij verò , vatesq. quid ignorant ? quid necesse habent ad famam referre quæ confirmant , cum ea ipsi non modo intelligent & sciant , sed oculis propemodum intueantur ?

Ne

Ne multis hic morer, inspiciendum, primò puto quid sibi velint Diij
Penates cum canunt:

*Nunc fama, minores**Italianam dixisse Ducas de nomine gentem.*

Non enim tamquam rerum ignari (quod faciendum poëtis est, quoniam res ignorant) à fama testimonium petunt, cum aiunt [fama est] sed exponunt, ac narrant Aeneæ quod & fama vulgauit, & ipsi sciunt: necesse tamen non est eos de sua ipsorum cognitione, ac sciētia quicquam addere.

Helenus item, quam multa profert oracula rerum futurarum Apollinis instinctu, cuius est sacerdos, & vates? profert tamen ea solum, quæ fatidicam illam vim efflagitabant. Sed quod de Sicilia confirmat non est tanti, vt diuinandi facultatem ad illud explicandum accersere debeat. Itaq. satis habet ea de Sicilia referre, quæ potuisset Aeneæ quilibet alias sine vlo instinctu Numinis aperire: atque ad famam configuit; nec Dei vim omnia intelligentis adhibet in sermonem, quia necesse non est.

*DE SICILIAE AB RELIQUA ITALIAE
parte diuulsiōne.*

An fingi sine machina, & Deorum interuentu
debuerit.

*Haec loca vi quondam, & vasta conuulsa ruina,
(Tantum æui longinqua valet mutare vetustas)
Dissiluisse ferunt. cum protinus utraque tellus
Vna foret: venit medio vi pontus, & undis
Hesperium Siculo latus abscedit, aruaq. & urbes
Littore diductas angusto interluit astu.*

Quia Virgilius absq. machina, & Deorum ope auulsam facit ab Italia Siciliam, videri potest alicui fecisse parum ex instituto poëtico, quo iubentur auctores carminis ad ea Deos aduocare per machinam, quæ fieri naturæ vi, artisq. beneficio non possunt. Vincetur itaque ab alijs fortasse poëtis in hoc genere Virgilius: qui cum viderent

non tantum à natura mari tributum esse impetum , ac vim , vt eam perrumpere queat terra molem , ac partem , quæ Insulam efficiat amplissimam , cuiusmodi Sicilia est , perfugium habuerunt ad Deos , dixeruntque à Neptuno diuulsa admoto tridente ; quemadmodum docet Eustathius interpres Dionysij Afri , canitq. Claudianus in primo de raptu .

Trinacria quondam

Italia pars una fuit: sed pontus & aestus

Mutauere situm: rupit confinia Nereus

Victor, & abscessos interluit æquore montes .

Placuit hæc ratio machine etiam ijs , qui dixerunt , Oceanum Abilam , & Calpen abscedisse , easque fluctibus operuisse terras , vbi nunc mare mediterraneum est . Deos enim tam magno interesse voluerunt operi : finxeruntq. vt rem credibilem facerent , Neptunum aduersa cupide patefecisse viam illam Oceano , eaque referasse clausa , quæ ante ab utroq. illo monte penitus obstruebantur . Hoc nimirum modo Valerius Flaccus existimauit illud inauditæ rei miraculum esse populo proponendum .

Sic pelago pulsante reor , Neptunia quondam

Cuspis, & aduersi longus labor abscedit aeni ,

Vt Siculum , Lybicumq. latus , stupuitq. fragore

Ianus, & occiduis Regnator montibus Atlas .

Placuit eademi machina Claudiano in ij. lib. de Raptu , cum persuadere legentibus vellet , Olympum in Thessalia Ossa quondam fuisse coniunctum , sed ab eodem , immisso Peneo fluuio , distractum repente fuisse , atque disiunctum .

Sic cum Thessalam scopulis inclusa teneret

Peneo stagnante palus, & mersa negaret

Arua coli , trifida Neptunus cuspide montes

Impulit aduersos. tum fortis sauciis ictu

Dissiluit gelido vertex Ossæ Olympo .

Carceribus laxantur aquæ , fractoq. meatu

Redduntur fluuij q. mari , tellusq. colonis .

Sed quamquam hæc sapienter ab alijs facta poëtis sunt , iure tamen à Virgilio prætermitti potuit machina , & Deorum aduocatio ; cum non modo à vulgaribus hominibus fieri posse credatur , vt mare sua vi , accedente præsertim terræmotu , & diuturnitate temporis , aliquam terrarum conuellat partem , & Insulas faciat , verum etiam tradatur à doctis scriptoribus id ita factum esse , tum alijs in locis pluribus , tum verò etiam in Sicilia nominatim . Plinius enim disertissimè docet , hoc modo eam Insulam ab Italia , Cyprum à Syria , Eubœam à Boeotia fuisse diremptas . Quin ait Aristoteles in ij. libro meteororum mare

subin-

subinde commutare locum, & littus suum: sic inquam, ut quā terra nunc patet, habitat & colitur, multis sanè partibus occupata fuerit olim ab aqua; quā stagnat nunc, & diffunditur mare, multis sanè locis olim terra patuerit, & populis, oppidisque frequentibus sit habitata.

Quæ profectò causa est, cur Homerus Pharum Alexandriæ Insulam à continenti diuisam fecerit, quam compertum habemus esse coniunctam. Tuetur enim eum à reprehensoribus Strabo, illo nomine, quod Homeri etate Pharos seiuēta esset, sed postea continenter, ac semper accedente terra, quam eō conuētā Nilus, mariquē recedente, coniuncta fuerit: idque confirmat ex Herodoti auctoritate, quem potissimum ibi testem profert ad defendendum Homerum. Ad hanc, Herodotus ipse ait se ab antiquis accepisse, mare olim supra Memphis usque ad Aethiopiam montes pertinuisse, & Strabo duos laudat Philosophos longè vetustissimos, Stratonem ac Xanthum: qui dicebant, circa templum Iouis Ammonis tribus stadiorum milibus iacere procul à mari passim, ac ubique marinas coecas, ac testulas; è quibus coniisci posset, ibi quondam mare fuisse. Scribit eadem Pomponius Mela de Numidia in Africa. Interius, inquit, & longè satis à littore (si fidem res capit) spinæ piscium, muricum, ostrearumq. fragmента, saxa attrita, vti solent fluctibus marinis; infixæ cautibus anchoræ, aliaq. huiusmodi signa, atque vestigia effusi olim usque ad ea loca pelagi in campis nihil alentibus esse, inueniriq; narrantur, &c. Quæ profecto faciunt, ut credam non omnino poëticè hoc est fictè ab Ouid. cani in lib. metam. xv.

*Vidi ego quod fuerat quondam solidissima tellus
Eſe fretum, vidi factas ex aequore terras,
Et procul à pelago conchæ iacuere marinæ,
Et vetus inuenta est in montibus anchora summis.*

Immo verosimile reddunt quod canitur à Iouiano Pontano in meteoris de Oceano, quem verè putat inuassisse Abilæ, Calpisq. claustra, & terras illas intrasse penitus, quæ mediterraneo mari nunc operiuntur.

— Mutantur in aeum
Singula, & incæptum alternat natura tenorem.
Quodq. dies antiqua tulit, hoc auferet ipsa.
Hoc mare, quod nunc ingenti duo littora træctu
Europam Lybiamq. secat, non fabula, quondam
Tellus una fuit. medio stetit aequore taurus
Insudans fulco, atque attrito vomere fessus:
Nunc mersa tellure natat vento acta carina
Claudamus ergo disputationem, affirmantes, Virgilium necesse non
habuimus.

habuisse ad machinam ire; cum tam multi doceant Insulas complures impetu maris naturali factas esse, pluresque diuisas terras, quæ fuerant olim tractu perpetuo, aut montium propè iunctura commissae.

LOCVS VII.

CVR HV MILIS ITALIA
dicatur.

*Cum procul obscuros colles, humilemque videmus
Itiam, &c.*

Mirantur aliqui adiunctum hoc, & epitheton insolens, quod à Virgilio tribuitur Italiae, quæruntq. cur dicatur humilis, ac depressa, cum tam magnis, crebrisque sit distincta montibus, quorum multi etiam in ipsum mare longè procurrunt.

Duas proponit Seruius rationes, quas perpendere nos oportet, ut videamus an eius rei probabilem afferant causam. Ait igitur primò, humilem dictam Italiam, quia plana est, & mollis, laudatq. testem locupletem Sallustium, qui de Italia hoc affirmarit. Docet deinde physicum id esse, quod perstringit epitheto illo Virgilius. Nam è mari cernentibus humilis appetat terra, contraq. spectantibus è terra videtur altius mare. Neutra sanè ratio causam eius adiuncti tam, inauditi, ac noui absolutè, perfectèq. demonstrat. Prima enim facit Italiam planam, & mollem, quæ montibus vbiique distinguitur, & iugis altissimis. Secunda non ostendit, cur Italia dici potius humilis debat, quam alia terræ, quæ cernuntur è mari: omnes enim videntur humiles. Verissimè quippè dicitur à physicis terra depressior natura, & grauior esse, quam aqua, sed vtriusq. tamen una esse superficies extima, continua, atq. perpetua, idem umbilicus, & centrum; sic prorsus, ut unus ex vtraque orbis, & globus existat. Itaque tam terra, quam aqua ipsa simul iuncta cum terra, leni, aequabiliq. tumore globosa est, & teres vndique. quo sit, ut ijs, qui sunt in mari, cum praesertim longè absunt à littore, humilis terra videatur ob illum aquæ tumorem, & altiorem superficie totius globi partem, in qua positi sunt qui procul à terra nauigant. subsidente adeo paulatim altitudine illa, ipsi demum nautæ ad terram accedentes intelligent se deceptos, nec aquæ superficiem altiorem esse, quam terram. Verissimè inquam hæc dicuntur, & Physicæ congruenter. Sed inuenienda tamen est aliqua

qua causa peculiaris, & propria, cur eorum habita ratione, qui sunt in mari, nulla vñquam alia terra dicta sit humilis præter Italiam.

Mea ergo sic est ratio; dictam à Virgilio humilem Italiam, quia Troiani, qui ex Epiro nauigabant, eam Italiae partem viderunt primùm, quæ planissima est, & expeditissima, hoc est Apulia illa, quæ vulgo, ac populari lingua planam appellat. Ea itaq. regio videbatur illud epitheton sibi propriè vindicare: quia si cum ceteris conferatur, quæ montibus, iugisq. perpetuis mare circumuallant, humilior, & depreferior videbitur esse, quam aliae: præsertim è longinquo, vbi maior est aquæ tumor, & globosius mare. Nam quo propius accedas ad littus, hoc magis ille tumor decrescit, ac crescere videtur terra. Itaque dicitur paulo post.

Attollit se Diuina Lacinia contra.

decrecente nimirum illo maris tumore, terraque ipsa crescente propter montes magis, magisq. cernentium oculis apparentes. Neque enim ab hoc loco alienum est quod sàpe dicere poëtae solent: id nimirum re ipsa esse, aut fieri, quod nobis esse, aut fieri videtur; vt in tertio canitur Aeneidos.

Proueblimur portu, terraq. vrbeq. recedunt.

Et in primo Georgorum.

Sape etiam stellas vento impendente videbis

Præcipites calo labi, noctisq. per umbram

Flammarum longos à tergo albescere tractus.

Stellæ quippe non labuntur, sed labi videntur. Itaque satis hæc accommodata potest esse responsio: videri humilem Italiam, quamquam non est, adeoque vñstata loquendi forma id re ipsa esse, à poëta dici, quod tantum appetet, & videtur esse. peculiarem tamen habere causam Italiam, cur humilis appelletur à Virgilio; quia non vñuersam intelligi vult Italiam, sed eam partem, quæ prope mare omnium mollissima est, atque planissima: quod fortasse sibi voluit Seruus, non satis autem rem explicauit: cum toti adscriperit Italiae quod soli dandum est parti.

*QVID IN AETNAE DESCRIPTIONE
reprehenderint aliqui.*

*Portus ab accessu ventorum immotus, & ingens
Ipse, sed horrisicis iuxta tonat Aetna ruinis.*

Inter-

Interdumq. atram prorumpit ad æthera nubem
 Turbine fumantem piceo, & candente fauilla;
 Attollitq. globos flammarum, & sidera lambit:
 Interdum scopulos, auulsaq. viscera montis
 Erigit eructans, liquefactaq. saxa sub auras
 Cum gemitu glomerat, fundoq. exastuat imo.
 Fama est, Enceladi semustum fulmine corpus
 Vrgeri mole bac, ingentemq. insuper Aetnam
 Impositam ruptis flammam expirare caminis.
 Et fessum quoties motat latus, intremere omnem
 Murmure Trinacriam, & caelum subtexere fumo.

Nihil videtur his versibus elegantius, aut artificiosius fieri posse: inventus tamen est Phauorinus apud Gell. lib. xvij. cap. x. qui contra sentiret. Aiebat enim in summa; Virgilium in hac descriptione tumidum, & insolentem esse ex prava quadam imitatione Pindari: quem dum conatur exprimere, orationis, inquit, adulterat fuso, non effingit. Cum igitur Pindari descriptionē Aetnæ protulisset, ita de Virgilio aggressus est dicere comparando. Audite nunc Virgilij versus, quos inchoasse eum verius dixerim, quam fecisse.

Portus ab accessu, &c.

Iam principio Pindarus veritati magis obsecutus id dixit, quod res erat, quodq. illi vsu veniebat, quodq. oculis videbatur: interdiu fumare Aetnam, noctu flammigerare. Virgilius autem dum in strepitu, sonituq. verborum conquirendo laborat, vtrumque tempus nulla discretione facta confundit. Atque ille Graecos quidem fontes imitatus, ignes eructare, & fluere amnes; fumi, & flamarum fulua, & tortuosa volumina in plagas maris ferre quasi quosdam igneos amnes luctulentè dixit. At hic noster atram nubem turbine piceo, & fauilla fumantem ~~phov~~ ~~carrys~~ ~~allara~~ interpretari volens, crasse, & immodicè congesit. Globos quoque flamarum duriter translulit. Item, sidera lambit, vacanter hoc etiam, & inaniter. Neque non id, quod inenarrabile esse ait, & propem dum insensibile, quod nubem atram fumare dixit turbine piceo, & fauilla candente. Non enim fumare solent, neque atra esse quæ sunt cendentia. Quod saxa autem, & scopulos eructari, & erigi, eosdemq. ipsos statim liquefieri, & gemere, atque glomerari sub auras dixit, hoc nec à Pindaro scriptum, nec umquam fando auditum, & omnium quæ monstra dicuntur, monstruosissimum est. Hæc Phauorinus apud Gellium differit. Quæ multis conatus est confutare Iouianus Pontan. in Anton. sed parum feliciter. Ingeniosius autem, & planius, & breuius pro Virgilio dixit Iulius Scaliger in lib. v. poëtices, quem Criticum inscribit cap. iv. Distribuit enim principio in capita omnino quatuor ea, quæ calumniosè dicuntur à Phauorino: deinde

deinde particulatim, vel irridet, vel diluit rationibus singula.

Reprehensionis illa capita quatuor hæc sunt . Primum à Pindaro rem ita, vt est, esse descriptam: Actnam nimirum fumare interdiu; noctu flamas edere. à Virgilio ea tempora esse confusa.

Interdumq. atram prorumpit ad æthera nubem

Turbine fumantem piceo, & candente fauilla,

Attollitq. globos flammarum.

Huic autem accusationis capiti sic responderet . rectius à Marone fitum, ac flammam simul in altera parte, in altera verò saxa liquefacta posita esse . Nam re ipsa fumum, ac flammam simul fundit. Noctis autem vitio sit, vt fumus non videatur è longinquo, sed tantum flamma: & diei claritudine impediuntur oculi, quo minus aspicere flamas possint .

Secundum caput est. *ἡν καπνοῦ, & ποταμὸν, riuum, seu fluuium fumi*, quod est apud Pindarum, non rectè Virgilium latinè reddidisse, cum dixit globos . Hanc vero tam leuem reprehensionem irridens Scaliger , ait noluisse Virgilium hoc loco interpretem agere, sed auctorem . poterat ille quidem facile dicere flumen , sed non placuit: quia melius ei vocabulum, ac significantius occurrit. Nam si flammarum ex Aetna prodeuntia volumina intuearis , non fluuius labenti compares, sed globis rerum implicatarum. Cuius sanè rei ratio subest naturalis . Impetus quippe erumpentis flammæ non potest tenore perpetuo oppositum, in quem subit, aërem scindere: conuoluitur itaq. per repressionem.

Tertium caput non iam accusationem, sed calumniam vocat, & impudentiam . Audet enim Phauorinus dicere , piceam nubem non coherere, aut congruere cum fauilla candente . Ait autem esse hanc impudentiam ; quia videt, Phauorinum putasse à Virgilio dictam esse fauillam candentem, quasi synonimon fumi. Quod si dixisset, pugnatio sine dubio locutus esset. Neque enim fumus candens, hoc est, ardens, siue relucens, aut albus est, sed obscurus . Non ita Virgilius insanit, sed vult à nobis intelligi fumum eructari mistum candente, hoc est, ardente fauilla . Duo itaq. sunt quæ simul extruduntur ab Actna, fumus, & fumo permista candens fauilla.

Restat quartum caput, cuius summa est. Pindarum non dixisse eructari saxa. Hic vero non iam amplius irridens, sed indignabundus ita responderet patronus Virgilij Scaliger . Quid tum postea? quasi verò Græculorum famuli simus, ac non emendatores .



LIBRI QVARTI

A E N E I D O S

L O C V S P R I M V S.

DE ATLANTIS DESCRIPTIONE.

A N E A D I G R E S S I O

superuacanea sit.

---- *Iamq. volans apicem, & latera ardua cernit
Atlantis duri, caelum qui vertice fulcit ;
Atlantis, cinctum assidue cui nubibus atris
Piniferum caput, & vento pulsatur, & imbri.
Nix humeros infusa tegit ; tum flumina mento
Præcipitant sensis, & glacie riget horrida barba .
Hic primum paribus nitens Cyllenius alis
Constituit . hinc toto præcepse corpore ad vndas
Misit, aui similis, &c.*



A N C Atlantis descriptionem Casteluitrus
in earum digressionum numero ponendam
putat, quæ damnantur ab Aristotele, dicun-
turq. fabulam episodicam facere . Aristote-
lis verba , quæ de his in poëtices octauo capi-
te habet , hæc sunt . Ceterum simplicium fa-
bularum , actionumue episodicae quidem
sunt deterrimæ . Episodicam autem eam ap-
pello, in qua neq. verosimiliter , neque neces-
sariò episodia mutua connectuntur . Hunc, inquam, locum Aristotelis
cum tractat, & illustrat exemplis Casteluitrus, affirmatè pronunciat ,
eam

eam Atlantis descriptionem ab hac Aristotelis censura vindicari non posse . Non enim vlla, inquit , postulabat necessitas , vt Mercurius è caelo delapsus , & Carthaginem petiturus,in Atlantem prius , quām Carthaginem ipsam aduolaret : nec verosimile videtur , Deum illum volucrem, alatumq. sic properantem, quemadmodum iussus erat à Ioue, voluisse in Atlante subsistere : cum præsertim volando non defatigaretur . Sed fac esse verosimile : quorsum pertinet illa descriptio tam putida ? Loca enim describuntur in eam gratiam, vt facilius, ac plenius quod ibi gestum est intelligamus . At cum nihil in eo monte geratur, quod ad principem fabulam, hoc est ad Aeneæ in Italiam aduentum pertineat, illæ niues , flumina , siluæ , quæ tam diligenter exprimentur nullam afferunt rerum nouam agnitionem , cuius causa descriptiones fieri, & adhiberi ab auctoribus solent .

Differit ille Censor in hunc modum : sed multis hallucinatur ex causis . Principio enim existimat , Aristotelem cum de necessarijs loquitur episodijs, id necessarium dicere, sine quo res consistere tractariue nullo modo queat . Quod si sibi ille voluisse, nullum propemodum esset episodium, quod à poëtarum actionibus diuelli, ac separari citra fraudem, damnumq. non posset . Liceret ex Odysslea demere conuiuum apud Alcinoum , Gigantes in Aetna, Syrenum concentum in mari Tyrrheno, alia . liceret ex Aeneidos primo libro tollere Venerris occursum , narrationem excidij Troiani ex secundo , Polydori prodigium, & Harpyias ex tertio; ex alijs libris infinita, quibus planè diremptis consisteret nihilominus actio, quæ Vlyssis in patriam reditu, Aeneæ in Italiam aduentu tota continetur, & clauditur . Quæ cum ita sint, id mihi videtur Aristoteles , cum episodia quædam necessaria nominauit , significare voluisse : aliquod interdum episodium ita requiri , itaque in rem, qua de agitur, conuenire , vt necessarium non quidem sit, sed esse videatur . Huiusmodi fortassis est in quarto libro illæ fainæ descriptio: sine cuius officio , quod clam , & sciente nemine gestum à Didone fuerat , vulgari non poterat . Appellat autem huiusmodi episodia necessaria , vt à ceteris differentia faciat , quæ non tam requirit ipsa fabula institutio , quam aliqua rerum verisimilitudo ad oblationem legentium accersitarum . Quo de genece hoc videtur episodium esse , Atlantisq. hæc descriptio, quæ ab isto superuacanea dicitur ; cum omnino superuacanea non sit . huiusmodi quippe digressiones similes sunt minimis quibusdam in corpore partibus , quæ vt necessaria prorsus animanti non sint , alijs tamen adiunctæ magis necessarijs, ipsum absoluunt, atque perficiunt corpus .

Itaque facile dederim huic homini, nihil fuisse necesse, Mercurium ad Atlantem prius , quam Carthaginem conuolare, quia sine illo diuerticulo stabat fabula , suisq. partibus apta fuisset . sed contendam tamen,

tamen, id fuisse maximè verosimile; quod probabilius, & laudatis episodijs ex Aristotele satis est. Non enim ait coniunctim episodia deberre necessaria esse, ac verosimilia, sed disiunctim, vel necessaria, vel saltē verosimilia. Verisimilitudo verò maxima huius episodij spectari potest ex eo, quod ab Atlante suo stirpem duceret Mercurius, atque in Africam, ubi Atlas est, allegaretur à Ioue. Hinc enim sit, ut maximè sit verosimile ad auum illum maternum ex itinere officij causa eum diuertere voluisse: cum præsertim id sœpe facere solitus esset Mercurius è cœlo descendens, & Atlante quibusdam quasi scalis vti consueuisset assiduè, vt testatur ex fabulis Sidonius Apollinaris.

Iamq. ut conueniant superi Tegeaticus Arcas

*Nunc plantis, nunc fronde volat: vix contigit arua,
Et toto descendit auo.*

Itaque nulla defatigatio fuit, quæ Mercurium resistere cogeret in itinere, sed officium in auum Atlantem, quemadmodum ipse videtur hic indicare Virgilius, cum ait in digressu Mercurij ex Atlante,

Materno veniens ab auo Cylleenia proles.

Quod si quispiam id etiam contendere voluerit, Mercurium sessum de via, in eo monte, qui proximus occurrebat in Africa, insidere, ac quiescere debuisse, nihil affirmabit, quod antiquorum superstitionibus aduersetur. fecerunt enim illi Deos suos non defatigatos modo, sed sudantes etiam in bello, & vulneratos.

Sapientissimè itaque Virgilius ad Atlantem digreditur, quod Mercurius tam sœpe deslectere solitus erat ex itinere, vt non posset eò non contendere, cum per Mauritiam Carthaginem versus iter haberet, nisi vellet à consuetudine, atque ab officio in auum antiquo sine confilio, ac ratione discedere. Quæ ratio tantum ponderis habet, vt hoc episodium non verosimile modo, verum etiam necessarium facere posse videatur.

Sed quoniام seuerus hic Censor etiam in necessarijs, aut verosimilibus episodijs nihil vult poëtas describere, nisi quod earum inseruat cognitioni rerum, quæ in descriptis geruntur, & tractantur locis, docere postremò debemus, quem vsum habeat illa tam diligens expressio rerum, quas in Atlante describit Virgilius. Ut enim maximè verosimilis illa Mercurij descensio in Atlantem sit, erat tamen satis fortasse dicere, cum descendisse. Quid igitur necesse fuit addere tam multa, & singula, quæ sunt in monte, putide describere?

Breuissimè sanè responderim & dilucide; Casteluitrum non quidem ignorare (est enim scientissimus) sed oblitum esse causam cur à poëtis excogitata episodia sint: nos verò in mētem illi redigemus ex Suida, qui sic episodium definit. τὸ τε προβάντων τῷ σφραγὶ γέλωντας χάριν. ἐξ οὐ ποτὲ δίστοις ἐν . est quod adiungitur dramati, delectationis, & voluntatis gratia

gratia præter institutum, & propositum argumentum. Ex hac enim definitione intelliget, episodia poëtarum esse liberiora, quam ut intra leges illas includi debeant, quibus teneri vult descriptiones locorum. Historijs quippe non licebit describere, nisi ea loca, in quibus aliquid gestum est eius rei, quæ narratione comprehenditur, & in ijs describendis tantum ob oculos ponere legentium quæ momenti aliquid afferunt ad eas melius, quæ ibi geruntur, res intelligentias. Sed poëtis ea necessitas, & lex imposita non est: cum amœna diuerticula consultò querant ad captandam voluptatem, ut episodiiorum ipsis definitio veniam dat. Cum enim hæc excogitata sint in eam gratiam, ut poëticæ propositam afferant, & pariant iucunditatem, expressiones admittunt aliquarum rerum, quæ nullam habent cum gestis gerendis negotijs coniunctionem: qualia plane sunt ea, quæ tam obseruatæ in Atlante ipso distinguuntur; niues, aqua, flumina, glacies, arbores, aliaque ex illo genere complura, nihil quidem ad rem pertinentia, sed legentis animum haud mediocri sensu voluptatis afficiens.

L O C V S I I .

*DE DRACONE PERVIGILI
ad Hortos Hesperidum.*

An ali papauere debuerit.

*Oceani finem iuxta, Solemque cadentem
Ultimus Aethiopum locus est, ubi maximus Atlas
Axem humero torquet Stellis ardentibus aptum.
Hinc mibi Massyllæ gentis monstrata sacerdos,
Hesperidum templi custos, epulasque draconi
Quæ dabat, & sacros seruabat in arbore ramos,
Spargens humida mella, soporiferumque papauer.*

Didonis hæc verba sunt, sacrificium magicum, ad fallendam sororem, adornare se simulantis, quod à sacerdote Virgine, hortorum Hesperidum custode didicisset. Sed difficultatem, ac negotium faciliunt inexplicabile doctis viris, ipsi etiam Seruio, ea, quæ ad extremum de Draconis illis epulis somniferis maximeq; soporiferis adiunguntur.

Spargens humida mella, soporiferumque papauer.

Cum enim Draco eorum sit hortorum custos, non debet ali melle, atque papauere, quæ somnum conciliant, faciuntque, ut excubitor ille suo fungi munere non queat.

Sunt qui ad nodum explicandum varia conquirant exempla, & loca poëtarum similia, vbi multa multis tribuuntur rebus, quæ parum

ijs conuenire, ac congruere videntur. Ac primo quidem Euripidem proferunt in Troadibus, vbi ait Chrathim flauum capillis induce-
re colorem flauum, ἡ Χράθη χαίρειν μοινευτέλεια, Chrathis flauam fa-
ciens comam. Id autem falsum esse vincunt ex Theophrasto in Thu-
rijs, affirmante, album ab hoc fluvio colorem dari, non flauum. Sic
enim de eo loquitur Plin. in lib. xxx. cap. ii. Theophrastus in Thu-
tijs Chrathim candorem facere tradit. Proferunt secundo loco il-
lum Ouidij versum.

Nigrior ad Pharij confuge piscis opem.

vbi nimirum amatoribus fuscis, & colore subnigro præditis id con-
filiij dat, vt ad pisces Aegyptium confugiant, hoc est, ad Crocodi-
lum. Erat enim in more positum apud feminas, vt ad fucandam,
medicandamq; coloribus aduentitijs faciem vterentur simo Croco-
dili. id quod carpit Horatius ode xii. Epod.

Iam manet humida creta, colorque

Stercore fucatus Crocodili, &c.

et Clemens Alexandrinus in iii. libro Pædag. cap. 11. Antiphatem Co-
micum laudans, in illud seminarum eo se simo fucantium studium
sic inuehentem. Quæ Crocodilorum purgamentis vtuntur, & spu-
ma sepiarum inunguntur, & supercilia fuligine illinunt, & fuco ge-
nas terunt. At compertum habemus ex Galeno in libro x. de facult.
simp. illud faciei medicamentum, non quidem ab aquatico Croco-
dilo, qualis Agyptius, ac Niliacus est, sed à terrestri petitus fuisse.
Ita quippe rem testatam tradit nobis eo loco Galenus. Ceterum
terrestrium Crocodilorum, inquit, hoc est, exiguum, & humi ser-
pentium simum pretiosum fecere mulieres delitosæ: quibus non sa-
tis erant alia medicamenta tam multa, quibus faciei cutis extendi-
tur, & splendescit, nisi etiam Crocodilorum simum adiunxissent. Ad
hunc ipsum terrestrem Crocodilum referunt illud medicamentum
Paulus Aegineta in lib. vlt. & Oribasius in secundo de virtute simpli-
cium. Itaq; planè licet intelligere, Ouidium ea tribuisse Niliaco Cro-
codilo, quæ tantum abest, vt in eum conueniant, vt contrariam om-
nino vim illi tribuerit Paulus Aegineta; diserte confirmans, eius Cro-
codili, qui degit in Nilo simum albedinem, & candorem imminuere.
Tertio loco Statium volunt suffragatorem lib. Siluar. v. in protrept.
ad Crispinum. quem sic alloquitur, atque ad vestigia seunda pa-
rentis hortatur.

Tu disce patrem, quantusque natantem

Fluctibus occiduis, fessoque Hyperione Thulen

Intrarit &c.

Vbi nimirum Thulen Insulam audet facere natantem, & fluctuantem
Cyaneis similem, Symplegadibus, Delo, alijsq; de quibus in superio-
re li-

re libro disputauimus . Sed Thule stabilis semper est habita, nec inter eas à quoquam numerata , quæ mouentur , & natant .

Ex his inquam poëtarum exemplis petere se aliqui posse certum præsidium putant ad ea purganda , quæ de Draconis cibatu singuntur contra quam fingi, aut dici debuissent . Sed longè falluntur . Nam præterquam quod dicere possit aliquis , poëtas illos omnes haud minus peccasse, quām peccarit hoc loco Virgilius , exempla ipsa, quæ proferrunt; videntur esse parum accommodata , nec rei , qua de agitur, omnino congruere .

Nā primo quidem quod attinet ad Chrathim fluuium, alios ego testes habeo, qui dicant, eius reddi aqua pilos animantium flauos, qualis est Lycophronis interpres in Cassandra . Chrathis, inquit , Italiae fluuius est, flauos eorum efficiens pilos, qui eius aqua diluuntur . Sic enim docet Hesigonius historicus, Socion, & Agathostenes philosophi . Hæc tradit eo loco Interpres ille bonus ac doctus, hosq; laudat auctores graues, & sapientes . Quorum similia sunt apud Theocriti Scholiastem his verbis expressa . Nymphodorus , & Theophrastus , inquit , affirmant , Chrathidis aquam candorem inducere . Atque hos sequutus Ouid. in xv. metam. ita canit .

Chrathis, & hinc Sybaris vestris conterminus oris

Electro similes faciunt, auroque capillos.

Non igitur huic flumini ea tribuit Euripides, quæ illi conuenire non possint : cum tantorum auctoritate scriptorum edoctus , facilè possit poëta ijs contraria canere, quæ traduntur ab alijs . At nemo est, qui, non dicam, affirmet, vigilantiam ali papauere , sed qui non doceat somnum eodem papauere vigilantissimis etiam custodibus conciliari . nulli ergo res quæ canitur à Virgilio verosimilis est .

De Ouidio non possum equidē idem affirmare : sed illud habeo dicere, secutum eum fuisse celebrem, & communem famam, quæ vulgauerat vniuersè , Crocodili simo feminas oblinere faciem solitas : vtrum verò Crocodili terrestris, an aquatici simus is esset, quo medicaretur facies, vulgo ignorabatur . At licere poëtis pro arbitratu pronunciare de rebus , quæ vulgo nota non sunt, aut in ijs, quæ parum sunt cognitæ aliquid comminisci , & sequi vulgarem famam , diximus alibi ex Aristotele : idq; ausus est aliquando Virgilius in Ecloga sexta ubi Scyllam Nisi pro Scylla Phorci fecit mare Siculum occupantem . Quamquam enim hæ dua Scyllæ variae sic sunt, atque inter se distin-
etæ, vt Scylla Nisi conuersa dicatur in auem, Phorci vero in scopulum illum naufragijs infamem , & canibus succinctum latrantibus : fama tamen vulgauerat, etiam illam Nisi Scyllam fuisse, quæ conuersa es-
set in scopulum , & canes illos circum allatrantes . Ipsum Virgilium audiamus, dicentem, omnino sequi se famam quæ de Scylla Nisi ea

prodidisset in vulgus, aliquot auctoribus fabularum reclamantibus.

*Quid loquar aut Scyllam Nisi, quam fama secuta est
Candida succinctam latrantibus inguina monstris
Dulichias vexasse rates, & gurgite in alto
Ab timidos nautas canibus lacerasse marinis?*

Famam item secutum puto Aristophanem in *Auibus*, vbi Progne non quidem in hirundinem, sed in lusciniam conuertitur; contra quam doceant fabule: famam eundem Virgilium in *Georgicorum* libro tertio, vbi Cyllarum Polluci dat.

*Talis Amyclai domitus Pollucis habenis
Cyllarus &c.*

Qui tamen equus erat Castoris, non Pollucis: cum Pollux pugil tantummodo fuisse dicatur. famam, inquam, secutum esse poëtam puto: quia hoc etiam tradi à nonnullis video; Cyllarum vtriq; seruisse fratri, tam Castori, quam Polluci. Ita sane docet me Papin. Statius in libro *Siluarum* primo *Silua prima de Domitiani equo illo canens*, quem ita magnificè prædicat.

*Et paueat aspiciens Ledaus ab æde propinquu
Cyllarus: hic domini numquam mutabit habenas.
Perpetuis frænis, atque vni seruiet astro.*

Significat enim equum illum Domitiani vni seruiturum sideri, hoc est, Imperatori, non duobus, vt Cyllarum: quo nimurum Castor ac Pollux inuicem vteretur. Docet ita me quoq; Pindarus in od. Olymp. iii. vtrumq; Tindarida equis insignem appellans. Quin Pindari Scholiastes nō est veritus vtrumq; fine vlo discrimine domitorē equorum nominare. Itaq; Virgilius non Pollucem pro Castore posuit, vt existimat Seruius, sed probauit famam, quæ Cyllarum vtrique subseruentem inuicem, atque alternis vtriusque fessoris patientem faciebat. Quapropter, vt reuertar ad Ouidium, de quo disputabam, cōmunem & generalem quodammodo famā eum sectatum esse dixerim, quæ de Crocodili fimo illud medicamenti miraculū dissiparat in vulgus. Cum enim vulgo nesciretur cuiusnam Crocodili simus esset, qui facie fu- cum illum suppeditaret, non aberrauit à poëtico verisimili, cum vnum pro altero nominauit. Diximus quippe alias non id semper esse poëticum verisimile, quod falso, veroq; est interiectum, sed id plerumq; quod falsum quidem est doctis, & sapientibus viris, populo tamen, ac multitudini credibile est. At nemo vulgarium hominum ignorat papuere soporem accersiri non uitabilem. nec fama vlla contrarium quicquam vñquam de somnifera illa papaueris facultate vulgauit. Nemini ergo credibile est, Draconem illum peruigilem ali papauere: adeoque testimonium Ouidij non tuetur Virgilium.

Reslat ultimo loco Statius: qui omnium minime tueri Virgilium auto-

auctoritate potest. Potuit quippè Statius eodem planè modo credibilem vulgo facere natatum, & mobilitatem Thules, insula tam longe distantis, quo credibilia redduntur ea, quæ vulgo planè cognita non sunt. Nam cum esset iam exploratum, multas in mari moueri Insulas, & fluctuare, facile poterat vulgus credere, insulam illam penitus ab extremo diuisam orbe natare, & circumferri. Sed numquam credidisset papaueris succo vigilantem redi belluam, cui hortorum Hesperidū data custodia esset. Potuit inquam Statius ita ut dixi verisimilē facere mobilitatem Thules: sed ea licentia non est abusus. nam plerique mendosam existimant esse scripturam illam, & sic restituendam contendunt.

----- *Tu disce patrem, quantusq. nigrantem
Fluctibus occiduis fessoq. Hyperione Thulem
Intranit, &c.*

Atque ita nigrantem inueniemus eam insulam esse Statio, quam ipsi putabant esse natantem. Quam quidem emendationem ipse probabit, opinor, Statius: qui in quarto siluarum libro eandem Insulam appellat nigram.

Aut Rheni populos, aut nigræ littora Thules.

Nigram autem, vel nigrantem eam aliqui dictam existimant, quod maximè distet à sole, & nubibus semper caliginosoq. celo subiecta sit, quemadmodum contra Rhodus dicitur ab Horatio clara, quæ celo vtitur, & aëre sereno.

*Laudabunt alij claram Rhodon;
Et à Lucano item clara.*

----- *Gnidon inde fugit, claramq. relinquit
Sole Rhodon.*

Ea enim Insula raro nubibus obducitur, vt testatur Solinus in lib. xxj. Numquam, inquit, cælum ita nubilum est, vt in sole Rhodus non sit. Et Plin. in Lib. ij. cap. lxiv. scribit, Rhodi & Syracusis numquam tanta nubila obduci, vt non aliqua hora sol cernatur, quod est etiam apud Tullium in vj. Verrin.

Referamus verò nunc disputationem in gradum, ponamusq. nullam nobis ab huiusmodi poëtis suppeditari rationem opportunā ad Virgilij causam afferendā. Itaq. alia insistendum erit via, & quidem ea, quā viri doctissimi per summā calliditatem aperuerunt. Petr. Viçt. in primis ducē sequamur: qui in lib. Var. lect. iv. cap. iij. pulcherrimam earū epularum, quæ draconi quotidie dabantur, cōmentatus est causam. Putat enim soporiferū papauer admistum fuisse dulcibus epulis, vt ferrox illa bestia non quidem omnino, prorsusq. deuinceretur sopore, sed vt paululum de ferocitate remitteret, ac leniretur. Quippe papauer, quod alijs animantibus induceret veternum, insomni, peruigilique

draconi propter singularem ferociam languorem tantummodo quendam potest afferre, ac demum facere, ut fœuiat minus. Nam quia ea bellua truculenta admodū erat, & ferox, eius mollire naturam oportebat; vt & ali sine periculo posset, & retineri. Simil ergo custos illa templi, cibaria, quibus eam in vita retineret, praparauit, simul quoque sibi ipsi consuluit. Atq. vt rem nobis ob oculos poneret melius Petrus Victorius, veram adiungit narrationem huic fabulae: confirmans, accepisse se à certis hominibus, Imperatorem Turcarum alere Tigrim; quæ catenis etiam vincita impunè, ac tutò tractari non queat: adeoq. curatores, ac eius magistros belluæ, cum eam aliquò conuehere volunt, succum illi mandragoræ præbere solitos, vt mitigetur aliquantum, & ea truculentia temperetur. Itaque mandragora, quæ quoniam non somnifera modo, sed pestifera est ex Plin. lxxv. c. xiiij. mortem, fortasse alijs afferret animantibus, illi belluæ ferocissimæ spiritus tantum, & feritatem imminuit.

Nihil dissentit à Petro Victorio Turnebus in lib. xxvj. capite xlv. addit tamen aliquid, quo nodi solutio reddi posit expeditior. Sic sentio, inquit, immanem illum draconem, vt locum amaret, iucundo linetu mellis retinendum fuisse: & ne perdius, & pernox insomnis tandem deficeret, medicamento soporifero ad somnum conciliandum, viresq. reficiendas opus fuisse. Ita subscribens Victorio diuinat Adrianus Turnebus. Refert tamen præterea causam eius cibi somniferi in eam perpetuam vigiliam: quæ facere posset, vt defatigaretur, ac deficeret draco, quod à Victorio significatum non est.

LOCVS III.

DE DIDONE MORITURA.

Cur dicatur alterum exuta pedem.

*Ipsa mola, manibusq. pijs altaria iuxta
Vnum exuta pedem vincis, in ueste recincta
Testatur moritura Deos, &c.*

Nulli sunt hic, quod ego sciām, accusatores: sed querere tamen est necesse, cur moritura Dido alterum pedem exuerit.

Aliqui omnem referunt eius rei causam ad sacrificium magicum, quod Dido tum adornabat, cum altero nuda pede fuisse dicitur. Eum quip-

quippè ritum, ac morem illorum fuisse, qui magico sacro Dijs Infernis operarentur, demonstrant ex Ouidio in lib. vij. metamor.

*Egreditur teētis vestes induta recentes,
Nuda pedem.*

Ex Horat. in lib. primo Satyra viij.

*Vidi egomet nigra succinctam vadere palla
Canidiam pedibus nudis, passq. capillo.*

Et ex Seneca Tragico in Medea.

*Tibi more gentis vinculo soluens comam,
Secreta nudo nemora luſtrani pede.*

Sed hæc demonstrant tantummodo, vtrisq. pedibus nudis, exutisq. sandalibus, aut cothurnis sacrificasse, qui Dijs facerent Inferis. Quamquam enim Ouidius, ac Seneca dicunt [nudo pede] singularem tamen numerum pro plurali ponunt more poëtarum. Quærendum itaque restat, cur Dido vnum tantummodo nominatim exuerit pedem. videtur enim id non modo ritum illum magicæ litationis, verum etiam aliquid præterea singulariter, & electè significare.

Vt causam repetamus altius, illud pro comperto esse debet, non apud sacros modo scriptores, in primisq. Philonem Hebræum, verum etiam apud ethnicos, & superstitiones, pedes symbolicè, ac translate significare animi nostri appetitiones, affectus, perturbationes, cupiditates. Id sibi nimis voluisse Suidam puto, cum dixit, extergere, ac purgare pedes nihil aliud esse, quam animum curis, ac molestijs liberare. non tam enim id ex facrorum vsu scriptorum, quam ex sapientium ethnicorum consuetudine dixit. quos idcirco putant aliqui finxisse inuiolabile, minimèq. obnoxium telis Achillis corpus, ipsi tantum exceptis pedibus, qui vulneri patebant, quod significare ac mortalibus indicare illa fabula vellent, Achillem imperatorem, quidem fuisse partibus absolutum militaris, atque imperatoriæ fortitudinis omnibus, sed tamen eum, qui caperetur appetitionibus, & animi cupiditatibus impotenter abriperetur. Quin huc etiam Euridicem pertinere contendunt; quæ morsu pestiferæ serpentis interiit. Quid enim est causæ, cur anguis ille pedem momordisse nominatim dicatur, non aliam corporis partem perfrinxisse, nisi quia pes symbolica significatione demonstrat, Euridicem sua, qua tenebatur, animi perturbatione, ac cupiditate compunctam occidisse penitus, atque ad Inferos, vbi sunt umbræ impotenter amantium, descendisse?

Porrò causam ipsam cur hoc symbolum, aut metaphoram ex cogitarent sapientes, eam esse confirmant, quod quemadmodum pes iusima corporis est pars, sic appetitio pars animi depresso esse videatur. Cui persimilis alia causa est ab alijs tradita: quod sicut aqua exter-guntur, & purgantur pedes, ita illa pars animi, vbi commotiones ap-

petitionesque sunt, virtutis beneficio possit abstergi.

Atq. hoc demum illud est, quod, vel exprimitur, vel adumbratur nudo illo Didonis pede iam moriturae. Significat enim poëta-Platonicus, Didonem morti proximam, & neci addictam voluntariae, liberam esse non omnibus omnino commotionibus, atq. affectibus appetentis animi, qui vtroque-pede significantur; sed vno tantum: qui metus est mortis. Cum enim illa sua sibi manu mortem afferret, eo timore iam absolverat, & exterserat animum; ceteris autem affectibus haud absterserat. Itaque alterum pedem, qui pauorem illum mortis significat, nudum habet: alterum, qui reliquas animi perturbationes designat, vinculis retinet, & sandalibus impedimentum. Idem sine dubio voluit Apollonius ostendere, cum dixit Iasonem in Anauro Thessaliae fluuiu alterius indumentum pedis amisisse. Nam ad honesta tunc facinora delectus diuinitus Iason aliquam quidem à se depulerat affectionem, & prauam cupiditatem, ab eaque virtutis beneficio veluti fluui se purgarat, ceteras nondum fregerat, nec totam appetentis animi labem exterserat. Quod vt planius intelligatur, ita rem à principio repetamus. Pelias Thessaliæ Rex acceperat ab oraculo, eum hominem sibi pestem allaturum; quem videret ad se venientem altero nudū pede. Interea fluuium illum Anaurum imbribus supra modum adauertum traiiciens Iason, alterum amisit calceum, nudoq. pede in Pelia se conspectum commisit, qui epulas ea die parauerat omnibus sacras Dijs, excepta Iunone. Intellexit Pelias hunc esse, quem extimescere deberet. Itaq. per speciem honoris eum in Colchidem misit ad auertendum vellus aureum, eo consilio, vt medijs fluictibus hauriretur. Apollonium ipso planè initio libri primi Argonaut. audire præstat latinè sic redditum.

*Flumina turgentis pedibus transibat Anauri
Aesonides; quem tum pluialis adauxerat vnda.
Alter ab obscenis seruatur calceus vbris,
Alter at eripitur limo, & quæ flumen Anaurus
Aequoreis miscet lymphis, desertus adhæret.
Confestim egregiam Regis petit impiger aulam,
Et sacras petit ille dapes, quas ritè parenti
Fecerat aequoreo, Diuosq. vocauerat omnes
Rex; tamen in cunctis doluit Saturnia Iuno
Neglectam se Cœlicolis, sacrifq. repulsam.
Vixq. procul iuuenem Pelias conspexit euntem,
Hunc sibi portendi fatis, hunc dicere Phœbum
Accepit. Diuumq. minas prohibere laborans,
Aesoniam mittit truculenta per aquora prolem
Aeetae ad terras, & seuas Colchidis oras,*

Vt tru-

*Vt trucis in medio quassatam gurgite ponti
Naufragus æquoreis nauem submergeret vndis.*

Sed res contra cecidit, vt dicitur ab eodem Apollonio : quia Iuno accepit in clientelam Iasonem , eumq. & in itinere seruavit semper , & sospitem reduxit in patriam . Suscepit autem vltro Iasonis patrocinium statim, vt eum ex Anauro prodeuntem aspexit. Sic enim ipsa Iuno loquitur post initium libri tertij.

Ante etiam Aesonidem fido complector amore,

Ex quo se nobis rediens venatibus Heros

Obtulit ad ripam quondam turgentis Anauri.

Itaque Iason diuihitus ad tam arduum facinus aggrediendum deleatus , debuit ante metu mortis animum liberare , & fluvio illo quasi detergere , ne marcus, fluctusq. nemini tentatos primus ipse nauta perhorresceret . Ceteras tamen affectiones animi purgare necesse non habuit , ac propterea calceum alterum retinet , & pedem indutum , quo cæteræ illæ commotiones animi significantur .

Dicamus igitur in summa: locum hunc Apollonij respondere Virgiliano ad libellam . Alter enim hic pes Iasonis nudus imperfectam extensionem appetentis animi significat . Quare implicatus postmodum est amore Medæa . Occursus verò Iunonis illico , vbi ex Anauro prodix exuto pede, quid aliud est, nisi promeritum hominis incipientis iam habere proprios Deos , quos inter animi commotiones turbulentas omnes habuerat aduersos ? Quæ sapientium arcana rimatus , & secutus Virgilius, rem omnium omnino difficillimam , hoc est mortem voluntariam aggressuram Didonem inducit vno tantummodo nudam pede, hoc est, vno metu mortis solutam ac liberam ; sed indutam altero: quia ceteris affectibus, quibus adgebatur ad mortem , adhuc tenebatur obnoxia, & veluti seruitio premebatur .

Finis Libri Quarti.



LIBRI QVINTI AE NEIDOS LOCVS PRIMVS.

DE CHIMAERA TRIREMIS.

An licuerit eo tempore triremes fingere.



V A M Q V A M Virgilius non vtitur hoc nomine triremis, ita tamen Chimaram describit, vt triremem sine dubio faciat, & triremem dicere videatur ex triplici remorum ordine, quibus impellitur.

*Velocē Mnēstheus agit acri remige Pristin,
Ingentemq. Gyas ingenti mole Chimaram,
Vrbis opus, triplici pubes quam Dardana
versu*

Impellunt: terno consurgunt ordine remi.

Aiunt ergo Critici factam hic esse, dictamq. triremem sine verosimili ratione; cum circa bellum Troiani tempora nondum esset triremis excogitata. Longam enim nauem principio secisse dicitur Iason, eaque post Iasonem vius fuisse primus Sesostris Ägyptiorum Rex. Biremem exädificarunt Erythræi: triremem, vt docet Thucydides, molitus est Amocles Corynthius, quem tamen multò post bellum Trojanum floruisse acceperimus.

Quæstionem hanc illi similem esse video, quam tractauimus alias de pictura, cuius aspectu animum pascebatur Aeneas, cum pictura non dum esset inuenta. Itaque ex ijsdem peti fontibus expediendi nodi ratio potest. Sed placet tamen aliquid addere præterea, multòque copiosius,

piosius , ac pluribus controuersiam hanc cum illa communem explicare .

Pono igitur primum; licentiam illam, quæ dicitur anachronismus, sèpè multumq. à poëtis usurpatam, non eum tantum usum afferre , vt tempora permutare liceat , ac fingere aliquid eo tempore gestum , quo gestum re ipsa, & verè non est, sed vt etiam fas sit, antiquis nominibus vti pro nouis . Dat illis hanc veniam Aristoteles disertissimè in cap. illo poëtices xxij. Defens. xj. vbi cù proposuisset rationes euadendi ab aduersarijs , id etiam adiunxit ; posse poëtas interdum tueri quod dicunt propter consuetudinem, usumq. distinctionis: quale, inquit , illud Homericum est.

Ocrea, quæ stanno fuerat confecta recenti .

Sciebat quippe Homerus, Achillis ocreas , de quibus eo loco Iliad. xvij. loquebatur, nō stanneas quidem fuisse , sed aereas, & ferreas : quia tamen antiquo iam usu videbat à multitudine stannum sape dici pro aere , ac ferro , illo vocabulo non dubitauit abuti . Aliud ibi proponit exemplum Aristoteles petitum à fabris ferrarijs, quos Gre- ci χακέας appellabant: cum tamen ea vox ab aere deducta, aerarios tantum fabros, quos vulgo fusores dicimus, verè significaret . Sequentur nimis antiquorum consuetudinem : qui paulatim utrisque fabris, tam ferrarijs , quām aerarijs eandem appellationem impertierunt. Sunt alij apud Homericum loci persimiles: iij præsertim; vbi capit is tegmen appellat *κυρνην.* hoc enim vocabulum in illud tantum, ac nominativum cadebat capit is integumentum , quod è fluuiatilis pelle canis factum, & compositum esset. eo quippe caput munire cœperunt antiqui . Quid multa ? Ipsi Latini argentarios vocant eos artifices , qui etiam aurea numismata, monetamq. permутant auream; quia sic initio fuisse vident appellatos: & poëta sagittā, quæ nullam nunc arundinem habet , nominant tamen arundinem, quod ex ea principio fieri sagitta cœperit. Immo verò auspicari pro exordiri dicere non dubitamus interdum , quia verbum illud ab auspicis olim desumptum, cœpit ad omnia transferri, quæ inchoaremus; & adulere , quod ab ador erat acceptum, ad concremationem thuris, & viscerum postea fuit accommodatum. Huc accedit Tyranni nomen, quo sèpissime ipso etiam bono , ac iusto Regi damus; quia prisci quoslibet Reges, quantumuis probos, ac moderatos, dixerunt Tyrānos. Sic profecto in libro septimo Latinus Aeneam illum tam pium, & iustū Regem Tyrannum appellat.

Pars mibi pacis erit dextram tetigisse Tyranni.

Quare Virgilium secutus, quem semper sequitur, Silius Italicus, Hieronem Siciliæ Regem omni virtutum genere præstabilem, cunctis Regni suffragijs creatum , amicissimum populi Romani, dicere non dubitauit Tyrannum .

Vos

Vos etiam tandem Siculi contra arma Tyranni, &c.

Atq. vt à poëtis aliquantulum discedamus , ipsum etiam proferemus testem Platonem ; qui , vt nos monuit Cardinalis Bessarion in libro quarto cap.x. aduersus Trapezuntium , Tyrannum pro Rege , ac iusto Principe posuit . Platonis verba sunt hæc . Detur mihi ciuitas sub Tyranno : sitque Tyrannus ipse iuuenis , ingeniosus , memoria valens , fortis suapte natura , magnificus . Contendit ergo illo loco Bessarion , ab antiquis vnius dominatum , quantumuis iustum , ac bonum , appellatum fuisse Tyrannidem ; & dominum , ac Principem ipsum , qui solus dominaretur , dictum quoq. Tyrannum : ideoque inuehitur in Trapezuntium , quòd deceptus eo nomine Tyranni , ausus esset dicere , à Platone laudatam esse Tyrannorum dominationem . Planius explicat hoc de nomine Suidas his verbis . Poëta , qui ante bellum Troianum floruerunt , Reges ipsos vocarunt Tyrannos : deinde ad Græcos eadem appellatio fluxit .

Ex hac poëtarum licentia , quam ipse comprobat Aristoteles , duce re nos etiam aliquam defensionis possumus rationem , & efficere , ne videatur errasse Virgilius , cum triremem appellat eam nauem , quæ triremis verè non erat . Quemadmodum enim id datur poëtis , vt antiquo nomine pro nouo interdum vtantur (quod ex locis modo laudatis intelleximus) sic etiam conceditur ijsdem , vt usurpent , ac ponant antiquorum nominum loco aliquod nuper inuentum nomen , quodque nouissimè fuerit rebus ipsis impositum . Esto igitur ; nullum triremis fuerit , cum Troiani venerunt in Italiam . fuit tamen aliqua longa nauis illi similis , quæ postea dicta triremis est . Atq. hanc prorsus ipsam iniit Seruius viam , vt Virgilium purgaret , quòd lituum in Latini Regis manu Quirinalem collocasset eo sèculo , quo Romulus , aut Quirinus non dum fuerat in lucem exceptus .

*Ipse Quirinali lituo , paruaq. sedebat
Succinctus trabea .*

Nec aliam ego rationem excogitare possim ad Senecæ defensionem , qui in Thyestis choro actus secundi audet Quirites dicere viros principes , cum nulli adhuc essent nati Quirites .

*Obscuro positus loco
Leni perfruar otio .
Nullis nota Quiritibus
Aetas per tacitum fluat .*

Quos enim Quirites hoc loco vult intelligi , nisi Reges , aut proceres , quibus illi Romani rerum domini pares erant ? At Romani longo post tempore extiterunt : nec tunc erant ulli , cum ea caneret ille chorus in Græcia . Nimirum anachronismi licetia usus poëta , Quiritium nomen , quod nouum erat , imposuit viris illis potentibus , & florentibus

tibus Imperio, qui verè Quirites non erant.

Hoc item praedium præstò esse potest Virgilio in verbo, discumbere. Mirati sunt enim semper Grammatici, ac mirari non desinunt, cur Deos, Heroasq; fecerit epulis accumbentes, aut discumbentes mensis : ut in primò Aeneid.

—*Tu das epulis accumbere Diuum.*

In Secundo.

Inde toro pater Aeneas sic orsus ab alto.

In tertio.

—*toris iussi discumbere pictis.*

Mirantur, inquam, quid ita fecerit, cum compertum habeamus, illos sedis, non accubuisse, cum cibum caperent. Id videlicet docuit multis locis Homerus, ac primò quidem in Iliad. xi. de Dijs epulaturis.

—*et reg' emora*

Eis xxixim' latentes omni uito quieti reg' emora

Sedibus inde suis venientes rite sedebant.

Deinde in Odiss. xix. coenantes apud Alcinoum describens Heroas.

Δειπνούσαι δ' αὐτοὶ θραύσαντες μετρίαν εἰσέβαλλον

Huc uero i' helen.

Coniuia interea dapibus vescuntur opimis,

Mulcentes numeris aures, unaq; sedentes.

Docuit idem Apollonius Rhodius in Argonauticis, cum in nuptijs Pelei, & Thetidis Deos, Heroasq; admouet mensæ sedentes. Quem imitatus in Epithalamio Catullus, viam tenuit in hoc genere, quam antiquorum vestigijs tritam videbat.

Qui postquam niveos flexerunt sedibus artus:

Large multiplici constructæ sunt dape mensæ.

Hac, inquam, eodem defendi præsidio possunt, hoc est, ex ea licentia, quæ noua nomina substituit antiquis. facit enim hæc venia, ut lituus dici potuerit, ante Romulum, Quirinalis, quia post Romulum sic appellatus est; & Deos, Heroasque discumbentes, aut accumbentes licuerit facere, quia postmodum accumbendi usus inuenitus, discumbendique inter epulas est probata consuetudo. Nec alia se tueatur idem Virgilii ratione, si reprehendatur in eo versu.

Postquam prima quies epulis, mensaq; remote.

Quamquam enim secundæ mensæ nullæ prorsus erant Heroicis temporibus, & quod inde consequens est, primæ non tollebantur, licuit tamen poëta de antiquis Heroum conuiuijs eodem planè loqui modo, quo loquendum fuisse de nouis.

Scio aliquos esse qui censeant, ad hunc patrocinij locum esse vocandum ensem illum ferreum Aeneæ, quem stringit, & eripit è vagina

poli

post initium lib. sexti iussu Sibyllæ.

Tuque inuade viam, vaginaque eripe ferrum.

Docet enim Pausanias in Laconicis, nullum ferri vsum Heroicis fuisse temporibus, sed tantum æris : idque demonstrare se putat ex Pisandri bipenni, sagittisque Merionis, quas aereas dicit Homerus : & ex Achillis aerea cuspide in templo Mineruæ reposita ; gladioque item aereo Memnonis, qui apud Nicomedenses in Aesculapij delubro seruabatur. Itaque videtur istis nouum nomen pro veteri positum à Virgilio, hoc est ferrum pro aere, cum ijs temporibus aere pro ferro vterentur antiqui Heroës. Sed non video propter hunc ensem ferreum, esse necessariò ad hanc arcem configiendum. Iam enim docuit Aristoteles in illo cap. xxiii. stanneas Achillis ocreas Homero esse ferreas. quod sanè verum non esset, si Heroicis temporibus nullum ferrum fuisse. Quorsum enim contenderet, ab Homero, qui res commemorat, & ætatem Heroum, ocreas dici stanneas pro ferreis, si ferri vslus nondum extitisset? Cum ergo crediderit, & tradiderit Aristoteles, Heroicis quoque temporibus arma iam esse ferrea cœpisse, malim errasse Pausaniam, quam Aristotelem. Statuamus adeo, vagina ferrum erectum ab Aenea ferreum ensem potius fuisse, quam aereum : nec ista vtamur machina, nisi cum dignus vindice nodus inciderit. qualis interdum incidit, cum in quosdam Italici nominis, ac nostratis linguae poëtas incurrimus, qui antiquorum ballistis, & muralibus machinis illud audent nomen tribuere, quod tormentis aereis à nostris nuper impositum est. Quamquam sunt etiam, qui hoc inuentum antiquissimum esse contendant ab eo natum Salmoneo,

Demens, qui nimbos, & non imitabile fulmen

Aere, & cornipedum cursu simularat equorum.

Existimant enim hi, Salmoneum ex aeneo tubo, alioue huiusmodi vase ignis impetu quærentis exitum, ac intus oblongantis, magno cum sonitu, ac fulgore glandes, pilasue proiecisse quasi fulmina ; ac propterea dixisse Virgilium.

Vidi & crudeles dantem Salmonea pœnas,

Dum flamas Iouis, & sonitus imitatur Olympi.

Eustathius quidem certè in Odyss. lib. xxi. testatur, Salmoneum vere fuisse ingeniosissimum quandam machinarum opificem, narratque vnum præterea, quod possit istis aliquam fortasse fidem conciliare, hoc est, ostendere, inuentum illud antiquissimum esse. Narrat, inquam, artificem fuisse nescio quem admirabilem, qui sui domum, inimici repente distauerit machinamento tam efficaci, ut terræmotu vehementissimo disturbata videretur. In qua domus deiectione tam subita illud obseruatè confirmat, quosdam auditos veluti tonitrus

trus fuisse, ac quædam quasi fulgura visa, à quibus opifex ipse dictus postea fuerit ἐρυθρός, οὐ τερπηταύος, terræ motor, & fulgorator. Huius artificis, ac molitoris admirandi mentionem quoque facit Agathias in lib. v. additque nomen illi fuisse Artemisio; inimico vero, cuius euerterat domum, Zenoni. Commemorat præterea Suidas Eutropium quendam, à quo persimile molimentum prodierit. Ait enim eum fuisse Imperatori Theodosio à cubiculis, & quidem eunuchum: sed qui per vim quodammodo vellet videri vir: cum usque adeo concusserit omnia tonitruis editis, ut fabulosus ille Salmoneus ei collatus nullus esse videretur. Conantur, ut diximus, his exemplis aliqui demonstrare vetustissimum inuentum fuisse, quod pro nouitio suspicimus: sed decipiuntur, opinor. Ut cumque res sit, nomen certe nouum, ac linguae nostratis, antiquorum ballistis, ac machinis imponere velle, nihil aliud est, nisi ea licentia poëtarum vi pro arbitratu, de qua hucusque disputauimus: quaque Virgilium diximus iure tunc usum, cum Chimaram longam illam nauem fecit tribus impelli remorum ordinibus; quod est eam appellare Triremem.

L O C V S I I.

*D E C O L V M B A C O L L I N E A N T I V M
iaculatorum ictibus ab Aenea proposita.*

*Protinus Aeneas celeri certare sagitta
Inuitat qui forte velint, & præmia ponit.
Ingentique manu malum de naue Seresti
Erigit, & volucrem traiecto in fune columbam,
Quæ tendant ferrum, malo suspendit ab alto.*

Columbam Veneri sacram, dicatamque fuisse, sellularijs quoque notum, & tonsoribus est. Quo magis Critici veteres hasitarunt hoc loco, dubitaruntque sanus ne Virgilius esset, ac sobrius, cum Aeneam fecit auem illam suæ dicatam parenti fune obligantem, suspendentem ex arbore, iaculantium sagittis exponentem: cum præsertim maternas agnoscat, ac veneretur aues in libro sexto; utque sibi felices, bona, propitiæ sint, enixè preceatur. Quæ tanta nunc ergo in homine sapiente sit inconstans, ut velit auem illam classiariorum petulantiae tradere, quam paulo post erit veneraturus, & velut internuntiam, ducemque secuturus allegamat à Matre? Nimis inconsiderato quodam impetu, studioque abruptum Virgilium hic putant ad imitationem Homeri. apud quem,

Achilles

Achilles Iliad. xiii. in funere Patrocli sex iam ludorum, & certaminum generibus exhibitis, septimum proponit eodem planè modo, quo proponitur hic ab Aenea quartum. Versus enim Homerilatine redditi sic prope sunt.

*Ille sagittarijs signumque, & præmia ponit.
Nempe manu malum nigra de naue refixum
Erigit, & timidam suspendit fune columbam.
Qui primus volucrem ferro contingat acuto.
Is ferat appositum munus, bis quinque secures;
Totque securiculas qui funem ruperit ictu.*

Sed hæc in Achille reprehensione vacant, qui non Veneris esset, sed Thetidis filius, cui columbae sacræ non sunt. dignissima verò videntur esse quæ reprehendantur in Aenea: cuius erat officium venerari maternam auem, nec iaculatoribus occidendam per ludum proponere. Scimus enim quanta cum superstitione pleraq; gentes, & populi alioqui barbari animalia quædam venerati sint, quæ Dijs suis consecrata putabant. ex quibus Syros proferre potissimum testes libet; apud quos columba ipsa sic sacra erat & sancta, vt eam ne attingere quidem auderent; quemadmodum indicat disticho illo nobili Tibul.

Quid memorem ut volitet crebras intacta per urbes

Alba Palestino sancta columba Syro?

Scimus etiam quām graues crediti sint luisse pœnas ij, qui animalia quædam, aliasque res Dijs consecratas violassent. Tales apud Homerum in Odis. lib. xii. sunt Vlyssis socij tempestatis, & turbiniibus hausti, quod Eurylocho auctore, ac duce, Solis occidissent boves, atque ad supremam depellendam famem comedissent. Talis est apud Ouidium Cadmus laboribus addictus innumerabilibus, & maximis, quod Marti serpentem sacrum imprudens, & nescius interfecisset. Talis apud eundem Erisiton fame confectus, atque ad rabiem adactus, quod succidisset annosam quercutum Cereri dedicatam. Hanc ergo religionem veterum vulgatam apud omnes, & perugatam cum non ignoraret Aeneas vir prudens, & pius, cuius est iudicij hominem illum inducere maternam auem suspendentem è malo, vt iaculatorum sagittis esset opportuna?

Antiquissimam hanc suisce reprehensionem accusationemque demonstrat studium Seruij, patrocinium Virgilij suscipientis hoc loco; affirmantisq; inanem else vituperationem Aeneæ, quod suspendit columbam auem illam maternam. Videamus ergo num poëtæ causam ita tueatur hic Grammaticus, vt noster in eadem defenda frustra futurus sit labor. Duas ille defensionis sua producit rationes, quas perpendere oportet ambas. primam: quod res sic translata

translata simpliciter . secundam : quod cum nulla sit auis, quæ apud antiquos consecratione careret , & alicui Deo ex eorum superstitione dicata non esset , in eandem omnino vituperationem incursum fuisse Aeneas, quamcumque demum auem suspendisset . Quare ad probat sententiam Vrbani antiquioris Grammatici , contendentis , Aeneam prudenter ex omni avium genere accepisse columbam, quam è malo suspenderet : quia matrem offensam placare facilis poterat, quam ceteros Deos, si dicatas ijs aues ea suspensione violasset.

Enimuero nisi meliores inueniantur patroni , facile Virgilius causa cadet: cum infirmæ rationes hæ sint, nec idoneæ, ad fundum de quo controuersia est, afferendum . Nam primo quidem haud satis intelligo quid sit, rem esse translatam simpliciter, nisi significare velit , simpliciter , hoc est nulla huius habita ratione venerationis, & reuerentiarum, quæ columbae maternæ debebatur ab Aenea, voluisse Virgilium eum Homeri locum ad se transferre . Id autem nihil aliud est, nisi fati, in ea imitatione dormitasse, nec vidisse decorum, sed excerpere ab Homero temere voluisse quod obuium erat , & rei suæ conducere per imprudentiam existimasset . Deinde quæ necessitas Aeneam adigebatur ad aliquam proponendam auem iaculatoribus suis , hoc est omnino ad aliquem commouendum in se Deum cui sacra esset & dicata ? Nonne aliud potuit signum, scopumq, proponere, ac manum ab omni prorsus aue continere, nec Deorum quempiam ex ijs lädere, quibus sacræ sunt aues ? Quod si necessitas & ratio, si usus sortassis, & consuetudo vetus id postulabat , vt aliqua iaculatoribus illis proponeretur auis, quæ nam hæc videri potest excusatio criminis, quod à matre facilis impetratus veniam esset , quam à ceteris Diis ? Num hoc probi, pijke officium filij est, velle matrem potius lädere quam alios, quia facilis à matre impetratus veniam sit ? Immo verò neminem ego putauerim suæ amantem vere parentis filium esse , qui non malit alium quemvis lädere , quam parentem , etsi sciat , ab ea se facilis , quam ab alijs in gratiam recipi posse , ac veniam impetrare .

Patronum adeo meliorem Virgilio demus , ac non aliud profecto, quam Aristotelem: cuius monitum explicatum à nobis in Prolegomenis defens. xv. subsidium , & patrocinium huic loco suppeditabit accommodatum. Præcipit ergo summus hic poëtarum defensor, vt impositas ijs calumnias eo depellamus, & diluamus modo, quod à Dialecticis soluuntur, & diluuntur elenchi, hoc est sophismata, & captiosæ quædam argumentationes. has autem confutamus, & soluimus verbis inspiciendis, ac distinguendis ambiguis. quo de genere nonnulla sunt in hac quæstione , quæ aduersus Virgilium à Criticis est adornata . Cum enim dicunt, animal, quod sacrum Diis esset, nemini licuisse con-

tingere, aut occidere, & violare, à parte ducunt argumentationem ad totum verbis ambiguis: perinde ac si animalia veterum superstitione consecrata eadem planè essent omnia, & vniusmodi; quæ tamen varia sane fuerunt, & multiplicita. Erant quippe aliqua sic sacra, vt etiam pro Dijs haberentur & colebantur, vt apud Syros pisces, & columbae, quod docet Xenoph. in Cyro Minore lib. i. Diod. Sicul. lib. iij. cap. ij. M. Tull. de Orat. lib. iij. Lucian. in Ioue Tragœdo: apud Troglodytas testudines; quod legimus apud Plin. lib. ix. cap. x. apud Heliopolitanos boues, quod testatur Strabo in libro xvij. & Diodor. lib. ij. cap. iv. apud Memphitas vaccæ: quod scribit idem Strabo ibid. apud Leontopolitanos leo; quod idem & eodem loco confirmat Strab. apud Mendesios hircus & capra: quod tradit Herodot. in lib. i. apud Thebanos aquila: quod commemorant Strabo loco laudato, & Diod. lib. ij. cap. iv. apud Lycopolitanos lupi: quod perhibet Macrob. in lib. Saturn. i. apud Babylonios Cephus: quod idem affirmat Macrob. ibid. apud eas gentes quæ bustum accolunt Memnonis, cercopithecus: quod irridet in Sat. xv. luuminalis. qui quoniam tum aliarum gentium, tum in primis Aegyptiorum huiusmodi numina recenset multa, hoc labore nos liberabit, si eiusdem versus proferamus hic aliquos.

*Quis nescit Volusi Bithynice qualia demens
Aegyptus portenta colat? crocodilon adorat
Pars hac; illa pauet saturam serpentibus Ibum.
Effigies sacri nitet aurea cercopitbeci
Dimidio magicæ resonant ubi Memnone chordæ.
Atque vetus Thebe centum iacet obruta portis.
Illi caruleos, hic pisces fluminis, illic
Oppida tota canem venerantur; nemo Dianam.
Porrum, & cepe nefas violare, ac frangere morsu.
O sanctas gentes: quibus hac nascuntur in hortis
Numina. Ianatis animalibus abstinet omnis
Mensa: nefas illuc fœtum violare capellæ;
Carnibus hamanis vesci licet.*

Hoc ergo primum apud veteres consecrationis erat genus, ipsa donans animalia diuinitate: quod eiusmodi sine dubio fuit, vt quæ sic essent consecrata, ea nemini ex ijs populis, à quibus pro Dijs habebantur, liceret vel occidere, vel in usum cibi conuertere, vel alia ratio ne violare.

Alia verò fuerunt animalia Dijs ita dedicata, vt hostiæ quoque illorum essent, ac viætæ propriæ: quo de genere permulta sane queunt enumerari; cum nullum propè animal esset, quod alicui Deo propriè non immolaretur. Aesculapio, vt hæc tantum exempli causa dicamus, gallina maestabatur & gallus, ex Xenophon. in vita Socratis, alijsque:

Iſidi

Ifidi anser ex Herodoto in lib.ij.Lactan. in lib.j.Laribus porcus ex Iuuenal. Sat.xij.equus Soli ex Xenophon.in Cyri pæd. lib.vij.& Strab. xv. taurus Lunæ ex Lactan. lib. i. cap. xxj. Iunoni agna vel ouis ex Seruio:Dianæ cerua ex Ouid.in lib.j.Fastorum: Libero caper,aut hircus ex eodem Seruio, & Varrone in lib. i. de re rust.cap.ij. alia denique animalia his similia alijs , quæ profectò occidere fas erat : & eorundem carnibus vesci vetitum non putabatur. Neque enim Deorum quisquam contemni,lædique se censebat,quòd mortales aliqui bouem comedenter, aut agnam ; aliudue animal ex ijs quæ sibi vellent immolari.

Tertiam denique consecrationis fuisse video formam certorum, quorundam animalium, quæ Dij sibi seponebant ex toto genere, vt è bobus aliquos,aliquos ex equis, ex auibus certas aliquas , ex serpentibus aliquos: cuiusmodi fuit armentum Solis apud Homerum & serpens Martis apud Ouid. de quibus supra commemorau. Atque hac demum animalia sic sibi reseruare credebantur Dij , vt ex antiquorum opinione vulgata,grauissima plecterent eos poena,qui ea continere auderent, aut occidere,aut ad cibos, epulasque transferre quantumuis sacras, & eas,quæ sacrificij obtinebant nomen,& vim . Non enim Vlyssis illi socij prius epulari sunt ausi,quam boues immolassent Soli,cuius sciebant esse peculiares,ac proprios. & tamen infortunium passi omnes,atq. ab eodem Sole graviissimis affecti supplicijs sunt, cui boues ipsos cum religione sacrificarant.

Ex his ergo iam incipit apparere sophisma,&captiosa eorum ratio, qui sic disputant . Columba erat Veneri sacra . At aues Dijs sacras nefas erat occidere,ac violare. Impius igitur Aeneas est , qui maternam illam auem iaculatorum telis audet obijcere. Videndum enim, est quo genere consecrationis columbam Aeneas, Troianique Veneri dedicatam existimarent: vt rectè iudicari possit,an impii sint. Ac primo quidem hoc certum est ; Troianos , & Aeneam ipsum non ita columbam coluisse , vt in ea numen esse putarent aliquod : id enim proprium Syrorum fuit , qui pro Dea quamlibet omnino columbam habebant,vt diximus . Deinde id quoque planum esse debet , & exploratum; columbam illam electè,ac nominatim, quam Aeneas malo suspendit ab alto,non eam fuisse, quam ita sibi vindicasset Venus,quemadmodum boues sibi vindicauerat, & consecrauerat Sol,Serpentes, Mars,quercum Ceres , alii alias animantes,aut arbores Dii . Restat igitur , vt ea columba idecircò tantum Veneri sacra dici posset, quòd Veneri ex ipso columbarum genere daretur, & immolaretur victima , quod sàpe legimus apud antiquos; vt apud Propertium: qui iugulari solitam,incendiq. Veneri fuisse columbam,sic docet.

Sed cape torquata Venus ò Regina columba

*Ob meritum ante tuos guttura secta foscis.
Et apud Ouid.in lib. i. Fast.*

*Ergo sape suo coniux abducta marito
Vritur in calidis alba columba foscis.*

Itaque à Martiale illud præceptum extitit in lib. xij. epigr. vj.

Ne violes teneras præduro dente columbas

Tradita sed Gnidiae sint tibi sacra Deæ.

Hæc inquam una causa est, cur Veneri sacra censerit, & dici posset ea columba, quæ suspensa iaculatorum exponitur iætibus ab Aenea, quod Veneris victima soleret esse plerumque columba. At quæ animalia, ideo consecrata censebantur, quod aliquorum essent Deorum victimæ, ea fas erat attingere, occidere, in usum vitæ consumere. Neque enim Aeneas ipse tam saepe dictus à Virgilio prius laedi à se Dianam existimauit, cum septem in Punico littore ceruos occidit, classiq. torrendos tradidit, & in cibaria distribuit sociis. Sed tamen abstinere debuit Aeneas, dicet aliquis, ab eo ludibrio, nec Veneris auem iaculatoribus proponere, sed aliam. Non hic ergo configiam ad defensionem ab Urbano illo Grammatico excogitatam, qui cum videret singulas propemodum aues singulis fuisse Numinibus consecratas, minus peccasse putauit Aeneam proponenda columba illa aue materna, quam si alias ceteris consecratas Diis proposuisset. Erat enim, ut diximus, boni, amantisq. filii, matrem aliis omnibus anteferre, & præ ceteris metuere, ac reuereri. Aduocabo igitur etiam in hanc ultimam causæ partem Aristotelem, cuius præceptionem explanatam à nobis in Prolegom. defens. v. eam esse scimus, vt cum poëtas à Criticis reprehensos defendere volumus, circumstantias intueamur. Inter circumstantias autem numerantur potissimum locus, ac tempus: quæ si hoc loco perpendamus, inueniemus ea profectò fuisse, quæ columbam potius quam aliam auem efflagitarent. Erant enim ludi funebres parentis Anchise: adeoque cum illa in iis ludis occidenda columba proponebatur, ipsi quodammodo Veneri videbatur immolari, cui carissimus fuerat, vt in fabulis accepimus, Anchises.

Finis Libri Quinti.



LIBRI SEXTI AE NE I D O S LOC V S P R I M V S.

DE NAVIUM HABENIS.

AN EA METAPHORA CONVENIAT
in rudentes.

Sic fatur lacrymans, classique immittit habenas.

 AS aliqui non probant habenas nauis tributas, quæ funes, & rudentes habet è stupa, non ex corio lora, cuiusmodi sunt habenæ. Itaque Ioan. Baptista Pius cum classis habenas audacius dici pro retinaculis, & funibus existimat, institit altius repetere principium, affirmans, habenas classis à Virgilio dictas idcirco esse, quod antiquissimis illis temporibus nauium retinacula, & rudentes, non quidem extorta cannabe, vel lino, sed ex corio fierent: idque Homerum ipsum docere planissime; apud quem naues ligantur *πετρίνας βελοῖς*, hoc est vinculis intortis, siue vinculis bubulis. Atque ita prorsus Pius explicat hos Valerii Flacci versus in Argonauticorum lib. primo.

Ecce autem molli Zephyros descendere lapsu

Aspiciunt: volat immisisca pinus habenis.

Consentit cum Pio Valerianus Pierius in lib. Hieroglyphicorum, xlviij. cap. de froeno, docens, funes ex corio primum fuisse factos; temque profert Virgilium, qui propterea classis dixerit habenas, Homerum secutus, & consuetudinem perantiquam.

Alii etiam longius abiere, in primisque Gulielmus Modicius; qui cum retinacula classis ex corio non probaret, dixit hic esse metaphoram nouam, atque ab vsu abhorrentem communi, hoc est, habenas à Virgilio positas esse pro clavo, & gubernaculo nauis. Cum enim Palinurus à Somno datus in præceps reuulsus clavum secum in vndas pertraxisset, Aeneas sensit nauem amissio gubernaculo, & gubernatore fluitare; vt dicitur in fine lib. iii. Itaque regendæ curam nauis ipse recepit in se; idque ut facere posset commodius, clavum nauis nouum immisit: & quemadmodum equus frēno regitur, & habenis, sic ille immisso gubernaculo nauem direxit. Ita, inquam, Modicius habenas classis interpretatur ex noua metaphora.

Possem hic ego dicere, Virgilium illa usum esse licentia, quæ antiqua nomina pro nouis usurpat, ut paulo ante docuimus, hoc est, habenas posuisse pro funibus, quia loris, habenisq. ad moderandas, ac regendas naues vtebantur antiqui. Sed non hoc iij contendunt, qui retinacula illa ex corio iam inde repetunt ab Homero. Putant enim Virgilium proprie loquutum: cum eorum describat nauigationem, qui prisca illa ætate corio, non funibus vtebantur. Ego verò aliter existimo: cum videam, sæpe nautas apud Virgilium tortos incidere, funes, & adducere, aut laxare rudentes. Quod si docere illa metaphora voluisset, loris esse tunc usos nautas ex corio, numquam opinor dixisset funes, sed semper lora, vel habenas. Credo igitur equidem, ac video, metaphoram hic esse, sed non eam, quam comminiscitur ex ingenio Modicius. Quamquam enim gubernaculum nauis translatè dici fortasse potest froenum, aut habena; nimis tamen è longinquo Virgilianæ illius metaphoræ causam, & etymon petimus, quod duci potest ex magis propinquo. ut si dicamus, illas classi habenas immisias, laxatasq. ad nauigandum nihil aliud esse, quam funes, quibus velum regitur, & anchora. Hac enim ratione propter illam, quam habet nauis cum equo similitudinem, metaphoræ multo videbitur esse verrecundior, & mollior, quam cum flamma licenter, liberèq. vagantes per nauium tabulata, dicuntur habenæ in Aeneid. v.

Furit immisis Vulcanus habenis

Transfra per & remos, & pictas abiete puppes:
aut cum ipsi palmites, & flagella eadem appellatione translata in lib. ij. Georg. sic exprimuntur.

Et dum se latet ad auras

Palmes agit, laxis per purum immisus habenis.

Quæ translatio sumpta est haud dubie à Lucretio; qui arborum summa, supremosq. ramulos, & frondes habenas dicere non dubitauit.

Arboribusq. datum est, varijs exinde per auras

Cre-

Crescendi magnum immisis certamen habenis.

Sic igitur statuo : Virgilium hic nullas habenas ex corio significare , sed tantum attollere orationem voluisse beneficio eius metaphoræ , quæ habenarum nomine funes indicaret ; gnarum præceptionis, quæ tradita est ab Aristotele, cum dixit, dictiōnem poëtarum neque humilem esse debere, nec nimis elatam, idque illos consequi interiecta subinde metaphora, quæ attollat, subleuetq. proprietatum verborum humilitatem . Ita enim fiet , vt oratio à propriis verbis puritatem , à translatis magnificentiam habeat , vtrisq. permitione illa callidè , artificiosèq. temperatis.

L O C V S I I.

DE MONSTRIS INFERORVM.

An supra fingendi leges poetæ præscriptas efficta
fint .

*Centauri in foribus stabulant, Scyllæq. biformes,
Et centumgeminus Briareus, ac bellua Lerne
Horrendum stridens, flammisq. armata Chimæra,
Gorgones, Harpyiæq. , & forma tricorporis umbrae.*

Quoniam hic Harpyiarum est mentio, suffragabitur hæc disputatio etiam Harpyis illis , quæ finguntur in tertio libro tam infestæ Troianis , cum quærimus, an hæc Inferorum monstra supra fingendi facultatem, ac veniam permisam poëtis, à Virgilio fuerint excogitata. Ac iure quidem ea de re dubitare debemus, cum recordamur , illam fingendi licentiam intra certos cancellos ita concludi, vt credibilem esse rem oporteat, quam comminiscimur. Qui verò fiet, vt credibilia, & verosimilia sint ea monstra ex animantium conflata partibus , non modo variis , sed omnino contrariis , atque pugnantibus? cuiusmodi sunt Centauri, Scyllæ, Harpyiæ, Hydræ, Gorgones, Chimeræ, Briarei.

Video me redigere debere in legentium memoriam vnum, quod saepe significauimus : apud poëtas non abhorrere à verosimili quicquid est falsum: multitudini enim sæpenumero sic probantur falsa , vt hæc illi multo verosimiliora videantur esse, quam vera. Cum autem aliquid eiusmodi poëtis occurrit, vt re quidem ipsa falsum sit, sed multitudini, ac vulgo maxime credibile, docet Aristoteles, id potius , quod fal-

sum est, sed populo credibile, quām quod est verum, sed incredibile multitudini, sequendum esse. Hęc eius verba sunt in cap. xxiiij. sub finem. Quantum vero ad poēsim attinet, credibile potius, licet fieri non queat, eligendū est, quām incredibile, licet fieri queat.

Id videlicet sibi proposuit Virgilius, cum ea monstra commentus est, quae ab omni prudentium fide abhorrentia, & videntur, & sunt. Intelligebat enim ita populo de mōstris illis opinionem fuisse iam insitā, vt nō tam doctrina, quād natura quadam anticipatione credere vide rentur omnes, Gorgones apud Inferos esse, Cerberum Harpyias, Briareum. Itaque non potuit ea præterire is, qui Aristotelis præterire preceptionem noluit. Aristoteles autem falsa potius, quae populo credibilia sunt, quām vera, sed eidem incredibilia populo, diligenda, atque à poētis fingenda esse confirmat.

Quin adiungere possumus Aristoteli Platonis auctoritatem: quae multo maxime Virgilium tueatur. Is enim in Sophista duas facit poēticā formas, *ειρασμήνην κατατάσμην*, Icasticam, & Phantasticam. Et Icasticam quidem earum ait esse rerum imitatrixem, quae vera vel sunt, vel esse possunt, vel aliquando fuerunt: Phantasticam vero earum, quae pro arbitratu finguntur; sed verae nec sunt, nec fuerunt, nec esse possunt. Phantasticā figmentum à Suida dici videtur Idolum; Icasticā, similitudo: sic enim de vtraque scriptum aliquo loco reliquit. *ειδολα μητρα της επικουρηνης μητρατος. οιον τητωρες, και οπληρης και νετραις, διεισιανα δε της επικουρηνης μητρα. οιον Σηπτον, και αιθερων. hoc est.* Idola sunt rerum numquam existentium effigies, cuiusmodi sunt Tritones, Sphinges, Centauri. similitudines autem sunt rerum existentium simulacra: veluti ferarum, hominumque.

Quibus ita positis, id dico: Virgilium, quoniam absolutum, perfectumq. moliebatur omnibus partibus opus, non satis habuisse Icasticam illam tractare, quae res aspectabiles, verēq. existentes imitatur, sed addere præterea voluisse Phantasticam; ex qua, propter eam, quam parit, admirabilitatem, amplior ad legentium animos voluptas emanaret; & propter rei nouitatem, auctoris commendatio maior enasceretur. Nam quemadmodum Apelles, tum potissimum cœpit haberi, dicique diuinus, cum, vt ait Plin. ausus est imitari coloribus, ac penicillo quae pingi non posse videbantur, tonitrua, fulgetra, fulguraq.: sic poēta tum maxime suspiciuntur, cum illa etiam exprimunt, quae quoniam non sunt, nec esse queunt, naturam, vt exprimi poētica imitatione possint, non videntur habere. Quin imitatus mihi videtur Virgilius in his exprimendis vulgaribus monstris Neaclem illum pictorem: qui cum expingere graphicè vellet naualem quandam pugnam inter Aegyptios, Persasque initam olim, & perfectam in Nilo, nec posset vallis coloribus distinguere, ac differentes facere à marinis fluctibus

bus eius aquas fluminis, pinxiisse fertur in littore Crocodilum bibenti Asino molientem insidias inter vluas : vt qui tabulam aspicerent , ex eo intelligerent signo illam pugnam in Nilo , non in mari commissam fuisse. Hunc, inquam , mihi videtur secutus pictorem Virgilius , cum incredibilia illa monstra apud Inferos etiam ipse collocauit , quæ ibidem ponebantur ab alijs . Cum enim videret populum putare, ac credere, sic ea monstra in latibulis Inferorum esse, quemadmodum in Nilo sunt Crocodili, Inferorum loca, atq. supplicia ex iis monstris, tamquam ex proprijs quibusdam signis intelligi voluit. Nam ignis, tenebrae, antra, cetera, quæ poëta commemorat, alijs quoque conuenire facile possunt locis: sed ea monstra sic in Inferos cadunt, vt magis Inferorum propria esse videantur , quam Nilo conueniant Crocodili . Quare ipsi etiam rerum sacrarum interpretes , & Christiani scriptores ad eadem monstra configuiunt cum Inferorum supplicia volunt expressè describere, nec dubitant Tartarum, Stygem, Acherontem nominare. Ne absorbeat eas Tartarus, publicè canitur in Iustis Ecclesiæ: diciturq. amplius à Prudentio in Hymno Paschali.

Sunt & Spiritibus saepe nocentibus

Pœnarum celebres sub Styge feriæ

Illanocte, sacer qua redijt Deus

Stagnis ad superos ex Acherontijs.

Sciunt hi nostræ religionis antistites, quam sint ea nomina mendacia , & vana ; sed vident, le vix posse populis exprimere vera Inferorum supplicia , nisi tamquam Nilo Crocodilos , sic illa celebrata scriptis antiquorum nomina Inferis ipsis apponant .

L O C V S I I I .

D E P O R T V V E L I N O .

An Velinum dicere portum fas tunc fuerit , cum nullus esset Velinus .

Eripe me bis inuicte malis : aut tu mibi terram

Injice: namque potes, portusq. require Velinos .

Palinurus est , qui sic loquitur , & compellat Aeneam . quo magis existimant Critici , Virgilium errasse , cum eum Velinos portus non tantum inducat; qui multo iam ante fuerat, quam illud Velini non men inuentum esset. Velia enim oppidum, à quo proximum ei portum Velinum

Velinum hic dixit, Seruio Tullio Rege, hoc est post annum amplius sexcentesimum, quam Aeneas in Italiam venit, conditum est in agro Lucano, ut docet Gell. lib. 10. cap. xvi. Putat ergo Casteluitrus hic erratum esse supra veniam, nec minus quam peccatum à Plauto sit in Amphitruone. vbi Amphitruo ipse, & Sofia, nondum nato Hercule, per Herculem iurant. Sic enim Sofia loquitur Act. 1. scen. 1.

Oppidò interij, obsecro hercle quantius, & quam validus est.

Et Amphitruo Act. ij. scen. prima, eundem Herculem ita iureiurando testatur.

*Iam quidem hercle ego tibi istam
Scelestam scelus lingam absindam, &c.*

At Hercules, ea ipsa nocte non quidem nascitur, sed concipitur vtero ab Alcmena ex Ioue, qui partes agit primas in ea Fabula. Simile volunt erratum in Electra Sophoclis esse: vbi Clytemnestra nunciatur, Orestem in Pythijs ludis occidisse, qui tamen ludi instituti sunt Triptolemi temporibus, hoc est annis prope sexcentis post natū Orestem.

Hæc difficultas explanari sic posset, quemadmodum explanata permulta sunt per anachronismum, siue per πελντι, hoc est per anticipationem: quia licentia ita similis est anachronismo, ut ab eo differre tantum nomine videatur. Cum enim vocabulis appellamus nouis aliqua, quibus nondum ullum est nomen impositum, id anticipamus, quod postea factum est, ac propterea eiusmodi licentiam, anticipationem, aut presumptionem nominamus. Differt tamen ab anachronismo, quod anachronismus non modo nouum nomen usurpat pro antiquo; verum etiam antiqua nomina substituit nouis: anticipatio vero noua tantum tribuit rebus nomina, quæ antiquis temporibus ijs data non erant. Quo fit, ut latius pateat anachronismus, quam anticipatio: cum quilibet anticipatio sit anachronismus, non tamen omnis anachronismus anticipatio sit. Cum enim antiqua nomina, & iam obsoleta ponit pro nouis, nihil anticipat, ac propterea anticipatio dici non potest, ut cum ocreæ stanneæ pro ferreis dicuntur. Itaque liceret hic respondere, Velinos portus dictos esse κατὰ πρότυπον, per anticipationem, hoc est eo plane modo, quo dicta sunt littora Lauina, antequam Lauinium oppidum positum esset; & arx Chalcidica prius, quam Chalcede eò deducta Colonia fuisse, quæ Cumis eam appellationem impertivit.

Chalcidicaq. leuis tandem super astigit arce.

Neque enim quo tempore Dædalus è Creta in Italiam aduolauit, Cumæ conditæ fuerant à Chalcidensibus, & tamen Chalcidenses dici potuerunt per anticipationem Cumani, quia postea à Chalcidensibus vrbe, ac gentem accepere.

Possemus, inquam, sic, vt diximus, obiecta diluere, & Casteluitri censo-

censoriam virgulam declinare , nisi nobis hoc effugium clausisset Iulius Higinus apud Cell. illo lib. x. cap. xvi. his plane verbis . Poëtis concedi solet *κατὰ πρόληψιν* historia dicere ex sua persona , quæ facta ipse postea scire potuit . Sicut Virgilius sciuit de Lauvio oppido , & de Colonia Chalcidensi ; sed Palinurus qui potuit scire ea , quæ post annos sexcentos facta sunt ? Hæc ille ; in eo demum situm esse peccatum inexpiable ratus , quod Virgilius non ipse quidem anticipatione vtatur , sed anticipatione vtentem inducat Palinurum . Quod si dicas , Palinurum , qui erat apud Inferos , potuisse diuinare , ac prouidere , locum illum post tam multos annos appellandum esse Velinum , hunc etiam tibi obstruet aditum Higinus ab Aenea , qui non erat diuinus , adeoq. scire non poterat quem ille designaret locum , cum portus Veli nos nominabat . nisi quis eum diuinasse apud Inferos putet , inquit , perinde , vt animæ defunctorū solent . Sed si ita accipias , quamquam non ita dicitur , Aeneas tamen , qui non diuinabat , quo pæcto potuit require re portum Velinum , cui nomen tunc nullum vñquam fuit ? Ita locum illum vexat Higinus ; contenditque Virgilium eundem locum fuisse correcturum , nisi morte occupatus , interceptusq. fuisset . Sed quoniam agitur coniecturis , crediderim ego , Virgilium , si superstes fuisset , locum illum non fuisse castigaturum : nec video tam oblecta difficultatibus esse omnia , vt euadere tandem ductu præsertim doctorum hominum ab hac salebra non possimus .

Nam primo quidem Turnebus in lib. xxij. cap. j. ad vocabuli notationem conuersus , existimat Velinum non proprium aliquod esse nomen , sed nominis aliquod adiunctum ; ac significare palustrem . Velinum enim ab ἔλαιος duci putat : quæ vox apud Græcos palustre significat . Itaque ex Turnebi sententia portum requirere Velinum , nihil aliud est , quam portum requirere palustrem . sed adhuc hæredit nihilominus incertus Aeneas , vbi nam gentium requirendum sit Palinuri corpus : cum palustres portus plurimi sint , nisi fortasse is , qui Velinus postea portus fuit , ea tempestate proprio diceretur nomine Palustris . verum hoc a nemine traditum accepimus . Seruius enim docet quidem , Ve liam vrbem dictam Eleam à paludibus , quas Græci dicunt ελά , sed dictam proprio , vulgarique nomine Palustrem non confirmat .

Iulius Scaliger in lib. iij. cap. xl ix. putauit exitum inuenire se posse à præsumptionis , anticipationisq. partitione multiplici . Ait enim triplicem anticipationem esse ; grammaticam , poëticam , oratoriam . poëticam rursus esse duplēm ; vnam , quæ personæ , aut loco tribuit aliqua , quæ , neque personæ , neque loco , illo ipso tempore , conueniant . vt si dicam , inquit , expugnatum oppidum bombardis Aeneæ tempore , πρόληψις erit , siue præsumptio , propterea quod , quæ tormenta bellica sic vocant , tunc non erant . Alteram anticipationis formam ait

else

esse duriusculam : ut cum poëta personæ orationem attribuit, aliqui
ius rei mentionem facientem, quæ nondum est, aut, si est, eo nomi-
ne non appellatur. Exempli gratia, inquit, Palinurus Aeneam rogat,
vti suum corpus afficiat sepultura, designatque locum.

----- *Portusque require Velinos.*

portus quidem non erat : certè aliud illi nomen fuit. Est igitur antici-
patio ; quia Virgilij tempore sic nominabatur. durior tamen est,
quippe loquitur Palinurus, cui orationem è re ipsa, quæ tempestati
conueniret, attribui necesse est. Hæc his verbis docet eo loco Scali-
ger. sed obicem nobis oppositum non exturbat. Cum enim fas esse
poëtis anticipatione tunc etiam vti, cum loquuntur mutati, hoc est,
cum alios colloquentes inducunt, idcirco putet, quod Virgilius ita
Palinurum loquentem, & anticipatione vtentem fecerit, institutam
questiōnem non profligat. Id enim quærimus; an Virgilio licuerit ex
Palinuri persona præsumptionis illam licentiam usurpare : loquitur
videlicet Palinurus, qui de portu Velino nihil acceperat, videturq;
propterea à ratione maximè alienum ijs congruentem orationem
non dare, quos agentes, & loquentes inducas, vt apud Cell. con-
tendit Higinus.

Confidentius igitur difficultati occurrit Iouianus Pontanus in An-
tonio. Dicat mihi velim Higinus, inquit, cur non etiam accuseret
Virgilium, quod Aeneam, qui Troianus esset, latinè loquentem fa-
ciat. Facebat ergo diligentia tam accersita, & huiusmodi multa per-
mittantur poëtis, in quæ etiam volentes incident, non rerum igno-
rantia decepti. Ita rem ipsam rectâ petit Pontanus: & quidem acutè.
Neque enim plus à verosimili distare videtur oratio Troiani Palinu-
ri latina, quam ea mentio Velini portus, qui nondum esset. Sed ta-
men longè inter se differunt hæc duo, quæ tam similia vult esse Pon-
tanus. Inducere quippe loquentes latinè, qui barbare sunt re ipsa lo-
cuti, nihil est aliud, nisi latine reddere, quæ illi dixerunt barbarè.
Neque enim affirmat poëta, Aeneam, & Palinurum locutos esse la-
tinè: sed latinè narrat quæ illi barbarè protulerunt. Cum autem Palinu-
rus inducit, portus Velinos, qui nusquam essent, appellans,
affirmat poëta id dixisse Palinurum, quod dicere, ac loqui non po-
tuit; eamque tradit orationem fuisse Palinuri, quæ, si rationem tem-
poris habeas, esse non debuit.

Vincit igitur omnes Yingilij patronos Iurisconsultus Alciatus in lib.
v. Parerg. cap. xxi. qui tametsi præsumptionis beneficio, atque li-
centia sibi viam aperuit ad euadendum; singulari tamen ratione
præsumptionem ipsam explanat, hoc est eo ferme modo, quo apud
Iurisconsultos vsu quotidiano tractatur. Regula, inquit, Iuris nostri
certissima est, ex præsenti in præteritum præsumi: vt scilicet quod
hodie

hodie est , & olim fuisse credatur. Cui locum esse in ijs tradiderunt , quæ verisimiliter mutationis alicuius periculum non subeunt . Qui ergo fluuij , vel montes nunc sunt , etiam ab orbe creato verisimile est fuisse . qua ratione præstantissimi poëtarum P. Virgilij aduersus quosdam Grammaticos patrocinium ego suscipiam . Scribit Aulus Cellius , reprehensum à Iulio Higino Virgilium , quod ex persona Palinuri dixerit ,

Portusque require Velinos .

Atqui , inquit ille , constat Veliam oppidum post multos , quam Palinurus decesserat annos , conditum fuisse . Eodem argumento Seruius vtitur cum Virgilius , ex persona Aeneæ , inquit .

Apparet Camarina procul campique Gelgi ,

Immanisque Gela fluuij cognomine dicta

Arduus inde Agragas &c.

Atqui , ait ille , hæc oppida Aeneæ tempore nulla erant , cum constet , multos deinde post annos ædificata fuisse . Respondeo . non de ipsis oppidis loquitur Maro , sed de campis , & fluminibus , quæ procul-dubio semper fuerant . Veliam à fluvio eam præterfluente dictam esse auctor est Stephanus in dictione . vt rectè possimus portum intel-ligere , quē fluuius ille facit . sic & Camerina palus , sic Gela , & Agragas . Etenim plurimæ Siculorum vrbes à fluminibus nomen sumpse-runt . vt Syracusæ , Gela , Imera , Selinus , Phenicois , Eryce , Ca-marina , Agragas .

Placuit non ad verbum modo sed prope syllabatim Alciati respon-sum , sententiamque proferre : quia nefas est Iurisconsultorum api-ces , ac puncta mutare . Et quoniam tam bonum , depulsis ab hac ad-uocatione ceteris , patronum Virgilio dedimus , de nostro nihil ad-damus : sed quod ab eo dictum est pluribus , breuissime comprehen-damus , affirmantes , Velinos portus fuisse ante conditum oppidum Veliam , quia portus loco , planèque pro portu , fluuius erat Velia , à quo tandem oppidum ipsum postea nomen accepit . Cum enim tradat Stephanus , huiusmodi fuisse ibi fluuium , antequam excitaretur op-pidum , nihil temerè dicimus , cum affirmamus , eum fluuium fuisse pro portu , ac portum appellatum , ante conditum oppidum .

Quin illud etiam dico , apertam nobis fuisse , traditamque ab Alcia-to pulcherrimam verosimilis poëtici rationem , ac formam per com-parationem illam præsumptionis Iurisconsultorum cum præsumptio-ne , atque anticipatione poëtica . Est enim illorum præsumptio con-jectura quadam ex præsentibus in præteritum , qua ex coniectura , & præsumptione vult intelligi , licere etiam poëtis ponere , atque ha-bere pro præteritis , quæ vident præsentia , in ijs præsertim , quæ obnoxia mutationi non sunt ; cuiusmodi scimus esse flumina .

Quod

Quod si dicas , licuisse quidem Virgilio, qui præsentem haberet portum Velinum , coniçere de præteritis , & statuere , portum illum antiquissimis etiam fuisse temporibus ; aut certè fluuij littus , & alueum fuisse pro portu ; sed non licuisse Palinuro , qui portum eiusmodi præsentem nullum videt : si hæc , inquam , opponas , responde rim , non præsumere Palinurum quicquam , sed Virgilium ipsum præsumere , atque coniçere de portu . qui cum videret ex præsenti facile se posse conieçtura capere de præterito , ac ponere , portus Velinos antiquitus quoque fuisse , quia semper fuit fluuius Velia , Palinurum , cuius ætate fluuius ille & erat , & portus exhibebat usum aliquem , portus Velinos iure nominantem facere potuit . Erat enim tunc eiusmodi portus , vel pro portu fluuius Velia , à quo tum etiam dici Velinus potuit . Nulla igitur est præsumptio Palinuri : quippe qui de re præsenti loquitur ; sed poëtae anticipantis , & Iurisconsultorum more conieçtura facientis , in ostio fluminis Velia aliquem tunc fuisse sinum , qui diceretur Velinus , & vulgo pro portu ab omnibus haberetur ; quia sua ætate videt esse portum Velinum , factum ab ijs Velia conditoribus , de quibus commemorat Gellius . non enim hæc præsumptio potest esse nisi de præteritis ex re præsenti . Palinurus verò ex præsenti portu nō præsumit , nec coniçit de præteritis , sed , ut ante dixi , loquitur de præsenti fluui , finique Velino : cum excitatum illud oppidum , & portum factum non viderit , qui postea conditus est . Si quid ergo præsumitur hic , à Palinuro non præsumitur , qui portum illum postea conditum , præsentem non habet ; sed à Virgilio , qui & eum præsentem habet , & ex eo coniçit de præterito ; ideoque ita loquentem Palinurum facit , quasi semper ille fuerit portus , & Velia .

L O C V S IV.

DE THESEO APVD INFEROS.

An secum ipse pugnet in eo figmento poëta .

----- Quid Theseus magnum

Quid memorem Alcidem &c.

His Aeneae verbis , alijsque , quae postea protulit Charon , videtur haud dubie Virgilius significare , Theseum ad Inferos quidem cum Pyrithoo descendisse , sed rediisse tamen . ijs enim eum adnumerat , qui reuerterunt ad Superos .

*Si potuit Manes arcessere coniugis Orpheus,
Si fratrem Pollux alterna morte redemit,
Itque, reditque viam toties. quid Theseus? &c.*

Contra vero paulo post planissimè canit, Theseum apud Inferos esse retentum, nec inde in posterum vñquam euasurum.

Sedet, aeternumque sedebit

Infelix Theseus.

Hac permotus repugnantia ille idem Higinus apud Cell. lib. x. cap. xvi. accusat amplius Virgilium: & locum hunc item correcturum fuisse credit, si per vitae spatium licuisset. Qui autem fieri potest, inquit, ut aeternum sedeat apud Inferos, quem supra cum ijs nominat, qui descenderint illuc, atque inde rursus euaserint? praesertim cum ita sit fabula de Theseo, atque sic Hercules eum euellerit è petra, & in lucem ad superos eduxerit.

Vidit sanè Seruius hunc scopulum; quem ita praeter nauigat. *Sedet, aeternumq; sedebit Infelix Theseus.* Contra opinionem inquit. nam fertur ab Hercule esse liberatus, quo tempore eum ita abstraxit, ut illic corporis eius relinqueret partem. frequenter enim variant fabulas poëtae. Hippolytum ab Inferis liberatum Virgilius dicit; Horatius contra.

Neque enim Diana pudicum

Liberat Hippolytum.

Existimauit, inquam, Seruius, ita se difficultatem omnem exhauste; sed non vidit, Virgilium non tatum immutare fabulam, sed etiam pugnantia loqui. quippe qui paulo ante numerasset Theseum inter eos, qui reuertissent ab Inferis, postmodum dixerit:

Sedet, aeternumque sedebit

Infelix Theseus.

Aristotelem ergo certissimum oraculum consulamus. qui nos admonet, ut, cum aliqua esse videntur apud poëtas inter se pugnantia, ea sic exploremus quemadmodum explorare soliti sumus sophismata: videamusque diligenter, num idem sit, de quo est sermo, an ad idem referatur, an eodem modo se habeat. Ita enim in Defens. xv. diximus ex Arist. Nostrum itaque nunc erit exquirere, quoniam idem est Theseus, de quo poëta loquitur utroque, an ad idem referatur, & eodem se habeat modo. Si Theseum ad tempora referamus varia, inueniemus utrumque de eodem dici à poëta potuisse: liberatum nimur fuisse ab Inferis, & sedere in ijsdem, aeternumq; sessurum. Quam tollenda, vel concilianda repugnantia rationem, quia ignorant Grammatici, turbas faciunt in Martialem, quod Saturnales dies quodam loco dixerit septem.

Septem Saturni venerat ante dies.

alibi verò quinque.

*Dum toga per quinas gaudet requiescere luceſ ,
Hos poteris cultus ſumere iure tuo .*

Sed si tempora conſulant varia, apud Macrobiū exposita, intelligent, quibusdam temporib⁹ Saturnales dies fuſſe tres, alijs quinque, alijs denique septem.

Igitur in hanc temporū varietatem intuiti, id de Theseo statuimus, quod accepimus ab Apollonij Rhodij Scholiaſte, qui ſic loquitur. Theseus, & Pyrithous, Iouis hic, ille Neptuni filius, ſimilia quædam aggressi facinora ſunt. Nam Theseus cum rapere vellet Helenam, quam deperibat, adiutorem habuit Pirithoum: Pirithous contra, Proſerpinam abducturus, ſocium item ſibi voluit, & adiunxit Theseum. Cum igitur hi per Tænarum ad Inferos deſcendiffent, ſaxoque inſediffent obuio ad capiendam quietem, eo damnati ſupplicio ſunt, ut inde ſe mouere, ac conuellere non potuerint. Sed cum Hercules poſtea eō deueniſſet ad extrahendum Cerberum, Theseum quidem liberauit, ac ſaxo diripuit; Pirithoum verò, quod auctoř eius temeritatis fuſſet, ſuoq. ad rapiendam Proſerpinam iudicio, & voluntate deſcendiffet, liberare ſupplicio, atque à lapide diuellere non potuit.

Ex hac huius narratione Interpretis intelligimus quidem egreſsum ab Inferis esse Theseum beneficio Herculis, ſed illud tamen addere debemus, ac pro comperto ponere, iterum Theseum ad Inferos iuſſe poſt obitum, ibique dediſſe, ac dare poenas flagitorum fuorum; non temeritatis illius modò, cuius ſupplicio liberatus ad tempus ab Hercule fuerat, ſed aliorum quoque ſcelerum, in primisq. impietatis, & crudelitatis in filium Hippolytum, quem immertentem interfecebat. Ex hoc ergo tempore, eidem lapidi, à quo diuulsus olim fuerat, iterum illigatus poſt obitum, ſedet, & eternumq. ſedebit. Atque hoc ipſo modo de controuersia, quam habemus in manibus, Alciatus idem à me alibi laudatus decernit in Parerg. lib. x. cap. viij. cuius hic verba non ſubiungo: ne videar, etiam vbi necesse non eſt, cum Iurisconſultum velle in rem praesentem aduocare.

LOCVS V.

DE DIDONE APVD INFEROS.

An collocari debuerit inter eos , qui necem sua sibi voluntate , manuque consciuerant .

Instituitur à nobis hæc quæstio , quia poëta certum designat apud Inferos locum ijs , qui se ipsos interfecerant ; quibus enumerandis , Didonem illam præterit nobilem , quæ sibi manus attulit exitiales , suoque iudicio mortem inter flamas oppetijt.

Proxima deinde tenent moesti loca, qui sibi lethum

Insontes peperere manu, luctemq. perosi

Proievere animas. quam vellent aethere in alto

Nunc & pauperiem, & duros perferre labores.

Quærimus , inquam , cur Dido hoc ipso præterita sit loco , quem sibi vindicare propriè posse videbatur : sit autem inter amantes potius in lugentium campis collocata .

Nec procul hinc partem fusi monstrantur in omnem

Lugentes campi. sic illos nomine dicunt.

Hic quos durus amor crudeli tabe peredit,

Secreti cœlant calles, & myrtea circum

Silua tegit: curæ non ipsa in morte relinquent.

Et paulò post.

Inter quas Phoenissa recens à vulnere Dido

Errabat silua in magna, &c.

Haud exiguum id admirationem attulit viris dōctis . sed eām illis eripit Iacobus Mazonius ex auctoritate Platonis , quem in toto sequitur opere Virgilius , vt benè longis est à me disputationibus in orationum primo volumine demonstratum . Sic igitur , illo viam præmuniente , hac de tota re ingredior dicere .

Summa quædam inter Platonicos est quæstio , an Plato censuerit , aliquando licere homini sibi mortem afferre . Negant Porphyri ac Macrobius , hanc veniam vñquā homini dedisse Platonem , vt mortem accersere , ac conuenire suo iudicio cum laude possit . Sed Plotinus lib . ix . Enneade prima , & Olympiodorus omnino volunt , Platonem existimasse , fas homini esse mortem sibi aliquando consiscere . In hanc videlicet sententiam illa verba Platonis in Phædone interpretantur .

Fortasse igitur hac ratione haud præter rationem est se ipsum interficere: non tamē prius, quām necessitatem aliquam imposuerit Deus. En, inquit Olympiodorus, quemadmodum Plato docet, interdum licere sibi manus afferre, vbi necessitas id ferat. Atque ut ipsum designet temporis articulum, in quo ius homini esse contendat Plato, ait, hominum vitam similem esse conuiuio, quod nobis, ex omnium vīsu rerum, diuina parauerit benevolentia. Quemadmodum ergo conuiua, vel abrumpuntur, vel absoluuntur quinque potissimum ex causis, sic tempora item quinque incidere credit Olympiodorus, quibus temporibus liceat è vita tamquam è mensa discedere.

Primam interrumperi conuiuij causam accidere tum ait, cum Princeps, ac dominus interuenit, atque apud nos diuertere hospitio vult. Decet enim, ac prorsus oportet, mensam relinquere, ut Regi steratur, ac seruiat. Ita planè censet Plato, inquit Olympiodorus, vitam deserere fas esse, cum Reip., cuius summa tenetur in Principe, id utile futurum intelligimus. Idcirco nimis aliqui laudantur à veteribus, quòd pro patria mortem oppetere summa sua sponte voluerint: qualis apud Romanos est Curtius, apud exterros ille Menocceus Thebanus adolescens Creontis filius: quem pro patriæ salute sanguinem ultra profundere voluisse canit, & commemorat Statius in Theb. x.

*Sic ait, insignemq. animam mucrone corusco
Dedignantem artus pridem, moestamq. teneri,
Arripit, atque uno quæstam vulnere rumpit.
Sanguine tunc spargit turres, & mœnia luſtrat,
Seque super medias acies, non dum ense remiſſo,
Iecit, & in saevos cadere est conatus Achios.
Ait illum amplexæ Pietas, Virtusq. ferebant
Leniter ad terram corpus. iam spiritus olim
Ante Iouem, & summis apicem sibi ponit in astris.*

Secundam interrumperi conuiuij iustissimam causam è discordia, aut digladiatione rixantium inter se conuiuarum ait interdum existere. Præstat enim tunc, primo quoq. tempore conuiuum soluere: ne altercantibus illis tamquam arenam, & campum suppeditare videamus. Huic similem item causam idoneam ad vitam intercidendam esse confirmat ex Platone; cum videlicet intelligit aliquis, se materiem, ac somitem esse rixarum, digladiationum, certaminis, belli. Hoc nomine suspicitur ab antiquis Otho ille, qui ut bella ciuilia funditus tolleret, vitam protinus extirpauit à se, quam ciuilis contentionis esse causam intelligebat. Ita quippe Martialis in libro sexto.

Cum dubitaret adhuc bellii ciuilis Enyo,

Forsitan & posset vincere mollis Otho,

Damnauit multo saturatum sanguine Martem,

Et fudit certa pectora nuda manu.

Sit Cato dum viuit sane, vel Cæsare maior,

Dum moritur numquid maior Othonè fuit?

Tertium tollēdi conuiuij tempus putat esse, cum conuiuæ sunt ebrij. Tunc enim minimè decere videtur, eos amplius esse super mensam, qui ex ebrietate à sensibus iam alieni, sui compotes, & rationis non sunt. His ergo conuiuis ebrijs non Olympiodorus modo, verum etiam Plotinus comparat eos, qui aliqua perturbatione animi, affectuq. sic tenentur, & concitantur, vt à sensibus, & ratione alienati videantur. quo tempore putant ex Platonis sententia licere vnicuiq. sibi vitam extinguer.

Quartum tempus excedendi de conuiuio tum esse dicunt, cum ipsi conuiuæ in suspicionem iam venerunt veneni, vel epulis admisti, vel poculo diluti. Nam quia periculum est, ne singuli ea veneni peste corripiantur, par est, omnes compotationem, epulasq. deserere. Hac similitudine demonstrat Olympiodorus quartam accersendæ sibi mortis probabilem causam à Platone desumptam in libris de legibus. quam tum sit accidere, cum aliquis seelere quopiam inexpiabili se pollutum intelligit, à quo periculum est, ne ceteri quoque polluantur, & incestentur. Videt enim tunc, ciuitatis se membrum esse tabidum, ac corruptum, adeoq. rationi consentaneum putat, à societate tamquam à corpore se ipsum excindere; ne ceteri quoque contagio tabescant, & corrumpantur. Huiusmodi nimirum sunt Oedipi illi in Antiquorum Tragoedijs, & furentes Alcmæones, aut Orestes: qui cum se contaminatos incestu, aut parricidio vident, ad mortem tamquam ad perfugium ruunt, seque ipsos execant à reliquis, ne contagione cetera membra ciuitatis inficiant. Putabant enim veteres illi superstiosi homines, aliqua esse huiusmodi peccata, quæ alios etiam quantum innocentis inquinarent; quæque nulla extergi possent expiatione sacrorum.

Quintus terminandi conuiuij locus est, cum epulæ iam desunt, aut malè nos habere, & regrotare super mensam incipimus. Qua ex comparatione vult Olympiodorus intelligi, tum licere nobis vitæ nostræ finem imponere, cum ipsi vitæ degendæ res necessariæ desunt, cum in postrema rerum inopia, & paupertate versamur, aut morbis, doloribusq. impatibilibus ita premimur, vt nulla vitæ commoda percipere possimus in posterum, nec ciuibus ullam vtilitatem afflere. Id existimat omnino Platonem docere in iij. lib. de Rep. cum disputat aduersus Herodicum, diæticæ medicinæ primum auctorem. Videtur enim ibi Plato id ciuibus consilij dare, vt cum vident se propter insanabiles morbos inutiles esse ciuitati, volentes, prudentesq. vita se priuent: certe vetat medicos ad eos accedere, & quantum potest ab ea mor-

borum, morbosorumq. ciuium curatiōne deterret. Verba Platonis hæc sunt. Homines autem, & natura, & intemperantia morbosos vivere, neq. ipsis, neq; alijs conferre putabant, neque circa illos versari oportere, neq; esse curādos, etiam si Mida ipso locupletiores essent. Ita Plato. Hac nimis ex causa Philostratus in vita Sophistarum, Dio in Hadriano, Suida, Plinius Iunior, alijque summopere laudant Polemonem Laodicensem, quod podagra diu iam, multūmq; conflictatus, ad tollendum cum vita dolorem, inedia se confecerit voluntaria: & Euphratem philosophum, quod eodem genere stultitiae se ipsum occidet, ut molestissimam fugeret corporis ægrotationem, qua cruciabatur acerbissime. Hunc in numerum referre possumus Democritum Abderitam, Pomponium Atticum, alios, in primisq. Festum illum, quem commendat, atque admirandum proponit hoc epigrammate Martialis in lib. primo.

Indignas premeret pestis cum tabida fauces,

Inque ipsos vultus serperet atra lues:

Siccis ipse genis flentes bortatus amicos,

Decreuit Stygos Festus adire lacus.

Non tamen obscuro pia polluit ora veneno,

Aut torfit lenta tristia fata fame.

Sanctam Romana vitam sed morte peregit,

Dimisitq. animam nobiliore via.

Hanc mortem fatis magni præferre Catonis,

Fama potest, huius Cæsar amicus erat.

Atque ad hoc sanè genus reuocarunt veteres illam ipsius Catonis mortem, præter ceteras scriptis, monumentisq. celebratam: quod magno vir animo, excluso de corpore spiritu, miserrima se liberasset servitute, quam sub Tyranno seruire necesse erat. Huc item pertinere videtur ille Virrius apud Silium Italicum in lib. xiiij. quem canit, abijceré sua sponte vitam maluisse, quam in Romanorum potestatem venire. Huc etiam reuoces sine dubio Stoicos omnes, (non enim Platonicorum tantum hæc dementia fuit) Stoicos, inquam, huc reuoces, qui mortem voluntariam pro malorum omnium perfugio proponerant, ut ex Seneca maximè Stoico discere potes in epist. xii. xvii. xxiv. lviii. lix. lxx. lxxi. lxxviii. Quin Epicurus ipse delicatus philosophus voluntariam hanc probauit, & laudauit insaniam; sua sitq. mortalibus, ut se vita priuarent, cum doloribus acerbissimis, iisque perpetuis vrerentur, de quo lege Victorium in lib. var. lect. vi. cap. xi. Porro tempus illud, quo quis sine reprehensione ex istorum philosophorum decretis interficere se posset, appellarunt Græci εὐλογητὴ ξεναγωγὴ, præclarum exitum. Significabant enim hac voce, præclaram, honestam, idoneam, gloriosam denique mortem eos obiisse, qui causam aliquam eiusmo-

eiusmodi probabilem adsciscendæ sibi mortis essent nacti.

Sed quam stultè sint hæc ab istis vel pronunciata , vel laudata , vel perfecta , non est nostrum hic multis exponere . Docent enim sapientissimi Christianæ religionis autores, nullum esse tempus, quo tempore liceat homini sibi manus afferre , seque ipsum interimere . In eos autem nominatim, qui ad extremas vitandas ærumnas sibi fas esse putabat adire mortem, declamauit copiose Lactan.lib.iiij.cap.xvij. acutèq. disputauit August. in primo lib. de Ciuit. ac demonstrauit, ignauos habendos esse verius, quād fortes, qui propterea se ipsos interimunt . Immo vero Martialis ipse in Epigram. ad Cheremonem hanc ignauiam damnat, & excipit risu.

Quod nimium laudas Cheremon Stoice mortem,

Vis animum mirer, suspiciamq. tuum.

Hanc tibi virtutem fræta facit vrceus ansa,

Et tristis nullo qui teper igne focus.

Et teges, atque cimex, & nudi sponda grabati,

Et breuis, atque eadem nocte, dieq. toga.

O quād magnus homo es: qui face rubentis acetii,

Et stipula, & nigro pane carere potes.

Leuconicis age dum tumeat tibi culcitra lanis,

Constringatq. tuos purpura texta toros.

O quād tu cupias tunc vivere Nestoris annos,

Et nihil ex vlla perdere luce voles.

Rebus in angustis facile est contemnere vitam.

Fortiter ille facit, qui miser esse potest.

Ignauos igitur eos habendos putat , qui, quoniam perferre fortunam aduersam non queunt, sibi mortem inferunt; illos autem verè fortes , atque constantes, qui casus acerbissimos,inopiam,solitudinem, ignoriam,seruitutem aequanimiter, & cum constantia perpetiuntur in vita : id quod etiam declarauit planius in alio quodam epigrammate ad Dacianum.

Quod magni Thraseæ, consummati^{q.} Catonis

Dogmata sic sequeris, jaluu^s ut esse velis :

Pectore nec nudo strictos incurris in enses;

Quod fecisse velim te, Daciane facis.

Nolo virum, faciliter redimit qui sanguine famam.

Hunc volo, laudari qui sine morte potest.

Ceterū quid ego Martialem profero testem, cum Aristoteles ipse in lib.Eth.iii.cap.vi. omnium fatuitatē suo iudicio, ac sapientia corrigit ? Docet enim disertè, ac dilucidè, habendos esse desides , exiguiq. viros animi , qui se ipsos ob inopiam,aliosue fortunæ casus aduersos interimunt;cum adscita morte fateantur,id se fugere, quod ferre non

possint: nec pares aut idoneos esse ad eum sustinenduni impetum, impressionemq. fortunæ, cuius causa de vitæ statione depelli se patiuntur.

Ne Tarquinius quidem ille Superbus videtur id ignorasse: cum hoc voluntariæ mortis, & parricidij genus turpissimo damnauit suppicio, quoniam crudelissimo tantum malum tollere non poterat. Cum enim cloacas populum facere, ac fodere coëgisset, atque ob hanc iniuriam multi suspendio se ipsos occiderent, eorum corpora cruci iussit affigi. quo factum est, vt tum primum habitum turpe sit sibi mortem consciscere. Quare non Christiani modo, sanctiq. viri damnarunt ea Platonicorum, aliorumq. de voluntaria morte decreta, & dogmata; verum etiam poëta veteres, primi philosophi, Tyranni ipsi explodenda eadem esse censuerunt.

Quibus aliquando præteritis, de Virgilio pergo dicere; quem ipsius auctoritate Platonis eripere ab omni prorsus errati suspicione contedimus. Confirmo, inquam, eum, & Platonem, & Platonicos secutum, existimasse Didonem iustissimam voluntariæ mortis habuisse causam, hoc est eam, quam tertio numerauimus loco, atque ab ebriorum conuiuarum similitudine repertiuimus. Nam quia tradebant Platonici, licere homini vehementissimis animi cupiditatibus tamquam ebrietate perturbato, atque à sensibus ipsis, & ratione deiecta, non minus è vita discedere, quam è conuinio, eorum adprobans opinionem non nullis doctorum hominum ea tempestate probabilem, Didonem fecit ex amoris impatientia furentem, debacchantem, è statu rationis exturbatam; vt ei iustum oppetenda mortis occasionem, & veniam à Platonicis daret. Quid enim aliud nisi fuorem, & amoris ebrietatem ea verba præseferunt?

Sed misera ante diem, subitoq. accensa furore, &c.

Cum sic unanimente alloquitur male sana sororem.

Vritur infelix Dido, totaq. vagatur

Urbe furens, &c.

Quid loquor, aut ubi sum? quæ mentem insania mutat?

Itaque cum iustis hisce de causis defunctam vita, sua voluntate, fecisset Didonem, vt congruentia loqueretur, & sibi constaret, ab eorum illam numero separauit, qui se sine causa probabili peremissent. Nam si rectè poëta verba perpendamus, intelligemus eos tantum apud Inferos in certo illo loco Virgilium disponere, ac collocare, quibus occidendi se nulla iusta causa fuisset.

Proxima deinde tenent moesti loca, qui sibi lethum

Insontes peperere manu, lucemq. perof

Proiecere animas.

Quos enim insontes, atque immerentes intelligit, nisi qui mortis causa

sam nullam habuerunt ex ijs, quæ numerantur à Platonicis , adeoque mortem illam voluntariam non meruerunt ? Non erat hic igitur Didoni locus, quæ iure, atque ex idonea causa, vt Platonici decernunt, se ipsam interfecerat, mortemq. merita erat ob eam amoris, non ebrietatem modo, sed insaniam, ac furorem . furori quippe nominatim veniam dedit amplissimam mortis Plotinus his verbis. At si insaniam persenserit quis imminentem , quid nam ageret? fortasse verò id viro probo non accidet : si tamen acciderit , reponendum erit in eorum genere , quæ necessaria nuncupantur, atque ob ea , quæ circumstant, mors eligenda .

Cum ergo Dido careret illa culpa, quæ in eum locum compulerat eos, qui se ipsos occiderant , sapientissimè collocata fuit inter amantes feminas, poëtarum fabulis, & scriptis antiquorum omnium nobilitatas .

*Hic quos durus amor crudeli tabe peredit,
Secreti caelant calles, & myrtea circum
Silua tegit; cura non ipsa in morte relinquunt.
His Phædram, Procrinq. locis, moestamq. Eriphylem
Crudelis nati monstrantem vulnera cernit,
Euadnemq. & Pasiphaen; his Laodomia
It comes, & iuuenis quondam, nunc femina Geneus ,
Rursus & in veterem fato reuoluta figuram.
Inter quas Phoenissa recens à vulnere Dido
Errabat silua in magna: quam Troius Heros
Vt primum iuxta stetit, &c.*

Dicat tamen aliquis omnes, quæ hoc loco detinentur, ob aliquod certum detineri flagitium , quod ex intemperantia turpis amoris admirerunt, vt constabit legenti fabulas singularium. Phædra quippe priuignum, à quo repulsa fuerat, circumuenit: alia alia ex isto genere scelerata perpetrarunt, quorum causa plectuntur apud Inferos. Igitur etiam Dido plectetur ob ea peccata , quorum illi fuit auctor impudicus amor . At nullum in Didone videtur erratum esse ab amore profectum, nisi mors illa voluntaria , & conflagratio. fuit igitur illa mors culpa digna, non laude . Respondeo : non omnes omnino plecti ob ea scelera, quæ suasit amor : sed aliquas ob vnam amoris exuperantiam , intemperantiamq. poenas dare ; qualis est Laodomia : quæ ex morte Protefilai coniugis obriguit : aliquas puniri tantum, quia fidem viris fecellerunt suis. quo de genere Procris est , vxor Cephalii, quæ se corrumphi ab institore passa est pretio. Itaq. Dido plectitur ex amissione pudore, atque ex ea fama deperdita, qua nuper sidera adibat , vt lequitur ipsa : plectitur, quia Sichæo coniugi datam , obligatamq. promissis fidem violarat, quod testatur ipsa, dolenter expostulans ea, quæ ges-

serat intemperanter, & contra quam Sichaeo pollicita erat.

Non licuit thalami expertem sine crimine vitam.

Degere more ferae, tales nec tangere curas?

Non seruata fides cimeri promissa Sichaeo?

L O C V S V I .

DE GRAECORVM PAVORE, AC FVGA apud Inferos ex Aenea conspectu.

Quid causæ sit, cur fugiant ij, quibus officere non
potest Aeneas.

At Danaum Proceres, Agamemnoniæq. phalanges

Vt videre virum fulgentiaque arma per umbras,

Ingenti trepidare metu: pars vertere terga,

Ceu quondam petiere rates: pars tollere vocem

Exiguam. incepitus clamor frustratur biantes.

Nemo leget, opinor, hos versus, cui non veniat in mentem quererre, quorsum fugiant Vmbræ, ac tantopere pertimescant, quæ ferro, aliae iniuria violari non possunt; quemadmodum supra monuit Sibylla, docta comes, Aeneam.

Et ni docta comes tenues sine corpore vitas

Admoneat volitare caya sub imagine formæ,

Irruat, ac frustra ferro diuerberet Vmbras.

Quin ipse sub libri finem Anchises disertè docet, timorem, ceteraque perturbationes hominum ab ea corporis, animique, societate præmanare, quæ dissoluitur interitu. Sic enim de animorum nostrorum origine philosophatur Platonice.

Igneus est ollis vigor, & celestis origo

Seminibus, quantum non noxia corpora tardant,

Terreniq. hebetant artus, moribundaq. membra.

Hinc metuunt, cupiuntq. dolent, gaudentque, nec auræ

Respiciunt clausa tenebris, & carcere caeco.

Non ergo congruenter, constanterq. poëta loquitur, cum Vmbras illes, Aenea viso, exanimatas dicit, quæ deposito iam corpore, perturbationum omnium seminario, non amplius habebant cur exanimarentur, aut extimescerent.

Haud

Haud leuem posset huic loco defensionem præbere vulgaris quædam apud priscos opinio, de ferri acie stricta Vmbras Inferorum exterre-faciente. Credebant, inquam, eas strictos gladios, aut lanceas maximoperè formidare. Quam opinionem secutus Homerus in lib. ij. Odys. facit Vlyssēm stricto gladio sedentem in sacrificio illo magico, & necromantia per celebri, nec Vmbras ad sacram cruentem ante permettentem accedere, quam Tiresiam audiat hoc præcipientem. Et sane vulgarem hanc opinionem fuisse docet Plutarchus in Laonicis. vbi commemorat, Laconem quendam noctu monumentū prætereuntem vidisse spectrum, statimque accurrisse contra cum lancea, illudq. in fugam vertisse, & hac voce persecutum esse. quò fugis anima bis mortua? Licet ergo coniçere, & suspicari hoc etiam sibi voluisse Virgilium: animas nimirum illas Græcorum reformidare strictum, Aeneæ gladium, fulgentiaque arma per Vmbras, ut canitur hic. Non enim sine causa huius itineris initio gladium è vagina produxit ex Sybillæ præcepto sic admonentis;

Tuque inuade viam, vaginaque eripe ferrum:

& in ipso Inferorum aditu, atq. vestibulo monstros illis tam multis, ac variis strictam aciem venientibus offert. Sed cur Sibylla, dicer aliquis, vetat eum in Vmbras irruere ferro, si ipsa ferrum stringere iussérat ad exterendas Vmbras, ac monstra? Responderim; eam non id admonere, ne strictam aciem offerat, sed ne diuerberet frustra, & ne vulnerare conetur in cassum Vmbras, quas satis sit stricto gladio detergere. Non leuis, inquam, hæc videtur esse ratio pauoris ad Græcorum Vmbras accidentis ex Aeneæ conspectu armati. Sed tamen, quia non magis Græcos, quam alios perterrefacere debuisset acies illa gladij æque in omnes Vmbras intenta, facilior erit defensio, si memoria repetamus veterem Platonicorum de animarum purgatione sententiam. Putabant enim illi quidem perturbationes, affectus prauos, ipsa scelerata, quæ ex perturbationibus oriuntur, existere à corpore, cuius societate, & contagione inquinaretur animus: sed putabant etiam, huiusmodi affectiones, perturbationesque remanere post obitum cum animis ipsis, nisi ante doctrinæ, virtutisque beneficio sic se purgassent, ut pristinæ, natuæque puritati iam redditii viderentur. Vel ipse nos docet Anchises ita Platonicos existimasse.

Quin & supremo cum lumine vita reliquit,

Non tamen orane malum miseris, nec funditus omnes

Corporeæ exceedunt pestes, penitusque necesse est

Multa diu concreta modis inolescere miris.

Ergo exercentur pœnis, &c.

Ait enim, maculas, quibus afflantur, aspergunturque à corporibus animæ, residere quoque post obitum, nisi ante fuerint extirpate: nec

posse

posse beatitudinem consequi, nisi apud Inferos vel flammis, vel aquis, vel aere ipso purgantur. Quae nam verò sunt illæ maculae, pestesque corporeæ, nisi ex quas ante percensuerat, cum dixit.

Hinc metuunt, cupiuntque, dolent, &c.

Non enim ipsa modo peccata, & scelera, verum etiam affectus, & perturbationes putabant animum commaculare Platonici.

Quare cum illæ Græcorum umbræ corporeis infectæ contagionibus migrassent è vita, nec dum expiatæ fuissent, potuerunt ex Platonicorum sententia trepidare, pertimescere, exanimari.

L O C V S VII.

DE LACERATIONE DEIPHObI.

Num habeat aliquid repugnans; & quorsum
pertineat.

*Atque hic Priamidem laniatum corpore toto
Deiphobum vidi lacerum crudeliter ora,
Ora, manusq. ambas, populataq. tempora raptis
Auribus, & truncas in honesto vulnere nares.*

Rem non ita gestam esse, uti narratur hic à Virgilio, vel intelligere, vel suspicari licet ex Q. Calabro: quippe qui in xiij. lib. de rebus ab Homero præteritis Deiphobi mortem exposuerit accurate, nec huiusmodi quidquam tradiderit: sed dixerit tantummodo, à Menelao victore imperfectum ideo, quod Helenam habuissest vxorem secundum obitum Paridis.

Haberem, cur hæc eluderem, optimam fane causam, ac rationem, si dicerem poëtae licuisse illam confingere lacerationem, atque historiæ superaddere: cum nihil à Q. Calabro dicatur, quod illud figmentum euertat. Neque enim ait, Deiphobum non fuisse sic laceratum, sed occisum vniuerse: quo fit, ut genus ipsum necis fingere poëta possit ex ingenio. Haberem, inquam, cur ita diluere posse quod obiectum est. sed aliam ego rationem inibo, quam aperuit mihi Iacobus Mazonius ipsi consentaneam Aristoteli, docenti & confirmanti, multa poëtas tradere contra quæm gesta esse dicantur ab alijs; quia sic oportuit geri, & melius erat ita fieri. Si reprehenditur poëta, inquit, quod non vera scripsit, respondeatur, cum ita rem tradidisse factam,

Etam, quemadmodum fieri oportuit. Sophocles quippe dicebat, homines se tales effingere, quales esse oportet. Vide in Prolegom. Defen. vij. Id, inquam, dici ex Aristot. posse video: Deiphobi mortem sic exprimi oportuisse, ac debuisse. Debuisse autem sic effungi, ex eo potissimum demonstratur, quod à Græcis hominibus, & quidem ab Helena prodente, ipsumq. facinus adiuuante sit interfactus.

Scimus enim multorum litteris id esse memoria consignatum: Græcos solitos fuisse suorum cadavera interfectorum sic interdum lacerare, ac dehonestare, quemadmodum laceratus Deiphobus hoc loco fertur. Ita quippe scribit Sophoclis interpres in Electra: vbi dicitur Agamemnon esse laceratus. Fuit, inquit, in more positum, ut qui aliquem affinitatis, aut cognitionis vinculo sibi coniunctum occiderent, summa membrorum ei resecarent vndiq., eaq. sic abscissa secum auferrent, ut iis, qui occisi essent, omnem omnino nocendi facultatem adimerent. Et quoniam ea membrorum extrema ferre solebant sub alis posita, quas Græci *μαρτυρίας* appellant, factum est, ut *μαρτυρία* nihil aliud sit, quam detruncare cadaver, ac lacerare. Hæc ibi Scholia st. & paulo post. Ad expiandos interfectores, inquit, extremas cæsi hominis è toto corpore abscindebant partes, & sub alis suspendebant; ut qui occisus esset, redderetur imbecillior, neve aliam pro sua reposceret mortem. Quare Apollonius ait: extrema cadaveris abscidit; cum loquitur de Iasone Absyrtum dissecante. Locum hunc Apollonij, quem laudat Sophoclis Scholia st. ex lib. iv. Argonauticorum ita latine non tam reddidit, quam circumscriptit Ioannes Baptista Pius.

*Membrorum extremas, & vestis Anaurius Heros
Concidens partes, ter biantibus oscula iungit
Vulneribus, cedem ter expuit, impiaque ausa
Dewovet, ac seu ter lustrat imagine cædis.*

Qua ex descriptione poëta, doctrinaq. interpretis duo discere possumus. primum: huiusmodi laceratione Græcos vsos tantummodo fuisse in cognatos, affinesque, quos interfecissent. Secundum: id quod crudeliter alioqui siebat, & barbare, referendum in eorum superstitionem amentissimam esse. Nam quia pollutum maxime putabant eum, qui cognatos, affinesque interfecisset; eosque reposcere vindictam, atque illorum sanguinem efflagitare, à quibus essent occisi, crediderunt, ea membrorum defectione expiari se posse, cæsque cognatos debilitari, reddique impotentes, quo minus nocerent, ac rependerent vicem.

Sed ex his sequitur, dicet aliquis, imprudenter id finxisse in Deiphobi cæde Virgilium: cum Deiphobus nulla prorsus Menelaum cognitione, aut affinitate contingere.

Duplex mihi videtur esse respondendi ratio . prima, si dicamus, ea laceratione non quidem Menelaum , sed Helenam ipsam , quæ Deiphobo affinitate coniuncta erat, expiatam fuisse . Illa enim Menelaum priorem virum, & ceteros Græcorum Duces in conclave deduxit ; illa fuit cædis auctrix : adeoque necesse habuit solemini Græcorum ritu expiari, eaque labo detergi: nisi tamen ipse quoque Deiphobo censendus sit affinis Menelaus, qui Helenam habuit coniugem primus, ac propterea etiam ipse videretur expiandus. Altera est sine dubio melior, & quæ demonstrat, morem illum multo magis patentem fuisse, quam ut inter cognatos, atque affines concludendus videatur. Nam Apollonij Rhodij proprius interpres eos explicans de Absyrti laceratione versus, quos paulo ante laudauit , ac pro se protulit Sophoclis Scholiastes, ita morem illum amplificat, ut dicat, adhibitum etiam in eos fuisse, qui occisi ex insidijs , & per proditionem essent. Qui aliquem, inquit, circumueniebant insidijs , & occidebant, cadaveris extrema cedere soliti sunt , eaq. ex eius collo suspendere : tum eiusdem sanguinem colligebant, eumque ter in illius expuebant os, ut ita placaretur is, qui per insidias fuisset occisus .

Variant profecto interpretum horum sententia, ac diuersa produnt: cum ille Sophoclis Scholiastes dicat id factū esse ad cæsi hominis debilitandas vires, ne noceret ; hic ad eiusdem placandos manes, & expiandum cædis auctorem : ille sub alis parricidæ suspensa fuisse tradat extrema membrorum ; hic ex eius collo , qui fuisset occisus . quamquam in hoc postremo non omnino fortasse dissentiantur . Nam ille Sophoclis interpres in primo loco ait suspensa fuisse sub alis eorum, qui cognatum interfecissent ; in secundo sub alis eius , qui esset imperfectus . Confirmat enim disertè , auctores cædis solitos fuisse summa illa membrorum , & extrema cadaveris collocare , siue suspendere *εἰ τὰς μυστάκας ἀντοῦ* hoc est , sub alis eius , qui esset occisus .

Sed different in his, discordentq. quantumlibet , modo maneat illud : ex eorum vnius sententia eam lacerationem non in cognatos tantum usurpatam antiquo more fuisse, verum etiam in eos vniuersc, qui ex insidijs occiderentur . Id quod alii quoque permulti docuerunt, in primisque auctor Etymologici Græcorum , qui hæc iis congruentia scripta reliquit . Hæ sectiones extremarum partium è cadavere ab eo siebant , qui aliquem occidisset : idque supplicii , pœnæque loco imperabatur , si occidisset ex insidijs ; ut expiaretur à scelere , ac purgaretur . quin extrema illa membrorum abscissa colligebant ordine , & componebant , eaque vel sub occisi hominis alis, vel è collo suspendebant . His non admodum dissimilia tradit Suidas in verbo *ἐπιμανίας*. Mos, inquit, antiquorum is fuit, ut si per insidias

ac fraudem aliquem interemissa, vellentq. ab eo facinore se purgare, extrebas cadaueris cæderent partes, ex ijsque compositum quasi torquem ab eius collo suspenderent, qui eset occisus. Quod si quis velit hos ita discordes, dissentientesq. scriptores conciliare, dicat vtrumq. factum ad expiationem peragendam absolutè, perfectèq. hoc est & ex alis, & è collo suspensa illa cadaueris extrema fuisse. Nam Suidas ipse paulò post ita rem amplius explicare pergit. Eaque diuidebant, inquit, & partiebantur, partesq. ipsas sub alis collocabant. quo factum est, vt sectiones illæ dicerentur proprio nomine μοσχαιομενα. Sed nobis, vt dixi, nihil est necesse istos conciliare, modo compertum sit, eam lacerationem illorum quoq. fuisse, qui occisi per insidias essent. Cum enim Deiphobus proditus ab Helena fuerit, & ex insidijs occupatus in toro à Menelao, iure sane naribus, alijsq. corporis extremis partibus abscessis, à cædis ipsius auctoribus detruncatur. Ita, quippe ipse met insidias illas exponit Aeneas, causam tantæ crudelitatis ab eo percontanti.

*Sed me fata mea, & scelus excitiale Lacenæ
His mersere malis. illa hac monumenta reliquit.
Namq. ut supremam media inter gaudia noctem
Egerimus nosti, &c.
Egregia interea coniux arma omnia tectis
Amouet, & fidum capiti subduxerat ensem:
Intra tecta vocat Menelaum, & limina pandit.*

L O C V S V I I I .

DE SILVIO AENEAE FILIO.

Cur dicatur postuma proles.

primus ad auras
Aetherias Italo commisus sanguine surget
Silvius Albanum nomen tua postuma proles,
Quem tibi longevo serum Lauinia coniux
Educat filuis Regem, Regumque parentem.

Perdiligerter hic locus obseruatus est à duobus viris doctis Ceselio Vindice, & Apollinari Sulpitio apud Cell.lib.ij.cap.xvj. quibus parum hæc in Silvium Aeneas filium conuenire videbantur: cum vel posthumus non fuerit, vel si fuit, malè dicatur,

Quem

*Quem tibi longæuo serum Lavinia coniux
Educat filius Regem.*

Posthumus enim post obitum nascuntur patris: verò illa significare videntur, Aenea viuente, ac iam sene, natum Siluium fuisse, & educatum.

Igitur Apollinaris Sulpitius ad declarandum anceps argumentum sic rem explicabat. Quem tibi longæuo, non quidem seni, sed in longum aeuum, & perpetuum recepto inter Indigetes, immortalique iam facto. Anchises enim, qui hæc dicebat filio, sciebat, eum, ubi ab hominum vita discessisset, immortalē futurum, atque Indigetem; & longo, perpetuoque aeuo potiturum. Hæc tamen interpretatione non placet Aulo Gellio. Itaq. huiusmodi verba subiungit. Hoc sane Apollinaris argutè. Sed aliud tamen est longæuum, aliud perpetuum: neq. Dijs longæui appellantur, sed immortales.

Ianus tamen Parrhasius probat interpretationem illam Apollinaris, & Gellio succenset, quod & Apollinaris Sulpitio imponat iniuriam, & Virgilium indefensum relinquat. Contendit igitur in lögæuo etiam perpetui notionem interdum esse; sic prorsus, ut Dijs ipsi dicantur à nonnullis longæui, in primisq. ab Aeschyllo his verbis. Διώνεις Χρόνοι είναι Ερωτοῖ τε Δαρβόντοι θεοῖντοι Inuisum Manibus signum, mortalibusq., & longæuis Dijs. Quod si dicas Aeschylum, Græcum poëtam, non posse nobis tradere latina vocabula, vel veram Latini vocabuli vim, demonstrare; respondet, Virgilium à Græcorum fontibus multa deriuasse in latinitatem nomina, & Latina fecisse, quæ Latina non erant. quod licere, ac fas esse poëtis affirmat Horatius. Quis enim melius quam Virgilius nosse poterat, illi Græco vocabulo respondere longæuum apud Latinos? Hæc ergo prima est interpretatione Apollinaris Sulpitij, & eiusdem à Parrhasio tradita defensio. De Cesellio Vindice videamus.

Is enim uero longè aliter ipsam poëtæ sententiam explicat: atque in hunc ferè modum. Post humana proles non eum significat, qui patre mortuo, sed qui postremo loco natus est. sicut Siluius; qui Aenea iam sene, tardo, seroque partu est editus. Ne hanc quidem explicationem adprobat Gell. non quod illam damnet posthumus notionem, eum, qui postremo loco natus est, significantis: sed quod ab eo desideret historiae veritatem. putat enim, ponitque, Siluium, patre viuente, suscepimus in lucem esse; quem multi tradiderint, natum post mortem Aeneæ. Sic igitur, atque his verbis hominem reprehendit. Huius historiæ auctorem nullum idoneum nominat. Siluium autem natum esse, post mortem Aeneæ multi tradiderunt.

Nihilo minus tamen sequendum esse putauerim Cesellium Vindictem; id quod etiam censem eruditissimi quidam, grauissimiq. scriptores.

ptores . Nam Cranterus lib.vii.cap.x. docet posthumum non ita scribendum esse , vt vulgo cum aspiratione scribitur : sed postumum ; quia sic planè se scriptum reperiisse confirmat in antiquorum monumentis . Itaque illorum euertit firmamentum & robur , qui propterea posthumos ab obitu parentum natos tantummodo volunt , quod posthumi dicti sint , quasi post humatum patrem in lucem excepti , quæ quidem etymologia , & notatio nominis desumpta est à Varrone in lib.ij. de Analog. Horum, inquam, is amolitur fundamentum, dum demit aspirationem, quæ facere videtur sola , vt posthumus sit , qui post humationem parentis est natus . Contendit autem postumum sine aspiratione deduci ab aduerbio post , quemadmodum ab extra deducitur extimus , à citra citimus : vt nihil aliud esse videatur postumum , nisi quod posterius est, aut ultimum , & postremum . Fatetur ipse quidem , hanc postumi notionem esse minus visitatam , sed inueniri tamen apud Latinos aliquos eam vocem in illam planè sententiam usurpatam , è quibus neminem profert , nisi Tertullianum in lib. aduersus Gnosticos , vbi de scorpio cælesti sic scribit . Cauda erit quodcumque de postumo corpore propagatur , & verberat ; hoc est de postremo corpore . Alterum ego addiderim auctorem Sidonium Apollinarem : qui in lib.vii. epistolarum postumam ætatem dicit pro posteiore , ac consequente . Addiderim tertium Apuleium , qui postumam dixit spem , pro ultima , & suprema .

Probat hanc eandem interpretationem , ac notationem vocabuli Adrianus Turnebus in lib. xviii. cap.j. quo loco docet postumum non eum tantummodo dici , qui post obitum patris , sed etiam qui post conditum testamentum , patre adhuc viuente , atque superstite , natus sit ; quique post alios liberos oriatur : atque ita interpretandum , accipiendumq. censet quod hic à Virgilio dicitur : vt demonstrant versus , qui subiunguntur :

Quem tibi longaeuo serum Lauinia coniux

Educet filuis Regem, Regumq. parentem :

probat Alciatus Iurisconsult. in lib. viii. parerg. cap. xiii. affirmans in Iure ciuili accipi quidem propriè posthumum pro eo , qui post humationem patris est natus , non tamen esse negandum , eum dici etiam posthumum , qui post conditum testamentum sit genitus , & suscepitus in lucem .

Accedat ultimo loco Ausenius poëta , superioribus illis auctoribus testimonio subscribens locupletissimo in epist. xvij. Supremum enim Aeneæ filium , hoc est postremo natum loco appellat hunc Siluium , quem videt à Virgilio posthumum dici .

Vt quondam in Alba moenibus

Supremus Aeneæ satus .

Colligamus igitur omnia, & statuamus, posthumum non semper esse qui post obitum patris est natus, sed interdum eum esse, qui ultimo gignitur loco. Quod si distinguere velimus utrumq. primum cum aspiratione, alterum sine aspirationis villa nota scribendum esse dicamus. Et quia apud Virgilium postuma proles est postrema, tollendam aspirationem esse contendemus.

Sed historia huic interpretationi repugnat: cum Seruius, aliquae apud Gellium dicant, Aenea iam mortuo, natum esse Silium. Itaque illa postumi notio, eum, qui postremo natus est loco, significans, Virgilium non vindicat reum. Vindicabitur omnino tamen si quod alibi diximus, hic repetamus: licere poëtae, cum præsertim historiæ variant, vel non ita vulgo sunt notæ, quicquid libet comminisci. Huinsmodi verò est hæc de Silvio narratio, tam ignota, tam ab hominum memoria remota, tam varia, & scriptorum discordantium opinione multiplex, ut dicat Liuius, aliquos tradidisse, eum, Ascanij filium, non Aeneæ fuisse.

LOCVS IX.

DE GEMINIS SOMNI PORTIS.

Quid vtraq. significet: & cur Aeneas, ac Sibylla dimissi ex eburnea sint.

*Sunt geminae somni portæ: quarum altera fertur
Cornea, qua veris facilis datur exitus umbris:
Altera candenit perfecta nitens elephanto.
Sed falsa ad caelum mittunt insomnia Manes.
His ubi tum natum Anchises, undeque Sibyllam
Prosequitur dictis, portaq. emittit eburna.*

Hoc poëtae figmentum, ex Odyss. ix. desumptum, expressumq. proponendum ad verbum, existimatum est ab antiquis doctrinæ, sapientiæque plenissimum, ut non immerito dixerit Eustathius, has somniorum portas attritas iam esse doctorum disputationibus hominum, & scriptorum eruditione sapientium. Earum quippe mentionem facit in Charmide Plato. Audi, inquit, somnum mecum, siue ex cornea, siue ex eburnea porta prodierit. Commemorat easdem Lucianus

nus his planè verbis. Illud quæso primum dicio, vt intelligam vtrum istud somnium ex eburnea, an ex cornea porta ad te peruerterit. Quin Julianus Cæsar nobilis ille religionis nostræ desertor, ac transfugum de somnio Callimachi loqueretur, quo admonitus est, vt poëma conscriberet, ait illud corneum fuisse somnium, non eburneum. Horatij verò illa ad hoc commentum poëtarum allusio est.

vigilans ne ploro.

Turpe commissum, an vitijs carentem?

Ludit imago.

Vana, quæ porta fugiens eburna

Somnium ducit? &c.

Constat ergo, prudentes, ac doctos viros existimasse, sub hoc inuolucro delitescere doctrinam, & sapientiam. sed quæ tandem, aut qualis illa sit ab ijsdem discere nos oportet Platonicis, qui figuramentum huiusmodi scriptis suis tam sâpe laudarunt. Et quoniam Aeneas, ac Sibylla ex eburnea porta regrediuntur ad superos, non ex cornea, id etiam querere necesse fuerit cur factum sit, ne quicquam in hac disceptatione, quam absolutam volumus, vlla ex parte desideretur. Portarum ergo symbolum, & fabulam totam Dîdymus sic interpretatur. Aiunt aliqui, inquit, & quidem recte, somnia caelestia cornibus comparari; quia cornua in sublime contendunt; terrena vero ēbore: quia elephantorum dentes obuertuntur in terram. quam interpretationem Eustathius quoque ita confirmat, ac probat. Comparant aliqui cælestia somnia, hoc est vera, quæ à Dijs immittuntur, cum cornibus: quia cornua sursum feruntur, caelumq. petere videntur; terrena cum ebore: quia dentes elephantî terram quodammodo despiciunt, ac vergunt in imum. Adiungit Eustathius ex Itali auctoritate, cornu, quod sursum euadit, significari animi nostri intelligentiam simplicem, excellamq.; ebore, quod deorsum inclinatur, eiusdem animi nostri vim sentientem, quæ nobis crassa, & cum ceteris communis animantibus est. Itaque somniâ, quæ porta exeunt eburnea, profici sci ait à terra, hoc est à terrenis sensibus; quæ è cornea, egrediuntur, ab hominis intelligentia manare, quæ celestis, atque diuina est. Illa esse falsa: quia inde prodeunt, vbi inconstantia, & deceptio est: hæc esse vera: quia profluunt ex eo fonte, qui veritatis est capax. ita philosophatur Eustathius. Cui respondens ex altera parte Pophyrius apud Macrobius in libro primo Somn. Scip. cap. iij. latet omne verum, inquit: hoc tamen anima cum ab officijs corporis somno eius paululum libera est, interdum aspicit, non numquam tendit aciem: nec tamen peruenit; & cum aspicit, tamen non libero, & perfecto lumine videt, sed interiecto, quod ne-

xus naturæ caligantis obducit. Atque hoc in natura esse idem Virgilius asserit, dicens.

*Aspice. namque omnem, quæ nunc obducta tueri
Mortales hebetat visus tibi, & humida circum
Caligat, nubem eripiam.*

Hoc velamen cum in quiete ad verum usque aciem introspectientis admittit, de cornu creditur: cuius ista natura est, ut tenuatum visui peruum sit. Cum autem à vero hebetat, ac repellit obtutum, ebur putatur: cuius corpus ita natura densatum est, ut ad quamvis extremitatem tenuitatis erasum nullo visu ad ulteriora tendente penetretur. Hane nobis ex eo loco doctrinam, & philosophiam extraxit Porphyrius, si minus veram, Platonicorum certè propriam, & eam, quam Virgilius toto poemate consecutatur.

Subiungi posset explanatio, quam excogitauit auctor sive Rhapsodus Adagiorum. Contendit enim, hoc geminarum portarum tigmento id declarari, quod proverbio dicitur: oculis magis habenda fides, quam auribus: quodque canitur ab Horatio.

*Segnus irritant animos demissa per aures,
Quam quæ sunt oculis subiecta fidelibus, & quæ
Ipse sibi tradit spectator.*

Eburna quippe, qua significari possunt ea, quæ per os exeunt ob dentium eburneum prope candorem, demonstrari putat id, quod audimus, esse sapenumero falsum: cornea, quæ videtur adumbrare id, quod cernimus oculis, ostendi credit, ea demum esse vera, quæ nos ipsi perspicimus.

Sed hæc istius interpretatio somnium esse mihi videtur ex ebore. Illi placent magis Platonici Philosophi, Porphyrius, & Eustathius: qui somniant sapientius; cum dicunt, cornu corpus esse nostrum, animæ velum; sed ita purgatum, atque detersum, ut obtutum, aciemque ad verum admittat: ebur idem animæ velum esse, corpus, sed minimè purgatum, & crassum adeo, ut illud traicere mens, ultraque peruidere non queat. somnia vera, ab intelligenti anima pestibus extensa corporeis, apprimèque purgata, tamquam ex porta cornea clara, atque pellucida fluere: falsa à sensibus corporeis, atque ab anima pestibus infecta terrenis, tamquam ex eburnea porta densa, & corporata proficiens. somnia vera, quia cœlestia sunt, & immissa diuinitus, similia cornibus esse, quæ sursum aguntur in cælum: falsa, quia terrena sunt, & à sensibus profecta corporeis, cum elephantorum dentibus comparari: qui sunt curui, atque in terram deueni.

Hæc

Hæc Platonicorum placita digniora esse video, quæ probeutur. quia Platonicus Virgilius est, vt copiosius docui in primo orationum volumine orat. viij. de Virgilij Allegoria.

Sequitur ut videamus, quid cause fuerit, cur Aeneam, ac Sibyllam ex eburnea porta dimiserit Anchises. Marcus Antonius Muretus in libr. variar. lection. cap. vij. suspicatus est, voluisse Virgilium significare, talem esse totam illam de Inferis narrationem, qualia essent somnia, quæ ex eburnea illa porta exire dixisset, hoc est falsam, & commentitiam: idque fecisse studio duætum imitationis Homericæ.


Antiquissimus poëtarum Homerus, inquit, ut teæta quadam, urbanitate significaret, quæcumque de Inferis ipse cecinisset, talia esse, qualia interdum mulierculis, ac puerulis ad focum sedentibus, aut fallendi, aut conciliandi somni gratia narrari solent; facit Vlysiem moneri à matre, ut quam primum superos repeatat, quæque apud Inferos vidit mente condita retineat, ut habeat quod vxori narrare possit: ut tantum non apertè dicere videatur, ea esse, quæ propè ignem debeant commemorari per iocum. Summus autem Homericarum virruttum aemulator Virgilius aliam rationem commentus est, qua idem obscurè, ac symbolicè indicaret. Nam cum duas hic quoque ex Homero portas fecisset, corneam vnam, qua vera; eburneam aliam, qua falsa somnia mitterentur; Aeneam, spectatis illis Inferorum portentis, porta eburnea egredientem fecit, ut sagacibus lectoribus suspicandum relinqueret, totam illam *τερατογίαν* talem esse, qualia somnia ex Inferis eadem porta exire dixisset. In hunc modum diuinat, & conjecturam facit de Sibylla, Aeneaque ex eburnea porta digressis Muretus. sed argutè magis, quam rectè sic disputat. Alienæ quippe sunt hæc ab officio poëtarum: qui quamquam falsa sæpe proponunt, non tamen ut falsa, sed tamquam credibilia proferunt. Non igitur in sua ipsius causa sic præuaricari Virgilium credendum est, ut dedita opera velit ostendere, falsa esse, quæ pro verisimilibus afferre debuit.

Prouocemus igitur iterum ad Platonicos: germanamque causam ab Homero repetamus. qui Nympharum illud antrum patet factum Vlyssi duabus peruium portis fecit: una, quæ ad Austrum, altera, quæ ad Boream conuersa esset. priore illa patere aditum, tantummodo Dijs affirmauit: posteriore mortalibus. Aiunt ergo Platonici Latinorum, hoc est Virgilij tutores boni, patronique prudentes, & Platonicæ disciplinæ periti, Homericis hisce geminas illas apud Virgilium somni portas esse similes, ac prorsus cum ijs geminas; corneam, qua veris datur exitus vmbbris, Deorum

esse, ac Matium, qui verè sunt umbra; eburneum esse mortalium, qui crasso, concretoque corpore adhuc impediuntur, quo minus egredi queant è cornu tenui, atque pellucido. Quare cum Aeneas, ac Sibylla nondum liberi corporibus, sed è numero mortalium, ac viuentium essent, non cornea, sed eburnea porta ex Inferis demum dimitti debuerunt.

Finis Libri Sexti.





LIBRI SEPTIMI AE NEI DOS

LOCVS PRIMVS.

DE CERVO VULNERATO.

An tanti belli causa hæc videatur idonea.

*Ceruus erat forma præstanti, & cornibus ingens:
Tyrrhidae pueri quem matris ab ubere raptum
Nutribant.*



A V D A T , & cum admiratione suspicit hoc inuentum prudentissimi poëta Casteluitrus , existimatq. nihil accommodatus fieri , aut fini potuisse : adeoq. reponi iubet inter ea epifodia , quæ probantur , & decora dicuntur ab Aristot. in poët. cap. xv. iisque prorsus opponi , quæ ab eodem Arist. illo loco reprehenduntur . Sed non animaduertit , quām acrem hic , iratumque Virgilio aduersarium habeamus . Nam Macrobi. in lib. v. cap. xvii. (nisi fortasse Gellius sit ; à quo ille pleraq. mutuatus , exposuit , venditauitq. pro suis) Macrobius , inquam , vulnus , & mortem cerui minus accommodatam inchoandi belli causam ratus , appellat hoc figmentum puerile : ingenijq. factum inopia dicit , vt vbi Virgilius Homeri ductum non habuit , defecerit , nec cursum tenuerit institutum . Ipsum audiamus . Quid Virgilio con-

tulerit Homerus, hinc maximè liquet ; quòd vbi rerum necessitas exegit à Marone dispositionem inchoandi belli , quam non habuit Homerus , laborauit ad nouum rei partum, ac ceruum fortuitò saucium fecit causam tumultus . Sed vbi vedit hoc leue , nimisq. puerile,dolorem auxit agrestium ; vt eorum impetus sufficeret ad bellum . Sed nec seruos Latini , maxime stabulum Regium curantes, atq. ideo quid fœderis cum Troianis Latinus icerit ex muneribus equorum, & currus iugalis non ignorantes , bellum generi Deorum oportebat inferre . Quid igitur ? Dearum maxima educitur è caelo, & maxima Furiarum adsciscitur è Tartaris . sparguntur angues velut in scena , parturientes furorem . Regina, non solum de penetralibus reuerentia matronalis educitur , sed per urbem medium cogitur facere discursus . Nec hoc contenta , siluas petit , accitis reliquis matribus in societatem furoris . bacchatur chorus quondam pudicus, & Orgia insana celebrantur . Quid plura ? maluissem Maronem, & in hac parte apud auctorem suum , vel apud quemlibet Græcorum alium, quod se queretur habuisse .

Ita Macrobius in Virgilium debacchatur , ipsa rerum genera perturbans, & occasionem inchoandi belli fortuitam, ac leuem cum eiusdem inferendi belli principe causa confundens . Rechè quippe Modicius ait, duo in hoc esse potissimum attendenda, & distinguenda ; meditandi, parandique belli causam , quam habuit Turnus haud leuem , & occasionem eiusdem inchoandi; quæ quidem occasio, vt in plerisq. bellis accedit, leuissima hic fuit , sed pro re nata maximè idonea . Si causam queramus meditandi, adornandiq. belli principem, inueniemus esse grauissimam; & eam, quæ cum excidij Troiani causa conferri queat; vt indicare Virgilius ipse videtur eo versu .

Causa mali tanti coniux iterum hospita Teucris.

Quid enim grauius, quād pactas à sponsis abducere, & regnum eripere dotale , quod iam in manibus esse videbatur? Hæc ergo fuit Turno comparandi, inferendiq. belli causa grauissima: riualis Rex , peregrinus prædo , Regni dotalis ereptio . Nam antequam vulneraretur ceruus, de Turno furente dicitur.

Ergo iter ad Regem , polluta pace Latinum

Indicit primis iuuenum ; & iubet arma parari :

Tutari Italiam; detrudere finibus hostem.

Se satis ambobus, Teucrisq. venire, Latinisq.

Hæc vbi dicta dedit, Diuosq. in vota vocavit,

Certatim se se Rutuli exhortantur in arma.

Quæ dum ita feruent, ecce tibi agitatus ab Ascanij canibus ille ceruus, vulneratur, occiditur . Itaq. non de ceruo , sed de Regno, de Italia, de sponsa contenditur . Atque ob hanc causam, non propter interitum

ritum cerui, illæ excitantur Tragoediæ, Furiæq. inducuntur, ac Dij, velut in scenam.

Sed quærenda tamen erat huiusce belli tam grauibus ex causis iam meditati occasio aliqua inchoandi prudens, & circumspecta, ne Latinus inconstans, iniquus, aut foedifragus videretur. Nulla profectò fingi potuit opportunior, verosimilior, & decoro magis seruiens, quam quæ à Virgilio in ea venatione fortuita fuit excogitata. Si enim dixisset, quod ab aliquibus est traditum historicis, belli principium ex eo natum, quod Troiani in eas expositi terras, illico prædas ex agris agere cœperint, occasio quidem fuisset amplior, sed quæ minus iustum Aeneam faceret, minimèq. pios Troianos; contra, quam alibi dictum fit.

Quæ ne monstra pij paterentur talia Troes.

Rex fuit Aeneas nobis, quo iustior alter

Nec pietate fuit, nec bello maior, & armis.

Multo igitur est id verosimilius, magisq. decoro consentaneum, & mortibus Troianorum, quos tam pios, & iustos facit; si dum Aeneas oppidi noui ponendis moenibus occupatur, Ascanius ad grauiora negotia nonandum idoneus, honesta, Regijsq. digna pueris venatione in agris, ac siluis exerceatur; si dum sic exercetur, cerui vestigij, & Furiæ stimulis excitati canes occasionem illam pariant, quæ meditato iam, & adornato bello principium faciat.

Neque vero est, cur aliquis dicat, Virgilium ipsum causam tanti belli veram, atque præcipuam proponere cerui plagam illam, & vulnus, Ascanij sagittis inflatum, disertè quippe pronunciat, incitatos fuisse odore cerui, ac furiali rabie instinctos canes:

Vt Ceruum ardentes agerent: quæ prima malorum

Causa fuit, &c.

Non, inquam, est cur aliquis putet ita Virgilium imprudentem esse, ut eam idoneam, ac principem totius belli causam existimarit. Cum enim primam dicit, non potissimam, summam, aut præcipuam intelligit causam, quæ Turnum impulerit ad arma, & Latinum in partes traxerit inuitum; sed occasionem primam, quæ Turnum iam impulsum, & excitatum, ad bellum maturius aggrediendum provocarit.

LOCVS III.

DE CATALOGO MILITVM ITALORVM.

An aliquid in eo frustrà ponatur.

Primus init bellum Tyrrhenis asper ab oris

Contemptor Diuum Mezentius, &c.

Quæstionem hanc nobis proponit Macrobius in lib.v. cap. xv. vbi contendit multa esse in hoc Catalogo superuacanea, adeoq. locum hunc arguit inanitatis. Vitium enim inanitatis tum deprehendi, ac esse dicitur in poëtis, cum aliqua ponuntur in poëmate ad nullam partem, ac rationem utilia. Hoc erratum autem idcirco affirmat in eo Ducum Italorum Catalogo se reperire, quòd numerentur oppidò multi, qui exinde nihil agunt, nec in reliquo totius operis decursu amplius commemorantur, qualis est Equiculus, Vmbro, Virbius, alij. Cum enim in huiusmodi Catalogis nobilissimi quique recenteantur, & principes, aliquid eos agere oportet; ne reliquo tempore otiosi fuisse videantur. Quæ si iusta est, & prudens accusatio, reprehendens etiam erit Apollonius Rhodius inter Græcos, inter Latinos Valerius Flaccus: in quorum Catalogis longè plurimi numerantur Heroës, & quidem principes, quorum nulla præterea res gestæ commemorantur. Sed, vt diximus alibi, hæc poëtarum exempla Virgilium vindicare non possunt, atque ideo quærenda nobis est alia ratio; quæ ostendat, nihil eum frustrà, inaniterq. dixisse. Igitur huic inanitati medicinam faciet Galenus idoneā; modò liber ille Galeni sit, quo iuvenes ad bene capeſſendas artes excitantur. Is, inquam, auctor, qui cunque sit, Homeri studiosissimus, permoleſtè fert nonnullorum audaciam, Homerum eo nomine accusantium, quòd in suo Catalogo Nirea verbosissimè describat, eiusq. pulcritudinem multis versibus ob oculos legentium ponat, Græcorumq. omnium formæ, dignitatique anteponat; quem tamen exinde non modò non inducit amplius, sed ne commemorat, aut nominat quidem. Hanc, inquam, ille reprehensionem iniquo tulit animo: excogitauitq. propterea defensionem longè pulcherriam, quam profectò aliqua ratione trahere possumus ad nos. Ait enim, illa commemoratione, & descriptione tā cura-

eurata hominis pulcherrimi, qui postea desierit in prælio apparere, voleuisse poëtam sapientissimum demonstrare, bello, rebusq. difficillimis transfigendis formosus homines, delicatos, & molles inutiles esse. Præstabit opinor ipsum audire Galenum. Non nisi semel, inquit, huius hominis mentionem facit Homerus hoc est in nauibus recensendis: quia declarare volebat, quām sint inutiles viri forma præstantissimi, quoties illis præter formam nihil adeat, quod ad usum vitæ conducat. Indicat hanc eandem Homeri tuendi rationem Demetrius Phalereus: & quod de pulcritudine futili, ac rebus agendis inutili dicunt, tractatur à Platone copiosè in Dialogo, qui inscribitur Protagoras. vbi de Alcibiade pulcherrimo adolescente multus est sermo. perstringitur item à Persio in satyra iv.

Quin tu igitur summa nequicquam pelle decorus

Ante diem blando caudam iactare popello

Desinis, Anticyras melior sorbere meracas?

Nos ergo Galeni ductum secuti, sic Macrobio respondeamus, Virgilium cum eos obliuione inuoluit, ac silentio, quorum in Catalogo recensuerat nomina, voluisse fortasse significare, homines illos inutiles fuisse; nec ullam belli partem pro dignitate tractasse. Ex hoc enim consequens est; non fuisse amplius commemorandos: cum ipsi recte, fortiterq. gerendis in prælio rebus suæ memoria, ac famæ non consuluisserint. Neque enim de rem tam obscura possumus alia ratione decernere, quām diuinando.

Finis Libri Septimi.





LIBRI OCTAVI AENEIDOS LOCVS PRIMVS.

*DE AENEA SUOS IN DISCRIMINE
deserente.*

An hoc illi fas fuerit.

*Sic memorat: geminasque legit de classe biremes,
Remigioque aptat: socios simul infruit armis, &c.*

BONI officium Imperatoris ab Aenea requirunt hic aliqui, cum vident, aggeribus, & vallo nuper excitato conclusos ab eo deserit socios, hoc est opportunos eorum iniuria relinqui, qui maximum exercitum, & ingentes è toto Latio contrahunt copias. Quid enim sine duce tam pauci faciant, contra quos, ut dicitur initio libri,

*omne tumultu
Coniurat trepido Latium: sauitq. iuuentus
Efferat: ductores primi Messapus, & Vfens,
Contemptorque Deum Mezentius undique cogunt
Auxilia?*

Quid, si repente adsit interea Turnus, & quod postea factum est, valida muros obsidione circumstitere, vallum reuellere, naues immisso corrumperet tentet incendio? quo se praefidio tuebuntur obseSSI? Ipse quidem discedens Aeneas neminem praeficit: sed satis habet intramimenta illa compellere suos eo cum imperio, ac lege, ne portis egredi,

egredi , neu cum hoste comminus , ac prope configere audeant .

Namque ita discedens praeceperat optimus armis

Aeneas ; si qua interea fortuna fuissest,

Neu struere auderent aciem , neu credere campo.

Castris modo , & tutos seruarent aggere muros .

Quid si aliquid grauius ipsi accidat Aeneas finitimarum adeunti gentium terras , atque ab ignotis populis auxilia flagitanti ? Quanto sane prudentius eo tempore sibi , suisque cauet Turnus , apud exercitum ipse subsistens in Regno , Venulum autem allegans ad Diomedem , ceterosque dimittens aliò nuncios , ad auxiliares copias colligendas .

Hanc profectò quæstionem hand facile profligabo , nisi huic similem ante proponam , & decidam aliam . Quærunt quippe qui de remilitari sedulò disputant ; an Imperatori , & copiarum Duci primario fas aliquando sit , ipso propemodum imperio , & gubernatione deferta , manus cum hoste conferere , hoc est mortis adire non dubiam aleam , & exercitum in discrimen , periculumque projicere . corpus enim spiritu vacans , & anima , exercitus est , Imperatore destitutus , ut apud Curtium legimus in lib . x . & quod egregie docet Seneca in lib . i . de Clementia , Imperator spiritus vitalis est , quem tot millia trahunt , vinculum est , per quod ipsa cohæret multitudo , nihil omnino futura , nisi onus , & præda , si mens illa imperij subtrahatur . Certenomen ipsum Imperatoris satis significat , vt docet Quintilianus , non exigerre manum ipsius : imperare quippe debet , & præcipere ; nec se mortis exponere periculo , hoc est , exitio totius exercitus , & Reipublicæ ; quemadmodum permulta multorum exempla declararunt . Abbreuiator Trogi Iustinus de Epaminonda hæc scripta reliquit . Post paucos deinde dies Epaminonda decepsit , cum quo vires quoque Reipub . ceciderunt . Nam sicuti telo si primam aciem perfregeris , reliquo ferro vim nocendi sustuleris , sic illo velut mucrone teli ablatu Duce Thebanorum , rei quoque publicæ vires hebetatae sunt : vt non tam illum amisisse , quam cum illo interiisse omnes viderentur .

De Scipione verò Liuius ita commemorat . Pugnanti , hortantiq . Imperatori , & offerenti se vbi plurimus labor erat , latus dextrum lancea traiicitur : cuneusque is hostium , qui in confertos circa Ducem impetum fecerat , vt examinem , labentemque ex equo Scipionem vidit , alacres gaudio cum clamore per totam aciem nunciantes discurrunt , Imperatorem Romanum cecidisse . Hæc peruagata statim vox , vt & hostes haud dubie pro victoribus , & Romani pro victis essent fecit . fuga confestim ex acie , Duce cæso , fieri cepta est . De Hannibale prudentissimo alioquin Imperatore scribit idem Liuius in hunc modum . Et verò Hannibal ipse dum murum incautus subit , aduersum femur tragula grauiter ictus , cecidit . tanta circa eum fugæ ,

fuga, & trepidatio fuit, vt non multum abesset, quin opera, ac vinea defererentur. Sed audiatur Polybius in lib. x. vir rei militaris, & artis Imperioriae scientissimus. Etenim Duce illæso, ac sospite, inquit, etiam si aliquando reliqua cuncta cadant, multas tamen occasiones fortuna suppeditat, quibus detrimenta ex calamitosis euentibus accepta sarciri possint. Sin autem ille, perinde ac in naui gubernator, ceciderit, etiam si reliquæ multititudini victoriam aduersus hostes largiatur, nihil tamen inde commodi prouenit; propterea quod omnis omnium spes à Ducibus pendet. His omnino similia præcipit Onofriander, Græcus auctor, in Strategico cap. xxxiiij. & ijsdem prope verbis. Nimirum quilibet è populo miles corporis robore strenue facere potest, inquit: mentis autem prudentia bene consulere haud alius facile queat. Nam quomodo si gubernator relicto gubernaculo, nauticis remigum operis se se immisceat, nauem in periculo esse contingit, ita si Imperator consilia suis dare negligens, ad militaria munera se transferat, rem vniuersam in maximum discrimen adducit.

Hæ causæ, rationesque videntur vincere, numquam omnino fas Imperatori esse manu pugnare, aut periculo vitam suam committere, & vincunt quidem, nisi necessitas aliud postulet. Incidunt enim interdum ea tempora, quibus nec retineri possit exercitus, nec parari victoria, nec Respublica conseruari nisi Dux in periculum se, discrimenque coniijciat. Itaque vt probanda sint omnia, quæ supra dicta iam sunt, nec Imperatori danda venia sit, vt militares suscipiat labores, & gregalium adeat pericula, est tamen hæc exceptio subiungenda; nisi exercitum plane periclitari, & rem publicam in extremum venisse discrimen animaduerterit. Tunc enim adesse periclitantibus, ac laborantibus debet, & nullū, non modo constantis Ducis, sed etiam fortissimi militis officium omittere. Ita nimirum Cæsar, nutante iam exercitu, atque in fugam conuerso, rapto fugientis è manu scuto, in primam volitans aciem, restituit illico prælium, quod est apud Florum in lib. iij. cap. x. & pulcherrime canitur à Lucano in lib. vij.

Ipse manu subicit gladios, ac tela ministrat:

Promouet ipse acies, impellit terga suorum,

Verbere conuersæ cessantes excitat hastæ.

Quapropter haud semper accusandus est temeritatis Alexander, quod periculosisima quæque, vt loquitur Iustinus in lib. xij. aggredetur, & vbi confertissimos hostes acerrime pugnare conspiceret, eò se immergeret, suaque non militum pericula esse vellet. Postulabat enim hoc interdum tempus, & necessitas, vt ab imperio ad militarem operam, labore, & que transiret, qui vitæ periculo vix vñquam vacat.

Ex hac

Ex hac ergo quæstione sic profligata decerni quoque de nostra facile potest. Idcirco enim reprehendi posse videtur Aeneas; quod cum deserit suos, & aliò proficiscitur, se, suoque tradat in discrimen. Itaque cum quærimus, an Aeneas fas fuerit, relictis castris, ad auxilia ab ignotis pétenda gentibus, in iter se periculosisimum dare, quærimus illud; an Imperatori, ac Duci liceat vñquam adire periculum vitæ, atque à suorum gubernatione discedere: adeoque sic possumus omnino respondere, quemadmodum supra de Duce, suo iudicio inter gregarios periclitante, & cum hoste manus conserente respondimus. Nam si deplorata quædam tempora sint, & ea, quibus alia ratione succurrere, ac prospicere non possit Imperator suis, nisi tantisper ab exercitu diuellatur, atque ad auxilia conquerienda ipso etiam cum vitæ periculo discedat, neminem ego futurum puto tam iniquum iudicem, qui non hanc illi non modo veniam det, sed abeundi quoque necessitatem imponat. Quæ profecto tempora quoniam Aeneas Imperator callidus animaduertit, non dubitauit aliquantisper à suis abesse, periculosem iter arripere, auxilium ab ignotissimis populis exposcere. Quem enim ipse ad tam difficile negotium allegaret? quis præter vnum Aeneam is erat, cui fidem haberent Principes, à quibus auxilium & copiae petebantur? His autem rerum difficultibus quia non adigebatur ad abeundum Turnus, cum notissimus esset finitimus ciuitatibus, & Italiae Regibus, satis habuit dimittere Vñlum, aliosque legatos ad auxilia contrahenda. Huc accedit, quod Aeneas admonitu Tyberini fluminis ad abeundum excitatur: quo minus dubitare debet de rerum euentu, magisque sperare, futuram sibi certam reuersionem in castra, suisque interea secundorum præsentiam Numinum adfuturam. Sic enim initio lib, viij. Tyberis eum alloquitur.

Haud incerta cano. nunc qua ratione quod instat

Expedias victor, paucis aduerte, docebo.

Arcades bis oris, genus à Pallante profectum,

Qui Regem Euandrum comites, qui signa secuti

Delegere locum, & posuere in montibus urbem

Pallantis proavi de nomine Pallanteum:

Hi bellum assidue ducunt cum gente Latina.

Hos castris adhibe socios, & foedera iunge.

Ipse ego te ripis, & recto flumine ducam.

Quod vero de illa dicitur Aeneas temeritate abeuntis è vestigio, nec vñlum exercitui, castelloque præficientis, falsum esse declarant ij versus in lib. ix. quibus Mnesticus, Serestusque in eam gratiam demandata præfectura planissimè significatur.

Hac super è vallo prospectant Troës, & armis

Alia

*Alta tenent : nec non trepidi formidine portas
Explorant, pontesque, & propugnacula iungunt.
Tela gerunt, instant Mnestheus, acerque Serestus.
Quos pater Aeneas, si quando aduersa vocarent,
Rectores iuuenum, & rerum dedit esse magistros.*

Cum igitur Aeneas eo temporum deprehendatur articulo, ut nisi discedat è castris, atque ipsem auxilia conquerat, suorum saluti consulere non possit, cum de discessu moneatur diuinitus, cum itineris sui ducem habeat Tyberim fluuium, cui numen incesse credebat; cum denique bonis illis ducibus administranda Reipublica eum demandarit, nullum prætermittit officium periti, probiq. Principis: nec plus reprehendendus videtur, quām reprehendi soleant Imperatores exercitus, qui se in rebus accisis, deploratisque relicto propemodum imperio, ad militaria conferunt officia, vitamque indiscrimen obijciunt. Et quoniam singula iudicio permittimus Aristotelis, consulendus est in Prolegomenis nostris Defens. v. quā huic loco præsidū suppeditabit ex circumstantijs, quas ille poëtarū assertor intuēri nos iubet, cum eorum patrocinium suscipimus. quod enim alioqui videtur imprudenter, & temere factum, ipsa vel loci, vel personæ, vel temporis ratio ab omni sēpe temeritate, atque imprudentia vindicat. Tempus autem ac locus, ut supra diximus, ita postulabat abitionem, & periculum Aeneæ, ut imprudentissimus habendus fuisse Imperator, nisi confessim excessisset è castris, seque itineri quantumuis ignoto, periculosoque commisisset.

LOCVS II.

DE TYBERI SILVISQUE MIRANTIBUS.

An liceat huiusmodi sensum rebus
inanimis dare.

Labitur uncta vadis abies, mirantur & unde:

Miratur nemus insuetum, fulgentia longe

Scuta virū fluuio, pictasque innare carinas.

Videtur poëta cum eum tribuit sensum rebus inanimis, ut dicere audeat eas latari, gestire, mirari; videtur, inquam, ea proponere, quā nemo credat, aut pro verisimilibus habeat. Quis enim credere possit,

possit, vndas, & nemora ex hospitum , armorum , nauium ipsarum nouitate in admirationem rapi , cum ea vis animi non cadat nisi in particeps rationis animantes ?

Sed meminisse nos oportet , poētas rerum omnium , de quibus ipsi cogitant, quedam efficere simulacra , vt ampliorem legentibus , audientibus , & spectantibus afferant admirationem . Itaque si quem inuidia tabescentem descripturi sunt , Inuidiam potius ipsam inducunt corporatam , & aspectabilem , quæ hominem vexet , quam dicant eundem inuidia laborare : non quod existiment eo modo meius se posse rem illam incredibilem persuadere legentibus , sed quod videant , ijs simulacris expungi commodius , ac magis ad viuum exprimi animi sententiam , opinionemque de re , quam tractant , singularem . Id videlicet etiam sequuntur , cum dicunt , lētari arbores , mirari campos , &c. Dicunt , inquam , id factum , quod fieri nequit , ad exprimendam magis , atque ob oculos ponendam illam opinionem , & imaginem rei , quam animo consignarunt . Hanc imaginem à poētis informatam animo nominant aliqui Grammatici poēticam phantasiam , in primisque Seruius , hunc explicans , quem habemus in manibus , locum . Miratus enim ipse , cur Virgilius silvas , fluiosque mirantes fecerit , hæc ad demendam nobis admirationem adiungit . Laus Trojanorum per phantasiam quandam ex vndarum , ac nemorum admiratione veniens . Placuit hoc idem phantasix nomen alteri Grammatico Laetantio , siue Lutatio , qui Statium commentarijs illustravit . Sic enim interpretatur eum versum Thebaidos .


Et noua clamoræ stupuere silentia valles .

Baccharum vocibus , inquit , clamoræ valles destitutæ , immolatarum pecudum mugitibus stupuere . Dicit poētica phantasia , omnem gem in illo loco immolatum . Hæc ibi Laetantius : perinde quasi dicit , stuporem vallibus tributum à Statio fuisse propter expressionem illam , quæ poētis est familiaris , dicique potest poētica phantasia .

Declararunt nimirum nobis hi Grammatici vnico phantasix nomine id , quod multis s̄aepē soliti sumus explicare , cum dicimus , poētas idola quedam rerum , & simulacra confingere animo : quæ vel inducunt instruta corporibus , vt cum loquentes Deos , aut homines faciunt , vel hyperbolicis quibusdam figuris , licenter exprimunt ; vt cum aliquid describunt , auf narrant , nulla prorsus inducta persona ; contra plane , quam faciant Oratores : qui ad molliendas audaciores quasdam dicendi formas , verbi cautionem addunt aliquam : nec parietes ipsos gestire dicunt , sed videri gestire , aut quodammodo gestire . Huius ratio discriminis petenda est à fine , quem proposuit poētis imitatio , quæ à delectatione , quemadmodum in cap . ij. ait Arist . nata est . Fit enim hinc , vt delectationem poēta sequatur , ex qua , & cum

cum qua ipsa nata poësis est . delectationem autem nihil est , quod pariat magis , quam admiratio . quod enim est admirabile , incundum est , inquit idem Arist. in cap. xxij. Et quoniam ampliorem habet admirationem ea phantasia , & simulacrum rei gestientis , superiectiōnibus , alijsq. verborum figuris expressum , quam animi sententia eadem de re exposita simpliciter , & cum vocabuli cautione prolatā , poëtæ non dubitant dicere ea latari , ac gestire , quæ verè latari , ac gestire non possunt . Ne ipsi quidem ex antiquissima memoria diuini Hebraorum vates , ac Lyrici poëtæ ab hoc dicendi genere abhoruerunt , Quid enim aliud est illud ; Montes exultastis sicut arietes , & colles fitcut agni ouium ?

Hoc unum extremo loco subiungendum , atque ad claudendam disputationem ponendum est ; licere poëtis , ea , quæ fieri non possunt , facta esse dicere , ut admirationem , delectationemque maiorem auctoritatem . quod decretum est , expositumque dilucide ab Aristot. in cap. xxij. his verbis . Si quæ fieri nequeunt configamus , rectè tum id factum habebit , si propterea artis finem assecuti simus . est autem eius finis , si hoc pacto magis admirabile est . Hanc ita dat poëtis Aristoteles veniam : quam nos in prima Defens. declarauimus initio . Quapropter omnis obstruetur aditus accusatoribus , si dicamus , Virgilium assequi multo maxime poëticæ finē , cum ait stupuisse silvas , & fluvium nouorum aduentum hospitum esse miratum , quia sensus ille tributus silvis , & fluuiio maxime admirabilis est . admiratio vero delectationem parit ; delectatio finis ipsi poëticæ propositus est . Dices tamen , quicquid ad delectationem poëta fingit , debere esse verosimile , ac credibile saltem vulgo . At hoc figmentum nemini est verosimile : cum omnes sciant , silvas , & fluuios admiratione affici non posse . Quid hic responderi debeat , indicaui iam suprà , cum dixi , ea quæ his hyperbolis singuntur , non fingi à poëtis tanquam verosimilia , & credibilia , quemadmodum singuntur ea , quæ narrantur , aut aguntur in fabula , & poëmatum synthesis ; sed proponi tanquam ea , quæ magis rem exprimunt , & enargiam habent . Non enim , cum dicunt fluuium admiratum esse , volunt id vulgo credi , sed intelligi , rem , de qua loquuntur , ita mirabilem fuisse , ut potuerit admirationem etiam asserre fluuiio , si ea vi , & sensu fuisse præditus . Contra vero cum dicebant , Harpyias esse locutas , volebant id vulgo credi : quia cernebant populum insana tunc imbutum superstitione , figmentis illis facile fidem habere .



LIBRINONI
AENEI D O S
LOC V S P R I M V S.

DE NAVIVM TROIANARVM
metamorphosi.

An supra fidem ficta videatur; & quibus exposita
calumnijs sit.

vos ite solutæ,
Ite Dea pelagi: genitrix iubet. & sua quæque
Continuo puppes abrumpunt vincula ripis:
Delphinumq. modo submersis æquore rostris
Ima petunt. Hinc virginæ (mirabile monstrum)
Reddunt se totidem facies, pontoq. feruntur,
Quot prius aerata steterant ad littora proræ.

NTIQVISSIMA est huius loci comprehensio, iam inde ab ijs inchoata temporibus, quibus Grammatici Virgilium terere manus, & commentarijs illustrare primò cœperunt. Sic enim scriptum reliquit Seruius, hos versus interpretans. Figmentum hoc, licet poëticum sit, tamen quia caret exemplo, notatur à Criticis.

Sed noui subinde Censores ita locum eundem exagitarunt, ut difficillimum nobis hoc patrocinium fecerint. Satis ego tamen habebo respondere. Castelhutro: qui omnium opinor Criticorum nomine

L Virgilium

Virgilium in ius vocat , & eam de integro antiquorum excitat accusationem, quam commemorat Seruius: sed tractat fortasse pluribus, ac magnificentius, quod ab ijs iejune perstrictum, & quam paucissimis indicatum erat . Non enim illi satis est dicere , non licuisse Virgilio eam fingere metamorphosim , cuius exemplum non extaret aliquod apud antiquos, sed profert præterea iustissimam accusationis causam ex Aristotele : rationesque colligit omnes , quæ ad hoc episodium expungendum videantur idoneæ .

Pugnat ergo primum Aristotelis auctoritate : qui cap. viij. poëtices affirmat , illud hominibus esse credibile , ac verosimile , quod sciunt aliquando factum fuisse, id incredibile, quod sciunt non esse factum . In Tragœdia , inquit Aristoteles , vera nomina retinentur . cuius rei ratio est , quia credibile illud est , quod fieri potest : quæ verò nondum facta fuisse scimus , fieri profectò posse, parum credimus . Quibus ex verbis demonstrare se putat Casteluitrus , hic errasse Virgilium : cum diuinitus id factum comminiscatur , quod factum fuisse numquam legitur in fabulis . Quis enim audiuist vñquam , arida ligna in Deas esse conuersas ? Saxa Deucalionis in homines , ebur in Pelopis humerum esse mutata , dicere quidem ausi sunt fabularum auctores : huiusmodi vero res inanimas diuinitate donatas esse , & in Deos conuersas , dicere non sunt ausi . Huic Aristotelis auctoritati aliquot præterea rationes adiungit ductas ab imprudentia poëta , res inter se pugnantes illo figmento coagmentantis . Nam primo quidem Iuppiter ipse Berecynthia respondens , petenti , ne naues illæ

cursu quassata ollo, neu turbine venti

Vincantur ,

planissimè , disertissimeque confirmat , eas se non posse sartas , tectasque in perpetuum præstare , aut impedire , quò minus mortali manu compositæ carinæ tempestatibus hauriantur , ac finem habeant .

O genitrix quò fata vocas ? aut quid petis istis ?

Mortaline manu factæ immortale carinæ

Fas habeant & certusq. incerta pericula lustret

Aeneas ? cui tanta Deo commissa potestas ?

Et tamen ille idem Iuppiter , qui hæc se præstare non posse profitetur , multo promittit ampliora , & ipsam lignis aridis , ac prope iam corruptis pollicetur diuinitatem .

Immo ubi defunctæ finem , portusq. tenebunt

Ausonios olim , quacumque euaserit undis ,

Dardanumque Ducem Laurentia vexerit arua ,

Mortalem eripiam formam , magnique iubeo

Aequoris esse Deas .

Quam ergo pugnant hæc inter se ! non posse naues , incolumes præstare ,

stare, aut vindicare ab interitu, posse tamen easdem Deas facere.

Secunda ratio contendit, figmentum hoc, & episodium esse frustra excogitatum, nec quicquam poëmatis constitutioni conferre: cum neque coagimentet, neque soluat synthesim, ac fabulam ipsam, nec aliud addat ijs momentum rebus, quæ tractantur in opere.

Tertia, dictorum, verborumque non ferendam repugnantiam demonstrat, hoc modo. Pollicetur Iuppiter, Deas marinas se facturum singulas omnino naues, quæ tempestatibus erectæ peruererint in Italiam, eoque Troianos importauerint, ut paulo ante vidimus. At aliquæ naues, certè vna, qua vectus est Aeneas ad Euandrum, quæque abest, dum à Turno incenduntur reliquæ, & diuinitus conuertuntur in Nymphas, non ea donatur diuinitate, quæ singulis omnino promittitur à Ioue.

Quarta ratio reprehendit nominatim translatum audax, & loquendi formam insolentem, quæ Parcas facit nentes, & succidentes nauium fila; perinde ac si naues illæ quædam essent animantes. Nemo quippe legit vñquam in antiquorum monumentis, Parcas aridorum lignorum, lapidumue nere, aut succidere vitam: & tamen dicere non dubitat Virgilius.

Ergo aderat promissa dies, & tempora Parcae

Debita complerant; cum Turni iniuria Matrem

Admonuit sacris ratibus depellere tædas.

Alia præterea sunt, quæ differit aduersus Virgilium Casteluitrus: sed prætermittere libet; quia non tantum videntur habere robur, ac vim, vt euerti facili negotio non queant. Iis autem, quæ proposita sunt, sic ego respondeo per partes, ac singillatim.

Aristoteles ait quidem eo loco, illa nobis incredibilia videri, quorum simile nihil factum accepimus: sed tradit etiam illud in cap. xxij. esse confugiendum ad famam, cum aliquid effingere volumus supra modum, rationemque communem; vt qui legunt, audiuntque figmentum incredibile, fidem saltem habeant famæ, quæ sic vulgaruerit. Hoc ergo cum probe nosset Virgilius, intelligeretque, metamorphosim illam nauium abhorrere à communi ratione, ac modo fingendi, aduocatis Musis, à quibus illud inauditæ rei miraculum fama vulgatum apud antiquos accipere ipse potuisset, reddit verosimile, quod alioqui fuisset incredibile.

Quis Deus, o Musæ, tam seuia incendia Teucris

Auertit? tantos ratibus quis depulit ignes?

Dicite. prisca fides facta, sed fama perennis.

Id quod etiam alijs facit in catalogis, multos enumeraturus, quorum nomina illi cognita esse non poterant, nisi ea accepisset à Musis, quarum, & instinctu canere, & familiaritate vti poëta credebantur.

Hinc enim siebat; ut crederent facile legentes; poëtam aliquid ab antiqua fama traditum scire beneficio Musarum, quod ceteri prorsus ignorarent.

Sed tamen singi non debuit, dicet aliquis, id fama tradi, atque à Musis dici, quod nè à Dijs quidem ipsis aliquando factum diceretur fuisse, aut fieri posse putaretur. quasi vero necesse sit, idem omnino factum esse, ut fieri posse credatur. Satis erat antiquis, id ex fabulis esse compertum, homines à Dijs fuisse sepe conuersos in arbores, arbores ipsas in homines; ut credibile putarent, ijsdem Dijs eam tributam esse facultatem, quæ Deas facere posset ex nauibus.

Atque hoc prorsus voluisse sibi crediderim Aristotelem in cap. illo viij. cum ait, ea esse incredibilia, quæ numquam facta fuisse scimus. puto, inquam, voluisse, id nos existimare fieri non posse, cuius aliquid genere saltem simile factum non sit. At multa huic nauium metamorphosi genere similia facta diuinitus existimasse veteres illos, & superstitiones homines, docent fabulae; quæ admirabiles, atque incredibilis quasdam celebrant mutationes lapidum, aliarumque rerum inanimarum in homines. Neque enim illi de Dijs suis opinionem ita restrictè parcèque consignarant animo, ut crederent eos non posse ex rebus inanimis Nymphas, ac Deas marinas facere, qui ex ijsdem nullo negotio facerent homines. nec tam excellentem Deorum, Dearumque suarum naturam esse intelligebant; ut plus putarent esse, Nymphas è lignis procreare, quam è lapidibus homines extrudere. facere quippe ex lapidibus hominem, & ex ijsdem facere Nympham, ac Deam, nobis quidem genere similia non sunt, qui rectè de diuinitate iudicamus, sed antiquis erant genere similia, qui opinione de Dijs informauerant animo crassas, & adipales.

Dicebat deinde hic Censor in prima illa sua, quam exposuimus, ratione, non constare sibi poëtam: cum canat, Iouem non posse nauis seruare, quas possit facere Deas. sed redigere sibi debet in mente, hoc etiam antiquos existimasse: fata supra Iouem esse; neque illum posse fata peruertere, aut immutare. Sunt Regibus serui, aiebat Philemon, Rex seruus est Deo, Deus necessitati. & Herodotus, præstitutam sortem ne Deo quidem fas esse, dixit, effugere. Quin Seneca ipse tam sapiens, in libello de prouiden. cap. v. huic antiquorum opinioni ita subscribit. Eadem necessitas, et Deos alligat: irruocabilis diuina pariter, atque humana cursus vehit. Ille ipse omnium conditor, ac rector scripsit quidem fata, sed sequitur. semper paret, semel iussit. Concinit Lucanus in libro secundo.

*Finxit in aeternum causas: qua cuncta coercent,
Se quoque lege tenens.
Cum ergo necesse haberet Iuppiter fatis parere; à quibus decretum
iam*

iam erat, ut naues illæ tandem aliquando perirent, non poterat eas ab interitu vindicare; quod vetabant fata; poterat tamen facere Deas, quod eadem fata patiebantur. Sed pugnant hæc inter se; Iouem condere fata, & eundem Iouem subesse fatis. pugnant, ut cetera superstitionis antiquæ dogmata: non tamen hinc sequitur, à Virgilio pugnantia fingi, qui suæ superstitioni congruentia, & consentanea dicit: sed tantum consequens est, antiquos locutos esse pugnantia de Dijs, quod & dandum, & clara voce profitendum est.

In secunda ratione contendebat, commentum illud esse superuacaneum: cum eius vi neque soluatur fabula, neque colligetur. Cui quidem criminationi (quoniam obijcitur idem) fatis credo, responderi posset, repetendis ijs, quæ de Atlantis illa descriptione diximus in lib. Aeneid. iv. cum præsertim hoc episodium non à verosimili modo, quod esset satis, verùm etiam ex necessario nasci videatur. Nam, quia diuinitus illæ naues tam sèpè fuerant in itinere ex tempestatisbus eruptæ, quia erant ex sacris illis Berecynthiæ trabibus contextæ, quia Aeneam iam, Troianosq. in littus exposuerant ab oraculis designatum, emeritis quasi stipendijs, præmium reposcere videbantur. Consentaneum ergo rationi erat, non sic eas perire, atque putrefcere, quemadmodum intereunt, & corrumpuntur ceteræ; sed laboris sui fructum aliquem capere diuinum, atque immortalem, illi similem, quem cepit Argo nauis: quam itinere à Dijs designato perfunctam fabulæ iam collocarant in coelo. In quo sanè Virgilius antiquorum, illa figmenta longè vincere videtur; cum non inter sidera referat, aut in sidera commutatas velit naues suas, quod iam visitatum erat, sed euentu admirabiliore faciat Deas, quod à nemine fuerat excogitatum. Esse quippè fingendum quod admirabilius est, diximus ex Aristotele supra. Confirmo itaque hoc episodium esse necessarium, & cum alijs apposite fabulam, ac constitutionem poëmatis illigare. Illud enim Aristoteli est episodium necessarium, quod maximè congruens, & consentaneum est, ut disputauimus in lib. iv. de Atlantis descriptione.

In tertia ratione requirit idem Censor numerum nauium, quæ conuertuntur in Nymphas. Non enim hic numerus videtur constare; cum absit Aeneas aliqua naui sine dubio vectus ad Euandrum. Sed liberabo illum ista suspicione diuinando quod aliter scire, ac cognoscere non possum. Sic enim animum induco meum; cùm nauem, quæ vexit Aeneam, rediisse in portum, atque vñā cum ceteris incendio corruptam fuisse. Aeneas enim ab Euandro digressus, in Etruriam terrestri perrexit itinere: reuertitq. demùm ad suos cum ea classe, quam ei Tyrrheni comparauerant. Ad hæc ea nauis, quæ vexit Aeneam, non ex Idæ trabibus Berecynthiæ sacris contexta fortasse fuerat, sed in Si-

cilia littore tunc fabricata , cum multæ sunt incensæ à Trojanis illis
feminis in furorem actis.

In quarta ratione audacem , insolentemq. loquendi formam irri-
det , vtque magis irridendam proponat , poëtæ calumniam imponit ,
singitque eum fecisse Parcas nentes nauium vitam , & ita locutum .

----- & debita Parcæ

Fila legunt :
cum ille multo sapientius dixerit .

Ergo aderat promissa dies , & debita Parcæ

Tempora complerant .

Parcam enim hoc loco appellavit eam necessitatem intereundi certo
quodam tempore , quam omnibus rebus credebant impositam .
Existimarunt enim veteres illi , omnia , quæ orirentur , siue animalia
essent , siue plantæ , aut etiam ædificia , & vrbes , non modò suum ha-
bere Genium , à quo regerentur , verum etiam sub fati , Parcarumque
esse potestate : quas idcirco multi dixerunt esse filias necessitatis .
Vouerunt adeo esse tres per tria tempora diuisas , vt hanc fabulam
interpretatur Aristoteles , siue auctor libri de Mundo : quarum vna-
res præteritas , altera venturas , tertia præsentes significaret ; earumq.
omnium euentum , ac finem certo tempore necessarium Parcam ap-
pellarunt . Id ergo sibi voluit Virgilius , cum dixit Parcas cōplesse tem-
pora debita nauibus ; aduenisse nimirum præstitutam à fato diem , quæ
illis aliquando tandem imponeret necessariò finem . Quare nulla sunt
fila , quæ ducant nauibus apud Virgilium Parcæ , sed compleat tem-
pus vnicuique rei etiam inanima circumscriptum . Quamquam enim
idem re ipsa videtur esse succidere tempus , ac succidere filum , ratio
tamen vna , & forma loquendi conuenit in animantes solum , altera-
cadit in omnia propter opinionem illam antiquorum .

L O C V S I I .

DE MELIORI PARTE DIEI .

Quænam sit : & quam in ea designanda Scriptorum
sententiae varient .

Nunc adeo quoniam melior pars acta dici ,

Quod supereft , leti , bene gestis corpora rebus ,

Procurate

Procurate viri: & pugnam sperate parati.

Quia Turni verba sunt hæc, nauibus incensis, exultantis, ac de vallo, murisque Trojanorum aggrediendis, rescindendisque, cogitantis, dubitarunt Grammatici quid sibi vellet cum diceret, præteritam iam esse meliorem partem diei.

Antequam de re quicquam statuamus, illud ex antiquorum usu repetimus quod maximè possit hunc locum illustrare: duplum apud eos fuisse diem, ut est apud Cell. lib. iij. cap. ij. vnum in horas, hoc est in partes diuisum æquales viginti quatuor; qui dies artificialis est: alterum, qui ortu, occasuq. solis continebatur, in horas & partes distributum duodecim, & quidem inæquales; qui dicitur naturalis. Necesse enim erat has partes duodecim nunc augeri, nunc minui singulas, pro lucis ipsa, intra quam continebantur, varietate. Harum ergo duodecim horarū diei naturalis, quæ hiberno tempore breuiores, æstiuo longiores erant, sex omnino toto anno negotijs transfigendis dabantur, & labori; aliax sex quieti, balneo, conuiuijs, procurationi corporis tribuebantur: id quod Martialis expressit in lib. iv. epigrammate illo nobili, & ab omnibus iam in hanc sententiam producto, semperq. producendo; quia rem digito designat in hunc modum.

Prima salutantes, atque altera continet hora;

Exercet rauco tertia causidicos.

In quintam varios extendit Roma labores:

Sexta quies lafis, septima finis erit.

Sufficit in nonam nitidis octaua palæstris.

Imperat extructos frangere nona toros.

Hora libellorum decima est Euphemè meorum,

Temperat ambrosias cum tua cura dapes.

Et bonus aetherio laxatur nectare Cæsar,

Ingentique tenet pocula parca manu.

Tunc admittit iocos. gressu timet ire licenti

Ad matutinum nostra Thalia Iouem.

Significatum est idem breuiter ab incerto poëta in epigrammatiis Græcorum, pulcherrimo sane disticho.

Εξ ὡραι μόχθοις ικανώτατοι. αἱ δὲ μετ' ἀντίσ.

Γράμματοι διανύμεναι, ζῆτι λέγουσι Εποτίς.

Quos versus Volaterranus haud omnino bene ita Latinos facere conatus est.

Sex horæ tantum rebus tribuuntur agendis.

Viueque post illas. littera Zetha monet.

Existimauit nimirum, nihil aliud auctorem sibi velle, nisi nos à sexta Græcorum littera ζῆτα, quæ septimum significat numerum, dictaq. videtur à ζῆτα, quod est viuere, admoneri, ut post horas sex negotijs,

curisq. tributas, viuamus, hoc est procuremus corpus, & otium, requietemq. capiamus. Id sanè verum aliqua ex parte est. Sed nec fideliter Græca vertit, nec satis assequitur poëta consilium, qui hoc monitum non vult nobis tradi tantum à littera *χηρα*, sed à sequentiibus etiam litteris, quibus aliae demonstrantur horæ: *αι δε μετάνοιας γένους διανοίας*. Itaque videtur auctor scripsisse distichon illud in horologium aliquod, ubi primæ sex horæ scriptæ sex Græcorum notis arithmeticis essent, *α β γ δ ε ζ*, aliax sex cōsequentibus ordine numeris; quorum primi quatuor sunt *γ θ ι*, quas litteras si componas, efficies *χηρα*, & viue significabis. Non ergo dicendum fuit, *χηρα* tantum nos admonere, ut viuamus, sed litteras etiam proximè consequentes. Reim adeo vidit melius, expressitq. fidelius sententiam Alciatus hoc modo.

In sextam labor usque horam. nam quæ inde notantur

Litterulis, vita commoda habere iubent.

Expressit inquam sententiam melius, sed tamen in verbis solutior esse voluit, ac licentior. *Quare viris doctissimis, & Græcae linguae scientissimis, cum sententiam, tum singula etiam verba placuit Latinè sic reddere.*

Sex horae sat sunt operis, quæ deinde sequuntur

Ordine, litterulis viue notant homini.

Quibus in hunc modum expositis, profero Adriani Turnebi primam interpretationem in Aduersi. lib. iij. cap. xiv. qui meliorem diei partem censet nihil aliud esse, nisi maiorem. Maior, inquit, pars è duodecim horis, septem primarum est: quæ cum exactæ sunt, maior, & melior pars acta est: sed multo magis cum exactæ sunt octo, vel nouem, vel decem horæ, ut cum aduerserat, quod tempus Turnus significauit: tamen exacta septima hora maior pars acta est, vel teste locupletissimo Iurisconsulto Paulo, qui ita scribit. Cuiusque diei maior pars est horarum septem primarum diei, non supremarum. Ita Turnebus hunc locum interpretatur, ratus, quod est, hic else sermonem de die illo, quem Romani diuiserant in partes duodecim. Itaque totam causam, cur ab hora septima, diei pars reliqua sit deterior, confert in vesperam, quæ appropinquat, appetitq. paulatim: perinde ac si dicat, illam esse meliorem diei partem, quæ est maior; illam deterioram, quæ reliqua est, & minor.

Altera interpretatio est Alciati Iurisconsulti. Qui explicat rem amplius, causamq. nobis locupletiorem demonstrat, cur reliqua diei pars deterior sit, præterita melior, siue diem illum horis constantem in equalibus, siue compositum ex paribus intelligere velis. Sic enim ipse Pauli Iurisconsulti locum eundem ex tit. de verbis signific. paulo ante productū explanat, ut significet, eum velle, partem diei reliquam esse deteriorē, quia minus accommodata rebus agendis est, siue il-

la ma-

la maior sit, siue minor . fieri quippe potest , vt si ex eo die , qui constat horis viginti quatuor, totum illud secernamus temporis spatium, quo sol terras illustrat , inueniamus esse diuisum in horas quindecim æquales è quatuor illis, & viginti . Tum verò contendit primas sex, aut septem horas esse maiorem partem, hoc est meliorem ; quia reliqua pars diei, quamquam maior est , est tamen deterior , nec rebus agendis tam opportuna . idque sibi voluisse ait Paulum Iurisconsultum , cum dixit . cuiusque diei maior pars est horarum septem primarum, non supremarum . Cum enim hunc Pauli locum protulisset, hæc adiunxit verba , quæ dilucide id , quod diximus , explicant . vt meritò sequens pars , inquit , licet longior, tamei minor à luriſconsulto existimata fit : quod vespere non ita vegeti , promptique , sicut mane sumus . & hanc poëta noster Virgilius meliorem vocat . Hesiodus quoque, qui maturius manè operetur , tertiam operis partem confidere ait . Qui ergo à meridie ad occasum opus faciet, dimidiam operam prestitis non dicitur , nec diurnæ mercedis dimidium meritò consequetur . Hactenus Alciat meliorem diei partem non tam maiorem intelligens , quam matutinam ; quæ melior esse videatur .

Tertiam interpretationem apud Nonium Marcellum inueni : quæ, quoniam & videtur acutior , & scriptoris est antiquissimi , erit procul dubio ceteris anteferenda . Censet ergo Marcellus in cap. i. de compendiosa doctrina, primam diei partem à Virgilio dictam esse meliorem , ex viuentium ætate animalium desumpta metaphora . Aetatis enim melior ea pars est , quæ posteriores antecedit , quæque nausta nomen est iuuentutis . In ea quippe vires non modo vigent, sed augentur , & crescunt : adeoque cum ceteris comparata partibus , quæ deteriores sunt, & melior , & optima dicitur ab eodem Virgilio.

Optima quæque dies miseris mortalibus agris

Prima fugit : subeunt morbi, tristisque senectus,

Et labor, & dura rapit inclemens mortis.

Meritò itaque posteriorem ætatem , quæ iuuentutem sequitur , idem Marcellus appellat malam . malam enim docet ab antiquis dictam esse senectutem, in primisque à Plauto in Amphitr. *An mala ætate vis male multari exemplis omnibus?* & à Turpilio Comico . *Miserum puto, si etiam istuc ad malam ætatem accessit mali:*

Cum ergo senectus ætas mala dicatur, iure iuuentus ipsa bona, siue melior dicetur ætas : & prior diei pars , quæ videtur quædam esse iuuentus lucis , melior dici debet , quæm partes eiusdem lucis posteriores . Operæ pretium est, ipsa Nonij Marcelli verba proferre . Bonam ætatem quoque dicimus adolescentiam, vel iuuentutem . inquit M. Tull. de senect. *Quod si ipsis voluptatibus bona ætas fruitur libenterius, primum paruulis fruitur rebus.* Nam prudentissime noster

Maro

Maro diei partes primas quasi eius ætatem puberem meliorem dixie
in lib. ix.

Nunc adeo melior quoniam pars acta diei.
Hæc eo loco Marcellus tradidit, quæ id maximè confirmare queunt, quod ab Alciato dicitur de matutinis horis multò magis accommodatis, opportunisque ad res agendas, quām pomeridianis, & vespertinis. Nam qui primas illas horas meliorem diei partem, & quasi diei iuuentutem appellat, demonstrat haud dubiè eam partem esse, quæ negotia quasi iuventus quædam acerrimè transfigat, reliquas consequētes esse eas, quæ à curis alienæ grauioribus sint, & tamquām otio quodam, ac senectute tabescant. Quod si miretur quispiam, nec facile credat, à Virgilio, qui tam verecundis vtitur metaphoris, diem dici iuuenem, aut senem; meminerit necesse est, ab eodem Virgilio diem tumulo etiam condi, componique sepultura cum occidit,

Ante diem clauso componet vesper Olympo.

Sæpe quippe apud Latinos componere est humare, ac sepelire. atq.
hanc sequutum opinor metaphoram Statium cum dixit in Theb. x.

Condiderant iam vota diem.

LOCVS III.

*AN VERA SINT QVAE DE PVERIS GELV.
duratis in Italia, commemorantur.*

Non hic Atridae, nec fandi fictor Vlysses.

Durum à Stirpe genus. natos ad flumina primum

Deferimus, saeuoque gelu duramus, & undis.

Ita Numanus ille; cui Remulo cognomen erat, in Troianos vallo circumseptos inuehitur: & quia falsa gloria videtur insolenter effiri, facit vt multorum pateat reprehensioni Virgilius. Dicunt enim, illum morem Germanis, sive Celtis, Spartanis, ac Liguribus fuisse proprium; qui filios primum natos, fluminibus, ac frigidis aquis durabant; non Italos, & ijs, qui degebant in Latio. De Liguribus commemorat hoc Poſſidonius, & Aristoteles, vt docet Petrus Victor. lib. xxxiv. var. cap. ij. De Spartanis Seneca in lib. Suasoriarum primo. Omnibus, inquit, sua decora sunt. Athenæ eloquentia inclytæ habebantur: Thebæ sacris, Sparta armis. Eurotas amnis hanc circumfluit; qui pueritiam indurat ad futuræ militiae patientiam.

Confirmat

Confirmat eadem de Spartanis Plutar. in Lycur. De Germanis scripsit hoc Galenus in lib. primo de valetudine tuenda, eum morem constantissimè reprehendens. Quis nostrum, inquit, pateretur puerum tum primum natum, & calidum adhuc ad fluvium deferri, ibique, quemadmodum fieri dicitur à Germanis, tamquam ferrum candens sic aquis demergi ad naturæ vim explorandam, corpusque reddendum robustius? Ita Galenus. Verum alij non hanc Germanis fuisse causam dicunt, cur demergerent infantes: sed quod explorare vellent coniugum fidem, & ex ea demersione discere, incorruptine, ac puri partus essent, an adulterini, & spuri. Scuto enim, statim ut nati essent, exceptos pueros imponebant in Rheno. quod si scutum cum infantulo fluitaret, nec mergeretur, illum pro vera, & germana sole habebant, ac educabant. sin autem absorberetur profundo, spuriū existimabant foetum, ac propterea, non tollebant, sed abripi fluctibus, ac mori sinebant in fluvio. id quod breuissimè perstrinxit Claudian. in Rufin. lib. ij.

Et quos nascentes explorat gurgite Rhenus.

Amplius quippe de tota re ignotus auctor in lib. primo Græcorum Epigrammatum luculentis explicavit versibus, quos fecerunt Latinos Ioannes Baptista Pius, & Ianus Parrhasius. Placet vtriusque interpretationem hic ponere, ac primo quidem Ioannis Baptista Pij.

Audaces rapido Celta noua pignora Rheno

Explorant. non bos genitrix prius ubere largo

Alma fouet, vitreas fluuij quam venit ad undas.

Lympha nouum capit alma genus: quod remigis instar

Vmbo regit, fluidique effulcit corpus alumni:

Et foetum sic unda probat, lectumque iugalem

Damat adulterij, fædo si decolor igne.

Post dubios genitrix casus memor Ilithiae

Ancipitis, fulcit gelidis in fluctibus ortum

Anxia despiciens cui mobilis annuat unda.

Ianus vero Parrhasius paulo aliter eosdem versus Latinè vertit, videaturq. totam epigrammati sententiam magis contrahere.

Audaces rapido dubios in gurgite partus

Explorant Celta, donec dijudicet unda.

Hæ numquam capiunt gentes noua pignora matrum,

Quam prius imponant clypeo. tum flumina monstrant

An genus obliquum fuerit. post mater ad undas

Egelidas tendit, natos visura recentes,

Et suspensa timet Censoris flumina Rheni.

Idem plane Celtarum institutum Julianus Cæsar Apostata in epist. ad Maximum indicat, explicatque ad hunc modum. Non est Rhenus iniquus

iniquus aduersus Celtas, demergens adulterinos partus, legitimos subleuans. ita enim repetit poenas violati tori. Merito itaque Nonnus in Dionysiacis Rhenum dixit ἐλεγχόντα iudicem, vindicemque coniugij. Hæc, inquam, omnia demonstrant, illam Celtarum consuetudinem, & perantiquum morem eò spectasse, vt exploraretur coniugum fides, non vt pueri durarentur frigidis aquis. Fieri tamen potuit, vt ea demersione sequerentur, & agerent verumq; hoc est, vt explorarent genuinos partus, & eosdem frigidis aquis durarent, redde-rentq; ad usum militia robustiores. Ut cumq; res fuerit de Germanis, aliarum profecto gentium istum morem fuisse contendunt proprium, non eorum de quibus loquitur tam gloriösè Numanus. ex quo sequi volunt, imprudenter, & supra quam poëtis liceat, mentitum esse in ea concione Virgilium. Respondent nonnulli, fas esse poëtis, aliquos certarum gentium mores ad eas nationes transferre, quæ illis moribus non videntur. idque factum dicunt à Statio: cum in lib. Silu. iv. Silu. v. non dubitauerit Hannibalem appellare Regem, qui Carthagine in libera ciuitate natus esset: vbi nullus creandorum Regum erat mos, sed Magistratum, & Præfectorum.

Mox Nasamoniaco decus admirabile Regi.
Sed quia Statius Regem dixit eum, qui regeret exercitum, more Latinorum, apud quos singuli Præfecti, Rectoresq;, immo etiam magistri, institutores, præceptoresq; dicuntur reges, vt est apud Horatium,

Actæ non alio rege pueriæ,
quia, inquam, in hanc sententiam Statius Hannibalem appellavit Regem, nec alium afferunt auctorem idoneum, qui doceat, ad alias gentes transferri posse nationum aliquos mores, & instituta propria, dixerim ego potius, Virgilium nihil esse commentum ex ingenio, sed tradidisse pro comperto quod obscurè, dubièque circumferebatur. Strabo quippè confirmat in lib. v. Romulum, ac Remum in Tyberim, fuisse projectos ex quadam eius regionis consuetudine perantiqua. Id ergo cum diceretur, & obscura fama vulgatum esset, satis Virgilio fuit, vt faceret ita gloriantem Numen, & caneret versibus, ijs temporibus tam antiquis solitos fuisse illos Italæ populos demergere, pueros, qui postea Romulum, & Remum expositos ex ea consuetudine in Tyberim proiecissent.

Itaque vt respondeam ijs, quæ principio posuerunt isti pro rebus exploratis, ac certis, nego gentium illarum ita fuisse proprium eum morem, vt à nullis præterea usurparetur. Nam de Thracibus docet eadem Valer. Flacc.

*vbi tam saeuo durauimus amne
Progeniem, natosq; rudes.
De Cantabris Strabo. Ait enim Cantabricas foeminas, cum primum
enbornat pepe-*

pepererūt, suo loco viros decumbere iubere, ipsasque met infantes abluere, atque inuoluere, ad alueum alicuius fluuij eos accinantes.

Ac erat profectō idonea causa, & ratio, cur Virgilius, famam illam quantumuis leuem, ac coniecturam fecutus, quam paulo ante indicauimus, diceret, Italos ita duriter educari. debuit enim effingere ferocissimos eos populos antequam molliori disciplina mansueti fuisse; & demonstrare, ab idonea profectos institutione esse, qui postea bellicosissimi, & habiti sunt, & fuerunt. Admonet quippe Aristoteles in vij.lib. Politicorum cap. 17. parentes, vt teneros adhuc filios perferendis frigoribus assuefiant; ne frigora ipsa corpus lēdant, aut aegrotationes, ac morbos afferant, cum incident: afferrent autem, si acciderent pueris noua. Quin ita vult etiam Theodosius Imperator informari, & educari Regios pueros, vt iubeat apud Claudianum,

*Frigora sœua pati, grauibus non cedere nimbis,
Aestuum tolerare iubar, transnare sonoras
Torrentum furias, ascensu vincere montes,
Planitem cursu, valles, & concava saltu.
Necnon in clypeo vigiles perducere noctes,
In galea potare niues, nunc spicula cornu
Tendere, nunc glandes Baleari spargere funda.*

At aliqui scriptores, Germanorum fuisse proprium dicunt eum mortem. Dicant ut libet. Ignorarunt videlicet, aliarum etiam fuisse gentium communem, de quibus ipsi nihil acceperant, sed acceperunt tandem aliquando alij, qui nobis sua monumenta reliquerunt.

L O C V S I V .

DE A Q V I L A E T C Y G N O .

Vter eorum in certamine vincatur.

*Quem Turnus pariter cursu, teloq. secutus
Increpat his victor. Nostrasne euadere demens
Sperasti te posse manus? simul arripit ipsum
Pendentem, & magna muri cum parte reuelliit.
Qualis ubi, aut leporem, aut candenti corpore cygnum
Sustulit alta petens pedibus Iouis armiger uncis.*

Compa-



Comparationem hanc improbarunt aliqui, Virgilium accusantes inficiæ: quod nimirum ignorauerit, aquilam à cygno in certamine vinci, non vincere: quemadmodum Aristoteles in lib. ix. histor. anim. docet. Cuius verba latinè sic reddidit Theodorus Gaza. Olores etiam planipedes sunt, & apud lacus, paludesque viuunt. aquilam, si pugnam ceperit, repugnantes vincunt. Et quoniam hæc reprehendi comparatio non potest, quin alia quoque reprehendatur in primo Aeneidos, damnant utramque; immo vero multo magis accusant illam, quæ est in primo: cum in ea non vnum faciat cygnum ab aquila victimum, sed profligatos multos, gregatim, confertimque agmine facto volantes.

*Aspice biffenos latantes agmine cygnos,
Aetheria quos lapsa plaga Iouis ales aperto
Turbabat calo, &c.*

Hæc enim comparatio omnem omnino defensioni aditum obstruit, quem patefacere videbatur ille multitudinis numerus, aquilæ repugnans, ut dicit Aristoteles. Potuisset enim aliquis respödere, Aristotalem non cygnum dicere, sed cygnos, hoc est multos, & gregatim collectos aquilam vincere, Virgilium autem cygnum vnum ab aquila superatum fingere. Potuisset, inquam, aliquis ita rem cludere. sed hoc cygnorum agmen ab aquila victimi intercludit effugium.

Duo tamen superesse mihi videntur ad defensionem accommodata præsidia. Primum est: si dicas, hoc in aliena esse peccatum arte, non in ipsa poëtica. erratur enim ex ignorantie naturalis historiae, & arumque rerum, quæ traduntur in physicis. Itaque peccatum est aduentitium, & accedens extrinsecus, quod poëtis ab Aristotele condonatur, ut alibi diximus, hoc est in Prolegom. Defens. i. Secundum: si confirmes, quod etiam supra docuimus, ex Arist. poëtas eligere debere potius quod falsum est, modò vulgo credibile sit, quam verum, quod eidem vulgo sit incredibile. At vulgo multo magis est verisimile, cygnum ab aquila vinci, quam aquilam à cygno. Omnes enim sic putant, & ita vulgo persuasum est: aquilam omnium esse Reginam avium, & dominatum in omnes accepisse, ut canit Horat.

*Qualem ministrum fulminis alitem,
Cui Rex Deorum regnum in aues vagas
Permisi, &c.*

Quam vulgi opinionem, & verisimilitudinem popularem, atque vendibilem eo magis anteponendam veritati putauit fortasse Virgilius, quod vidisset ab Euripide in Helena illud ipsum de aquila traditum: cygnos nimirum in fugam verti ab aquila ac superari. Ibi enim Iuppiter cygni speciem ementitus ad occupandam, & comprimendam Lædam, iubet Venerem aquilæ formam sumere, ac se ipsum, cygnum

cygnum iam factum insectari, ut per simulationem timoris in eius feminæ sinum conuolare possit.

L O C V S V.

DE INARIME.

An aliquid erratum sit in huius conformatio-
vocabuli.

Tum sonitu Prochyte alta tremit, durumque cubile

Inarime Iouis imperijs imposta Typhoeo.

Grammaticorum huc etiam impetus omnium est, eo nomine Virgilium oppugnantium, quod Græcæ lingue yim vel non probè tenuerit, vel hoc loco non considerarit. Putant enim hanc eum vocem [Inarimen] ab Homeri catalogo mutuatum, vbi dicitur Typhoeus esse sepultus in Arimis, hoc est, apud populos Arimos. versus eius sic legitur.

Elvætius idem quæto nomen est nevae & vac.

Et quoniam alij quoque poëtæ Virgilium fortasse fecuti, Inarimem scribere, ac dicere non dubitarunt, inuoluuntur in hac reprehensione cum principe. Reprehendunt itaque Valerium Flaccum, quod dixerit.

Vt magis Inarime, magis ut mugitor anhelat:

Silium Italicum, quod canere sit ausus in lib. viii.

Non Prochyte, non ardenter sortita Typhoea

Inarime, &c.

Accusationis caput, ac summa illa est; quod non viderit eam vocem apud Homierum non esse compositam, sed Arimos illos populos Ioun præpositioni fuisse appositos, qui loco *ἐν* dicunt *ἐν*; adeoque ibi significari, Typhœum sepultum fuisse *ἐν Αρίμοις*, in Arimis, hoc est in ea regione, vbi populi sunt *ἀρίμοις*: qui dicti videntur esse à Strabone in lib. xvi. etiam Arimæi. Eos inquit, appellat poëta Arimos, quos Possidonius ait esse accipiendo non in loco vlo Syriæ, vel Ciliciæ, vel alterius terræ, sed Syriam ipsā. Nam Arimæi sunt qui cā habitant. Et fortasse Græci eos Arimæos, vel Arimos appellabant. nominum enim mutationes permulta sunt. Ita rem explicat Strabo, & Home- rum ipsum interpretatur. Quod si verum est, frustra Plin. in lib. xxvij.

cap. x. ait Inarimen ab ipsomet nominatam Homero : cum præsertim in omnibus omnino codicibus , & apud Eustathium etiam, ac Stephanum scriptum sit εν αἰγαίοις . Tria sunt ergo , vt colligamus omnia, quæ Virgilius, vt isti contendunt, minimè vidit : populos illos Arimos fuisse, non Inarimos ; eosdem populos in Syria , vel Cilicia positos , non prope Prochytam , quæ in mari Tyrrheno est : Typhoeum denique non prope eandem Prochytam , sed in Syria sepultum fuisse .

Sed omnia cum vidisse , ac nihil in eo peccasse facile intelligemus, si teneamus Aristotelis defensionem vi. in cap. xxij. ab eo propositam, expositamque à nobis in præcedentio . Ibi enim diligenter animaduertere nos iubet Aristot. an vocabulum , quod reprehenditur, simile sit vocabulo alicuius alterius linguae. sit enim sæpe, vt apud varias gentes eiusdem omnino vocis varia notio sit . Atque ideo monet, vt videamus , ne fallatur animus similitudine vocabuli . Id , inquam , si hoc attendamus loco, vacare Virgilium omni culpa comperiemus . Non enim ille populos Syriae Arimos , aut regionem , ac terram , quam incolunt Arimi Græca lingua designat, cum Inarimen dicit, sed Latina, & sua commemorat Insulam Pythecusam, sive Aenariam, quæ dicitur etiam Ischia , sitam è regione sinus Puteolani . Inarime vero hæc insula appellata latine est ab Arimis, sive hominibus sive belluis . Arimi enim Etruscorum lingua dicebantur olim simiæ , quas Græci Pythecos nominant . Accepimus verò Pythecusæ nomen huic Insulae postea factum esse , propter simias , vel propter homines simijs similes, à quibus ea Insula teneri credebatur . Causam ex fabulosa narratione tradunt Harpocration , Xenagoras , & Suidas : affirmantes , à Ioue propter immania scelera quosdam homines , qui Cercopes dicebantur à Græcis, hoc est impostores, fuisse commutatos in simias: Insulasque , quas habitarent, dictas esse Pythecusas . Quin Ouidius in lib. metam. xiv. nominatim id accidisse canit prope Prochytam, in Insula Aenaria , quam item Inarimen dicit , vel in aliquo eius Insulae colle ; ubi scopuli essent, qui dicerentur Pythecusæ .

Inarimen , Prochytamque legit, viridique locatas
Colle Pythecusas, habitantum nomine dictas .

Quippe Deum genitor fraudem, & periuria quondam

Genoopum exosus, gentisque admissa dolosæ,

In deforme viros animal mutauit, vt ipsis,

Dissimiles homini possent, similesque videri .

Non igitur vila poëta fuit inconsiderantia, vel ignoratio Græca lingue, quæ iunctis vocibus Inarimen conflauerit : sed summa prudētia, atque cognitio latine, quæ sciebat, antiquos eam Insulam appellasse Inarimen ; non quidem à populis illis Syriae , sed à simijs . Iniquissimum

quissimum verò est illo accusari nomine, quòd quæ latinè tantummodo dicas, ea è Græcis fontibus male, ac perperam corriuaueris.

Vnum superest, quod de sepulcro Typhoei obijciebatur. Sed hoc etiam accusationis caput amputabit Aristoteles. qui, quemadmodum diximus in proœm. Defens. vlt. dat poëtis veniam, ut à vulgari discedant interdum opinione, & alicuius prudentis hominis, paucorumque sententiam eligant, ac sequantur. Scimus verò, non omnes omnino scriptores in Syria vel Cilicia sepultum velle Typhoeum: sed esse aliquos, qui in hac Pythecusa, de qua loquimur, humatum dicant. qualis est Apollonij interpres in lib. ij. Argonaut. laudatque testem, & auctorem Pherecidem, quem disertè ait tradidisse, Pythecusam insulam iniectam fuisse, impositamque Typhoeo.

L O C V S VI.

D E T Y B E R I F L A V O

An hoc adiunctum, in fluuium illum nobilem rectè conueniat.

*Tum demum præceps saltu se se omnibus armis
In fluuium dedit. ille suo cum gurgite flauo
Acceptit venientem, ac mollibus extulit undis.*

Turnus est, qui molli Tyberis alueo sic exceptus, quærendi nobis imponit curam, an rectè Tyberis dicatur à Virgilio flauus. Dubitandi causæ sunt duæ. Prima, quia cæruleus alibi dicitur ab eodem, Virg. in lib. viij.

*Ego sum pleno quem flumine cernis
Stringentem ripas, & pinguia culta secantem,
Cæruleus Tybris, calo gratissimus amnis.*

Altera, quia Tyberis aquæ albæ verius sunt, quam flauæ, aut ceruleæ. Idcirco enim antequam hic fluuius Tyberis nomen accepisset à Tybris Albanorum Rege ibi demerso, appellabatur ab antiquis Albula. id quod apud Virgilium ipsum in lib. item viij. ita testatur Euander.

*Tum Reges, asperque immani corpore Tybris,
A quo post Itali fluuiam cognomine Tybrim
Diximus; amisit verum vetus Albula nomen,*

Hanc ego controversiam breuissime componam Hesychio præunte.

quem video docere ; ξανθὸν apud Græcos esse quidem id quod flauum latinè dicimus, sed tamen interdum epitheton esse pulcritudinis : ita prorsus, ut quem pulcrum, ac formosum dicere volunt, eum nominent sæpe ξανθὸν. Id vero vsu venit ex vi synecdoches. cui ea facultas, ac venia est, ut speciem sæpenumero substituat generi. Hinc enim fit, ut quia color ille flauus species quadam est pulcritudinis, possimus eos, quos pulcros vniuersè dicere volumus, appellare flauos. Hac ergo licentia, figuraque visus Virgilius, cum pulcrum hic dicere vellet Tyberim, quem in lib. viij. pulcherrimum dixerat, his verbis,

----- *quocumque solo pulcherrimus exis,*
flauum appellavit : & quidem haud minus bene, atque appositè, quam Horatius, ode illa celeberrima cecinerit.

Vidimus flauum Tyberim.

Nec aliud profectò spectasse Catullum, aut sibi voluisse suspicor, cum Mellam Galliæ Cisalpinæ fluuium colore minime flauo præditum, flauum tamen nominauit in epigrammate ad Ianuam, nisi ut intelligeremus pulcrum vniuersè pro flauo.

Flauus quam molli percurrit flumine Mella.

Brixia Verona mater amata mea.

Nullus enim est è scriptoribus antiquis, aut ex ijs, qui Mellam viderint, qui dicat eum fluuium esse flauum.

Eiusdem vsu figura video præterea nonnumquam à poëtis res eximiè, insigniteque pulcras dici purpureas. purpureum enim, quia species alia quadam est rerum pulclarum, poni pro genere potest, quod factum à Virgilio videmus in primo Aeneid. vbi dicitur.

----- *Lumenque iuuentæ*

Purpureum.

Et alibi.

----- *& lumine vestit*

Purpureo.

----- *Pro purpureo pœnas dat Scylla capillo.*

In mare purpureum violentior influit amnis.

Quæ omnia epitheta pulcrum vbique significare docet Seruius & Nicol. Erythræus in Indice. Quin apud Cell.lib. xvij. cap. xj. Furij veteris poëtæ versus sunt, in quibus euri dicuntur purpurare mare, hoc est facere, ut nitescat, & pulcrum sit, vel facere nitescere ; quemadmodum ipse confirmat Cell. Furiana hæc sunt, inquit : quod terram in lutum versam lutescere dixerit, & tenebras in noctis modum factas, noctescere ; & pristinas recuperare vires, virescere : & quod ventus mare cœruleum crispicans nitescere facit, purpurat dixerit ; & opulentum fieri opulescere. Versus autem ipsos ex poëmatis Furianis, in quibus hæc verba sunt, subdidi.

Sanguine

*Sanguine diluitur tellus, caua terra lutescit.
Omnia noctescunt tenebris caliginis atræ.
Increscunt animi, virescit vulnere virtus.
Sicut fulica leuis volitat super æquora classis,
Spiritus eurorum virides cum purpurat undas;
Quo magis in patrijs possint opulescere campis.*

Ipse etiam Columella, vt opinor, pulcritudinem commendat in viola, cum eius colorem describit purpureum. quam enim pallentem dicit, eandem purpuream nominat,

*Tum quæ pallet humi, quæ frondes purpurat auro
Ponetur viola.*

Eadem eidem verbo sententia est, sed alia, hoc est, visitata grammatica lex apud Tull. in Acad. Quid mare, inquit, non ne cœruleum, aut eius vnda, cum est pulsa remis, purpurascit?

Quod si hac testimonia non omnino probantur omnibus, vnum est apud Horat. cui refragari nemo possit in od. j. lib. car. iv. Appellat enim olores, ac cygnos purpureos, hoc est pulcros, ita Venerem aliquens, quæ cygnis vehitur, & oloribus albis ad currum adiunctis.

*Tempestiuus in domo
Pauli purpureis ales oloribus
Comeſſabere Maximi.*

Neque enim alia potest esse idonea causa, cur aues ita candidæ dicantur purpureæ, nisi quia pulcræ sunt. Dictos quidem ibi olores purpureos ob rostra, vel crura purpurea, alijsue de causis, putarunt aliqui: sed quod diximus placet multo magis viris doctis. Maneat ergo, Tyberim flauum esse Tyberim pulcruum.

Supereft vt videamus cur cœruleus etiam dictus sit, quando de hoc etiam adiuncto incidit non modo mentio, sed etiam quæſtio. Seruius eo loco, cœruleum, altum, ac profundum interpretatur. Causam eius interpretationis ipse non aperit, nec ego possum facile diuinare. An quia quemadmodum cœlum, à quo cœruleum dicitur, est altum a nobis, excelsumque, sic Tyberis altus est, atque profundus? Mirum hoc mihi videtur: nec in animum inducere possum, tam altè, longeque, repetere illud adiunctum voluisse Virgilium. An quia cœruleum nigro videtur esse finitimum, significabitque propterea poëta, esse Tyberim altum, quemadmodum apud Homerum fluctus niger, altus est fluctus, ac mare profundum? Hoc verò multo magis mirum esset in Tyberi, qui numquam, vt mare, tempestatibus nigrescit, aut fluctibus concitatur.

Existimo itaque cœruleum Tyberim eo loco dici ab accersito, aduentitioque colore, qui fluuijs accidit ex aëris luce varia, & ex imponentibus, atque inumbrantibus circa frondibus arborum. Duo

quippe singulis fluminibus colores sunt: alter insitus, ac nativus: alter extrinsecus accidens ab aëris luce, ab arundinibus, ac virgultis imminentibus. Prior ille varius est pro locorum, alueorumque varietate. posterior est semper cæruleus. Dicit me in hanc coniecturam Cornelius Fronto Grammaticus, qui cærulum, ac cæruleum hoc inter se differre docet, quod cærulus naturæ color sit, hoc est insitus, & rebus naturalis, cæruleus naturam fingens, hoc est accersitus, atque aduentius aliunde; qualis omnino hic est Tyberinus apud Virgiliū, de quo disputamus. Itaque tametsi natura, & insito colore albus est, dici tamen ab accersito, atq. aduentio, cæruleus potest.

Finis Libri Noni.





LIBRI DECIMI AENEI DOS

LOCVS PRIMVS.

DE ALTERO CATALOGO

An Etruriæ, Italiæque loca ordine perturbato recensere
Virgilio licuerit.

Aeneia puppis

Prima tenet rostro Phrygios subiuncta leones :

Imminet Ida super, &c.

Massicus ærata princeps fecat æquora Tigri, &c.



N Q V I R I T amplius in hunc catalogum, idem ille Macrobius, qui alterum exagitauit in septimo. Ait ergo longe à magistro suo discessisse Virgilium in hac nauium, & ducum serie contexenda. Homerus enim cum seriem texit, inquit, prætermisssis Athenis, à Lacedæmonijs, atque à Mycenis ipsis, vnde rector exercitus originem ducebat, initium fecit. inde progrediens, modò mediterranea, modò maritima iuncta describit. hinc rursus ad utrumque sicutum cohærentium locorum describendum accedit: nec ullo faltu cohærentiam regionum in libro suo hiare permittit. Contra Virgilius, nullum in commemorandis regionibus ordinem seruat, sed locorum seriem saltibus lacerat. Adducit primum Clusio, & Cosis Massicum: Ab his hunc sequitur manus Populoniae, Ilvaeque comitatus. post hos Asylum misere Pisæ: quæ in quam longinqua sint Etruriæ parte notius est, quam ut adiotantur.

dum sit. Inde mox redit Cerete, & Pyrgos, & Grauicas. Hinc rapit illum Cygnus ad Liguriam, Ocnus Mantuam. Sed nec in catalogo auxiliorum Turni, si velis situm locorum mente percurrere, inuenies illum continentiam locorum secutum. Haec tenus Macrobius. Reprehendit in summa poëtam ideo, & in eo peccasse contendit, quod regiones non percensuerit ordine, sed perturbatè, atque confusè.

Verum hoc nullum omnino peccatum est: quia locorum ordinem, ac seriem in enumerationibus sequi poëtam non est necesse; cum is ordo ab ipsis etiam historicis negligatur. Nam Thucydides historicorum optimus in lib. iij. aggressus scribere de Mitylenæis, antequam narrationem illam absolveret, ad Lacedæmonios diuertitur: quorum rebus gestis non dum ad finem narrando perductis, Plateenium obsidionem commémorat; eamque mox inchoaram relinquens, Mitylenensis iterum belli mentionem inculcat: deinde Corcyrae seditionem arripit: quam ne perficit quidem, sed statim de Atheniensium priore in Siciliam expeditione paucissima narrat. Tum eoruadem Atheniensium in Peloponnesum nauigationem, & Lacedæmoniorum aduersus Dorientes bellum complexus, in ea transitum repente facit, quæ ad Leucadem à Demosthene duce gesta sunt. Inde in Aetoliam, ac post Naupactum abit: quarum gentium prælijs non dum prorsus absolutis, Siciliam rursus attingit. Ad extremum quemadmodum Delus expietur exponit, Argiostque, & Amphilochicos ab Ambraciotis oppugnatos relinquit. Sed dices, hanc Thucydidis narrationem in tam multas concisam partes reprehendi à Dionysio Halicarnassensi in Iudicio de Thucydide. Respondeo, à Dionysio non reprehendi locorum ordinem peruersum, confusumque, sed ordinem temporis, quem sequi maluerit Thucydides, quam ipsam seriem, ordinemque rerum gestarum: quo factum sit, ut necesse fuerit loca confundere, & peruerso numerare ordine, dum singula exponenda bella sunt, quæ eodem anno vel anni parte eadem varijs locis exoriuntur. Sic enim eam reprehensionem exorditur Halicarnassus. Cumque nouam quandam, neque ab alijs tritam inire voluissest viam, in æstatem, & hyemes historiam partitus est. Contendit postea, melius eum consulturum fuisse narrationi suæ, si rerum secutus seriem fuissest: sed de locorum perturbatione loquitur nihil. Quin loca ipsa perturbato enumerare ordine necesse fuissest, etiamsi rerum seriem secutus esset. nascitur enim sèpissimè aliud ex alio bellum diuersis in locis, quae necesse est ab historico commemorari, non commemorative intermedij, dum ipse sequitur rerum seriem inter se connexarum, & reliqua repudiat, quae seriem illam continuare non possunt.

LOCUS III.

*AN VIRGILIVS PLVRES,
pugnantesq. secutus opiniones sit de mortalium obitu fa-
tali: & an ei sequi licuerit.*

*Stat sua cuique dies: breue, & irreparabile tempus
Omnibus est vita.*

Huius loci sententia videtur pugnare cum ea, quam exposuit in libro quarto moritura Dido, in Aeneam accensa.

Sed cadat ante diem, mediaq. inhumatus arena .

& cum ea, quam ipsem ex primit poëta in fine libri eiusdem iv. cum de Didone loquitur vulnerata iam, & cum morte luctante.

Nam quia nec fato, merita nec morte peribat,

*Non dum illi flauum Proserpina vertice crinem
Abstulerat.*

Nam quæ magis esse inter se pugnantia possunt, quam hæc: vnicuiq. mortis diem à fato esse præstitutam, & tamen aliquem posse mori ante præstitutam à fato diem?

Exploratissimum est, fuisse varias ea de re sectarum opiniones, cum alij fatalem moriendi necessitatem ita crederent nobis ad certam diem, atque horam impositam, ut viuendi spatia nullo modo contrahi posse putarent, dicerentq. neminem omnino mori ante diem illum, quem fata designassent, & vitæ terminum esse voluissent: alij contra existimarent, illud vitæ tempus, quod vnicuiq. dedissent fata, posse contrahi, & succidi ferro, aut alio genere interitus fortuiti: ut disputat Gell. in lib. xiiij. cap. j. illa Mar. Tullij verba perpendens ex Philippicis. Sed & si quid mihi humanitus accidisset, (multa autem impendere videntur præter naturam etiam, præterq. fatum) huius diei vocem testem Reip. relinquerem. Quo loco demonstrat præterea Gell. hanc opinionem aliorum quoque fuisse, Homerij præsertim, atque Demosthenis. Hoc, inquam, exploratum est; varias in hoc genere fuisse opiniones antiquorum, quæ sectas diuiderent sapientium in partes duas.

Sed compertum illud etiam esse debet; Virgilium secutum esse, ac probasse opiniones hasce varias duas in varijs sanè locis operis sui. Hic enim moriendi diem vult esse certum, & eum, qui mutari vlo ca-

su , vllaue ratione non possit: in lib. iv. eundem diem anticipari posse confirmat , & genere aliquo interitus violenti contrahi spatum illud viuendi , quod fata decreuerunt . Sic enim eum Virgilij locum interpretatur Aulus Gell. qui cum verba illa Ciceronis explicasset, de Virgilio hæc adiunxit . Illud tamen non prætermittendum est, quod Virgilius quoque id ipsum, quod Cicero, de fato opinatus est: cum hoc in quarto libro dixit de Elifa ; quæ mortem per vim potita est .

Nam quia nec fato,merita nec morte peribat.

tamquam in faciendo fine vitæ, quæ violenta sunt non videantur è fato venire. Ita, inquam, Virgilij sententiam nobis explicat Aulus Gellius: quam planius fortasse demōstrat Seruius ex illo eiusdem lib. iv. versu.

Sed misera ante diem,&c.

Haec enim interpretatus verba : non est contrarium , inquit , quod dixit in decimo .

Stat sua cuique dies.

nam , vt sèpè diximus , secundum sectas loquitur : & hoc secundum alios dictum est .

Cum igitur hæc explorata, & certa sint, videndum est an liceat poëtis in eodem opere varias, easdemq. inter se pugnantes opiniones sequi. Si Seruium audimus , fine dubio licet . sed præstat huic Grammatico grauissimos etiam philosophos , ipsuinq. Homerum subscribentes adiungere. Galenus enim in lib. iij. de placitis, vbi Platonis, atque Hippocratis perpendit , comparatq. sententias , ad rem nostram accommodatissimè sanè sic loquitur . In hoc vero Chrysippi magnanimitatem admiror: quippe qui nobiscum nimis liberaliter agat. Perinde, inquam, vt causa postulat, satis mirari non possum. hominis enim erat , qui tot poëtas perlegisset , nosceretque ab ijs omnia decreta , alia alijs versibus introduci (id quod etiam Plutarchus in Homeri meditationibus ostendit) ea tantum ex ipsis colligere carmina , quæ decreto illi , quod ipse sectatur , facerent fidem : alia omnia quæ vel repugnarent, vel contrarium prorsus statuerent, omittere. Docet igitur his verbis Galenus potissimum duo. primum: poëtas vniuersae omnes nullam sequi certam de rebus opinionem , sed varias probare quantumuis inter se distractas, ac repugnantes . alterum: Homerum nominatim secutum esse opiniones omnium varias, & discrepantes , nunc has, nunc illas adprobans pro arbitratu, idque Plutarchum tradere, doctum virum , in commentarijs, quos pro eodem Homero, atq. ad defendendum Homerum promulgavit. Constat ergo non ex Galeni modò doctrina , quæ grauissima est , verùm etiam ex libello Plutarchi , quem ille laudat , quique etiam nunc omnium teritur manibus , fas esse poëtis , varias , diuersasque , & quidem inter se pugnantes, contrariafq. sententias sequi . Sed accedere præterea pos- fit

sit etiam Zeno Stoicorum princeps : qui præclaris quibusdam commentationibus in Homeri tutelam , ac patrocinium editis , multa , quæ videbantur apud eum poëtam pugnantia , eo purgavit nomine , quòd alia ex veritate dicantur , alia ex opinione varia philosophorum . Ita quippe testatur Dio Chrysostomus in oratione Ij. his planè verbis . Zeno quidem de Homero nihil omnino pronunciat : sed id tantummodo docet ; alia eum scripsisse ex opinione , alia ex veritate : ne videatur contraria locutus esse , ac repugnantia . Quin Plato ipse hanc permittit poëtis licentiam ob eum furem , quo corripi putantur inter canendum . Sic enim loquitur in libro iv. de legibus . Vetus fabula passim à nobis fertur , atque à ceteris omnibus confirmatur : poëtam , cum in Musæ tripode sedet , non esse mentis compotem , sed quasi fontem fluere , & quæcumq. influunt prorsus effundere . cumque eius ars imitatio quædam sit , & contrarios affectus hominum exprimat , sæpè cogi poëtam sibi ipsi contraria dicere , neque scire vtrum hæc , an illa vera sint .

Fas ergo Virgilio fuit , discordes illas opiniones probare , ac sequi , vt tantorum , & tam multorum hominum declarat , ac decernit auctoritas . Et quoniam sic illi fas fuit , ac ius ; demonstremus , non modo in terminis vita fatalibus sensisse , ac locutum esse repugnantia , verum etiam in alijs , quæ tractantur à physicis .

In primo lib. Aeneid. eam cæli partem , quæ vergit in meridiem , verticem appellauit , & cæli caput ; aliquorum videlicet opinionem fecutus , quos commemorat Caelius Rhodiginus in lib. j. cap. xj. vel xij. vbi copiosissimè disputat de cæli capite , pedibus , dextra , sinistra , totaq. mundi figura , & conformatio ex varia discrepantium doctrina Philosophorum . Virgilij verò versus , qui meridiem faciunt mundi caput , hi sunt .

*Et iam finis erat , cum Iuppiter aethere summo
Despicens mare veliuolum , terrasque iacentes ,
Littoraq. , & latos populos ; sic vertice celi
Constitit , & Lybia defixit lumina regnis .*

Lybia quippe ad meridiem posita non potest à Ioue despici ex vertice , siue ex capite cæli , nisi cali vertex , & caput in ipso meridie constituatur . At in primo Georgicorum alia omnia dicere videtur . Ipsum enim cæli verticem , ac mundi caput in septentrionibus collocat , atque in Arctico polo : de quo versus profert huiusmodi .

*Hic vertex nobis semper sublimis , at illum
Sub pedibus Styx atra videt , Manesq. profundi .*

Quippe sequitur hic opinionem Varronis : qui mundi caput polum Arcticum esse volebat , eiusdem mundi infima , & quasi pedes Antarcticum , siue meridiem , dextram occasum , sinistram orientem . Immo

vero

verò in eodem primo Georgicorum , & quidem paulò post , neutram probat opinionem , vbi meridiem , ac septemtriones , hoc est mundi partes extremas sub geminis collocatas polis dextram nominat , ac sinistram .

Quinq. tenent caelum zona : quarum una corusco

Semper sole rubens, & torrida semper ab igni.

Quam circum extremae dextra, laevaq. trahuntur

Cerulea glacie concretae, atque imbris atris.

Neutram,inquam,opinionem probat. quia cum in primo Aeneid. cœli caput, ac verticem facit meridiem, facit etiam sine dubio dextram, sinistramq. occasum, & orientem ; polum Arcticum pedes . cum verò in primo Georg. constituit mundi verticem Arcticum polum , statuit etiam necessariò pedes in meridie,dextram, ac sinistram in occasu, & oriente. At hic , quia dextram , sinistramq. ponit in polis, necessariò caput in oriente constituere debet ; in occasu pedes . Quæ opinio de caeli constitutione,ac figura mundi,videtur fuisse Augurum apud Liium in primo libro, & omnium propè vulgaris,atque communis : vt intelligere licet ex loco laudato Caelij Rhodigini .

L O C V S I I I .

D E L V C A G I M O R T E .

An verosimile sit , Aeneam nomine illum
suo appellasse .

Lucage : nulla tuos currus fuga segnis equorum

Prodidit , aut vanæ vertere ex hostibus umbrae.

Ita pius Aeneas Rutulum illum, quem etiam interficit , dictis affatur amaris . Quem ego locum perpendendum existimo, quia Castellutrus in Virgilium vehementer inuehitur, quòd Troianos,Rutulosq. inducat inuicem se nomine compellantes suo . Non enim est hoc verosimile, inquit ; cum ibi tum primum versari cœpissent Troiani illi hospites, aduenaeque,nec nosse possent eorum nomina , quibus cum nulla eis erat alia consuetudo, nisi digladiationis , & pugnæ . At Aeneas Lucagum hic nominat, perinde ac si Troianus aliquis esset , aut notus ex longo coniuctu . Neque verò est, cur ad Homerum configiatur;

tur; qui Trojanorum duces, Græcorumq. eodem modo se inuicem appellantes induxit. Nam illi diu, multumq. iam confueuerant simul, & ex longa tam multorum annorum obsidione alij alijs erant notissimi. Quin etiam duces sunt, qui suo se nomine nuncupant apud Homerum, non gregarij milites: qualis est apud Virgilium hic Lucanus, qui à Trojanorum Imperatore appellatur ex nomine.

Ego verò non video primum quid causæ sit, cur vniuersè Virgilius idcirco sit reprehendēdus, quod Troianos, Rutulosq. sic, ut dicitur, inducat inuicem se compellantes, cum præter Aeneam inductum inueniam omnino neminem, qui Rutulum aliquem appelleat. Deinde negauerim, omnia nomina Rutulorum Trojanis ignota fuisse, Aeneas præsertim exercitus Imperatori. Fieri enim potuit; immò verò etiam debuit, ut aliquis ei nomenclator nomina significaret; non primorum modo ducum, sed minorum etiam hominum, aut gregarij aliquius nobilioris; qualem hunc fuisse Lucagum, coniçere licet ex curru, qui ducum, aut nobiliorum militum fuit. Huic verò cognitioni adeo longum tempus necessarium non est: sed erat illud satis, superq. ex quo Aeneas cum suis in Italiam venerat, & versabatur in Latio.

LOCVS IV.

DE DIVINATIONE MORIENTIVM.

An Virgilius Orodem moribundum Mezentio vaticinantem exitium rectè fecerit.

*Ille autem expirans. Non me quicumque es inulto
Victor, nec longum latabere. Te quoq. fata
Prospectant paria, atque eadem mox arua tenebis.*

Ita plane res accidit, ut Orodem vaticinatus est: sed querere tamen hic oportet: an liceat ita vaticinantes inducere vulgares milites: cum diuinandi ratio, & vaticinium apud omnes gentes tributum sit sacerdotibus, Sibyllis, alijsque spiritu diuino instinctis, & numine correptis hominibus.

Qui tenent (quod saepe diximus) Virgilium esse plenè Platonicum, intelligent facile, quam appositè fecerit eum hominem iam morti proximum prospicientem futura, & diuinantem. Platonici enim dixerunt

xerunt, duo esse animæ nostræ vehicula: primum appellauit ostracium, hoc est fictile, siue testaceum, fragile, terrenum; quod corporum est, nec ab ipso videtur corpore distingui; alterum nominarunt aethereum, hoc est igneum, siue caeleste. Animam enim illi putarunt delibari, decerpinq; de caelo, quasi particulam aliquam, ac scintillam: caelum verò ipsum igneum, seu potius ignem esse crediderunt. Ergo cum instat, atq; appetit tēpus mortis, paulatim incipit animus, inquiunt ipsi, ab ostracio vehiculo recipere se in aethereum: & quò magis appropinquat morti, hoc magis attenuatur, atque ad suam illum regionem redit cælestem, à qua decerpitus est, & delibatus. Itaq; multa tunc intelligit, ac prouidet, quæ in ostracio vehiculo intelligere, ac prouidere non poterat. Quin sèpè fit, vt diuinet, ac futura præsentiat, quemadmodum præsentiebat antequam è cælo diuelleretur, atque in corpus impurum deflueret. Nata est hæc opinio, & doctrina à Zoroastre, manauitq; postmodum ad Platonicos: qui etiam versus ipsius Zoroastris laudant huiusmodi.

Οὐ πυρὶ πῦρ δυνάμει πατέος οὐσία φαγεῖν
Ηγέτω πυρῆς βάσις ἀμερότερη ὄμητα δύρβιν
Πάντ' ἐπιτασσον ἄνω
Μὴ δὲ τὸ τῆς ὕλης σκύβαλον κρημνῶ καταλήψῃ.

Quorum versuum hæc in summa sententia est, si verba latine reddenda sint singula. Nam anima nostra Patris potestate ignis euadit splendidus: teque dicit immortalis animæ profunditas, facitque ut insublime oculos tollas: non tamen finens corpus concretum, crassumque deorsum in præceps ferri. Secuti sunt hanc Zoroastris opinionem antiqui illi Persarum Magi; secutus & Plato; secuti Platonici ad vnum omnes, vt docet Eustathius, Homeri versus illos explanans, quibus Patroclus vulneratus, & moriens Hectori proximè futurum denunciat interitum ab Achille.

Ἄλλο δέ τοι ἔργα. οὐ δέ τοι βάλλεο σῆσθν.
Οὐδὲν οὐδὲν αὐτὸς θυγὸν βέη, ἀλλα τοι ήδη.
Ἄγκε παρέσκεψε δάνατος, καὶ μοῖσα πρατεῖ
Χεροὶ δουλεῦται. Αἰγαλῆς δινυμονος Αιακίδεω
Vnum hoc nunc dictum tibi habe, quod pectore in imo
Condere te iubeo, nec enim tibi vita superstes
Ista dia, nec virtutis flos iste manebit.

Iam te fata vocant; tibi iam lux ultima vitæ
Imminet, inuicto quam mox sub Achille subibis.

Hoc, inquam, explanans vaticinium Eustathius ita disputat. Doctrina est antiquorum; animam à corpore solutam, ac liberam diuinæ naturæ propinquam fieri, & diuinandi nancisci facultatem. Nominationem autem ferunt, Artemonem Milesium scripsisse in libello de-

Somnijs:


somnijs: animam in se ipsam quodammodo coactam, atque à corpore diuulsam eudere diuinam, & futuri prouidam in iudicando. Immo verò Plato ipse in Apologia Socratis hac de re loquitur in hunc modum. Ventum eò tandem est, vbi mortales diuinare solent. solent autem cum morti proximi sunt. Hæc Eustathius eo loco protulit, & ex aliena sententia, & de sua: eademq. prorsus de integro repetiuit in lib. xxij. Iliad. vbi moriens Hector Achilli propinquum è vita extum, cædemq. sic vaticinatur, interprete Valla.

moriens tum sic Priameius Heros.

*Ferreus es: nec teulla mouent, nec fledere possunt
Verba, precesq. meæ: nimis ab, nimis asper Achilles.
His saltæ annueres. dabis ò, dabis improbe poenas,
Improbæ. te Paris, & lunato Delius arcu
Prosternet medio Scaæe sub limine portæ.
Hec ne audis? hoc omen habe, tecumq. reporta.*

Nequè vero Tullius hoc vaticinandi genus silentio præterijt, cuim de diuinatione accurate ac sedulò disputaret. Diuinare, inquit, morientes illo exemplo confirmat Posidonius, quo assert, Rhodium quemdam morientem sex æquales nominasse; & dixisse, qui primus eorum, qui secundus, qui deinceps moriturus esset. Omnium verò maximè probat hoc dogma Porphyrius in lib. de abstinentia ab esu animaliū. Conteñdit enim posse homines etiam dum viuunt vti illo vehiculo caelesti tamquam abstractos à corpore, ac diuinare, si cibo se, potuque contineant, nec plus alimenti capiant, quam quantum toleranda, retinendæq. vitæ sit satis. Simplicius verò etiam libentius doctrinam hanc amplectitur, & explicat planius in commen. xxxvij. lib. ij. de cælo. Ceterum, inquit, si quis terrenum corpus segregatum, & caeleste, vehiculum, quiq. in eo sunt sensus purificatos habeat, is aut propter bonam fortunam, aut propter vitæ probitatem, aut propter sacerdotalem perfectionem videbit que ab aliis videri non possunt, & audiet que ab aliis non audiuntur. Loquitur hic Simplicius de Pythagora, quem eius discipuli dicebant audiuisse illam cælestium orbium harmoniam, quæ à nemine umquam auditæ fuisse; eiq. similes fore confirmat, qui se recipiunt in cælesti vehiculum.

Hæc à Platonicis traduntur, atque ab ipso Platone. Quæ tametsi falsa sunt, sunt tamen ea, quæ Virgilio diuinationem illam in moribundo milite comminiscenti, præstare potuerint olim apud legentes idoneam fidem. Id enim, quod à tam magnis dicebatur philosophis, erat ea tempestate credibile; non multitudini modo, quod satis poëtæ fuisse, verùm etiam doctis, & eruditis hominibus, qui philosophiam, ac rerum scientiam profiterentur.



LIBRI VNDECIMI AENEIDOS LOCVS PRIMVS.

DE CYGNIS LOQUACIBUS.

An hoc epitheton in cygnos rectè , appositèque conueniat .

*Haud secus , atque alto in luco cum fortè cateruae
Confedere auium , piscofoue amne Padusæ ,
Dant sonitum rauci per stagna loquacia cygni .*



I R V M hoc aliquibus videtur ; quòd Virgilius obstrepentes , raucos , loquaces , appellat cygnos , quos plerique omnes faciunt suauissimè , dulcissimèq. canentes . Plato enim , ut hinc exordiar , in Phaedone ; deterior , inquit , cygnis ad diuinandum vobis esse videor . illi quidem , cum se breui præsentient morituros , tunc dulcius admodum canunt , quam antea consueuerint . Idem tradit Aristoteles , idem

Gregor. Nazianz. qui cygni cantum musicorum omnium concentui , ac suavitati anteferre non dubitat . Eius hæc verba sunt . *Quis vnà cum cygno canit , cum ille aëri alas expandit , sonumq. reddit melodiae plenissimum ? Nihil de poëtis dicatur : qui de hac dulcitudine , ac suavitate cantus vbique commemorant . Vnus Ouidius omnium nomine præcinere potest .*

*Vtq. senex ripa cantare Caistrus ales
Dicitur ore suam deficiente necem.*

Respon-

Responderi posset : non id à Virgilio dici ; cygnos canentes insuaues esse , sed sonitum fundere clamore rauco : id verò non ingratæ esse asperitatis indicium : cum sæpe apud poëtas raucam lyram , aut cithara strepitum legamus , tametsi lyra , & cithara cum sonum fundunt, suauiter accident ad aures. Posset, inquam, hoc modo responde ri ; sed non soluitur nodus . quia, si rationem , & causam videamus , cur Virgilius raucos, loquacesq. dixerit cygnos, inueniemus, non metaorphorice , vt fieri solet in fidibus, quarum ipsa quoque placet asperitas. sed propriè, verèq. illos appellasse raucos, & suauiter obstrepen tes. Comparat enim eorum strepitum , ac loquacitatem cum confuso illo clamore concilij, ac multitudinis apud Latinum dissentientis: qui clamor nullam profectò potuit habere suauitatem .

Fleent moesti, mussantq. patres: hinc undique clamor

Dissensu magnus vario se tollit in auras .

Haud secus, atque alto in luco cum fortè ceterua

Confedere auium, piscose amne Padusæ ,

Dant sonitum rauci per stagna loquacia cygni .

Immo ait, o ciues, arrepto tempore, Turnus,

Cogite concilium, & pacem laudate sedentes

Itaque respondebitur fortasse melius : in hoc etiam nos videre oportere quod monet Aristot. vt diximus in Prolegom. defen. xv. an idem de eodem plane dicatur , an eodem modo se habeat , an referatur ad idem. Nam si varia intueamur tempora, ad quæ referri cygni canentes possunt, aliquod inueniemus fortasse tempus, quo strepere illi potius , quam canere videantur . Et profecto hæc de cygnis opinio vulgaris est; suauiter eos canere sub interitum, atq. appetente iam morte . Quare cum Virgilius de huiusmodi tempore nihil dicat, sed de eo nominatim , quo ipsi tractim , gregatimq. feruntur ad pastum circa Padusam , nihil affirmat iis contrarium , qui volunt , cygnos morti proximos canoros , ac musicos esse . Hæc sanè responsio mihi maximè probaretur, nisi cygni dicarentur à scriptoribus semper quidem canori, sed tum maximè , cum sunt morituri . Id enim sibi volunt ea verba Platonis supra laudata . Tunc dulcius canunt , inquit , quam antea consueuerint.

Rectius ergo sic dicemus: esse etiam de cygni cantu varias, distraetasq. scriptorum opiniones, quorum alii suauiter admodum eos canentes faciunt, alii obstrepen tes, asperos, insuauies . De superioribus auctoribus, qui cantum ijs attribuunt suauem, diximus, de posterioribus videamus. Lucianus in libel. de Electro, cum cygnos vel describit, vel commemorat, crocitant hi admodum, inquit, discordes, ac languidi . Idem videtur docere Menander Myndius apud Athenæum in lib. ix. cap. xv. aut aliquid fortasse amplius . Ait enim cygnos se secutum esse

esse quam plurimos, & ne à morientibus quidem ullum unquam cantum exaudisse.

Athenæi verba sunt hæc. Mare pertranseunt, palmi pedesque sunt, & herbis vescuntur. Menander Myndius cum multos secutus esset, qui morituri essent, eos se non audisse canere dicebat. Non debet ergo reprehendi Virgilius, si eorum secutus opinionem, qui cygnos inconditos, & discordes volunt, strepentes hoc loco dixerit, ac loquaces, non canoros, & musicos. At reprehendi saltem ideo debet, dicet aliquis, quod alibi suauiter canentes idem ipse fecerit, qui facit hoc loco loquaces, & asperos.

Ceu quondam niuei liquida inter nubila cygni,

Cum se se è pastu referunt, & longa canoros

Dant per colla modos.

Sed hæc profligata iam supra quæstio est; decretumq., licere poëtis in eodem proflus poëmatem, atque adeo in eadem poëmatis parte probare philosophorum opiniones inter se varias, & discrepantes. Vide locum ij. lib. x.

LOCVS III.

DE PALLANTIS EQVO LACRYMANTE.

An illæ lacrymæ verisimiles sint.

Post bellator equus positus insignibus Aethon,

It lacrymans, guttisq. humectat grandibus ora.

Pallantis hic est equus, qui pompam sequitur funebrem, & dominum vita functum luctu, lacrymisq. prosequitur. Ab Homero tractares est. apud quem in Iliad. xvii. Achillis equi, quibus è curru pugnans cum Hectore fuerat Patroclus usus infeliciter, eiusdem Patrocli mortem cum lacrymis, & magna doloris significacione complorat.

Iamque & Achillis equi procul à certamine pugna

Discurrere vagi, gemituq., & voce fremebant,

Cum primum dominum prostratum in puluere sicco

Aurigam sensere sub Hectore Princeps Troum.

Quos tamen Automedon Dioreos inclyta proles

Verberibus, verbisq. regens horretatur amicis.

*Illi nec pictas naues, & littora cursu,
Aequora nec lati repegebant Hellefponi,
Non in dura retro potuerunt prælia cogi.
Sed velut immoto statua de marmore fixæ
Signa sepulcralis tumuli, qui continent ossa
Mortua, siue viri, defunctæ siue pueræ,
Sic illi immoti, & firma in vestigia nixi
Perstabant curru iuncti, lacrymasq. cientes,
Quæ misericordia malas per, & ora fluebant.*

Hunc, ut dixi, sine dubio locum exprimit Virgilius, lacrymantem equum faciens ex desiderio Pallantis, non ex aliqua præsensione interitus sui, quemadmodum arbitratur Germanus. Putat enim Virgilium eō figmento voluisse significare, equum illum præsensisse, cum ipso se cadavere Pallantis exustum iri, ex antiquorum more peruetari: qui vna cum demortuorum hominum cadaveribus res quasq. carissimas, arma, vestes, canes, equos, instrumenta, tum bellica, tum domestica cremare soliti erant. Homerum, inquam, imitari voluisse Virgilium reor, & ex Pallantis obitu flentem equum facere potius, quam præsensionem tam incredibilem fingere. Sed tamen id etiam quæri potest, vtrum verosimile sit, & an liceat equum describere lacrymantem ex desiderio sessoris, atque ex obitu domini. Non enim minus fortasse ab equi natura, ingenioq. alienum est, ob domini mortem, quam ob imminentem interitum suum lacrymari: cum soli homini datus esse fletus videatur. Similem huic loco quæstionem, supra tractauimus in lib. viij. cum de admiratione differuimus, quam Tyberi, & filiis impenitentibus idem Virgilius ex aduentu Trojanorum attribuit. itaq. responsio posset hic eadem adhiberi. Diximus quippè dicemusq. copiosius in libello de Eleg. cap. iv. & v. duo esse imitationis poëticæ genera; vnum, quo personæ inducuntur agentes, aut loquentes: alterum, quod non inductione aliqua personarum, sed expressione, ac significatione verborum singulari, & quodammodo spiranti continetur. quæ spirans expressio, & significatio dicitur à Gracis *enarratio*, evidentia: ut cum res, quæ describitur, oculis cerni videtur. Dici adeo potest enargia esse vis orationis, rem excellenti modo ponentis ab oculos; quæ apud poëtas, cum narrant simpliciter, obtinet locum inductionis, & præstat idem prope, quod præstat inductione personarum; cum hæc verborum efficacitas, & vis a superlationibus, à metaphoris, & allegorijs petita, quoddam veluti rei simulacrum ob oculos ponat. Quid enim est aliud, ridentia prata, vel campos nataentes dicere, quam virentis prati, vel fluctuantis maris effigiem oculis ipsis quodammodo proponere? Id igitur est hoc loco memoria repetendum, inter illa duo imitationis genera hoc esse discrimen, quod ea

personarum inductio debet esse verosimilis, & vulgo saltem credibilis: hæc autem enargia, & spirans expressio non necesse habet sequi verosimile, & id, quod vulgo credibile est, aut fieri potest: cum id, quod in ea dicitur, nō proponatur à poëta tamquam credibile, & tamquam id, quod fieri simpliciter queat, sed tamquam aliquid, quod, si fieri posset, ita plane fieret. Itaq. cum dicitur Aethon equus Pallantis lacrymari, ac flere, non proponitur ille fletus, & lacrymatio tamquam credibilis, sed eius metaphora beneficio significatur, ita magnam esse materiam luctus in Pallantis funere, ut equus ipse, si possit lugere, flere debeat, & lacrymari. multo autem spirantior est expressio, si dicatur equus omnino fleret, & lacrymari, quam si dicatur lacrymari debere, si possit. Quare simpliciter in Ecloga v. dicuntur interitum, Daphnidis ipsæ quoque belluæ, atque immanes feræ defleuisse.

Non ulli pastos illis egere diebus

Frigida Daphni boves ad flumina, nulla neque amnem

Liba uit quadrupes, aut graminis attigit berbam.

Daphni tuum Poenos etiam ingemuisse leones

Interitum, montesq. feri, siluaeq. loquuntur.

Ita, inquam, responderi potest, & similis nodus simili ratione dissoluti. Sed tamen est alia respondendi via facilior, & explanatiōr, quæ possest etiam hanc magis, magisq. communire. Non enim necesse est in equorum lacrymis ad hyperboleū, & metaphorā configere, quemadmodum in rebus, quæ numquām factæ sunt, vel fieri non possunt, configiendum nobis esse docet Aristoteles, quod diximus in Prolegomenis; defens. vii. Nam Plin. in lib. viij. cap. xlii. dat equis pugnae præfigium, & veras lacrymas, indices, testesq. doloris ex obitu dominorum. Præfigiunt pugnam, inquit, & amissos lugent dominos, lacrymasq. interdum desiderio fundunt. Quin Isidorus in lib. xii. cap. j. non dubitat dicere, fletum, & lacrymas solius hominis esse, & inter belluas tantum equorum. De ipsis enim equis ita loquitur. Interfectis, vel mortiētibus dominis, multi lacrymas effundūt. Et paulo post. Solius equi, inquit, est, præter hominem lacrymari, & doloris affectum sentire. Sed hoc postremum non verè dicitur, cum etiam aliæ plures animantes doloris, & tristitia sensum apprimè significant, ut docet Ludouicus Cerdal locum hunc Virgilianum illustrans, & multa proferens poëtarum, aliorumq. testimonia scriptorum, qui canes, leones, elephantos, tauros gementes ex dolore faciunt, immo etiam lacrymant. Sed cum lacrymant dicunt, gementes opinor, & querentes intelligunt, siquidem solis equis verae lacrymæ datae sunt, ut contendit grauis auctor Isidorus.

Ceterum equorum lacrymæ fuere non numquā prodigiales, omnino, & calamitatem imminentem obnunciantes. cuiusmodi deprehensæ

hensæ sunt in Iulij Cesaris equis paulò antequam occideretur, vt scribit Suet. in Iul. cap. lxxxj. Equorum greges, inquit, quos in flumine Rubicone traijciendo consecrarat, ac vagos sine custode dimiserat, comperit pertinacissimè pabulo abstinere, vbertimq. flere.

Sed siue ex dolore, ac tristitia, siue aliquo ex prodigio profuderine equi aliquando lacrymas, idoneam Virgilio præbuerunt causam, cur caneret, equum Pallantis lacrymabundum, & tristem esse prosecutum domini funus. Non enim fingit quicquam, quod fieri non possit, quodq. vindicari ab accusatione per metaphoram necesse fit; cum aliquid simile iam factum olim esse, testentur historiæ. Rectè enim ait Aristoteles in cap. vij. poet. id hominibus esse credibile, cuins aliquid simile factum sciunt: quod dictum explicauimus accuratius in loco primo libri ix.

Finis Libri Undecimi.





LIBRI DVODECIMI AE N E I D O S

LOCVS PRIMVS.

DE MONOMACHIA AENEAE, AC

Turni.

An prudenter efficta sit.

*Vndique enim densa Teucri inclusere corona:
Atq. hinc vasta palus; hinc ardua moenia cingunt.*



AEC ita describit Virgilius , cum Turnum fugientem facit ; persequentem Aeneam . Suspicari adeo nos cogit monomachiam illam , & singulare tantorum Ducum certamen non fuisse prudenter expressum ; cum Troiani tantummodo dicantur Aeneam circumfistere , campumque vallare , Turno interim deserto , ac solitario . Quamquam enim Troiani non pugnant , fugam tamen eripiunt Turno sic circumfusi , & Aenea pugnanti animos addunt .

*Ergo amens diuersa fuga petit æquora Turnus,
Et nunc buc, inde buc incertos implicat orbes.*

Vndiq. enim densa Teucri inclusere corona.

Hæc , inquam , tam magna in singulari certamine præsidia , Ae- neae circumfusa , victoriæ gloriam eleuant , atque imminutum eunt fortitudinem illa m , quam sibi celebrandam versibus poëta proposuit . Ita quippe victoria ex monomachia probabilis est , & spectabilis , si arma , ceteraque arenæ præsidia paria sint . Videtur ergo Virgilius haud sibi causse ab iis , qui hoc eodem nomine accusant Homerum

in

in Hectoris, Achillisq. certamine . Hectorem enim etiam ille solum, nullisq. stipatum militibus, Achillem Græcis vndique vallatum expōnit in campum . Inhibet quidem Achilles milites suos sibi circumie-
tos , nutuque capitis deterret, ne vulnerent Hectorem : attamen admirabilior ea victoria fuisset, nisi milites illi Græci Achillem circum-
stetissent armati .

Sed vidit hæc sine dubio Virgilius, poëta prudentissimus , nec monitorem in hoc genere desiderauit is , qui consuluit semper acerri-
mum illud , ac prope diuinum iudicium suum . Necesse potius ha-
bent qui sic disputant, Virgilij totum illum locum perlustrare diligē-
tius, antequam litem intentent , & contestentur . Nam initio Turnus
admonet suos, vt bello desistant, manuq. significat, velle se cum Aenea
congredi solum , & singulari pugna decertare . Quo quidem edicto
exercitus vterque in duas discessit partes : pro portis , ac muris vr-
bis Rutuli, Latiniq. circumfunduntur , altera ex parte spatium clau-
dunt, campumq. Troiani . sic, inquam, Turnus initio iubet .

Significatq. manu, & magno simul incipit ore.

Parcite iam Rutuli, & vos tela inhibete Latini.

Quæcumque est fortuna, mea est . me verius vnum

Pro vobis fœdus luere, & decernere ferro.

Discessere omnes medij, spatiumq. dedere .

Deinde in medio iam certamine dicuntur iterum illæ geminæ acies
esse spectaculo circumfusa, & exclamare .

Emicat hic impune putans, & corpore toto

Altè sublatum consurgit Turnus in ensim;

Et ferit . exclamant Troes, trepidiq. Latini,

Arrectaeq. amborum acies. at perfidus ensis

Frangitur, &c.

Ad extreum cum nullam Turnus à fuga salutem inueniret , Rutuli
tumultu fremere trepido cooperunt , auxilium se ferre velle signifi-
cantes: quos Aeneas verbis, minisque deterruit.

Ille simul fugiens, Rutulos simul increpat omnes,

Nomine quemq. vocans, notumq. efflagitat ensim.

Aeneas mortem contra, præsensq. minatur

Exitium, si quisquam adeat, terretq. trementes.

Nisi enim adessent spectaculo Rutuli, cur fremerent , cur appellaren-
tur suo nomine singuli ? Nimirum exercitus Rutulorum pro portis
erat , ac moenibus , vt diximus : Latinus autem, aliisque spectabant è
murorum pinnis; quod indicare poëta ipse videtur initio pugnae .

Iam vero & Rutuli certatim, & Troes, & omnes

Conuertere oculos Itali : quiq. alta tenebant

Moenia, quiq. imos pulsabant ariete muros :

*Armaq. deposuere humeris . stupet ipse Latinus,
Ingentes genitos diuersis partibus orbis
Inter se coijisse viros decernere ferro.*

Omnia sunt ergo in hoc certamine paria , nec quicquam est , quod Aeneæ fortissimo viro vllam gloriae partem eripere possit ex ea victoria, quam, non de Turno modo, sed de tota pene Italia reportauit .

L O C V S I I .

D E F I N E T O T I V S O P E R I S .

An absolute perfectumque poëma sit.

Hæc à me questio alijs perstricta leuiter est , & in primum orationum mearum coniecta volumen inter eas disputationes, quas institui de Virgiliani carminis allegoria . Placet tamen hic de integro eam exponere, vt quod ibi summatim, præcisèq. dictum est, disputetur hoc loco pluribus & accuratius .

Suspicantur ergo plurimi , Virgilianum illud opus imperfectum, & curtum esse . quia vident Turni caede terminari , nec ijs absoluvi Laviniae nuptijs, occupatione Regni, Aeneæ consecratione, alijsq. rebus, quæ postremò additæ sunt à Maphæo Vegio . Illud etiam commemorant , quòd vulgatum est : cautum, præceptumq. à Virgilio supra voluntate fuisse , vt Aeneis cremaretur , tamquam inchoatum opus, minimèque perductum ad vmbilicum . id verò fieri vetitum esse velut interdicto Prætoris versibus illis, quorum ipsum Octauium Augustum veteres Grammatici faciunt, & volunt auctorem .

*Ergone supremis potuit vox improba verbis
Tam dirum mandare nefas ? ergo ibit in ignes ,
Magnaq. doctiloqui morietur Musa Maronis ?
Ab scelus indignum . soluetur littera diues ?
Et poterunt spectare oculi , nec parcere honori
Flamma suo , dignumq. oculis seruare decorum ?
Pulcher Apollo veta . Musæ prohibete Latinae .*

Quærendum igitur est, quoniam hac de re vulgo sic dubitatur, an aliquid desideretur in opere , quod Virgilius vel ex incuria prætermisserit, vel interceptus obitu perfidere non potuerit .

Decer-

Decernunt aliqui facillimè, ac breuissimè respöndent, in opere nihil desiderari: causamq., cur nece Turni terminatum sit, nec alia subiungi debuerint, quæ requiri posse videbantur, repetunt ab Homeri poëtarum principis exemplo; quem quia in ceteris expresserat partibus, in hoc etiam poëmatis fine sibi postremò imitandum etiam esse Virgilius existimauerit. Neque enim Ilias illa, cuius argumentum est Trojanum bellum, incendio Troiæ, aut Ilij finitur euerstione; sed Hectoris obitu, ac funere, præter omnem expectationem legentium sic terminatur, ex interpretatione Vallæ, quem supra secuti semper sumus.

Itur in antiquam siluam. sonat acta bipennis.

Ligna nouem referunt plaustris congesta diebus.

Tum pyra construitur decima. componitur Hector

Desuper exanimis gemitu, miseroq. tumultu.

Subiiciunt flammas. abeunt, ac luce sequenti

Conueniunt, nigroq. ignes extinguere vino

Dardanidae certant. lacrymis abeuntia fratres

Offa legunt, vrna quæ concluduntur in aurea,

Purpureoq. tegunt, molli & velamine circum.

Tum super imponunt ingentia saxa sepulcro,

Et vigil Hectoreos cineres custodia seruat,

Ne quicquam auderent Danai, seu forte recenti

Effodian tumulo funus, rursusq. reportent.

Tum Priamus populum iubet in sua tecta vocari,

Et statuit de more dapes. Hæc funera magni

Hectoris; hos illi genitor celebrauit honores.

Hic, inquam, Iliadi finis imponitur; cum interea Pergama stent, Priamus incolumis, victoria pendens, & dubia sit, Græcorum facinus imperfectum. Et tamen totius operis summa, atq. absolutio videbatur esse Trojanorum excidium: cuius causa Græcorum illa classis excensionem fecerat in Phrygiam, ac tam multos annos Heroes illi circa Pergama federant. Hoc, inquam, exemplo credunt hi, satis deterrere se posse accusatores: nec quemquam esse suspicantur, qui Homeri labefactare, aut conuellere audeat auctoritatem: sed errore decipiuntur haud mediocri. Non enim defuere qui Homeri etiam Iliadem eo nomine praecisam, imperfectamq. putarent, quod Hectoris funere clauderetur; nec Troiæ subiiceretur excidium, cuius gratia videbatur instituta. Itaq. extitit aliquando Triphiodorus Aegyptius Grammaticus, ac poëta, qui versibus Græcis auderet explere lacunam illam, & sic Iliadem perficere, quemadmodum apud Latinos conatus est Vegius Aeneida, diuinum opus absoluere. Idem credo spectauit Eumolpus Corinthius: qui, yt est apud Pindari Scholia.

scripsit carmine réditum Græcorum in patriam. idem Camerinus ille, qui, ut tradit Eustathius, de bello Troiano cecinit, suum aggressus tamen opus ab Iliadis fine. idem Aemilius Macer; idem Q. Calaber, idem Leschis: qui bellum item Troianum, siue potius excidium ab Homero præteritum exequi, ac perficere voluerunt. Inuenienda igitur est aliqua ratio, quæ Virgilio aequè, ac Homero suffragari facile possit, & tam Latinos, quam Græcos Grammaticos, ipsis antiquiores Latinis, coercere.

Respondent igitur alij, longè diuersam, longèque aliam historicis impositam esse legem, quam poëtis. Illi enim ab ipso rerum gestarum incipiunt initio, continuantq. paulatim suo prorsus ordine narrationem, quoad demum finem ipsum attingant. Poëtis verò alia est incipiendi ratio, alia definendi. Exordiuntur enim à medio, definunt ante finem rerum gestarum, ut docere videtur Horat. in Arte.

Nec redditum Diomedis ab interitu Meleagri,

Nec gemino bellum Trojanum orditur ab ovo.

Semper ad euentum festinat: & in medias res,

Non secus ac notas auditorem rapit, & quæ

Desperat tractata nitescere posse, relinquit.

Atque ita mentitur, sic veris falsa remiscet,

Primo ne medium, medio ne discrepet imum.

Hæc, inquam, alij respondent, quæ ut vere dicantur, causam tamen haud afferunt ipsam, cur poëtis fas sit finem historiæ prætermittere. Videmus enim omnes ita facere poëtas; exordiri nimirum à medio, definere ante clausulam rei gestæ, quæ traditur ab historia. Sed nos cur ita ipsi iure, ac sine reprehensione facere queant, hac disputatione quærimus, & causam aliquam idoneam inuestigamus.

Respondent ergo tertio loco alij, non tam vniuersè poëtarum omnium, quam nominatim ipsius Virgilij causam suscipientes, sed tamen ita, ut videantur etiam alijs patrocinari. Aiunt quippe non fuisse Virgilio consilium vltra Turni mortem de Aenea quicquam præterea canere: quem tantummodò sibi proposuerat in Latium ducere, victoremq. ex bello periculofissimo facere, quod ipso poëmatis initio, hoc est in operis propositione confirmauerat.

Troiae qui primus ab oris
Italiam fato profugus; Lauinaque venit
Littora. multum ille & terris iactatus, & alto
Vi superum saeuae memorem Iunonis ob iram.
Multa quoq. & bello passus, dum conderet urbem,
Inferretq. Deos Latio. genus unde Latinum,
Albaniq. patres, atque altae moenia Romae.
 Quamquam enim eo loco aliquid de Alba quoque dicitur, ac de Vebe Ro-

de Roma, non tamen id poëta sibi canendum proponit, sed perstringit, & tamquam ex obliquo leuiter indicat ea, quæ sunt cum rerum propositarum argumento coniuncta. Similiter enim loqueretur aliquis, si confirmaret, velle se canere de Lydis, à quibus originem duxerunt Etrusci: aut de Amphitryone, qui pater Herculis fuit. Quemadmodum enim eius argumentum carminis, non Etruria, non Hercules esset, sed Lydi, & Amphitryo, sic Virgiliani operis argumentum proprium, non Albani, Romaniq. sunt, sed Aeneas, à quo Albani, Romaniq. duxerunt originem.

Hæc profectò, quæ sic isti disputant, tueri quoque possunt Homerum, atque ostendere, inanem fuisse Grammaticorum laborem, qui perficere conati sunt Iliadem iam perfectam. Non enim ille canendum suscepérat Troianum excidium, sed bellum Troiani partem, hoc est Achillis in bello Troiano diuina, & præclara facinora, ut facillimè constabit legenti principium.

Dic Dea pestiferam Pelida Principis iram,

Quæ dedit innumeros Danais inimica dolores, &c.

Cum ergo illa facinora in Hectoris obitu viderentur metam, ac finem inuenisse pulcherrimum, nihil addendum præterea fuit de Trojanæ vrbis euersione, quæ consecuta necessariò est secundum Hectoris interitum, cum unus ille diceretur esse mora fatorum. Faciunt nimirum in huiusmodi fine sic imponendo Epici poëtæ aliquid simile Comicis: qui nuptias, & choros intra proscenium claudunt, spectatoresq. tum dimittunt, cum reliquæ actionis exitum, & absolutionem expectant. Ita disserunt hi, & quidem sapientius, prudentiusq. quam ceteri.

Sed tamen illam ipsam eos aperire causam oporteret, cur Epici, sic restrictè canenda proponent, sic finem ante finem imponant? Quid enim eos impellit, ut è tam multis illis rebus, quas habet historia, aliquam tantummodo sibi seponant, & separent partem?

Hanc ego causam exquirendam ab Aristotele puto; & ex ijs potissimum educendam, quæ de fabulæ præcepit vnitate in cap. vi. poëtices. Ait enim vnam esse fabulam, siue poëmatis constitutionem optere; vnam autem non esse, nisi vnam tantummodo poëta feligat, & sequatur in toto poëmate actionem. Laudat adeo illo nomine magnificis sanè verbis Homerum, quod Iliadem, atque Odysseam vna tantum actione comprehendenterit, è multis electa. Homerum, inquit, qui, ut in alijs, ita in hoc etiam excellit, siue id artis, siue naturæ fuerit, oculatissimum fuisse appareat. quandoquidem Odysseam confingens, non sanè cuncta, quæ Ulyssi acciderunt, in eam compulit, & coegit. Et paulò post. Quippe qui ex vna dumtaxat actione, & tali, qualē nos dicimus, Odysseam, Iliademq. constituit. Non potuit igitur ad-

di Tro-

di Troianum excidium , quin actio adderetur alia , qua nouum poëma , nouamq. fabulam postularet . Quam verò sibi seposuerit Homerus actionem , diximus supra , cum docuimus , eum canere tantummodo eam belli Troiani partem , quæ res Achillis continet in illa expeditione præclaras .

Igitur , vt de Virgilio dicamus , cuius causa id contendimus ; Aeneis optimè clauditur ea victoria , in qua totius rei propositæ , hoc est errantis Aeneæ , ac de novo regno laborantis summa omnis , & postrema ratio continebatur . nec addi debuit urbium fundatio nouarum , aut noui felicitas Regni , aut nominatim Albae , Romæq. molitio , aut Aeneæ apotheosis , & consecratio : quia nouæ sunt hæc actiones , & quæ noua præbeant argumenta poëmatum . Satis enim poëtæ fuit , eam Aeneæ consecrationem sic indicare .

Indigetem Aeneam scis ipsa , & scire fateris

Deberi caelo ; fatisq. ad sydera tolli .

Nuptiæ verò , ac cetera , quæ tanti non sunt , cogitationi legentium permittuntur , & sic inducuntur è poëmate , quemadmodum subducitur à spectatorum oculis in Theatro quicquid reliquum videri potest , perfecto iam absolutoq. negotio , quod transfigitur in fabula .

L O C V S I I I .

DE VNITATE FABVLAE .

An tota huius constitutio poëmatis verè sit vna ,
& vna actio .

Quia nos superioris solutionem nodi posuimus in eo , quòd Aeneidos vna esse debuerit actio , diligentius hoc extremo loco videtur inuestigandum , an ea verè simplex , & vna sit actio , quæ toto illo poëmate continetur .

Antequam de quæstione decernamus , videndum primo loco erit , quid causæ sit , cur vnam tantummodo velit actionem esse , vnamq. fabulam totius Epici poëmatis Aristoteles . deinde quærendum , quid sit , quod vnam faciat actionem , pluresue . ad extrellum ea in Virgilio inuestiganda erunt indicia , quæ vnam , aut multiplicem esse demonstrant : vt pro eo , aut contra cum controuersiam decidere ultimo loco possimus .

Quan-

Quantum attinet ad primum: causam hanc satis, superq. nobis exposuisse videtur Auerroes in paraphrasi; cum dixit, poëtam artificem quendam esse: artifices autem oportere naturam imitari; quæ vnum sibi finem semper in agendo proponit, vt docet multis in locis Arist. Animaduertendum tamen est, nullum hic esse sermonem de fine poëtices vniuersè, quem dicere iam etiam vulgo coepimus esse, vel delectationem, vel vtilitatem, vel vtramq.; sed de fine, quem nominatim, singulariterq. sibi proponit vnuſquisq. poëta. Hic enim nihil est aliud, nisi argumentum, & actio illa, quam exprimit imitando. In quam sententiam Græci Peripatetici ſæpe dicunt, argumentum alicuius libri, ac finem auctoris, siue finem auctori propositum inter ſe non differre. Hunc autem finem vnum esse debere, quia vnum etiam, & ſolitarium sibi proponit natura, de omnibus artificibus verè dicitur, ſed de poëta longè veriſiſime: cum & artifex quidam dicatur esse, & eius artificium in imitatione, hoc eſt in alicuius effiſione simulacri poſitum, ſit. Nulla enim imitatrix eſt ars, quæ, cum in ſuo versatur artificio, plures sibi proponat formas, ac simulacra. Inspiciamus cælatores, ſcalptores, pictores, alios, ſi qui tamen præterea ſunt rerum imitatores. cum aliquid moliuntur, vnum profecto, non plura eodem tempore simulacra moliuntur. Quòd ſi plura videntur interdum effingere, vnum tamen effinxisse verè dicuntur conflatum ē pluribus. Vnus enim verè eſt Hercules cum Hydra pugnans, aut cum Anteo, vnuſ Hannibal exercitum ducens per Alpes, aut milites alloquens; nec plures illæ, quæ circumfunduntur figuræ, vel propter ſocietatem, coniunctionemq. neceſſariam, vel in parergo, faciunt, vt plura opera pictoris, cælatorisq. debeant appellari, cui propositus fuit Hercules, aut Hannibal potiſſimum, ac præcipue ad imitandum. Itaque ratio hæc Auerrois videtur eſſe ea prorsus, quæ traditur ab Arist. in cap. illo vj. vbi agit de vnitate fabulae. Sic enim præcipit. Oportet autem quemadmodum in aliis imitaticibus artibus vna imitatio vnius rei eſt, ita & fabulam, quia actionis imitatio eſt, vnius eſſe, & huius totius: & partes rerum conſtare ſic, vt aliqua transpoſita, vel adempta, diuersum redatur, aut moueat totum. Cum igitur, Auerroes eius præceptionis causam petuerit non ab artibus vniuersè, ſed nominatim, elec̄teque, ab imitaticibus, (ait enim artifices oportere imitari naturam; artifices nimirum imitatores) non diuersam aliquam, & variam proponit rationem, ſed explicat eam, quam videt ab Aristotele propositam. Frustrà itaque nonnulli conantur euertere dictum hoc, & pronunciatum Auerrois: cum labefactari non poſſit, niſi Aristotelis ipſius infirmetur, & concurtiatur auctoritas. Petitur enim, vt diximus, illa comparatio à pictoribus, qui vnam actionem vnius, velut Vlyſsem fingentem iſaniam, ſibi proponunt ad imitandum

tandum in tabula: in qua non exprimunt eundem vulneratum in Par-nasso, aut cœnantem apud Alcinoum, aut pugnantem Troiæ sub moe-nibus altis, nisi fortassis in parergo, quod respondet episodio poëtarū.

Alias quoque rationes subiungunt alii, quæ causam demonstrent, cur vnius tantum actionis imitatio esse poëma debeat, nec plures cō-prehendere possit. rationes autem ducunt à fine totius artis, hoc est à delectatione. Contendunt ergo primum, delectationem afferri fa-cilius à poëta posse vnius actionis expressæ beneficio, quam multarum; cum id experimento comprobatum, & compertum sit, ampliori, maioriq. voluptate afficere audientium animos narrationem vnius rei vnam, quam multarum variam, atque multiplicem. Causam no-bis huius delectationis exponit Aristot. in problem. se^ct. xvij. in hunc modum inquirens. Cur libentius eas historias audimus, quæ rem narrant vnam, quam quæ plures? An quod rebus notioribus magis attendimus, easq. libentius audimus? notius autem est, quod est definitum, vnum verò finitum est, plura infinito participant. Aiunt secundo loco Aristot. in primo Rhetor. & in Ethicorum item primo, docuisse, capi delectationem, vel spe, quia bonum aliquod expectatur, vel sensu, quia præsens adeat, vel memoria, quia præteritum est. Ex his, duo tantum poëticae esse proposita tempora dicunt, quæ sequar-tur ad gignendam voluptatem; præsens, ac præteritum. At si tem-pus intueamur præsens, multò sanè facilius existet ab vna tantum, quæ auditur, actione, delectatio, quam à pluribus: vna quippè facilius obijcitur animo, teneturq., quam plures. Si præteritum, haud du-biè memoria, quæ delectationem percipit ex eo, quod fabulam olim audiendo acceperit, vnam retinebit melius actionem, expressam à poëta, quam plures.

Quod si dicas varietate duci hominum animos, oblectariq. ma-gnopere: adeoq. plures actiones posse maiorem afferre voluptatem: respondent, hanc varietatem positam in episodijs esse: ac propterea voluptatis hoc incitamentum ne in ipsa quidem vnitate fabulæ desiderari. immo verò hinc ostendi, duplarem ex perfectis poëmati-s existere voluptatem; vnam ab vnitate natam fabulæ, alteram ab episodi-orum varietate. quæ quidem varietas non sic impedit, aut minuit delectationem, quemadmodum impedit varietas actionum. Sunt enim episodia eiusdem actionis veluti membra quædam, ac partes; actiones autem multiplices, & variæ omnino distractæ sunt, nec vnum corpus efficere, aut conflare per conuenientiam possunt.

Sequitur ut videamus quid sit demum illud, ex quo possimus intel-ligere, vna ne, an multiplex actio sit: ut postremo loco de Virgilio sta-tuamus, vnam ne complexus sit actionem, an multas in vnum poë-ma coegerit.

Aristot.

Aristot. in cap. vij. ait quidem actionem vnam vnius hominis esse debere: sed tamen adiungit, non propterea vnam dici, & esse, quod vnius hominis sit: cum eiusdem hominis multæ sint actiones inter se varia, ac discrepantes; atque ideo peccasse poëtas, qui scriperint Heracleida, vel Theseida, hoc est res vniuersas ab Hercule, vel Theseo gestas vnicō poëmate colligarint. Fabula, inquit, est vna: non quemadmodum nonnulli arbitrabantur, si circa vnum fuerit, multa quippe minimè definita genere accident, ex quibus sanè quedam non consti-tuunt vnum: similiq. ratione vnius multæ actiones sunt, ex quibus numquām vna actio fiet. quapropter omnes hi peccasse videntur, qui vel Heracleida, vel Theseida, ceteraq. id genus poëmata confinxere. quippe qui cum vnuis sit Hercules, vnam quoq. ipsius debere esse fabulam existimarint. Ita, inquam, disputat eo loco Aristoteles; aperitq. ac demonstrat vnitatis indicia, duo poëtarum genera reprehendens: vnum eorum, qui vnius multas actiones, alterum eorum, qui multorum, vel vnam, vel plures actiones imitarentur. Ex priori genere sunt Paniasis, Arrianus, Pisander apud Athenæum; qui Heracleida compo-suerunt: & Parthenius quidam, qui, vt testatur Stephanus, in eodem argumento sine gloria desudauit. His adnumerari fortasse debet & Latinis Charus ille, quem Heracleida scripsisse testari videtur Ouidius in libris de Ponto.

Et qui Iunonem laesisset in Hercule Charus.

Alij præterea multi vnius hominis, aut Semidei multas genere dis-similes actiones cecinerunt: vt Philostratus, qui Pelopidae, Epaminonda, Thesei vitas singulis descripsit poëmatis, quod Diogenes Laërtius memoria prodit: vt Paedo Albinouanus, Latinus poëta, qui Thesei vitam sui carminis argumentum esse voluit, quod docet Ouidius in Elegijs: Parthenius alter, qui fecit Archelaida, hoc est Archelai vi-tam Macedonum Regis prosequutus est versibus, quod affirmat Ephesi-ton: duo Dionisij, hoc est Mitylenaeus, qui Bacchi victorias omnes uno poëmate complexus est, quod scribit interpres Apollonij; & Afer, qui decantauit item Bacchi res gestas, ac vitam, quod est apud Eu-stathium in comment. ad eiusdem Dionisij Afri Cosmographiam: Non-nus Panopolitanus, qui Bacchi vitam metro contexit, & legendam posteritati reliquit. Est hic ille idem, qui virginæ Theologi, vt loqui-tur Suidas, Euangelium heroicis interpretatus est versibus. id quod stylus iudicio peritorum aperte demonstrat. Nec audiendi sunt Iacobus Mazonius, Giraldus, aliisque, qui duos faciunt Nonnos Panopolitanos. His accedere debent ij, qui Persei vitam descripsere; quorum vnum commemorat Ouid. his verbis,

Trinacriusq. suæ Perseidos auctor:

Statius, qui ausus est Achilleida inchoare: quo in poëmate dicere me-ditaba-

ditabatur de Achillis actionibus singulis, vt ipsemet in operis propositione demonstrat.

*Quamquam acta viri multum inclita cantu
Moeonio : sed plura vacant. nos ire per omnem,
(Sic amor est) Heroa velis, Scyroque latentem
Dulichia proferre tuba :*

Et Gordianus pater, nobilis suæ memoriae poëta, qui huius erroris haud fuit immunis. In suo enim quodam poëmate, quod inscriptis Antoniniada, Antonini Pij totam planè vitam exposuerat.

Hi sunt, inquam, poëta prioris generis, quos reprehendit Aristoteles propterea, quod vnius hominis multas imitati sint actiones dissimiles genere.

Alios posterioris ordinis recenseamus: ac primò quidem eos, qui vnam multorum actionem expressere. Hoc nimurum in errore versantur Argonauticorum scriptores plurimi; Orpheus, Epimenides, Gnosius, Apollonius, Varro Atacinus. Hunc enim postremum è Latinis Argonautica scripsisse declarat Ouidius in libris Amorum.

*Varronem, primamq. ratem, qua nesciet atas,
Aureaq. Aesonio terga petita Duci?*

Inter hos collocandus est Cherilus, qui bellum Xerfis, Triphiodorus, qui bellum Marathonium, Cornelius Seuerus, qui bellum Siciliense, Archias, qui bellum Cymbricum, Boëtus, qui bellum inter Brutum Augustumq. tractarunt versibus. bellum quippe vna est actio, sed dum cum multorum. quem scopulum vt vitaret Homerus belli Troiani eam partem exceptit sibi, quæ fortitudinem contineret Achillis eximiam. Nec horum erratis carere voluit Statius cum Thebanum aggressus est bellum: nec Caninius Rufus, qui bellum Traiani contra Decebalum, nec Hostius, qui bellum Istriæ, nec ij demum omnes, qui bellum Trojanum post Homerum canendum temerè suscepere. Hi, inquam, omnes eo nomine peccarunt, quod multorum actionem, vnam amplexi sunt. bellum enim integrum non vnius hominis est actio, sed multorum. Restant ij, qui multas multorum actiones canere non dubitarunt. Huiusmodi fuit Polycritus: qui, vt ab Aristotele didicimus in lib. de admirabilib. omnia, quæ ad Siciliam pertinenter compulit in vnum poëma: Rhianus Cretensis, qui Stephano, ac Pausania testibus, de Thessalicis rebus vno item poëmate dixit. Quibus cum haud dubiè recensendus est Ennius; qui Romanorum res gestas narrauit omnes, Annalesq. conscripsit: recensendus Hostilius, recensendus Simulus, & Buta: qui singuli singula fecere poëmata de rebus Romanorum. Ac sequuti fortasse sunt Eugamenem nescio quem Cyrenæum, belli Thesprotiorum scriptorem ex Clem. Alexand. Strom. vj. & Hermisionactem, qui carminum vno volumine clausit

res,

res, & facinora omnia Colophoniorum . In hunc poëtarum ordinem redigere necesse est omnes , qui metamorphoses composuere ; quales sunt Parthenius, Theodorus, Callisthenes, ac secundum hos Ouidius, secundum Ouidium Nestor Larandæus, qui Seuero Romanorum Princeps floruit, ut docet Giral. in hist. Voluerunt aliqui in hanc etiam classem referre Silius Italicum , quod veluti de sui operis argumento sic dixerit initio libri xiv.

*Flegete nunc vestros Heliconis numina cantus
Ortygia pelagus, Siculiq. ad littoris urbes.
Muneris hic vestri labor est, modo Daunia regna
Aeneadum, modò Sicanios accedere portus,
Aut Macedum lustrare domos, & Achaica rura,
Aut vaga Sardoo vestigia cingere fluctu,
Vel Tyria quondam regnata mapalia genti,
Extremumq. diem, & terrarum inuisere metas.
Sic poscit sparsis Mauors agitatus in oris.*

Sed iniuria prorsus his adnumeratur , omnia enim illa bella , quæ perstringit , cum secundo bello Carthaginensi , quod argumentum poëmatis est, ita coniunguntur , ut episodia tantum sint, vnam coagimentantia fabulam, & operis constitutionem vnam . Neque enim variæ illæ terrarum oræ faciunt, ut variæ quoque sint actiones, nisi multiplex etiam Odyssea sit, quæ toto mari circumfertur .

Cum ergo neque ex uno prorsus homine , neque ex uno multorum facinore spectare iure possimus unitatem actionis , videndum extremo loco est, quid sit, quod actionem vnam facere, ac constituere poëtis imitandam queat . Aristotelem consulamus , qui respondet , esse vnum omnino finem agenti propositum , actionemq. definitem , ac terminantem , à quo vna verè dici debeat actio . Hoc nimur sibi vult in eodem cap. vij. cum de Homero magnificè pronuncians ita loquitur. Homerus autem, quemadmodum in ceteris antecellit rebus , sic etiam hoc videtur pulcrè vidisse, siue propter artem, siue ob naturam excellentem. Odysseam enim componens, non complexus est omnia, quæ ipsi euenerunt Vlyssi : cuiusmodi est vulnus in Parnasso ; aut insanias illa simulatio in expeditione : sed in vna versatus est actione ; qualem dicimus Odysseam: eodemq. pacto Iliadem. Ita, inquam , Aristoteles notam propriam nobis aperit actionis vnius à termino petiat, ac fine, agentis hominis opus veluti cancellis circumscribente . Cur enim acceptum ab Vlyslie vulnus in Parnasso, dum feras venatur, cur ab eodem insanias simulata , ne cogeretur in Phrygiam profici sci cum ceteris, actiones sunt, quæ neque inter se committi possunt, neq. cum errore illo diuturno coniungi, qui suppeditat argumētum iustum Odysseæ, nisi quia terminos habet suos, & limites, quibus ita definiuntur,

tur, ut è cancellis illis egredi non possint, & in fines aliarum actionum transfilire? Hi autem limites, ac termini quid aliud sunt, nisi propositum hominis agentis certum, in re aliqua certa, definitaque versantur?

Quibus ita constitutis, id etiam statuendum est: Aeneidis vnam actionem vnius hominis esse: quia vnius est Aeneae, & uno terminatur, ac circumscribitur fine, qui est aduentus in Latium, ut dicitur initio poëmatis, ubi totius operis indicatur finis.

*Italiam fato profugus, Lauinaque venit
Littora.*

Scio contra pugnare Grammaticos, qui putant, Virgilium longè recessisse ab Homericæ fabulae simplicitate; cum vnum conflauerit opus è duobus Homericis. Duos itaque dicunt esse actionum fines in Aeneide, qui conuenire inter se, aut concordare non possint. Iter enim illud maritimum, & errorem Aeneae vnius actionis finem, & limitem volunt: qualis est in Odyssea. Bellum in Latio gestum alterum faciunt terminum, ac metam, quæ sic alteram definiat actionem, quemadmodum bello Troiano definitur, & concluditur Ilias. Itaque non probant illud elogium incerti poëtae, quo Virgilius eo nomine laudatur, quod vtrumque argumentum Homeris coniunxerit, & callidè fecerit vnum, ut facilius exciperetur.

*Mænonium quisquis Romanus nescit Homerum,
Me legat, & lectum credat vtrumque sibi.*

*Illiū immensos miratur Græcia campos;
At minor est nobis, sed bene cultus ager.*

Scio, inquam, multos ita contendere: sed frustra sic pugnant. quia bellorum illa tractatio apud Virgilium illi similis est pugnae, quam ad extremum suscepit, gessitque cum procis Ulysses. Magnificentius quidem ea bella geruntur ab Aenea, quam ab Ulyssse committatur illa pugna cum procis: adeoque si modum ipsum, & rationem intueamur, videri possunt Iliadis praelijs esse similiora: sed tamen si finis spectetur, comparari potius debent cum digladiatione illa postrema, quæ ponitur in Odyssea. Quemadmodum ergo pugna cum procis non duplicat actionem, quia sumitur, & fit in eam gratiam, ut Ulysses aliquando restituatur in patriam, eamque cum tranquillitate rursus obtineat, qui finis est fabulae; sic Aeneae bella nouam excudere non possunt actionem, quia geruntur ideo, ut occupetur aliquando Latium, & cum animi securitate teneantur: qui terminus erat huius erroris, & totius itineris, laborisq. iam in altera poëmatis parte descripti. Idem de Iliade iudicium esto. Ex toto enim bello Troiano, ut alibi dictum est, partem vnam sibi sumpxit Homerus, ex qua potissimum cernerent homines, Græcorum illam victoriam in vnum Achillem esse totam omnino referendam. Quod si aliquid præterea canit, in hanc gratiam canit,

canit, nec in actionibus versatur, quæ suos limites, ac terminos habent ab hoc fine discrepantes. Id quod Aristoteles disertè distinctèq. sic docuit in cap. xxij. paulò ante finem: Ob id etiam diuinus Homerus videri debet, quod bellum alioqui principio, medio, ac fine constans scribere minimè est aggressus. Si quidem vel nimis magnum, euasurum, atq. adeo perceptu difficile existimat: vel si ad iustum magnitudinem contraxisset, inculcatum nimia varietate futurum. Nunc verò eius dumtaxat parte suscepit, pluribus in ea episodijs usus est, sicuti nauium catalogo, alijsque, quibus poëma locupletissimum reddidit. Ita eo loco Aristoteles. Ad eam ergo partem, quam canendam suscepit, atq. ad eum finem, collimant omnia, quæ tractantur in opere, quantumuis inter se diuersa, ac varia. Nam siue Iæsus ab Agamemnone pugnam detrectat Achilles, siue iratus ob mortem Patrocli debacchatur in hostium acie, id vnum agitur, vt victoria unius Achillis virtute parta esse demonstretur. Græci quippe, Achille minimè pugnante, succumbunt, eriguntur illico cum arma repetit, & pugnam integrat Achilles. vt rectè scriptum à Philostrato sit in Heroicis propè finem hoc modo. Vni Achilli tribuit Homerus opera præstantiora, atq. ideo pugnantem eum sic facit, vt ceterorum oblitus esse videatur.

Itaq. vt ad Aeneam reuertamur; siue tempestatibus impellatur, & erret in mari, siue ad Didonem diuertat hospitio, siue ludos celebret ad tumulum patris, siue penetret ad Inferos, siue pugnet in Italia; semper errat, semper diuertitur, semper egreditur è via, semper arma tractat, & pugnat in eam gratiam, vt Latium aliquando tandem, & nouum regnum ab oraculis, Dijsq. promissum adipiscatur. Non enim Aeneas tantummodo canitur nudus, ac simplex à Virgilio, sed Aeneas cum adjuncto & epitheto aliquo, hoc est Aeneas errans, aut laborans ad parandam Italiam. Quare tum desinere, terminariq. actio, & fabula debuit, cum Aenea iam absoluti labores, & errores erant. Erant autem absoluti tum, cum occisus est Turnus. Ex quo iterum intelligi possit, Aeneam regnarem à Virgilio cani non debuisse, quia noua fuisset actio, hoc est, aliud quoddam noui poëmatis argumentum.

Hæ sunt vindiciae, quas secundum libertatem Virgilio damus: praecisas illas quidem, atq. imperfectas; sed eas, quæ possint alijs appetiri viam ad ampliores. Et quoniam sàpè commemorata sunt disputationes illæ meæ tres de Virgilij Allegoria, quas in primum retuli volumen orationum, placuit hic ad extremum easdem subiungere: vt quicquid præsidij petendum ab ijs esset ad patrocinium causæ, facilius hoc loco repræsentetur.

DE VIRGILIT ALLEGORIA VNIVERSE.

ORATIO I.



VANDO Rhetoricae patrocinium fuscipere non possum, quin aliqui sibi ipsis bellum inferri putent; ego, qui numquam turbas amauerim, argumentum hoc anno tractare institui suspiciosis istis dicendi magistris minime litigiosum, gratissimum, nisi fallor, vniuersis. Cum enim animo penderem, neque prouidere satis, aut statuere possem, quam demum ingrederer viam, vt non solum re ipsa dicerem innocenter, sed etiam innocens haberer à vobis, Religiosissimi P. P. ornatissimi Auditores, mihi commodum legenti occurrit Donatus, ille litterator insignis, Hieronymo potissimum discipulo, tam diserto, sanctoq. viro, nobilitatus. qui, vt multa de Virgilio splendidè, magnificèq. prædicaret, id ex adyto quodam penetrali mihi pronunciare videbatur: tantum hunc, talemq. poëtam esse, vt par sit diuinum eius poëma non à Grammaticis, sed ab oratoribus ipsis explanari. Placuit hominis dictum, & Grammaticos, quasi verbo Prætoris, à veteri possessione disturbari mirifice gauisus sum. Recordabar enim, ab Augustino, augustinissimo illo Christianæ Reipublicæ Principe, diuinorum causarum oratore clarissimo, Virgilium non eloquentem modo, sed auctorem, & parentem eloquentiæ nominatum. Legeram in Hieronymo, tum poëtam ingeniosum esse, tum elegantissimum oratorem. Sciebam, appellationum à Quintiliano summum in eloquentia virum, disertissimum à Seneca, oratorum omnium à Macrobius validissimum; ab ipso etiam Abulense, si tamen huius auctoritas aliquid ad rem pertinet, habitum esse totius eloquentiæ ornamentum, ac decus. Quid multa? Inueni apud eundem Macrobius auctores minimè pœnitendos, qui eloquentia, dicendiq. artificio Ciceroni Virgilium anteponant. quam iustis de causis non dico, sed anteponunt tamen. faciunt enim eloquentiam, quadripartitam: copiosam, in qua Cicero licenter excurrat; breuem, in qua Salustius regnet; siccam, quæ Frontoni, cum viueret, adscribetur; pingue, ac floridā, in qua iunior Plinius, ac Symmachus moliter,

liter, & delicate luxurient. In tanto, ac tam vario scriptorum numero vnum extitisse Virgilium aiunt, qui eloquentiam ex omni genere dicendi conflauerit, qui grauia cum acutis, acuta cum grauibus, inflexa cum vtrisq. componens, admirabilem in oratione concordiam fecerit. Hunc vnum oratione multiplici, numeris dissimiliter emodulatis exprimere potuisse illum celestium orbium concentum a Pythagora olim excogitatum; & imitari dicendo infinitam prope varietatem, aspectabilis Vniuersitatis: vbi terra haec mortalium altrix, in media mundi parte collocata, qua lata segetibus est, qua dumetis, ac rupibus hispida, qua salebris, atq. arenis arida, qua proximis fontibus viginosa; qua siluis obducitur, qua circumiectis clauditur montibus, qua vasto, patentique aperitur mari. In Cicerone vnum esse tenorem perpetuum, atq. constantem, affluentem, rapidum, torrentem, volubilem, copiosum.

Delector equidem hoc elogio; sed permoleste fero, communem cum Virgilio, Ciceroni gloriam eripi. Errant enim isti, quod vnum Virgilium, ipso quoque ab hac laude Cicerone depulso, plura simul dicendi genera temperasse putent: quod putant admirabili modo temperasse, profecto non errat. Quid est obsecro, cur etiam Cicero non sit breuis, & parcus in loco? quia non est, ut oratores illi, quos admirantur, fede mutilus, ac turpiter abruptus? Cur non sit gracilis, ac pressus vbi res, & causa id postulare videatur? quia non est, ut eoru quidam exsiccus, non aridus, non exsanguis, non iejunus, ac pene fame consumptus? Cur non varius, cur non pictus, ac floridus in rebus pro dignitate commendis? quia non duras, & è longinquu petitas metaphoras omnibus interserit locis, quas iunior ille Plinius, ac Symmachus, quas hac etiam tempestate noui Logodædali fabricarunt? sed innocentiam argumenti mei horum ego reprehensione non violabo: quin etiam habeo gratiam arbitris istis, non quod a Cicerone tantam gloriam abiudicarint, sed quod honorifico iudicio Donato subscriperint, ac veluti sanctissima lege decreuerint, summi oratoris esse, Virgilium interpretari, non litteratoris, & Græculi. Neq. vero id ea gratia dico, quod diuinum poëtam satis eo præconio laudatum existimem. Excelsiora quædam, ac maiora de Virgilio sentio, quam ut ea istorum commendatione circumscribi queant. Rem dicam alicui fortasse nouam: vocem profaram confidentem, atque audacem, sed tamen veram. Quid enim? non Grammaticos solum ab aliena possessione velut ex iure manu conservos voco, sed Rhetores etiam ipsos tam opulentâ hereditatem adire voto ex interdicto. Confirmo, inquam, constantissimè, neque Grammatici, neq. oratoris esse Virgilium explanare interpretando, sed doctrinum hominum, atq. ut verbo dicam uno, Philosophorum. Risum hoc loco fortasse tollent noui philosophi, quorum est superba, & fastidiosa

fortuna. fundum suum fieri poëtas nolent, & patrimonium istud facile permittent occupanti. Permittant, vt libet: permittant autē non nobis mediocriter doctis, ac semilatinis, sed summis viris, antiquissimis philosophis, in primisq. Aristoteli, cuius longo tempore lecti sunt de locis Homeri perplexis, atq. ambiguis, libri sex: permittant Anaxagoræ Clazomenio, qui saluberrimā philosophiā in Homero velut in sapientiæ breuiario relegebat. permittant Archesilao mediae Academiæ auctori clarissimo, qui numquam in cubile se se recipere solitus erat, nisi ante aliquid ex Homero somni conciliandi causa tamquā ē philosophiæ narthecio delibasset. quin etiā diluculo, ac bene mane, vbi pri- mū ē grabato surrexisset, Homerum iterum lectorum, ad amasium suū itare se dicitabat; vt remotis arbitris cum eo familiariter, ac libere philosopharetur. Permittant Platonico Proclo; qui totū Homerum locis ē media philosophia petitis illustrauit. Permittant ipsi omniū magistro Platoni; cuius illa vox est, in eo libro, quem de summo bono scriptum reliquit: in Homero contineri diuinam omnem, humanamq. philosophiam. Nihil attinet omnes ducta serie percensere: sed permittant Zenoni, Chrysippo, Heraclito; permittant quod grauius est, Christianis philosophis, doctissimis, atq. sanctissimis, Cyrillo, Fulgentio, Basilio magno, ceterisq. sapientibus viris, & multis, & nobilissimis; qui omnes epicū Homerī poëma splendidum philosophiae ludum, ac virtutis officinam amplissimam existimarunt. Sentio, vos expectare dum aperiām aliquando sapientiam hanc in ipso Virgilio delitescentem: sed non nihil in ea philosophorum natione commemoranda immorandum fuit; vt intelligent isti, qui poëmatum opes aspernantur, esse populum Romanum qui adeat repudiatam ab ipsis Attali hæreditatem.

Evidem neq. tanti sum, neq. ita me ipsum ignoro, vt non videam quād arduum sit huiusmodi philosophiam ex abditis poëticæ latibris explicare: sed illud præterea scio; non modo rerum magnarum, atq. præstantium perfectionem probari, sed conatum etiā in ijsdem, atq. aggressionem esse laudabilem. Huic adeo spissi, operisq. operis magnitudini, atq. asperitati ita facile occurtere posse me video, si nō omnia hodierna die vna concione simul effundam, sed multa mihi per partes alio tempore tractanda reseruabo. Cū enim sint neq. pauci, neq. imperiti, qui nullam in epica poësi philosophiam abditam esse pugnacissime contendant, sic partiri necesse habeo rationes meas, vt quāram initio, sit ne aliqua, & in poëtarum fabulis vniuersè, & in Virgilio nominatim penitus abstrusa sapientia. Deinde, si qua sit; quānam ex triplici genere philosophiæ pars esse videatur: ad extremum, si certa sapientiæ forma in epico illo continetur opere, certa ne ratione, ac via euolui, atque inuestigari queat. Sed quia tam multa, tamque difficultia in vnam hanc orationem compelli

non possunt, ceteris in aliud tempus, otiumque sepositis, illud vnum habeo dicere, ac seorsum hodie disputare, aliquam esse petitam ab intima philosophia scientiam rerum vtilium, quam in Epica poëtarum omnium, atque adeo in ipsius Virgilij fabula contineri necesse sit.

Vide, dixerit aliquis etiam, atque etiam quām graues quām magnos in te aduersarios excitaturus sis; non ex ijs modo scitis, acutisq. scriptoribus, qui vel nostra, vel non ita superiori memoria huiusmodi tectiores poëtarum sententias, quas allegorias vocamus, quasi deliramenta Sophistarum irrident; verum etiam ex antiquissimis illis, qui Heroicis pene temporibus in altrice disciplinarum omnium Græcia floruerunt. Nam apud Eustathium Aristarchus, qui commentarios supra mille posteritati reliquit, & tam graui semper habitus est in rebus discernendis, distinguendisque iudicio, nullus vt putaretur Homeri versus esse germanus, & verus, quem suo ille calculo non probasset: is inquam talis, ac tantus Homericæ causæ quæsitor, ac iudex omnes omnino ab Homero allegorias ablegauit, negauitque differtè, aliud ab eo dici, aliud intelligi oportere. Placet hos, longeque plures aduersarios esse, quibuscum iure concertandum, ac dimicandum sit. Neque enim eos imitari necesse habeo, qui, vt aliquod ad contentiosè dicendum argumentum inueniant, quem in foro non vident aduersarium, in re minimè controuersa sibi designant animo, & cum umbra, ventisque fortissimè digladiantur. placet inquam verissimum mihi bellum esse cum istis, ac potissimum cum Aristarcho, cuius arbitrium ipsæ pene literæ reformidabant: Habet sane, habet vnum hic Grammaticus Alexandrinus infinitam propè Grammaticorum turbam contra pugnantem, habet Philosophos multo grauissimos, habet autores omni doctrinæ genere præstantes, ac nobiles, qui sanctè confirment, Homerum haustam ab Aegyptijs philosophiam, vt augustior esset, atque admirabilior, excogitatis fabulis, quibusdam veluti notis arcanis, quæ Hieroglyphica vocantur, adumbrasse. Quod Homeri, ceterorumq. comminiscendæ fabulæ consilium, sapienter, ac doctè Palephatus explicauit, affirmans, plerasque mortalium verè certeq. res gestas, veteratoriè poëtas fabularum fugo, & commentis incredibilibus inuertisse, vt legentium animos, & admiratione tenerent, & voluptate perfunderent. Verissima sane vox, & quæ insitum poëtis ab artificio morem, non tam dicendo aperiat, quām ob oculos ponere videatur exprimendo. Intelligit enim vir eruditissimus, suis ipsorum præceptis admonitos poëtas illud omnino agere, ac sequi, vt in mortalium animis excitent eam, quæ delectationem, ac voluptatem pariat, admirationem. quod quia rerum compoſitarum, fictarumq. beneficio facilius, quām verè gestarum consequi

se posse confidunt, res veras, atque adeo saluberrimas vitæ leges, non præceptione tradunt, sed fabulis, & commentis inuoluunt. Quid autem est rei veritatem, ac morum doctrinam fabularum inuolucris obducere, nisi eas perseQUI, quas isti è poëtarum scriptis expungunt allegorias?

Rectè sanè interpres Hesiodi Zezes initio Theogoniæ quatuor esse confirmat omnino res, quibus Epicorum poëtarum omne nomen, ac vis continetur: heroicum versum, allegoricam fabulam, historiam per antiquam, aptam, accommodatamq. materię dictionem: sed in his principem obtinere locum allegoriam, eamq. proprium esse poëta characterem, ac notam. Quid planius, quid lapientius dici potuit, quid accommodatus ad istorum iugulandam audaciam, qui spiritum ipsum, ac vitam poëtarum extinguit? Si enim proprius eorum character, ac nota, & est, & verè dicitur allegoria, quotus quisq. non videt, hanc vnam esse partem, cuius beneficio, ac vi poëtica consistat, moueat, & vivat? Hand certè sine summo consilio nuper clarissimus Italici nominis poëta, Epopeiam velut animantem absorbatam, atque perfectam esse tiebat, cuius corpus ipsa rerum imitatio sit, animus allegoria. Nam quemadmodum animo corpus obtemperat, seruitq. rationi, sic imitatio, quasi rerum corporatarum sensibus obiecta figura, utilitati obsequitur, ac tamquam in animantis corpore animus, sic ipsa in toto poëmate continetur, & funditur. Nullus hæc, mea quidē sententia, neq. melius vidit, neque prudenter docuit, quam philosophus inter Platonicos honoratus, ac nobilis Proclus: qui Stefichorum, docum illum alioqui hominem, ac perspicacem, caecum tamen, ac nihil videntem appellavit, quod Helena raptæ, belloq. repetita fabulam, veluti rem præteritis gestam temporibus, ac veram historiam, canere non dubitasset: neque intellectus eo figura significari, nostras ipsorum animas post decem annorum millia, quæ illa decenni Trojanorum obsidione comprehenduntur, ubi diu multumq. circa terram varia nascétiū, intereuntiumq. rerum vicissitudine fluctuarint, eorum instar Græcorum, qui Troia summo diuturnoq. labore deuicta, domos remigrarunt suas, esse tandem aliquando ad eum locum, vnde sunt haustæ, ac delibatae quasi lōgo postliminio reuersuras. Quod si tantus philosophus eum, & cæcutientem, & orbum oculis iudicat, qui nobilem Helena fabulam, hoc est narrationem ceteroqui credibilem, neque vehementer abhorrentem à vero euoluere, atque interpretari allegoricè non potuerit; quid nos de alijs fabulis existimabimus, quæ non incredibilia modo, sed etiam execranda impudicitia, impietasque portenta comminiscuntur? Homerum ne, aliosq. primi ordinis poëtas, qui ea finxerunt, illicò damnabimus inauditos, dicemusq. homines acutos, ac lynceos non vidisse, quod postea pronuntiatum est à sapien-

sapientibus, cum plane, disertèq. dixerunt, poëtas ita oportere fingendo prudentes, & callidos esse, vt nisi credibilia, veroque similia fingant, è poëtarum choro depellendi sint? Dixerint hæc audaculi quidam Aristarchi, quorum videtur, & quari, & ali gloria reprehensione bonorum: quorum est moderatum integrumq. iudicium, ij non modo summos auctores non reprehendent, verum etiam pro ipsis acerrime, constantissimeq. pugnabunt. Sed fieri qui potest, vt huiusmodi prouinciam ita susceptam sustineant, nisi receptum habeant, confugiantq. ad allegorias? In speciem sane quæ dicuntur à poëtis incredibilia sunt, indecora, atque ab ipsa ratione prorsus aliena: ne ficta sine ratione dicamus, haud dubie confirmabimus, ea quædam esse veritatis integumenta, quæ imperitorum oculos fallant, sapientium iudicium fallere, ac doctrinam decipere nullo modo possint. Sapienter enim ab Eustathio dictum est, fabularū turpitudinem esse quoddam poëticæ vulnus, quod allegoria quasi delibutis medicorum fasciolis obligatur. Quin placet etiam hoc loco Proclum illum philosophum, Homeri tutelam, aduersus magistrum ipsum Platonem & suscipientem, & pro dignitate tractantem, audire. Sed altius repetenda res est, vt omnis suscepti patrocinij causa facilius intelligatur. Mēsam Homerus in cælo, & epulis exquisitissimis, & conuiuis longè lectissimis ornat. adest Iuppiter, non Deorum modo, sed etiam conuiuij Rex. assidet iuxta Iuno, prope Iunonem Venus: ceteri Dij, Deæq. toto triclinio circumfunduntur. Res agebatur, & iucundè quidem, & grauiter, vt decebat in cælo: sed tamen, cum Iuno, vt est feminarum genus suspiciosum, & maximè querulum, intempestiuia quadam expostulatione Ioui stomachum repente mouisset, epulas diuinæ amarissimo resperserat felle, accumben-tium hilaritatem in summam tristitiam, mœremque conuerterat; mensam illam fecerat è Deorum conuiuio silicernium funestorum. eum ecce tibi Vulcanus, sellularius, & despiciatissimus Deus, qui ea die poculi magister à Ioue creatus fuerat, enormi illo, distortoq. cruce tanta cum turpitudine claudicare cœpit, hæc illac impigre, velociterq. nectar administraturus excurrens, vt statim excitato cachinno quodam insolenti, atque, vt loquitur Homerus, inextinguibili, haud minus in cælo riferint Dij, quam ridere soleat infimæ fortis populus in togata, vbi scurram, & sactionem iocantem videt, aut egregie par tes agentem suas Gnathonem aliquem è parasitis. Hec igitur incusat, reprehenditq; grauissimè Plato, summus, & intelligendi auctor, & dicendi magister; quod intemperatissimus ille risus, qui ne homines quidem mediocriter prudētes deceret, multo maxime alienus esse videatur à Dijs. Quam Proclus criminationem ita depellit, ac diluit, vt dicat, Vulcano illo molitore, ac fabro, vniuersitatis molitionem, mundiq. totius, quā Dij suscipiunt, administrādi curam significari. summo

propterea consilio, ac ratione Vulcanum irridentes induci Deos, quia mundum hunc, resq. mortalium affabre factas cum risu, hoc est cum voluptate contemplantur, & temperant Dij. O poëtas verè sapientes, ac doctos, ò fabulas minimè fabulas, sed admirabilia pulcherrime, verissimæq. sapientia documenta. Haud scio, an hæc à sacris religionis nostræ voluminibus hauserit Proclus; in quibus quotidie legimus, opificem Dei Sapientiam, & in orbis terrarum molitione lusisse, & suas habere delicias positas inter mortales. Eusebius certè Pamphili testatum reliquit, pleraq. Platonicos ex Hebræorum monumen-tis, quæ studiosè perlegerant, in suam ipsorum sententiam pertraxisse.

Possem hic equidem infinita propemodum poëtarum commenta, quæ de industria videntur ad corrumpendos mores excogitata, eadem plane ratione, & quidem ex auctoritate maiorum, interpretari: sed cum modestia meæ, tum temporis consulendum est, cuius certis, ijsq. non ita latis finibus sentio circumscribi orationem meam. Vnum aduersarij suo credo iure à me requirunt, quòd ijs debere diutius nolim. Si enim, dicent isti, eum in Epopoeia locum occupauit allegoria, vt tam pulcri corporis animus, ac vita putanda sit, mirum sane videri debet, cur eam Aristoteles toto illo libro, quem de poëtica scripsit, in aliqua saltem Epopoeiæ parte non collocarit. Quibus ego primum sic habeo respondere breuiter, & sine fallacijs, eum Aristoteles libellum inchoatum, & curtum esse, neq. hominis docti absolutum opus haberi, sed apparatum quandam, atque adumbratam leuiter operis faciendi descriptionem: vnde consequens esse possit, allegoriam non tam à ceteris depulsam fuisse partibus, quam cum alijs præterea multis in opere minus absoluto desiderari. Quia tamen hoc ad euadendum periculū alicui videbitur ex industria, & calliditate quæstum effugium, confirmo disertissimè, partem hanc, neq. casu ab Aristotele prætermissam, neque voluntate reiectam esse, sed in loco planè positam, traditamq. cum ceteris explicatè. Vnum demonstrabo, quod nullus ad hoc usque tempus interpretum vedit; mirorq. perspicaces alioqui viros in sole meridiano clarissimam Epopoeiæ partem videre non potuisse. Neque tamen idcirco mihi Statuam in Curia postulo, quod faciunt noui literatores, vbi scripturam, aut etiam in ipsa scriptura correxerint apicem, ac literulam mendosiorēm; quasi Tygranem bello ceperint, aut Romanam Remp. diuturna tyrannide liberarint. Non ea confidentia sum, vt ab Apelle pingi, aut à Pyrgotele sculpi me velim, quòd in Aristotele viderim vnum, interpretum incutia præteritum, fortassis etiam voluntate neglectum. Sed tamen audeo vel solus, vel cum paucissimis dicere, Aristotelem planissimè de allegoria disputare: disputare autem eo loco, vbi de fabula, deq. multis apud Homerum incredibilibus episodijs ita loquitur. Etenim fabula

bulæ iam inde ab antiquissimis constitutæ temporibus, vulgoq. probatae, etiam si aliquid rationi minimè consentaneum contineat videntur, immutandæ non sunt: nam illa ipsa, quæ de Vlysse in portum exposito dicuntur ab Homero, absurdæ sunt, adeoq. ferenda non essent, nisi ea poëtarum optimus ita finxisset, ut alio bonoru genere id, quod incredibile videtur obliteret, & quicquid absurdum est, quibusdam quasi medicamentis aspergat. Hæc Aristoteles: quo loco paulum hære necesse habeo, ac primi Philosophi verba breuiter, & cursim interpretari. Fabulas antiquas quamvis incredibiles, & cum ratione pugnantes, neque mutandas, neq. improbandas esse confirmat: ex eo genere Vlyssem videri apud Homerum ab Alcinoo Rege digressum, & in Ithacæ littus eiectum. quem præter fidem, & rationem tota via, difficulti, ac bene longa dormientem in nauifacit, appulsum in terram illo eodem somno penitus occupatum; relictum à Phæacensibus etiam grauissimè sopitum, ac somniantem. denique in Nympharum pulcherrimam speluncam introducit, quæ in Ithacæ portu, quemadmodum Cronius ait, nulla erat. Sed tamen hæc somnia fidei, rationique contraria, illigatis, inuolutisq. in ea fabula bonis deleri ait, & suppositis quasi medicamentis tanta illa vanitate liberari. Quæ nam verò ea bona esse putemus, quæ vanitatem ab illo figmento depellere possint, nisi pulcherrima eius fabulae documenta, quorum accessione mendacium sic euanscit, quemadmodū inductis coloribus obliteratur linea, quæ tabulam occupabat? Quid ea medicamenta significant, nisi utiles vita præceptiones, quæ splendido illo mendacio conteguntur? Ut enim ipsius medicamenti amaritudinem, atque asperitatem suauissimo aliquo liquore medicatis poculi labris oculimus, ita salutaria vita documenta iucundo fabularum commento tegere soliti sumus, ut degustata mendacijs dulcedine, quicquid amarum est, facilius hauriatur. Eset opera pretium quid Vlysses ille tamdiu sopitus, ac dormiens, quid Phæacenium incuria, quid Musarum antrum, quid res ceteræ abhorrentes à fide sibi velint, ex Cronio, ex Numenio, & Eu-stathio dicere. Sed quoniam hæc vacuum omnino postulant tempus, & mea iam ad exitum inclinat oratio, longissimam allegoriæ interpretationem facile prætermitto, modò maneat id, quod præcipue contendebam; eum Homeri locum absurdum prima sui specie, longeq. à ratione remotum, rationi consentaneum fieri beneficio philosophia, quæ fabulis illis incredibilibus illigatur. Sequitur, ut quæ vniuersè de poëtarū allegoria diximus, ea de Virgilio, cuius causa hæc est à me instituta disputatio, confirmetur. Neq. enim eos imitamus, qui tam solutè, atq. oscitanter huc poëtam legunt, ut nihil in eo videant aliud, nisi Aeneas Troiani hominis in Italiam aduentum, & Homeri diligentem, accuratamque imitationem, quamquam isti ipsi, qui hoc ynum egisse

Virgi-

Virgilium dicunt, ut Homerum imitaretur, magnum aliquid dicunt, si etiam illud secutum intelligunt, ut ad Homeri similitudinem manu directa, pulcherrimas allegorias, quod est in Homero præcipuum, adumbraret. Nam quid est, cur tantum, ac sapientem virum inertes secutum pictores existimemus? qui aperta quædam, atque illuminata solum in alienis artificijs imitantur, abdita, obscura, recedentia longe, atque retrusa, in quibus artis est plurimum, non imitantur. An vir omni disciplinarum genere cultissimus, summo, singulari, iudicio præditus Homerici operis quasi corpus diligentissime vidit, animum, quo mouetur, ac regitur corpus ipsum, in sui poëmatis molitione non vidit? longe de illo aliter, & loquuntur, & sentiunt nobilissimi, doctissimique scriptores antiquitatis. Video enim à Macrobius dictum, eum oportere acutissima oculorum acie præditum, atque instructum esse, qui ad absolutam penitusq. abditam in Virgilio sapientiam possit aliquando penetrare. Video scriptū ab Honorato Seruio, Virgiliū è scientia philosophorū intima canere. Didici à Hieronymo, inter philosophos, ab Augustino inter doctos habendum, à plerisq. veterum inter liberaliū artium scientissimos viros adnumerādum esse. Sed nemo de Virgilio iudicasse videtur honorificētius, quam Gordianus. Hunc enim, non maiestate tantum, ac ditione, sed vita, doctrinaq. venerandū plane Imperatorem tradit Capitolinus ita veterum lectio- ne philosophorum fuisse delectatū, ut Platonem, Aristotelem, Virgiliū numquā sibi ē manibus elabi pateretur; quasi vellet ea scriptorum societate significare, nihil à Platone, nihil ab Aristot. tradi simpliciter, quod à Virgilio versibus, & numero nō caneretur. Sed vnde cognitum habet hi, Virgilium ita scientem fuisse philosophiæ, nisi ex abditissimis illis, obscurissimisq. sententijs, quas aspectabilium, notarumq. rerum imitatione à legentiū oculis ingeniosus poëta porrò subduxit? Quorsum ea philosophia ita cōmendaretur à doctis, nisi ab ipsis, in eo, quod vulgo legitur opere, pene oculis cerneretur? Quorsum tā vario disciplinarum genere Virgilius diceretur instructus, nisi variam illam doctrinā, ac scientiam plane multiplicem versibus suis clam, & quasi dissimilat̄ illigasset? Nae ille, quem paulo ante laudauit, studiosissimus poëta patronus, propugnatorq. Macrobius, egregie, ac præter ceteros hęc docuit excellenter, cum de Virgilio confirmauit, amplissimam eū, iucundissimamq. philosophiam suo ipsius operi laudabiliter aspersisse. Quid enim est operi philosophiam aspergere, nisi varia philosophiæ documenta fictis in opere fabulis occultare? Nemo profecto, neq. philosophus, neq. aliarum liberalium artium sciētia eruditus, hunc unum poëtam legerit, quin in eo fusa, atque aspersa sua doctrinæ præcepta recognoscat. Ceterum intelligo, me nihil agere, nisi vos, quod in Homeri causa iam feci, velut in rem præsentem ducam; ostendamq. ali- quid

quid etiam in Virgilio esse, quod ab incredibili, atq. ab indecoro sine allegoria vindicari nō possit. Ne multa. Macrobius factus ex procuratore praeuaricator, Homerum summè cōmendat, quod in nulla sui operis parte trium illarū Dearum de pulcritudine certantium, iudicijq. Paridis mentionem aliquādo fecerit: contraq. Virgiliū graūiter accusat, quod ab ira Iunonis impotenti, atq. implacabili ausus sit poēma tā amplum, atq. magnificum exordiri. Scio equidem, hoc loco Scaligerum virgulam illam censoriam suam in Macrobiū intendisse, admirabundū, quod tantus vir, tam insigniter eruditus non videret in Ilia- dis fine fabulā hanc aliquot versibus ab Homero perstringi: sed in au- cōrem regerenda virgula est, quod non legerit apud Plutarchum, eos versus non Homeri proprios, sed spurios, atq. suppositos à veteribus habitos esse. Vt cumq. controuersia sit; reprehensum à Macrobiō Vir- giliū video, quod fabulam incredibilem, & decoro minimē seruientem cōmemorarit. Neq. enim simile vero videatur, aut deceat, leuissimis de causis altercari Deas, & ad litem dirimiendam, componendam, mortalium, atq. adeo pastorum subire iudiciū velle. Iure ne dicantur hæc, an iniuria, non dispuo. Sed fac tamen iure, ac merito reprehensa. Si qua Virgilius, aut ab incredibili, aut ab indecoro videtur labe re- spersus, eā ego Fulgentij Placiadis, hominis docti, & Christiani aucto- ritate detergam, qui fabulam hanc sapienter interpretatus, tres illas Dēas humanæ vitæ rationem dixit esse tripartitam: contemplantem Palladē, actuosam Iunonem, Venerem voluptuariam. Has Deas pro- pterea indicari à Ioue non debuisse, quod Deus liberā homini deligen- de, vitæ optionē dederit, vt quam velit ē tribus, suo arbitratu, ac iudi- cio cōpleteatur. Addit, neq. prudērem aliquem, neq. doctum eius cau- sa iudicem fuisse delectū; quia cum esset illo figmento stultorum con- silium exprimendum, qui contemplationis actionisq. hoc est virtutis, ac doctrinæ posthabita præstantia, voluptati corrumpendos se tradūt, tam parui, peruersiq. auctorem iudicij non acutum hominē esse oportuit, non eruditum, ac doctum, sed pastorem imperitum, ac rudem ho- minem; belluarum pene conuictu sic vrentem, vt parum ab ijs differre videretur. Multa præterea sunt apud hunc etiam Latinum Homerum, quæ petito ab allegoria patrocinio egent. Sed prouidere me oportet, ne vos ante patiēter audiendi finē faciatis, quām ego putide, molesteq. dicendi. Tantū orandi mihi etiam, atq. etiam effis; vt quoniam hoc ad vos hodie iudiciū à me delatum prudentius est, quām illud ad Paridē, gregarios à Virgilio interpretes, velut ab interuerso fundo deiiciatis, constituatisq. Philosophorum esse in tam amplio, splendidoq. sapientiæ regno dominari. Quod si plane de re non liquet, ac Iudicū sententię variant, ampliari per me licet, & cōperendinare; vt actione altera, & dicatur à me copiosius, & à vobis de tota causa facilius decernatur.

DE VIRGILII ALLEGORIA

MORALI.

ORATIO III.



V O D votum est Comicorum omnium poëtarum, palam, ac liberè profitentium, ea se gratia, consilioque adiecissem ad scribendum animum, vt populo placerent, quas facerent fabulas, id me votum iam sàpe damnauit, ac reum fecit apud vos Auditores: quorum humanitate factum video, vt numquam ex hoc loco dixerim, quin ea, quæ dicerentur à me, oculis, vultu, nutu, ipsa etiam, quæ vendibiles excipere solet orationes, admiruratione secunda comprobaretis. Licet ita hodierna die non tam de me gloriosè, atque inuercundè prædicare, quam de vestris in me promeritis amplè, magnificèque sentire. Nam cum semper hic mihi vigiliarum mearum extitit fructus, vt à vobis accurate, ac libenter audirer, tum verò maxime anno superiore; cum explanationē Virgiliani operis à Grammaticorū vulgo sic vindicauī, vt contenderē Philosophorum esse, Philosophū illum poëtam, aut poëtarum verius Platonem, quemadmodum cum nominabat Alexander Seuerus, auditoribus interpretari. Acclamaстis inquam orationi meæ, atq. arcanam in eo poëta Philosophiam occultari aliquam, vestro quoque suffragio decreuistis. Nunc, quoniam ita placere omnibus hanc sententiam animaduerti, & à Philosophis, quorum fines intraueram, neque fastidiosè reiectus, neque postulatus iudicio, aut appellatus ex tribunali sum; intelligo mearum esse partium, constituere certam philosophiæ formam, quam in opere, veluti mysterio quodam videatur allegorijs poëta solertissimus obduxisse. Cum enim à Platone omnis philosophiæ ratio tres in partes tributa sit, quarum prima subtilitate disputandi, ac differendi, altera moribus, & vita, tertia naturæ ipsius obscuritate contineatur; nisi etiam dico quam tandem è tribus hisce formis appositam Aeneidi, atque obuolutam illo poëmate putem, fidem meam, quam tum vobis Iudicibus obligai, non liberabo.

Prin-

Principio igitur, ut ab incertis explorata, & certa secernamus, illud ponendum existimauit, quod turpissimum esset, in dubium, quæstionemque venire, eam philosophia partem, quæ genera partitur, ac species, quæ consequentia, & repugnantia videt, quæ distinguit ambigua, non fuisse optimi poëtae consilium in grauiissimum illud opus includere: nisi eos fortasse audiendos putatis, qui paulo superioribus annis tam acute, atq. subtiliter de poëtos vi, ac natura disputabant, vt eam non modo Dialecticæ, sed etiâ Sophisticæ subiungere non dubitarent.

Vnum igitur esse video, quod disputando inuestigare, ac querere minime puduit prudentissimos viros: naturalem ne, an eam, quæ de moribus agit, philosophiam in toto poëmatis cursu persequatur Virgilius, & occulat allegorijs. Quæstionis verò causam eam esse dicunt, quod nihil in disputationibus illis acutis, aut docetur à Physicis, aut à morum doctoribus explanatur, quod à poëtis ipsis implicitum fabulis, & conuolutum non sit. Nam, vt à naturalibus ordiamur, ea primum initia in oculos ipsos, ne dum in animum, ac mentem incurront, quæ ab Empedocle radices, & rerum omnium fontes appellantur. De quorum altercatione, atque inimicitia, quam exercent, antequam ex ijs aspectabili corpora coalescant, superuacaneum est apud doctos, & sapientes viros multa commemorare. Illud breviter, & cursim repetere memoria satis sit, ex illo elementorum conflictu, velut ex bello iam profligato existere naturalium rerum, atque adeo ipsis vniuersitatis admirabilem confessionem, ac pacem. Hanc ergo genitalium corporum pugnam, in qua naturalis philosophia primordia, & quasi rudimenta posita sunt, nolite putare, aut ignorasse poëtas, aut in suis ipsorum fabulis præterisse. Vt etiam enim nos ita suspicari Græcorum facile princeps Homerus, qui Deorum in cælo simultates, & ciuile prope dissidium studiose depingit, cum videlicet.

Contra Neptunum flauus configit Apollo,

Tela tenens pennata manu, cum Pallade Mauors

Congreditur. iacit arcitenens Diana sagittas

Iunonem contra: pedibus talaria gestans

Latonam aggreditur, sumptis Cyllenius armis.

Parte alia ignipotens magno cum flumine pugnat

Mulciber, atherei Xanthum quod nomine dicunt

Cælicolæ.

Ego ne ita cæcus sim, vt Homerum, qui tam multa sine oculis vidit, intelligere non potuisse credam, quam hæc à Diis aliena discordia sit, atque in fouendis mortalibus intestinum ipsi cælo, ac planè domesticum bellum: neque suspicer potius, immo prorsus in animum inducam meum, tectiorem aliquam, & remotiorem ab oculis pugnam illo Deorum prælio voluisse describere & sequar Alexandrinum Cyrillū, non sapien-

sapienterissimum modo, verum etiam sanctissimum ducem: qui abditos, ac penetrales Homeri locos face prælata collustrat, & ceteris intuendos tamquam interpres, ac mythagorus ostendit. Is igitur in eius libri procœdio, quem contra Iulianum Cæsarem perfidiosum, Christianæ religionis desertorem promulgauit, hæc Homeri figmenta cum ijs contulit, quæ corporis actione, quæ voce, ac gestu ab histriis aut mimis redduntur in scena. quemadmodum enim poëta, qui Theatro seruiunt, minime satis habent, aut ira percitum hominem, & cupiditate, aut contentione, atque ambitione discordem, aut astuantem inuidia, aut ieunio enectum, & fame verbis affingere; sed ipsam quoque iram, & cupiditatem, illam ipsam inuidiam, discordiam, ac famem, corporatam, aspectabilem, spirantem etiam, & loquenter faciunt: sic Homerus naturalis Philosophi partes acturus, haud sibi satis esse putauit ipsa rerum naturalium initia, quæ vocamus elementa, verbis retexere, nisi etiam quibusdam quasi personis induita produceret in medium, & legentium oculis spectanda per otium, ac contemplanda proponeret. Itaque varia illa partim in Troianos, partim in Græcos bellantium Deorum, & digladiantium studia, variae sunt, aduersæque qualitates elementorum, quibus inter se continenter, ac semper bellum gerunt, continenter intereunt, ac renascuntur: quæ videmus, sensuque tractamus corpora conformant, ipsam feruant, & continent rerum vniuersitatem. Quam quidem elementorum pugnam, quia diuinam existimat Homerus, non hominum illud prælium esse dixit, sed dimicationem Deorum, non mortales inter se certantes, & concurrentes induxit, sed bellum vna committentes, & ferro decernentes Diuos. Quid enim esse causæ putatis, cur Apollinem igneum illum, & radios vibrantem Deum cum Neptuno, maris, & aquarum, quæ ab illo nascuntur omnium præside, congregientem faciat, nisi quia calidum, & siccum elementum humido, ac frigido, qualis aqua est, aquarumque moderator Neptunus, aduersatur? Cur lunoni aëris dominæ Dianam, quæ Luna etiam dicitur, opponit in prælio, nisi quia flabilis, & spirabilis aër à Luna, quæ in subiecta, & supposita omnia non tam ditionem, quam maleficium exercet, agitat semper, ac permouetur? Cur Vulcanus Scamandrum, siue Xanthum, illum nobilem Troiæ fluuium bello premit, ac sequitur, nisi quia feruens, & maxime calidus ignis, quæ habet in potestate Vulcanus, humidis, ac frigidis rebus, ut de Apolline dicebamus, est inimicus?

Sed in ea pugnantium Deorum congreßione illud mihi mirandum eximiè videri solet: quod, quem discordias componentem, atque adeo auctoritate, ac maiestate bellum inhibentem esse oporteret, eius pugna cum animi oblectamento spectatorem, & digladiatione illa gaudentem Deorum omnium Principem, ac dominum Homerus facit,

facit, & custodinit Iouem: Quantum enim aſſequi cogitatione possum, id significare videtur, quod nec à vero, nec à recta religione abhorret: elementorum pugna, & qua ab elementis ita pugnantibus existit, omnium procreatione rerum, despicientem è cælo Vniuersitatis molitorem, atque opificem Deum summopere delectari. Ab hisce rerum initijs, ad ventos, quorum est incredibilis vis, atque in omni vita parte admirabilis vſus, veniamus. Multa quidem de his implexa fabulis, & commentis sunt; sed illud longe pulcherrimum, & rationibus nostris accommodatissimum iudico, quod Vlyſſi, homini maxime gnaro, ac scientissimo accidisse commemorat idem Homer. Cum enim diu, multumque aduersa ventorum tempestate iactatus, & circumactus in mari fuisse, Aeolum, illum procellarum dominum, gubernatoremque ventorum conuenisse, ac rogasse dicit, vt aliquem tandem, & turbinibus incommodis, & errori suo modum, ac finem imponeret. Ne longum faciam: auditus illicò à Rege ventorum est, & tam diuturna calamitate, temporis puncto leuatus. Accipit ab humanissimo procacis populi Deo ventos omnes, atque anhelitus terræ folliculo insutos, & culleo, quasi parricidas; vt eos in officio contineret semper, & secunda in posterum nauigatione vteretur. Quid vobis hæc fabula videatur, haud sane scio. Evidem non ita stultum putarim Homerum ingeniosissimum poëtam, vt tam pingue mendacium credibile se facere posse confideret. Aliquid profecto ea dignum sapientia, qua præditus erat, tam impudenti vanitate doceare, ac exprimere voluit. Docuit sane feliciter, expressitque: non id modo significans quod Eustathius interpres affirmit; Astrologum ea memoria fuisse præstantissimum, qui ventorum quorundam exortus, occasusque diuinari, & Vlyſſi prædixerit; sed naturæ miraculum, abditissimum adumbrans, eorum, qui Physicam tractant quandam remotiorem, quam naturalem magiam appellant, testimonio comprobatum, hoc est, ventos habere insitam illam, impressamque natura cum vtribus simultatem, quam Græci *artimæstas* vocant: sic prorsus, vt numquam in eam cæli regionem aspirent, vbi certi quidam folles ex edito, ac sublimi loco deligati suspendantur. Intellectum id primum est Empedoclis beneficio, quod testatum reliquit in duodecimesimo historiarum libro Timæus: vbi confirmat, eum Philosophum incredibili quodam modo, ac singulariter attulisse mortalibus admirationem. Nam cum aliquando immoderate, insolenterque flarent Etesiæ, sic, vt vrbium turreſ, & tecta quatefacerent, corrumperent segetes, ipsas etiam arbores, ac filias extirparent, aliquot deglubi afinos, & vtres è pellibus factos in collibus, atque in altissimis montium verticibus, ad vehementissimos illos ventorum inhibendos, & comprimendos flatus, suspendi, ac collocari iussit. Qui cum occidissent

dissent subito, & confessim in ea prouincia spirare desissent, eorum more, qui viatis, debellatisque populis, ac Regnis, nouum sibi cognomen inueniebant, καλυσαίας à Græcis, hoc est ventorum depulsor, ac profligator, honorifico sane vocabulo dictus est.

Sed quia leuissima hæc, & tenuissima ventorum corpuseula subterfugiunt visum, præstat ad ea, quæ magis oculos, & sensum crient, in primisque ad cælum orationem conuertere: quo nihil pulcrius, nihil ornatius, nihil quod Philosophos ipsos ad sui contemplationem vehementius rapiat, inueniri, aut cogitari animo potest. Quid ergo de hoc altissimo Dei Opt. Max. domicilio tam graphicè facto, aureis illis circulis quasi balteis vndique comprehenso, creberrimis astris, tamquam bullis, gemmisque artificiose distinet, ipsi quoque poëtæ philosophantes imperitæ hominum multitudini tradidere? tam varia, tamque à vero in speciem aliena, vt pigeat relegere animo fabulas, atque hoc loco ad satietatem usque recensere. Vnum tamen haud præteribo tacitus, quod instar omnium esse possit. Quid tandem dicam breuiissime. Cælum incudis filium facere poëtæ non dubitabant. duram oppidò illi matrem dederunt, & quæ parere non possit, nisi tonitru, ac fulmine perterreatur. Næ ipsi plumbei, aut etiam incudes putandi sunt, nisi prudentissimam aliquam sententiam tam magna flultitia tegere voluerunt. Cur enim cælum incudis potius filius sit, quam aut mallei, aut scalpri, aut etiam officinæ? Liberat nos ea quæstione, ac dubitatione Phurnutus: qui propterea ex incede parente natum esse cælum à veteribus dictum autumat, quod significare doctissimi viri, ac demonstrare mortalibus vellent, perpetuum cælestium orbium ultro citroque meantium sine villa communitione collisum, & materiam omnis immunem interitus, omnis omnino vitij, atque corruptionis expertem. Ut enim illa ferrea fabrorum massa, quam incudem dicimus, noctem, diemque malleis assidue tunditur, neque corruptitur, aut comminuitur tamen: ita cælestes illæ rotæ, quarum citimæ inuolutæ sunt extimis, perpetuo quidem cursu circumaguntur in orbem, sed tamen neque detritæ sunt unquam, nec in futurum villa ratione deterentur. Probare videtur hæc Platonis amantissimus, ac studiosissimus Proclus: qui cælum ab antiquorum multis appellatum æneum arbitratur ad illam eandem opificij pulcherrimi perennitatem, æternitatemque declarandam. De naturalibus ita diximus.

Sequitur, vt de ijs, quæ moribus, aut multiplici hominis officio continentur, aliquid etiam in medium proferamus: quæ quoniam in præceptis versantur, partibus singulis humanæ vitae salutaribus, ab obscurissima illa Hesiodi fabula initium faciam, quam inuolucris explicatam suis proposuit nobis antiquissimi temporis Philosophus

apud

apud Galenum Chrysippus. Canit igitur Hesiodus, Iouem vetulum, illum Deum, & tam multarum nuptiarum, Metim virginem præclaro sibi coniugio deuinxiſe: quam cum eximiè muneribus ornasset, ac mundo, cum præter cæteras coniuges blanditia consueſecifset, & gratia, in ipso toro, atque complexu commanduauit totam, atque in ventrem penitus abſtrusit suum. Quid deinde factum putatis? fingite hoc ipso commento, quod accepistis ex me, fabulosiorem fabulam: vincenda tamen est expectatio vestræ mendacio. Meti grauidus, ac fœtus Iuppiter, iamque ad pariendum vicinus, sic dolere, ac discurciari capite cœpit, vt à Vulcano securi aliqua, vel cuneo sibi diffundi vellet, & cuperet cerebrum. Ita prorsus id factum est, vt Iuppiter imperarat: qui confestim periculo puerperij liberatus, in lucem è bipartito capite Palladem, doctissimā disciplinarum, & consiliorū omnium moderatricem effudit Deam. Ridentis tam palmare mendacium; nec iniquè ridetis. sed risum in hac fabula iubet tenere Chrysippus. Ait enim, Metim nihil aliud esse, nisi prudentiam, artemq. vita sapienter, ac moderate degendæ; adeoq. traditum ab Hesiodo, eam virginem consilio, ac sapientia Dijs, hominibusq. antecelluisse vniuersis. Hanc videlicet prudentiam vorare quodammodo nos, hoc est diligenter, & quam citissime comparare, atq. in capite condere sapientes iubent. Nam ingeniose Galenus ipse ita fabulam hāc secundum Chrysippum enodat, interpretaturq. de suo: merito primū in ventrem ab ore detrusam Metim, deinde conceptam in Iouis capite Palladem: quia prudentia ortum quidem ducit à sensibus, habetq. in ipso rerum experimento incunabula quædam: sed tamen in capite adolescit, maximèq. perficitur in vertice, vbi medius, & præcipuus cerebri folliculus est. Sic ille philosophatur: ad veritatem quidem nō omnino recte, ad sensum Hesiodi sapienter. Quid vero nobis etiam fiet, vbi hanc moderandæ vita rationem, ac viam didicerimus? id omnino, quod accidisse, Ioui comminiscitur fabula. Quemadmodum enim Iuppiter, exhausta iam, vorataq. Meti, consultissimus eusit, & Pallader: peperit, sic vbi verā nos prudentiæ speciē informauerimus animo, non modo nihil in vita peccabimus, sed nostra ipsorum cogitata, quæ veluti fœtus ex capite proferemus in lucem, non cogitata mortalium esse, sed ab ipsa Pallade profecta consilia videbuntur.

Ceterum hanc, quæ de moribus agit, philosophiam, nihil est, quod habeat, & contineat magis, quam dati hominum criminibus apud Inferos Iudices, & certa certis sceleribus, ac peccatis excogitata fabulosè supplicia. quibus figmentis, ne semidocti quidem, ac pene populares ipsi ullam adhibendam esse fidem arbitrantur. In manibus sunt, & quotidie leguntur à nobis, quæ nouitius, ac tiro philosophiæ apud Marcum Tullium in eam sententiam diserte, ac luculentè pro-

fiteretur in Tusculanis . Tantum enim abest , vt vel tricipiti Cerbero , vel fremitu Cocytii , vel Acherontis transvectione , vel Rhadamanthi iudicio commoueri queat , vt etiam poëtarum , & pictorum hæc esse portenta conuincat . Quod si hospitem hunc philosophia contemnit , eiusque testimonium non probatis ; habeo proferre Philosophos magnos , & eruditos viros , qui facile adolescenti , ac sapientiæ tironi subscrivant . Nam in omni philosophia genere versatus , exercitatusq. Plutarchus , in eo libro , quem de audiendis poëtis inscripsit , ardentium apud Inferos fluminum , locorum horribilium , portentorumq. descriptiones intelligere iam omnes affirmat , fabulas esse : ac ne Pindarum quidem ipsum , aut Sophoclem vera putasse , quæ de Inferis , ac de Inferorum monstris scriptis versibus cecinerunt . Cur ergo illa commenti poëtae sunt , cum neq. crederent ipsi , neq. credibilita populo esse arbitrarentur cur? nimirū vt multiformibus , monstrisq. illis imaginibus Inferorū , & sceleris deformitatem effingerent , & multiplices manere pœnas eos , qui delinquerent , simulato terrore , ac ficta turpitudine demonstrarent . Itaque in illo Tantali fugitiuo lacu , atque pomarijs , non Tantalus ipse nominatim , sed generatim , vniuerseque plectitur auaritia : in Ixionis illa rota non tam ipse iactatur Ixion , quam torquetur , & circumagitur ambitus : in Titij dilaceratione miserrima non tam ipse punitur , & pœnis afficitur Titius , quam dolore carpitur , & laceratur libido .

Nullus vñquam Philosophorum fuit , qui certius hæc credere videatur , quam Plato . & tamen idem ipse , qui in Phædone verissima esse sanctè , ac pene iuratus affirmauerat , in primo de Republica dicta mutat , & palinodiam cantat . Docet enim apertè , distinctèque pronunciat , ea , quæ de quatuor Inferorum fluminibus , deque Rhadamantho , ac Aeaco vulgauerunt poëtae , deliramenta somniantium , atque animæ fabulas esse . Quid hic igitur à nobis in tanta dictorum inconstancia constituendum erit ? An exordem , & pugnantia locutum dicemus tam magnum , & sapientem virum ? Non patitur nos de Platone , quem appellabant antiqui Philosophorum Deum , tam male sentire , ac iudicare Platonicus Olympiodorus . Habet enim ad allegoriam , velut ad munitissimam arcem , perfugium ; vnde pro magistro fortissime , acerrimèq. propugnet . Nam si monstra ipsa , & compositæ Inferorum formæ ita per se spectandæ sint , vt exprimuntur in fabulis , tum enim uero contendit , à Platone , non modo fabulas dici , sed ipsam quoque fabulositatem . Sin autem allegorias intueamur ipsas , quarum causa turpissimæ illæ , incredibileisque monstrorum species fictæ sunt , ea verissima esse , atq. adeo sapientium oracula Platonem credere , ac dicerre putat . Placet hic Procli etiam verba , Platonem , ac Homerum à calumnia vindicantis penè de scripto recitare . Inferorum , inquit , illæ regio-

regiones, ardentia flumina, & ea, quæ de Rhadamanthi iurisdictione docuerunt Homerus, ac Plato, non omnino sunt habenda somnia, vanitatesq. stultorum. Ut enim in cælo certæ sunt, & pro meritis designatae vnicuiq. Cælitum, atque Indigetum sedes, ita putandum est, mortalium animas, quæ vel afficiendæ suppicio, vel expiatione purgandæ sunt, ad loca quædam abdita, & ea subterranea demigrare; quò veluti flumina, ipsæ rerum omnium fæces, & concretiora elementorum purgamenta decurrunt.

Spissum opus, atque infiniti propè laboris esset, cetera in hoc ipso genere persequi, quod tractamus. dicam in summa: quicquid aut in natura contemplati cogitatione sunt, aut in moribus salutari documento, ac lege præscripsere Philosophi, id compertum habetote, & vidisse poëtas, & hominum generi fictis fabulis, quasi mollioribus quibusdam præceptis exposuisse.

Quæ videlicet causa (huc enim mea spectabat, & collimabat oratio) ita mouit aliquos haud indoctos, atque illitteratos viros, vt cum ijs liberum videretur de Virgilio vtrumque pro arbitratu decernere, maluerint eum naturalem Philosophum facere, quam vitæ, morumq. præceptorem. Videbant enim vtramq. philosophiam à poëtis implicitè, abditèq. traditam fabulis: videbant permultos ipsius Virgilij locos ab antiquissimis quibusdam scriptoribus explicatos ita, & explanatos fuisse, quasi naturalis essent philosophiæ, non ciuilis institutio- nis inuolucra. Sed non viderunt, eam rationem infirmam esse, & quæ nihil præterea vincat, nisi aliquando in tam amplio poëmatis campo quosdam occurrere locos, qui naturalis philosophiæ doctrinam completi, ac tegere videantur. Non enim id efficit, quod efficere, ac demonstrare oporteret, opere continuato, atq. perpetuo à Virgilio non mores, sed rerum naturalium cognitionem adumbrari. Quod si ea ratio quicquam posset, posset illud etiam facere, vt quoniā multis apud eum poëtam locis antiquorum opiniones de Dijs, & sacrorum ceremoniæ continentur, Theologus appellari debeat, & Pontificij iuris interpres. cum præsertim Honoratus Seruius scriptum reliquerit, à Virgilio plurima dici ex altissima Aegyptiorum Theologorum scien- tia, & disciplina. Et haberent, opinor, Scaligerum illum Iulium huius sententiæ facilem adstipulatorem: cuius ea videlicet erudita vox, atque oratio est; Virgilium excutere omne philosophiæ penu, & ex adytis Metaphysicæ loqui. haberent patronum veterem illum Grammaticum, atq. interpretem poëtæ Donatum: qui tantum Virgilio tribuit, vt libere, fidenterq. confirmet, eum liberalium artium non modo peritissimum esse, sed doctorem etiam, & magistrum in opere.

Evidem cum istorum studia satis demirari non possum, qui tam impotenter, ac perdite Virgilium amant, vt eius causa omniū discipli-

narum fines violenter inuadant ; tum verò me ipsum ignauia, ac timiditatis accuso, quòd tam amplè campum, atque imperium illi proferre non audeam . Fateor me plus nimio formidolosum, & v̄erecundia pene semipagana præditum esse natura . sed si formidinis causam dixero, scio vos daturos esse veniam pudori meo . Nō possum sine ali. quo sermonis diuerticulo explicare quod timeo . recordabor tamē itineris instituti, neq. monitorem expectabo, qui me, commonstrata columna, reducat in viā, vnde deflexi . Age igitur . Aesopum norunt vniuersi qui litteras norunt . quin etiam tonsores ipsi, atq. illitterati omnes cognitum habent . Expositus erat is ab institore domino in Sami foro duobus intermediis vehalibus pueris, artibus eruditis, & eleganticibus forma; quorum alter Musicus erat, alter Grāmaticus; vterq., vt ea natio facta est, ad omnem proiectus audaciam . cum ecce tibi Philosophus magni nominis Xanthus, siue casu, siue consilio commodū in emporium venit . Vbi, turpisimum hominem insignibus interiectum pueris conspicatus, enim uero mercator hic, & sapit, inquit, & in rem suam callidissimè prospicit : qui comparatione deterrima fecit, vt iuuenes illi habitiores esse viderentur, & pulciores . Tum proprius ad catastam accedens, venales illos adolescentes de suis ipsorum artibus percunctaturus, cantorem interrogat primum, ecquid facere sciret . Quid ni respondet Musicus? omnia . Hic Aesopus, vel audacia, non ferenda commotus, vel calliditate tam stulta delectatus, diductis enormiter labris, quæ nigra, crassa, prominentia, atq. vsq. ad miraculum vtrimeq. habebat inflexa, tanta cū turpitudine risum fecit, vt soluerit pariter omnes Xanthi discipulos, qui erant spectaculo circumfusi . Pergit nihilominus Philosophus etiam rogare Grammaticum, numquid ipse calleret . Ille nihil addubitans, aut moratus, maiori cum audacia respondet, omnia . Quem cum Aesopus eadem fanna exceperit, ac risu, cœpit sedulò cogitare Philosophus, quid esset causæ, cur monstrose deformitatis mancipium ita sociorum respōsa rictu, & cachinno deluderet . Quin ab ipso quoq. sciscitamus, inquit, artem, quam teneat? fortassis etiam derisionis causam cū artificio dicet . Age igitur tu infelix mortaliū irrisor, & despiciatissime fannio: quid facere nosti? nihil, respōdet Aesopus . nihil? plane inquam. an non tu furciferos, & verberones istos audisti, cum omnia se scire profiteretur? Quid reliqui factum mihi esse arbitraris? nihil . Historia quidem h̄ec est, & vera narratio; sed eam mihi parabolam, atque apogum esse peruelim, hoc est, institutionem rationum mearum, & saluberrimum documentum . Quid igitur tandem? Sunt in hoc Gymnasio haud minus quād in Sami foro mercatorum essent, varię Doctorum officinæ: quorum si perturbarē, & confunderē artes, contendere remq. in uno Virgilio suppeteret, atq. exposita esse omnia, quæ ceteri, distributo per partes labore,

labore, ac studio docent, dignissimus profecto essem, qui ab Aesopo deluderer, & exsibilationibus omnium proturbarer à foro. Confusam igitur in rem meam accuratè, neque in eam possessionem inuolabo, quæ mihi decreto Prætoris addicta non sit.

Satis inquam habeo, eam doctrinam adiudicare Virgilio, quam Horatio relegēdam Homerus tradit in Prænestino. Is enim, vt ait ille, cum bellum Troianum omni allegoriarum pulcritudine cumulet, non illum cæli cursum diuturno mortalium studio repertum, non astrorum errantium accessum, & recessum, non stirpiū vim, & facultatem, non alias rerum naturalium causas fabularum integumētis inuoluit:

Sed quid sit pulcrum, quid turpe, quid utile, quid non,

Plenius, ac melius Chrysippo, & Crantore dicit.

Et tamen in eo poëmate multa sunt, quæ ad naturalem philosophiam declarandam pertrahi facile possunt. Cur ergo morum potius conformatiōnem, quam naturæ causas ab eo dicit Horatius, nisi quia singulis hominum ordinibus in illa perpetua, & continuata poëmati⁹ allegoria præscribuntur ample, & de industria mores, naturalia sparguntur parce, ac velut appendiculæ quædam operi magno subseruientes adduntur? Quotus enim quisque Consularē, aut Prætoriam viam eò ducere contendat, quò tramites, ac semita ferunt, ac non potius tramites, ipsius diuerticula quædam esse dicat militaris via? Recte sane sapientes, peritique rerum æstimatores docent, nihil esse, quod materiam, quam tractant, & in qua versantur ij, qui aliquid scribunt, patefaciat, & demonstret magis, quam finis, quò studium, referunt vniuersum, & cuius causa cetera faciunt, ac moliuntur. Quare cum Virgilio non ipsius cognitio, inuestigatioque naturæ, sed morum disciplina, & ciuilis institutio proposita sit, minime profecto dubitandum, aut quærendum est, in quorum philosophorum numero collocandus videatur.

Sed quæ te causæ, dicet aliquis, in eam sententiam impellunt, vt de Virgilio decernas, morum expolitionem illi propositam esse, non explicationem naturæ? quasi vero in hoc genere pro summa ratione habenda non sit auctoritas, ac exemplum Homeri, ad cuius similitudinem hic noster artem, manumque studiose direxit. Sicut enim satis, superque videbar ostendere, hoc vno nomine in Virgilij poëmate allegoriam latere, quod in Homero esse aliquam vniuerse demonstrarem; ita nunc, in eodem opere nominatim illigari morum philosophiam, vel hoc ipso probari à me planissime credo, quod eam sapientiæ formam Homerum expressisse probarim in suo.

Sed tamen, ne in summa rerum copia, egestate, atque penuria laborare me quispiam putet, ex ipsa communī poëeos definitione ratios ego repetam validas, quæ facile vincant, hominū mores attendere

non de rerum natura cogitare Virgilium. Nemo enim est, qui non hunc & optimum, & præstantem ceteris poëtam velit, hoc est, non arbitretur, explesse numeros omnes absolutæ poëses. Atqui poësis ipsa, si genus inspicias, quid aliud ab Aristotele, quam imitatio dicitur, atque actionum humanarum expressio? Actiones autem humanæ ita continentur, & constant moribus, ut ab ijs seiungi, ac separari non queant. Nam quæ hominis actio esse, aut fangi potest, quæ, vel bono, vel prauo more affecta, & constituta non sit? Imitatur poëta regentem milites Imperatorem, seditione discordes, atque altercantes ciues, tyrannidem occupantes improbos, alia ex eo genere proptermodum infinita: quæ quoniam ab homine tantum effici possunt, neque cum ceteris animantibus communia sunt, actiones appellantur humanæ. Sed quis exercitum moderantem Ducem, quis popularium tumultus, ac turbas, quis Tyrannorum dominatum describere sine certa morum expressione possit? Planius id explicabitur à me, si vobis Aristotelis locus longe nobilissimus in memoriam redigatur: ubi cum discrimen inter poëtam, atque historicum quæreret aliquod, illud ad extremum inuenit, & scriptis libris ad posteros euulgauit; quod certas certorum hominum actiones historicus; generalia quædam, atque communia persequatur poëta. Cum enim Agamemnonem auditis, abducta Briseide, castra pene Græcorum inimicijs, ac discordijs evertisse, nolite credere, hunc Agamemnonem esse, sed hominum inflamatam libidinem vniuerse, cuius explenda causa nihil ab ijs moderati, nihil pensi ducitur; ipsi etiam produntur ad certum exitium ciues. Cum legitis, Achillem obstinato ad otium animo, expeditionem illam Græcorum, & patriæ victoriam retardare; illud exploratum habetote, non eum Achillem esse, sed generatim ira furentem hominis animum, iniuriæque vici-scendæ cupiditate præcipitem, atque impotentem. Cum Vlyssem deligatum ad malum, Syrenum scopulos impune prætereuntem admiranti; non eum vos Vlyssem existimare debetis, sed hominis consilium; & suis perfectam numeris sapientiam; quæ voluptatum inuitamenta negligit, quæ periculis expositæ iuuenturis breuia, syrtesq. declinat, quæ rectæ rationis malum semper, & gubernaculum tenet. Hæc autem tractare, ac generales hasce morum species, quas Plato appellat ideas, componere animo, cuius philosophi est, nisi eius, qui de moribus hominum vniuerse disputat, & communia quædam vitæ moderandæ præcepta conformat?

Altera huius sententiaæ causa etiam à communi poëses ratione petitur, atque in eo ponitur à me, quod cum ab Aristotele constitutum sit, poësim arti ciuili, quam Græci Politicam vocant, subiunctam, &c. velut obsecundantem esse, dicendum necessariò videatur, morum

procura-

procurationem, atque administrationem quodammodo demandatam esse poësi; quos videlicet castigare, componere, moderari, ad publicam felicitatem dirigere, ciuilis est rationis, & politicæ disciplinæ. Nam cum non modo liberales artes omnes, sed ipsa etiam opifia. Politicæ quadam præsidia sint, nihil erat necesse nominatim pronunciare, ac dicere, poësim ciuili subiunctam, & subseruientem esse, nisi propria illi, & singulari quadam ratione subiungeretur. At quæ tandem illa peculiaris, ac propria ratio est, nisi morum tractatio à quæ non, vt pleræque disciplinæ ciuilis tantum imperio paret, sed adest, apparentque dominæ semper, & dies, noctesque domestico quasi seruitio famulatur.

Postrema ratio, non ab ipsa communi poëseos forma ducenda est, sed nominatimi ab Epica. Nam quicumque de illa scripsierunt aliquid, iij quandam esse dixerunt Imperatoris optimi conformatiōnem, ac Regis. Quæ causa, nisi mea me fallit opinio, fuit, cur Alexander Iliadem Homeri tam sæpe legeret, vt eam, & sub puluino vnâ cum pugione retineret semper, & ipsius viaticum militiæ nominaret. Existimabat enim in Achille, cuius tantopere laudē æmulabatur, optimi Ductoris institutionem ab Epico poëta sapientissimo expositam esse. At qui potest Imperator, aut Rex informari, nisi cum eo de officio transfigatur, & moribus? Neque enim Imperatoris est naturæ cognitio, sed diligens officiorum tractatio, quæ morum expolitione constat, & moderatione quadam animorum.

Huc accedit, quod multa sunt in Heroicorum absoluto poëmate, fabulæ principis episodia, quæ nec generali aliquo præcepto, nec exemplo ipsa per se Regem instituere videantur. Quo fieri, vt quoniam illæ poëmatis Epicis partes nihilominus Imperatoris institutiones sunt, aliqua eum instituant allegoria, quæ figuris nihil ad rem in speciem pertinentibus abdita teneatur. Nam quid attinet, Imperatorem eo plane modo Inferos adire, quo fingitur Aeneas ipse intenebrisca illa terrarum gurgustia penetrasse, nisi aliquid illa descensione significetur, quod Imperatori, ac Regi debeat esse documentum?

Cum igitur hæc, vt dixi, sic omnino se habeant, consequens est, morum philosophiam à Virgilio cani, cum canitur fabula. Si enim bonus poëta non est; qui humanas actiones non imitetur: actiones vero ipsas imitari nemo potest, nisi imitetur, & exprimat mores: si Epicorum est, Imperatorem instruere, non instituitur autem, nisi exquisito morum, officiorumque delectu: relinquitur, vt Virgilius, qui sine dubio poëta bonus est, & Epicus singularis, in moribus officioque versetur, hoc est morum philosophum agat sub poëta persona.

Requirit à me fortasse aliquis huius auctores, atque adstipulatores sententiae; quos equidem proferre habeo non vulgares, sed sine controversia principes. Ac primo quidem, nemo penè Virgilium laudat (laudant autem non doctissimi tantum, sed etiam grauissimi, ac sanctissimi viri) nemo, inquam, eum laudat, qui non Platonicum, & Platonis discipulum accuratissimū faciat. Nam, vt nihil de Macrobio dicam, qui Platonis in eo sensa inuestigat, inuenitq. interpretando, vt taceantur à me qui Platonicis eum sacrifac, ac mysterijs imbutum dicunt, Augustinus optimus, non probitatis, & vita solum, verum etiam eloquentiae, recteque dicendi magister, amplissime testatur, Virgilium, & Platonicè philosophari, & sententiam Platonis explicare versibus luculentis. At Plato, si Timæum excipias vnum, quicquid litteris consignauit, id vel temperande Reipublicæ, vel priuatorum moderandis moribus accommodauit. Nihil ergo videtur aliud esse, Virgilium Platonicum facere, nisi eum in illorum Philosophorum redigere feriem, qui mores, & communis societatis officia tractant.

Explicat hæc haud incuriosè Donatus omnium ordinum enumeratione perfecta. Scribit enim, permulta in Virgilio esse, quæ patres, quæ filij, quæ viri, quæ coniuges, quæ milites, quæ Imperatores, quæ ciues optimi, quæ patriæ studiosi, amantesque communitatis addiscant. Huius videlicet poëta cantu admoneri mortales, vt suam ipsorum salutem Reipublicæ causa contemnant: huius tacita præceptione constitui, qualem esse oporteat, qui Deum rite, religioseque veneraturus sit. Hoc edici magistro, atque auctore, quid ei cauendum videatur, qui sanctas, atque illibatas amicitias velit, quid ei metuendum, qui violat fidem, quid agendum illi, cuius auxilium in difficulti aliquo temporis articulo postulatur. Hæc ille neq. indiligenter, nec vero etiam imperitè. Sed nullus mea quidem sententia melius, aut explanatius ea docuit, quam Seneca morum præceptor longe grauissimus. Quid enim ille de Virgilio sentit, ac iudicat? Accipite non Laconicum dictum, non Romani Sapientis vocem, sed Palatini Apollinis oraculū, aureis cælandum notis in foribus Templi. Quid inquam de Virgilio pronunciat tam magnus Philosophus? salutare carmen canit, inquit. Quid hoc est per vestram fidem? Que noua rerum miracula prædicantur? salutaris aliqua Siren inuenta est? sic prorsus. Salutare carmen Virgilius canit. quid ita, nisi quia institutiones vitae salutares decantando carmine sic inuoluit, quemadmodum in templis ambagibus obducta, consulentibus, & fausta precantibus populis responsa reddebantur à Dijs?

Maximè velim tam amplis clarorum virorum testimonij vnum adiungere, quod haud scio quantum apud aliquos auctoritatis habeturum sit: apud me quidem habet multum; apud eruditos, & doctos

doctos viros habebit, vt spero plurimum. Dantem Aligherium existimatis poëtam, opinor, minime vulgati saporis, sed omnibus instruū disciplinis; non philosophicis, atq. humanis modo, sed sacris etiam, & ijs, quas Theologicas nominamus: cuius doctrinam plane multiplicem, & Parisiensis Academia, vbi diuersabatur imperito illo saeculo sapientia, magnopere suspexit, & admirabilis quidam euentus vniuersæ posteritati commendauit. Nam, cum eo iam mortuo, postrema illa carmina, quibus Paradisi Cantica nomen fecit, in secreta, retrusaq. domesticarum ædium parte iacerent imprudenter relicta, nec sine multorum dolore desiderarentur in ceteris, quæ legebantur vulgo, & manibus omnium terebantur; ipsius poëtæ species, atq. vmbra candidis inducta vestibus Iacobum filium secundum quietem admonuit, vt certum, quem digito designauit, angulum domus excutere, vbi ea scripta unoquoq. mortalium infcio, delitescebant. Somno experrectus adolescens, & secum tacita cogitatione reputans visum, locum sedulò inuestigare, ac perquirere cœpit à patre demonstratum. Ne multa: ibi desideratum, & diu quæsitum carmen ita reperit, quasi ea sensibus accepisset, non per speciem obiectam animo somniaasset. Is ergo tam sapiens, tam multis eruditus artibus poëta, illo etiā viso tamquam diuinitus approbatus, ita morum allegorias amauit, & persecutus est, vt nisi earum illustretur explicatione, & nominum enodatione declaretur, ne ipse quidem ambages illas intelligere possit, quas conuoluit, atq. implicat cantu. Sed tenetis credo memoria, quem itineris illius sui ad Inferos instituti moderatorē, ac ducem legerit. Scitis, inquam, eius viꝝ comitem adsciuisse Virgiliū, à quo sic edocetur, quemadmodum apud Virgilium ipsum à Sibylla ducitur ad Inferos, & rerum occultarum doctrina eruditur Aeneas. Quid autem esset causa cur Virgilium, ceteris præteritis omnibus, ducem, & doctorē vellet itineris sapientissimus vir, nisi videret, eam ab illo morum philosophiam integri versibus, quam ipsem obducere, atque integere cupiebat in suis. Neque enim aliud est, doctore, atque itineris duce Virgilio vti, nisi rationem Virgilij sequi, ac imitari.

Igitur, vt strictim, breuiterque comprehendam omnia: & Homeri poëtæ sapientis exemplo, & firmissima ratione, & doctorum hominum auctoritate moueor, vt credam, non ipsas natura causas occultas, sed morum disciplinam, ciuilisque prudentiæ præceptiones allegorijs à Virgilio, tamquam in vmbbris, ac recessu fuisse conditas, quæ ab imperitis in eminentia fabulæ cerni non possunt. Reliquum esset, vt, quod prioris disputationis initio pollicitus eram, ipsa enucleare Virgilij præcepta, & velut è fabularum corticulis aggredener expeditre. sed quia circumductos orationi meæ limites præteruectus sum, & eorum qui me audiunt patientiam victam longitudine, ac inele-

ac inelegantia suspicor, noua quæstione supersedendum puto, & vestræ benignitatis auram in hoc eodem portu, quò me compulit, iterum expectandam.

DE CONTEXTV VIRGILIANI OPERIS ALLEGORICO.

O R A T I O I I I.



VONIAM eum mihi mouendum esse lapidem video, in eoque sudandum amplius campo, quem ingenio, laborique meo aliorum circumscriptis, & designauit auctoritas, Viri præstantissimi, Religiosissimi P. P. Auditores ornatisissimi, repetam hodie disputationes illas, quas ad Virgilium, vel ornandum, vel interpretandum præcise quidem, imperfætæque olim affeci, sed nouarum identidem intercep-tus occupationum incursu, plene, perducendoque, ut dicitur, ad vmbilicum opere numquam perfeci. Duobus enim ego congressibus illud vici; Aeneida, diuinum, quemadmodum antiqui loquuntur, opus, non tam esse fictam, conflatamque ad delectationem fabulam, quam abditam eius, quæ de moribus, regendisque ciuitatibus est, tractationem philosophiæ. Sed quia nucleus istum intra poëmatis integumenta reliqui penitus, nec eas exposui nominatim præceptio-nes, quæ traduntur ab Aenea, Imperatoris optimi vel sustinente per-sonam, vel speciem præferente, totum aliquâdo corticem frangam, resolutisque putaminibus, id demum extraham foras, quod moribus, vitæque ciuili possit utilitatem afferre.

Neque vero id ago, vt ostendam, quod aggressus est olim imperfe-to conatu Landinus, nullum apud Virgilium, neque locum, neque sententiam, neque verbum vacare documentis, & præceptionibus abditis sapientiæ. Sunt enim alij poëtae, quibus ficus numquam est ficus: quales in Græcia fuere permulti; apud quos ipsæ etiam nubes, & ranæ loquebantur. Qualis apud nostros Dantes Aligherins, est: cui nisi

cui nisi locis omnibus, ac prope syllabatim suas reddas allegorias, nihil plane supererit, cuius causa poëta, hoc est verosimilium factum rerum, habendus appellandusque videatur. Non ea, inquam, Virgilio ratio fuit, ut quod ipse panarium diceret, numquam vellet esse panarium. neque mihi consilium est, malitiose, ac per calumniam, ubi nullæ sunt, ibi fingere, ac comminisci velle rerum allegorias; sed illud vniuerse contendere, ac demonstrare, Troianorum Duxem, Romanæque stirpis originem Aeneam expressum nobis, ac propositum à Virgilio fuisse ad exemplum viri sapientis, optimique Imperatoris: qui à puerο institutus, ac per singulas vitæ partes suis exercitatus virtutibus, ad eam aliquando felicitatem peruenierit, ad quam non modo priuatorum singuli, sed ipsæ quoque ciuitates, ac Regna collinant. Quam ego doctrinam antequam explicò capitulatim, & breuiter, aliqua reuocauerim altius à Pythagoreorum, Platoniconrumque principijs accersita, quorum sine dubio Virgilius, & secutus est, & consecutus in opere disciplinam.

Animam illi nostram, cuius beneficio viuimus, ac sumus, è cælo delibari, decerpique putarunt, quasi particulam aliquam, aut scintillam diuinitatis: adeoque in corpus hoc mortale, atque concretum tamquam in carcerem, & vincula, tamquam in sepulcrum aspectu fœdum, ac tenebris horridum, immo vero tamquam ad Inferos ita compelli, detrudique pronunciabant. Neque enim antiqui illi sapientes, quos appellarunt Theologos, aliud existimabant Inferos, ac Tartarum esse, quam nostra ipsorum corpora: quibus inclusi mortalium animi tam multa sæpe cruciamenta, dolores, ægritudines, incommoda, perferre, ac perpeti cogantur in vita. Quapropter omnia, quæ poëtica fabulositas illic esse persuasit hominibus, in nobis metipfis, atq. in humanis corporibus admoto quasi digito demonstrarunt. Nam obliuionis illum fluum, animæ dicebant errorem esse, maiestatem vitæ prioris obliuiscantis: Phlegethontem, iræ faces, & cupiditatis ardorem: Acherontem, angorem, atque tristitiam, qua confestim capimur, ubi aliquid, vel fecisse, vel dixisse nos pœnitet: Cocytum, quicquid homines in luctum, lacrymasque compellit: Stygem, quicquid mortales inter se discordes in odiorum gurgite demergit, mœstitudine tetrorema contabescentes. Quin ipsam quoque pœnarum descriptionem variam, atque multiplicem ab humana vitæ desumptam exemplo voluerunt: vulturé illum iecur immortale tudentem, conscientiæ lacerationem, ac laniatum esse credentes, ipsas rerum flagitiose gestarum fibras vbique rimantis, ipsa prope animi viscera turpi contaminata scelere depascentis: enectum inedia, & fame inter epulas ante ora positas Tantalum, sordidos illos, atque auaros exprimere, quos habendi cupiditas insana ipsam cogit rerum præsentium

sentium copiam non videre . illos, qui rotarum districti radijs in er-
bem aguntur assidue , incautos adumbrare homines , nihil consilio
prouidentes, nihil explicantes virtute, nihil ratione moderantes, sed
res suas fortunæ temeritati, quæ circumvoluit omnia, permittentes:
Sisyphum adurgentem immane saxum , eorum significare labores, ac
studia , qui cassa contentione, conatuque semper inefficaci concessa
vitæ spatia conterunt . Eos autem , qui caducam silicem , & iam
iam lapsuram dies, noctesque pertimescunt , Tyrannorum ostendere
felicitatem : quorum ceruicibus continenter imminet exitium
quod meruerunt .

Hæc isti de nostro ipsorum Natali , deque animorum origine præ-
dicabant. quibus aliqui Barbarorum populi condocefacti pronuncia-
tis , homines vita functos cum hilari vocum sono , tibijsque suauissi-
me præcentibus ad sepulturam prosequi cœperunt; natos, atque in
hanc lucem primū exortos excipere cum lacrymis , & eiulatu lugen-
tium præficarum . Nam qui Pythagoram initio, quique Platonem
postea secuti sunt, duos prorsus obitus, ac mortes, vnam animi , al-
teram animalis esse tradiderunt . Mori quippe dicebant animal, cum
animus è corpore demigrat ; animam autem ipsam , cum à simplici,
atque ab individuo fonte naturæ in membra corporea, tamquam in
sepulcra fœdissima, vel in tenebris cosa gurgustia dissipatur. Putabant
nimirum ibi sordescere , infici , turpificari societate , & conta-
gione corporis animam , in earumque deprimi fontem ægritudinum,
ac ærumnarum, quæ, quoniam acerbissimæ sunt, cum Inferis, cum
Tartaro, cum ipsa morte malorum omnium clausula comparandæ vi-
derentur . Et sane , si quis humanæ vitæ rationem expenderit , pe-
stesque percensuerit omnes, quibus animus à corpore , vitiosaq. na-
tura mortalium aspergitur, intelliget, hos non omnia male, mendo-
seque dixisse, sed explicasse populis aliquo cum mendacio veritatem.
Nollem enim aliquis existimaret , me, cum hæc ita dispueto, istorum
probare phanaticam de nostrorum animorum origine , ac procrea-
tione sententiam . Evidem , qui iamdiu versor in humanis literis ,
haud ita sum hospes in diuinis , quin & audierim de præceptoribus
adolescens , & sœpe legerim in maiorum monumentis , opinionem
istam Platonicam in Bracharensi Conuentu iugulatam propterea
fuisse, quod extitisset inter Christianos à Platone Philosophi quidam
audaculi , qui docerent , hominum animas vna cum Mentibus illis,
quas Angelos dicimus , à Deo quidem initio fuisse procreatæ ; sed
fastidio demum affectas rerum cœlestium , amare cœpisse infimas, ac
terrenas : itaque ex eo tempore tamquam in carceres , & latomias,
sic in corpora mortalium, ad persoluendum tam incredibilis stultitiae
supplicium continenter , ac subinde de cœlo contrudi . Scio inquam
hæc :

hæc : neque cum dico , Platonicos , aut Pythagoreos de hominum ærumnis optimè iudicasse , illam etiam laudo delibationem animorum è cælo , ad quam velut ad stirpem , causamq. communem omnia vita lacrymabilis incommoda referebant . Quamquam quid ita me purgo , quasi necesse habeam ostendere , vera esse , quæ , aut Platonici docent , aut Virgilius à Platonicis hausta fabulis , & commentis involuit in opere ? Non hic ego dicturus sum , quād ille bona , sed quæ Philosophorum placita probet : adeoque facile me proripiam ab impetu Laetantij declamatorio , qui laxatis habenis , in Virgilium inuehitur , quod ille pius , ille integer , ac sanctus Imperator Aeneas humanas vmbbris victimas immolare non dubitet : nec animaduertit , ipsum se pugnare cum vmbbris , hoc est antiquorum reprehendere superstitionem , cum se putat inconstantia , ac fatuitatis accusare Virgilium . Is enim eorum eruditus opinione , docentium , caesorum hominum animas , & delectari cognato sanguine ; & miserrimas , atque errabundas esse , nisi earum iniuriam , ac mortem aliquis apud viuos vlcisceretur , Acneam in eo totum esse voluit , atque illud vnum agen- tem fecit , vt Pallantis placaret Manes , vel sacrificio , vel vltione .

Quare iuuenes illos quatuor

----- Sulmone creatos

Viuentes rapit inferias , quos immolet vmbbris .

Inde Mago procul infensam cum tenderet hastam , amplectenti genua , & supplicanti

----- galeam leua tenet , atque reflexa

Ceruice , orantis capulo tenus abdidit ensim .

Et Turnum obtulit , per Anchisæ Manes , mortemque deprecantem interimit : cui sine dubio dedisset veniam , nisi Pallantis animam errantem , atque sollicitam illo sanguine mollire , ac requietam reddere voluisse . Non id , inquam , mihi propositum est , vt tueri velim in præsentia Platonicorum , ac Pythagoreorum somnia : sed placet tam en , ad Virgilium illuminandum , eorum de nostrarum animarum in corpus depressione natali , quantumvis absurdas , clementientesq. retexere sententias . Ab hoc enim exordio vita capientes initium , in bonorum , ac malorum finibus ita pergunt ipsi philosophari .

Homo sic , vt diximus , à generis sui diuulsus , abstractusq. principio , pestibus infectus , & commaculatus corporeis , aliquam ad felicitatem , vnde digressus est , querit , & peruestigat indagando viam . quam quia per se inuenire non potest , istos consultit fæcrodotes , & sapientia mystagogos , qui dicunt vnam esse virtutem : cuius beneficio detersus humanus animus adipiscatur in vita beatitudinem , & secundum obitum de integro cum illa , vnde decisus olim est , diuina , cælestique Mente coniungatur .

Atque

Atq. istud demum est, quod Virgilius illos secutus Antistites philosophiæ, suis in Aenea coloribus exprimit. Eam enim tamquam dighito commonstrat erranti viam, quæ ab ipsis vniuersa illa, generalique præceptione describitur. Et quoniam de virtutis officio, ac vi varia quædam, & multa sanè dogmata illi Philosophi tradiderant, excerpit ex ijs poëta prudentissimus id, quod conscientissimum esset absolute, perfectæq. felicitatis. Fuere quippe nonnulli, qui virtutum munera sic distribuebant, ut dicerent, partes esse Prudentiæ proprias, asperstabilem hanc vniuersitatem, & quicquid sub sensu fallacissimos cadit præ diuinarum rerum contemplatione despiceret: Temperantiæ, præterire, ac relinquere omnia, quæ corporis, vel usus, vel voluptas, ac mollitudo requirit: Fortitudinis, ascensum perfectæ philosophiæ sublimem, arduumque non perhorrescere: Iustitiæ, consentientes habere virtutes omnes, atque ad nutum animi iubentis obsequentes. Magnifice isti quidem, & splendidè sic decidunt: sed qui velit hac via in virtutum officijs describendis insistere, is expungat è numero felicium necesse est Magistratus, & Rectores ciuitatum, quibus illud abruptum tam severæ definitionis ascendere per occupationes, & Reipublicæ negotia non licet. Sapientius itaq. Plotinus istius dam, nans angustias, malignitatemque sententiæ, quatuor fecit quaternarum genera virtutum ita latè patentium, ut nemini aditum ad felicitatem intercludant. Primas extergentes, ac purgantes appellat: secundas animi iam purgati habitudines, & qualitates: tertias politicas: quartas ideas, & exemplaria nominat. Illud in summa videtur sibi velle Plotinus; è virtutibus vniuersis alias otiosas, & quietas esse, negotiosas alias, atque actuosas: earumque beneficio singularum fieri posse beatos homines, & fines illos bonorum attinere, qui nostræ propositi sunt mortalitati. Piores enim in Philosophos conueniunt, posteriores in Reipublicæ Principes, ac ciuitatum moderatores: adeoque fit, ut hæc duo virtutum genera diuidantur interdum, si minus idem homo, qui felicitatem querit, ad utrasque videatur idoneus; coniungantur item interdum, & misceantur, si utrarumque, vel institutione, vel natura capax animus inuenitur. In solis operosis felicitatem reperiisse videtur Romulus; cuius vita numquam otium naœta, negotio fuit assiduo, atque actione quotidiana continenter exercita: in solis otiosis Pythagoras; quem agendi scimus ignarum fuisse, doctrinæq. tantum virtutes, atque ornamenti conscientiæ consecutum: in tertio, ac mixto genere apud Græcos quidem Lycurgus, ac Solon: apud Romanos vero Numa Pompilius, Catones ambo, Africanus, alijque minimè pauci, aut obscuri, qui, & philosophiam hauserunt altius, & firmamentum Reipublicæ solidissimum attulerunt.

Igitur

Igitur Aeneas, quia describitur ad similitudinem optimi, ytrarumque fingitur esse capacissimus, atque in vno, eodemque animo perfectionis illius gemina singulare constituitur exemplum. Sic itaque sudat ille sub armis, virtutibus exercitatus operarijs, vt subsistat interdum, atq. in seipsum quieta rerum abditarum commentarye descendat: sic emicat foras curis euocatus ciuilibus, atque actuosis virtutibus incitatus, vt secum habitet, sibique viuat identidem reuocatus ab otiosis.

Nunc denique hoc agamus. Hominem hunc ita partibus absolutum omnibus inspiciamus a puero: exortum primum in lucem, & corporeis inquinatum sordibus, deinde purgatum, extersumq. ad extremum perfecta quaternarum virtutum complexione felicitatem adeptum. Vultis a purgantibus ordiamur? Hinc enim ducendum esse videtur initium, vnde relegere primum incipimus ad felicitatem viam. Troiae nascitur Aeneas, Troiae puer alitur, educatur, adolescit, hoc est in vrbe molli, voluptatibus, ac delicijs diffluente: quia de caelo delapsus in corpus impurum diuinus, & castus animus, ipso statim initio facile corrumpitur illecebris, & cupiditatibus, illo nimirum expressis incendio, quo felix Ilium, & Troia ipsa voluptaria concrematur. Sed ecce tibi repente Venus, hoc est recta ratio: quæ flammis interceptum Aeneam admoneat, vti quam primum excedat, ab eoq. se subducat incendio, quo delicata illa ciuitas est peritura. Non enim haec illa vulgaris est Venus, inimica consilio, & rationi, sed alia quædam cælestis, a Platoniceis ipsis excogitata. quibus idcirco rationem hominis rectam appellare placuit Venerem, quod sic ipsa ratio virtutes pariat vniuersas, quemadmodum Venus gignere putatur omnia, quæ nascuntur in terris. Itaq. in eadē vrbe simul Aeneas alitur, & Paris, yterque morem gerens, atq. obtemperans Veneri: sed quia vulgarem hic audit, interit cum patria voluptatibus inflamata: ille, quia cælestem sequitur, per tela, per hostes periculis perfungitur omnibus, euadit ex incendio liber, nauigat in Italiam; hoc est ad eam cōtendit animi, corporisq. felicitatem, quam ei recta ratio demonstrauit. Quod cum facit, purgatis officia virtutis obit omnia: quæ non alia Platoniceis sunt, nisi ea ipsa, quibus, vt paulo ante cōmemorauit, sic definiebant, & circumscrivebant aliqui beatitudinem, vt eam Regibus, atq. in temperanda Republica occupatis hominibus omnino abiudicatam, & denegatam vellent. Si enim in hoc purgantis genere virtutis prudentiae dicitur esse, aspectabilia omnia, & corporata præ cælestium rerum amore negligere, quis Aenea prudentior, qui Troiam, hoc est, ipsum Regnum voluptatis, atque Asiam, delicatissimam illam regionem deferere non dubitat, vt Latio tandem aliquando potiatur, vbi suis absoluta numeris virtus Imperium instituet nouum, & cælestem comparabit

parabit immortalitatem? si temperantiae, repudiare, ac nolle quicquid ad corporis, vel vsum, vel obiectamentum efflagitat animi cupiditas, quis eo temperantior esse possit, qui Barbaricum illud aurum, & Phrygiam gazam, aut hostibus ipsis facile permitit, aut igni corrupti seculo animo patitur: nec secum exportat aliud, nisi Penates illos, & sacra, quorum aspiratione secunda nauigationi moderatur, & velificetur suæ? si fortitudinis, ascensum illum, quo ductu Philosophiae contendit animus, non reformidare, nemo sanè fortior Aenea, qui non modo tempestatibus immensi maris, monstrisque terribilibus obseptum ad beatitudinem iter non extimescit, verum etiam contra semper eo vadit audentior, quo maiora sibi obiecta esse pericula vel ab iratis Dijs, vel ab incommodis hominibus intuetur. si iustitiae, faciles, dictoq. propemodum audientes habere virtutes omnes ad terendam propositi viam, nullus profectò iustior Aenea videri debet, qui ad bonorum illum apicem, ac metam sibi monstratam diuinitus, religione, consilio, liberalitate, constantia, ceterisq. virtutibus tamquam accensis, atque apparitoribus ante praeuentibus, conuolat in Italiam. Neque vero illa apud Didonem remansio facit, vt minus sibi constare videatur in ea purgatione Virgilius. Nam qui hoc studio virtutis abstergentis expiantur, offendunt interdum ad scopulum aliquem, nec omni casu, ac prolapsione redundunt immunes, nisi cum inueterato iam habitu, diurnaque conuertidine confirmatus est animus, aut, quemadmodum ipsi loquuntur Platonici, cum defecatus est, atq. ab omni rerum fluxarum aspergine pure, pressèque detersus.

Quem habitum, confirmationemque probitatis quia sibi demum parauit Aeneas à Didone digressus, huius etiam virtutis officia, quæ purgati iam animi est, ex eorundem doctrina Philosophorum ita distinguamus in partes. Hic prudentia, non tamquam in deliberatione, diuina terrestribus anteponit, sed illa sola cognoscit: temperantia cupiditates extraordinarias, atque effrænatas nō modo reprimit, verum etiam obliuiscitur. fortitudo perturbationem iræ non tam vincit, quam prorsus ignorat: iustitia sic hominem cum diuina mente coniungit, vt ibi animus æquali tenore, atque indissolubili fœdere retineatur. Ad summam, vt uno verbo complectar omnia, eò deuoluitur hæc istorum oratio, vt significet, animum purgatione cumulatissima detersum, ac mundum ita se totum in diuina transferre, vt à terrenis, atque adeo à corporis sensibus alienatus, ipsam propè videatur induisse diuinitatem. Cum igitur hunc felicitatis gradum, & mente comprehendenter, & possessione iam teneret Aeneas, ad Inferos usque, hoc est ad animi sui commetandam originem ex ipsa Dei contemplatione descendit. Huc enim Plato ipse, dum per singula vesti-

gia Deum inquirit, s^ep^e, ac subinde diuertitur: quod existimet, in hominis anima tamquam in speculo diuini vultus imaginem facilius colluscere. Ille itaque descensus ad Ditis concava nihil sibi vult, & significat aliud, nisi animi quandam abstractionem à corpore: quam prorsus accidisse Philosophorum multis aliqui memoriae prodiderunt. Nam quod vulgo pene dicitur, Epimenidem illum Cretem ipsos solidos annos dormisse quinquaginta, Pythagoram latuisse decem, viginti Zoroastrem; id illi sic interpretantur, ut velint, à sensibus toto eo tempore alienos, excellentissimam, ac prope cælestem philosophandi rationem tenuisse. Quin huc referunt, atque ad hunc abscessum pertinere putant quod de Socrate scripsit Plato: ab exidente sole ad occidentem usque solitum fuisse eodem in loco, ijsdemque plane vestigijs insistere cogitabundum, oculis numquam, aut connuentibus, aut aliorum coniectis. Nec aliunde, nisi ab ea commentationis excelsæ præstantia factum volunt, ut Plato, cum sape inter philosophandum abduci soleret à sensibus, è corporis vinculis omnino in ipsa demum abstractione decesserit. Sed admirabilitatem omnium maximam facit in hoc argumento Porphyrius, etiam ipse è Platonicorum egressus officina. Ait enim, Plotinum magistrum suum cum repentina totius oris mutatione solui solitum frequenter à corpore, eoque tempore mira quædam inuenire, quæ scribebat, & cum discipulis communicaret: seipsum vero, cum ageret octauum, & sexagesimum ætatis annum, à Numine correptum semel inter commentandum fuisse, subitoque à sensibus, & corpore longe seductum.

Huius ergo gnarus, apprimeque sciens philosophiæ poëta doctissimus, noluit in eo, quem informabat ad optimi speciem, eam contemplationis excellentiam desiderari, quæ sapientes in seipso tam altè demergit, ad cælestia tam sublime sustollit. Quapropter ad Inferos illum compulit, veluti commentatione quadam obdormiscentem, & consopitum grauissima, ut de male, recteue factorum supplicijs, ac præmijs, de animi nostri natura, & vi, de ipsa rerum serie futurarum, institutione castissimi parentis edoceretur. Quo loco mihi venit in mentem illud obseruatè, curiosèq; considerare, eo potissimum tempore in altissimam illam rerum cōmentationem Aeneam descendisse, quo tempore Carthaginem, hoc est in uitamenta voluptatis omnia reliquerat, ac de libidine cumulatissime iam, perfectissimeq; triūpharat.

Memini quippe, apud quosdam me Platonicos legere, septem esse vacationis genera (sic enim ipsi aberrationes illas à sensibus, atq; abstractiones à corpore nominant) septem inquam esse vacationes, quibus animus ita supra corpus, ipsamq; mortalitatem euhitur, ut non modo res abditas, penitusq; repositas intelligat, verum etiam de venturis s^ep^e diuinet, & breui, longoue post tempore futuras vaticinan-

do denunciet. Primam eiusmodi vacationem aiunt in somnis eueni-
re, sobrijs præsertim hominibus, ac temperatis: quorum videlicet
animus facillime arcana fluxione diuini luminis illustretur. Secun-
dam fieri volunt ab ea cordis, animaq. defectione, quam medici Gra-
co vocabulo syncopen, nostro concisionem appellant. Illum in hoc va-
cationis genere perhibent, atque admirantur Enarchum: qui cum ex
ea spiritus incisione pro mortuo iam habitus esset, & comploratus à
medicis, de improviso reuixit, affirmavitque, eo se tempore non
moriturum, sed Nichandam quendam nobilem ea tempestate palae-
stritam; statimque Nichandas ipse in exitiosissimas incidit febres, ac
mortuus est; Enarchus vero planè conualuit: viuebatque vigens, ac
florens, cum ea, quæ dixi, fidelissimis litterarum monumentis consi-
gnabat Plutarchus. Tertiam in eius humoris contractione ponunt,
quem Latini bilem atram, Graeci melancholiam nominant. Illo enim
humore præter modum coacto, fieri dicunt, ut anima non minus ho-
mine vigilante vacet, quam vacare consopito soleat, & dormiente.
tantoque concitatores reddi, quam ceteros, qui sunt ita, vel natura,
vel morbo constituti, quanto densa rerum corpora, cum accenduntur,
effervescent magis, & vehementius exardescunt. Eiusmodi Socratem
fuisse credunt: quem Aristoteles melancholicum facit, & multa præ-
fensiſſe, ac prædixisse ciuib⁹ suis aliqui scriptores affirmatē contendi-
dunt. Quartam ex oī maium humorum conuenientia, & consensione
mirabili arbitran tur existere: quae sicut in Alexandri corpore odo-
rem illum excitabat suauissimum, ita in aliis ad numerum propè
temperatis ipsam queat vaticinandi facultatem ingenerare. Plotinum
ita factum, & compositum putant: quem eius auditor Porphyrius
testatur, insitos cuique mores, occulta mortalium facinora, futuros
euentus, atque impendentes casus usque adeo intellexisse, ut, cum Por-
phyrius ipse de se interficiendo cogitaret, id ille persenserit, eumque
per incommodum animi motum, qua pollebat auctoritate prohibue-
rit. Quintam otio tribuunt, & solitudini: vbi nimur animus obſtre-
pentis vita negotijs absolutus, ea tantummodo reputat, quæ sunt in-
calo, stellis illis, tamquam sacris Aegyptiorum characteribus exarata.
Hoc ex fonte Zoroastres, hoc est ex viginti annorum otio in remotissima
solitudine traducto, eam præsentandi rationem hausisse credeba-
tur, quam in libris de diuinatione scriptam posteritati reliquerat.
Sextam effici ab admiratione comminiscuntur. Ita quippe feminas il-
las diuinatas, quæ dictæ sunt Pythiæ, res futuras existimant fuisse vati-
cinatas. Cum enim in Apollinis antrum superstitionis plenæ secede-
rent, ibi que attentius de Numinis ipsa præsentia cogitarent, tanto,
quemad modum ipsi dicunt, & horrore perfundebantur, & hærebant
stupore, ut à sensibus alienata mens, solisq. rerum futurarum euenti-
bus

būs exposita, præfigiret interdum, & diuinaret, in ijs præsertim rebus, de quibus ipsæ consultæ fuerant, & cum consulentibus ante deliberauit.

Ad septimam aliquando veniamus: in qua Platonici resipiscunt. Sunt enim ex illo dementium genere, qui non semper delirant. Nec sum ego sic hebes, quin intelligam, & probe sciam, tam eas philosophantium abstractiones à corpore, quam has vaticinantium vacationes, partim esse confusa veris mendacia, partim improborum ludibriæ Dæmonum. Sed ipsa quoque proferenda fuerunt deliramenta, ut adiectam vanitati sapientiam fecerneremus. Aiuut ergo, septimam vacationem omnium præstantissimam esse: hoc est eam, quæ à vacuitate libidinis, absolutaq. castitate progignitur: adduntque rationem longè pulcherrimam, & quæ videatur à Christianorum doctrina non abhorrire. Affirmant enim, castorum hominum animas non quidem ad tempus, vt ceteras, sed continenter, ac semper esse Dei optimi maximi delubra quaedam, & fana sanctissima: adeoque ita res arcanas assidue nosse, ac sepiissimè vaticinari, quemadmodum consulentiibus populis oracula, & responsa redduntur in templis. Nihil sapientius poterat, aut ijs, quae à religionis nostræ traduntur auctoribus, congruentius dici. Video quippè Hieronymum existimasse, Sibyllis, quamquam vanos illos Apollines, & commentitia Numina colerent, à Deo tamen ipso, veritatis auctore, datam fuisse diuinationem; vt ijs insigne quoddam esset ornamentum, & præmium spectabile virginitatis. Nec aliorum, quam in hanc ipsam virginitatis gratiam alij Patres, magistriq. religionis id factum accipiunt, quod de Claudia, & Tucia Vestalibus à Plinio commemoratur. quarum prima cum in suspicionem venisset stupri, ad probandam pudicitiam suam, nauem invado Tyberis haerentem cingulo duxisse fertur, quam multa hominum millia mouere loco, ac machinamentis pertrahere non potuerant. altera cum similiter argueretur incesti, pertusum in fluvio cribrum demersit, haustamq. penitus aquam ad Deae templum pertulit, cuius sacra turpi polluisse flagitio putabatur. Ac ne nostros præterire videantur taciti, dum sic admirantur, & laudant alienos, hoc etiam addunt: Ioannem illum, quem ex Apostolis vnum propter excellentiam, atque præstantiam scimus ab antiquis appellatum esse. Theologum, idecirco diuinitatis penetrare pulsasse primum in cœnaculo, dein etiam in Insula Patmo aperuisse, quod quamquam alijs fortasse partibus non vinceret ceteros, castitate tamen, ac virginitate unus omnino antecelleret omnibus. Quin arbitratur etiam Augustinus, rusticulum quendam sua ipsius memoria ideo solitum fuisse à corpore saepe, multumque distrahi, & rerum interea miracula quædam inaudita cernere oculis non corporeis vigilantem, quod esset

virginitate præstabilis, atq; insigni castimonia nobilis inter suos. Ita Platonici, qui tam sœpe fucum rectæ pietati facere velle videntur, cum nostris interdum effatis, & religione consentiunt. Quapropter, vt ab hoc diuerticulo me recipiam, quò illa commentatís Aenea repens ad Inferos itio deduxit orationem meam, illud iterum magna voce pronuncio, scitè satis à Virgilio, & Platonicorum philosophia congruenter in illo contemplationis explete gradu Aeneam tum collocari, cum protrita libidine, ac mulierositate prorsus erasa, ad supremum iam fastigium euaserat absolutissimæ castitatis.

Sequuntur verò nunc illæ politicæ virtutes, quæ ciuium tuentur salutem, socios regunt, alienos deuinciunt, omnes deniq; omni officiorum genere demerentur. Frustra enim purgantibus illis, & tamquam piacularibus animi virtutibus extergitur, ac lustratur is, qui quæritur, & fingitur optimus, nisi ab illo cogitationis vmbrelli studio, mentisq; latibulis emineat aliquando foras, quæque diuturno cōmentatus est otio, proferat in usum ad publicas aliorum hominum, commoditates. Quare quod quæri sœpe solet inter sapientes, ac doctos: an Homero Virgilius sit anteferendus, hoc loco profligari facilime potest. Non enim Virgilius, quod ab Homero, illo duplice factum Iliadis, ac Odyssæ videmus opere, virtutes hasce multiplices separavit, alijs fortitudinem actuosam, alijs otiosam, quietamq; sapientiam tribuens: sed summa calliditate, atq; artificio id demum effecit, vt quæ distracta inter se videbantur esse, ac longissime dissidentia, in uno, eodemque Imperatore concordissimè coalescerent. Ac ne ab ijs agentis animi virtutibus abeamus, de quibus modo cepimus explicare, videte quantum ipsarum officia operosa cum illa superiorum requiete conuenientiam habeant, & consensum.

Principio ab ea commentatione tandem emersus Aeneas, confessim in Formiano littore Caietam excitat; quia prima ratio politicæ prudentiæ videtur ea esse, vt cœtus hominum, & concilia celebret, quemadmodum apud Tullium docet Scipionem auus Africanus. Descendit in Italiam. exemplo centum allegat oratores ad Latinum. Quanta porro ea sapientia, quanta religio fuit? Ingruunt ex improviso bellorum motus, quanta in conquirendis inter hostes auxilijs solertia, quanta in Ascanio, Troianisq; tuendis animi circumspectio? Fortitudinem intueri placet? Ecce tibi viuis omnia contrata Latinarum: imo verò aduersus omnem Italianam, & prope genus ipsum humanum unus Aeneas. Et quoniam fortitudo non in agressione periculi tantummodo cernitur, sed multo sœpe maxime in perpetuissime rerum asperrimarum, hem in acie vulneratus, sagittaque introrsus adacta periculose confosus.

Sæquit, & infrausta luctatur arundine telum

Eripere;

*Eripere; auxilioque viam quæ proxima poscit, & hunc emitto
Ense secant lato vulnus, teliique latebras. Rescindant penitus, seque in bella remittant.*

Quod cum fieret, doloris ille quidem, ac periculi securus sui, sed
mora, cunctationisque prorsus impatiens.

*Stabat asperba fremens ingentem nixus ad hastam
Aeneas magno iuuenium, & mœrentis Iuli
Concursu, lacrymisque immobilis.
Fortitudinem excipit Temperantia. sed qualis, & quanta virtus?
Illa profecto, quæ non modo voluptarijs inimica cupiditatibus sit,
sed quæ opibus etiam ipsis irata, magnificè, sublatèque dicere pos-
sit. Nec mi aurum posco. Ferro, non auro vitam cernamus utri-
que. Non enim is est Virgilianus Heros, qui raptati, atque di-
stracti cadaver Hectoris, supplici, lacrymantique Parenti pretio
vendere non erubescat, sed qui sponte, minimeque rogatus Laus
corpus intactum, ornatum armis, & muneribus Tyranno remit-
tat: quique pollicenti thesauros amplissimos Mago respondere non
dubit.*

*Argenti, atque auri memoras quæ multa talenta,
Gnatis parve tuis.*

Nihil de clementia dicatur: quæ in ipsa etiam inimicorum clade
potuerit ingemiscere, nihil de modestia, de verecundia, de alijs hu-
iusmodi partibus, ac formis, quæ Temperantie tamquam capiti sub-
iunguntur. Iustitia satis est, quæ claudit omnium agmen, vincitque
reuerentia ceteras, & sanctitate. Vides quemadmodum in illis ipsis
terris, quarum possessionem ab oraculis, & Dijs volentibus acce-
perat, nemini bellum indicit, nisi superba, intolerandaq; lacesitus in-
iuria? Vides quemadmodum inuitus ad hostium cædem pertrahitur,
& arma illa fatalia tractat ingratis aduersum eos, à quibus tam te-
mere intelligit esse amicitiæ leges, & ius hospitiij violatum? Audis
eam, quæ Latini Legatos excipit, ad Latinum remittit, egregiam
vozem, inaudita cum significatione iustitiae, ac probitatis?

*Pacem ne exanimis, & Martis sorte peremptis
Oratis? equidem & viuis concedere vellem.*

Quid igitur huic superest tam exaggerata virtuti, nisi coronamen-
tum à reliquis, quæ idea, atq; exemplaria nominantur? Nam si alia-
rum rerum perfectæ illæ formæ in mente diuina recte collocatae pu-
tantur à sapientibus, multo Platonici rectius in eadem ponendas exi-
stunt virtutū imagines absolutas; à quibus ordine reliquæ defluat,
& cum mortalibus ipsis à Deo parente optimo cōmunicentur. Ex his
vero quid delibare poterit ille beatus, cuius felicitati postremam ali-
quando Virgilius admoturus est manum? multum profecto, atque id
omnino,

omnino, quod diuinum, & perfectissimum est. Turno enim è numero vi. uentium expuncio, parta demum pace, turbisq. compositis omnibus, ad cōmentationem illam excellentem de integro reuertitur; ipsa penitus in Numico diluta mortalitate, fit Deus: ac si minus ideas illas, ijs certè simillimas inuenit in cælo: nec habet vltra quò progredi posuit Platonicorum animis informata felicitas. His quippè gradibus ipsi humanum animum ad beatorum domicilium ducunt; rati, è quatuor ijs virtutibus aliquas esse, quæ moliant perturbationes, ac mitigent, alias, quæ prohibeant, alias, quæ prorsus obliuiscantur: postremas denique, hoc est illas caelestes, in quibus piaculum, & nefas sit commotiones, affectusq. nominari.

Ceterum dicet aliquis, esse me præuaricatum in causa: qui non amaduerterim, ex hac ipsa doctrina Platonicorum intelligi, curtum esse, præcisumque Virgilij poëma, vbi videlicet Aeneas, non ad beatitudinem quidem illam cælestem euehitur, sed relinquitur in procinctu. Ego tamen haud ita caecutio, vt locum istum non ante prouiderim, atque vna cum doctris hominibus Maphæi Vegij, vel superuacaneam industriam, vel nimiam, immoderatamq. non admirer sapientiam: qui quidrigis illis affabré laboratis, apprimèque perfectis à Virgilio, rotam addere voluerit quintam: vt à nobis, qui tam sapientes, litteraque non sumus, esset suo iudicio & voluntate reprehendendus. Non enim vidit seuerus hic Censor, in scribendo sic poëta, atque, historico variam esse desinendi legem, quemadmodum est exordiendi. Non vidit apotheosim illam, & ea, quæ tam putidè ipse persequitur, indicata fuisse, quantum fatis erat, à loue, quæ dolorem Veneris, quæ Junonis iram ita mulcente -

sublimemq. seres ad sidera cali

Magnanimum Aeneam: neque me sententia vertit.

Indigetem Aeneam scis ipsa, & scire fateris

Deberi caelo, fatisq. ad sidera tolli.


Non vidit, ita cælo Turno, finem operis esse debere, sicut in Hēctoris præstantissimi Duci funere clauditur Ilias. Non vidit deniq. poëtas etiam Epicos, nuptias, choros, ludos, actionis, vt semel dicam, reliquias illas permettere legentium animis, quas ipsi Comici liberiores à spectatorum oculis in Theatro pôrro subducunt.

Hæc super Aeneide perorauimus aliquando. Quām ieune, verisque parum auribus accommodatè, haud ego nescio, qui me ipsum, meique angustias ingenij non ignoror. Vellem adeo eos imitari, qui postremi prodeunt apud Comicos, in eam gratiam allegati, vt finem fabulæ denuncient, & spectatores è Theatro dimittant. Sed illi plausum, nisi molesti fuerunt, cum exceptione postulant, ego nullum flagitare possum, quia repetita è Platonicorum penetralibus oratio

mul-

multum habuit, opinor, molestia, voluptatis nihil. Video tamen unum
mihi relictum esse locum illis fabularum epilogis omnino contra-
rium, sed rationibus opportunissimum meis. Nam, quia non
placuimus, & molestiam vobis exhibuimus importunam,
si minus dicere possumus, plaudite; illud certe,
quoniam humanissimi estis, habemus
iure petere: veniam
date.





**T A R Q V I N I I
 G A L L V T I I
 S A B I N I
 E S O C I E T A T E I E S V**
C O M M E N T A R I V S
D E T R A G O E D I A.

PROOEMIVM. IN QVO NOTATIO
 nominis, antiquitas, & definitio traditur.



VI^S notatio vocabuli variè designatur à scriptoribus. Sunt qui dictam principio fuisse volunt, & scriptam græcè τραγῳδίαν; propterea quòd Vindemialibus ludis esset inuenta, & enim Græcis est cantus, & ab ijsdem olim mustum, ac vinum recens τραγός dicebatur. Itaque istis Tragoedia, quam τραγῳδία appellat, nihil aliud est, nisi musti cantio, hoc est Carmen Vindemialibus sacris in Bacchi, Liberie patris laudem decantatum. Alij Tragoediam dici malunt quasi τραχεῖαν φάσσειν, hoc est, asperū cantī, quia flebilis genus poëmatis est,

R

&

& asperitatem, crudelitatemque cōtinet eorum, quorum actiones, & res gestas imitatur. Alij deniq; Tragoediam esse volunt non τραγῳδία, vt illi superiores, sed τραγῳδία: repetuntque nominis causam ab hirco, quem Græci nominant τράγον. Principio enim, quia Tragoedia illa rudis, nihil aliud, nisi Bacchi laudes continebat, & Dithyrambum: is, qui inter Bacchi sacra, ludosque in hoc genere carminis esset viator, hirco, qui Baccho facer erat, donabatur, vt canit Horat. in Arte.

Carmine qui Tragico vilem certauit ob hircum.

Neque verò ab hac etymologia longius abierunt, qui Tragoediam dictam putarunt à Satyris, quos τσαρσικεῖ; hoc est hircinis praeditos cruribus appellatos scimus: quod epitheton illis est proprium. Dictam autem à Satyris ideo crediderunt, quod eos initio vel ad conciandum, vel ad risum commouendum cum ceteris personis inducerent. De notatione sic diximus.

Sequitur antiquitas, quae maxima est. vt non immerito à Platone Tragoedia dicatur antiquissima. Id verò facilius intelligetur, & planius, si eius inuentores primos à prisorum memoria repetamus. Aristoteles quidem in poēticis excogitatam in Peloponneso fuisse ait à Doriensibus; & à Dithyrambis fluxisse, hoc est à genere carminis, quod Baccho bis nato concinebant ad tibiam. Fuere tamen qui Glaucum nescio quem, quique Thespis Athenensem facerent auctorem. Is enim vini facibus, aut minio sibi ora perunxit, & oblitus primus: atque ita veluti personatus actitare coepit è plaustris, ac Tragoediam informem inconditè recitare. quod ita significat Horat. in poēt.

Ignotum Tragicae genus inuenisse Camoenæ

Dicitur, & plaustris vexisse poemata Theffis,

Quæ canerent, agerentq. peruncti faecibus ora.

Quamquam verò nihil hic ab Horatio de minio dicitur, eius tamen est apud Tibullum mentio, cum Bacchi sacra describit. Non enim aliud, quam quo sibi faciem primi Tragoediæ pinxerunt auctores, videtur illud esse minium, quod commemorat his versibus,

Agricola, & minio perfusus Bacche rubenti

Primus inexperta duxit ab arte choros.

Hæc incunabula Tragoediae sunt, quæ paulatim deinceps adoleuit: exultaque postmodum ab Aeschilo, ab Euripide, à Sophocle est, quorum fabulas legimus; ab alijs etiam fortasse perfecta, quorum monumenta desideramus.

Superaest definitio, de qua grauior, & utilior est disputatio. Hæc autem quamquam varijs sanè modis traditur à multis, ab Aristotele tamen est desumenda, cuius ego, vel interpretationem, vel par-

raphrasim accommodatam esse crediderim huiusmodi . Tragoedia est imitatio actionis illustris, & absolutæ, eiusq. iustum magnitudinem suavi complectens oratione : cuius partes eò pertinent simul omnes , vt metus , & commiseratio spectatorum animis inferatur, ad eiusmodi morborum salutarem purgationem . Græca verba sic sunt . οὐν οὐν Τραγῳδία μέμοντος πράξεως κωδιλίας , καὶ τελείας , μέμοντος ἔχουσας , ιδούσιν τὸν λόγον χρεῖον εἰς τὸν εἶδον εἰς τοὺς μετίστητος σπάνταν . καὶ οὐ δι’ αἴτιαγγειας , αλλὰ δι’ ἐλέης καὶ φύσες παρανοῦσα τὴν τῆς ποιῶντος παθημάτων κατάδοσιν . Hæc inquam , est apud Arist. definitio : quam per partes explicare sic possumus .

Imitationem ait esse actionis illustris , siue præstabilis, siue grauis , & severa : Græce κωδιλίας : dicitur enim μέμοντος πράξεως κωδιλίας . vt intelligamus Regias tantummodo , principesq. personas Tragoediam sibi proponere : vulgares , communesq. permittere Comoediæ, quæ leues illarum, & despicas actiones imitatur . Sed quia hæc imitatio actionis illustris aliarum quoque posset artium esse, quæ imitantur, adiungitur aliqua certa distinctionis nota : diciturque , effici hanc imitationem oportere sermone suavi, hoc est, & versibus, qui vbique, ac singularis adhibentur in partibus , & concentu , atque harmonia , cuius potissimum est usus in Choris . Ceterum quoniam absolutæ definitio- nes finem quoque propositum exponunt , consilium aperit ad extre- mum , quo permotus est is , qui Tragoediam , vel excogitauit, vel perfecit, atque in publicum dedit . Dicitur adeo Tragoedia eiusmodi personarum illustrium actiones idcirco imitari , & spectatoribus proponere, quod contendat, animi terorem, ac commiserationem conci- tare, ad illas ipsas, quas commouet, perturbationes abstergendas , at que ab omni vitio liberandas . Quare alijs prætermis- sis, in aliumq. locum reiectis, hæc de fine disputatio sit .

De fine , qui Tragoediæ propositus est .

Caput I.

Cum ex definitione intelligatur, id Tragoediæ propositum esse, vt duos illos animi nostri purget affectus, cōmiserationem, ac me- tum, videndum erit, quibus potissimum præsidij id consequatur . Sed tamen ante constituamus oportet, quid sit , affectus , siue morbos animi purgare . Explanauit hoc Arist. ipse in Politicorum octauo lib. cap.vij. Vbi cum pronunciasset, Musicam purgandis affectibus utilem esse, quid eo purgationis nomine intelligi vellet, ita declarauit . Nā af- fectus, inquit, qui animos mouent, omnibus insunt; differunt tamē eo, quod alios magis, alios minus exagitant , vt misericordia , & metus ; atque adeo etiam furor . nam huic quoque commotioni nonnulli

obnoxij sunt, quos cantibus sacris sedari videmus, veluti purgationem naçtos, & medicinam. Hæc ille. quibus significat, in affectibus animi nostri exuperantiam quandam esse, ei planè similem, quæ incorporis humoribus est, cum incommoda valetudine laboramus. Quemadmodum ergo medicamentorum vi absterguntur humores, & ægrotantium corpora ea leuantur exuperantia, quæ procreat morbos, sic affectus vehementissimi, & quodammodo redundantes abstergi, purgariq. possunt adeo, vt animus omni prorsus ægrotatione liberetur. Id igitur ait Aristoteles Tragoediam agere, ac veluti finem intueri: vt sicut corpora purgatis, atque absterisis curantur humoribus, ita animum sanet ipsa, duobus affectibus nominatim, commiseratione, ac metu purgatis, hoc est, ab ea liberatis exuperantia, à qua animi quædam ægrotatio promanabat.

Sed qui fiet, dicet aliquis, vt metus, & commiseratio, Tragoediæ beneficio purgentur, quæ res maximè terribiles, summaq. dignas commiseratione proponit intuendas? Non ne potius his tam sepe spēstandis rebus, quæ metum, & commiserationem commouent, multo maximè perturbabitur animus, atque ijsdem affectibus impelli facilime confuscat? Immò verò infuscat parum commoueri, & affectus illos ea consuetudine paulatim ad eam reuocabit mediocritatem, quam animi sanitas, & recta constitutio postulat. Neque enim audiendus est Plato, aut Proclus, Platonem secutus, qui Tragoediam à Republica depellunt eo nomine, quòd animi nostri morbos, & ægritudines augeat, efficiatq. vt fraena dolori, & commiserationi laxemus. Non, inquam, audiendi sunt. quia dum homines eiusmodi spectaculis interfunt, crebròque audiunt, ac cernunt personas ea loquentes, agentesq. quæ commiserationem excitant, doloremq. ac terrorem incutient, assuescant illi quidem dolere, pertimescere, ac misereri; sed ex ea consuetudine sequitur, vt cum ipsis aliquid humanitus acciderit, minus doleant, timeantque, quam si actionibus illis non interfuisserint. Necesse enim est, qui numquam doluerit, timuerit, eum vehementius exterreri, ac dolere; cum repente, nec opinata calamitas euenerit. Adde, quòd sapienti numero perperam homines dolent, ac pertimescunt, hoc est ijs de causis, ob quas minus dolere, ac extimescere par erit. Cum autem poëta, Tragoediarum suarum personas exhibent acerbè vexatas, & res proponunt commiseratione, ac terrore dignissimas, docent profectò, & tamquam digito demonstrant, quid, & quo tempore homini sapienti dolendum, aut commiserandum sit. quæ utilitas, & vita fructus est maximus; vt docet Aristoteles in lib. Politicorum viij. sub finem. Vbi in eo sitam esse virtutis operam affirmat; vt homines discant recte laetari, amare, odiisse: nullaque illòs re oportere magis exerceri contendit, quam vt assuescant recte iudicare. Denique spēstandis

Et standis Tragoedijs intelligimus, omnium communem mortalium iniquam esse fortunam ; & qui casibus obnoxius non sit, reperiri omnino neminem . Quo fit , vt æquius feramus , atque facilius quicquid aduersum, ac præter voluntatem acciderit, eoque animum solatio sustentemus, quod idem prorsus, aut aliquid etiam grauius alijs , Principibus præfertim , ac Regijs viris euenire videamus . Expressit hanc utilitatem , & fructum Tragoedie prorsus ad viuum Timocles apud Athenæum in lib.vj.cap.primo quibusdam versibus hac latinitate donatis à Martino Delrio .

Aduerte quæso, num quod ex vsu est loquar .

Est calamitosum animal sua natura homo :

Multasq. secum vita fert molestias.

Mali leuamen repperit sed hoc sui ,

Vt calamitatis immemor iam mens suæ ,

Habenq. ab alieno malo solatia ,

Documenta capiat recreata paululum .

Primum Tragoedi quanta commoda adferant

Perpende sodes . Si quis est pauperculus ,

Maiore pressum si videbit Telephum

Mendicitate, lenius suam feret

Mendicitatem . insanus est ne quispiam 3

Furiosum is Alcmaeona proponit sibi .

Captus quis oculis aspicit cæcum Oedipum .

Gnatus obiit? Niobe dabit solatum .

Claudus aliquis ne est? is Philoctetem aspicit .

Miser aliquis senex? tuetur Oeneum .

Alterius enim quisquis arumnas viri

Esse grauiores viderit, quam sint suæ ,

Animo æquiore miserias feret suas .

Pulcherrimam , inquam , hanc utilitatem , quæ capitur è Tragoedia , versus hi nobis ob oculos ponunt . Docent enim , aliorum exemplis facilè posse spectatorum animum instrui , ac ferre mala sua toleranter , ac leuiter , cum multo grauiora esse videt aliena . Hanc verò doctrinam , atque hanc æquabilitatem animi , quam nobis ex Tragoedia rum vsu comparamus , purgationem appellat , & curationem Aristoteles . quia spectandis alienis calamitatibus , metus , & commiseratio tamquam aliqua medicina detergitur , imminuitur , atque ad iustum redigitur mediocritatem ; in qua sanitas , & valetudo posita est .

*De Tragœdiae partibus cūniuersè .**Cap. II.*

Deo partium genera Tragœdiae tribuit Aristoteles : quarum alias ait esse quantitatis , qualitatis alias . Quantitatis eas nominat partes , in quas tota Tragœdia , quæ videtur quandam quasi molem , & corpus habere , certa distributione diuiditur : vt in Prologum , Episodium , Exodum , Choricum duplex , Commos . qualitatis eas , à quibus Tragœdia nomen aliquod accipit laudis , & talis dicitur , qualem eam viri docti , & prudentes rerum aestimatores requirunt . Has in summa ait esse sex : Fabulam , Mores , Sententiam , Dictionem , Apparatum , & Melodiam . Nos Aristotelis ordinem sequentes , ac viam , aggrediamur initio de qualitatis partibus explicare : & quoniam Fabula principem obtinet locum , & quemadmodum ipse loquitur Aristoteles , Tragœdiae anima est , eam partem ceteris anteponamus .

De Fabula . Cap. III.

Hæc pars , in qua prope sunt omnia , dicitur , & definitur ab Aristotele σύστασις τοῦ πραγμάτων , coagmentatio , compositio rerum , quæ tractantur . Ex quo facilè intelligitur , cur hæc pars nomen Fabulæ nata sit . structura quippe , & coagmentatio ea res est , qua tota Tragœdia continetur : & quia non ab aliqua rerum gestarum desumitur historia , sed ingenio poëtarum excogitatur , ac fingitur , appellatur Fabula . Quamquam enim historia potest poëta argumentum Tragœdiae tradere , non tamen ei suffeditat structuram , & synthesim . Hæc ergo compositio , & structura rerum ita probabilis erit , & idoneam commerebitur laudem , si cautionibus , & conditionibus instructa sit ijs , quibus eam instructam esse vult Aristoteles .

Prima est , vt singulæ partes suo loco positæ sint , non alieno : hoc est , vt quæ principio statuenda sunt , ne inculcentur in medium , aut reiecientur in finem , neve contra , quæ sunt in medio , vel fine collocanda , proponantur initio . Id nimirum est , quod monet etiam Horatius illa similitudine nobili .

Humano capiti ceruicem pictor equinam

*Iungere si velit , & varias inducere plumas ,
Vndique collatis membris , vt turpiter atrum*

Desinat

Desinat in piscem mulier formosa supernè;

Spectatum admissi risum teneatis amici?

Atque ut intelligamus, ex prava, & præpostera partium dispositione.
huiusmodi monstrum existere, id adiungit, quod comparationem
absoluti.

Credite Pisones isti tabula fore librum

Persimilem: cuius, velut ægri somnia, vane

Fingentur species, ut nec pes, nec caput uni

Reddatur forma.

Secunda: ut iustum habeat magnitudinem; hoc est eam, quæ neque longiorem, neque breuiores, quam pars sit, Tragœdiam faciat. Quemadmodum enim pulcrum animal non partium tantummodo, membrorumque conuenientiam, & ordinem habet accommodatum, verum etiam magnitudinem idoneam, & congruentem corporis proceritatem; sic Fabula, quæ animantium corpori similis est, suam, habet magnitudinem certam; quam si vel supereret, vel non exæquet, absoluta non est, nec haberi pulcra prudentium hominum iudicio debet. Ac fuit profecto qui crediderit, Tragœdiam iusta magnitudine ita præditam esse, si cum agitur, & recitatur, diem unum solidum, integrumque, hoc est horas omnino duodecim expletat. Hec vero non dubitauit tam imprudenter existimare, ac dicere, ratus, sic Aristotelem decernere, ac velle in cap. poët. secundo prope finem. vbi Tragœdiæ, ac Epopœia discrimina describens, Epopœiam ait ab ea, differre potissimum magnitudine: cum Epopœia nullo definita sit tempore, certe non ita breui circumscribatur, Tragoœdia intra unum tantum Solis ambitum concludi debeat. Sed hallucinatus sine dubio est. neque enim de recitationis tempore, ac spatio, sed de rerum imitatione breui, longaque loquitur Aristoteles: docetque, Tragœdiam ab Epica differre magnitudine, ac longitudine temporis. quia fas est Epicæ, res gestas annorum plurium imitari; Tragœdiæ necesse est contrahere omnia intra unum Solis ambitum, hoc est intra diem unum compellere quicquid imitatur. Quæ causa est, cur non à principio rem ordiatur, sed multa veluti iam gesta prætermittat: quod videre licet in Oedipo Tyranno Sophoclis. Neque enim mittitur initio Creon ad consulendum oraculum; sed qui multos ante iam dies fuerat missus, expectari dicitur. quare adest illico, atque ab ea die sumit exordium Fabula. Quæret tamen aliquis, utrum aliquod recitandis etiam Tragoœdijs præstitutum spatium temporis esset, extra quod egredi non liceret. Hoc enim si sciremus, etiam compertam Tragoœdiæ magnitudinem haberemus. sed responderi non potest, nisi vniuersè ex Aristotele, & quidem in hunc modum: Tragoœdiarum terminum esse duplicum; artificiosum unum, natu-

ralem, & artis expertem alterum. Naturalem ait eum esse, quem rei natura postulat, qua tractatur in Fabula. postulat autem rei, qua tractatur natura, & ratio, vt tunc terminum nanciscatur, ac finem, cum à felicitate in infelicitatem, vel contra ab infelicitate infelicitatem est commutata. Cum enim huiusmodi mutatio est in Tragœdia per appositi consecuta, nihil superesse potest, cur longius protrahatur. Aristotelis verba de hoc naturali termino sic illustrat, exponitque Auerroës in paraphrasi. Oportet, inquit, poësim ita suum habere naturalem terminum, quemadmodum res ipsæ naturales habent suum. Nam quemadmodum omnia, quæ genita sunt, nisi alicuius rei contrariae impedianter euentu, ad iustam perueniunt aliquando magnitudinem à natura præscriptam; sic poëtic sermones eò usque protrahuntur, & crescent, quoad contrarij in contrarium secuta mutatio est. Hæc igitur est Aristotelis, interpretantisque Aristotelem Auerrois de naturali termino generalis præceptio: quæ demonstrat, eiusmodi finem designari certa ratione, & tamquam digito indicari non posse, sed esse omnino poëtarum iudicio permittendum. quorum erit, ita omnia disponere, vt cum rerum in contrariam partem accidit mutatio, intelligent omnes, nihil eorum desiderari, quæ huiusmodi conuersioni necessaria esse videbantur. Hinc enim sequitur, tum esse necessariò finem imponendum, cum nihil aliud ad actionis abolitionem requirere possunt Fabulæ spectatores. Artificiosum vero Tragoediam finem eum docet Aristoteles esse, quem Tragoedia non imponit natura rei, sed præscribit clepsydra, quæ per instillationem aquæ apud veteres sic enumerabat horas, quemadmodum easdem partimur nos, ac diuidimus per arenam. Poëtis igitur exhibentibus in Theatro Fabulas certum dabatur, illudque præscriptum clepsydra temporis spatium, quod egredi non poterant, & explere debebant. Itaque artificiosus, hoc est, artificio, & hominum decreto constitutus Tragoediarum terminus iure dicitur is, qui definiebatur à clepsydra, cum ad dimensionem illam, & quasi censuram perpendere, ac examinare iustam magnitudinem vellent. Huic antiquorum tempori per clepsydram ex omnium consensione, sic circumscripto, si quid in hac re mihi liceat arbitrari, respondere crediderim oportere hac tempestate vulgarem consuetudinem, moremque communem: ita prorsus, vt iusta ea sit habenda magnitudo Fabulæ, quæ à communi consuetudine non abhorret, nec eos qui audiunt, molestia dimittit, ac satietate fatigatos.

Tertia præceptio est: vt Fabula una sit, ac minime multiplex. Vnam autem eam esse ait Aristoteles, cuius una est actio, quam imitatur: actionem autem sic vnam esse, si unius hominis sit, & finem habeat unum tantummodo, quò referantur vniuersa. Quo loco reprehendit

dit eos, qui putabant, vnam ideo actionem esse, quod esset vnius hominis: nec animaduertebant, multas genere dissimiles actiones ab eodem homine proficisci, quae coalescere non possint. Quin eos etiam arguit, qui vnam multorum actionem eam habere simplicitatem, atque unitatem crederent, que in pulcherrimae Fabulae constitutione requiritur. Sed de his ego disputaui accurate, ac sedulò in dissertationibus Virgilianis lib. xij. loco vltimo. vbi quaestionem institui de unitate illius Fabulae. actum igitur hunc non agam iterum, sed ad eum locum allegabo qui plura de hac unitate cognoscere volet. Illud in praesentia repetere satis sit; unitatis veram germanamque notam esse finem vnum, qui propositus certo cuidam, & vni homini est agenti. Haec enim nota inueniri non potest, quin actio sit vna, quae vnico illo fine circumscribitur.

Quarta cautio est; ut quae in constituenda Fabula comminisci-
mur, ea sic haereant, aptaque sint inter se, ut vna pars tolli non
queat, quin tota compositio perturbetur. Quippe pars, quae tolli,
non perturbata constitutione, potest, pars eius, cui tollitur,
ac demitur, appellari non debet. Quae praeceptio sciuncta prorsus
ab ea non est, quam alio loco de Fabula Episodica tradit Aristoteles.
vbi confirmat, eam esse pessimam Fabulam, quae sit Episodica:
Episodicam autem tum esse, cum ita digressiones affinguntur Fa-
bulae, ut corpus coagmentare, & constituere partibus suis non
videantur. De hac etiam praeceptione disputavi alias consultò in
Virgilianis dissertat. ad lib. iv. loco j. & ad ix. loco item primo.
Dicta igitur alibi non hic iterabo, cum praesertim epitomen ego
faciam, non iustum opus moliar earum quaestionum, quae tractari
de industria possent.

De Moribus. Caput IV.

Hæc Tragoediae pars, quae in effigendis personis, carumque moribus exprimendis versatur, picturae similem Fabulam facit, ut docet Arist. in cap. xij. de Moribus, prope fin. vbi præcipit poëtae, qui mores effingere velit appositiè, ne ab excellentiū pictorum consuetudine, atque instituto discedat. & in cap. iv. item sub finem; vbi sic loquitur. Est igitur principium, ac velut anima Tragoediae Fabula: secundo vero loco mores. in quo etiam picturae similis esse videtur. si quis enim medicamentis, coloribusque pulcherrimis tabulam fusim, ac temerè illinat, non aequè delectabit, ac si imaginem albo tantum distinxerit &c. Aptissima quippe similitudine declarat quem locum obtinent mores, & quantam vim habeant, si rectè, atque ad viuum expri-

exprimantur. Duo enim in pictura sunt, lineamenta, & colores: lineamenta ducuntur primum a pictoribus, colores deinde inducuntur, ut ipsemet ait Arist. in lib. ij. de Generat. sed quia in lineamentis videtur esse posita summa picturæ vis, & artificium primum, secundum in coloribus aptis, & varijs; cum lineamentis confert Fabulam, quæ anima Tragoediæ est, cum coloribus mores, qui secundum obtinent locum. Hæc igitur ab Aristot. prima præceptio datur, ut in moribus exprimendis imitetur poëta colores tabulæ non temere fusos, sed per summum artificium inductos. Quemadmodum enim pictor haud aequæ aspicientium oblectat oculos, si nullo pigmento, nullisque coloribus, aut male collocatis vtatur, sed lineamentis tantum albis distinguat tabulam, atque imaginem exprimat, sic poëta non ita magnam afferet delectationem, si Fabulam quidem bene componat, sed tamen negligat mores. Comparat, inquam, cum pictorum coloribus mores, iubetque poëtam illos pulcrè, concinnèque disponere: ne Tragoedia similis tabulæ sit illitæ coloribus sparsim, ac temere. Vedit hanc etiam similitudinem Horatius, nec prætermisit. Ut pictura poësis erit. Quapropter aestimari permagno debet hæc pars: quippe qua ponat omnia sub oculos spectatorum, faciatque, ut personarum vota, consilia, consuetudo, indeoles, ingenium, ac natura non intelligantur modo, sed cerni, & conspiciri quodammodo videantur. In Hippolyto enim adolescentis pudici, rigidi, seueri, voluptates aspernantis ingenium ipsis propemodum oculis intuemur: in Phædra, feminæ animum impotenter amantis: in nutrice fidem; in Theseo præcipitem iram. Sed accommodatius doctrinæ sit, hanc tam variam morum effictionem ad certa quædam genera, ipso duce, atque auctore Aristotele reuocare.

Ait enim, in moribus spectari oportere omnino quatuor. ut probi, ut conuenientes, ut similes, ut æquabiles sint. Quantum attinet ad primum, id animaduertendum est; non illud Aristotelem velle, cum mores vult probos, ut nulli mores improborum exprimantur in Tragoedia. inducitur enim crudelissimus Atreus, impudica Phædra, lena, & cupiditati dominæ subseruiens anus. Quid ergo præcipit, cum mores in expressione indolis postulat bonos, ac probos? Nimirum non æquè in omnes, sed in eam cadit hæc præceptio personam, quæ principem in Tragoedia locum obtinet, quæque certum solet impertiri Fabulae nomen. In hanc, inquam, personam ea præceptio cadit, in quam cadit commiseratio, hoc est in eam, quae digna commiseratione est: adeoque nisi proba sit, certe minime mala, non poterit eiusmodi affectum animi permouere, quem propositum ad permouendum, & concitandum poëta Tragicus habet. Cum enim commiseratio, ut tradit Arist. in lib. ij. Rhet. ex eo concitetur in nobis,

nobis, quod aliquem illo vexatum incommodo videamus, quo sit indignus, nullam a nobis extorquebunt commiserationem improbi calamitosi, quos intelligimus ea esse calamitate dignissimos. Sed de hac probitate, siue de probitatis mediocritate accuratius infra disputabimus.

Conuenientes secundo loco esse mores oportere dixit Aristoteles, hoc est ei congruentes, ac respondentes personae, cui tribuuntur fortitudo enim, inquit, & prudentia mores quidam haud bubiè sunt; sed in feminas minime conueniunt; & iuuenibus aliqua congruunt, a quibus abhorrent senes, & quaedam diuites decent, quae a pauperibus sunt aliena. Aristoteli concinens Horatius breuiter haec eadem ita perstrinxit.

*Si plausoriseges, aulae manentis, & usque
Sessuri, donec cantor, vos plaudite, dicat;
Aetatis cuiusque notandi sunt tibi mores,
Mobilibusque decor naturis dandus, & annis.*

et post----- *Ne forte seniles*

Mandentur iuueni partes, pueroque viriles.

Egregie Terentius complexus est omnia personarum genera, quarum varij describendi sint mores conuenienter. sic enim loquitur in Prologo Eun.

*Quod si personis vti alijs non licet;
Qui magis licet currentes seruos scribere,
Bonas matronas facere, meretrices malas,
Parasitum edacem, gloriosum militem,
Puerum supponi, falli per seruum senem,
Amare, odisse, suspicari?*

Tertio loco postulat Aristoteles, vt mores similes sint, hoc est personae similes, quam poëta imitatur in Fabula. similes autem erunt ex eodem Arift. vt eo loco docent interpretes, si formae, opinionique iam de persona illa vulgatae omni ex parte respondebunt, Et profecto, cum aliquem ad viuum exprimere contendit poëta, exprimere debet simillimum. simillimum autem exprimere non potest; nisi eum inducat cupientem, volentem, iubentem, agentem talia, qualia solitum eum velle, iubere, atque agere sciunt vniuersi. Norunt videlicet omnes, Achillem implacabilem esse, Vlyssem astutum, ac vafrum. sibi similes hi effigi non possunt, nisi tales exprimantur, quales fuisse iam fama vulgauit. Iure igitur Horatius ita praecipit:

*Aut famam sequere, aut sibi conuenientia finge.
Scriptor honoratum si forte reponis Achillem;
Impiger, iracundus, inexorabilis, acer,
Iura neget sibi nata: nibil non arroget armis.*

Sit

*Sit Medea ferox, inuitataque, flebilis Ino,
Perfidus Ixion, Io vaga, tristis Orestes.*

Itaque hoc praeceptum à superiore distat eo nomine, quòd hoc certas intueatur personas populo iam notas, velut Agamemnonem, Pyrrhum, Oedipum, Polynicem, qui certos quosdam postulant mores, hominum opinione iam illis inditos; illud in aetate hominum varia, sexu, dignitate, munieribus, honore veretur. Iubet enim poëtam reddere, atque affingere mores aetati, conditioni, fortuna eque conuenientes.

Quarto denique, ac postremo loco monet, mores aequabiles esse oportere, hoc est eundem habere perpetuò tenorem, ac modum, quem initio suscepérunt, ne à se ipsis paulatim dissentire, ac discordes esse videantur. Haec nimirum aequabilitas postulat, vt quem iracundum semel effinxeris, quem placidum, ac mitem, quem feuerum, quem crudelem, ac impium, eum eosdem plane mores prä se ferentem semper, atque ad exitum usque Fabulae retinentem facias. Cuius praeceptionis ea ratio est; quòd mores ex animi manant conformatio[n]e quadam, & habitu: habitus autem constantissimus semper, maximeque aequabilis est. Hunc etiam locum vidit Horatius, atque inter cetera poëtiae monita sic recensuit.

*Si quid inexpertum scenæ committis, & audes
Personam formare nouam, seruetur ad imum
Qualis ab incœpto processerit, & sibi constet.*

E quatuor hisce legibus, praeceptisq[ue] quae versantur in moribus, tria dicit Aristoteles à poëtis quibusdam esse praeterita, & violata. Primum quidem ab Euripide in Oreste. vbi Menelaus mores p[re]fert minime probos: cum Orestem iuuare nolit, auxilium eo petentem tempore, quo tempore, occisa Clytemnestra, mortem ultus erat Agamemnonis, qui & ipsius fuerat Orestis pater, & frater Menelai. Inhumani enim hominis fuisse videtur, ei p[re]sidium denegare, à quo fratri manes cæde Clytemnestra placatos esse intelligebat. Secundum de moribus præceptum ait, vel non vidiſſe, vel neglexiſſe poëtam illum, qui fecit Ulyssem eiulantem; quæ Tragœdia Ulysses Naufragus est Epicharmi, & laudatur ab Athenæo in lib. xiv. Nam, vt diximus in Virgilianis Vindicat. lib. j. loco v. apud hunc poëtam Ulysses naufragio periclitans dolenter admodum lamentabatur, eiulabatque muliebriter, & effeminatè: qui mores fortiviro consentanei, congruentesque personæ non sunt. Idem peccatum ait, Euripidis fuisse, cum Menalippen induxit de philosophia subtilissime disputantem. tanta quippe rerum cognitio, & sapientia non cadit in feminas. In tertia lege de moribus eundem Euripidem peccasse confirmat; cum Iphigeniæ in Aulide mores inæquabiles, nec sibi

sibi constantes attribuerit. Nam initio Tragœdiæ facit eam pauidam, mortemque vehementer extimescentem, postea verò interritam, eandemque contemnentem, & despiciēt mortem tanta cum fortitudine, quantam ne in constantissimis quidem viris intuemur. Ad necem quippe suo se offert iudicio, ac voluntate, tantaque subito flagrat cupiditate gloriæ, vt eam anteponere vitæ, & rerum omnium possessioni non dubitet.

De Sententia. Caput V.

SEntentia mores excipere debet: quia consequens est, vt qui certis prædictis moribus sit, animi quoque sententiam habeat, opinionemque moribus illis vndique respondentem. Huius ergo partis quæ Sententia dicitur, ait Aristoteles esse, ea dicere posse, quæ in re insunt, hoc est, rem probare omni argumentorum, ac rationum genere, quæ sint accommodatae. Additque, Sententiam à morum expressione illo nomine differre, quod in moribus appareat electio, in Sententia non appareat, sed tantum probatio quædam rei, quæ moribus iam indicata est, & demonstrata. Videtur profecto Sententia, quantum ex verbis Aristotelis intelligere licet, respondere Rhetorum argumentationibus, quæ fidem faciunt, & rem sic esse, vel non esse, ita fieri, vel non fieri oportere demonstrant. Quare morum vis omnis in appetitione, atque in voluntate posita videtur esse, quæ vel optando, vel repudiando aliquid eligit, Sententia in animi facultate intelligente, quæ aliquid rationibus affirmet, aut neget. exemplo libet hoc illustrare, quod obscurè docetur. Hippolytus cum ita loquitur,

Non alia magis est libera, & vitio carens,

Ritusque melius vita, quæ priscos colat,

Quam quæ relictis mænibus filias amat,

electionem ostendit animi sui: quam Sententia postmodum sequitur adprobans id quod optatum, electumque est, & circumspiciens omnia argumentorum genera, quæ demonstrent illam vitæ rationem optimam esse.

Non illum auaræ mentis inflamat furor,

Qui se dicauit montium insontem iugis:

Non aura populi, & vulgus infidum bonis,

Non pestilens inuidia, non fragilis fauor.

Non ille regno seruit, ac regno imminet,

Vanosque honores sequitur, aut fluxas opes.

Spei metusque liber &c.

Atreus item qui moribus est præditus crudelissimus, & tyrannideum eligit, hoc animi sui votum, electionemque principio sic aperit, in se ipsum inuectus: seque ad sui necem fratris vehementer adhortans.

Ignaue, iners, eneruis, & (quod maximum

Probrum Tyranno rebus in summis reor)

Inulte: post tot scelera, post fratris dolos,

Fasque omne ruptum quaestibus vanis agis

Iras. & Argos fremere iam totum tuis

Debebat armis.

Age anime, fac quod nulla posteritas probet.

Hæc inquam, quæ sic dicuntur ab Atreo, mores patefaciunt effera-tos, & electionem fraternæ cœdis. Erit nunc sententia, rationes idoneas querere, quæ scelus illud impium, & tam palmare sua-deant.

scelera non ulcisceris,

Nisi vincis. & quid esse tam sauum potest,

Quod supereret illum? Numquid abiectus iacet?

Nunquid secundis patitur in rebus modum,

Fessis quietem? noui ego ingenium viri

Indocile. flecti non potest: frangi potest.

Quin ea, quæ consequuntur in tota scena diuerbia, contentionesque cum seruo, flagitium illud immane dissuadente, nihil aliud sunt, quam probationes patrandi sceleris, in quibus tota sententia ratio continetur. Est enim huiusc partis, ut dixi, nihil prætermittere, quod rei propositæ fidem facere possit, aut aliquid agendum persuadere. Hinc videlicet illæ nascuntur inductiones, exemplorumque cumuli, qui poëtis familiarissimi sunt, aptique maximè ad ea comprobanda, quæ nos iam elegisse, nobisque placuisse demonstrauimus in ea parte, quæ morum expositio est.

Hanc ergo partem tractare qui volet pro dignitate, ab eodem discet Aristotele in cap. xix. vbi quinque designat officia, in quibus vniuersè versatur ipsa sententia. Sententia partes, inquit, sunt, demonstrare, soluere, perturbationes cire, augere, imminuere. Demonstrantur enim obscura: contraria, & repugnantia soluuntur: perturbantur, & commouentur spectatorum animi: augentur exilia: grandia minuuntur. Quæ officia communia quidem cum oratore sunt, sed tamen habere Tragicum poëtam materiam propriam ait Aristoteles, ex qua eum ducere demonstrationes, solutiones, perturbationes, amplificationes oporteat. hanc autem materiam quatuor ferme rerum generibus, hoc est miserabilibus, grauibus, miris, verisimilibus contineri. perinde quasi dicat, eas esse sententias commendatione dignissimas, quæ patheticæ, quæ graues, quæ admira-

mirabiles, quæ verosimiles sint, hoc est verosimilia proferant. Ornamēta nunc addenda essent, quibus instructas oportet afferre sententias. Ut enim orator syllogismos, enthymemata, exempla, ceteraque argumentationes non adhibet nudas, sed figuris indutas suis, ita Tragicus poëta, sententias hasce, quæ, ut diximus, argumentationes quedam, ac probationes sunt, non proferet in medium, nisi figuris quibusdam amplissimis magnificè, ac grauiter ornatas. Erunt igitur inter figuras legendæ grauissimæ, quæque sententijs miserabilibus, terribilibus, miris, cum dignitate, ac maiestate respondeant. Erit etiam ex vsu legere quæ docemus in libello de Eleg. cap. xvij.

De Dictione. Caput VI.

Dicitio sequitur, & elocutio: quam interpretationem animi per verba esse ait, ac definit Aristoteles. Necessariò inquam hæc sequitur, quia sententiam exprimere nisi oratione, ac dictione non possumus. Quoniam verò plures dictionis formæ sunt, & charactères, videndum hic primum puto, quæ nam propria Tragœdia locutionis nota esse videatur. Nemo enim vñus ignorat, tria esse locutionis, & dicendi genera, quibus omnis distinguitur, & variatur oratio; summum, infimum, interiectum. & quia non eadem semper à Trágico tractatur ubique, atque in tota Fabula materia, non eadem semper inducuntur personæ, dubitari profecto potest, num Trágico proprium sit summum illud dicendi genus, atque magnificentum. Respondendum existimo vniuersè, deberi Tragœdia notam grandiloqua dictionis ac summa: adeoque legere eiusmodi generis poëtam oportere verba grandia, translata, sonantia, hyperbolica, illustria; ea denique, quæ plenum quiddam, & graue auribus ingerant: obsoleta, abiecta, humilia, vulgaria repudiare. Maiestatem hanc, & gravitatem dictionis egregiè, scitèque prorsus expressit Horatius, cum dignissima eam matrona conferens, quæ festis diebus egrediatur in publicum, & pompam grauiter incendendo sequatur.

Effutire leues indigna Tragoedia versus,

Vt festis matrona moueri iussa diebus.

Sed tamen hæc orationis dignitas, & maiestas ita est Tragœdia propria, ut interdum se se demittere de industria debeat. ut cum feminæ loquuntur, aliæque inferioris notæ personæ inducuntur agentes; cum lamentantes, dolentesque facinus eos, qui à summa quadam ad infimam delapsi fortunam sunt, aliaue calamitate præter modum omnem, rationemque communem laborare cœperunt. id quod etiam ipse cautione pulcherrima monuit Horatius in Arte.

Et

Et Tragicus plerumque dolet sermone pedestri.

Telephus, & Peleus, cum pauper, & exul vterque,

Proicit ampullas, & sesquipedalia verba.

Hæc tamen oratio pedestris, & infima tam raro, ac tam paucis locis adhibetur à Tragico, vt facere non possit, quin grandis illa, atque magnifica dici propria Tragœdia debeat, quæ pene semper, ac pro-medium singulis usurpatur in partibus.

His ita de charactere propositis, duo iure quæri posse in hac dictio-nis Tragica tractatione videntur. An Tragœdiam soluta numeris oratione scribere liceat, & an alio carminis genere, quam Iambico-vti sine reprehensione queat qui eiusmodi Fabulam scribit.

De prima quæstionis parte sic censeo: Tragœdiam, quæ soluta nu-meris oratione tractetur, imperfectam, & quodammodo spuriam, ac degenerantem esse. non quod aliiquid ei desit ex ijs, quæ ad inti-mam Tragœdia pertinent vim, ac naturam (hæc enim posita est in imitatione personarum illustrium, ad commouendam commiseratio-nem, & terorem idonea) sed quod instrumentum illud, præsidiumq; desideret, quo dempto, maxime imperfectam oporteat esse Tragi-cam imitationem. Dixerim ergo, Tragœdiam huiusmodi, similitu-dinem potius imitationis Tragicae, quam poësim Tragicam videri. Quamquam enim poësis nihil aliud quam imitatio est, est tamen imitatio, quae suis vtitur instrumentis, atque praefidijs: quorum pri-mum est versus, & vincita numeris oratio, vt apud Aristotelem est in capite poëtices primo. sic enim interpretandum eum locum pu-to; vbi confirmauit, Sophronis, Xenarchi, & Socratis dialogos, qui soluta, & numeris libera scripti erant oratione, in poëmatum nu-mero reponendos esse, ipsamque poëseos vim, & naturam attingere. Existimo, inquam, Aristotelem id velle, ac dicere; auctores illos dia-logorum inter poëtas quidem, sed inter minus perfectos esse connu-merandos. Ut enim in alijs artificum, & scriptorum classibus qui-dam sunt ordines perfectorum, imperfectorumque, ita in ipsa poë-tarum serie, atque in poëtica disciplina gradus designandi videntur certi, qui perfectam artem ab imperfecta secernant.

De genere carminis, quae altera quæstionis est pars, illud habeo ex Aristotele proferre: Tragediae deberi omnino Iambum senarium Ita enim ea de re pronunciat ipse in cap. ij. poëtices. Tragœdia se-narium adoptauit versum, octonario repudiato, qui Satyricus potius videbatur. Porro Iambus sermonibus alternis accommodatus est maxime, quemadmodum vsus colloquij familiaris ostendit: in quo nobis excidunt Iambi quamplurimi, hexametri vero rarissimi. Quibus ex verbis non modo intelligimus, octonarium, quia humilior est, & Comœdijs congruentior, esse à Tragœdia depellendum, sed

sed ne adhibere quidem in hoc genere Fabulæ fas esse versum hexametrum. A colloquijs enim alienus est propter magnificentiam, vt hic indicat, & alibi planissimè docet: vbi sic loquitur. Carminum plane omnium longe grauissimum maximeq. turgidum est hexametrum. Græcē dicitur *sac̄μωτον, ηγεμόνατον*, maximè stabile, maximeq. inflatum: quod idem est.

Quarè decepti nonnulli sine dubio sunt, qui putarunt etiam hexametrum Tragoediæ conuenire posse. Ac decepti quidem, opinor, duœtq. sunt auctoritate Terentiani Mauri, & Diomedis Grammatici. Docent enim, non minus iambicū, quam hexametrum appellari, diciq. Heroicum posse. Videtur quippe hinc esse consequens, tam hexametrum, quam iambum, quoniam nihil inter se discrepant, eidem esse poëmati accommodatum. Sed hæc consecutio frustra est, atq. ab ijs Grāmaticis aliena. Hæc enim illi propterea tantum docent, quod utrumque poëmatis genus Epicum, & Tragicum imitatur Heroas; à quibus utrumque videtur appellandum Heroicum: non tamen existimant, ac volunt, Tragoediā æquè scribi posse hexametro, ac iambico versu. Liceret enim etiam mihi ex eorumdem auctoritate dicere, poësim Epicam scribi iambico posse, quando utrumque poëma est appellandum Heroicum, & uterque versus dici Heroicus potest.

Illud nihilo minus est dandum Tragoediæ, vt rarum aliquod hexametrum iambicis interponere possit. Id vero tum maxime fas est, cum vel oracula loquuntur: vt apud Senecam in Oedipo Act. 11.

Mitia Cadmai remeabunt sidera Thebis:

vel cum Chori quidam in Dithyrambici prope modum attolluntur: vt in eodem Oedipo chor. 11.

Effusam redimite comam nutante corymbo

Mollia Nisæis armati brachia thyrsis.

vel cum epithalamium canitur, & Nuptiale carmen: vt in Medea, Act. 1.

Candida Thyrſigeri proles generosa Lyæi.

Quæ quidem licentia manauit ad hunc Latinum poëtam à fontibus Græcorum: apud quos non hexametros tantummodo legimus, verum etiam aliquot Elegiacos. quales sunt ij, qui proferuntur apud Euripidem ab Andromacha: quod exemplum, nisi fallor, est singulare. In Tragoedijs denique illa varietas numerorum, & versuum, usurpatur à Choro tantum, aut à respondentibus Dijs: à personis colloquentibus non usurpatur, nisi raro. vt cum feminæ lamentantur, ac dolent, quibus congruere videntur numeri moliores; aut cum aliqua significatio voluptatis, & lœtitiae est exprimenda: cuiusmodi est in Hippolyto Senecæ Act. 1. Scen. 1.

*Ite, umbrosas cingite silvas,
Summaq. montis iuga Cecropij, &c.*


De Apparatu: ac primò quidem de Theatro.

Caput VII.

HAnc Tragoediæ partem nonnulli Spectaculum appellantur, propteræ quod in Græco Aristotelis codice dicitur *oīs*. Quæ vox aspectum quidem, aut visionem, aut spectaculum significat: sed tamen hoc loco ea continet, & complectitur omnia, quæ spectatorum oculis subiiciuntur; ornatum Scenæ, histrionum vestes, personas agentes, ceteraq. ex illo genere complura, quæ sunt vsui, cum Fabula recitatur. Itaq. multo melius à Victorio, ac Robertello *oīs* Latinè redditur Apparatus: in quo videntur illa posita esse yniuersa, quibus opus est in agenda Tragoedia. Hanc ergo partem ait Aristoteles in fine capit. iv. maximam habere vim ad spectatorum animos oblectandos; sed ab arte poëtica alienam esse: quippe quæ aduentitia sit, & externa, ad eumq. tota pertineat, qui choragium Tragoediæ suppeditat. Choragium enim appellatur à Festo totum, scenicum instrumentum; cuius præfectus Choragus etiam dicebatur. Quia tamen Apparatus quoque inter partes Tragoedia numeratur, habetq. momenti plurimum, si Tragoedia in Scenam producenda sit, explicanda videtur à nobis hæc pars diligenter, & in sua veleti membra partienda.

Ac primò quidem de Theatri structura dicendum esset, nisi scriptores suppetterent, cum antiqui, tum noui, qui hoc argumentum copiosè tractarunt. Præstabit ergo legere Iulium Pollucem in lib. iv. cap. xix. Vitruvium in lib. v. à cap. item v. usque ad ix. Isidorum in lib. viii. Originum cap. xxxix, tribusq. sequen. Cassiodorum in lib. iv. var. Epistol. vlt. Budæum in prioribus Adnotation. ad Pandect. Politianum in Miscellan. Rhodiginum in lib. v. cap. viij. Scaligerum in lib. Poët. primo, cap. xxj. Lilium Gyraldum in Dialogo vj. de Poëtis.

Hos, inquam, scriptores, cum antiquos tum nouos erit operæ premium legere, ac Theatri subiectam hic ichnographiam ex Vitruvij desumptam codicibus intueri suis distinctam partibus, membrisq. præcipuis.



a. Cunei . hoc est Sedilium ordines,& gradus,cunei figuram referentes.Cum enim ab extremo Theatri ambitu ampliore usque ad caueam excurrerent , angustiores semper, arctioresq. reddeabantur quod propius ad caueam ipsam accederent. Qui cunei, siue gradus suis velenuti zonis,& præcinctiōibus ad inambulandum distinguntur .

b. Orchestra . quæ nomen à saltando siue gesticulando est nacta . nam ὄρχεστρα est tripudio, gesticulor , ad numerum salto . Itaq. si nomen spectes , Orchestra locus in Theatro est , vbi Chorus , Musici , Symphoniaci , Thymelici , ceteriq. personam non habentes ad numerum saltant , & canunt , idq. planissimè docet Iulius Pollux in lib. iv. cap. ix. affirmans , Orchestrām sic esse Chori propriam, quemadmodum est Actorum Scena . Quò magis mirandum sit , cur Vitruvius Orchestra ponat eo loco, vbi fuere Senatorum subsellia . Principio enim toto quingentorum annorum spatio Senatus populo permisitus spectaculis interfuit , sed ad extrellum Attilius Serranus , & L. Scri-

bonius Aediles, Maioris Africani sententiam fecuti, separari Senatorum sedilia iussere; quæ non fuere stabilia, sed pro tempore in Theatrum ferebantur, ut ostendit Barbarus in Vitruu. & ibi collocta sunt, vbi statuit Orchestram Vitruuius, quod ipse testatur his verbis lib. v. cap. vij. In Orchestra autem Senatorum sunt sedibus loca designata, &c. At non est credibile Chorum saltasse, ac cecinisse inter Senatorum subsellia. Respondet Philander, qui Vitruuim, scholijs illustravit, Orchestrā apud Latinos ibi fuisse, vbi à Vitruuio designatur; sed apud Græcos alibi, hoc est ibi, vbi caneret, & saltaret Chorus, quemadmodum ait Pollux. quod ut recte fortasse dicatur, addo tamen, ne apud Latinos quidem saltasse, ac cecinisse Chorum in ea Orchestræ parte, vbi subsellia Senatorum erant, sed in Pulpito, quæ altera fuit Orchestræ pars, ut nunc dicemus.

c. Pulpitum. Locus erat editior in Orchestra, vbi Chorus, aliqui artifices Fabulae subseruientes, Actoribus intra Scenam abditis, per Actuum interualla caneabant, saltabant ad numerum, inter se loquebantur. Cūm enim interrogabant Nuntios, aut ceteros alloquebantur Actores, in proscenio fuere. Vitruuius duo designat in Pulpito loca; *λογῖται*, vbi nimirum loquerentur inter se Choricae personæ, & *φάσις*, vbi canerent, & modularentur. Hoc, inquam, Pulpitum, quod propter similitudinem à Polluce quodam loco dicitur Ara, videtur esse Orchestræ pars editior, quia proiectum est, & prominet caueam versus: adeoq. Chorus, qui est in Pulpito, est etiam in Orchestra. Aliqui Thymelem non distinguunt à Pulpito. Fuit fortasse Thymele illa Pulpiti pars quæ dicitur Odeum. ibi enim Thymelicos, citharcodos, & symphoniacos fuisse necesse est.

d. Proscenium. Theatri pars in qua è Scena egressi agebant histiones, ac propterea patens fuit, & apertum, ut ait Iulius Scaliger.

e. Podium. quod mœnianorum speciem habuit: cuius pars media, vbi magis prouehitur, & eminent foras, cum Pulpito iungitur, quod est veluti pergula quedam, ut Philander ostendit.

f. Scenæ præcipua pars. quæ quam multiplex esset, quidq. depictū, cælatum, aut sculptum haberet, paulò post indicabimus.

g. Scenæ membra. Totam enim Scenam Vitruu. in illo cap. vij. lib. v. diuidit in partes quinque, quarum primam ampliorem posuimus in f. quatuor reliquias hic statuimus.

h. Hospitalia. De quibus ita Vitruuius in cap. vij. lib. v. Dextra, ac sinistra hospitalium designabunt compositionem. Quem autem usum habuerint hæ vel ædes, vel hospitalia, declarat in cap. vij. sequenti. Dextra, inquit, ac sinistra hospitalia. secundum autem ea spatia ad ornatus comparata (quæ loca Graci *σειράνους* dicunt, ab eo quod machinæ sunt in his locis versatiles trigonos habentes)

in singula tres sint species ornatōnis, quae cum aut fabularum mutationes sunt futuræ, seu Deorum aduentus cum tonitribus repentinis, versentur, mutantq. speciem ornatōnis in frontes. Docet igitur his verbis; in Hospitalibus conditas fuisse machinas, aliae in strumenta peruertere commutandæq. Scenæ idonea, de quibus infra dicemus.

I. Valuæ Regiæ. Ita enim eas appellat Vitruvius his verbis, loquēs de quibusdam linearum tractibus, quos duci iubet ad designandam Scenam. Reliqui quinque Scenæ designabunt compositionem; & unus medius contra se valuas Regias habere debet. Cur autem Regiæ dicantur, non docet. Suspicer idcirco sic dictas, quod inde Reges, Regiæ personæ prodirent in Scenam acturæ. rectâ enim ducunt in valuas Scenæ medias; quibus ornamenta Regia dari oportere iubet idem Vitruvius. Ipsæ autem Scenæ, inquit, suas habent rationes explicatas, ita, vti mediæ valuæ ornatus habeant aulæ Regiæ. Ita, inquam, suspicer. quod si alicui non probatur, videat an valuæ Regiæ sint valuæ principes, & primariæ, quibus ex porticu, qui post Scenam erat, aditus esset in ædes sequuntur enim.

K. Hospitalium sive Hospitaliorum valuæ, quibus ex porticu intratur in ea conclauia quæ Hospitalia nominantur. Cum his ergo collatae illæ valuæ mediæ, Regiæ sic dici possunt, quemadmodum primaria, & latior via dicitur Regia.

L. Porticus post Scenam. Post Scenam, inquit Vitruvius in cap. ix. lib. v. porticus sunt constituendæ; vti cum imbres repentinæ ludos interpellauerint, habeat populus quod se recipiat ex Theatro; choragiaq. laxamentum habeant ad Chorum parandum. Fuit igitur huiusc porticus usus duplex: alter ad defendendam subitam pluviā, ad parandos, vestiendos, ornandosq. actores, & personas Choricas alter. Nam choragij nomine tota vestis scenica comprehenditur.

Hoc, inquam, schema proponere voluimus ad rem obscurissimam, & prorsus inexplicabilem adumbrandam. Singula enim hæc Theatri membra tractationem postularent ampliorem.

De Scena. Caput VIII.

DE Scena tantummodo perstringamus aliqua, quæ præcipua pars & prima Theatri fuit, vt docet his verbis loco lato Cassiodorus. Theatri frons Scena dicitur ab umbra luci densissima: vbi à pastoribus, inchoante verno tempore, diuersis sonis carmina canebantur. Ibi actus Musicus, & prudentissimi sæculi dicta floruerunt. Ad huc modum Cassiodorus Scenæ originæ, & etymō nobis tradidit à filiis deduc-

tum vmbrosis, ac lucis, vbi Fabula illa rudi, atque impolito seculo caneabantur a pastoribus. ~~omnī~~ enim, Graecorum vox, nihil aliud apud Latinos, quam inumbratio est. Artificiosum deinde Theatrum, & quidem sumptuosum fieri cœpit: cuius erant membra præcipua, ex altera quidem parte, scalæ cum ordinibus sedilium, siue cauea: altera ex parte, hoc est in fronte, Scena.

Hanc ergo Scenam in Theatro triplicem fuisse scribit Vitruvius in lib. vi. cap. viij. Tragicam, Comicam, Satyricam, tripliei profus scenice, siue dramaticæ poëseos formæ respondentem. Quæ profecto Scenæ qualibus, & quam multis distinguerentur inter se notis, ab ipso queramus Vitruvio, qui hæc articulatim, ac distinctè sic docet. Genera sunt Scenarum tria. vnum, quod dicitur Tragicum: alterum Comicum: tertium Satyricum. Horum autem ornatus sunt inter se dissimiles, disparque ratione: quod Tragicae deformantur columnis, fastigijs, ac signis, reliquisque Regalibus rebus: Comicæ autem ædificiorum priuatorum, & manianorum habent speciem, prospectusque, fenestris dispositis, imitatione communium ædificiorum rationibus. Satyricaे vero ornantur arboribus, montibus, reliquisque agrestibus rebus, in topiarij operis speciem deformati. Ita Vitruvius.

Quod igitur attinet ad hanc Apparatus partem, quæ Scena dicitur, id potissimum eos spectare oportet, qui Tragediam sunt daturi, vt Scenam præparent amplam, atque magnificam, hoc est, eam, quæ Regias ades, ac Basilicas imitetur. sic enim à Comica, Satyricaque, siue pastoritia facile secernetur. Insana vero illa quæ Scenis addita subinde sunt ornamenta, non tam eò pertinebant, vt Tragicae Scenam a ceteris differentem facerent, quam vt luxu Apparatum ipsum vniuersè, siue Tragicum, siue Comicum amplificarent. Fuit enim interdum aurea Scena, vt Petreij; interdum argentea, vt Antonij, & Murænae; interdum marmorea, vt M. Scauri; interdum versatilis ex ligno, & suspensa cardinibus, vt Curionis; interdum ductilis, hoc est, quæ hæc atq; illæ tabulis trædis interiorem picturæ speciem denudaret: qualis à Virgilio describitur in tertio Georgicorum.

*Vel scena ut versis discedat frontibus, utque
Purpurea intexti tollant aulæ Britanni.*

Hæc, inquam, ad ostentationem & luxum accesserunt Scenis addita menta. Communis quippe stabilis erat, hoc est ea, quæ neque veteretur, neque diduceretur in partes, sed eandem semper ostenderet spectatoribus speciem.

De Machinis, &c) Aulaeis. Caput IX.

SCENA iam, Scenæque partibus explicatis, instrumenta sequuntur scenica, ac primò quidem machinæ, quæ maximè pertinent ad Apparatum. Quo loco monebo primum vnum: his machinis nolle me conuellere præceptum Horatij, iubentis è Scena tolli transformationes quasdam; quæ quoniam obijci spectatorum oculis bene non possunt, fidem non inueniunt ullam, & pro admiratione fastidium, odiumque commerentur; vt ipse confirmat his versibus.

Nec pueros coram populo Medea trucidet:

Aut humana palam coquat exta nefarius Atreus;

Aut in auem Progne vertatur, Cadmus in anguem.

Quodcumque offendis mihi sic, incredulus odi.

Quasi dicat. indignor, quòd tam impudenti mendacio mihi velis imponere, tamquam amenti, ac stupido, qui non videam eius fatuitatem imitationis, & fucum illum frigidum, oculos minimè decipientem. Quamquam enim scio cetera quoque fingi ab actoribus, odia, inuidiam, lacrymas, ciulatus; ab ijs tamen decipi me patior; quia sic sunt homines, cum odio vehementè aliquid habent, cùm inuident, cùm flent, aut lamentantur. Sed transformationibus illis fictis decipi me non fino: quia propter rei difficultatem, nulla similitudine aut proportione rebus respondent veris. His, inquam, machinis non contendimus illum Horatij locum labefactare. neque enim in eam gratiam hic proferimus machinas, vt ostendamus illarum beneficio licere in Scenam eiusmodi transformationes, & metamorphoses dare: sed ideo, vt intelligatur, alia quedam fas esse per machinam exhiberi, quæ nemo sapientium improbarit, & approbationem à populo consequantur. Illud ergò nosse oportet, quod ab auctoribus idoneis, in primisque à Vitruvio in lib. v. cap. viij. accepimus, solitos fuisse veteres Scenam in hemicycli formam extruere. cuius ab dextera parte peregrini, & hospites egrediebantur; ab læua Carcer fuit, qui ceteros emitteret: in medio Regia; vt Iulius Scalig. ex antiquis tradit scriptoribus in lib. 1. Poët. cap. xxj. Huic verò parti mediae duæ præterea fuerunt adiunctae portæ: quarum postibus duæ item machinae versatiles, vel circumductiles affigebantur. Sinistra porta Deos aquaticos tantum effundebat in Scenam per machinam. Eumenides enim ceterique Inferorum Dij ex Imis Gradibus exiliebant: Vmbrac, ac Manes è Scalís prodibant, quas appellarunt Charonias. Itaque in Thyeste vtramque oportuit machinam adhibere: sic prorsus; vt eodem tempore necesse fuerit

Tantulum exire de Schalis Charonijs , quo tempore Megara ex Imis Gradibus existebat. Dij verò Superi ex improviso per machinā quādam editiōrem, quæ fortasse supra Episcenium fuit, demittebantur ē cælo, non quidem sic, vt planè in Episcenio confisterent, sed ita, vt machina illa suffulti penderent in aëre . Hæc Deorum cælestium machina, in Comœdijs dicitur à Græcis *κράδης*: in Tragœdijs, quia omnium est princeps, & præstantissima, per excellentiam appellatur communi nomine machina ; *μηχανὴ*. Huic persimile fuit instrumentum, & machina *μεγάλης*, qua ē terra rapiebantur in aërem repente mortales à Dijs. vt à Borea Orithya, ab Aurora Memnon, à cælestibus anguis Medea. Alia eiusmodi fuerunt instrumenta propemodum infinita. *τροπέων*, versatile; quo Heroēs extemplo transferebantur ad Deos; vt Hecules Oetæus. *ἐγκύρων*, hoc est, sedes sublicis elata, & strata longurijs, in eam gratiam, vt subitò circumvoluta demonstraret ea, quæ intra domesticos parietes agerentur, vel acta fuissent; quale est parricidium in Thyeste, excæcatio in Oedipo. *ἀκροβατίκης* scansorium; qua machina vtebantur ij, qui aliquò scansuri, ascensuriue erant. *κεραυνομοιόν*, hoc est fulminans, aut fulminiuomens: vnde nimirum fulmina tamquam de cælo iaciebantur. *βροντήν*; tonans. cuius nimirum beneficio & vi tonitus supra Scenam, vel in Scena terræ motus effingebantur. *αντίμαντος*; quæ machina à Græcis sic est appellata, quod sua propè sponte, ac minimo quodam ageretur impulsu. *νεφελοπασχίον*; hoc est machina, quæ vnius nerui, vel fili motu varios præbebat vſus: cuius mentionem fecit Aristoteles in lib. de Mundo, Apuleius in libello item de Mundo, Aulus Gell. in lib. xiv. cap. j.

Secundūm machinas collocanda videntur in Apparatu Tragico aulæ, peripetasimata, vela, siue carbasina, siue byssina, siue stellata; picturæ, tabulæ, signa, fontes per sedilia ducti, effudentes latices odoratos: ebur, argentum, aurum, sumptuosæ florum veluti pluviæ, aquæ croceæ, croci triti, scobis aureæ sparsiones, ac similia insanæ prodigiæ, immodiciq. luxus argumenta. Erit igitur eius, qui choragium dat, omnia in hoc genere comparare instrumenta necessaria exhibenda Fabulæ, quæ habetur in manibus, vt ab hac etiam parte Tragœdia nomen aliquod laudis adipiscatur. Erunt enim Fabulæ, quæ machinas velint, erunt quæ repudient, ac funditus nolint. erunt quæ flores, effusionesq. requirât, erunt quæ nullos huiusmodi sumptus postulent. erunt quæ aulæis, & coloribus ornari simplicibus; erunt quæ instrui subinde, ac identidem debeat varijs; vt nunc lætitiam, nunc terrorem, ac misericordiam excitent.

*De Histrionum indumentis.**Caput X.*

His compositis, & paratis omnibus, quæ Scenam, Theatrumq. suis communiunt ornamentis, ad ea conuerti animus debet, quæ necessaria sunt Actoribus ipsis instruendis. Antiquis prima in hoc genere cura fuit personarum. neque enim histriones agebant nisi personati, vt ex Aristotele, ac Demosthene docet copiosè Lambinus. Quare idem ille Thespis Atheniensis tam antiquus vir, ac Tragœdia primus auctor minio quidem principio faciem illeuit, sed postea tamen eandem portulaca contexit; ad extremum verò etiam lineis vsus est personis, ac laruis, vt testatur Suid. in verbo Thespis. id quod etiam Diomedes Grammaticus scriptum reliquit. Consecutis inde temporibus eiusmodi personam temerè factam, ac rudem perfecit, absoluítq. partibus suis Aeschylus ipse, qui Tragœdiam, vt initio diximus, expoliuit. Secundum in Actoribus ornandis locum videtur obtinere Tragica vestis, quæ profecto, si loquendum vniuersè sit, fuit syrma, hoc est, cyclas oblonga, sinuosa, humum voluminibus fluentibus verrens. non quòd ea sola vterentur singuli, sed quòd præcipua personæ, quæ Tragœdia nomen imponunt, & principes partes agunt, nisi cum syrmate non prodirent. Itaq. Tragica vestis, si res enucleatius explicanda sit, pro personarum varietate multiplex, & varia fuit. Aliam enim postulabant Dij, aliam Reges, Reginæ; aliam duces, aut milites; aliam Nuntij, aliam Confiliarij, ac Senatores. Latini Reges cum Trabea egrediebantur, & Lituo: Imperatores Romani paludati cum purpura, cum laurea, cum stipatoribus suis: Reginæ cum palla tractitia, hoc est cum syrmate, & croceo velo: exules cum atro, fuscoùè indumento: Barbari Reges cum diademate, aut cum tiara; ceteri quos ducebant, cum pileolis & galeris: Dij cum insignibus suis: Liber cum thyrso, cum cithara Phœbus, cum fulgure Iuppiter, & telo trisulco. Quod attinet nominatim ad pedes; vniuersi, siue Latini, siue exteri gestasse videntur cothurnos; quod calceamenti genus quia erat altius, Tragœdos ipsos, & Actores attollebat: vt nos docere videtur hoc versu Iuuenalis.

----- *breuiorq. videri*

Virgine Pygmæa nullis adiuta cothurnis.

Hæc, inquam, omnia in eam comparantur, & curantur gratiam, vt histriones agant appositiè, & cum adprobatione, plausuq. à spectatoribus

toribus excipientur. Quò fit, vt de Tragœdorum etiam officio, deque ratione agenda in proscenio Fabulae dicere ad extreum aliquid debeamus. Sit igitur huius capituli appendix, & accessio aliqua, quae peragendæ, ac recitandæ Tragoediae modum, rationemque declareret.

APPENDIX AD APPARATVM.

*De Tragœdiae peragendæ, recitandæque
ratione.*

Praeparata iam Scena, histrionibus ad agendum ornatis, videntur quid ipsos agere Tragoedos oporteat. Nihil hic ego dicam de personis primarum partium, aut secundarum: quae antiquorum diuisio eō pertinebat, vt distingueret histriones illos, quibus primum, ac præcipuum agendae Tragoediæ pondus incumbebat, ab ijs, qui minus graues, minorisque momenti peragebant partes. sed satis habebo, personas bipartitò diuidere, in Scenicas, & Choricas. Scenicas appello eas, quae in actibus, ac scenis loquuntur, & agunt: Choricas quae partim canunt, ac saltant, partim loquuntur in Choris; interdum etiam aliquid dicunt in scenis. & quoniam de Choricis erit alibi disputandum, cum agemus de Choro; de Scenicis tantummodo præceptiones alias hoc loco percensēbimus.

Donati ergo prima præceptio, & cantio ea est: ne amplius quam quinquies eadem persona in Scenam ingrediatur. Dauus tamen in Andria saepius exit. Quamquam enim haec nominatim de Comœdia præcipiantur, sunt tamen ea, quae debeant cum ipsa quoque Tragoedia communicari. Secunda: vt quamuis in scenam plures simul prodeant personæ, tres tantummodo loquuntur, ac sermonem inter se misceant, tacentibus alijs..

Nec quarta loqui persona laboret,
est apud Horatium. ne videlicet, vt opinor, loquentium multitudine animum auditorum confusione perturbet, & distrahat in diuersa. Sed tamen Diomedes in lib. iiij. quatuor in scena personas esse patitur, modò id rarò fiat, & prudenter. Plautus in hoc genere liberior est, nec imitandus. Censuerim adeo, satius esse, quartam non inducere personam, nisi paucissima secum, aut cum alijs veluti cursim, strictimque loquentem. quod factum à Terentio videmus in Andr. Act. iiij. & iv. atque à Seneca in Troad. & Agamemnone.

Tertia: vt aliqua semper persona sit, quae loquatur, aut agat in proſce-

proscenio. singulas ergo scenas singulis succedere continententer oportet; ne vacet aliquando locus, vbi recitant histriones. Est enim minime ferendus error, si vel minimo tempore in proscenio desiderentur actores.

Quarta: vt vno quoque ad exitum Actu perduto, Scenicisque personis excedentibus, illicò subeant in Orchestram, & Thymelem Choricae. quamquam non rarò, cum res postulat, personarum aliqua Scenicarum cum Choro remanet, locutura tamen, non cantatura. nisi fortasse quae residet in proscenio, aliqua Praefixa sit, in eam allegata gratiam, vt circa feretrum vna cum Choro lugeat, & lamentationes proferat emodulatas, vt dicemus in Commo.

Quinta: vt Dij Caelites non inducantur, nisi cum aliquid est exponentum, narrandumue, quod homini scire non facilè liceat. vt cum futura denunciantur, aut praeterita, & ea, quae sunt iam obliuione deleta, retexuntur; aut cum ita res implicata est, ac tam multis inuolucris implexa, vt expediri, ac solui fine vi diuina non possit. Horatianum hoc praeceptum notissimum, ac nobilissimum est.

*Nec Deus interfit, nisi dignus vindice nodus
Inciderit.*

In Protasi, de qua dicemus infra, necesse interdum est huiusmodi Deos inferre per machinam; vt argumentum explicent Fabulae, cuius cognitio cadere non possit in hominem. Eiusmodi Protasis, & initium Fabulae est apud Euripidem in Troadib. & in Hippolyto Coronato. In Catastropa vero, de qua etiam disputabimus, saepissime apparent per machinam Dij Caelestes, cum aliter euolui Fabula, & expediri non potest. Ut apud eundem Euripidem in Hippolyto & in Ione: apud Senecam in Herc. Oetaeo. Dicendum nunc esset de Meliodia & concentu, quam partem postremo loco posuit Aristoteles, & cum Apparatu prope coniunxit. Sed de hac agendum erit, cum Chori partes, & officium explicabimus.

De partibus Quantitatis. Ac primo quidem De Prologo. Caput XI.

Primum in hoc genere partium locum fecit Aristoteles Prologo. Prologum autem appellare se ait totam illam Tragœdiae partem, quae primum antecedit ingressum Chori; hoc est Actum primum. Nam illa Fabulae membra, quae Latini vocarunt Actus, esse oportet omnino quinque, si fidem habemus Horatio: vel plures aut pauciores, si audimus alios: qua de re consultò differemus in Com-

Commentario de Comœd. cap. xix. Sed ea membra, vel Actus distinguiuntur interuentu Chori: sic prorsus, ut totidem Actus in Tragoedia sint, quot à Choris in Orchestram, & Thymelem ingredientibus designantur. Illa ergo pars, quæ ante primum ingressum Chori præponitur, & agitur, primus dicitur Actus à Latinis; ab Aristotele Prologus nominatur. Nihil enim in hoc habet Tragoedia simile nouæ Comœdiæ; cui Prologus est à Fabula omnino seicutus: nec agitur à personis, quæ ullam habeant cum actione Comica coniunctionem. Officium nihilominus utriusque Prologi est prorsus idem. Nam in utraque Fabula id unum Prologus agit, ut rerum initia tractandarum, progressiones, nexus, exitum significet leuiter, spargatque actionis exhibēdæ semina ijs similia, quæ in exordio spargenda præcipit Oratori Quintilianus. Habet, inquam, id commune cum Comœdia hic aditus, ingressusq. Tragoediæ, qui Prologus dicitur: illud tamen habet proprium, ac suum, quod ipsius Actores Fabulæ interdum singuli, interdum plures hanc partem agunt. Quamquam enim Furiae, Vmbræ, Dij, qui Prologi huius personam interdum sustinent, non ingredientur amplius in proscenium, ad Fabulam tamen pertinent ipsam, & cum ea coniunctionem habent, eamq. perficiunt actionem, quam poëta sibi proposuit imitandam.

De Episodio. Caput XII.

HAEC secunda dicitur ab Aristotele pars esse ex ijs, quæ pertinent ad quantitatem. Sic ergo eam definit. Episodium est Tragoediæ pars, quæ Chori modulationibus est interiecta. Quibus verbis ostendit, Episodio contineri quicquid in secundo, tertio, quarto fit, & exprimitur Actu. id enim est, quod Choris modulantibus intercipientur: qui post Actum quartum nihil canunt amplius, adeoq. quintum non terminant, nisi necesse sit aliquid ad extremum complorare. Hinc adeo fit, ut tria sint in plerisq. Tragoedijs Episodia, quia tres Actus sunt, quos uno complectitur Episodij nomine Aristoteles. Sed cur hi Actus Episodia, & egressiones ab eo dicantur, haud facile diuinaram. Ita tamen suspicor. Principio Tragoedia simplici Chorico carmine, hoc est Dithyrambis, & personis tantummodo Choricis constasse fertur. Ad augendum verò poëma, tollendamq. sarietatem præpositus est illi Prologus, explicans, & præparans ea, quæ in eo poëmate à Chorico canerentur. Quia tamen hoc ad amplificandam nascentem illam Tragoediam, demendamq. molestiam auditoribus satis esse non videbatur, additi sunt Actus ceteri tres; qui quoniam sèpe continent aliqua extrinsecus accersita, & rei qua de agi-

agitur, argumento apposita ex ingenio poëta, egressiones esse dicuntur, & Episodia. Nam in Hercule furente, ut hoc tantum exempli causa dicitur, quæcumq. vel ad Creontis mortem, vel ad Lyci tyrannidem pertinent, digressiones sunt, & diuerticula quædam à re proposita, sed ab eadem re proposita existentia. Itaq. non eodem, hic intelligendum est modo nomen Episodij, quemadmodum intelligimus in Epopœia. vbi Episodia ita hærent structuræ totius Fabule, ut, quamquam ijs demptis, sublatissq. structura operis hiat, & ruinam dicit, maneat tamen illa princeps actio simplex, ac nuda, quæ suis Episodijs ornabatur: quod Aristoteles docuit disertissimè in fin. cap.xv.cum principem, & nudam Odyssæ narrationem ita retexuit. Per multos annos, inquit, peregre quidam cum iret, rebus domesticis sic constitutis, ut fortuna omnes à procis absumerentur, filioque insidiæ iam instant, iactatus pelago domum peruenit. cum aliquos agnouisset, illos aggressus perdidit, ipse fospes euasit. Hoc itaq. proprium eius poëmatis est. nam cetera ad Episodia pertinent. Sic, inquam, claudit illud caput, & disputationem Aristoteles; Episodia, quæ vere coagmentant Epicum poëma ab ea distinguens, ac separans actione, quæ fundamentum Episodijs suppeditauit. Non igitur Episodia Tragœdiæ sunt eiusmodi. nam in Actu secundo, tertio, & quarto permulta sunt, quæ in principe illa actione collocari debent, unde nascuntur egressiones. Sed Episodia tamen nominantur, quod quicquid præter actionem illam interponitur, interponatur in ijs Actibus, non in primo, & quinto; qui sunt initium, ac finis eius argumenti simplicis, ac præcipui, quod poëta suscepit imitandum. In quinto enim accidit obitus, & calamitas eorum, qui commiserationem postulant: in primo proponitur id, unde calamitas emanat. adeoq. hi duo videntur Actus esse, qui vim contineant omnem argumenti. ut merito Actus ceteri cum his comparati Episodia dici debere videantur.

De Exodo. Caput X III.

Tertia pars est Exodus. qui sic ab eodem Aristotele definitur. Exodus est ea Tragœdiæ pars, post quam nullus est amplius Chori cantus. Hac videlicet parte continetur rerum euentus, & exitus Fabulæ; quæ clauditur Actu quinto. hoc enim perfecto, spectatores excedunt, nec amplius prodit in proscenium Chorus, aut canit in Thymele. Immo verò discedit post Actum quartum, nisi fortasse remanere debeat, cum personis ipsis collocuturus scenicis, aut comploraturus: ut videre licet in Hercule Octaeo, in Oedipo, & in Octavia

via Senecæ . Illud igitur in summa maneat ; quintum Tragoediarum Actum Exodum dici , hoc est exitum : quia Fabulam terminat ipse , nec ullo terminatur Chorici cantu . Quamquam enim interdum in ipso plane Actus quinti fine canitur , ut sit in Hercule Oetaeo : ille tamen Chorus præter ordinem inducitur , proprieq. reuocari debet ad Commos , de quibus infra dicemus . Id vero quod extra ordinem semel fit , nullam ita faciendi legem , aut necessitatem imponit : sed significat tantum , ostenditq. id fieri posse interdum , ac raro . Quamquam non est necesse sic disputare . quia Chorus ille , tametsi Choricis constat personis , non tamen est propriæ Chorus , hoc est is , qui solus canat , & Actum claudat extremum .

De Choris . Caput IV.

C Horus quarta Fabulæ pars est , certo constans personarum numero , ex viris , feminis , rusticis , urbanis , senibus , pueris , adolescentibus , pro argumenti varietate multiplici . Ac initio quidem communis Tragœdia cum Comœdia fuit Chorus : sed à Latina Comœdia demum expulsus , tantummodo retentus in Tragœdia est . Dixi vero certum fuisse numerum eorum , qui agerent in Choro . quia in ipsis Tragœdiæ incunabulis consuetudine , vsuq. receptum acceperimus , ut in Tragico Choro quinquaginta saltantes , ac concinentes inducerentur . Sed paulatim ille numerus imminutus est , nec ante defit imminui , quam redigeretur ad quindecim : ut docet Iulius Pollux in lib. iv . Ait enim quinquaginta illos usque ad Eumenidas Aeschylus fuisse retentos ; ac deinde ab Aeschyllo ipso redactos ad quindecim . Postremò vero secundum obitum Aeschylus ad Sophoclem usque , qui consecutus est Aeschylum , video in Choro saltasse , ac cecinisse tantummodo duodecim . Qui numerus postea legitimus semper fuit , videturq. hoc etiam tempore probandus : nisi placeret proferre iterum quindecim ; quod non improbarim . Affirmaui deinde Choricas hasce personas fuisse vel viros , vel mulieres , &c. ut Satyros è Tragœdia , Choroq. depellerem . Antiquissimi enim Tragoediarum Chori , ut tradit Horatius in Arte , constabant ex Satyris , semiuiris illis hirsutis , ac nudis , caprorum in morem inconditè , temereq. saltantibus .

*Mox etiam agrestes Satyros nudauit , & asper
Incolumi grauitate iocum tentauit , eo quod
Illecebribus erat , & grata nouitate morandus
Spectator .*

Sed haud ita diu , multumq. illa Satyrorum obscenitas hæsit in Scena .

na . Repudiati quippe sunt , aliaque pro ratione Fabulae fuerunt inductæ personæ , quæ musicè canerent , atque ad numerum mouerentur. Hæc enim duo fuisse Chori munera legimus apud antiquos; modulatum cantum , & saltationem ad numerum : quæ ut diximus , inchoabantur absoluto Prologo , vel Actu primo. Nam præter ordinem communem , præter morem , ac leges Aeschylus in Persis , Euripides in Rheso initium Tragediæ fecerunt à Choro. Quam initij rationem proculdubio damnavit Aristoteles , cum definiendo pronunciauit , eum in Tragedijs esse Prologum , qui primi Chori antecedit ingressum . Neque enim antecederet ingressum primi Chori Prologus , si Chorus initio prodiret , & Prologum anteuerteret .

Peracto igitur Prologo , siue Actu primo iam absoluto , præcedente Choriphæo , hoc est Chori ductore , ac magistro , Choricæ sequebantur personæ à sinistra Theatri parte paulatim egredientes , si ex urba na multitidine cōpositus esset Chorus ; à dextra , si constaret ex rusticana , vel peregrina . Ad Choriphæi præeuntis normam , legesque mouebantur , & canebat ceteri , consistebant , lugebant , gestum pro rerum , quæ canebantur varietate , varium faciebant. Illo namque incipiente , Chorus in hanc , atque illam mouebatur partem : ac primo quidem à dextra in lauam ; ut orbis è cælestibus primi cursum imitaretur , qui ab Oriente voluitur in Occidentem . hunc motum Chori appellabant *εποφύλ* , hoc est conuersionem . Deinde à laeu conuer tebantur in dexteram ; ad similitudinem stellarum errantium , quæ ab Occidente nituntur in Orientem . quam conuersionem , quia superiori contraria est , nominarunt *ἀνταστάση* . Has voces Latini retinuerunt in odis , quarum partes ex inopia vocabuli strophas , atq. anti strophas appellarunt . Postremò vbi gemina illa conuersione , sua quodammodo relegissent vestigia , in medio , tamquam in Deorum conspectu , consistebant : & ea quiete immobilem terram esse significabat . Ac semper quidem cum ita se mouerent , & circumagerent , immo etiam dum quiescerent , modulatè canebat . canticum verò ipsum , quod in stropha flectebatur ad numerum , dicebant *ῳσήν* . quod modulabantur in antistropha , vocabant *ἄνταστάσην* . quod denique stantes in medio concinebant , nominarunt *ἴωσθην* . Et quoniam quari potest quæ nám esset totius Chori in progrediendo figura , & conformatio , id etiam addo ; eam fuisse duplice ex Polluce : quarum altera dicebatur *στίχος* , hoc est ordo : altera *ζυγός* ; iugum . In Tragico Choro cum personæ essent quindecim , *στίχοι* , hoc est , ordines erant tres , quorum singuli quinas continebant personas . Quod si diuidendæ essent in iuga , *ζυγά* fuerunt quinque , quorum singula ternas haberent . Atque ita , vel per ordines , vel per iuga mouebantur ad numerum .

Vtramque formam ingredientis Chori Martinus Delrio in Prolegomenis ad Senecam est conatus exprimere : & quidem eam, quæ versus dicitur, & ordo, sive Græcè σοίνος, hoc modo.

○ ○ ○ ○ ○

○ ○ ○ ○ ○

○ ○ ○ ○ ○

quinis videlicet personis Choricis per ordines singulos, versusque dispositis. Iugi autem, quod appellatur Græcè ζυγός, hanc putat esse conformatiōnēm, & schema.

○ ○ ○

○ ○ ○


○ ○ ○

○ ○ ○

○ ○ ○

ternis nimirum in singulos versus, ordinesq. distributis. Recte adeo auctor Etymologici ait vniuerse, Chori formam fuisse tetragonam. habet enim tam ordo, quam iugum latera quatuor. Quæret tamen aliquis, cur terni illi quinos per ordines dispositi dicantur iuga. nam cur alij dicti sint versus, & ordines, ipsum nomen satis superque demonstrat : cum ab exercitu, ac militum agmine ductum sit, quod per ordines, versusq. distinguitur. Sed haud minus ea quinorum in ternis ordinibus figura, quam illa, quæ ternos ponit in versibus quinis, præ se fert agminis formam : ergo vtraq. dici deberet versus, & ordo. Respondet Iul. Scalig. in lib. j. cap. ix. repetens nominis causam ab initio, atq. ab ipso velut exortu Fabularum. Principio enim cum videlicet tota Tragica Actio solo constabat Choro, nullis Actoribus præterea; & antequam haberet personas illas quinquaginta, sicut initio diximus, Chorus ipse fuit monoprosopus, hoc est vnius tantum personæ. Vnus videlicet quispiam prodibat in Scenam, ciuium vitia recensens, & quidem sine cantu. Deinde alter est additus, vt interrogationibus, & responsionibus explerent melius partes suas ; postea quaterni fuere, partitiq. totum sunt Chorum in paria duo ; quæ idcirco vocauere ζυγά, iuga. Cum igitur ad extremum plures essent in Choro, & quaternis illis sic accessisset aliorum numerus, vt placuerit non paria facere, & binos, binosq. disponere, sed ternos, ac ternos, retentum est antiquum iugorum nomen, quod pristinam fellit significationem. In summa factum hac in re ait Scaliger quod in Tribubus euenit Romanis. cum enim Romulus totum populum in tres diuisisset partes, à quibus appellatae sunt Tribus, aucto partium numero, Tribus nihilo minus appellatae sunt. Sed cur, inquires, illi qui tres in ordines distributi non sunt etiam appellati ζυγά? Quia multo magis à iugi similitudine, ac ratione discedunt, quam terni,


terni, adeoque ab ordinibus agminis potius, quibus similiores sunt, quidam à iugo nomen sumere debuerunt, à quo maxime differunt. Quae profecto, ut vere tradantur, haud ita tamen accipienda puto, vt credendum sit, perpetuam ingredientis Chori conformatiōnem fuisse, vel per ordines, vel per iuga dispositam. Diximus enim supra, dicimusque pluribus infra in libello de eleg. cap. v. Chorum habuisse partes illas tres, strophē, antistrophē, epodon: ac propterea se convertisse identidem tum à dextera in laeuanam, tum à laeuā in dexteram, ac demum in medio constitisse. quæ conuersiones, stationesq. quamquam Dithyrambicæ poëseos, & Lyricæ sunt propriæ, cum ipso tamen Tragediæ Choro communicantur. In Choris enim Euripidis huiusmodi tituli, indicesq. subinde inueniuntur inscripti. Strophe, Antistrophe: & apud Sophoclem præterea: Epodos. Cum igitur has conuersiones, & status ipse etiam Tragicus Chorus haberet, non potuit semper, & perpetuo motu, iugorum, ordinumque retinere formam, sed debuit in orbem præterea se circumagere, nunc à dextera, nunc à laeuā principium sumens. Itaq. vt cetera probem, in hoc tamen ipsi Martino Delrio non assentior, affirmati cyclicum Chorūm, cuius est apud Xenophontem, & alios mentio, quique huiusmodi est,



Tragicum non fuisse, sed tantummodo Dithyrambicū. Si enim, quod ipse fatetur, Tragicus Chorus strophas habet, atque antistrophas, à Dithyrambo, & Lyrica desumptas, orbem etiam circumlumque habeat necesse est, qua figura conuersiones illæ continentur, & fiunt. Quin existimo, varios etiam flexus, tractus, & quasi volumina efformasse Tragicum Chorum, dum incederet, aut saltaret ad numerum; cum conuersiones illæ, quas strophas, antistrophasque dixerunt, non modo referrent illum orbium cælestium, & stellarum errantium circumiectum, de quo supra diximus, verum etiam Labyrinthi varias ambages, & inextricabiles flexus. Tradunt enim multi, in primisque Faustus Victorinus in lib. de Comœdia, strophas illas, atque antistrophas inuentas à Theseo fuisse ad commemorandas flexuosi Labyrinthi vias, ex quibus euaserat sospes. Igitur oportuit, eas non solum cyclicas esse, sed præterea flexuosas, implicatas, & varias. quæ profecto varietas multo maiorem spectatoribus affert iucunditatem,


T quidam

quam circulus, ambitusque in orbem idem semper, atque perpetuus.
id quod paucis ante annis experti sunt ij, qui Stephonij Crispum,
Neapoli dederunt, Choris in hoc subiectum schema, aliaque huic
similia conformatis.



Multa ex hoc genere possunt excogitari præterea schemata, eaque
varia; quæ tamen ordines illos, & iuga excludere de Choro non de-
bent:

bent : cum Chorus ipse à iugis , vt opinor , initium sumeret, in iuga rediret identidem, in eadem fortasse desineret. Itaq. nihil mirum est, si præcipua Choricæ formæ diuisio à iugis , & ordinibus tamquam à principibus quibusdam petatur partibus , hoc est ab ijs, quæ initium Choro faciunt, eiusdemque progressionem comitantur, & expediunt finem . Immò verò sim auctor, vt etiam per propria, & vera iuga præscorum more disponatur, & inchoetur Chorus, non modo duodecim personarum, sed etiam quindecim, antecedente videlicet Choriphæo, & ceteros subinde circumducente, flexu, tractuque multiplici.



Ceterum hanc saltationem , & cantum non solitarium , ac sine tibia , citharaue fuisse scimus. Disertè quippe docet Horatius , concinentibus Choris adhibitam fuisse tibiam , & Aristoteles citharisticam , auleticamque, hoc est artes pulsandæ citharae , inflandæque tibiæ, quasi poëeos dramaticæ formas facit in capite primo; quia dramati nimirum in Choro subseruiunt : cum quo non tibicinem modo, ac citharœdum fuisse ait Scaliger , sed eos etiam , qui modos faciebant ; vt ad eorum leges Choricæ personæ voces, cantumq. temperarent . Et fas quidem semper fuit , Chorum duas in partes diuidere . quæ diuisio appellata est διχεία : ipsæ vero partes , aut cantica , quæ tunc proferebantur alternis, ημιχεία , η αντιχεία dicebantur, vt acceperimus ex Polluce .

APPENDIX

Ad Chorum, & eiusdem officia.

HÆ igitur sunt Chori partes duæ : canere modulatè, atq. ad certas leges moueri , conuerti , confistere . sed sunt aliæ magis propriæ, quæq. declarant quid canere, atq. in quam sententiam loqui Chorum oporteat . vt non tam hæ Choricarum personarum , quam poëtae scribentis Fabulam dicendæ partes, atq. officia videantur. Ab Horatio, qui ea singillatim exponit, quot & qualia sint huiusmodi officia condiscamus .

Actoris partes Chorus , officiumq. virile

Defendat ; neu quid medios intercinat actus ,

Quod non proposito conducat , & hereat apte .

Ille bonis faueatq. , & consilietur amicis ,

Et regat iratos , & amet peccare timentes .

Ille dapes laudet mensæ breuis , ille salubrem

Iustitiam , legeſq. , & apertis otia portis .

Ille tegat commissa , Deoſq. precetur , & oret ,

Vt redeat miseris , abeat fortuna superbis .

Distribuit tamquam in certos locos officia Chori. quos erit opera preium perpendere, atq. ordine recensere .

Primo loco iubet Chorum suscipere partes actoris , vel, vt est in multis codicibus, partes auctoris . Quæ scriptura si probatur, significabit , Chorum oportere monitoris , ac suasoris personam sustinere . Monitorem enim , & suasorem sæpe videmus à Latinis auctorem dici . Vnde fluxerunt illæ loquendi formæ . tibi sum auctor , &c. Et profecto Chorus apud Tragicos, hoc monitoris, suasoris, doctoris officio sèpissime fungitur. vt in Thyeste apud Senecam post Actum III.

Vos , quibus Rector maris , atque terræ

Ius dedit magnum necis , atque vita ,

Ponite inflatos , tumidosque vultus .

Quicquid à vobis minor extimescit

Maior hoc vobis dominus minatur .

Nemo confidat nimium secundis .

Nemo desperet meliora lapsus , &c.

Sin autem actoris legendum sit; id sibi velle Horatium credo, quod apud Aristotelem est: Chorum vnius Actoris, aut personæ obtinere locum ; hoc est, è quindecim illis, aut duodecim personis, quibus componitur Chorus, vnam tantummodo loqui, tamquam vnum Auctorem, tacere ceteros oportere. Non enim Chorus inducitur solum canens,

ac saltans ad numerum , verum etiam interdum colloquens ; vt videre licet in Electra Sophoclis , & in Thyeste , atq. in Oetauia Sene-
cæ . Quibus in Fabulis Chorus interrogat Nuntium , & serit cum eo colloquium . Neque verò probandum est , quod ait Diomedes Grammaticus in lib. iij. non modo vnum tantum è Choricis loqui debere , sed interdum cunctos , & quidem vna quasi voce confusa . nam Aristoteles ipse videtur aliter hac de re decernere ; & omnium vox illa confusa est à collocutionibus aliena : nec potest in alium locum , quām in tumultum aliquem conuenire . Sed tumultus abhorret à Choro ; qui moderationem semper , & ordinem amat .

Secundo loco admonet , ne Chorus aliquid vñquam canat , quod cum antecedenti , aut consequenti Fabulæ parte coniunctum non sit .

-----neu quid medios incercinat actus ,

Quod non proposito conducat , & hereat aptu .

Vnicum videamus exemplum apud Senecam in Troade . In qua primus mulierum Chorus lachrymis suis , & eiulatu respondet , ac subseruit Hecubæ , quæ in Prologo , vel Actu primo suam erat captiuitatem , ac seruitutem lamentata .

Non rude vulgus , lacrymisq. nouum

Lugere iubes . hoc continuis

Egimus annis , &c.

Secundus vero consolatur Polyxenam : quam esse mactandam ad Achillis tumulum in Actu secundo iam dictum , & pronuntiatum erat . Consolatur , inquam , morituram virginem , proposita illa Philosophorum quorundam impia de animorum nostrorum mortalitate sententia : ne videlicet post obitum , atq. immolationem existimaret puella timida , sibi occurrsurum esse Cerberum , aut alia Inferorum monstra , poëtarum fabulis decantata .

Verum est , an timidos fabula decipit ,

Vmbras corporibus vivere conditis ? &c.

Reliquos si videamus , & consideremus diligentius , eodem planè modo rei propositæ coniunctos , hærentes , & aptos esse inueniemus .

Tertio loco ait , Chorum debere bonis fauere , eorumq. tueri partes , qui sunt innocentes , ac probi . Sic enim apud Sophoclem in ea Tragœdia , quæ inscribitur Philoctetes , ipsius causam Philectetæ suscipit Chorus , eiusq. commiseratione capit ideo , quod qui Rex olim maximus , longeq. potentissimus fuissest , solus tunc in antro duriter , asperèq. vitam agere cogeretur .

Quarto confirmat : Chorum oportere consilium amicis fideliter , hoc est sine fuco , ac fallacijs dare . [& consilietur amicis] . Id enim est eo loco consiliari , vt periti latinitatis , & docti admonent interpretes . Præstat hoc apud eundem Sophoclem Chorus in Electra . Hæc

enim accepto de obitu fratri nuncio , lugere cœpit, ac muliebriter eiulare. Cum ergo periculum esset, ne lamenta illa, & eiulatus à Clytemnestra, Aegilthoq. adultero exaudirentur, admonet Electram Chorus, ne tam liberè in tanto discrimine vociferetur. *μηδὲν μεγάλον.*

Quinto: iratos, & furore percitos molliri, & placari iubet à Choro . Et regat iratos, inquit . id quod Euripides in Hippolyto absolu- tè peregit . vbi cum Theseus peteret à Neptuno , vt fugientem Hip- polytum excitatis è mari monstris, atque in illum immisis extingue- ret , Chorus impotentem hominis iram mulcere , ac lenire conniti- tur, affirmatq. ignoscendum esse filio, vt domui iam labenti, ruentiq. familiæ consulatur in posterum .

Sexto loco , non videtur vilum tradi monitum ab eo distinctum , quod expositum est in tertio . Nam fauere bonis, quod tertium præceptum est ; & eos amare qui peccatum reformidant , quod dicitur hic, idem planè videtur officium esse; cum is, qui fouet innocentiam, aliorumq probitatem amoris, & benevolentiae significatione comple- citur, amet etiam peccare timentes .

Septimo: demandat Choro nominatim temperantia, parsimoniaq. laudationem .

Ille dapes laudet mensæ breuis .
quod officium explet omnino numeris suis apud Senecam Chorus se- cundus Herculis Oetaei prope med.

Pectora pauper secura gerit .

Tenet è patula pocula fago :

Sed non trepida tenet ipsa manu .

Carpit faciles , vilesq. cibos :

Sed non strictos respicit enses .

Aurea miscet pocula sanguis .

Otauo:iubet Chorum ipsam quoq. laudare iustitiam, quæ in qua- dripartita illa virtutum diuisione dicitur obtinere principatum.

----- ille salubrem

Iustitiam laudet .

Apud Euripedem in Andromacha id factum potissimum animaduer- timus : vbi Chorus explicatè pronunciat , nihil in thalamis, nihil in conclauibus , nihil in vrbibus sine iustitia valere , aut aliquid habere momenti inter mortales . *μηδέν δικαιοσύνα εὐσεβίας, οὐ πόνησις δύναται.*

Nono: laudandas Choro proponit leges ; quæ iustitiam tuentur, & æquitatem . Demonstrauit hanc Horatio præceptionem fortasse So- phocles . cuius in Oedipo Tyranno Chorus ita leges effert laudibus, vt dicere non dubitet, earum patrem esse cælum ; nec mortale homi- num ingenium illas peperisse, sed immortalem Deum .

Decimo : pacem , quæ à iustitia , legibusque sanctissimis oritur, à Cho-

à Choro commendandam esse docet .

— & apertis otia portis .

Quem locum videoas in Thyeste Senecæ tractatum egregie . vbi Choru-
rum tertium ita canentem induxit .

Otium è tanto subitum tumultu

Quis Deus fecit ? Modo per Mycenæs

Arma ciuili crepuere belli .

Pallide matres tremuere natis :

Vxor armato timuit marito .

Iam minæ fœui cecidere ferri :

Iam filet murmur graue classicorum .

Alta Pax urbis reuocata late . &c.

Vndecimo . Id Choro præceptum seuerissimè vult , vt arcana con-
silia , quæ sibi commissa videt , habeat apud se sanctè , seruetq. fideli-
ter : cuius exemplum rei luculentum apud Sophoclem cernimus . Cum
enim Chorus Electra consilium de matre , adulteroq. perdendo co-
gnouisset , admonet quidem Electram , vt videat etiam atq. etiam , ne
quid audeat , ac tentet temere : rem tamen ipsam , ac cædem , quam
illa moliebatur , non modo non diuulgat , sed ne commemorat quidem .

Duodecimo . Admonet Chorum præcipui cuiusdam officij ; hoc est
religiose precationis , quæ Chori videtur esse propria , vt alibi etiam
docuit idem Horatius . Iubet igitur eum in publica , priuataue cala-
mitate precari Deos , vt tandem aliquando finant fortunam respice-
re miseris , deserere superbos , & contumaces . Hoc item apud So-
phoclem obiuit officium Chorus , intuens , per summam iniuriam in
luctu , & squalore innocentem Electram versari ; in delicijs esse Cly-
temnestram adulteram , & flagitiosam . Fulmina enim postulat à Ioue ,
quibus adulteri feriātur , secundam fortunam exposcit , & rerum pro-
speram commutationem , quæ virginem immerentem cura laxet , om-
niisque molestia liberet .

De Commo . Caput XV .

Postremam partem ex ijs , quæ quantitatis sunt , ait Aristoteles
esse Commum , siue Commos . Quid autem Commus sit , non po-
test facile dici , nisi repetamus altius quandam Chori partitionem ab
eodem Aristotele traditam in cap . x . vbi Choricum , hoc est omnem
Chori rationem diuidit in partes tres , πάροδον , σάτημα , κόμμα . Paro-
dum appellat primam illam Chori locationem , expositionem , ingre-
sum , & cantum , quæ post Prologum sunt à Choricis . Itaq. videtur
Parodum dicere primum Chorum : & quidem ex eo , quod ille ingre-

diatur, atque adueniat in proscenium, & in Orchestram primus. *πάροδος* enim Græcè, vel ingressum significat, vel aduentum. Quem quidem ingressum primum aduenientis in proscenium Chori fuisse concitatum, ac celerem licebit ex ijs coniçere, quæ dicenda de Stasimo sunt.

Stasimon enim ait Aristoteles esse officij nomen impositum Choro à stabilitate, quam habuit: *στασίμων* quippè latinè reddere licet immobile, firmum, & propè statarium. Itaque ab hoc Choro iubet idem Aristoteles remoueri trochæum, & anapæstum: qui pedes celerrimi sunt, & saltatorum concitatis motibus accommodati. In hoc enim Stasimo Chorus codem prorsus hærebat loco; nec ullam in partem conuertebatur, mouebaturque: contrà planè, quam fieret in Parodo, ubi ad trochæi, anapæstiq. numerum per strophas, atq. antistrophas subinde, identidemq. commutabatur, quoad demum personæ Choricæ consisterent in Epodo. Sed quoniam Parodus propriam habuit in Tragœdia sedem, hoc est post Actum primum in primo Choro, ut diximus, videndum est, vtrum Stasimus habuerit etiam suam. Diximus ergo minime dubitanter, in postremo Choro, post Actum quartum, siue ante Exodus, qui quintus est Actus, fuisse Stasimon. In ceteris enim Choris, qui Episodio, hoc est Actu secundo, & tertio intercipiuntur, sic mouebantur Choricæ personæ per strophen, & antistrophen, quemadmodum mouebantur in Parodo. sed perfecto iam Actu quarto, Chorus sine ullo prorsus motu concinebat. quo tempore officium Chori ab ea stabilitate *στασίμων* dicebatur. Hoc demum absoluto, sequebatur Exodus, hoc est Actus quintus, qui cantu Chori non terminabatur, ut alias diximus, nisi cum Commi resilebant in Scena, de quibus est hic explicandum.

Antequam tamen de ipso dicamus Commo, quærendum videtur: an toto tempore, quo peragebatur Fabula, continenter esse debuerit in Scena Chorus, ac nunquam omnino discedere. Sunt enim qui putent, Choricos semper in proscenio fuisse, nec umquam se recepisse intra Scenam: quia eiusmodi personæ de rebus quæ transfiguntur in Fabula, iudicant, eiusq. vrbis, siue incolæ, ac ciues, siue peregrini singuntur esse, ubi ea gesta sunt, quæ scenici peragunt Actores. Sed video Pollucem plane significare, Chorum solitum fuisse interdum excedere de proscenio. Ait enim, reditum Chori postquam discessit, appellari debere *παράποδον*. Igitur ostendit hand dubie, interdum abiisse Chorum; qui nouo cum nomine redit in Scenam: ab ipsis autem rei fortasse alicuius administranda causa, quæ Fabula subseruiret. Nonnis vero rationem eam puto; quod cum Chorus rediret, eadem iterum faceret, quæ iam egerat in Parodo; hoc est eodem ordine, ac modo ingredieretur in proscenium, caneret, saltaretq.: adeoq. nihil vide-

videretur aliud ille nouus ingressus in Scenam , quād adiunctum , & quodammodo super impositum officium Parodo . Quare Chorus ipse meritò tunc dicitur *τραγέδος* .

Nunc ipsum Communum , cuius causa disputauimus hæc , explice-
mus . Quem in eodem cap . x . sic definit Aristoteles . Commus est la-
mentatio , siue planctus , & luctus Chori cum ijs communis , qui sunt
in Scena . Definitio est ipsa per se planissima , nec eget interprete . Ait
enim , Communum illam vltimā esse Tragœdiæ partem , in qua Chorus ,
officio coniuncto cum Scenicis , calamitatem , & euentum Tragœdiæ
terribilem , ac miserandum complorat . Illud potius est à nobis ex-
planandum , videndumq . cur hæc comploratio à superioribus officijs
Chori sic differat , vt locum sibi vindicet in Tragœdia proprium à
Choro seiunctum , ac separatum . Parodus enim , & Stasimus non di-
stinguuntur à Choro , nec tamquam partes à ceteris separatae ponun-
tur , sed tamquam officia Chori . Commus verò dicitur ab Aristote-
le pars vltima , & separatur à Choro , quemadmodum in partium
enumeratione vidimus . Et tamen complorare videtur item esse
officium Chori . Cui quidem quæstiōni facilis est responsio . Cetera
enim officia Chori ; hoc est Parodum , & Stasimon in omnibus oportet
Tragœdijs esse , neque licet eas partes in aliqua Fabula desiderari .
Commus verò , atque ille conflatus è Scenicorum , & Chori vocib-
us fletus in extrema Tragœdia non semper est . Itaq . non debuit cum
aliqua parte coniungi necessaria Commus , qui desideratur in plerisq .
Tragœdijs , nec terminat Fabulas , nisi perpaucas . Quarum prima
est Euripidis Andromacha . vbi cum Nuntius Peleo significasset , Neo-
ptolemum eius nepotem impetu multitudinis ab Oreste concitatæ
interfectum fuisse , Chorus adolescentis cadauer famulorum illatum
manibus illico circumfisit . Tum lamentari casum acerbum , nec op-
natum Peleus incipit : subsequitur Chorus præuentem . Altera est So-
phoclis Ajax . In qua Fabula , Tecmessa ipsius inuento Aiakis corpore
adhuc spirante , mortem illam fortissimi viri Choro item adiuuante
deplorat . Accedit ad eandem lamentationem etiam Teucer , vt Com-
mus amplificetur .

De alia partium , quæ quantitatis sunt , divisione .

Caput XVI I.

A Lias excogitarunt aliqui partes nihil sane ab ijs , quas descripsit
Aristoteles , nisi nomine , & quadam quasi contractione diffe-
rentes : sunt enim pauciores . Sed quia nomine ipso nonnulla desi-
gnant officia , quæ plurimum habent momenti , eas etiam erit ex vñ
recen-

recensere primum , ac deinde singillatim explicare . Sunt ergo eiusmodi partes numero tres . Protasis , quæ Prologo respondet ; Epitasis , quæ continetur Episodijs ; Catastrophe , quæ comprehenditur Exodus .

De Protasi. Caput XVII.

Protasis est ea Fabulæ prima pars , in qua proponitur summa rei; sed sine vlla exitus declaratione perfecta . Periculum enim intentat , eiusq. partem aliquam indicat leuiter , aliquam reticet . Ita enim , & argutior est , & animum auditoris ad expectationem exacuit . Breuiter quippe Protasis argumentum indicat , habetq. gerendarum rerum significationem ita curtain , atque præcisam , vt non tam saturat animum , quam incendat . Non sunt hic iteranda quæ de Prologo dicta sunt : cadunt enim in Protasim omnia : sed addenda duo . primum : Protasim Comœdia non in Actu semper primo totam esse , sed interdum ad secundum vsq. pertinere , vt videre licet apud Plautum ; præsertim in Milite glorioso ; vbi etiam in Actu secundo summa Fabulæ traditur , & argumentum : Tragicam vero Protasim Actu primo semper absolui ; quo tota prope contrahitur Fabula , & quicquid ab Actoribus transfigendum est , quasi compendio comprehenditur . Alterum , quod hic addimus illud est , quod supra etiam indicauimus ; Protasim , sive Prologum Tragœdiæ ex communi quidem vsu à Scenicis ipsis personis agi debere : sed tamen apud Græcos interdum eam partem esse commissam Choricis : vt apud Aeschylum in Persis , apud Euripidem in Rheso : quæ Fabulæ initium capiunt à Choro . Id verò quia insolens est , nec ab Aristotele probatur , qui Chorum ingredi vult in Scenam exacto Prologo , imitandum non censeo . Illud tamen , quod cum hoc initio similitudinem habet aliquam , fieri posse sine reprehensione putauerim ; vt pueri cum sacerdote sacrificaturo intrent in proscenium primi , ac prologum agant . quod est apud Sophoclem in Oedipo Tyranno : sed tamen eos pueros à Choro distinctos esse oportet , nec cum eo canere vñquam , aut saltum facere . Neque enim in Oedipo illi pueri Choros ducunt , sed Thebani senes , ex quibus Choricum constat eiusdem Fabulæ . Vidimus hoc etiam in Flavia Stephoni factum egregie . Nam Flamen Dialis litaturus cum pueris , & Camillis ingressus in proscenium primus , summa spectatorum adprobatione fecit initium .

De Epitasis. Caput XVIII.

Epitasis est rerum omnium implicatio, atq. inuolutio. in qua pericula crescunt: & minæ, iræ, turbæq. vel excitantur, vel intenduntur. Continet enim malorum præparationem, rerumq. mutationem iam imminentem, quæ dubia luce se prodit. Hæc Epitasis est fortasse pars illa, quam Aristoteles appellauit *σύνεσις*. Latine dici potest nexus, sive colligatio, & nodus. in qua parte omnia videtur Episodia collocare. Sic enim loquitur in cap. xvij. Vniuersa Tragœdia partim connexione, partim solutione continetur. Connexionem appello totum id, quod à principio ad ultimam usque pertinet partem: ex qua mutatione fortunæ fit. solutionem autem id dico, quod est à mutationis initio usque ad finem. vt in Lynceo Theodectæ: vbi connexione continentur quæ facta sunt prius, quæque in filij captiuitate versantur: solutione quicquid ab accusatione mortis usque ad extreum agendum superest. Hæc Aristoteles ibi de Tragicæ Fabulæ nodo, & colligatione definit, rem illustrans exemplo cuiusdam Tragœdiae, quæ felici exitu cladebatur. Eripiebatur enim filius Lyncei à præsentissimo interitus periculo, quod imminebat. Sed si nos ab ijs, quæ nunc extant, ac superant Tragœdijs antiquorum, petere velimus exemplum, ab Iphigenia in Tauris non recedemus. In qua Fabula nexus pulcherrimo colligantur omnia, quæ ad Agnitionem usque proferuntur; hoc est aduentus Orestis in Regnum Thoantis, vbi Diana matabant hospites, & præparatio sacrificij ad Orestem aduenam immolandum. Solutione vero continetur initium Agnitionis, & ea quæ consequuntur in Exodo.

Id, inquam, fortassis Epitasis est, quod ab Aristotele connexione dicitur, & nodus. Sed tamen existimauerim potius, Epitasim esse postremam connexionis partem. habet enim, vt initio diximus, inuolutionem, & præparationem mutationis, quæ verè tum appareat, cum nexus est absolutus. nisi cum Scaligero sentire velimus: qui nodum iam absolutum, perfectumque Catastasim nominat. Si hunc, inquam, sequi velimus, initium nodi, ac progressionem dicemus Epitasim: perfectionem Catastasim appellabimus. In multis enim Græcorum Tragœdijs, præsertim vero Euripidis, videntur interdum omnia composita, & iam statum facta esse felicem: sed repente mutatio sequitur. Status ille dici potest Catastasis: inuolutio vero, & rerum implicatio, quæ statum eundem antecessit, appellabitur Epitasis.

De Catastropha. Caput XIX.

Catastropha conuersio est, quæ argumenti exitum, mutationemq. fortunæ, vel in melius, vel in deterius habet. Itaq. dici potest integra demonstratio, ac totius absolutio Fabulæ. Hæc est sine dubio pars illa, quæ ab Aristotele in cap. xvij. dicitur *λύσις*, hoc est solutio. Quemadmodum enim illa rerum perturbatio, inuolutioq. intermedia, connexio appellatur, & nodus, sic exitus Fabulæ, vbi reuoluuntur, & retexuntur omnia, dici solutio debet.

Hæc ergo solutio siue catastrophe, & conuersio duplex est, simplex, & composita. Quam ego diuisionem ex dupli Tragœdiarum genere peto: quorum alterum Aristoteli simplex est, compositum alterum in cap. ix. Fabularum, inquit, alia simplices sunt, alia implexæ, atq. compositæ: quemadmodum & actiones, quarum ipsæ Fabulæ imitationes sunt. Simplicem actionem appello, in qua continua una, absq. Peripetia, vel Agnitione mutatio fit. implexam, siue compositam, in qua vel per Agnitionem, vel per Peripetiam, vel per utramq. conuersio accidit. Cum, inquam, hæc duo genera Fabularum sint, duplum etiam necesse est Catastrophen, & conuerzionem statuere: simplicem unam, quæ Fabulæ simplicis sit, compositam alteram, quæ Fabulam conuertat implexam, atq. compositam. Et quoniam ea Fabula simplex est, quæ Peripetiam, Agnitionem non habet, ea implexa, quæ Agnitionem habet, aut Peripetiam; solutio simplex erit ea, quæ sine Peripetia, & Agnitione est: composita, quæ cum utraque, vel cum alterutra fit. Quæ quidem percipi cognosciq. penitus haud possunt, nisi ante quid sit Peripetia, quid Agnitio videamus.

Peripetia, inquit, eodem loco Arist. est eorum, quæ geruntur in contrarium mutatio. *ἡ δὲ περιπέτεια μήνη τὸ ἐγκυνίον τῷ μερῷ μεταβολῆς*. Quæ verba non id tantummodo sibi volunt, vt peripetia nihil aliud postulet, nisi mutationem in contrarium partem, sed illud præterea; vt ea mutatio præter expectationem, atque opinionem eveniat: sic, inquam, vt contra res accidat, quād sperauerant ij, qui nouam in Tragœdia fortunam nanciscuntur. Id prorsus ea definitio significari docet Aristoteles: qui paulo post, eius exemplum mutationis, quæ Peripetia dicitur, à Sophoclis Oedipo mutuatur. ad quem cum Nuntius accessisset, lœtas & supra expectationem secundas res delaturus, alia omnia fecit, euentumque planè contrarium nactus est. Missus enim erat Thebas, vt referret, Oedipum Corinthi creatum esse Regem, extincto Polybo, qui tenuerat regnum. Oedipus accepto nuncio, delatum imperium reformidat, nec adire Corinthum

thum audet, ne, quod ei olim oraculum obnunciauerat, matris incestu se pollueret, quam Meropem esse credebat, vxorem Polybi superstitem. Nuncius hac eum suspicione, metuq. liberare contendens, id omnino fecit, inquit Aristoteles, quod animi consilio contrarium erat, quodq. minime ille facere voluisse. Metum enim, & suspicionem mirum in modum auxit, effecitq. vt Oedipus intelligeret, iam se Io-casta matri, quam coniugem putabat suam, per errorem intulisse stuprum, & parentem Laium interemisse. Aliud exemplum Peripetiae producit Aristoteles ex Lynceo, veteri Tragœdia. cuius argumentum conjectura consequi debemus. Ita enim perstringitur ab Arist. In Lynceo, inquit, ductus ille quidem est veluti mox interficiendus. Danaus contrā subsecutus, vt interficeret. Sed accidit ex ijs quæ parata erant, vt hic necem, ille salutem sit nauctus. Argumentum, inquam, huius Tragœdiae, quæ temporum interijs iniuria, diuinando retexere oportet: atq. ita quidem rem disponit Robertellus. Danaus Argiuorum Rex, quinquaginta filias suas Ægilisti Regis fratribus filijs totidem despondit. Illæ, iussu patris Danai, maritos dormientes aggressæ, ferro peremerunt, vna excepta Hypermnestra, quæ Lynceo pepercit suo. Danans cum id accepisset, infectatus Lynceum est, vt cum de medio tolleret. Iamq. Lynceus esse videbatur in manibus, & iam moriturus, cum subito nihil huiusmodi cogitans interemptus est à Lynceo Danaus; Lynceus certissimo illo vitæ discrimine liberatus. His igitur exemplis intelligi vult Aristoteles, Peripetiam non esse quamlibet fortunæ mutationem, sed eam, quæ accidit non modo nec opinantibus, verum etiam alia omnia sperantibus, expectantibus, & molientibus nobis. Nunc de Agnitione cognoscendum erit, quæ altera nota est distinguendæ Fabulæ compositæ ab ea, quæ simplex appellatur.

Agnitionis definitionem ita tradit Arist. in eodem cap. ix. Agnition est, quemadmodum ipsum quoque significat nomen, ex ignoratione in cognitionem mutatio, vel ad amicitiam, vel ad inimicitias personarum, quarum vita, vel beatitudine, vel miseria terminatur. quæ tunc est pulcherrima, cum habet adiunctam Peripetiam: qualis in Oedipo Tyranno est. Significat in summa hæc definitio, Agnitionem esse quidem mutationem ex ignoratione in notitiam, sed nominativum in eam, quæ facit, vt certum aliquem hominem, quem antea talem esse ignorabamus, intelligamus amicum nobis esse, vel inimicum. idq. vitæ nostræ, vel afferre felicitatem, vel miseriam, ac perniciem procreare. Ex hac enim Agnitione dupli duplex sequitur exitus Fabulæ, vel felicitate, vel beatitudine definitus. Et quoniam hæc Agnitione potest à Peripetia, & commutatione illa repentina, nec opinata sciungi, addidit, eas optimas Agnitiones esse, atq. pulcherimæ,

rimas , quæ cum Peripetia coniunctæ sic sunt , quemadmodum coniungitur in Oedipo Sophoclis . qui cum intelligit , locastam , quam habebat pro coniuge , suam esse parentem , euentum omnino contrarium illi , quem expectabat , offendit . Omnem quippe mouebat lapidem , & remis , velisq . quod dicitur , id contendebat , vt incestum vietaret , ac parricidium ; quæ scelera illi obnunciant oracula . At dum hæc maximè cauet , videt admisisse se maximè : adeoq . Peripetia pulcherrima societate cum Agnitione coniungitur .

Ex quibus vnum profecto debet intelligi , quod est hoc loco explicatum per difficile . Dubitari enim potest , qua ratione separari queat Agnitione à Peripetia ; cum nulla sit Agnitione personarum , quæ non afferat mutationem illam rerum inopinatam , qua Peripetia natura omnis continetur , & vis . Sed ego sequendum puto Alexandrum Piccolomineum . qui confirmat , Aristotelem hic eam Agnitionem velle pulcherrimam esse , quæ Peripetiam adiunctam sic habet , vt eodem plane tempore vtraque fiat , eueniaturque , sicut in Oedipo . Eodem quippe temporis articulo locastam , ac Laium agnoscit Oedipus , eodem fortunam mutat , & labitur in exitium . Si enim in alia Fabula parte accidisset Peripetia , non tam probabilis neque tam perfecta ea Tragœdia fuisset : at quia tum prorsus incidit , cum Agnitione patet errorum , Tragediam nobis exhibuit auctor copulatione geminæ partis absolutam . Itaq . verissime dicitur , nullam esse Agnitionem sine Peripetia : at verum est etiam illud : fieri facile posse , vt vno quidem loco Peripetia , alio verò accidat Agnitione . Quod minime quidem reprehendendum est ; cum Tragœdia carere ipsa possit Agnitione , vt declarabimus : verū tamen id à perfecta tractandæ Agnitionis ratione discedit . Si enim tractandam tibi proponas Agnitionem numeris omnibus absolutam , eo loco eam ponas oportet , vbi statuis Agnitionem . propterea monendi fuimus ab Aristotele , illam esse pulcherrimam Agnitionem , quæ Peripetiam habet tum accidentem , cum sit Agnitione . At semper , inquires , tum euenit Peripetia , & commutatio , cum accidit Agnitione . non potest igitur poëta vno loco Peripetiam ponere , in altero Agnitionem . Id vero negandum puto . in omni quippe Fabula , vbi sit Agnitione , Peripetiam quidem esse oportet (quorūm enim agnoscentur iij , qui noti non erant , nisi aliqua multio consequatur ?) Sed tamen artificio poëtæ Peripetia , & commutatio rerum potest ante Agnitionem collocari . quæ accidente postmodum Agnitione amplificetur , & elucescat magis . Quemadmodum enim in multis Tragœdijs , etiam probatis , ac bonis Peripetia est sine Agnitione , sic aliquis ita disponere Fabulam potest , vt antequam Agnitione fiat , interueniat rerum commutatio repentina . Quid ergo faciet amplius Agnitione ? Augebit noua quadam commutatione priorem .

rem. Itaque ante Agnitionem ipsam cum sua coniunctam commutatione Peripetia potest ea esse, quæ Fabulæ propria, ac præcipua est; cum qua postea illa quæ ab Agnitione seiungi nequit, rectè coniungatur; vt Peripetiam iam inchoatam admirabiliorem faciat, & auctiorem.

Ex hac igitur Agnitione, & Peripetia, duplex illud constituitur Tragœdiæ genus: simplex, & compositum, vel implicatum. Simplex enim est, quod Peripetia caret, atq. Agnitione. Compositum quod vel Peripetiam, vel Agnitionem, vel utramq. simul habet. Simplex, inquam, eiusmodi Fabula potest esse sine Peripetia; quòd nullam continet à suspicione, atq. ab expectatione alienam fortunæ mutationem. quales pleræq. sunt apud Senecam: in quibus ij, qui rebus ferriuntur aduersis, initio prope Fabulæ demonstrant, illa fulmina se pertimescere. Huiusmodi est Octavia, huiusmodi Troas, huiusmodi aliæ quædam; vt facile cognoscere legétes queunt. Quin huiusmodi etiam est Sophoclis Ajax Lorarius, siue flagellifer. in qua Tragœdia nullam vides non expectatam ante, prouisamq. mutationem. nihil adeo ageret qui contra sic disputaret. Nulla esse probabilis Fabula potest sine Catastropha. ergo nulla sine Peripetia. Nihil, inquam, obtineret, qui sic disputaret. quia quamquam Catastrophe commutatio quædam, & conuersio in partem contrariam est, non postulat tamen eiusmodi commutationem repentinam, numquam ante meditatum, nec ex eo capite profectam, ex quo proficiisci posse minime credebatur. Nam Oedipus timet quidem parricidium, incestumq. quorum causa exilium sibi voluntarium indixerat, inde tamen ea illi mala euenerunt, vnde minime suspicari potuisse euentura. Quarè Fabularum casus earum, quibus innixa est Peripetia, non modò repentinam habent mutationem, sed singulari illo modo, de quo diximus, repentinam. In Catastropha verò, quia non semper cum Peripetia coniungitur, satis est, aliquam esse commutationem etiam prouisam, ac formidatam ex eo fonte, vnde promanat. quæ tamen accidere videtur interdum præter expectationem; quia in ipsa prope Fabula media res componuntur aliquantulum, adeoque sperare meliora incipiunt ij, qui perniciem extimescebant. cum igitur accidit casus acerbior, accidit repentinus, sed non ita, vt possit in Tragœdia constituerre Peripetiam: quæ postulat præterea, vt extrema illa calamitas, vel numquam prouisa sit, vel alio ex capite fluat, quām vnde timebatur. Hoc ergo Tragœdiæ genus: in quo Catastrophe tantum est sine Peripetia, simplex dicitur, & probatur ab Aristotele; sed non æquè, ac aliud, quod compositum appellat, siue implexum, atq. implicatum. cuiusmodi est, cum vel Peripetiam habet, vel Agnitionem, vel utramque coniunctam. His enim partibus quodammodo componitur, &

qui-

quibusdam quasi nodis implicatur: ideoq. redditur multo magis admirabile. quod potissimum à poëtis spectandum esse docuit Aristoteles, cum delectationem, quam illi sequuntur, & auditoribus afferre volunt, à rebus admirabilibus proficisci maxime pronunciauit.

Ex his verò generibus, vt disputationem referamus ad caput, duplex lysis sive solutio nascitur. quarum altera simplex dici potest, quia est Fabulæ simplicis; altera composita, quia est Fabulæ compo sitæ, atq. implicatæ. Fabula simplex tum soluitur, cum post compositas in medio cursu res asperas, & quæ pestem comminabantur, sequitur casus, qui ipso iam initio inde timebatur, vnde profluxit. quæ solutio merito plana dici debet, ac simplex. Altera lysis, & solutio Fabulæ implexæ, complicitæq. plus habet, quam superior artificij; quia nodum sæpenumero inuenit Gordium, qui expediri facile, resoluq. non possit. Quare confugiunt sæpenumero poëtae ad machinam: quæ suppeditat quidem solutionem artificiosam, sed eam non sic probat Aristoteles, quemadmodum laudat naturalem. Solutionem per machinam habet Amphitruo Plauti. qua in Fabula se prodit ad extremum Iuppiter, è nube mortales alloquens. Eandem habet apud Senecam Hercules Oeteus; qui loquitur etiam è machina, & suorum dolorem alloquio consolatur. Eandem denique habuit, vt docet Aristoteles, Medea, vetus Fabula. in qua, Medea ipsa, quantum suspicio ne complector, ad extremum se proripiuit è proscenio Draconibus alatis, per machinam porrò subiectis. Huc, inquam, atque ad hanc solutionem se recipiunt multi: sed ea quemadmodum dixi, non magnopere probatur Aristoteli. cui multo placent maximè solutiones illæ naturales, quæ nascuntur è re, neque necesse habent tam longè, hoc est ab artificio machinæ repeterem modum, ac rationem Fabulæ resoluendæ. Non tamen illud genus damnat, cum in tempore adhibetur, ac loco. Quin ipse met argumenta Fabularum, ac tempora designat, quibus vti machina, & Deos inducere soluentes nodum, cum laude possimus. Constat, inquit, in cap. xij. solutiones ex ipsis met potissimum Fabulis proficisci, ac nasci debere: non autem ab aliquo præsidio artificioso; vt in Medea. quo sanè artificio vti debemus in ijs, quæ extra Tragœdiam sunt. hoc est in ijs, quæ vel prius fuerere, vel alio modo ad hominum peruenire notitiam nequeunt, vel diuinatione indigent aliqua, & futuri denunciatione. Intelligunt enim vniuersi; à Dijs omnia conspicí. Quibus verbis ostendit, duabus ferme de causis vlos fuisse machinis probatos poëtas in Tragœdijs. primo quidem; vt exponerent res præteritas, & ante iam actas, quas ipsi nos aliunde, quam à Dijs cognoscere nequeamus. deinde: vt res denunciarent futuras, quas intelligere, ac prouidere non possunt, nisi Di, mortales nesciunt penitus, ac prorsus ignorant. Ceterum quia

lau-

Iaudantur maximè ab Aristotele naturales solutiones , quæ sine ma-
china fiunt : eæque pulcherrimè accident , ac iucundissimè ab Agni-
tionis certo quodam genere ; de Agnitione dicendum erit , quæ va-
ria , & multiplex est .

De Generibus Agnitionum varijs .

Caput X X .

Multiplicem quidem Agnitionem facit Aristoteles : sed diuisio-
nem quandam bipartitam ab eo traditam prætermittere ta-
men hoc loco libet ; quæ genus potius Agnitionis designat aliquod ,
quām varium Agnitionis explicat modum . Dixit enim vnam esse ,
cum è duobus , inter quos intercedit Agnitio , vnuſ tantum noscitur
ab altero , alter quia notus iam erat , non tunc primum agnoscitur.
Vlyſſes enim agnoscebat ſuos ; à quibus tamen non agnoscebatur . ita-
que cum facta eſt Agnitio , Vlyſſes tantummodo cognitus eſt , alij qui
noti iam erant , eo tempore non ſunt repente cogniti . Alteram eueni-
nire tum ait , cum agnoscitur vterq . ab vtroq . prorsus ignoratus . vt
Iphigenia , & Orestes . quippe personæ inter quas inopinata accedit
Agnitio , ignotæ erant vtriq . : cum nec Orestes Iphigeniam , nec Iphi-
genia Orestem ipsum agnosceret . De hac , inquam , partitione non di-
co : ſed de alijs in quibus varijs expreſſit modos Aristoteles : quorum
beneficio varia personarum notitia comparetur . Eos igitur modos
ſic enumerabo per partes , quemadmodum ab eo positi ſunt in cap .
poëtices xiij .

Primam Agnitionem , quam parum ingeniosam , parumq . artificio-
ſam appellat , eam eſſe ait , quæ per signa quædam accedit , vel ingeni-
ta , atq . innata , vel aduentitia , atq . extrinſecus accersita . Inter in-
nata signa connumerat lanceam Terrigenarum : ſed quid hæc lancea
ſit , non conuenit inter omnes . Robertellus existimat , eam eſſe , quam
terræ filij Titanes ſemper gerunt , cum exprimuntur , aut inducuntur .
cui poſſis addere clauam , aut ſpolium Herculis , haſtam Palladis , &
Gorgonem : alia ex eo genere complura . Quæ quidem ingenita , &
innata nominari putat , quia numquam ab illis abſunt perfonis , viden-
turq . ijs ſimilia , quæ natura ſingulis rebus inſeuit , & fecit propria .
Numquam enim illi Dij ſine huiusmodi notis inſignibus effinguntur .
ex quibus facillimè , nulloq . prorsus artificio exiſtere potest Agnitio ;
cum nemo lanceam illam , aut clauam , aut Gorgonem repente con-
ſpiciens , non agnoscat eos , qui nobilifimis signis , & numquam fallen-
tibus demonstrantur . Hæc igitur innata Robertello ſunt , atq . inge-
nita signa . Verior tamen eſt aliorum prope omnium interpretum .

fententia , existimantium , hanc lanceam fuisse notam aliquam , aut maculam in corpore Terrigenarum , nō quidem Titanum , qui pugnabant cum Ioue , sed eorum , qui nati sunt è Cadmi serpente , lancea ab eodem Cadmo confosso , cum Thebas fundabat . Consecutis quippe tēporibus , Thebis ea familia , quæ ortum ducebat à Terrigenis illis , habuit in corpore eiusmodi maculam , aut notam in lancea figuram conformatam , quæ singulis ex ea gente sponte naturæ innascebatur . Cum enim in primis illis extitisset ea lancea , ut esset indicium eorum originis , multis exinde sacerulis est per propagationem in posteris conservata , quod testatur ex Plutar. Petr. Victor. qui rem illustrat præterea similitudine petita ab næuis , alijsq. huiusmodi notis , cum quibus saepe in lucem excipimus : quales præsertim sunt illæ , quas feminæ vterum gestantes tactu putantur imprimere pueris nascituris . His enim notis similes existimat Victor. has insitas , & ingenitas , de quibus loquimur . Laudat idem Aristoteles stellas à Carcino poëta fictas in Thyeste : quæ Fabula desideratur . Autumant tamen aliqui , Thyestem in ea Fabula filios , quos commanducabat , agnouisse demum ex aliqua eiusmodi corporis ingenita nota , quæ stellæ speciem , formamque referre videretur . Hæc de signis ingenitis Aristoteles . Extrinsecus adscita vult esse duplia : alia quidem in corpore , extra corpus alia posita . In corpore ait esse cicatrices , aliaq. huinsmodi , vel morbi vestigia , vel vitia naturæ : extra corpus , monilia , torques , anulos , & similia quedam ornamenta , vel instrumenta corporis , ac vita , quæ personam aliqua ratione distinguere , ac demonstrare queant . Itaque apud Homerum , ut idem ait Arist. Vlysses cognitus est ex signo , quod erat in corpore , hoc est ex cicatrice , quam ei reliquerat aper in latere , dum in Parnassio venaretur feras . In veteri verò Fabula , quæ dicebatur Tyrus , accidisse docet Agnitionem à scapha , siue à cunis ; quæ scaphis similes sunt ; ut locum illum Victorius interpretatur . Argumentum Fabulæ nescimus , sed videtur se prodere per se . Multæ quippe Agnitiones apud Plautum sunt , existentes à cunis , à crepundijs , atq. ab ornamentis , instrumentisq. corporis , quæ sunt tamen extra corpus , atq. ab ijs distincta signis , quæ in ipso corpore sunt impressa .

Secundum Agnitionis genus , & superiori proximum esse vult , quod fit , & excogitatur à poëta , ac propterea dicitur *πετομένων* factum . Sic enim Aristot. loquitur . *Σύντεται δέ αἱ πετομένας τὸ τῆς ποντοῦ* hoc est . Aliæ Agnitiones sunt illæ , quæ fiunt à poëta . Quodcum dicit , non significat , alias Agnitiones esse , quæ poëtarum ingenio non excogitantur , & fiant (omnes enim inuenta poëtarum sunt) sed hanc , de qua loquitur , non esse depromptam ex ipsa rerum serie , & textura Fabulæ , verum à poëta propemodum extra Fabulam licenter excogitatem , ac propterea carere artificio , vel parum artis habere , quemadmodum

modum ipse docet , de huiusmodi Agnitionibus hæc verba subiungens. *διὸ ἀτεχνοί.* quarè artis expertes sunt . Quæ vt probe intelligantur , animaduertendū est , artificiosissimum Agnitionis genus , atque ingeniosissimum ab Aristotele illud haberi , ac dici , quod nascitur ex ipso contextu Fabulae , & ex rerum , quæ tractantur , visceribus prope dicitur necessariò : sic prorsus , vt alio modo res euenire non potuisse videatur . quod profecto tum cernitur , cum res ita compositæ , dispositæque in Fabula sunt , vt poëta cogatur quodammodo certam quandam Agnitionem configere , videaturque non posse modum illum Agnitionis præterire . Huic agnitionis generi , modoque perfectissimo eum opponit , quo de agimus in præsentia . Is verò tunc apparet , cum Agnitio non petitur à rebus , quas ipsa suppeditat Fabula necessitas , aut compositio , & series earum rerum , quæ tractantur , sed ab ijs , quas pro arbitratu suo poëta comminiscitur , & excoxitat . Ut enim in illo perfecto Agnitionis genere non potest poëta quibuslibet ex rebus Agnitionem ducere , sed cogitur in certis quibusdam consistere ; ita in hoc vtitur arbitrio suo , & ex aliquibus Agnitionem petit , quam facile petere posset ex alijs . Vtriusque Agnitionis exempla proponit Aristoteles ex Euripidis Iphigenia in Tauris . Est enim in ea Fabula duplex Agnitio . vna quidem perfectissima , atq. artificiosissima ; qua nimirum ab Oreste cognoscitur Iphigenia soror , ab ea non dum cognitus : altera imperfecta , qua Orestes ab eadē Iphigenia cognoscitur . Illa petitur ab epistola , quā Iphigenia Pyladi Orestis socio committebat , & mittebat in Græciam ad Orestem ipsum , quem præsentem esse non intelligebat . Ita quippe se res apud Euripedem habet . Duo illi hospites , Orestes , & Pylades , Tauricā ingressi regionem , Diana , ex Thoantis domini lege , ipsius Iphigenia manu erant immolandi . quæ cum cognouisset esse Græcos , eorum alteri parcere decreuit , vt per eum literas in patriam mitteret ad suos . id quod etiam ab Ouidio canitur , & narratur his versibus in eleg . ij . lib . iiij . de Ronto .

Par fuit bis ætas , & amor : quorum alter Orestes ,

Alter erat Pylades ; nomina fama tenet .

Protinus immitem Triuiae ducuntur ad aram ,

Euincti geminas ad sua terga manus .

Sparsit aqua captos lustrali Graia sacerdos ,

Ambiat ut fuluas infula longa comas .

Dumq. parat sacrum , dum velat tempora vittis ,

Dum causa tardas inuenit ipsa moræ :

Non ego crudelis , iuvenes ignoscite , dixit :

Sacra suo facio barbariora loco .

Ritus is est gentis . qua vos tamen urbe venitis ?

Quodq. parum fausta puppe petitis iter ?

Dixit, & audito patrie pia nomine virgo,
Consortes urbis comperit eſe ſua.
Alter ut ē vobis, inquit, cadat hofitia ſacris,
Ad patrias ſedes nuncius alter eat.
Ire iubet Pylades carum periturus Oreftem,
Hic negat, inq. vicem pugnat vterq. mori.
Exitit hoc unum, quod non conuenerat illis,
Cetera pars concors, & fine lite fuit.
Dum peragunt iuuenes pulcri certamen amoris,
Ad fratrem scriptas exarat illa notas.
Ad fratrem mandata dabat, cumq. illa dabantur,
(Humanos casus aſpice) frater erat.

Ita canit Ouidius : fed Euripides in illo amoris certamine victorem facit Oreftem; qui Pyladem reuerti iubet in patriam, ipsum ſe ſupplicio addicit, & ſacrificio Dea. Itaq. Pylades apud Euripidem referatur, & decernitur in Græciam nuncius; Orefte interim ictum ſecuris ad aram expectante. Cum ergo scriptas iam litteras Pyladi traderet Iphigenia, verita, ne quid ei grauius in itinere, ac bene longa nauigatione contingere, ipſa q. perirent litteræ, earum argumenta retexit, & Pyladi recitat his pene verbis. Orefti Agamemnonis filio ſic nunciabis. In Aulide imperfecta mittit has litteras viua Iphigenia ; quæ illis qui istic viuunt non viuit amplius. Deduc me Argos frater antequam moriar ex hac terra barbara, &c. Cum Aulidem audit Oreftes, seq. Agamemnonis filium appellari, ſororem illico agnoscit, & complectitur Iphigeniam, quæ cum ei fidem non haberet, aliquod poftulat ſignum. Multa illi signa proponit Oreftes, in primisque duo; veftem, quam Iphigenia texuerat ipſa; & haftam Pelopis, quæ domi ſeruabitur in eiusdem Iphigeniæ conclavi. Orefti verba ſunt hæc, veftem commonitorantis. Non ne ſcis hæc te pretioso ſubtegmine contexuifſe, & in tela imaginem ſolis deficientis expinxifſe? Quibus illa ſic respondet. Texui hanc ego imaginem ſubtilibus filis. Alijs verò signis enumeratis plurimis, haftam illam ita deſcritbit Oreftes. Sed & ea quæ ipſe vidi certissima signa preterea commoniſtrabo: hoc eft, Pelopis antiquam in ædibus haftam : quam manibus vibrans, puellam adeptus eft Hippodamiam, Oenomao interfecto. hanc, inquam, haftam in tuo conclavi conditæ ego vidi. Quibus inauditis, vieta, ſic exclamat Iphigenia. O cariſſime. nihil enim eſt aliud. eſt, inquam, cariſſimus. Teneo ne te Oreftes? &c. Priorem igitur illam Agnitionem per epiftolam ait Aristoteles ingeniosiſſimam, atque artificiosiſſimam eſſe: quia necessariò naſcitur ex ipſis Fabulae viſceribus, ipſoque rerum contextu, nec ingenio poëta licenter excogitatur, & fit. Ita quippe diſpoſita res ſunt, vt Iphigenia, niſi planè desipiat, & amens fit, occaſio-

casionem naēta pulcherrimam , de mittendis in patriam litteris cogitare debeat , & pericula maris reputans , argumentum earum hospitibus recitare . Posteriorem dicit imperfectam , & artificio carentem : quia tota pendet ex arbitrio poēta comminiscētis liberē signum . Quemadmodum enim hastam illam commemorantem facit Orestem , sic potuisset facere aliquid aliud indicantem : cum ex ipsa rerum texture , & serie ad aliquod certum signum non adigatur . De hasta vero hic dico , nihil de veste : quia puto Aristotelem hic de signo illo à veste petito non loqui . Vestis enim illa , quamquam imperfectam etiam facit Agnitionem , pertinet tamen ad primum Agnitionis genus , quod fit ex instrumentis corporis externis : cuiusmodi monilia sunt , vestes , aliaq. de quibus diximus , ornamenta . Quarē cum hoc velit esse genus Agnitionis ab eo distinctum , de alio signo verba facit , & sine dubio de hasta illa Pelopis ; quemadmodum pleriq. putant interpretum . Neque enim id in codice declaratur . immo verò lacuna quādam offenditur in quibusdam libris hoc modo . Secundæ Agnitiones sunt , quæ fiunt à poēta : quarē expertes artis sunt . Ceu Orestes in Iphigenia : qui & fororem agnouit , & agnitus ab ea est . Illa quidem ex epistola agnita est : ille vero Hæc , inquam , lacuna in quibusdam offenditur codicibus : quam inuenias in alijs sic expletam , *εν της ιστοριας* , ex vestimentis . Sed hoc esse commentum alicuius , qui ex ingenio locum corrigere voluerit , putemus necesse est , nisi ve- limus hanc Agnitionem à superiore non differre ; quæ tamen differre plurimum debet . In alijs reperias *διὰ τῆς λόγης* , ex hasta : quod planè conuenit . nisi tamen adiunctum id etiam ex ingenio sit . In alijs *διὰ σημείων* , ex signis , & indicijs : quod magis probatur , nobisq. libera- ram relinquit optionem arbitrandi , eligendique ex tanta signorum multitudine id , quod huic loco congruentius est . videtur autem con- gruentior esse hasta , quæ corporis non est ornamentum , vt monilia , aliaque signa superioris Agnitionis . In hunc igitur modum declara- uit Aristoteles hoc Agnitionis genus ; comparans nimirum illud cum perfectissimo , atq. absolutissimo : quod quia necessariò nascitur ex Fabula contextu , videtur à poēta non excogitatum . & inuentum : hoc autem quia ex illo contextu necessariò non oritur , factum dicitur , & fictum à poēta , non natum ex Fabula . Sic enim loquitur ipse de Ore- ste , signum illud describente , ex quo vult agnosci . Hæc igitur ipse di- cit , quæ vult poēta , non quæ Fabula .

Tertiam Agnitionis formam ait fieri beneficio recordationis , & memoriae . Ut cum is , qui debet agnosci , audiens , aut videns aliquid , veteris suæ recordatur fortunæ , dicitque , aut facit quidpiam , ex quo facile cognoscatur . Memoria enim , vt idem docet Aristoteles in li- bello de Reminiscen. certis quibusdam excitatur locis , notisque : vt ,

à simili, à contrario, à proximo, alijsque huiusmodi. Huius generis Agnitionem ait Aristoteles quandam fuisse in Cyprijs, veteri Diocanogenis Fabula. Argumentum, & summa eius Agnitionis hæc esse videtur Petro Victorio. Iuuenis quidam tabulam inspiciens pictam, suæ recordatus fortunæ, illico lacrymari cœpit: ex qua collacrymatione statim cognitus est. Erat enim in tabula expressum aliquid ijs simile figuris, quas in templo Didonis offendit Æneas, cum lacrymas effudit vberrimas, eius recordatus excidij, earumque calamatum, quarum ipse pars maxima fuerat. Exemplum verò eius Agnitionis, quæ accidit ex auditu, repetit Aristot. ab Vlysse apud Alcinoum: vbi cum citharœdum Demodocum canentem audiret, suorum recordatus malorum, quæ pertulerat in bello Troiano, fleuit: adeoq. agnitus est ab Alcino. Canebat enim citharœdus ea, quæ tam longo tempore, tantoq. labore gesta erant à Græcorum ducibus in expeditione Troiana.

Quartam fieri docet per syllogismum. vt cum ratiocinando, colligendo, & quasi composita quadam argumentandi forma aliquem, demum agnoscimus. Aliquot hanc rem illustrat exemplis Aristoteles. quorum primum petit à Chloéphoris, sive Choéphoris: quæ Tragœdia, vt se deprehendisse testatur Victorius, est Æschylī, confusa librariorum fortasse vitio cum Agamemnōne. Agnitionis verò ratio sic est. Cum Electra ad bustum, sive ad tumulum venisset Agamemnonis patris sui vnd cum ancillarum grege, omnia comportans, quibus placari possent parentis Manes, reperit ibi cæsariem, & capillum, antiquorum more detonsum, honorisque, ac doloris ergò supra sepulcrum impositum. Quam illa cæsariem, quia suæ similem videbat esse, argumentando coniecit, germanum Orestem illuc aduenisse, quem adhuc abesse procul, & in longinquis versari prouincijs exulem existimabat. Sic enim, vt disertè ait Aristoteles, rationem syllogismo subduxit. Venit huc aliquis similis mihi. mihi autem praeter Orestem, nullus planè similis est. Venit igitur Orestes. Alterum huius Agnitionis per syllogismum proponit exemplum à Polyde Sophista, qui Tragœdias olim scripserat, acceritum: quod est huiusmodi. Cum Orestes in eas intraslet aliquando terras Thoantis, vbi Diana humanis hostijs litare mos erat, captusq. ab incolis, immolandus iam esset ex Regni legibus, quæ Dea mactari nominatim iubebant hospites, ac peregrinos, ita lamentari sub mortem cœpit infortunium suum. O domus, ac gentis nostræ fortunam peracerbam. O Dianam nostræ familij iam fatalem: cui litata quondam soror est: cui germanus ipse mactandus item, atque immolandus accedo. Hanc vocem Iphigenia Diana sacerdos cum exceperisset, suspicari confessim cœpit, eum, qui sic expostularet, Orestem esse fratrem suum. atque inde

inde originem per ratiocinationem , ac syllogismum duxit Agnitio . Putabat enim Orestes, occisam iam in Aulide, ac Dianæ sacrificatam fuisse olim Iphigeniam : sed seruata erat, atq. in regnum illud asportata; ubi Dianæ sacerdos facta, & tam tristi, crudeliq. ministerio addicta fuerat . Itaque fratrem cognouit ratiocinando , & colligendo : immo etiam colloquendo : vt indicare videtur Quid.in lib. Trist. iv. Eleg.iv.

*Et iam constiterat stricto mucrone sacerdos ,
Cinxerat & Graias barbara vitta comas :
Cum vice sermonis fratrem cognouit , & illi
Pro nece complexus Iphigenia dedit .*

Quintam esse vult huic ita similem, vt vix secernatur . Ait enim accidere per paralogismum.paralogismus autem est ratiocinatio; sed captiosa, aut falsa; qua plerique decepti solidis se, optimisque putant argumentationibus de re iudicare. Laudat verò in hoc genere Agnitionem Vlyssis, Falsi Nuntij. Sic enim appellabatur vetus aliqua Fabula ; cuius hoc tantummodo supereft nomen . Argumentum ex aliquorum suspicione, & conjectura sic informatur. Falsus Nuntius, qui se Vlyssem esse comminiscebatur, ad Penelopen venit: atq. vt feminæ fidem faceret, affirmabat, se cognitum esse Vlyssis arcum si monstraretur . Quo factum est, vt & Penelope, & alij qui aderant falso decepti syllogismo , omnino crederent illum hominem Vlyssem esse : perinde ac si nemo posset eum arcum, nisi Vlysses agnoscere. Ita, inquam, aliqui putant accidisse Agnitionem in Fabula , cui nomen erat Vlysses, Falsus Nuntius . credunt nimirum, aliquem inductum , qui Penelopi vellet imponere . Sed credunt alij, in primisque Vincentius Madius , eum fuisse verum Vlyssem: qui quoniam ab vxore non agnoscet, optionem dederit periculi faciundi : adeoq. arcum petierit, quem se cognitum esse profitebatur . Verumtamen vtcumq. se res habeat , paralogismi vis in eo posita est, quod nullus præter Vlyssem credetur eum arcum cognoscere : cum verè multi esse possent, quibus æquè atque ipsimet Vlyssi cognitus esset . Quo loco animaduertendum est etiam illud : hanc ratiocinationem prauam , perperamq. dispositam appellari ab Aristotele paralogismum Theatri, siue spectatorum. quia non Penelope modò, verum etiam ipsi, qui aderant cum Penelope , ac fortasse Chorus, eum, qui arcum posset agnoscere , Vlyssem omnino esse existimarunt. Chorus autem dici potest in Fabulis obtinere vicē spectatorum . qui quoniam loqui non possunt , videntur partes suas demandare , ac permittere Choro : ideoq. Chorus pro spectatoribus loquitur, ac de actione tota, hoc est de Fabula iudicat . Quamquam enim supra diximus, Chorum obtinere locum ciuium , nihil tamen hic contrarium affirmamus: quia spectatores ipsi videntur ciues, aut

certè aliquā ex parte etiam peregrini, in eam urbem profecti, vbi geritur res. Ex peregrinis quippe interdum ipse quoque componitur Chorus, vt docuimus alibi.

Ex his tam multis, varijsq. Agnitionum formis eas ait Aristoteles optimas esse, quæ magis sunt verosimiles, quæq. ampliorem pariunt admirationem: cuiusmodi sunt, inquit, in Oedipo, atque in Iphigenia. Nam quia metuebat incestum Oedipus, credibile, ac verosimile est, eum multa quæsisse. cum autem exquisitus scrutatus omnia, intelligeret iam, suam non esse matrem eam, à qua sibi tantopere metuebat; agnoscit demum, veram se matrem habere pro coniuge. vnde summa quædam oritur admiratio. Iphigeniam verò Euripidis verosimile est voluisse litteras in Græciam dare; quibus de statu suo certiores propinquos faceret. eas verò dum Pyladi ferendas daret, qui seruabatur à nece; & argumentum earundem litterarum euolueret, agnoscitur ab Oreste. quæ res incredibilem parit auditoribus admirationem. Secundum has probat omnium maximè quæ fuit sine monilibus, alijsue signis, sed tantummodo per syllogismum. *deutēgat dēi ēn συνλογισμῷ.* Secundæ verò sunt, siue secundum obtinent locum, quæ nascuntur ex syllogismo.

De alia quadam Agnitionum partitione.

Caput XXI.

CVM omnem omnino Agnitionem error aliquis antecedat eorum, qui personam agnoscent, quam prius ignorabant; ex erroris huiusmodi varietate variam etiam esse Aristoteles intelligi vult Agnitionem. Quapropter quatuor ait esse modos exponendi erroris Tragici, hoc est eius errati, peccatiique, vnde calamitas, & pernicies oriunt extrema, quæ vel timetur, vel deploratur in Fabula: quorum duo Agnitionem habent, duo eadem carent Agnitione.

Primus igitur errandi, peccandiq. modus est, cum aliquis suo iudicio, ac voluntate labitur in exitium, vel, vt planius id declaretur, cum volens, ac prudens re ipsa patrat flagitium aliquod; intelligens exempli gratia, eum, quem interimit, suum filium, amicum, propinquum, aut parentem esse. qualis est apud Euripedem Medea, filios occidens, atq. discerpens, quos suos esse non ignorabat. Hunc modum ait Aristoteles visitatum maxime fuisse apud poëtas veteres, sine Agnitione, ac sine Peripetia. Exponebant enim factum aliquod atrox, aut cædem immanem simpliciter, & explanatè, satisq. se putabant artificiose scripsisse Tragœdiam, si hoc modo argumentum per collocutiones, inductionesq. personarum explicassent. Huc nimirum pertinet

net scelus Atrei; qui sciens, ac prudens fratri filios comedendos proposuit: huc ira Phœdræ, quæ priuignum de industria in discrimen capitum vocavit: huc Orestis, huc Alcmaeonis parricidium, qui suo iudicio, volentesq. matres interfecerunt.

Secundus errandi modus, ac ratio est, cum aliquis ignorat quidem vim, grauitatemque flagitij, quod in præsentia perpetratur, sed paulo post intelliget, quantum sceleris imprudens admiserit. Cognoscet, inquam, necessarium se, parentem, propinquumue occidisse, aut alio se crimine contaminasse. cuiusmodi Oedipus est apud Sophoclem, qui parricidium, incestumq. iam ante commissum per ignorantiam, in ipsa intelligit Fabula, quæ peragitur. Hoc enim quod perpetratum est scelus, vel in eadem actione Tragœdia, & admittitur, & agnoscitur; vel admissum iam est extra Tragœdiam, extraq. illius actionem diei, quam imitatur poëta, sed in ea detegitur, & cognoscitur ab auctore. Superioris Agnitionis exemplum expresserat Astidamus in Thelegono: qui in eadem Tragœdia inducebatur interimens ex ignorantia patrem, & in eadem agnoscens.

Tertius est, cum quis per ignorantiam paratus est ad faciendum scelus, ex quo reddatur miserrimus: sed mox agnoscens, intelligensq. facinus, non perficit, quod aggressus erat, & iam afficerat. Huiusmodi est Iphigenia illa tam sæpe laudata, quæ prope fuit, ut fratrem ignorantem, ac nesciens immolaret.

Quartus deniq. modus erroris in eo ponitur, vt paratus item aliquis sit ad perpetrandum facinus malum, sciens, intelligensque; non tamen efficiat, aut ad exitum perducat inchoata, quia vel impeditur, vel pœnitentia capitur.

Ex quatuor hisce modis duo tantum, vt initio diximus, Agnitionem habent, secundus, ac tertius: reliqui duo, primus, & quartus omnino carent Agnitione. dicuntur tamen errores, quia etiam ij, qui scelus agnoscentes peccant, aberrant à legibus, & recti vim videntur penitus ignorare. Sed eiusmodi ignoratio non est ea, quæ constituerre possit Agnitionem in Fabula. Cum verò ex his erroribus duobus, qui verè, ac propriè dicuntur errores propter ignorantem personarum, quæ nota non sunt, duo nascantur Agnitionum genera, vnum cum patrato iam scelere, alterum cum solo sceleris apparatu, & quasi procinctu; quæri potest, quod nam præstantius, ac melius esse videatur Aristoteli. Sed hæc explicabimus in cap. xx. vbi non de his erroribus modò, qui habent Agnitionem, sed de alijs etiam est decernendum.

*An extra scenam cædes proferre fas sit.
Caput XXII.*

Quoniam in capite proximè superiori atq. in eo, quod antegreditur, id tamquam certum, exploratumq. posuimus ex Aristotele; aliquid esse Tragoediæ genus idoneum, ac probatum, in quo cædes re ipsa perpetrentur, & fiant, dubitare possit aliquis, num ideo probemus cædes, & atrocia quedam spectacula populo extra Scenam exhibita. Occupemus igitur hunc dubitandi locum, dicamusq. non propterea cum hæc docentur, ipsas à nobis probari productas in Scenam cædes, dilaniationesq. corporum, quas à spectatorum oculis porrò submoueri oportere sic monet Horatius.

*non tamen intus
Digna geri promes in scenam, multaque tolles
Ex oculis, quæ mox narret facundia præsens.
Nec pueros coram populo Medea trucidet,
Aut humana palam coquat exta nefarius Atreus.*

Non, inquam, datur venia, ut tam atrocia facinora spectatorum subijciantur oculis, cum dicitur aliqua esse Tragœdia probabilis, in qua cædes re ipsa patretur, & perficiatur scelus. Nam idem Aristoteles in poët. cap. xj. iubet poëtam petere commiserationem, & terrorem (quas perturbationes excitare contendit) à sua ipsius compositione, siue scriptio, ac carmine, non ab apparatu & scena, hoc est à cædibus in scenam prolatis. Terrificum verò illud, inquit, ac miserandum cum ab apparatu scenæ proficiscitur, tum à rerum compositione. id verò multo præstantius est, & melioris poëta. Differt tamen Aristoteles ab Horatio duplii nomine. Primum, quia ille causam omnem, cur nolit eiusmodi atrocitates oculis spectatorum proponi, refert in ampliorem aliquam laudem, quam inde consequitur poëta: cum scriptoris peritisissimi sit, commiserationem, terroremq. permouere narrationis tantummodo vi, sit autem etiam imperiti, easdem perturbationes commouere apparatus beneficio, hoc est exhibendis in scenam cædibus, & lacerationibus corporum. Hæc, inquam, est causa, cur ea spectacula summota velit Aristoteles. Horatius verò eadem idcirco putat arcenda, quod exprimi perfectè ipsa histriorum, actorumq. imitatione non possint. Est enim perdifficile imitari cædes illas, lacerationes, & vulnera: adeoq. spectator indignè fert, ea sibi proponi tamquam ignaro, ac stulto. Itaq. versum hunc subiungit Horatius, quem alio loco laudaui.

Quodcumque ostendis mibi, sic incredulus odi.

Duci-

Ducitur quidem spectatoris animus, & delectatur aliarum imitatione rerum, ut alibi diximus, amatq. prudens, ac sciens deceptio-
nem suam, quia videt in ficta causa quasi lacrymas veras, odium, do-
lorem, reliquias perturbationes, & actiones humanas quodammodo
veras. Sed imitatione cædis haud delectatur, cuius similitudinem
idoneam nullam videt; adeoq. tantum abest, vt eam intuens, com-
miseratione moueat, & terrore, vt indignetur potius ijs, qui tam
stultam sibi proponunt imitationem; in qua nulla rei veræ similitudo
sit. Viderunt difficultatem hanc vetustissimi Tragoëdiarum inuento-
res: qui quoniam Nuntiorum illas narrationes non dum excogita-
rant, & commiserationem tamen ab atroci facinore contendebant
petere, occidebant re ipsa, & verè aliquos homines in scena ex ijs,
qui alioqui plectendi capite, ac damnati postremo suppicio erant.
Quem morem tam immanem, ac barbarum sustulit primus Æschylus
Athenis, vt docet ex Philostrato Gyraldus in Histor. poëtarum; reuo-
caruntq. postmodum in scenam Romani quida in Principes veteribus
illis immaniores. Nam Domitianus cum Fabulam daret, in qua Lau-
reolus quidam latro luebat penas in crucem actus, & bestijs, vt lace-
raretur obiectus, iussit eum damnatis vnum in crucem verè tolli, atq. a
feris discerpi, vt est apud Martial. lib. j. epig. viij.

Qualiter in Scythica religatus rupe Prometheus

Affiduam nimio pectori pauit auem,
Nuda Caledonio sic pectora præbuit vrso,
Non falsa pendens in cruce Laureolus.
Vinebant laceri membris stillantibus artus,
Inque omni nusquam corpore corpus erat.
Denique supplicium dederat necis ille paternæ,
Vel domini iugulum foderat ense nocens.
Templa vel arcano demens spoliauerat auro,
Subdiderat saevas vel tibi Roma faces.
Vicerat antiquæ sceleratus crimina famæ:
In quo qua fuerat fabula pena fuit.

Cuius supplicij geminum ponit exemplum in viij. de Dædalo. Ex-
posuit enim idem Imperator in alia Fabula vrso dilaniandum quen-
dam: qui personam sustinebat Dædali, ob stuprum Pasiphaës, cuius
ipse machinator fuerat, supplicium exsoluentis. Sunt alia eiusmodi
crudelitatis tam dire speacula in scenam prolata propemodum in-
finita, quæ perstringit vniuersim in Apologetico Tertullianus. Nisi
quòd & ipsos Deos vestros, inquit, saxe noxij induunt. Vidimus ali-
quando castratum Atyn illum Deum ex Pessinunte; & qui viuus ar-
debat, Herculem induerat, &c. Alterum discrimen inter Aristote-
lem, & Horatium est: quòd hic omnino damnet eos poëtas, qui au-
deant.

deant has cædes , & res tam atroces spectatorum oculis proponere ; Aristoteles prorsus damnare non videatur, sed id tantummodo dicere eiusmodi poëtas imperitiores esse; nec tantum artificij præ se ferre, quantum præ se ferunt iij, qui cædes, & immania facinora intrascenam abdunt , & per nuntios , aliosque sic referunt in scenam , vt commiserationem , ac terrorem nihilo minus excitent . Scio locum hunc Aristotelis longe aliter interpretari Iasonem de Nores . Sed nihil eum afferre tam validum video , vt in suam pertrahere alios sententiam debeat . Ex his id intelligi , & consequens esse necesse est, Senecam , qui Medeam occidentem filios facit in scena , & Græcorum aliquos, qui similia facinora inducere non dubitarunt coram populo, reprehensione liberari non posse . Si enim consulatur Horatius, summe peccarunt , si Aristoteles audiatur , sunt alijs poëtis deteriores . Nihil verò de illis hic dico, qui cæsorum corpora, aut discerpta membra inferunt in scenam ad complorandum . id enim fecerunt probatissimi poëtæ , vt diximus in cap. xj. de Commo . adeoque faciendum idem proponunt etiam alijs , qui ex hoc poëticæ genere laudem pertinent.

Fateor equidem , vnum apud Aristotelem esse locum in cap. ix. vbi videtur adprobare maxime neces , & cruciatus in scenam productos . Sic enim loquitur de partibus Fabulæ . Partes igitur Fabulæ duæ hic habentur : Agnitio , & Peripetia . tertia supereft , perturbatio . Perturbatio verò est actio lethifera, seu doloris plena : veluti cum neces , cruciatus , vulnera , ceteraque huius generis palam fiunt . Nomine perturbationis hic , quæ in Græco codice est *πάθος* , non affectum , & animi morbum intelligit, sed perpeſſionem cædis , aut alicuius acerbitatis, quemadmodum ipſe rem declarat . Et profecto in eam sententiam illam vocem *πάθος* interdum à Græcis accipi , ostendit D. Athanasius; qui orationem de Christi nece pulcherrimam inscripsit *πάθος κνέλιον* . De passione Domini : hoc est de perpeſſione cruciatuum , &c. Quapropter illa Tragœdia habebit huiusmodi *πάθος* , quæ continebit perpeſſionem necis cruciatuum , &c. At Tragœdiæ , quæ habent cædes re ipsa perpetratas , & vulnera , ac propterea patheticæ nominantur , maxime ab Aristot. probantur in cap. xj. Ergo probantur maxime illæ in quibus cædes palam fiunt , vt dicitur hoc loco . Sunt enim maxime patheticæ .

An Aristoteles Tragœdias patheticas existimet optimas , decerneamus in capite proxime consecuturo . Videamus nunc , an ijs verbis , quæ produximus , prober cædes palam , & in scena factas . Victorius quidem ita planè arbitratur: nec alias credit esse posse cædes palam factas , nisi eas quæ fiunt in proscenio . est enim in Græco codice . *πίστης* , si te ēt τὰ φανερά . cuiusmodi sunt quæ in aperto fiunt neces . Sed alij

alij omnes interpretes, cædes palam factas, aut in aperto positas volunt esse, quæ spectatorum, non quidem oculis, sed cognitioni per Nuntios, per collocutiones, & lacrymas Actorum subjiciantur. Itaq. rectè Robertellus, & Piccolom. autumant, id solum sibi voluisse Aristotelem cum dixit *ἐν φαρεσῷ*; vt illæ cædes, cruciamenta, mala denique atrocia, quæ Fabulam faciunt patheticam, incognita, & occulta non sint. non erunt autem incognita, immo vero palam fient, si Nuntij rem explicatè, ac flebiliter euoluant, eorumque, qui mala patiuntur, lamenta, & conquestiones exaudiantur.

*E superioribus errandi modis quisnam in Tragœdia
præstantior sit. Cap. XXXIII.*

Quartum illum modum, qui tum accidit, cum quis prudens, sciens aggreditur facinus, vel paratus ad aggrediendum iam est, sed, vel mutato consilio, vel inhibitus, impeditusq. minimè perficit, ait Aristoteles in eodem cap. xj. omnium esse deterrium. E quibus, inquit, facinus aliquem aggredi prudentem, scientemq. sed minimè perficere, maximè videtur absurdum. neq. enim hoc Tragicum, atq. patheticum, sed scelerosum est. Quam quidem rationem, vt planius intelligamus, duo nosse nos oportet, de quibus admonemur à Petro Victorio. primum quidem, *πάθος*, quod commotionem animi, perturbationemque significat, interdum ab Aristotele dici vulnus, aut cædem ipsam: quia hæc maximè perturbant nos, & commouent affectus animi nostri. quod quidem *πάθος*, hoc est vulnera, cædes, funera, si desiderentur in Tragœdia, id sine dubio Fabula desiderabit, quod ei potissimum, ac præcipue conuenit; cum ad misericordiam, terroremq. commouendum instituta sit: qui quidem affectus vulneribus omnino concitantur, & cædibus.

Alterum, quod animaduertere hoc loco debemus, illud est: homines eximiè, insignitèque scelestos non esse personas accommodatas Tragœdiæ, vt idem docet Aristoteles, & nos alibi disputabimus. non enim eiusmodi personæ, quæ supplicium commerentur, & mala postrema, possunt in audientium, ac spectatorum animis commiserationem aliquam inuenire, quæ commouet eorum calamitatibus, qui minimè digni calamitatibus sunt. Ex his ergo, quæ certissima sunt Aristotelii, hanc ipse rationem dicit, quæ demonstrat, quartum illum peccandi, errandiue modum esse deterrium. Qui sciens, ac prudens scelus facere conatur, aut aggreditur facere, sed impeditus non perficit, scelestissimus est. nullam ergo commiserationem merebitur. Ad hæc: ne timorem quidem ullum afferet, ac terrorem; cum nullæ

in hoc flagitio cedes sint, nulla vulnera, quæ metum, ac pauorem in-cutiant. Igitur huiusmodi peccatum, & error nihil habet patheticī, neq. Tragici, sed tantummodo plurimum sceleris, quod à Tragœdia, hoc est à Tragica persona, quæ misericordiam, terroremq. commo-uere debet, est alienum.

Ceterum quamquam hæc ita sunt, non tamen hunc modum erro-ris, atq. hanc commutandæ fortunæ rationem prorsus explodit Ari-stoteles. Affirmat enim tantummodo, usurpatum esse à poëtis raro; quemadmodum intelligi potest ex verbis eo loco cōsequentibus, quæ sunt huiusmodi. Quapropter, vel nullus poëtarum hunc sequitur mo-dum, vel certè rarus: velut in Antigona Æmon. In hac enim Tragœ-dia Sophoclis, Æmon Creontem parentem conatur occidere; non ta-men occidit; quia magna celeritate iustum irruentis filij Creon decli-nauit, sibiq. consuluit fuga.

Primum verò modum, qui tum adhibetur, cum aliquis intelligens, ac sciens peccatum re ipsa committit, ac perducit ad exitum, ait Aristoteles esse quarto meliorem; quia pathos habet, hoc est cædem, atq. atrocitatem illam, quæ commouet timorem, & misericordiam; qui sunt affectus Tragœdiæ propositi. Videndum tamen est, ne is qui peccat, ita scelestus sit, ut propter eximiam improbitatem omnem omnino commiserationem extinguat. debet enim talis esse, ut excu-fari possit, & aliqua culpæ parte liberari. cuiusmodi sanè videtur Orestes; qui ad patris vlciscendam mortem, interfecit matrem; ratus, pium se aduersus patrem esse, dum illam occideret. Itaq. in Areopa-go variantibus Iudicium sententijs, ut ait in Milioniana Cicero, iudi-cio Palladis est absolutus. Alcmæonis item causa non omnino visa est antiquis flagitiosa, & scelestæ, propterea quod ad placandas patris Manes matrem Eriphylem, à qua ille fuerat perditus, interemit; in ipso flagitio, ut falsò veteres existimabant, quodammodo pius. Quo loco operæ pretium puto id dicere, quod monet Arist. in eod. xj. cap. non èum modò dignum esse commiseratione, qui cædem, vulnera, ca-lamitatem patitur, sed sèpe illos quoque ipsos, qui cædem afferunt, & vulnera. videntur enim ad hæc adigi necessitate. Nunc autem, in-quit, pulcherrimæ Fabulæ in paucis omnino familijs versantur, ut sunt Alcmæonis, Oedipodis, Orestis, Meleagri, Thyestis, Telephi, ceterorumq. generis huiusmodi: quos vel facinora grauia perpetra-sse, vel ipsos pertulisse contigit. Quibus verbis quamquam disertè non dicit, etiam eos, qui scelus admittunt, esse interdum miseratione di-gnos, id tamen abditè, te&tèq. significat, cum ait, Tragœdias plerasq. omnes circa eos verti, qui non modò patiuntur, & perforunt cædem, verum etiam eandem moliuntur, & perpetrant. Illi enim circa quos vertitur, & in quorum actionibus versatur præcipue Tragœdia, sunt

ij, qui misericordiam, & timorem spectatoribus afferunt. Id verò supicor eum propterea dicere, quòd necessitate quadam, vt antiqui perperam putabant, fatali, aliqui committere crederentur cædes, & sceleræ: quales erant illarum homines familiarum, quas supra commemorauit. videbantur quippe suorum maiorum umbris, & furijs agitari ad scelus, & ad flagitium non incitari solum, sed impelli.

Secundum errandi modum, qui tum esse dicitur, cum aliquis ignorans quidem peccat, sed paulo post erratum agnoscit, docet Aristoteles esse probabiliorem, & meliorem primo. Est enim patheticus propter cædem, ac vulnera, & minimè scelestus propter ignorantiam sceleris. quin admirationem habet præterea magnam, vt videmus in Oedipo. Melius, inquit Aristoteles, est, imprudentem egisse, & cum egerit, agnoscere. id enim immane non est, & Agnitio parit admirationem.

Tertium, qui tum accidit, cum aliquis facturus est cædem, aut aliter peccaturus, non tamen cædem facit, aut peccat, quia rem, ac personam agnoscit; hunc, inquam, tertium modum ait Aristoteles, optimum esse, ac reliquis omnibus antecellere. Ipsum Aristotelem præstat audire. Optimum autem est postremum: dico autem vt in Cresphonte. Merope quippe parata iam erat ad filium occidendum, non interemit verò: quia eum agnouit. Et in Iphigenia, soror fratrem, & in Helle filius matrem dediturus item cognouit. Sic eo loco disputat: vnum decernens, ac docens, quod à multitudinis opinione vehementer abhorreat: quæ sic censet, & sic animum iam induxit suum: eas non esse verè Tragœdias, quæ felici exitu terminantur, & successu fortunæ melioris. Tantum enim abest, vt è numero Tragediarum expungi debeant, vt eas omnium etiam optimas appellet Aristoteles.

Sed emergit hinc difficillima quæstio. Nam alio loco, in ipso tamén undecimo capite, Aristoteles omnibus omnino Tragediarum formis anteposuit eam, quæ cædes habet, aliaq. eiusmodi facinora re ipsa, hoc est absolute, perfecteq. patrata. hinc autem exitus existit infelix, & lamentabilis Fabula determinatio. Non igitur illæ sunt optimæ, quæ secundum, & prosperum exitum nanciscuntur. Antequam ipsa profero Aristotelis verba, quæ necesse erit interpretari, hoc vnum ponendum existimo: diuisisse eum illo loco Tragediam partitione quadam noua, in simplicem, & compositam; longè alio consilio, atq. in aliam sanè sententiam, quam cum Fabulam in simplicem siue explanatam, atq. in compositam, complicitamq. diuiserat. Non enim eam appellat ibi compositam, quæ Peripetiam, aut Agnitionem habeat, simplicem, quæ careat utraque: sed compositam dicit, quæ duas contineat fortunæ mutationes; felicem vnam, alteram infelicem; simplicem, quæ vna tantum fortunæ mutatione perficiatur. Du-

plex

plex appetet in Electra Sophoclis : in qua Fabula Ægisthus , & Clytemnestra, qui occiduntur, fortunæ mutationem habent aduersam ; Orestes, & Electra, qui eorum cæde Manes vlciscuntur parentis, eiusdem fortunæ obtinent mutationem secundam . Cui similem prorsus ait Aristoteles esse Fabulam, & constitutionem Odysseæ . in qua Telemachus , & Vlysses fortunam secundam inueniunt , proci eandem offendunt aduersam . Simplex autem est in plerisq. Tragœdijs : vt in Oedipo, in Thyeste , in Iphigenia . vbi vna tantum est mutatio, vel à felicitate ad infortunium, vel ab infortunio, periculoq. præsentissimo ad felicitatem .

Quibus in hunc modum expositis ; dico , duo esse , quæ ibi docet Arist. Primum : Tragœdiam illam videri pulcherrimam, quæ simplex est , & vnam tantummodo continet mutationem fortunæ . Necesse est, inquit , pulcram Fabulam ex uno potius genere constare , quam ex duplice . Sed quia mutatio gradum habere potest , vel à felicitate in perniciem, vel à pernicie in felicitatem , adiungit secundum, quo docet, Fabulam illam pulcrum ex uno constantem genere, hoc est vna tantum mutatione, eam esse , quæ commutata fortuna , infelicitate, ac miseria definitur . Sic enim dicere pergit . Cuius quidem non ex miseria ad felicitatem , sed contra ex felicitate transitus ad infelicitatem sit . Itaq. totius illius orationis hic est integer , perpetuusque contextus . Necesse est igitur pulcram Fabulam constare potius ex hoc uno genere, quam ex duplice . cuius quidem non ex miseria ad felicitatem, sed contra ex felicitate ad miseriam mutatio sit . Paulo vero post Fabulam hanc simplicem infelicitate terminatam , non modo pulcram appellat, sed addito superlativo, pulcherrimam. eosq. reprehendit, qui Euripidem eo nomine minus probarent , quod plerasque Tragœdias eiusmodi fecerit multas: cum propterea existimari, haberetq. debeat *τραγῳδίαν*, hoc est , maximè Tragicus . Sed quoniam in eo sumus, vt verba, syllabasq. perpendere debeamus, ipsam item Aristotelis proponamus orationem, & textum verborum . Est igitur, inquit, illa Tragœdia pulcherrima, quæ facta sic fuerit . quamobrem iij decipiuntur , qui propterea damnant Euripidem, quod hunc seruet, retineatq. suis in Tragedijs modum; quarum pleraq. ab infelicitate inueniunt exitum. id quod maximè fit ex arte argumento id esse potest ; quod in scenis hæ Fabulæ , si rectè recitentur, maximè Tragœvidentur . Euripides autem ipse, quamquam Fabulas interdum minus bene contexit, maximè tamen Tragicus videri potest . Hæc verba pugnare procul dubio videntur cum ijs, quæ supra in medium produxi mus, cum ostendimus, Aristotelem præstantissimas omnium appellasse Tragœdias, que felicem exitum postremò nanciscantur . Ibi enim, hoc est in fine cap. xi. varijs expositis Tragœdiarum generibus , ab

Agni-

Agnitione, aut ab eorum errore, ac peccato vario petitis, qui labuntur in aduersam fortunam, ita loquitur. Optimum autem est postremum genus. dico autem, vt in Cresphonte: vbi Merope filium interficere debet, non tamen interficit. ita etiam in Iphigenia, soror fratrem: & in Helle filius matrem dediturus agnoscit. Repugnantiam, inquam, habere videntur hæc: quia vno loco certum Tragœdiæ genus appellat pulcherrimum; in altero præstantissimum, optimumque dicit contrarium genus.

Sed tamen repugnantiam in ijs esse nullā intelligemus, si animaduertamus vnum, quod viri quidam doctissimi monuerunt: non idem Aristotelii in loco priore pulcherrimum esse, quod in posteriore optimum est. Nam quid ibi pulcherrimum sit, postrema declarat eius loci clausula. qua dicitur, ac decernitur, Fabulas exitu absolutas infelici esse maximè Tragicas; & Euripidem esse maximè Tragicum: quia plerumque Tragœdias suas sine terminat infelici. Erit igitur Aristotelii eo loco μῦδος καλός, & κακὴν Τραγῳδία, hoc est pulchra Fabula, & Tragœdia pulcherrima, erit inquam, ea, quæ maxime Tragica est. Ea verò quæ maxime est Tragica, est pathetica, hoc est illa, quæ cædes habet re ipsa patratas, atque infortunium absolutè, perfectèq. consecutum, vt ante iam diximus. Neque vero sequitur hinc, huiusmodi Fabulas debere etiam dici optimas, quia maxime Tragœcæ sunt. Nam esse maxime Tragicum non est habere omnia, quibus absolui omnium optima Tragœdia possit, sed habere μῆδος, hoc est atrocitatem, interitus, vulnera, cædes. Quid igitur est Aristotelii optimum, & quid ille significat cum enumeratis omnibus omnino Tragœdiarum generibus, ait ad extremum, κράπτω δὲ τὸ τελεῖον; ultimum autem optimum est; exponitque vim optimi in Iphigenia in Cresphonte, ceterisque Fabulis huiusmodi, quæ mutationem fortunæ felicem habent? Responderim, Aristotelii eo loco, genus optimum id esse, quod absolutione rerum perficitur omnium, quæ non in probabili tantum, & bona, sed in perfectissima Fabula postulantur. cuiusmodi est dispositio, nodus, solutio, Agnitio, Peripetia, aliaque longè plurima, quæ laudatissimam faciunt, ac perficiunt Fabulam: in primisque id, quod facere possit, vt facilius purgantur affectus, atque illi restituantur mediocritati, quam Tragœdiæ propositam esse declarauimus. Hoc nimirum ex ipso intelligimus Aristotele planissime; cum Euripidem dicat esse maxime Tragicum, sed male contextere, ac disponere Fabulas. consequens enim est, id etiam Aristotelem significare, ac dicere; eundem Euripidem esse quidem maxime Tragicum, sed non optimum; cum illam dispositionem, & contextum Fabula non habeat, quæ optimæ Tragœdiæ deesse non debet.

Igitur, vt breuissime comprehendamus omnia, genus Tragœdiæ

maxime Tragicum est genus patheticum. patheticum genus est, in quo cædes, vulnera, aliaque huiusmodi crudelitatis, atrocitatis, infortunij postremi re ipsa accidentunt argumenta. Hoc ipsum maxime Tragicum, & patheticum genus appellatur quidem pulcrum, sed non necessariò dicitur etiam optimum: cum sape careat ijs rebus, quæ genus faciunt optimum. optimum enim illud est, quod felicitatem in exitu reperit. est autem optimum quia multa sanè habet, quibus carere solet plerumque id, quod infelici fine concluditur. Habet quippe dispositionem elegantiorē, nodum, solutionem, Agnitionem, & cum Agnitione Peripetiam; quas sāpē numero patheticæ Fabulæ non habent. quod si habeant, deteriores tamen his sunt, quæ felicitate, fortunaque in melius commutata clauduntur. Illa enim terminatio felici, ac lāta temperatur acerbitas rei, faciliusque commiseratio, terrorque purgantur, hoc est, ad eam rediguntur mediocritatem, ad quam affectus illos redigere conatur Tragœdia, quæ in hanc gratiam, vt huius initio libelli differuimus, est instituta. Huc accedit, quòd spectatores hauriunt multo maximam è spectaculo voluptatem, cum vident, viros infelices ex eo periculo demum euasisse. Itaque fit, vt huiusmodi Tragœdia, non modo voluptatem afferant imitationis beneficio, quod est commune cum omnibus, verum etiam exitu illo felici, & eius depulsione periculi, quod terrore animos, & commiseratione maxima conturbauerat.

Neque verò in his Fabulis ea miserationis, timorisque commotio desideratur, quæ singulis necessaria Tragœdijs est. Impelluntur enim, & concitantur affectibus illis maxime spectatores, cum eò rem, atque in illas angustias adductam vident, vt qui versatur in discrimine, nulla elabi ratione posse videatur. Sunt igitur in hisce Tragœdijs eiusmodi commotiones; & est præterea secundus exitus, quo commotiones illæ temperentur, atque ad iustum mediocritatem redigantur. Id vero non ideo dicimus, quòd ea mediocritas negligi debeat in pathetico genere; sed quòd in hoc lāto, felicique multo facillime comparetur.

*An insigni, vel probitate, vel scelere prædicti homines
idonei Tragœdiæ sint. Caput XXIV.*

EX ijs quæ pronunciauimus, quæstiones suboriuntur aliquæ, quas tractare singillatim oporteat, & explicare. Sit igitur hæc prima. Num insigni boni, aut eximie flagitiosi homines depelli prorsus è Tragœdia debeat. In quo tamen animaduertendum id est: non hic de singulis personis, quæ in Tragicis Fabulis inducuntur, sermonem

nem esse; multos quippe in ijs videmus agere, ac loqui Tyrannos, & profligatos homines ; sed de ijs nominatim , qui vel suo , vel alieno peccato , atque errore in aduersam lapsi fortunam , aut è periculo repente subducti , commiserationem , terroremque ciere in spectatorum animis facillimè debent .

De his ergo in cap.xj.id primò decernit Aristoteles: excellenti probitate,iustitia, & sanctimonia viros non esse eos, qui principes agere partes in Tragœdia possint , hoc est illas, qua commiserationem exprimunt,ac terrorem. Rationem reddit obscuram, atq. oppidò difficultem; quæ perpendenda,exponendaq. diligenter est. Torsit enim omnes interpretes ; nec Latinos modò , sed etiam Arabes in diuersa distractit. Nam Auerroës ipse Iosephum illum sacris nobilitatum historijs,accomodatum esse argumentum Tragœdiæ confirmat, cum hunc Aristotelis locum per paraphrasim explicat. At hoc homine nihil fieri melius,nihil sanctius,nihil iustius,nihil innocentius potest. Itaque ne ille quidem,qui Aristotelis oracula se profitetur imperitis euoluerre, potuit hoc loco eiusdem Aristotelis, non dico rationem sententiae subiunctam, sed sententiam ipsam interpretari .

Ratio igitur est huiusmodi. quòd aduersa innocentium, ac sanctissimorum hominum fortuna, neq. commiserationem, neque terorem queat excitare; cum ea res nihil miserandi,aut terribilis habeat, sed impij plurimum,ac scelesti . Primum,inquit,certissimum est, minime decere, bonos , & æquos viros ex felicibus infelices factos in scenam proferre : hoc enim neq. formidolosum est,neq. miserabile, sed scelestum, & odio dignum acerbissimo . Ita quippè placuit extrema huius rationis interpretari verba , & latina facere , quæ Græca sic sunt . οὐ γὰρ φοβερὸν,σούδὲ ἐλεῖνδν,αἰλλὰ μιαζόν τέτν. Quibus sanè verbis quid sibi voluerit,ac significauerit Aristoteles, haud satis liquet . Varij enim interpretes de germana sententia iudicarunt varie. Ac Robertellus quidē, ratus, propter ea, quæ docet idem Aristoteles in secundo Rhetoricon, viros bonos idoneos esse maxime ad misericordiam concitandā, quippè qui calamitate videntur indigni, eaq. fortuna , qua feriuntur aduersa; confirmauit,eumdem Aristotelem nihil hic ijs,quæ docuit in Rheticis contrarium dicere : sed expungere viros eximiè bonos à Tragœdia , non quòd ad misericordiam sua calamitate commouendam accommodati non sint, sed quòd timorem spectatoribus incutere non possint . Neq. enim omnino commiseratio, inquit, Tragœdiæ propria est, sed nominatim ea, quæ cum timore coniuncta, copulataq. sit . Verùm sine dubio fallitur hic interpres . Nam Aristoteles ait disertissimè per disunctionem , huiusmodi tam sanctos , & iustos viros neq. terrorem,neq. misericordiam commouere. οὐ γὰρ φοβερὸν,σούδὲ ἐλεῖνδν. neq. terribile,inquit,hoc est,neq. miserabile.non igitur coniunctum.

git cum commiseratione terrorem , sed potius abiungit , affirmans , nullum ex ijs affectibus in ea Tragœdia commoueri , cui optimi sanctissimiq. viri præbeant argumentum . Itaq. non modo vult in ea Fabula non posse commoueri terrorem , sed ne misericordiam quidem.

Alij putarunt idcirco viros huiusmodi ab Aristotele repudiari , nec in Tragœdiam admitti , quod periculum sit , ne spectatores impiam de Dijs animo consignent opinionem , si videat , tam iustas immerentesq. personas improborum exponi contumelijs , & inique vexari . Suspiciuntur enim facile hæc intuentes spectatores , Deum , vel non intelligere res humanas , & quæ geruntur in terris , vel easdem , si noscit , negligere , ac pati terrarum orbem cæca fortunæ temeritate , casuq. administrari . Hæc ratio valere fortassis ijs tēporibus potuit plurimum : sed longissimè distat ab ijs quæ loquitur hic Aristoteles . Nullam quippe religionis , aut Deorum mentionem facit , cum hæc innocentissimorum , ac iustissimorum hominum in exitium incidentium exempla dispungit : sed ait tantummodo , id neq. miserandum esse , neq. terribile , sed icelestum . Nam quod aliqui velint id intelligi debere ex voce illa Græca μαρτυριον , minimè probandum existimo : cum ei nulla huiusmodi notio subiecta sit , quæ significare possit , Aristotelem velle , periculum subesse , ne nos irascamur aduersum Deos , cum immerentes , & sanctissimos homines afflictari conspicimus . Est enim μαρτυριον improbum , sceleustum , execrandum , & quod dignum odio capitali putatur : ac propterea verba illa latine sic reddere sumus ausi . Non enim hoc est miserabile , vel terribile , sed sceleustum , & odio dignum acerbo , vel detestabile .

Audiendus igitur est , & probandus Alexander Piccolomineus ; qui veram eius rationis solidamq. sententiam è postremis illis Aristotelis exprimit verbis , ita coniunctis , vt in oratione sunt . Docet enim , cur eiusmodi exemplum infelicitatis dixerit , nec terrificum esse , nec miserandum . Docet autem , affirmans , id Aristotelem velle : eorum animum , qui spectanda Fabulae dant operam , sic exardescere odio aduersus eorum scelus , atq. improbitatem , qui iustissimos , atq. innocentissimos viros per non ferendam iniuriam vexant , vt misericordia , terroriq. nullus omnino locus relinquatur . Etenim res est commiseratione , ac terrore dignissima ; cum & misericordia motus ex imme- rentium pena incrementum capiat , & terror angeatur ex eo , quod nobis ipsis , qui tam pij , iustique non sumus , eiusmodi malum multo magis timere debeamus : sed tamen odio , quod è scelestissimo conceptum est facinore , ita totus occupatur animus , vt de miseria illa , deque periculo sibi etiam imminentे cogitare non possit , nec locum ceteris affectibus inuenire , vna regnante iam ira ex detestabili flagitio concitata . Itaque frustra laborat Casteluitrus ,

cum

cum Aristotelem premere se putat rationibus longè gratissimis, quæ demonstrant, innocentes, quo maiore prædicti virtute, ac sanctimonia sunt, hoc magis inferere spectatorum animis metum, & commiserationem posse. Non enim hoc negat Aristoteles; ex innocentissimorum hominum miseria nasci posse, si ea miseria solitariè spectetur, nec animus de illius auctore calamitatis cogitet: sed contendit, in Theatro, ubi non modò illa exhibetur iustissimorum hominum pernices, sed improbitas auctorum detestabilis, spectators ita occupari odio, iraque, ut terrorem, & commiserationem depellere, ac prope dispungere cogantur ex animo. Hæc de viris eximiè bonis, ac iustis decreta sunt.

Sequuntur homines insignitè improbi, ac scelesti. quos Tragœdiæ aptos non esse intelligi ex eadem ratione vult Aristoteles: quod nimur, neq. commiserationem, neque terrorem excitent, sed odium potius pariant, & execrationem. Et quoniam huiusmodi homines improbi commutationem fortunæ duplicum nancisci possunt, vel ab aduersa in secundam, vel à secunda in aduersam; alterum profert in hac quæstione sanctum huiusmodi. Scelestissimos homines inducere ab exitiosa fortuna euectos ad prosperam, à Tragœdiæ ratione maximè alienum esse. Ratio, ut diximus, eadem est: sed roboratur tamen, ac magis amplificatur. Confirmat enim, non modò nullam ea fortunæ mutatione misericordiam, aut timorem in animis excitari, sed ne illam quidem commotionem, quam Græci dicunt *εἰλαυθερίαν*. hæc verò animi quædam affectio est, sic insita naturæ, ut euelli non queat, nisi à nobis extirpetur humanitas; atq. ideo latine reddi non potest, nisi humanitas appelletur. Ut autem dicamus hæc explanatius; philanthropia est commiserationis quædam forma, & species, qua mouemur etiam erga inimicos priuatos, hostesq. publicos, si eos fortè aliquo inusitato, inauditoq. tormentorum genere videamus excruciarí. Nam quia odio eos prosequitur animus immortali, commiseratione propria prosequi non potest: quæ tum commouetur cum alios aspicimus cruciamento, aut alio malo vexari, quo illi digni minime putentur à nobis. At inimicos omnibus dignos malis existimamus. nihilo minus tamen eorum quoque, quos odimus, acerbissimis cruciatibus permouemur: quia philanthropia illa, quæ vox amorem erga homines nobis insitum, & naturalem significat, debilitari quidem potest, ac minui, tolli omnino, & euelli non potest. Itaque videatur hæc philanthropia nihil aliud esse, nisi misericordia quædam remissior, & quodammodo debilitata. Contendit igitur Aristoteles tantum abesse, ut ea commutatio fortunæ, misericordia illa possit affere spectators, ut ne mouere quidem queat philanthropiam; quæ misericordiæ quidam quasi gradus est remissus, maximeq. debilita-

tus. Hæc autem affectio moueri non potest, quia nulla mala sunt, quæ doleat philanthropia, vbi fortuna flagitiosis aspirat.

Tertio loco pronunciat, scelestissimos item homines, & palmarum aliquo notatos flagitio à florente fortuna in incommodam, asperaque prolapsos dispungi à Tragœdijs oportere. Ratio eadem est, & ex eodem fonte petita, hoc est à fine, qui Tragœdia propositus dicitur. Neque enim eiusmodi personæ commiserationem villam, terroremque possunt. non commiserationem; quia propter inaudita scelera, mortalium omnium misericordia sunt indigni: non terrorem; quia nobis minimè similes sunt, inquit Aristoteles. Ex eo enim oritur terror, quod metuamus, ne nobis etiam is casus accidat, quem alijs, probitate nos, vel vincentibus, vel æquantibus euenisce conspicimus. At qui sceleris tantam habent exuperantiam, flagitio, atq. improbitate nos vincunt.

Quarto itaq. loco, reliquum esse statuit, vt Tragœdijs idonei tantummodo sint, qui superioribus hisce, hoc est, sanctissimis, scelestissimisq. quadam quasi probitatis mediocritate sunt interiecti. Huiusmodi autem sunt, inquit, qui nec virtute, iustitiae antecellunt alijs, nec prauitare, vitioue aliquo insigni prædicti sunt, sed humano quodam errore ex magna dignitate, ac fortuna in magnam sint infelicitatem delapsi: qualis est Oedipus, Thyestes, alijq. generis huius illustres, ac nobiles viri. Ita decernit Arist.

An illæ Tragœdiæ felici exitu terminata dici potius Tragico-comædiæ debeant. Caput XXV.

Genus quoddam dramaticæ Fabulæ nouissimè sicut à nostris ipsis rum poëtis excogitatum in Italia, quod Tragicocomœdiam appellarunt. Et quoniam læto illud exitu concludunt, in animum vulgus induxit suū, omnes omnino Fabulas Tragicas, quæ felici terminant fine, Tragicocomœdias esse dicendas. Videndum est igitur, quid habeat hæc noua Tragicocomœdia proprium: vt intelligamus, an his similes illæ sint exitu prospero perfectæ Fabulæ, quas non modo Tragœdias, sed Tragœdiarum primas appellat Aristoteles: cuiusmodi fuisse ait Iphigeniam.

Hæc noua poëtarum Italorum Fabula ex Tragœdia, Comœdiaque composita, quemadmodum indicat nomen, felici quidem, lætoq. absoluunt exitu: sed lætus, & felix Fabulæ finis non potest per se Tragicocomœdiam constituere, nisi cetera, quæ Tragœdia, Comœdiaque sunt magis propria, coniungantur; vt ex ijs tertia componatur Fabula. Lætus enim exitus Tragœdiæ aduentitius est; adeoq. in plerisque sine

sine reprehensione desideratur: & si ab Iphigenia occideretur Orestes, sua laude illa Tragœdia non careret. Itaq. Fabula dici non debet habere aliquid ex Tragœdia proprium, quia lato successu actioni dramaticæ finem imponit. Immo verò felix exitus ne Comœdiæ quidem omnino proprius dici deberet: cum interdum etiam in Tragœdia reperiatur. Neq. enim ea, quæ verè propria sunt, communicantur cum alijs. Quæ nam igitur erit ea rerum proprietarum communio, coniunctioque, quæ mediam, ac tertiam conflare Fabulam possit ex Comœdia, Tragœdiaq. compositam? Respondeo breuissimè: duo componi oportere; hoc est vtriusq. Fabulæ finem; & personas. His enim duabus notis omnino certis, minimeq. fallentibus illæ Fabulæ secernuntur. Finis autem à nobis hic dicitur, non exitus, & clausula Fabulæ, sed scopus, & id, quod Fabulæ, Fabulæque scriptori propositum est. Huiusmodi finis, si Tragœdiam spectes, est commiseratio, & timor; si Comœdiam, risus. Ut enim Tragedia, perturbandis affectibus illis grauioribus, eos purgat, demonstrans quid timere, quid prosequi misericordia debeamus, ita Comœdia, commouendo risu, docet nos ineptias, & stultorum insanias irridere: ostenditq. quid risu dignum sit è tam multis humanæ vite negotijs, quæ quotidie mortaliū infinita contentione transfiguntur. Personæ haud minus inter se differunt, quam fines vtriq. Fabulæ propositi. Nam Tragicæ sunt illustres, vt alibi diximus, & dominatum aliquem, aut imperium obtinentes: Comicæ sunt mediae, ac plebeiae, vt in libello de Comœdia demonstrabimus.

Itaq. Tragicocomœdia nō poterit iure vlla Fabula dici, quæ finem Tragœdiæ, Comœdiæq. tam varium non vna coniungat; quæq. personas non permisceat omnes, faciatque, vt ordines primi cum infinitis, medijs cum vtrisq. proferantur in scenam: eo prorsus modo, quo Plautus in Amphitruone Mercurium, & Iouem gregalibus illis medijsq. personis adiunxit. Quamquam ea Fabula Comœdia dici debet, quia risus, ac ioci tantummodo tractationem habet: affectus illos Tragicos non attingit. Quod si eam Plautus ipse Tragicocomœdiā appellat in prologo; per iocum appellat, non seriò: ad occupandum videlicet locum, & reprehensoribus eripiendam ansam; qui mirari poterant, cur poëta Comicus induceret Deos. His enim accusatoribus per iocum respondet: dare ijs se veniam, vt si minus eam dicere velint Comoediam, Tragicocomœdiā nominent.

His ergò constitutis, affirmatè pronuncio, veteres illas Fabulas antiquorum poëtarum, Euripidis, Sôphoclis, Æschyli, aliorumque, quæ redeunte fortuna terminantur, non Tragicocomœdias appellandas esse, sed Tragoedias. Nam præterquamquòd ita nominantur ab Aristotele, simplex ipsa Fabula, hoc est actione Tragica, Comicaq. mini-

mē composita, plane declarat, nihil eas habere cum Comoedia commune, cuius causa dici Tragicocomoedia debeant. Non enim in ijs finis vtriusque Fabulae committitur: cuiusmodi est commiserationis terrorisque, ac risus commotio; non personæ Regiæ, plebeiæq. permiscetur. quæ profecto necessaria sic sunt, vt si vel vnum ex ijs desideretur, Tragicocomoedia constitutio esse vlla non possit.

Quæret hic ad extremum aliquis: an licuerit nostris nouum hoc Fabulae genus extundere. Sed hanc ego quæstionem explicabo in libello de Comoedia: vbi præsidia designatur sum, quibus tueri se possint, qui hoc poëticæ dramaticæ genus vel instaurarunt, vel inuenierunt. Placet hic tantum adscribere Aristotelis locum ex cap. xi. paulo ante medium, in quo videtur quidem mentionem eiūmodi poëmatis facere, sed illud non omnino probare. Cum enim varias enumerasset Fabulas, de quadam non ita probabili sic loquitur. Sequitur ea, quæ à non nullis primo loco collocatur, ex duplice genere compositio. quo ex ordine Odysea est: quæ diuersa ratione partim ex præstantioribus personis, partim ex humilioribus constat. Huic sanguine primas tribuit theâtralis imperitia. quippe poëta hanc auram sequuntur: ceterum voluptas illa non Tragoediæ, sed Comoediæ propria est: in qua qui fuerunt inimicissimi, velut Orestes, & Agisthus, reconciliata gratia demum discedunt, nullusq. obtruncatur ab altero. Videlur, inquam, his verbis Aristoteles, illud hoc loco genus indicare: sed quia rem non probat, istorum poëtarum causam alio tueri prædio conabimur in ea, quam de Comoedia disputatione molimur.

An Argumentum Tragediæ possit esse plane consuetum,

& commentitium. Caput XXVI I.

Hæc verò quæstio percelebris est, & grauissima. Quaritur enim an quemadmodum in Comoedia, & res ipsa, quam imitatur poëta, & eorum nomina, quos inducit, ex ingeñio planè finguntur, sic etiam in Tragoedijs comminisci liceat argumentum illud, quod datur in scenam, atq. Actorum imitationi subiectur. Multa pronunciat in hanc sententiam Aristoteles, quæ sunt à me proferenda per partes, vt de quæstione facilius, clariusq. constituatur.

Ait ergò primum in cap. viii. non esse poëta, ita res gestas expondere, vt omnino sunt gestæ; sed quemadmodum vel verosimile, vel necesse est eas geri potuisse, aut debuisse. Hoc differt, inquit, ab historicō poëta; quod hic generalia sequitur, & vniuersa, ille propria quædam, & peculiaria coissectatur. Significat nimirum, poëta proposatum, & consilium esse, non Achillem describere, aut res gestas Achil-

lis, sed in Achille , fortissimi speciem Imperatoris exprimere : histo-
rico verò, ipsas nominatim, ac propriè res exponere, quas gessit Ale-
xander, eq. planè modo, quo gestæ sunt. Atq. hinc intelligi vult ; hi-
storia nobiliorem, & præstantiorem esse poësim : quippe quæ genera-
lia persequens, & communia, proximè ad philosophiam accedat ; hi-
storia verò peculiaria tractans, & propria, à ratione scientiæ, ac phi-
losophiæ discedat. Quo fit, inquit, vt sapientius quiddam poësis, quām
historia sit . siquidem in aliqua re generali , atque communi , hæc in
propria, & peculiari versatur. est enim generale, quæ cuiq. conueniat
dicere, vel facere verosimiliter, aut necessariò; id quod spectat poësis,
cum nomina imponat : contrâ verò peculiare aliquid est , exponere
quid ipse fecerit Alcibiades, tuleritq. Apud Comicos manifestum id
est: qui Fabulas ex verosimilibus constituentes, nomina pro arbitra-
tu comminiscuntur. Sed ex his Aristotelis verbis consequens esse di-
cet aliquis , Comoediam videri Tragoedia præstantiorem ; cum Co-
moedia confingat nomina, quæ fingere, atq. imponere ex ingenio, Tra-
goedia non licet. Si enim ficta, atq. imposita nomina argumento sunt,
poëtam sequi quod est generale, ac propterea anteponendum histori-
co esse, cui fingere nomina non licet, sequitur, Comoediā, quæ com-
miniscitur, & fингit personarum nomina, esse præstantiorem Tragoe-
dia, quæ nomina retinet vera, eaq. fingere, & comminisci non debet.
Sic enim ipse ratiocinatur , ac disputat Arist. Poësis multo præstan-
tior est, quām historia ; quia sequitur vniuersa quædam, & generalia
in verosimili argumento. quarè ipsa etiam imponit nomina pro arb-
itratu; quod potissimum fieri videmus in Comoedijs. Respondendum
censeo, illam nominum ex ingenio fictionum impositionem argumen-
to esse, poëtam generalia sequi: adeoq. posse ostendere, poëtam vni-
uersè historico nobiliorem, ac præstantiorem esse , qui peculiaria
tractat , atque in singulari versatur argumento ; quod erat Ari-
stoteli propositum . si tamen poëtices varia formæ , ac genera , non
quidem cum historia comparentur, sed conferantur inter se , non
posse illam eandem nominum impositionem efficere , vt ea poëticæ
species, quæ nomina comminiscitur, magis generalia sequatur, ac pro-
pterea præstātor, quām ceteræ sit. Quamquam enim Tragoedia no-
mina retinet vera, quæ sumit ab historia, in certis tamen illis perso-
nis, non peculiaria quædam exprimit, sed generalia, hoc est, rerum
terribilium, ac mirabilium formas illas perfectas, quas intuemur ani-
mo, non cernimus oculis . Quarè Tragoedia haud minus generalia
complectitur, quām Comoedia, nec ex eo fonte maior peti, minorue
præstantia potest, si poëticæ genera inter se comparentur . Ceterum
videamus quid de hac nominum impositione loquatur, ac statuat
Aristoteles. Possumus enim aliam quoque respondendi rationem
inire,

inire, si fortasse Tragœdia nomina interdum comminisci fas sit.

Ait igitur secundo loco: in Tragœdijs vera personarum nomina retineri, & eam potissimum, ac validissimam esse rationem, cur retineri sic debeant, quod Tragicum poëtam proferre verosimilia prorsus oporteat, ad mouendos auditorum illos graues timoris, & commiserationis affectus. Non est autem ita verosimile, fuisse Reges, quorum nomina ignorentur, ut est credibile, fuisse gregarios aliquos ciues, obliteratis iam nominibus, quos Comœdia possit imitari. Itaque veteres Tragœdia, ut idem monet Aristoteles, in paucissimis omnibus versatae familijs sunt, quarum Heroës, ac Reges ex notissimis populo nominibus agnoscebantur. Sed hic illud est intelligendum: vna cum nominibus aliquid etiam rei gestæ retineri: nec mutari quod de Oedipo dicitur: occidisse nimirum patrem; ac matrem ignoto stupro violasse. Quia tamen huic rei gestæ adduntur infinita, quæ poëtarum excogitat ingenium, idcirco dicuntur sola personarum interdum nomina ex historia retineri.

Ait tertio Tragœdias esse quasdam, in quibus vnum aut alterum nomen retineatur ex veris, cetera configantur. Sed tamen hic etiam est animaduertendum, quod modò diximus; cum hoc uno, aut altero nomine sumi præterea ab historia, & inseri Fabulæ aliquam rei gestæ peregrinam partem: quæ figurantis sic amplificatur, commutaturque, ut sola personarum nomina ab historia desumpta esse videantur. Et quoniam in tanta Tragicorum varietate poëtarum, hoc etiam ausi fuerant nonnulli, ut, & nomina, & argumentum totum comminiscerentur;

Ait quarto loco: Tragœdias aliquas esse, quæ, tum nomina, tum etiam rem ipsam, & argumentum configant totum: sic prorsus, ut nihil ab historia mutuentur, nihil habeant veri. Huiusmodi fuisse confirmat Agathonis Tragœdiam, quæ Flos dicebatur. Aliæ, inquit, Fabulæ tamen sunt omnino commentitiae: qualis est Flos Agathonis: quæ tametsi res ipsas planè omnes fingunt, & nomina omnia, placent tamen, & auditores oblectant. Itaque probat quidem magis Aristoteles Fabulas illas, quæ veris vtuntur nominibus, verèq. rebus gestis, veluti fundamentis innituntur, has tamen omnino non improbat: additq. rationem, cur improbandæ non videantur. Ait enim etiam illa nomina vera, & res veras, quæ retinentur in perfectioribus Fabulis, esse multis ignotas; qui tamen earum spectaculo moueantur, & delectentur: ex quo debeat intelligi, fictis hisce Tragediarum argumentis, fictisq. nominibus posse, non quidem æquè, sed tamen posse spectatorum animos ad misericordiam, timoremq. compelli.

Quapropter ex his, quæ docentur ab Aristotele, ita profligari atque ad exitum perduci tota questio potest. Tragediarum genera, si variū

rium earum, ac multiplex spectemus argumentum, esse tria: primum absolutissimum omnium, ac perfectissimum, maximeq; ciendis affectibus accommodatum; hoc est illud, in quo vera nomina retinentur, & res ipsa est etiam vera, quæ Fabula fundamentum suppeditat: secundum, minus absolutum perfectumque; in quo nimur nomen vnum, aut alterum personarum verum est, cetera commentitia, & facta omnia: tertium imperfectissimum, nec cum alijs de praestantia, & dignitate contendens; hoc est illud, in quo, non ipsa modo nomina, sed etiam res planè omnes ingenio poëta sunt excogitatae. Hæc eadem sententia fuisse videtur Horatij; cum laudet maximè argumentum vetus, de medio sumptum, atq; notissimum; sed longè alia ratione dispositum quam tractatū prius ab alijs sit. Possunt enim Medea, Iphigenia, Thyestes, aliae veterum Tragœdiæ peculiari aliquo artificio sic disponi, ut earum argumentum nouum esse videatur. quod idem docet Horatius.

Rectius Iliacum carmen producis in actus;

Quam si proferres ignota, indictaq; primus.

Publica materies priuati iuris erit, si

Non circa vitem, patulumq; moraberis orbem.

Hæc, inquam, cum dicat Horatius, videtur velle, perfectissimæ argumentum Tragœdiæ peti debere non modo à re vera, vel ab historia, sed nominatim ab ea, quæ nota sit, ut & facile percipiatur ab omnibus, & eam habeat fidem, quæ possit commiserationem, & lacrymas excitare.

An Tragœdia sit Heroico Poëmate præstantior.

Caput XXVII.

Quoniam in proximè superiori disputatione fuit Tragœdia cum historia, & cum ipsa quoq; Comœdia comparanda, conferamus eandem etiam cum Epica, illamq; tractemus compendio questionem, quam Aristoteles explicat in cap. poëtices xxiv. quod est extreum. ubi eorum primò rationem, atque argumentationem proponit omnem, qui Tragœdiæ anteferebant Epicam, in hunc modum. Ea poësis est præstantior, quæ paucioribus indiget adiumentis, atq; præsidis extrinsecus accersitis ad imitationem suam. Epica paucioribus eget, quam Tragica: cum histrionibus vtatur leuissimis, apparatu, saltationibus, harmonia. Quæ profecto nihil significant aliud, nisi Tragoediam comparatam esse in gratiam spectatorum minus intelligentium, atq; imperitorum; Epicam in gratiam doctorum hominum, atque prudentium, quin esse non habent ab histrionibus, atque

atque à Choricis discere, vel nosse facilius ea, quæ poëta versibus imitatur.

Quibus ita propositis, hoc modo respondet Aristoteles: Tragoediam habere vim suam sine apparatu, atque harmonia. quæ partes quamquam adnumerantur inter eas, quæ dicuntur qualitatis, externæ tamen sunt, atq. ipsi aduentitiæ Tragoediæ. Quare si legatur tantum, histrionesq. remoueantur omnes, atq. apparatus Theatri, commiseratione tamen, ac timore legentem afficiet ipsa per se. vt ex hoc facilè intelligere debeamus, Chori cantum, Actorum gestum omnem, ac motum, ceteraq. huiusmodi, additamenta quædam esse, ac præsidia extrinsecus accidentia: quæ ipsi etiam interdum adiungebantur Epopœiæ; cum à Rhapsodis voce, ac cantu recitaretur, aut ageretur etiam ab histrionibus ipso gestu corporis, ac scenico motu: vt ibidem docet Aristoteles, ea, quæ ab ipsis obiciuntur ita confutans. Primum, inquit, huiusmodi accusatio non poëticæ, sed histrionicæ est. Nam ipsi quoq. Rhapsodi, dum munus obeunt suum, hoc adiungunt opificium Epicæ, vel recitantes, hoc est modulatè canentes hexametros, quod Sofistatus facere solitus erat, vel etiam agentes, addito gestu, motuque; quod Mnasitheus faciebat Opuntius. Ita placuit ex interpretum auctoritate reddere per paraphrasim Aristotelis verba non nihil obscura; quibus egregiè tela regerit in aduersarios. Reprehendunt enim illi levitatem actionis scenicæ, qua careat Epopoeia. At hæc, inquit, non est poëta, sed histrionum. Contendunt, Tragoediam multis vti præsidij externis, quæ demonstrent quandam quasi poëmatis inopiam, aliunde potentis adiumenta. At eadem præsidia ipsa quoq. fæpe numero poscit à Rhapsodis Epopoeia: de quibus lege quæ disputauimus in Virgilianis Vindicijs, loco primo lib. Æneid. iij. Non potest igitur illo nomine despici Tragoedia, quin ipsa etiam Epica, contemnatur. Habet hoc quidem amplius Tragoedia, quòd in eam gratiam facta est, vt agatur. Sed tamen id facere non potest, quin actio Tragoediæ quiddam externum, atq. aduentitium sit. Vel illud argumento est, quòd cum legitur, ad eosdem animum impellit affectus, ad quos commonet, cum agitur in proscenio.

His summotis obicibus, explicatè docet Aristoteles, Tragoediam esse præstantiorem Epica, & meliorem. docet autem duabus potissimum permotus rationibus, quas ita disponit.

Tragoediæ suppetunt omnia, quæ habet Epopoeia. Est enim Tragoedia quoq. versibus expressa, perfectaq. numeris imitatio, quemadmodum est Epopoeia. igitur in illo genere pares sunt. Sed accedunt illi præterea multa, quibus caret Epopoeia: vt Peripetia, Agitationes, nodi varij, solutiones, spectaculum, apparatus, harmonia; quæ delectationem afferunt ampliorem. ergo Tragoedja debet haberi

præstantior. Hic tamen vnum animaduertere necesse est: Petrum Vi-
ctorium , & Alexandrum Piccolomineum existimasse, Aristotelem in
hac ratione , quam exposuimus, dare veniam Tragoediæ, vt versibus
vtatur Heroicis . quod si verum esset, euerteretur quod huius operis
initio diximus. Sed re ipsa nihil huiusmodi apud Aristotelem hic est.
Putant autem illum hac ratione tractanda sic esse locutum . Habet
Tragoedia quicquid habet Epica ; est enim imitatio per metrum he-
xametrum , vel Heroicum . Id, inquam, censem , Aristotelem dixi-
se : nihil tamen apud cum hic huiusmodi reperias; sed tantum-
modo metrum , ac versum . Tragoedia, inquit , habet omnia quæ
habet Epopoeia . vtitur enim metro . Quam eandem sententiam ijs-
dem vocibus, & eodem metri nomine proculit in cap.ij. vbi cum Tra-
goediæ retexuisset ortum , progressiones , accessiones , statum ; de
versibus demum dixit , vsam eam olim octonarijs fuisse : sed rejectis
ad extremum octonarijs , adsciuisse senarium , atq. in eo conqueuis-
se . Et quoniam ita de Tragoedia disputabat per comparationem ,
cum Epopoeia , de utraque postmodum hæc verba subiunxit . ἡ μὲν οὖν
ἐποποίησι τὴν τραγῳδίαν πέμψει πάντα μέτρα μημάτων ἐπει τραγῳδίαν
Quem locum , verbum prope verbo reddens , ita latinum fecit ipse .
Victorius . Epopoeia igitur Tragoediam comitata est vsque adhuc
solum , quod metrica oratione virorum excellentium imitatio sit .
Ita, inquam, hunc locum latine vertit Victorius : verumtamen con-
tendit, in antiquis codicibus non metrum vniuersè scriptum esse, sed
metrum magnum : vt sententia sit : Tragoediam eo nomine similem
esse Epopoeia , quod imitatio quædam sit, metro vtens magno , hoc
est , Heroico , vel hexametro . Scripturam illam antiquam hanc ait
fuisse . ἡ μὲν οὖν τὴν τραγῳδίαν πέμψει πάντα μημάτων ἐπει τραγῳδίαν
πέμψει πάντα μημάτων . hoc est . Itaque Epopoeia Tragoediam eo vsque comitata so-
lum est , quod virorum præstantium imitatio sit per magnum me-
trum . Cum ergo in hoc etiam loco cap. xxiv. in metro similem esse
dixerit Tragoediam Epopoeiæ, existimat, metri nomine intelligi de-
bere non metrum vniuersè, sed nominativum illud magnum, hoc est, He-
roicum cap.ij . Denique tota istorum ratio in antiqua illa scriptura
posita est , in qua sit , non ἐποποίησι πέμψει πάντα μημάτων : sed πέμψει πάντα
μημάτων .

Respondeo vero primum : versum magnum dici posse etiam iam-
bum senarium . Ut enim diximus in cap. de Dictione, multi fuerunt,
in primisq. Terentianus Maurus, qui versum Tragoediæ appellavit
Heroicum: non quod hexameter sit, sed quod referat in proscenio res
gestas Herorum, quemadmodum extra scenam eorundem præclara-
facinora canit hexameter, qui dicit solet Heroicus . Sit ergo magnum
metrum, versus Heroicus, sed sit is, qui versatur in rebus gestis He-
roum,



roum , non qui à Grammaticis appellatur hexameter.

Deinde contendo: scripturam illam non esse probandam, si id significet, quod significare Victorius vellet. Pugnat enim cum ijs, quæ ante dixerat Aristoteles de octonarijs. Quid enim oportuit dicere, Tragoediam reieisse octonarios , & in senarijs conquicuisse , si vfa olim fuisse hexametris, & ijsdem hexametris vti posset? Meritò igitur omnes scripturam illam expunxerunt . nec eam ego in aliquo codice legi ex ijs, quos typographi nobis exponunt : immo verò ne Victorius quidem ipse ausus est castigare locum in suo. Habet enim, non quidem μῆτρας μεγάλαν: sed μέτρας μέγαλα. Et profecto vel ex eo constat, médiū aliquod ibi fuisse, quòd in eodem cap. ij. Heroicum versum Aristoteles à Tragoedia dixerit alienum esse , vt nos demonstrauimus supra in cap. de Dictione. In hoc autem cap. xxiv. metrum non esse versum Heroicum, aut hexametrum ipsem etiam apertissimè declarat auctor , qui in cap. xxij. Tragoediæ discrimen ab Epopoeia petiuit ex metro . Differt, inquit, Epopoeiæ contextus à Tragico longitudine, metroq.

Hæc ergò ratio primum Aristotelem impulit, vt diceret, præstantiorem esse Tragoediam quam Epicam; quòd cum Tragoedia imitatio poëtica sit numeris vtens, ac versibus, nihil desideret eorum, que in Epica sunt , & habeat præterea multa oblectationis instrumenta , quibus careat Epica .

Alteram dicit rationem ab illa actionis vnitate, quam diximus esse cum vtraq. communem. Hanc ergò ait Aristoteles esse maiorem in imitatione Tragica . quippe quæ rerum claudatur limitibus earum , quas vnius tantummodo spatio diei geri potuisse, ac transigi verosimile fit . Epopoeia enim in hoc genere tam libera est, vt ei fas sit actionem vnam complecti, que longo tempore perfici atque ad exitum perduci potuerit, vt docuimus in dissertationibus Virgilianis ad lib. xij. in fine . & ad lib. ij. loco j. Et quoniam quod angustiores habet temporum, ac locorum terminos, quodq. magis contractum est, multo magis vnum videtur esse, quam quod protrahitur longius , multo magis habenda est vna , & simplex actio Tragoediæ , quæ limites sibi circumscrimit exiguos vnius diei, quam Epicæ; quæ multorum annorum spatia complectitur .



TARQVINII
GALLVTII
SABINI
E SOCIETATE IESV

DE ANTIQVORVM
COMOE DIA
COMMENTARIUS
PRO OMEIVM.

In quo definitio traditur.

COMOE DIA M in cap. poëtices secundo sic definit Aristoteles. Comoedia deteriorum imitatio est: non quidem secundum omne vitij genus, sed nominatim secundum illud, quod ridiculum est. porro illud est ridiculum vitium, quod sine dolore turpitudinem habet, hoc est deformitatem minimè nos interimentem; illi prorsus similem, quæ in praua distorta facie, cum subito cernitur, risum ciet.

Sic Aristoteles. Et quoniam præter hanc definitionem, vix aliud quidpiam de Comoedia scriptum reliquit, eam hoc initio quasi prudentes explanabimus: ut quæ deinde quæstiones existent, expeditum, ac vacuum salebris inueniant locum.

Primò quidem Comoedia dicitur imitatio. quia forma quædam poë-

poësis est : poësis enim est imitatio , vel expressio , effictioq. actio-
num humanarum verosimilium; pictorum artificio similis : qui colo-
ribus tum imitari dicuntur aliquid , cum illud sic effingere , atq. ex-
primere conantur, quemadmodum fuisse, vel esse, verosimile est. quæ
item apud Arist. sunt in poëtices cap.j. atq. à nobis explicabuntur in
Comment.de Elegia.cap.iv.

Quia verò actiones illas, & res hominum verosimiles, quarum poë-
sis est imitatio , vel eorum esse oportet , qui summi, ac principes in-
Republica sunt , vel eorum , qui medij habentur, aut infimi, addidit
Aristotles amplius aliquid, dixitque, Comoediam imitationem esse
deteriorum, hoc est, mediorum, infimorumque . Tres enim illos hu-
mani generis ordines sic distinxit , vt primos , illustresq. viros, inter
quos etiam Semideos censuit, meliores dixerit, infimos, atque inter-
iectos appellari deteriores. Igitur, vt à Tragoedia, cuius est, melio-
res, hoc est, Reges, ac viros principes imitari, Comoediam certa no-
ta secerneret, deteriores illi assignauit, qui sunt homines partim in-
fimorum ordinum , partim etiam mediorum . Ceterum, siue primos,
ac summos, siue medios, atq. interiectos imitetur poësis, eorum imi-
tetur necesse est actiones, ac mores, qui vel boni honestique, vel tur-
pes, ac mali sunt . Itaque illud etiam sibi vult, cum ex hominibus de-
teriores imitandos Comoediæ referuat, vt hæc Fabula ex omnium
moribus sibi seponat , & eligat peiores . non tamen in omni genere
turpitudinis, ac vitij, sed in eo tantum, quod risum commouere pro-
pter leuitatem queat. Illa verò vitia risum ciere confirmat, quæ tur-
pitudinem quidem habent aliquam, sed minimè detestabilem, aut e-
xecrandam . Hanc enim cernimus in vitijs longè grauissimis : vt in
parricidijs illis, ac cædibus, quas Tragoedia proponit, & deploratio-
ne prosequitur. Quarè Comoedia peccata minora quædam, & erra-
ta leuiora complectitur , hoc est ea , quæ sunt imprudentium iuue-
num, seruorum corradentium ab auaris dominis aurum, lenonum de-
cipientium adolescentes, & senes ; atq. huiusmodi multa, quæ turpi-
tudinem habent, sed horrenda non sunt. Pulcherrima quippe illa simi-
litudo est, quæ petitur ab enormi, distortaq. facie, ad animi vitium
leue, ex ipsa corporis prauitate significandum . Nam quemadmodum
non omnia corporis vitia deformitatesque concitant risum , sed illæ
tantummodo, quæ dolorem magnum, aut interitum habenti non affe-
runt , sic non animi peccata omnia, erroresq. ridiculi sunt , sed ij so-
lum, qui vel nullum, vel minimè graue pariunt detrimentum. cuius-
modi est, vt diximus, senis auarii deceptio , parasitorum fames, atq.
delusio , iuuenum amantium infania , serui calliditas , aut stultitia ,
oratio vel fatuorum confusa, vel barbara peregrinorum. Si enim ani-
mi peccantis errata malam aliquam pestem afferunt, orbitatem, exi-
lium,

lium, egestatem, aliena sunt à risu, & grauiorem aliquem sensum postulant, illi similem, quem postulant vitia corporis magna; qualia sunt vulnera, vel vleera, quæ sine commiseratione, aut horrore quodam intueri non possumus. Nihil igitur est causæ, cur Alexander Piccolomineus affirmet, nullam ab Aristotele tradi veram, absolutamq. suis partibus Comoediæ definitionem; sed traditurum fuisse in ea Commentarij parte, quam ex poëtica desideramus. Cum enim hæc definitio ducta sit à genere, quod est imitatio: à differentia; quæ continetur effictione hominum deteriorum: à fine; qui positus est in ridiculis, ac iocis; non video, quid ad absolutionem, perfectionemq. requiri præterea possit. His adeo prætermisſis, ea, quæ indicata iam sunt, & leuiter in definitione perſtricta, diligentius, accuratiusq. perpendamus.

De Etymologia Comœdiae. Caput I.

Quærendum videtur initio, cur hoc scenicæ poëeos genus Comœdia dictum à veteribus sit. Quatuor nobis huius appellationis aperit causas Diomedes Grammaticus de hac etymologia, & notatione vocabuli sic disputans. Dicta Comoedia est ~~τὸν τὸν νόμον πλανῶν~~; hoc est à viculis: quòd ea Fabula humilium domorum fortunæ comprehendantur, non vt in Tragoedia publicarum, Regiarumque: vel ~~τὸν τὸν νόμον~~. id est à commensatione: quòd olim in huiusmodi Fabulis amantium iuuenum comi, hoc est, commessions agebantur. vel ~~ἀπὸ τὸν νόμον~~: nam ~~νόμαι~~ pagi rusticorum sunt. aut certe à vicis vrbium. His, inquam, verbis Diomedes quatuor huius nominis explicat etymologias, & causas. Priores duas repetit à duabus notionibus subiectis huic voci ~~νόμῳ~~. quæ pagum significat rusticorum, & præterea vicum, hoc est partem aliquam vrbis. Diuiditur enim vrbis in vicos tamquam in membra: sic prorsus, vt quemadmodum vicus ex multis coagmentatur domibus, ita vrbis pluribus constet, & componatur ex vicis; quod in Politicis tradit Arist. Docet ergo, Comoediam, vel dictam fuisse à pagis, qui Græcè dicuntur ~~νόμαι~~; vbi nimirum principio genus hoc poëmatis ab Attica iuuentute ad quæstum faciendum recitari soleret: vel à vicis vrbium; qui dicuntur item ~~νόμαι~~; vbi exhiberi melius coepit hæc Fabula, institutis liberis, ac licentibus ludis, statim atque ex agris conuenerunt Athenas ij, qui ante conditam illam vrbem, mapalia coluerant, & filuas. Putat enim primos Athenarum incolas fuisse conuenas aliquos ex agris, ijs similes, quos è circumiectis nemoribus, ac pascuis ad vrbem Romanam exedificandam fama est in Palantium confluisse. Igitur vt à Romanis, simul ac Vrbs excitata est, & concurrentibus vndiq. pastoribus impleta, ludi quidam excogitati sunt liberi à feriatis illis incolis exercendi per vicos, ac regiones

Y Vrbis,

Vrbis, quos dixeret propterea Compitalia; ita conditis iam Athenis, & ex rusticis ciuitate conflata, credit Diomedes, decretos ab Atheniensibus fuisse ludos aliquos; in quibus, per ipsius discurrentes vrbis vi-
cos coeperint quidam poëma ridiculum, petulans, ac iocularē pro-
ferre: quod ἐπὸ τῷ καμόν, hoc est à vicis vrbaniis Comoedia dictum sit,
vocabulo composito ab ὁδῷ, quæ significat cantum, & κάμη, quæ vicus
est: quasi Comœdia nihil aliud sit, quam cantus in vicis vrbium emo-
dulatus. est enim Græcè καμόν. Posteriores duas etymologias dicit
Diomedes à duobus Græcorum vocabulis, longè varia, longèq. inter
se distracta significantibus. Primum est τὸ καμόστιον: quam vocem si la-
tinè reddas, dixeris viculum, siue particulam vrbis aliquam, & regio-
nē: est quippè diminutiua; deducta τὸ τῆς κάμης. Etymologia hæc à pro-
ximè superiori distare longissimè intelligetur, si non ipsum tantum-
modo vocabulum, ex quo deducta sit appellatio, sed etiam ratio cur
ab illo deducta sit attendatur. Non enim hic à viculis vrbaniis dictam
idcirco Comœdiā putat, quod in ijs initio cantaretur; sed propterea,
quod hæc Fabula ab ædibus Regijs, à Prætorijs, & Basilicis continet
se, atq. humilium domorum, quibus viculi constant, fortunas sibi se-
ponit imitatione tractandas. Quæ profecto tametsi verè dicuntur,
haud tamen benè videtur etymologia inuestigari: cum καμόστιον scri-
batur per omicron in antepenultima, καμόδια per omega cum iota
subscripto. Alterum vocabulum est κάμη, hoc est, comedationis Deus,
vel ipsamet comedatio, vt idem docet Diomedes. Dicebatur autem
comedatio intempestiuum cōuiuum, quod iniri solebat à cœna. Epu-
las enim antiqui partiti quadrigariam sunt; in ientaculum, prandia,
cœnas, comedationes. Existimat ergo Diomedes, in primis illis con-
ditarum vrbium ludis iuuenes intemperantes eiusmodi comedationes
exercuisse multas, atq. inter comedationes ipsas egisse Fabulas,
quas ἀπὸ τῆς κάμης, hoc est à comedatione Comœdias dixerint. Quin hæc
intempestiuia conuiuia, & comedationes retentæ etiam postea fuisse
videntur in aliqua Fabula: vt cernere licet in ea Plauti Comoedia,
cui nomen est Bacchides. Compotat enim alieno tempore filius cum
meretricibus, acceditq. comedationi turpisimæ pater nequam, & ni-
hili; vt rei deformitas amplificetur.

Ab his etymologijs haud longè discessit Iulius Scaliger in lib. poët.
j. cap. v. vbi de notatione huiusc nominis ita decernit. Iuuentus, in-
quit, vacui temporis otio, atq. licentia noctis abusa, secura imperiorum,
vel patroni, vel parentum, per pagos (non dum in vrbes conuer-
nerant) discurrere coepit. qui mos cum ipso nomine simul ad nos de-
ductus est. Legimus enim apud Liuium comedationes. inde eos lusus,
quos vicatim agerent, ἀπὸ τῶν ὁδῶν τῆς κάμης, aptè Comœdiā dixerent.

Nunc, quoniam hæc nominis impositi causæ petūtur singulæ ab ipso
Co-

Comoediarum exortū, eum intueri nos oportet accuratius, & varias huius Fabulæ formas inuestigare ab incunabulis.

De varijs Comœdiarum generibus apud Græcos.

Caput II.

Graecorum Comœdia sic à tempore diuidi debet, vt alia dicenda sit vetus, alia media, alia noua. Veterem dico maledicam illam Comoediæ formam, quæ prima omnium in vsu fuit: eo videlicet tempore, quo summum ciuitatum ius penes populū erat. Fas enim illius saculi poëtis fuisse accepimus, risum ex quocumque iocorum genere aucupari, siue illi conditi salibus essent, siue dictis amaris, atq. acerbitatibus aspersi. Non enim æquo tantum animo, sed perlamenti excipiebat populus ea, quæ in Iudicium iniquitatem, in mala Prætorum facinora, in improborum ciuium, diuitum præsertim, ac nobilium corruptos, & profligatos mores, certis etiam ex ipso nomine designatis hominibus, maledicta, & scommata iacerentur. Ita enim fieri facile posse credebant, vt flagitosi malæ famæ deterriti metu, & publicis cōscissi cōtumelijs ad bonā frugem, atq. ad iustitiae castra reuocarentur.

Roget fortasse quispiam: in toto ne, integroq. Fabularum tractu, an in aliqua certa parte, atq. in transcurso ea maledicta contorquerentur in improbos. Respondet Iul. Scaliger, affirmans, vexationem illam, & exagitationem vitiorum sparsim quidem, atq. vt se res dabat, adhibitæ fuisse in perpetuo Comoediæ ductu, argumentoq. primario; sed tamen illud munus creditum propriè, commisumq. fuisse potissimum Choro, cuius videlicet erat, ea maledicendi licetia in omnes ordines, sexus, ætates impune, liberèq. grassari. De veteri Comœdia diximus.

Medium sublata veteris illa maledicendi libertas inuenisse videtur, ac peperisse. Redacto enim populi dominatu ad oligarchiam, hoc est ad iniquum paucorum imperium, & quasi Tyrannidem, poenis illico coercita est illa Comicorum licentia. atq. ideo inductus, expunctusq. de Comœdia Chorus est: cuius præcipuae videbantur illæ partes esse, vt quos potissimum vellet, dictis lacefferet, ac laceraret acerbissimis. Quarè cum cetera mutata nihil essent, mansit species illa prior totius Fabulæ, vna tantum Chori parte oblitterata. Chori autem loco quædam ~~adgrediens~~, hoc est transitiones, ac digressiones siebant: in quibus aliorum scripta poëtarum, aut dicta sine vila suspicione, aut timore pœnæ licebat irridere. Itaque Cratinus, qui veteres multas fecerat vniuersè maledicas, vnam huiusmodi medium scripsit, appellauitque ~~inventus~~. in qua nominatim percelebrem illam, nobilissimamque tantummodo carpebat Odysseam Homeri.

Restat noua, eaq. postrema: quam florere cœpisse aiunt sub Alexan-

dro Magno . huius enim ætas oligarchiam consecuta est . Hæc ergo noua Comœdia multis profectò nominibus à superioribus differt . Nam primo quidem caret maledicendi licentia, tum illa veteri, quæ debacchabatur in omnes , tum ea etiam Comœdiæ interiectæ , quæ nominatim in poëtas inuehebatur . Quare non ex qualibet materia, risum captat , sed ex eo prorsus argumento, quo generatim, vniuersitatem notentur mores; certi tamen homines nulli describantur . Deinde solis Iambicis, ac Trochaicis contenta, repudiauit infinitam prope versuum varietatem , quibus aliae pro arbitratu olim vtebantur . Tertio loco: ipsum veteris Comœdiæ depulit Chorum ; & digressiones illas mediæ sustulit , quæ poëtas maledicentissimis dictis insecatabantur .

- Et quoniam ad hunc locum aliquid afferre momenti potest eorum cognitio scriptorum, qui singulas excoluerunt, ne id quidem, quod dicere facile possumus, sileamus . Igitur in antiqua illa , & veteri scribenda Comœdia floruerunt Eupolis, Cratinus, Aristophanes, Phrynicus, Theopompus, Archippus, Plato, Pherecrates, alij. In media Philippides, Strato, Anaxilas, Mnesimachus, Epicrates Ambraciota, Nicofratus; idé Cratinus : qui relicta veteri, scripsit, ut diximus *ιδετος*, sed ad pristinam ausus licentiam aliquando reuerti , Fabulam edidit *βαττων*: à qua demum ei contigit interitus . Ab ijs enim, in quos fuerat inuectus, ad extreum captus, vinculisq. constrictus, atq. in mare projectus , illa demersione suæ nomen imitatus est Fabulae . Nam *canari* vel mersi sunt, vel mersiones, à verbo *κανων*, quod lauo vel immergo apud Aristophanem est . Noua verò tractanda Comœdia , Philemonem, Diphilum, Apollodorum , Menandrum scimus esse nobilitatos, quos Terentius, ac Plautus emulantur .

De Comœdiarum alia partitione apud Latinos .

Caput III.

AD Latinos cum Græcorum alijs præclaris artibus aliquando traducta Comœdia , nouum illud tantummodo complexa est genus, sine maledictis ullis, & sine Choro . Tradit tamen Plinius, sua ipsius ætate veterem unam è Græcis Latinam factam fuisse, ac recitatum . Quia verò ea de re nihil præterea legimus apud antiquos, id statuere necesse est: Latinos neglexisse ceteras formas, operamq. in nouo tantum illo genere posuisse .

Inuenerunt tamen ipsi quoq. Latini discriminæ etatum in Comœdia noua: quæ pro temporum varietate textum varium naæta est orationis , & stylum . Quamquam enim singuli Fabulas scriberent nouæ Græcorum Comœdiæ consentaneas , alius tamen alio vel rudiorem

attu-

attulit stylum, vel politiorem. Itaq. Liuij Andronici Fabulas, qui non
estate modò, verum etiam incomposito stylo ceteros antecessit, dice-
re possumus apud Latinos Comœdias veteres: cum præsertim docue-
rit ipsem histriones, & Græcorum veterum more, dum Fabula re-
citaretur, in scena fuerit, Actorum vitia reprehendens. Pacuuij me-
dias appellare fas erit: qui & abstinuit à scena, & inconditum An-
dronici stylum, quantum ea tempora patiebantur, expoliuit. Plauti
denique, ac Terentij, quoniam postremo sèculo, hoc est, elegantissi-
mo floruerunt, dicenda sunt nouæ Comœdiæ: cum sic alias Latino-
rum cultu, atque artificio vincant, quemadmodum illæ Græcorum
postremæ, veteres, ac medias longo post se interuallo reliquerunt.

Partiti sunt iterum Romani Comœdias suas in genera tria: quam
partitionem à vestitu, quo vtebantur histriones vario, petierunt.
Nam quia in Romana ciuitate pro triplici ciuium ordine triplex
etiam erat vestis, qua ordines ipsi distinguebantur, tres illi excogita-
tauerunt etiam Comœdias, atq. ab illo corporis cultu triplici diui-
serunt, in Prætextatas, Togatas, Tabernarias, siue Tunicatas. Pri-
ma, inquam, fuit ea, quam Prætextatam appellantur à Prætexta, qua
induti erant Actores. Hæc Fabula omnium habita est nobilissima: :
quia Prætexta Senatorum gerentium Magistratum toga fuit, fascijs
distincta purpureis: ac propterea qui sic inducebantur ornati, & Se-
natores, & Magistratus fuere, hoc est viri principatum obtinentes,
atque in ciuitate primarij: sed minimè tamen Reges, aut ditionem
aliquam prouinciarum, vrbiunque dominatum habentes. hi enim
ad Tragœdiam pertinent. Ab hac forma Comœdia nobilis, ac primæ
seiungenda non est Trabeata: quam C. Melissus, is, qui fuit ab Augu-
sto præfectus Bibliothecæ in Octauia porticu, dedit primus; vt dici-
tur à Suet. vel ab alio scriptore in libello de claris Grammaticis. Tra-
bea enim, à qua dicta Trabeata Fabula est, Consulum in pace vestis
fuit, vt docet Ausonius; in victoria, triumphantis Ducis. Quod si legi-
mus interdum, equites quoque vsos fuisse Trabea, meminisse debe-
mus vsos ea non esse, nisi in pompa funebri ex instituto maiorum. Id
quippè videmus in funere Germanici factum fuisse apud Tacit. in ter-
tio Annalium libro.

Secunda Comœdiæ forma deterior prima, sed tamen etiam ipsa-
præstans, & nobilis fuit. Inducebat enim Senatores, non quidem ma-
gistratum administrantes, sed priuatos cum Senatorijs togis, à qui-
bus ea Comœdia dicta Togata est.

Tertia humilis fortunæ imitabatur homines, tunicis indutos, à
quibus tamen non sumpsit nomen, nec Tunicata dicta est: sed appella-
tionem inuenit idoneam ab habitaculis humilibus, ac tabernis, que
disponebantur in scena. Itaq. Tabernaria est nominata.

Addi posset etiam quarta , quam dixerunt Atellanam ab Atella . Oscorum oppido in Campania , vnde Romam translata est . Sed hæc argumento potius , quam personis distingui videtur ab alijs . Fuit enim omnium maxime iocosa , nec aliud præter iocum sequebatur , ac risum . Quas autem produceret in scenam personas , haud facile diuinauerim . Video tamen à Liuio traditum in lib . viij . à Romana iuuentute ita Fabulam hanc Atellanam actitata semper fuisse , vt numquam se passa sit ab histrionibus pollui . Comparanda videtur esse cum Græcorum illa veteri libera , & licenti . Non tamen idcirco nūnum postulat ordinem : quia Choro abstinuit , & certarum descriptione , ac designatione perlonarum , quæ fuit in veteri ; nec aliquid habet distinctum à ceteris , præter argumentum petulans , ac ioculare . Quod si pro varietate argumenti varia constituendæ formæ essent , totidemq . facienda Comœdia ; quot argumenta sunt , infinita propemodum haberemus genera , quæ huius beneficio notæ distingui possent . Nam aliae sunt amatoria totæ ; vt Andria : aliae calumniosæ ; vt Nubes Aristophanis , quæ Fabula Socratem carpit , quasi nubes fecerit Deas : aliae turbulentæ , & negotiosæ , quas dixere motorias , propter Actorum in agenda Fabula motum , excussumque ; vt Adelphi : aliae sedatores , quas appellauere statarias ob eorumdem Actorum quietem , rarumq . discursum : vt Hecyra , & Asinaria .

Ceterum quia sepè mentio est Comœdia Palliatæ apud Latinos scriptores , quam in ea partitione à vestibus petita , præteriuimus , quæret aliquis , quæ nam fuerit , aut qualis hæc Fabula Palliata . Respondent Grammatici , Latinam quidem eam fuisse ; sed quæ conuersa esset è Græca , vel res Græcorum gestas , Græcasq . personas contineret . Nam vtrumq . fecerunt Latini Comici ; Menandri Apollodori , Diphili , aliorumque Fabulas integras interdum producentes in secham : interdum argumentum tantummodo , personasq . fingentes Græcas , synthesim totam , & constitutionem addentes de suo . Siue igitur illi Comicorum Fabulas , Græcorum argumento , aut textu minimè mutato , Latinas facerent , siue argumentum promerent ex ingenio ; modò Græcas inducerent personas ; Palliatas dare Comœdias dicebantur , quia , vt Romani toga , sic pallio vtebantur Græci : adeoque histriones , qui hanc agebant Fabulam , esse palliatos oportebat . Non tamen hæc Palliata fuit cum illo triplici Latinæ Fabula ordinе coniungenda : quia pallium illud certi cuiusdam ordinis fuisse non accepimus : accepimus autem Prætextam , Trabeam , Togam cororum ordinum apud Romanos indumenta , atq . insignia fuisse .

An ex hisce Comœdijs quælibet sit imitata deteriores.

Caput IV.

Nunc verò videndum est , an definitio Comœdiæ ab Aristotele tradita cadat in singulas illas tam varias Comœdiæ formas, de quibus huc vsq. diximus. Et quia duo potissimum ea definitio continet , imitationem deteriorum , & commotionem ad risum , à primo capiemus initium. Quærimus ergo: an illa peiorum imitatio sic propria Comœdiæ sit , vt Deos, Heroasq. aut Reges, & Principes, dominatum vrbium obtinentes, funditus, atq. omnino repudiet. Dubitandi causam præbet idoneam Plautus ; qui Iouem, ac Mercurium induxit in Amphitruone . Quin seriem benè longam texere possumus eorum , qui testari videntur, in Comœdijs quoq. versatos Heroas esse , ac Deos apparuisse per machinam . Tertullianus enim in Apologet . sic loquitur . Ne Tragici quidem, aut Comici parcunt; vt non ærumnas, vel errores domus alicuius Dei præ se ferant. Quibus ea respondent, quæ Clemens Alexandrin. habet in parænesi ad Gent. Deorum nuptiæ , inquit, & liberorum procreationes, & puerperia, & adulteria, quæ canuntur , & conuiua , quæ à Comicis recitantur , & risus, qui in potu inducuntur , incitant me , vt vociferer . ò impietatem . scenam cælum fecistis , & Deus nobis factus est Actus : & quod sanctum est , Dæmoniorum personis in Comœdia ludificati estis, verum Dei cultum, ac religionem Dæmoniorum superstitione libidinosè inquinantes, & obsecnè. Horatius verò in libello de Arte poët. personas enumerans Comicas, Heroas ab eorum ordine non expungit.

Intererit multum Dauus ne loquatur, an Heros.

His accedit auctoritas permultorum poëtarum apud Græcos : qui personis Comicis viros etiam ipsos falsa diuinitate donatos admiscere non dubitarunt. Nam de Nicophrone, vt alios mittam, ita scribit Suidas . Nicophron Comicus poëta Atheniensis , Aristophanis æqualis, has Fabulas fecit : Natalem Veneris, Pandoram, & Syrenes. Docet eadem Suidas de Nicochare. Nicochares Atheniensis, inquit, poëta Comicus ætate par Aristophani has scripsit Comœdias ; Amimonem , Pelopidam , Galateam , Herculem sponsum , Herculem Choragum , Cretenes , &c. Tradit eadem de Ophelione hoc modo . Ophelion poëta Comicus ; cuius Fabulæ sunt haec : Deucalion , Centaurus , Satyrus , Musæ , Solitarij. De Sophilo verò ita commemorat. Sophilus nomen est proprium poëtæ Comici Sycionij , vel Thebani . cuius Fabulæ sunt; Citharœdus , Tindareus , Leda . De Teleste poëta Comico hæc testata reliquit . Huius Comœdia sunt Argus, & Alscu-

Iapius. Hæc de Chæremon. Chæremon poëta Comicus, fecit has Fabulas: Traumatiam, Alphesiboeam, Centaurum, Bacchum, Vlysem, Thyestem, Minios. De Chionide autem hæc. Comœdias fecit, Heroa, Mendicos, Persas, vel Assyrrios. Nullus sit finis, si Comici huiusmodi poëtæ, & Comicorum huiusmodi Fabulæ, quarum est apud Suidam mentio, numerandæ sint singulæ. Scribit enim eadem de Phlisco; eiusq. Comœdias fuisse docet has: Adonem, Iouis partum, Themistoclem, Olympium, Partum Panis, Mercurij, Diana, Apollinis. Eadem de Philetero Atheniensi; cuius Comicas recenset Fabulas vñā & viginti: quarum in numero sunt, Achilles, Cephalus, Tereus, Antillus, Atalanta. Eadem de Æraro Aristophanis filio: quem ait scripsisse Comœdias centum, in ijsque Cenea, Partum Panis, Adonem, Hymenæum. Eadem de Epigene: cui Comœdias adscribit omnino tres ex Athenæo: Heroinam, Sepulcrum exiguum, & Bacchas.

Hæc, inquam, istorum testimonia doctorum hominum, & poëtarum exempla veterum faciunt, ut dubitare debeamus, num rectè Aristoteles existimarit, & dixerit, deterioris tantum fortunæ imitacionem esse Comœdiæ; cum videamus à grauissimis viris Comœdias dici Deorum Fabulas, & à tam multis poëtis in Comicam scenam, inductos etiam Heroas, ac Deos. Sed dubitationis causam amoliebam omnem, si dicamus, Aristotelem hæc omnia, quæ commemo-rarimus haud ignorasse: sed eorum poëtarum, de quibus diximus, non probasse Fabulas. Significat ergo cum alia omnia præcipit, melius, præstantiusq. fecisse Comœdiæ genus, qui has tam graues ex illa Fabula personas depulerunt: adeoque vult, omnino depelli ab ijs, qui contendunt perfectam exhibere Comœdiæ. Quod si quæras, an illæ veterum Fabulæ iam commemo-ratæ, in quibus Deos inducebant, & Heroas, dici aliqua ratione Comœdiæ possint; responderim, eiusmodi Fabulas habendas pro Comœdijs esse, quia tametsi Deos, Heroas, ac Reges inducebant, id tamen sequebantur vnum, ut risum mouerent: in quo posita est intima quedam Comœdiæ natura, & vis. sed quia persona illæ abhorrent à conditione Comœdiæ, imperfectam eam Fabulam faciunt, & eam, quam corrigendam putat Aristoteles. Itaq. Terentius, qui nunquam induxit Heroas, aut Deos, præstabilior videtur esse, quam Plautus, qui eos interdum admisit in Comicam scenam: nec reprehensionem effugeret hoc tempore qui vellet eiusmodi Comœdias, inducendi Pincipibus, aut Dijs, imitari, rursusq. recudere quod & consuetudine obliteratum, & improbatum ab Aristotele est. nisi fortasse facere se velle Pastoritias illas Tragicocomœdias aliquis profiteretur, quas populari lingua scribere quidam ex poëtarum Italorum natione sunt ausi; de quibus hoc loco nō disputo.

Quapropter, ut eò reuertamur, vbi quæsumus est: an imitatio de-
terio-

teriorum in omnes omnino Comœdiarum formas ex definitione conueniat, affirmo primum, eam cadere in plerafq. Græcorum, hoc est, in bonas atq. probabiles. illas enim, quæ Deos, Heroasq. coniunxere cum infimis, explosit Aristoteles. Dico deinde, in Latinorum ferme omnibus eandem deteriorum imitationem esse, ac reperiri: cum illæ quoq. Prætextatæ, ac Trabeatæ intra limites tenerentur suos, nec nisi deteriores imitarentur. Neq. enim ij tantum deteriores existimantur, qui sunt in Repub. postremi, sed ciues etiam excellentioris ordinis: qui comparati cum Regibus, ac Dijs, quos imitatur Tragoedia, deterioris fortunæ sine dubio sunt. Et quia eorum aliqui mores habent ad risum ciendum accōmodatos, argumentum Comoediæ suppeditant opportunum. Aristoteles verò ipse non docet, Comoediam imitari deterrimos, sed deteriores per comparationem cum præstansissimis illis Tragoediæ propositis ad imitandum. Itaq. in ipso generē deteriorum personarum quidam sunt gradus, quos complectitur omnes muleplex Comoediæ forma, Trabeata, siue Prætextata, Togata, Tabernaria, siue Tunicata.

*Cur ex omni mortalium numero Comœdia sibi se posuerit
imitando deteriores. Caput V.*

Ab institutione ludorum Theatralium, siue scenicorum repetenda est huiusc rei pulcherrima, eaq. verissima causa. Illud ergo ponendum est: Legislatores Rerum publicarum, ratos ita ciuitates esse beatas, si tranquillitate fruerentur, & pace; contraq. illicò ruere, funditusq. subuerti, vbi ciuilibus agitari discordijs inciperent, voluisse beneficio scenicæ poëseos his occurrere malis, ac publicæ felicitati consulere. Duo quippè hominum genera turbas in ciuitate faciunt: vnum eorum, qui potentia pollut, atque opibus florent; alterum eorum, qui rerum inopia, & solitudine, qui æris alieni pondere, qui desperatione laborant. Carthago florentissima quondam ciuitas, vt quidam ait, huius rei locuples est tesis: quam haud minus turbarunt Hanno, & Barca potentissimi ciues, quid Mato, & Spendius, homines angustissimæ fortunæ, ac desperatissimi. Quid Vrbs ipsa Roma, gentium domina, & Regina terrarum? cuius Rempub. haud sanè plus concusse Marius, ac Sylla, ciuium principes potentes, ac magni, quam deploratæ fortunæ vir Catilina, & seruili conditione Spartacus audacissimus. Igitur ad continendos in officio, atq. ad instituendos vtrosq. hominum ordines, duabus poëticæ dramaticæ formis, Tragoediæ, Comoediæq. datus est locus. Tragoedia quippè admonet primarios, & principes, vt intueantur in exitus in felic-

felicissimos virorum potentium , qui limites æqui, rectique per vim egredi voluerunt : Comoedia docet inopes, ac destitutos de felici rerum deploratarum, inuolutarumq. successu benè sperare: monetque, ne rationibus diffidant suis , cum vndiq. se circumseptos , vallatq. difficultatibus vident .

Sed cur hunc exitum rerum fortunatum , ac secundum exprimere voluerunt viri sapientes in ijs, qui modicis prædicti fortunis, atq. vt loquitur Aristoteles, deteriores sunt? Non ne poterat inexpectatus ille fortunaæ melioris euentus etiam in potentibus, magnisq. viris demonstrari, qui premuntur interdum angustijs, & veluti quibusdam ambagibus implicantur ? Respondent aliqui prudenter, ac verè: multo magis accommodatam esse mediocrem inferiorum hominum fortunam ad demonstrandum hunc transitum in melius, quam amplam primariorum . Ut enim pluribus docet Aristoteles in lib. iv. Politicorum , viri principes fortunam plerumq. mutant in deterius . Itaq. videtur magis fuisse consentaneum rationi, successum illum exprimere in ordinibus deterioris fortunæ, qui sèpissime solent à rebus aduersis gradum ad secundas , ac prosperas facere , quam in Principibus , & potentissimis viris , qui plerumq. à statu vitaæ secundo corruunt in aduersum .

An ridiculum conueniat in omnes Comœdiae formas .

Caput V I.

Quam de risu iam diximus in definitione Comœdiæ , illud tamen hoc loco repetendum videtur , & velut exploratum , compertumq. ponendum: Comœdiam eo nomine à Tragoedia differre, quod huic misericordiæ, terrorisq. commotio, illi risus, iocique tractatio proposita sit . quod non Aristoteles modo, verum etiam Plato in libro septimo de legibus docuit . vbi disertè deformiū corporum, actionumq. turpium propriam imitationem esse Comœdiæ pronunciauit. Quærimus ergo: an singula Comœdiarum genera, de quibus est disputatum, ridiculum tractent , ac iocum . Sunt enim in ijs aliquæ tam graues , vt à risus, iocique leuitate abhorrere videantur .

Antequam de quæstione constituo, partior in duo quasi capita ridiculum ipsum. sic, inquam, vt aliud dici debeat latissimè patens, hoc est, vndiq. petitum; à maledictis, à petulantia, ab obscenitate, à rebus impudicis, atq. subturpibus; aliud contractius, atq. restrictius, hoc est honestum, liberale, in errore, & deceptione quadam animi, in acuto joco, in dicto aliquo, euentuq. positum inexpectato .

Con-

Confirmo adeo nunc, illud ridiculum subterpe, impudens, ac maleficum à veteri Comoedia tractatum esse; alterum esse proprium, noue, & eius nominatiū, quæ ab Aristotele probata est. Ex quo sequitur, nullam Fabulam esse verè Comœdiā, in qua ridiculum, & ioci tractatio desideretur. Cum enim hæc prima, & propemodum, vna sit nota, quæ à ceteris eam sciungat Fabulis, ac potissimum à Tragœdia, non potest in ea requiri, & desiderari risus, quin ipsa Comœdia vis, & natura requirenda videatur. Quare, si quæ fuerunt antiquæ, si qua in præsentia est sine ridiculo; Fabula quidem dici poterit, Comœdia propriè, verèq. appellari non poterit.

Neq. vero graues illæ Prætextatæ, ac Trabeatæ suo risu caruerunt. Ut enim effusum risum, & quodammodo vulgarem non habuerint, habuerunt tamen eum, qui deceret personas, satifsq. posset, ac super Fabulam illam à Tragœdia, ceterisq. Fabulis certa quasi nota separare.

Quorsum Comœdia risum excitet.

Caput VII.

EX Aristotele intelligere coniçiendo necesse est, quorsum Comœdia in risus, iociq. tractatione versetur. Cum enim in definitione Tragœdia dixerit, id concitanda misericordia, & metu Tragœdiā agere, ac sequi, vt duos illos purget animi motus, videtur etiam haud dubiè significasse, Comœdiā ea gratia, ideoque risum mouere, vt hunc ipsum affectum risus attemperet, & purget, sed quaque ratione id consequatur videamus.

Affectum animi purgare nihil est aliud, vt diximus, in libello de Tragoedia, quam eundem affectum abstergere, ac vitio liberare. Ut enim in humano corpore vitiatur humor, sic affectus in animo corruptitur. Tum autem dicitur habere vitium, ac morbum affectus, cum ob eas commouetur, & concitatur res, ob quas eum perturbari minimè oporteret. Purgat igitur risum Comœdia, quia eum abstergit quodammodo, & vitio, morboque liberat, docens quas ob res ridere necesse sit, quatenus, & quo tempore deceat. Ex quo duplex sequitur opportunitas. Prima quidem longè maxima; quæ posita est in recta estimatione rerum: de quibus nimirum, risu purgato, atq. cor-recto, facilius, ac rectius iudicamus. Quemadmodum enim, cum eas ridemus ineptias, quas irridendas meritò Comœdia proponit, discimus quid iure ridendum sit, sic intelligimus etiam quid estimandum sit plurimi, quid grauiter, ac serio sit è mortalium tam multis, ac varijs rebus excipiendum. Rectè quippè grauissimi dicunt Philosophi, quicquid veram est, ex contrario facillimè, certissimèque cognosci.

Ex-

Explicat hæc egregie Plato in lib. vij. de legibus his verbis . Deformium verò corporum, & cogitationum motus, qui in Comœdia verbis, cantu, saltatione, alijsq. huiusmodi imitationibus significantur, intueri diligenter, & cognoscere debet is , qui prudens futurus est . Nam seria sine ridiculis, atq. omnino contraria sine contrarijs intelligere non possumus . Et postmodum enucleatius eam utilitatem explanans, hæc in eandem planè sententiam addit . Sed has res Comœdiarū ridiculas eius rei gratia nos oportet intueri ; ne propter ignorantiam ridiculum aliquid agatur , dicaturue , cum minimè decet . Ita Plato purgationem hanc, & risus correctionem exposuit, cum summa quadam utilitate , hoc est cum animi sanitate coniunctam . Atq. hinc extiterunt amplæ illæ descriptiones potius oratoriæ , quām vere, propriæq. definitiones . Nemo enim vñus ignorat, à M. Tullio Comœdiam dici vitæ quandam imitationem, speculum consuetudinis, imaginem veritatis : à Donato, Fabulam instituta continentem affectuum ciuilium , & priuatorum ; qua discitur quid in vita sit utile , quid contra videatur euitandum .

Alteram aliqui contendunt ex hac purgatione risus opportunitatem existere , quæ aliorum quorundam affectuum moderatione continetur . Nam vt in Tragœdia ex purgatione metus, & misericordia, audacia quoq. correctio sequitur, & crudelitatis; (hoc enim ipso affectiones illæ prauæ curantur, & vitio liberantur, quod misericordia, & timore commotis, ad iustam rediguntur mediocritatem) ita ex Comœdia, purgato iam risu, necessariò subnascitur ipsius tristitia mœrisque moderatio ; qui sic risu ipso castigatur , atque corrigitur , quemadmodum grauissimi quidam affectus, & perturbationes animi sedantur Musica : quod docet Aristoteles in lib. Politicorum viij.

Alia permulta quæ possent in hoc argumento disputari, exposita iam sunt à nobis in libello de Tragœdia, cum ageretur de fine , qui Tragœdiæ propositus est .

*Quæ sint causæ ridiculi , quibusque sit è fontibus
petendus risus . Caput VIII.*

Quantum attinet ad primam quæstionis huiusc partem, reuocanda sunt in memoriam quæ principio diximus in definitio- ne Comœdiæ . Disertè quippè , planeq. ibi docuit Aristoteles, ridiculum, hoc est, rem, dictumue concitans risum, nihil aliud esse, nisi vitium, & turpitudinem sine dolore . Hoc tamen loco illud addendum est ; imprudenter aliquos Aristotelem reprehendisse , quod non omnem complexus sit ea definitione ridiculi vim , & naturam : cum qui-

qui tam sit in vsu quotidiano risus , qui nulla excitatur aliena turpitudine corporis, aut animi. qualis est qui tunc in ore statim apparet, cum amicos repente conspicimus, aut nuntium aliquem læta omnia subito deferentem excipimus, & loquentem exaudimus. Fecerunt, inquam hi minus prudenter: quippe qui non viderint, Aristotelem non de illo hic risu disputare, qui nostra voluntate, ac iudicio nascitur ad indicandum animi sensum, & voluptatem, cum lætæ res accident, ac iucundæ ; sed de illo propriè, ac nominatim, qui nobis propemodum excidit inuitis, aliqua re visa, vel auditæ praua, enormique, hoc est, à decoro longius aberrante .

Quibus ita decisio, affirmo, risum hunc è turpitudine citra dolorem existentem, duos habere fontes, & causas: vnam accersitam, atque accidentem extrinsecus; in eorum videlicet positam personis, qui voce, habitu, actione corporis Fabulam agunt: alteram magis propriam, atque coniunctam, immo vero etiam intimam, & heretem rei; hoc est, illam, quæ non in aduentitijs Actorum adminiculis sita sit, sed in ijs, quæ aptè singuntur, aguntur, acutèq. dicuntur ad captandum risum. Prior illa causa certos quosdam continet homines per se ridiculos, eorumq. habitum, vel peregrinum, vel rusticum, ac plebeium, vel alienum, atque alioqui ab vsu communi ciuitatis abhorrentem: continet laruum, hoc est, illud integumētum vultus, quo personæ variae, variæq. significantur habitudines prauæ, risum mouentes: continet deniq. vitium corporis multiplex; gibbum, diuariationem, aut enormitatem crurum, claudicationem, aliaq. propemodum infinita. Posterior eos comprehendit errores omnes, ac deceptiones animi minus pernicio-
fias; quæ propter ineptias, & leuitatem, fatuitatemque, audientibus hominibus, & spectatoribus illico risum mouent. cuiusmodi sunt auarii senis exquisitæ sordes, stupidi vernæ quædam errata plumbea, sententiæ parasitorum adipales. Erit igitur opera pretium de vtraq. ridiculi causa, secretis quasi sedibus, ac locis, aliqua diligentius, & ex industria tradere.

De Personis ridiculis. Caput IX.

Personarum agentium varietas spectari potest, ab ætate, atque ab officio. Nam habitus, siue cultus corporis, & insignia partim cum ætate, partim cum officio coniuncta sunt, ac propterea tertium genus constituere non debent.

Vt ordinar ab ætate, senes maximè videntur in tota mortalium vita, & ratione ridiculi. Fuere adeo apud antiquos Comicos senum genera permulta, de quibus differit Iulius Scaliger in poët. sed ex his duos,

duos, hoc est primum , & secundum senem communi quodam nomine dixerat πάππαν. Quorum prior, vt pro auro haberi posset, capite fingebatur raso, leni supercilio, decora barba, maxillis modicis, & subtristis, colore candido, facie nitida: cuiusmodi fortasse fuit Crito Terentianus , vt ait idem Scaliger . Alter haud multum absimilis , sed habitudine meliori, interiore obtutu, tristis item, ac subpallidus, barba composita, rufus colore, auribus flaccidis. Tertium senem nominarunt ἵψειον , hoc est ducem . fortasse ideo, quod moderator erat adolescentium, & paedagogus, vt quidam putant . quem facie finxerunt ampla, & quodammodo sparsa, adeoq. maximè ridicula, aquilino naso, dextro supercilio elato, capillo in coronæ modum attonso. Quartum fecere barba promissa, & densa , quam agitatione menti identidem, ac subinde succuteret: capilli habitu eodem, supercilio immoto, facie flaccida , & vieta . hunc proprio appellarunt nomine Ἀργεστόνην . Quintum Hermonium: sed nominis causam Grammatici non dicunt. Obtutus ei fuit acer , protensa supercilia, barba cuneata , & ipse recalvaster. Postremus à cura, & actu dictus Lycomedius est: quia multa curiosè negotia transigebat . Erat huic barba crispa, mentum oblongum, alterum supercilium protensum, & corrugatum . In his igitur senibus, duobus illis exceptis, quos primo loco posuimus, appet planè ridiculum , tametsi nihil omnino loquantur : in ceteris ætatis non appet. Nam adolescentium fecere quatuor ordines . vnum frugi; qualis est in Trinummo ; coma in orbem composita, colore viuido, corpore prorsus exercito, corrugata leuiter fronte : vt optimi animi eminerent in vultu nota distenta enim in fronte cutis remissæ vitæ, ac recordis indicium est, corrugata prudentis, & actuosa . Secundus erat iunior, remissis supercilijs, corpore nihilominus exercitato, & sciens litterarum . Tertius crispus cum eleganti capillorum dispositione, cirrisque contortis, elatis supercilijs, colore diluto : cui frontis tractus vnica tantum ruga distinguebatur . Quartus mollior, omnium natu minimus: cui eadem dabatur coma, quæ datur frugi, & candor , qui vitam indicaret vmbraitalem, & educationis indulgentiam significaret. cuiusmodi esse putatur Aeschinus in Adelphis. Sed è quatuor his ordinibus, vt dixi, nullus ridiculus est: nec in hominum ætate varia, præter senes habemus aliquos , qui vel ipsa facie, & corporis habitudine moueant risum .

Sequitur officium : quod latius patet, amplioremque suppeditat numerum personarum excitantium risum, & voluptate perfundentium spectatores . Hæ igitur, vt in summa dicamus, ab officio distinguuntur in Comœdia personæ, quæ turpitudinem ridiculam habeant: agrestes ; quibus in orbem attonsa fuit coma , ater color, facies insolata; multi inter hos ab antiquis effingebantur labeones, frontones, capi-tones,

tones, simi, nasuti, ceruicosi, alijq. aspectu ipso risum, & cachinnum commouentes: milites gloriosi; quibus longa dabatur cæsaries, quam nunc superbo quaterent incessu, nunc euentilandam permetterent auris; itaque ab ea dicti Græcè sunt *παρασιτοι*, comam, aut cæsariem ventilantes: Parasiti; hoc est epularum, cibiq. venatores, aut mensarum affœclæ, quemadmodum nominantur ab auctore illius orationis in Sallustium. Dicti verò hi sunt Parasiti à *πάρα*, y *σιτος*. Nam *σιτος* significat cibum: vel à *στείλειν*, quæ vox apud Græcos sagina est, aut saginatio. Sunt nimirum Parasiti illæ notissimæ Comœdiarum personæ, quæ studiosissimè mensas sequuntur alienas, atq. ad voluntatem, ac nutum eius, à quo cibum queritant, omnia loquuntur, & faciunt, nihil repugnantes, nihil contradicentes, turpiter, atq. inuercundè in omnibus assentantes. Quare solent adiungi militibus gloriosis; quæ natio vna omnium maximè delectatur assentationibus impudentissimis. Rectè quippè, ac sapienter, in libello de Amicitia sic loquitur Cicero. Assentatio Parasitorum in Comœdijs faceta nobis non videatur, nisi essent milites gloriosi. Quin proverbum fuisse videtur apud antiquos huiusmodi: Suadet militi Parasitus: usurpatum ab eodem Cicerone in epistol.lib.j.ad Lentulum, epist ix.

Varia Parasitus apud Græcos nactus est nomina, quæ officium demonstrant. Dictus enim interdum est *κόλαξ*, quod vocabulum adulatorem significat: sed deducitur à cibo, pastuque: *κόλας τὸ κόλον*. cibus quippè non solum dicitur Græcè *σιτος*, verum etiam *κόλον*. Dictus interdum est Gnatho, à maxillarum vsu assiduo, & buccarum exercitacione perpetua. Nam maxilla, siue mala, siue bucca *γνάθος* est apud Græcos, adeoque *τὰς γνάθας φυσῶν*, buccas inflans, in Demosthene legitur. Parasitis vniuersè omnibus colorem dederunt atrum, atatem iuuenis potius, quam senis (nauabant enim operam adolescentibus; quorum cœnas, & comedationes exquisitè captabant) corpus nitidum, obesum, abdomine, atque aruina præpingue; nasum aduncum, non tamen aquilinum, sed eum, quem coruo similem facit Aristoteles, docetq. impudentiæ, atq. inuercundiæ indicium esse: aures pendulas, & productas, ad audiendum videlicet pronas quod placere dominis intelligerent; supercilia intenta, quæ ostenderent omnium rerum laudatores esse, atq. admiratores: sermonem, gestum, animum, vultum, oculos in aliorum vultu, atque oculis assentatoriè collocatos. Ceterum hoc Parasitorum officium, tacentibus nobis, exponit eleganter, ac copiosè præstantissimus Parasitus Sertius Polensis in suo ipsius epitaphio apud Salонem, urbem Dalmatiæ, lapidi miræ magnitudinis inciso.

Viatores. ciues. optumi. vel. aduenæ. siue. bini. siue
 singuli. inceditis. siue. turmatim. quod. magis. erit
 gratia. sifite. &. obfirmate. gressum. nec. miremini
 si. moramini. aliquantisper. dicaculus. equidem. fui
 succinctus. sermo. vobis. dari. non. potest. iuuat
 vobiscum. esse. ac. ab. ore. meo. pendulos. detinere
 vt. iuuit. semper. saxum. hoc. vos. vocat. quid. inquam?
 viuus. assueui. prudens. imprudens. mortuus. item
 vos. fallo. nam. non. vos. vocat. quod. vacat. ore
 verum. is. quoius. cinis. hic. latet. olim. quom. po-
 tuit. huc. vos. vocari. voluit. valuitque. hoc. haec
 olim. sua. voluntas. volentes. vos. legere. hoc. scri-
 ptum. vali. quid. loquor? immo. sculptum. quam
 ægrè. veritas. adhuc. se. mecum. conciliat? nam. ne-
 que. hic. atramentum. vel. papyrus. aut. membrana
 vlla. adhuc. sed. malleolo. &. celte. literatus. filex
 filens. adhuc. quid. hic. latet. late. quod. ego. efferri
 &. effari. gestio? Sertius. Polensis. Parasitus. histrio
 vester. festiuissimus. hic. cubo. hoc. vnum. tandem
 sponte. dictum. verum. est. si. quis. dubitat. hancine
 olfaciat. humum. olet. temetum. &. florem. vni. ve-
 teris. quo. satur. satis. iuuenis. haus. at. si. vixi. vi-
 tam. tam. vobis. gratam. quam. notam. vrbi. &
 orbi. non. minus. munus. hoc. à. vobis. impetrem
 oportet. adeste. mihi. &. fauete. editoque. huic. vos
 subscribite. &. obsignate. si. quis. sibi. vesicam. onu-
 stam. senserit. domum. suam. onus. hoc. reportet. in
 cloacam. si. verò. festinus. fuerit. citerior. vel. vlte-
 rior. hoc. loco. pro. religione. se. euacuet. qui. non
 paruerit. haec. multa. illi. esto. teste. altero. vt. careat
 canes.

canes . quoque . cæsi . fustibus . edictum . hoc . sentiant
affustis . fauistis . obsignastis . teneo . quo . modo . risum
vobis . dare . sitio . hui . sentio . dictum . volui . esse . sed
quid . hoc . est . quod . tam . familiariter . istuc . proce-
dit . veritas ? profecto . contagione . mei . sitit . ipsa . quo-
que . & . mihi . supparasitatur . quæ . vltro . potum . in-
uocata . aduenit . nunc . si . urbani . perhiberi . vultis . &
veritati . supparasitanti . & . arenti . meo . cineri . can-
tharo . piaculum . vinarium . festinate . post . valete
abite . in . rem . vestram . viatores . optumi . his . nugis
ambagibus . postumis .

Parasitos excipiunt serui, ad risum oppidò commouendum idonei, vel calliditate, vel inertia, vel stultitia . Horum formas fecere quinque. Primus dicebatur *μάρων*: quod nomen supra diximus datum, fuisse certo cuidam seni. sed hic seruus eodem nomine ideo prædictus erat, quia referebat canicie diuturnam seruitutem, significabatque, frugalitatis beneficio adeptum se tandem esse libertatem. cuiusmodi fine dubio Terentianus est Sosia . Secundus appellabatur *ιγειαν*, du-
ctor : cuius officium suspicatur fuisse Iulius Scaliger, heriles filios in
palæstram , in ludum, ad sacra ducere , reducere domum , comitari.
qualis est ille Geta Terentianus in Phormione. Rufos huiusmodi pæ-
dagogos fingebant Græci , capillis in coronæ modum attonsis , pro-
tentis supercilijs , accersita , fucataque vultus grauitate ridendos .
Tertium fecere strabonem , capillo criso quâ caluitum patet . hu-
ius serui proprium Grammatici non indicant nomen . Quartum di-
xerunt *τέρνα*, cicadam . Nigros huic oculos dedere, & quidem per-
uersos, duos, tresue capillorum tractus in caluitio diductos, & separa-
tos : volueruntque parem esse rationem, & modum in barba . Quintum
fuisse ferunt puerum aduersitorem; hoc est eum, qui dominis oc-
curreret , eosdemque deduceret, reduceretque . Hoc enim ita docet
Donatus ad illud Teren. in Adelphis . *Neque seruolorum quisquam,*
qui aduersum ierant. Propriè, inquit, locutus Terentius est . nam in-
de Aduersitores dicuntur . Ex hisce seruis qui nam magis ridiculi
sint, indicat habitudo .

De feminis extremo loco dicendum esset. in quibus maximè ridicu-
la sunt anus : cuiusmodi est apud Plautum illa bibacula . Has ani-
culas ordine distinctas suo, voluerunt esse omnino tres . Primam ap-

pelarunt Lycænium à Lupa . Lupum enim Græci dicunt λύκον . Hanc adeo finixerunt proceram, rugis persulcatam tenuibus, & frequentibus, strabam, atque subpallidam : secundam corpore pinguem, vitta crines adstringentem, rugis crassioribus exaratam in fronte: tertiam planè domesticam, exsuctis malis, vtrimeque binos ore dentes aperientem . Accedunt ancillulae . quarum duæ fuere personæ . altera matu- rior ætate , tunica candida succincta : altera iunior, discriminata coma , naso simo , tunica induita coccinea . Postremæ numerari debent nutrices matronarum : quas anus esse oportet , dominarum subinde sermonem interpellantes .

Hæ potissimum sunt apud antiquos personæ ridiculæ , nec alias facile reperias . Nostri, qui vernacula popularique Italorum lingua scripsere Comœdias, limites in eo genere protulerunt , infinitoque propemodum numero eorum, qui risum concitent, suas auxere Fabulas, & Comœdiæ quasi pomœrium amplificarunt . Inducunt enim paedagogos ; non eos tantummodo puerorum liberalium ductores, quos item fuisse scimus in antiquorum Comœdia ; sed audaculos quosdam Grammaticos , & putidos litteratores : qui fuco quodam latinitatis patrium sermonem inficiant, & loquantur ineptissimè . Inducunt peregrinos, eundem patrium nostrum perperam usurpantes sermonem, inducunt amentissimos seruos, ancillulas fatuas, medicos, aut Iurisconsultos leuissimos, versutissimos, ac petulantissimos pueros, finitimarum prouinciarum , aut urbium homines aliquos non corruptè modo, sed stultè loquentes, gestuque, ac motu corporis vtentes peruerso . In quo genere tanta iam cœpit omnes libido , libertasque ludendi , nulla vt ciuitas sit, quæ Comœdijs, finitimorum non imitetur sermonem, & irrideat mores .

Fuerunt alia quædam ridiculæ personæ apud veteres , petitæ ab imitatione mutarum animantium, & rerum sensu ipso, animaque carrentium . Nam Aristophanes Comœdiam fecit , quam Ranas inscripsit: quia ranarum inducit Chorum, hoc est homines, ranas ipsas motu imitantes, ac voce . Sic enim loquuntur .

Βρεκεκεκὲξ , κοδὲξ , κοδὲξ .

Βρεκεκεκὲξ , κοδὲξ , κοδὲξ .

Διμυᾶτα κηνῶν τέκνα

Χύναιλον ὄμνων θεῖαν

Φεγγόμεθ ἐν γηρᾳ ἐμὰν ἀστάν .

Κοδὲξ , κοδὲξ .

Quæ verba redi latinè vix possunt. redditæ tamen hoc modo sunt ab Andrea Iustinopolitano .

Brecececex , coax , coax .

Brecececex , coax , coax .

*Paludos fontium filij,
Tibiale laudum, vocem.
Canamus, sonoram meam cantilenam.
Coax, coax.*

Scripsit idem Aristophanes etiam Nebulas. in qua Fabula eodem planè modo nubes ipsas facit in Choro canentes, loquentesque cum spectatoribus, & conquerentes, quòd cum ipsæ Deæ essent, in sacrificijs tamen solæ prætermitterentur.

*Σὲ σφότεροι θεατάδειρο τὸν νοῦν προσέχετε.
Η' δικημέναι γέ, ὑμεῖς μηδέδει παντίον.
Πλεῖστα γέρθεαν ἀπάντων ἀσελγύσας τὴν πόλιν,
Δαιμόνων ἡμῖν μόνας οὐ δύεται οὐδὲ πενθετε.*

O sapientissimi spectatores huc mentem aduertite.

Iniuria quippe affectæ vos accusamus:

*Quòd cum præ omnibus Diis ciuitatem iuuemus maximè,
Nobis tamen solis ex Diis non sacrificatis, neque libatis.*

Carpit enim, ac mordet Aristophanes Socratem: quòd antiquis, notissimisque Atheniensium reiectis Diis, nouos quođdam induxisset, in primisque aërem, & nubes; quibus sacrificia etiam deferenda esse contendebat. Quare in eadem illa Comœdia Socrates ipse suas partes agit; iuratque, non per communes, & notos Ciuitatis Deos, sed per suos.

*Per respirationem, per chaos, per aërem
Non vidi sic rusticum ullum virum.*

Scripsit denique illam, cui nomen est Aues. In qua commentus est voces nihil planè significantes, vt in Ranis, sed ijs, quas proferunt aues similes. Sic enim Chorum auium dicens Vpupa aggreditur canere, ac ceteras inuitare.

*Epopi, popi, popi, popi
Io, io, ito, ito, ito*

*Huc adeste Alites meæ, quæque agrorum bene
Satas teritis vias, quæque hordeum legitis,
Mollem emittentes vocem, quæque circum glebas canitis
Læto sono.*

Tio, tio, tio, tio, tio, tio, &c.

Sed huiusmodi nugæ tam futilæ, alienæ sunt à noua Comœdia: quæ non alias, nisi humanas, & eas, de quibus diximus, ad prouocandum risum, in scenam personas affert. Induxit Plautus humano habitu Inopiam, & Luxuriam in Trinummi prologo. quem qui audet imitari, & sub humana specie fictis vitijs, aucupetur risum, cum ego non existimauerim esse reprehendendum.

De rebus ipsis, quæ dicuntur, agunturque, ridiculis.

Caput X.

Risum excitantia duo sunt: ea, quæ longo iam tempore desideramus, quæq. animo nostro accidunt iucundissimè; & ea, quæ quodam habent errores, ineptias, & deceptions aliorum. Videmur enim ex eorum erratis nobis ipsis quodammodo gratulari, quòd illos sapientia, prudentiaque vincamus. De illa risus priori materia nihil à nobis dicendum est, quia de ea quemadmodum indicauimus alibi, non loquitur Aristoteles. De posteriore sic disputamus.

Errata, quæ risum pariunt, in quinq. veluti genera diuidi queunt. Primum deceptions quasdam habet ex earum ignoratione rerum proficiscentes, quas vñus, sensusq. communis omnium planè mortaliū ingenerat animis. ita prorsus; vt eas ignorare non possit, nisi qui ratione prope ipsa careat, & sensu. Neque enim facere possumus, quin rideamus, cum aliquos intuemur ea nescientes, quæ vulgo sciuntur ab omnibus. cuiusmodi erat Homeris Margites: qui adultus, & iam ad virilem prouectus ætatem ambigebat, à quo nam ipse fuisse ex vetero in lucem editus: à patre ne, an à matre; nec res didicit unquam supra numerum quintum recensere, vt docent Eustathius, & Suidas. Secundum nascitur ex ebrietate, aut à phrenesi, aut ab aliquo somnio: quibus qui tenentur, aliqua faciunt, aut dicunt à ratione tam aliena, vt risum nolentibus etiam, atq. inuitis excutiant. Tertium ex ignoratione oritur aliquarum artium, aut virium estimacione suarum imprudenti, & insana: qua fit, vt ea scire, ac facere se posse confidat aliquis, quæ prorsus ignorat, ac facere nequit. Ex hoc genere sunt illi ludi magistri, legulei, ac medici leuissimi, de quibus in proximè superiori disputatione diximus. Inducuntur enim à Comiciis nostris eas amplissimè profitentes disciplinas, quarum incredibili, & non ferenda quadam ignoratione tenentur. Ex hoc item genere sunt milites gloriosi, qui prædicant, vrbes, exercitus, castra, genus humanum vno se spiritu diffusasse, euertisse montes, pugno Elephantes comminuisse. Quò facile reuoces Gripeum illum pescatorem in Plauti Rudente, qui cum arcuam è naufragio fluitantem attraxisset in terram euerriculo suo, ratus inibi aurum esse, antequam resignaret, & conditas exploraret res, cœpit de domibus, deq. vrbibus etiam adificandis sedulò cogitare A&t. iv. Scen. xj.

----- *Quicquid ineſt, graue quidem est: aurum*

*Hic ego ineſe reor. nec mihi conscius est ullus homo. nunc hæc tibi
Occasio Gripe obtigit, vt liberet ex populo Prator te.*

Nunc

Nunc sic faciam . sic consilium est . ad berum veniam doctè , atque astutè .

Pauxillatim pollicitabor pro capite argentum , ut sim liber .

Iam ubi liber ero igitur , domum instruam , agrum , aedes , mancipia .

Naibus magnis mercaturam faciam : apud Reges Rex perhibebor .

Post , animi causa mihi nauem faciam , atque imitabor Stratonicum .

Oppida circumuectabor . ubi nobilitas mea erit clara ,

*Oppidum magnum communibo . Ei ego urbi Gripe indam nomen ,
Monumentum meæ famæ , & factis : ibique regnum magnum instituam .*

Quartum earum continet declinationes deceptionum , quæ nobis paratae iam erant . Mouent enim haec risum maximè , tum præsertim , cum callidè in ipsum regeruntur auctorem . Quintum contra habet insidias quasdam minimè vitatas , ac declinatas , sed eas tamen , quæ non ita magnum afferant homini decepto detrimentum . quales illæ prorsus sunt , quas callidissimi serui dominis tendunt auaris , aut patribus sordidis filij nequam .

*De alijs quibusdam locis . unde peti dicta ,
& ridicula queant . Caput XI .*

Quæ supra disputata iam sunt , ea ad ridicula quædam longiora , & fusiora tractanda suppeditant locos . Alios item nunc desingnabimus fontes breuioribus iocis , ac repentinis magis idoneos : qui nascuntur ex dicto aliquo inexpectato , & nouo , confessim , ac raptim tamquam ex arcu contorto . Has verò sedes , & locos non alios faciemus , quam quos ipse in libris de oratore M. Tullius exposuit in medium , oratoribus æquè , ac poëtis occupandos .

Primus locus sit verbi translatio . Communia enim verba , & vulgata , quia noua non sunt , & ex inopinato non accidunt , iocis , qui nuditatem amant , minus esse videntur idonea . Celeberrimum in hoc genere dictum Catonis est in Albidium ; qui sua bona luxu , ganea , ingluvie dilapidauerat omnia ; & domum , quæ remanserat una , incendio consumptam ad extremum amiserat . Hæc , inquam , intuens Caton , dixit , Albidium fecisse proteruiam ; ioco per translationem petito à quodam sacrificio Romanorum , cui proterua nomen erat . In eo quippe quicquid ex sacris epulis esset reliquum , absumebatur incendio . Huiusmodi translationes ridiculae sunt apud Plautum obuiæ mul-

ta. Quò ambulas tu, qui Vulcanum in cornu conclusum geris? Et gestiunt mibi pugni. Et huic ego dedi oves, & lanam. dederat autem argentum, & nummos redactos ex ouibus patris, quas paulo ante vendiderat. Secundus est paragramma, siue paranomasia. Latinè dici potest allitteratio. vt si facie magis ridiculum aliquem dicas esse, quam facetijs, mobilem magis, quam nobilem, nec tam oratorem, quam aratorem. Tertius ambiguus continetur, & amphibolia. Dictum Augusti subitum, atq. acutum in hanc sententiam laudatur ab omnibus, in Galbam coniectum, hominem prauis humeris, ac gibbosum, apud Augustum ipsum causam agentem, ac dicentem subinde. corrigere, si quid reprehendis. Ego monere te possum: corriger non possum. Transtulit enim responcionem ad vitium corporis. Quartus est etymologia, hoc est explicatio vocabuli. cuiusmodi fuit illa M. Tullij, cum dixit, Verrem factum fuisse subito verrem. Quintus habet parodiam. quæ versus aliquos poëtarum nobilium perparum immutatos, aut, ne immutatos quidem in alicuius hominis irrisione conviertit. Talis profectò est illa Virgilij, vel alterius poëta in Bassum Sabinum ex Castullo traductio.

Sabinus iste, quem videtis hospites

Ait fuisse mulio celerrimus.

Sextus est hyperbole: quæ quoniam rem incredibiliter auget, præ se fert accommodatam turpitudinem ad permouendum risum. qualis est illa in Memmum: quem, quia corpore maximè procerò erat, dicebat Crassus hyperbolice, ad arcum Fabij triumphalem caput solitum esse demittere, ne offenderet. & illa Scipionis in Metelli filios quatior. e quibus, cum secundum videret obtusiorem primo, tertium sec undo, quartum tertio, dixit item per hyperbolem, si mater peperisset quintum, asinum fuisse parituram. Septimus dissimulata quædam appellatio dici potest. quæ in risu ciendo tum habet usum, cum honesto vocabulo res turpis, aut vitiosa iocose nominatur. Huiusmodi est illa Scipionis Africani: cum militi, prælio se propterea non interfuisse dicenti, quod ad custodiendas sarcinas remansisset, ignauiam diligentia nomine honestans, ita respondit. Non amo nimis diligentes. Octauus est inuersio alienæ sententiae. cuius exemplum exposuit Q. Fabius Maximus: cum Liuio Salinatori, dicenti: opera mea Q. Fabi Tarentum recepisti: benè mones, respondit: nisi enim amisses, numquam ego receperissem. Nonus huic similis est; Reiectio. cuiusmodi esse possumus dicere illam Aegilius mollis adolescentis in Opimum; à quo irridebatur his verbis. *Quid tu Aegilia mea? quando venies ad me cum tua colu, & lana?* Repente quippè dictum ita reiecit Aegilius. Non pol audeo. nam me ad famosas vetat mater accedere. Decimus videtur esse stomachatio quedam, aut subirata responsio

ex re molestissima. Talis apud Nævium legebatur. *Quid ploras pater?*
Mirum ni cantem. condemnatus sum.

Alij sunt, figuris, tum verborum, tum sententiarum tractati loci ad dicta promenda ridicula, & faceta, quos exponit diligentissime Cæsar apud Tull. in ij. de oratore. quem oninino consulere debet qui ampliora in hoc genere præcepta volet. Nemo enim hæc exquisitus, aut copiosus est persecutus.

Possunt tamen ijdem loci multis à Plauto desumptis exemplis illustrari. Nam ridiculum ex translato petitum illud pulcherrimum est in Asin. Act. ij. Scen. ij. vbi duo serui Leonida, & Litanus sic se salutant inuicem. Lit. *Iubeo te saluere voce summa, quoad vires valent.* Leon. *Gymnasium flagri salueto.* Lit. *Quid ais custos carceris?* Leon. ò cænarum colone. Lit. ò virgarum lasciuia.

Allitteratio verò lepidissima est in Bacchid. Act. iij. Scen. iii. vbi seruus Chrysalus adornans sycophantias, & senem emungens auro, crucem ita sibi timere aggreditur.

Sed quid futurum est quom hoc senex rescuerit?

Quom se excurrisse illuc frustra sciuerit,

Nosq. aurum abusos ? quid mibi fiet postea ?

Credo hercle adueniens nomen mutabit mibi,

Facietq. extemplo Crucis alum me ex Chrysalo.

Similis est allitteratio in Act. iv. Scen. ix. eiuldem Chrysalii, suam in sene decipiendo calliditatem extollentis, seq. cum Vlysse, adulterinam syrapham cum equo Troiano comparantis.

Ego sum Vlysses, quoius consilio hæc gerunt :

Tum qua sunt hic scriptæ litteræ, hoc in equo insunt milites

Armati, atq. animati. probè ita res successit, meliusq. adhuc.

Atque hic equus non in arcem, verum in arcam faciet impetum.

Ridiculum ab ambiguo ductum penè apud Plautum est vbique, sed illud non inconditum, quod legimus in Mil. Glor. Act. j. Scen. j. vbi cum glriosus ille Miles ad sua ipsius facinora, quæ assentatoriè numerauerat Parasitus, hoc modo dixisset: *Istud quidem ædepol nihil est:* significans nihil esse, si cum alijs longè maioribus conferantur; arripit ambigua verba idem Parasitus, atque in contrariam planè sententiam ita respondet. *Nihil hercle hoc quidem.* A notatione nominis, & etymologia quæsitus est illud in Bacchid. Act. iij. Scen. j. vbi Bacchides ipsæ, dux sorores meretrices, Bacchæ nominantur. *Bacchides non Bacchides, sed Bacchæ sunt acerrumæ.* & in Prologo cuius partes agit in ea Fabula Silenus. *Bacchus bacchantes Bacchæ mittit Bacchides.* Quare non est mirum, si huic aduenerim. Ac paulo post prope finem.

Altera Pistoclerum ad se allicit

Altera venienti desidet Mnesilocho.

Geminae Bacchae duos bacchantes pullulos.

Quid mirum si ad se se traxerint blandulae?

A Parodia sine dubio acceritum est, quod in ijsdem Bacchid. gloriose de se sic exclamans commemorat, & prædicat Chrysalus oratione conuersa in senem suum, & senis domum, quam interuerso iam auro, expilarerat. Act. iv. Scen. ix.

O Troia, o patria, o Pergamum, o Priame nunc peristi senex;

Qui miserè male mulctabere quadringentis philippis aureis.

Inuertit enim ad ridiculam, iocularemq. sententiam initium nobile quorundam versuum ex veteri Tragœdia, vel Ennij, vel alicuius poëtae ipso etiam Ennio antiquioris, quibus inducitur Andromacha Trojanum ita lamentans excidium.

O pater, o patria, o Priami domus

Septum altisona cardine templum

Vidi ego te, &c.

Hyperbolē ad risum captandum frequentant apud Plautum personæ propemodum omnes, sed hanc figuram consuluit tum maximè Parasitus, cum Militi glorioso impudentissime palpans, hæc supra fidem omnem extollit.

Memini : nempe illum dicis cum armis aureis,

Quoius tu legiones difflauisti spiritu,

Quasi ventus folia, aut penniculum tectorium.

Multa ex Plauto, alijsq. suppetunt exempla, quibus ceteri quoque possent expleri loci, quos in Cicerone notauiimus. sed obvia sunt. Ijs itaq. prætermisssis, satis hic habeo ea ex eodem M. Tullio decreta proponere, quæ dictum ridiculum omni vacare obſcenitate, ac turpitudine iubent. Ita enim hac de re præcipit in Oratore perfecto ad Brutum. Illud admonemus tamen; ridiculo sic vſurum Oratorem, vt nec nimis frequenti, ne scurrile sit; nec subobſcenō, ne mimicum; nec petulanti, ne improbum. Quæ sanè præceptio ipsi quoque poëta Comico congruit. Ut enim huic maior quædam, quam Oratori permissa in hoc genere licentia sit, dari tamen venia non potest, vt à decoro, atq. ab officio verecundiæ discedat, quod vnicuiq. mortalium, adeoq. ipsi etiam poëta Comico impositum esse idem Cicero docere videtur in off. j. Duplex, inquit, est iocandi genus: vnum illiberale, petulans, flagitosum, obſcenū: alterum elegans, vrbānum, facetum. quo genere non modo Plautus noster, & Atticorum antiqua Comœdia, sed etiam Socraticorum Philosophorum libri referti sunt, multaque multorum facetè dicta. vt ea, quæ à sene Catone sunt collecta, quæ vocantur ἀποθέψυτα. Facilis igitur est distinctio ingenui, & illiberalis ioci. Hæc Cicero ipsis quoque Comicis præcepta congruentia

tradit . qui si Christiani præterea sunt, audire Hieronymum debent, pronunciantem: obſcēna verba eis principia morituræ virginitatis.

De Comœdie Partibus uniuersè.

Caput XII.

Ipsa nunc videnda est totius structura Comœdīæ : quæ haud dubiè constat membris, & partibus suis . Partium verò in singulis poëmatiſ duplex facit genus Aristoteles . vnum, quod quantitatis appellat, alterum qualitatis . Quæ quoniam in Comœdia quoq. designandæ sunt ordine ; illud primum ponere nos oportet, has Comœdīæ partes esse simillimas illis , quæ describuntur in compositione Tragœdīæ . Nam, vt ait Socrates apud Platonem in Symposio propè finem, Tragœdīæ, ac Comœdīæ construendæ, componendæq. idem penè artificium est . Discrepant tamen aliquantulum vtriusque partes inter se: postulantq. propterea, vt quæ propria Comœdīæ sunt, explicitur à me copiosius , quæ sunt cum vtraq. communia , indicentur tantummodo , commémorenturq. leuissimè : quia sunt enucleatæ iam tradita in libello superiore de Tragœdia, tradenturq. postmodum in Comment. de Elegia .

De partibus Qualitatis.

Caput XIII.

Qualitatis partes ex Aristotele diximus esse sex : Fabulam, Mores, Sententiam, Diſtione, Apparatum, Melodiam . Fabulam cum dicit, ipsam rerum compositionem, & coagmentationem intelligit . in qua non Comœdīæ modò , sed omnium omnino poëmatum tota ratio contineri videtur, & vis . Et quoniam de hac parte illa eadem præcipi debent, quæ præcipit Aristoteles de constitutione Tragœdīæ, eius in hoc genere monita iterum relegamus, quæ sunt hæc .

Primum . vt Fabula vna sit, hoc est , vna tantum actione contineatur vnius hominis . Plures enim actiones, quibus varij, longèq. inter se distracti proponuntur fines, Fabulam efficere nullo modo poterunt vnam. Andria Terentij videtur aliquibus in hac parte peccare; quasi in ea duas deprehendantur actiones , quarum vna cum altera committi non queat . Actiones autem hasce duas ita dissidentes, & dissitas aiunt aliqui esse amorem in Glycerium Pamphili , & in Philumenam Charini .

Secun-

Secundum. ut tota rerum comprehensio, quas imitatione comple-
titur, & transfigit Fabula, in vnius diei spatium cadere possit. sic, in-
quam, ut verosimile sit, ea, quæ geruntur ab Actoribus, intra spatium
vnius diei esse perfecta. Inde videlicet sit, vt non ab ipso exordiamur
initio, sed à medio, vel à fine propemodum argumenti; præterita in
colloquijs Actorum, & per occasionem rei gerenda commemoremus.
Itaq. in Plauti Rudente, ut hoc tantum exempli causa dicamus, non
sumitur initium ab amissione filiæ parvula, sed à tempestate, qua
filia iam grandis, & adulta, diu, multumq. agitata, tandem aliquan-
do in littus appellatur: id verò, quod cum eâ superioribus actum est
annis, in colloquijs enarratur. Hinc reprehenditur Euripides meri-
tò: quòd Hecubam in eius nominis Tragœdia faciat mittentem ex
suis ancillis vnam à Chersoneso in Thraciam; vnde venturus est Po-
lymnestor. hæc enim vno die perfici non poterant. Erat adeo potius
ante fingendus aduentus Polymnestoris proximus, & per Nuntium
aliquem significandus. Idem deprehenditur error in Heraclidibus:
idem in Phœnissis. In illis enim locorum longinquitas ponitur magna,
ad quæ profectio est, & inde reditus: ponuntur euocationes armato-
rum hominum, & copiarum, iustificationes exercitus, eductiones in-
aciem, & campum, ipsi conflictus: quæ diuturnitatem temporis postu-
lant singula, nec possunt in vnam diem vlla ratione compelli. In his
sunt apparatus bellici, extra urbem commissa, & perfecta prælia: sunt
alia his similia, quæ spatia temporis sibi vindicant ampliora.

Tertium Aristotelis monitum est; ut totius magnitudo Fabulæ sit
iusta, hoc est ea, quæ neque longior, neque breuior, quam par sit, esse
videatur. Huiusc iusta magnitudinis internoscendæ notam tradit
duplum Aristoteles: vnam ab ipso contextu Fabulæ ductam; quæ
tum absolui debet, ac terminari, cum implicato, solutoq. iam nodo,
perfecta sunt omnia: alteram in clepsydra positam; quæ iustum finem
histrionibus agentibus in scena ex auctoritate publica describebat.
Nunc autem clepsydræ locum obtinere videtur spectatorum iudi-
cium, omniumque consensio communis; qui spatio circiter horarum
quatuor ab Actoribus teneri se libentissime patiuntur: amplius se de-
tineri molestissime ferunt.

De moribus, ac sententia sic differuimus in libello de Tragœdia, ut
nihil hoc loco addere præterea possimus.

Quod verò ad dictiōnēm attinet, illud etiam docuimus: oportere
infimam esse, & quæ familiaribus colloquijs consentanea sit. quæri au-
tē potest; liceat ne populari lingua, quod nostri faciunt, Comœdias, &
scribere, & populo exhibere. Negat id licere Casteluitrus; ea permis-
tus ratione: quòd quamquam Comica locutio familiaris est, debeat
tamen ipsa verba humilia habere propria, pura, atq. ab ijs accepta,
qui

qui linguae sunt auctores, ac magistri. At nulli sunt huiusmodi linguae nostratis auctores, à quibus humilem quidem, & infimam, sed propriam, ac puram dicendi notam petere possimus: cum nulla sint in hac lingua huiusmodi verba vulgaria, & plebeia, quæ à probatis usurpata scriptoribus sint. Sed ea ratio prorsus infirma est; nec aliquam ijs facere fidem potest, qui nostræ linguae libros antiquos euoluerunt. abundamus enim potius auctoribus illis, qui genere locutionis vñi sunt infimo, ac sermonibus familiaribus apto, quam ijs, qui magnifico, & summo charactere disputationes graues, aut orationes reliquerint, amplissimis verbis exornatas. Altera tamen hinc existere quaestio videtur grauior. An soluta numeris oratione scribere Comœdias fas sit, quod nostri quoque iam pridem audere non dubitarunt. Ne id quidem fieri posse confirmant Castelutrus, Petrus Victorius, & Vincentius Madius; rati Aristotelem ipsum sic decernere in poët.c.j.vbi perplexè disputans, in dubiū id vocat: an versum, & numeris vincitam orationem ita sibi vindicet poësis, vt ea submota, corruat omnis poëticæ vis, & natura. Sed demonstrat Alexander Piccolomineus apertissimè, Aristotelem alia omnia, quam isti contendunt, eo loco significare; hoc est, orationem metricam, ac versum instrumentum quidem, ac præsidium esse poëeos maximum, intimam tamen poëticæ vim, & naturam non attingere; quæ tota in imitatione posita est, & actionum humanarum effictione continetur. Aristotelis hunc locum, & verba qui perpenderit, videbit id esse verissimum. Socraticos quippe sermones, hoc est Platonis Dialogos cum Mimis Sophronis poëtæ ait aliquid habere commune: id vero imitationem esse, cuius nimirum causa vterq. dici poëta possit: ille quidem imperfectus, & minus absolutus, hic partibus, & numeris perfectissimus omnibus. Ad hæc: Homerum, atque Empedoclem, qui physicam persecutus, & complexus erat versibus, versus ipsos inter se dicit habere communes: & tamen illum habendum esse, ac dicendum poëtam, hunc è choro poëtarum depellendum. vt intelligas orationem illam metricam à poëeos intima natura, & vi seiungi, ac separari facile posse. Quare danda est hæc Comœdie venia, vt soluta scribi oratione queat; hac nostra præsttim populari. quæ si numeros addat, multo longius à colloquio familiaris discedat, quam latina. habet enim hæc versus illos septenarios, aut octonarios ita liberos, & solutos, vt à familiari sermone vix differre videantur. Firmare fortasse possit sententiam meam Fabula, quædam Lepidi Comici veteris, soluta, & libera scripta oratione; cui nomen est Philodoxios. Hanc Fabulam erutam ex antiquis monumentis edidit Aldus Manutij filius. quem numquam ego putauerim nobis imponere, aut fucum facere voluisse. Quin character ipse testari videtur antiquitatem.

De Apparatu nihil omnino proferre præterea possumus. Quicquid habuimus dicere, in Apparatu Tragico iam exposuimus . vbi tria distinximus ex Vitruvio scenarum genera : quorum vnum est Comicum.

De Melodia , sive harmonia , & concentu sunt amplius quæ dicamus. sed postulant ipsa per se disputationem, locumq. sepositum.

De Musicis Modis , ac Tibijs Comædiarum .

Caput X IV.

IN veteri Comœdia , que Chorum habuit , eadem planè fuit melopœiz ratio, ac ea, quæ à Tragicis usurpabatur. Nam eodem planè modo post singulos Actus ingrediebatur in proscenium Chorus cum concentu, motu, gestuque, ac saltationibus ad tibias . Sed Choro de veteri Comœdia sublato, Choricorum officium præstare cœpit tibicen. Id profecto sic factum esse , vel ex uno Plauti Pseudolo discere possumus . In exitu enim Actus primi Pseudolus ipse seruus, abeunte de scena domino, sic aggreditur alloqui spectatores .

*Suspicio mibi nunc est, vos suspicarier ,
Me bæc idcirco tanta facinora promittere ,
Qui vos oblectem, banc Fabulam dum transigam :
Neque sim facturus quod facturum dixerim .
Non demutabo, &c.*

*Concedere aliquantis per binc mibi intrò libet ,
Dum centurio in corde sycophantias .*

Tibicen vos interea hic delectauerit .

Tibicines igitur industi sunt, atque in Chori locum substituti: quibus excellentes aliqui Musici dabant modos inflebundos ad tibiam. Quæ causa est , cur initio Terentianarum Fabularum huiusmodi reperiamus inscriptiones : quæ nomen indicent auctoris , à quo facti essent modi per Actuum interualla decantandi. Vt in Andria.

*Acta ludis Megalensibus, &c. Modos fecit
Flaccus Claudij . Tibijs imparibus, &c.*

Modos autem, ac leges musicas multiplices fuissè accepimus, à varijs acceptas gentibus , quæ illas excogitarant , atque habebant in usu . Nam à Dorijs modus quidam certus dictus est Doricus, ab Ionibus Ionicus, ab Æolijs Æolicus, à Lydis Lydius, Phrygius demum à Phrygibus . Hi fuerunt, inquam , præcipui tibiarum modi , quos pro argumenti varietate sic producebant in scenam , quemadmodum rei , quæ canebatur , ratio postulabat . Dorica quippè lex magnifica fuit,

sub-

sublimis, grauis, intenta. nihil habuit fusum, nihil solutum, aut hilare, nihil molle; sed plenum, vehemens, paucis, modicisque flexibus temperatum, numeris, & motibus aptissimum bellicis. cuiusmodi planè dicunt aliqui hodieq. apud Getas, Scytas, Dalmatas, & Pannonicos esse. Æoles exultationem huic addiderunt, feceruntq. tumidam, atq. audacem: quamquam ab antiqua simplicitate non discesserunt, neq. numeros fregerunt, vt Iones. Talem esse ait Scalig. Germanorum bello aptram, nec ineptam conuiuijs musicam legem, aut tibiam. Iones suis moribus fecere similem: mollem, placidam, lenem, & numerorum creberrimis conciliunculis fluxam. Phryges, qui dicuntur à nonnullis tibiarum auctores primi, fecerunt incitatam, atque patheticam. Nam ad furorem, quemadmodum ait Aristoteles in octavo lib. Politicorum, eo vsq. commouebat animos, atq. ita inflebat ad lacrymas, vt non alia, quam Phrygia lege canerentur Epicedia. Lydij deniq. habuisse videntur harmoniam, & canendi legem haud multum à Phrygibus differentem, sed minus concitata.

Itaque, vt omnia repetamus à principio, Dorica erat componendis animis accommodata; quod in quinto libro sententiuarum Hippocratis, & Platonis scripsit Galenus, hæc Posidonij verba commemo-rans. Damon Milesius, cum ad tibicinam accessisset, quæ Phrygijs modis adolescentes quosdam temulentos usque ad furorem incenderat, iusfit ad Doricas leges tonum demittere: quo illi permulsi, compo-sitiq. quieuerunt. Ita Posidonius apud Galen. Atq. hæc eadem est causa, cur Aristoteles in octavo illo Politicorum lib. iusserit pueros institui Dorica Musicorum lege. intelligebat enim eorum animos ætate feruentes, & florido sanguine, perturbationibus obnoxios esse, quæ Doricis illis modis facile componerentur. Æolica fuit exultans: Ionica vetus aspera; noua mollis, & placida: Lydia, & Phrygia acutæ, ac propterea luctibus, & funeribus adhibita frequenter.

Ex his igitur modis, ac legibus eos magistri legebant, quos videbant esse Comœdia, quæ agenda foret, accommodatores; & concinendos tibicini permittebant. cui pro modorum varietate fuere quoque variæ tibiæ, atq. multiplices; de quibus est explicandum.

Tibiarum genera fuere multa, ab inuentoribus, à sono, à regionibus, à materia, à numero, ab vsu ipso distincta. Sed prætermisis alijs, de ijs tantummodo nos hic dicemus, quæ Fabularum actionibus exhibendis erant in vsu frequentius. Primo itaq. alia fuit tibia vetus, alia noua, quemadmodum docet Horat. in Arte.

Tibia non ut nunc orichalco vinclata, tubæq.

Aemula: sed tenuis, simplexq. foramine pauco

Aspirare, & adesse Choris erat utilis, atq.

Non dum spissa nimis complere sedilia flatu;

*Quò sanè populus numerabilis, ut pote parvus,
Et frugi, castusq. verecundusq. coibat.*

Docet, inquam, his verbis, veterem tibiam quatuor nominibus ab ea, quæ postmodum inuenta est, fuisse distinctam. quòd orichalco vineta non esset; quòd esset tenuis, quòd simplex; quòd paucis foraminibus redderet sonum. Secunda tibiarum partitio est in pares, atque impares, in dextras, ac sinistras, in Phrygias, & Sarhanas. Quæ nam pares, impares fuerint, inter doctos viros, eruditosq. non conuenit. Opinantur aliqui, à foraminibus æquidistantibus esse dictas pares, impares ab inæqualibus interuallis. Pares alij dictas volunt, cum duæ eiusdem planè magnitudinis, & soni modularentur: impares, cum una tantum caneret. cuius sonus, & cantus μονάδων, siue μονάδων dicebatur. Itaq. horum sententia pares, geminæ sunt eiusdem soni, impares vnius soni, ac singulares.

Tertia partitio, & differentia est tibiarum dextrarum, & sinistrarum: in qua multo maximè scriptorum sententiæ variat. Non possumus adeo de re quicquam certi statuere: sed proponemus tamen quæ traduntur à singulis. Victorius in libro variar. lect. xxxvij. cap. xxij. arbitratus est, tibias dexteræ dictas esse, quæ dextera oris parte, manuq. item dextera, sinistras, quæ tum oris parte, tum ipsa quoq. manu sinistra tenerentur à tibicine, cum inflabantur. Quod si dicatur aliqua Fabula acta tibijs dextris, & sinistris, eam actam intelligi vult tibijs partim inflatis dextera oris parte, & partim sinistra, alterius sono alteri concinnè, ac musicè respondente. Eum deniq. tibicinem dextris, ac sinistris vsum putat, qui vtramq. simul inflaret. Huiusmodi enim tibicinae, duas inflantes tibias, cælati marmore multi Romæ visuntur in antiquorum monumentis; vbi eorum expressa sacrificia sunt; in Capitolio præsertim, ad graduum parietem, cum ascendetur; & in columna Traiani coclide, ac triumphali. vtrobiq. enim tibicen est, duas tenens manibus tibias, & eas vtraq. oris parte inflans, dum peragit à Pontifice sacrificium. Iulius verò Scaliger dextras, & sinistras dictas existimauit; non quidem à dextra, sinistrae oris parte, manuq. tibicinis, sed à proscenij lateribus, aut scena, vnde à tibicine inflarentur. sic, inquam; vt si tibicen inflaret tibiam ab dextra scena parte, tibia dicerentur dextræ, sinistre, si à sinistra. Itaq. harum tibiarum differentia, vt Scaligeri fert opinio, spectabatur à loco, vnde sonum emitterent. Sed tamen in sono ipso aliqui differentiam inuenerunt, cum noua quadam opinionum discordia. Sunt enim qui dicant, sinistras fuisse acutiores, grauiores dexteræ. Sunt contrà, qui velint sinistras grauem sonum, dexteræ acutum reddisse. quorum sententiam comprobare videtur locus Plinij lib. xvij. cap. xxxvj. his planè verbis. Sed tum ex sua quamque tantum arundine

con-

congruere persuasum erat , & eam , quæ radicem antecesserat , laeuae tibix conuenire , quæ cacumen , dexteræ . Significat nimurum Plinius , vt eum locum interpretatur Scaliger , antiquos internodium arundinis radici proximum sumpsisse , ad tibiam fabricandam sinistram ; illud , quod subest cacumini , ad dextram faciendam reseruasse . Quo fit , vt quia internodium radici proximum , eo , quod subest cacumini , maius est , grauiorem , quoque reddiderit sonum , acutiorem alterum , quia minus est .

Quartum potest constitui genus partitionis in Phrygias , & Sarrhanas . Nam Sarrhanis nominatim vsos fuisse videmus Terentianos Adelphos .

Acta ludis funebris L. Aemiliij Pauli, &c.

Tibijs Sarrhanis .

Sed hæ non differunt à paribus , atq. imparibus , quarum modò nomina interpretati sumus . Sarrhanæ enim tibiæ fuere pares , hoc est eæ , quæ paria , & æqualia habuere , vel foramina , vel ipsa foraminum interualla : Phrygiae , impares , hoc est eæ , quibus imparia , vel foramina , vel interualla foraminum essent ; atque vt dicam cum Seruio , quibus cauerna foraminis esset impar . Sic enim interpretatur illos Virgilij versus .

O vera Phrygie; neque enim Phryges:ite per alta

Dindyma; ubi assuetis biforem dat Tibia cantum .

Ait , inquam , biforem Phrygiae tibiæ cantum eo loco à poëta dici imparem , atq. ex inæuali foramine dissonum .

*De Partibus quantitatis . Ac primo quidem
de Titulo. Caput X V .*

HArum partium in Comœdia distribuendarum non vna omnium ratio est . Vulgatiorem nos primo loco sequemur , & eam , quæ legendis , aut audiendis Fabulis , in ipsos prope oculos nobis etiam inuitis , atque aliud agentibus incurrit . Sunt igitur hæ partes omnino octo . Titulus , Argumentum , Prologus , Actus quinque . Quas partes appellare necesse est quantitatis , quia respondent illis sex , quas in Tragœdia , quantitatis esse dixit Aristoteles .

Titulus , est nominis , tam Auctoris , quād ipsius Comœdiæ prima quædam , quæ in fronte legitur , inscriptio . Quod profecto nomen antequam histriones aggrederentur agere , clare pronuntiabatur ab eo , qui modos faciebat musicos , atq. inscriptum proponebatur in proscenio ; ut legeretur ab omnibus . In quo eam fuisse legem , atq. ordinem

nem tradunt, ut si Fabula vetus aliqua Græca esset, auctoris nouo labore latinè redita; Fabulæ ipsius nomen præponeretur, subsequetur auctoris: sin autem Comœdia tota noua esset, auctoris ingenio ex cogitata, antecederet auctoris nomen, Titulus, & nomen Fabulæ postponeretur. Putat præterea Iulius Scaliger in lib. j. c. ix. ipsum argumentum, & summam Fabulæ fuisse solitam proponi Titulo subscriptam grandioribus litteris. Quem morem etiam exhibenda Tragœdia sequi, ac tenere, non dubitauit Stephonius in Crispo. Cuius Fabula Titulum, Tituloq. subscriptum argumentum Romæ superioribus annis ita legimus in Proscenio.

C R I S P V S . T R A G O E D I A

Gemina . cum . Hippolyto

Iulius . Flavius . Crispus . Cæsar . Fl. Constantini . Augusti . filius . ex . Alemannico . bello . victor . tertium Consul . foris . parta . pace . domi . bellum . offendit . is cum . honeste . cadere . quam . turpiter . facere . maluis- set . nouercam . Phædræ . patrem . Theseo . similem est . expertus . Hippolyto . ipse . constantior .

Sed de argumendo dicendum est amplius in loco. de nomine Fabulæ nunc pluribus exponamus.

Nomen desumit, & dicit suum multiplici prorsus ex fonte Comœdia: à personarum, quæ inducuntur nominibus, ab ijs, quæ cum personis coniuncta sunt, ab argumendo, atq. à præcipuis rebus, quæ tractantur in Fabula, à locis, ab officijs eorum, qui principes agunt partes: ab alijs. A loco mutuata nomen est Andria, hoc est ab Andro Insula: ex qua veniens repente Crito, atq. Athenas ingressus, errorem eripit Pamphilo, & nodum Fabulæ soluit. A rebus, quæ transfiguntur, atque ab argumendo factum est nomen Heautontimorumenos. Nam quia Menedemus inducitur, idcirco se continenter excrucians, quod sua ipsius duritie fecisset, ut Clinia filius discederet domo, longèq. in militiam proficeretur, appellata Comœdia est. *se ipsum excrucians.* Id enim Græcè est *ἴαυτὸν πημασούμενος.* Ab ijs, quæ cum primarijs Comœdiæ personis coniuncta sunt, nacta nomen est ea Fabula, quæ dicitur Adelphi. Sunt enim in ea principes agentes partes duo fratres Attici, Demea, & Mitio, longè diuersa, distractaq. studia sequentes: qui quoniam synthesim totam, & nectunt, & soluant, meritò faciunt, ut Comœdia dicatur *ἀδελφοί*: Fratres: ab ijs nimirum, quæ cum personis coniuncta sunt, hoc est ab ea sanguinis cognatione, & propinqui-

quitate accersito nomine . Ab huiusmodi etiam adiunctis appellata est Eunuchus . quippe Fabulæ argumentum, ac materiam qui suppeditat, Dorus est Eunuchus . Ex eodem fonte manauit Hecyra nomen . Nam quia Græcè Ἔνυξ, est sacer, Ἐνυξ, socrus, & in ea Fabula pleraque per saceros, ac socrus aguntur, Hecyra dicenda fuit, ab adiunctis vocabulo mutuato . Ab ipso verò personarum proprio nomine accepit appellationem Phormio . Est enim in illa Fabula Phormio Parasitus: cuius opera vxorem inuito parente dicit Antiphο . Ab officio deum, ac moribus Miles gloriosus nomen inuenit . is enim perficit omnia, quæ geruntur ab Actoribus, & Fabulam claudit . Itaq. illud maximè videndum est in imponendo Comoediæ nomine, vt siue à personarum nominibus, siue ab officio, siue ab adiunctis, siue à rebus, atq. ab argumento nomen indimus Fabulæ, eiusmodi capita , vnde appellationem desumimus, ea sint , circa quæ veluti circa cardines tota Fabulæ summa versetur, & ratio quemadmodum multis disputat Iulius Scalig. in lib. iij. poët. cap. xcviij.

De Argumento . Caput X V I.

Argumentum Comoediæ Græcum quoq. nomen habet visitatum, & nobile, diciturque Periocha. περιοχή . quæ vox significat summam, & complexionem : vt intelligamus, argumentum hoc, & Periocham complecti res omnes debere, quæ geruntur in Fabula . Hæc pars noua res est, neq. adeo necessaria . Itaq. Terentianis Comoedijs, cum ab auctore prætermissa fuisset, adiuncta est à Sulpitio Apollinari . In Plauti vero Fabulis factum argumentum à poëta doctissimi viri putant, in primisq. Petrus Valla eius interpres, & Scholia stes . Facit, vt homini credam non stylus modo, qui antiquus videtur, sed illa quoq. litterarum dispositio in versuum capitibus, quæ compositæ simul, & coagmentatae Fabulæ nomen describunt . Hoc enim etiam artificium existimant aliqui fuisse in argomento solemne, vt illa versuum capita cum in proscenio spectarentur proposita , primis litteris nomen Comoediæ significanterent. id quod in Amphitruone sic legimus.

*Amore captus Alcumenæ Iuppiter
Mutauit se se in formam eius coniugis,
Pro patria Amphitruo dum cernit cum hostibus.
Habitu Mercurius ei subseruit Sofiæ.
Is aduenienteis seruom, & dominum frustra habet.
Turbas uxori ciet Amphitruo, atq. inuicem
Raptant pro mæchis. Blepharo captus arbiter
Vter sit non quit Amphitruo decernere .*

Omnem rem noscunt. Geminos Alcumena enititur.

Ex primis versuum litteris fit Amphitruo : quod Comœdia nomen est: idemq. in ceteris factum argumentis facile deprehendas. Ex hoc, inquam, si minus omnino in animum induco meum, suspicor certe fuisse argumenta illa ab ipso præposita Fabulis Plauto. Ea enim compositio litterarum excogitata erat ideo, ut cum argumentum Fabulae legerent in proscenio propositum spectatores, ipsius quoque Fabulae discerent ex primis litteris nomen. Quare cum illæ Comœdia datae populo sint, & exhibitæ viuente Plauto, tunc oportuit etiam argumenta proponi. quæ poëta præsente, atq. etiam inspectante nemo fuisse ausus, opinor, affingere.

De hoc argumento quantum ad rei cognitionem, & dispositionem attinet, dictum videtur satis. Sed quoniam argumentum Comœdiæ fictum, & commentitium est totum, vnum quæri debet hoc loco. An eorum quoq. nomina, & personas, qui à Comicis inducuntur, ita fictas esse oporteat, nulla vt fuerit vñquam vera, aut inter viuentes extiterit. Hanc nobis excitat necessariò quæstionem Aristoteles in cap. viij. poët. vbi docet eo potissimum à Tragoedia distare Comœdiam, quod illa vera retineat nomina, personasq. desumptas ab historia; hæc pro arbitratu suo nomina, personasq. comminiscatur. Iam verò, inquit, apud Comicos id manifestum est : qui Fabulas ex verosimilibus constituentes, nomina interim pro arbitrio fingunt. in Tragoedia autem vera nomina retinentur, &c. Ex his Aristotelis verbis aliqui legem imponunt poëtis Comicis Ita seueram, vt ne vnum quidem, aut alterum è veris nominibus retinere fas potent, & quod inde consequens est, veram aliquam personam imitari. Sed iusto duriores sunt, & quemadmodum arbitror, errant. Nam, vt de veteri Comœdia nihil dicam, quæ homines imitata est notos; qualis est Socrates apud Aristophanem in Nubibus; quales erant alij ciues, ad quos nominatim carpendos laruas, & personas dabat histriónibus accommodatas, & similes ijs, quos per imitationem irridebat, quod docet Suidas; vt hæc, inquam, præterea, quæ dicta sunt in cap. iv. video in Terentianis Comœdijs nomen Gnathonis: cuius vera persona est, vt testatur Athenæus. Fuit enim notissimus Parasitus, inductus olim à Menandro; cuius Fabulas latinas Terentius faciens, seruare non dubitauit verum illid nomen, veramque, quam imitaretur personam retinere. De Parasito Phormione idem planè dicendum puto. eam enim Comœdiam expressit ex Apollodori Græca, adeoque transfluit in suam non argumentum modò totum, sed nomen etiam nobilis ea tempestate Parasiti, quem imitatus erat, & ficta persona produxerat per histriónem in scenam Apollodorus. Itaque cum ait Aristoteles, Comœdiam fingere nomina, non contendit ita fingere debere omnia, nullum

vt possit inserere verum ; sed licere illi comminisci omnia nomina , , quod non licet Tragoediæ . id quod ad discriminem , & differentiam inter vtramq. designandam est satis .

Et quoniam à Donato interprete Terentij mentio sèpè fit duplicitis , ac simplicis argumenti . id etiam antequam disputationem claudamus , quærere oportet , quid sit : & an idem sibi velit Donatus , quod docuit Aristoteles , cum de Fabula duplice , ac simplici disputauit . Respondeo itaq. non idem sibi velle Donatum ; sed aliquid longè varium , ab Aristotele tamen haud alienum . Vtrumq. sic demonstremus . Fabula duplex , vt diximus in libello de Tragœdia , Aristoteli ea est , quæ vel Peripetiam , hoc est repentinam , & contra quam timebamus , aut sperabamus in cōtrarium mutationem , vel Agnitionem , vel vtramq. coniunctam simul habet in syntheſi , & coagimentatione rerum , quæ transfiguntur : simplex ea , quæ neq. Peripetiam , habet , neq. Agnitionem , sed structura quadam plana composita est , ac propterea dicitur etiam explicata . Argumentum verò duplex Donato neq. vnius actionis , neq. vnius tantum hominis est , sed plurimum . Fit enim sèpè , vt duæ sint actiones ex quibus componitur vna Comœdia , quia actio vna pendet ab altera , & rectè potest vtraque sic committi , vt coalescat vna , atque integra Fabula . Huiusmodi sunt in Andria , Pamphili , & Charini adolescentum amores duorum . quamquam enim duæ personaे sunt primariae , atque actiones earum propterea duæ , vna tamen ita cum altera nec titur , vt vnum constituant argumentum , quod duplex eo nomine dicendum sit . Fiunt enim ad extremum nuptiæ duplices vtriusque ; quæ quoniam eundem nexum habent , & eandem inueniunt in catastropha solutionem ab Agnitione Glycerij , vnius obtinent locum actionis . Cernet hoc facile quicunq. leget perpendetq. textum eius Fabulæ . Nam in ipso Actus secundi initio Charinus cum Pamphilo congregitur , eq. narrat amores suos . Itaq. ab ea collocutione ad finem vñq. totius Comœdiæ agunt adolescentes illi coniunctim , & actione perpetua ducunt ad exitum Fabulam . Contrà verò factum videmus in Hecyra . vbi , quia vnius tantum est adolescentis negotium , & vñx tantummodo nuptiæ , argumentum appellandum est simplex . Hæc , inquam , sibi voluisse Donatum ab ipfomet didici in Prolegomenis ad Phormionem . Argumentum hoc , inquit , non simplicis negotij est , nec vnius adolescentis , vt in Hecyra , sed duorum , vt in ceteris Fabulis . Longè igitur aliud est , quod duplicitis , simplicisque argumenti nomine vult intelligi Donatus , quam quod loquitur Aristoteles , cum de simplici , dupliciti . Fabula præcipit .

Nihilo minus tamen ne id quidem , quod Donatus exposuit , in Aristotele desideratur : immo verò ab eo mihi videtur illud vtriusq. discriminem argumenti delibatum . Ut enim ille de Fabula dupli simpli-

cique sic statuerit in cap.poët.ix. vt modo diximus,tamen in cap.xij. aliam Fabulæ simplicis, & compositæ, siue duplicit aperit notionem, quæ cum hac Donati consentiat . Fabulam enim duplificem, siue compositam dici posse ait eam , quæ duplificem quasi constitutionem habeat, & duas actiones vno tantum fine terminatas : quemadmodum, inquit, cernimus in Odyssaea. vbi errans Ulysses vnam facere videtur Fabulam, alteram Proci Penelopes; sed tamen ex utraque, admirabili ratione, atq.artificio fit, & componitur vna . Simplicem autem appellari posse , quæ vna tantummodo definiatur actione, nec pluribus inchoatis, atq.imperfectis negotijs vno determinatis fine constituatur: quales pleræq.Tragœdiæ antiquorum sunt.

Ergo, dicet aliquis , frustra damnata est supra Terentij Andria e nomine, quod ea Fabula non sit vna. Sed ego memini id tantummodo me dicere:aliquos existimasse, à Fabulæ vnitate Comœdiā illam discedere . iudicium non interposui meum, quod in hunc locum referuui. Itaq. Fabulam illam, aliasq. eiusmodi probandas puto . quia, vt diximus alibi de Tragœdia, multæ sunt interdum actiones, quæ,quia collimant, & tendunt eodem, haberi pro vna debent, nec facere possunt, vt Fabula multiplex sit, nisi principes , ac primarij fines distinctione multiplicentur, & numero. Vnum quidem est, quod iure obijci contra videtur hic posse. Aristotelem non modo vnam velle actionem esse totius Fabulæ, sed vnam vnius . At in hisce Comoedijs duæ personæ sunt æque principes, ac primariae . Ego tamen existimo duas illas personas non omnino æquales esse, aut æque præcipuas : atq. ideo vnius actionem alteri sic subseruire, vt non vna duorum actio dicenda sit, sed vnius vna . Pamphili enim primæ partes sunt in Andria ; Charini secundæ : qui inducit ideo , vt aliquanto plus turbæ sit in Fabula, vtque cum eo collatus Pamphilus moderatior esse videatur. Hoc etiam videbit planissimè qui leget eam Fabulam : intelligetque, sine partibus Charini eam fieri potuisse, sed non ita tamen absolutam. Quod si nihilo minus contrà accidat aliquando, vt in his duplicitis argumenti Comoedijs aliqua reperiatur, quæ personas æque primarias faciat duas , & quod inde consequens est , duas etiam numero actiones , quæ aliqua demum ratione connectantur in fine Fabulæ , dixerim, ne cogar antiquos damnare, actionem Comoediæ non oportere sic vnam esse, quemadmodum est vna Tragoediæ. De huius enim, deque Epopoeiæ actione Aristoteles tantummodo pronunciauit , vnam vnius esse debere non de actione Comœdiæ. quæ quoniam est ipsa imperfectior Tragoedia , imperfectiorem etiam fortassis habere potest vnitatem in vna positam actione, sed non hominis vnius. Quod si cancellatur eandem, absolutior erit, quia dramatico generi absolutissimo, hoc est Tragico, similius est.

Sed

Sed ultima quædam hinc suboritur quæstio, quæ prætermitti non debet, vtra perfectior, atq. absolutior Comœdia sit: illa ne, cui duplex est argumentum, an cui tantum est simplex. Illam, ut breuissimè faciam, proculdubio imperfectissimam omnium habendam puto, quæ personarum actiones duarum sic tractat, vt non nisi conuenientia quadam rerum, quam habent in exitu, faciant vnam Fabulam, quemadmodum dixi. Dandam enim censeo veniam illi Comœdiæ, vt possit ab vna vnius actione discedere, modo sit vna. sed video tamen huiusmodi Comœdiam esse oportere imperfectissimam omnium; quod videatur maximè discedere à genere dramaticæ poëseos absoluto, atq. omnium primo. discedit autem, quia discedit ab unitate perfectæ Fabulæ, quam poëmatis animam appellat Aristoteles, quæq. inter ceteras partes obtinet principatum. sed si duæ conferantur inter se Comœdiæ, quæ habeant singulæ vnam vnius actionem, altera tamen duplicitis negotijs, siue argumenti sit, altera simplicis; haud dubiè responderim, illam esse præstantiorem, & meliorem, quæ duplex habet argumentum. Sequor enim Aristotelem ducem: qui eo in loco capit. xj. cum Tragœdiam diuisisset in compositam, & simplicem, compositamq. dixisset eam esse, quæ duplē videatur habere constitutionem facientem vnam, qualis est Odyssea, ex erroribus Vlyssis, & ex procorum contentionē conflatam, disertissimè pronunciauit, hanc anteferendam esse simplici: qualis fortasse dici potest Ilias, quæ Achilis præstantissimi ducis tantummodo res gestas habet, eiusq. victoria terminatur, & laboribus circa Troiam exantlatis. Ratio verò cur illa præstabiliōr sit, docetur item ab Aristotele; qui ait, ab ea multo maiorem existere voluptatem ob illam duplicitis negotijs compositionem, atq. ob admirabiliorē exitum, quem ex solutione nanciscitur.

De Prologo. Caput XVII.

Hæc pars dicitur à multis esse Latinarum Comœdiarum peculiarijs, & propria. Nam in Græcorum Comœdijs non distinguitur à totius corpore Fabulæ Prologus, illique planè similis est parti, quam in Tragœdijs Prologum appellat Aristoteles. In Tragoedijs verò obtinet Prologi locum quicquid primi Chori antecedit ingressum: vbi nimirum indicantur in summa quæ sunt agenda; quæq. antea gesta sunt commemorantur. In Latina autem Comoedia Prologus à tota constitutione Fabulæ secernitur, nec quicquam habet cum reliquis partibus affinitate coniunctum. Dicitur adeo pars hæc *αὐτοπεριστολή*, hoc est ab vna tantum acta persona, aut ab uno solitariè loquente tractata. Non enim plures vñquam inducuntur in Prologo, exce-

pto Trinummo : vbi Prologum faciunt Luxus, & Inopia. Sed siue unus sit, siue plures, qui partem hanc agant, illud est certum, Prologi personam ad Fabulam non pertinere, nec amplius redire cum ceteris in proscenium; contra, quam fiat in Tragoedia : cuius Prologum agunt sapissimè persona primarum partium. Sed hic iterum excipere Plautum oportet : qui Mercurio in Amphitruone dedit Fabulae partes agendas non postremas, cui tamen Prologum initio permiserat. Et in Cistellaria Prologum facit exeuntem in fine Actus primi, eaq. dicentem, quæ principio monenda fuissent. Dat autem eius Prologi partes commentatio Deo, cui nomen Auxilio est.

Nam mibi est Auxilio nomen. nunc operam date,

Vt ego argumentum hoc vobis planè perputem.

Ceterum quia nulla sibi constat disputatio, quæ non à definitione proficiscatur, Prologum nos, antequam progrediamur, ita definiamus. Est Prologus, vt ab antiquis decretum Grammaticis video, præ-narratio quædam Comoedia . in qua poëta sub aliena, vel sub sua ipsius persona rem agendam exponit. Quia verò hæc expositio varia est, varia etiam esse necesse est Prologorum genera . Itaq. post definitionem diuisio sequitur huiusmodi .

Prologorum quinque genera fecerunt. Primum exponit argumentum Fabulae simpliciter, diciturque hypotheticus ab hypothesi, quæ significat argumentum : nec distinguitur à periocha . apud Græcos enim *περιοχή*, & *σύνθετος* videntur esse synonima . Huiusmodi Prologus est in Aulularia. vbi Lar familiaris proponit argumentum enucleatè, ac rem gerendam spectatoribus expositè sic denunciat.

Ne quis miretur qui sim, paucis eloquar.

Ego Lar sum familiaris ex hac familia,

Vnde exeuntem me aspexitis. hanc domum

Iam multos annos est quom possideo, & colo:

Patrique, auoq. amicus huius, qui nunc hic habet.

Sed mibi auos huius obsecrans concredidit

Thesauro auri. clam omnes in medio foco

Defodit, venerans me, vt id seruarem sibi, &c.

Secundum Prologi genus exponit præterea poëtæ consilium in faciendis Fabulis. cuiusmodi sanè est in Adelphis; dicique potest latinè commendatitium: quia Græcè *αναγνών* nominatur: quod apud nos, vt monet Budæus, commendatitium est, aut si reddendum ad verbum sit, id quod facit, vt res ipsa consistat. Cum enim hic Prologus pro auctore Fabulae multa dicat, videtur eum auditoribus commendare, ac facere, vt Fabula ipsa quodammodo consistat, & spectatorum animi cōfirmentur. Præter eum, de quo diximus in Adelphis, alium huiusmodi Prologum habemus in Hecyra .

Hecy-

Hecyra est huic nomen Fabulae. hæc cum data est
Nouæ, nouum interuenit vitium, & calamitas,
Vt neque spectari, neque cognosci potuerit.

Ita populus studio stupidus infunambulo
Animum occuparat. Nunc hæc planè est pro noua:
Et is, qui scripsit banc, ob eam rem noluit
Iterum referre, ut iterum possit vendere.
Alias cognostis eius. quæsò banc nunc noscite:

Orator ad vos venio ornatus Prologi.

Tertium genus refellit aduersariorum columnias, vt in Andria; vel
regerit etiam in eosdem aduersarios crimina, vt in Eunicho. vbi La-
uinius poëta Comicus obtrectator, & malevolus carpitur, qui fuerat
ante perstrictus in Andria.

Tum si quis est, qui dictum in se inclementius
Existimat esse, sic existimet: sciat
Responsum, non dictum esse; quia lafit prius
Qui bene vertendo, & eas describendo male,
Ex Gracis bonis Latinas fecit non bonas.

Idem Menandri Phasma nunc nuper dedit.

Cum ergo genus hoc Prologi, vel criminaciones, & maledicta diluat,
vel obiecta crimina regerat in autores, dictum est Græcè ἀναρριπτεῖν;
id quod significat confutatorium, aut relativum in alios.

Quartum Prologi genus, quia permiscet simul omnia, quæ separa-
tim faciunt cetera, dici potest mixtum. cuiusmodi est in Casinaria
Plauti: vbi principio commendatitum videtur esse. Nam commen-
datio proponitur poëta, Fabulæque; & benevolentia captatur à spe-
ctatoribus.

Saluere iubeo spectatores optimos, &c.

deinde incipit esse confutatiuum.

Nam nunc nouæ, quæ prodeunt, Comœdia

Multo sunt nequiores, quam nummi noui.

Ad extremum est expositiuum. Denunciat enim Fabulae nomen, &
euoluit argumentum.

Comœdia nomen huius dare vobis volo.

Clerumene hæc vocatur Comœdia

Græcè. latinè sortientes. Diphilus hanc

Scripsit. post id eam rursum denuo

Latinè Plautus, &c.

Senex hic maritus habitat. Ei est filius.

Is una cum patre in illisce habitat ædibus.

Quintum Græcè dicitur, οὐδὲν, latinè morale. Huiusmodi videtur
esse Prologus ille ἀναρριπτεῖν, hoc est duarum colloquentium persona-

rum in Trinummo, Euxus, & Inopiae. est enim accommodatus moribus nequam adolescentis, qui inducitur in ea Comœdia profusus, & luxuria diffluens, ob eamq. causam ad extremam redactus inopiam. Ex hoc genere videtur item Arcturus in Rudente, & Lar familiaris in Aulularia. Describunt enim graphicè hominum mores. Horum verò prologorum personæ per machinam descendebant in scenam, per machinam subducebantur.

De Actibus. Caput XVIII.

ACtus est Actionis, siue peractæ Fabulæ pars: cum videlicet proscenium omnibus destituitur personis, & tibicen spectatores agreditur cantus suavitate recreare. Qua ex definitione intelligas, non ubicumque, ac pro arbitratu fas esse Actum terminare: sed contum loco, vbi aliqua pars totius, integræq. actionis, qua continetur vniuersa Comœdia, seiungi commode à reliquis partibus potest. Ut enim integra illa actio totius Comœdiae tunc habet appositè finem, cum nihil superest agendum, neq. quicquam desideratur eorum, quæ numeris expleant omnibus Fabulam, ita partes eiusdem actionis tum definiri, ac terminari commode queunt, cum ijs, interrupta quamminimè serie, tibicinis cantus posse videtur intercipi.

Nusquam melius, quam hic ea institui, & tractari quæstio potest, quæ nobis à novo nostrarum vsu Comœdiarum proponi videtur. An Actus interrumpi, ac ditidi queant non modo cantu tibicinis, ac Musorum, verum etiam saltatione, machinis, embolijs, episodijs, aliisque argumento agentium, & colloquentium personarum quod à reliqua Fabula separatum sit. Videmus quippè interseri sèpe Orpheos quodam deplorantes Euridicem, aut quasdam Cereres Proserpinam queritantes, quæ res à Comœdia sunt alienæ, prorsusque seiunctæ. Quid hac de quæstione statuendum sit, non possum simul, aut una quasi definitione proferte, sed separatim dicam, & pronunciabo per partes.

Confirmo itaq. primum: post sublatum è Comœdia Chorum, fuisse non modo tibicines adhibitos, & Actibus interpositos, verum etiam Mimos; histriones nimirum ^{τύποις μηδενός}, hoc est ab imitacione propter excellentiam, atq. præstantiam sic appellatos. Non enim res tantummodo imitabantur, quod est commune cum omnibus, sed motu quodam corporis exquisito, & gesticulatione solitaria exprimere soliti erant quicquid referre vellent, sine verbis, ac voce. Sed addita postremò gesticulationi verba quoque sunt, & dicta quædam acuta, quæ humani animi virtus irriderent, & carperent. qualia sunt apud Senecam, & Macrob. Publij, & Laberij longè plurima. Hos igitur

Mimos

Mimos , absolutis iam Actibus , educere cœperunt in scenam , gestum facientes , & loquentes aliquid ridiculè omnino extra argumentum Fabulae , ad spectatorum animos amplius oblectandos , atq. ad demen-dam satietatem . Id verò in Comœdia dicebatur Episodium , in Atel-lana Exodium . vtraque vox diuerticulum significat , & egressionem à proposito arguento : quam non quilibet habuit Comœdia , sed ali-qua tantum grauior , vt opinor . Factum quippe crediderim in Comœ-dia quod in ipsa quoq. Tragœdia peragenda fuit ab antiquis excogi-tatum : cum ad eius Fabulae leniendam atrocitatein , & temperandas cades , Satyros interposuerunt , qui petulantia , risu , iocis , incompo-sito saltu , motuq. corporis enormi , specie demum , & facie illa semi-ferina spectantem populum à cogitatione crudelitatis tanti per auer-terent . Idem enim præstiterunt in Comœdia Mimi : quorum argu-menta fuere mercaturæ viles , & plebeiae , ignobiles doli , actus rusticis , perduictiones , lenocinia , lufus , imposturæ , aliaque ridiculis illis , & le-uissimis respondentia personis , hoc est maximè ad prouocandum ri-sum accommodata . Qua quidem argumenta petebant ipsi de medio foro , vel è tabernis , vel ex angiportis , vel è popinis : adeoq. personam , & faciem afferebant cauponis , coqui , fartoris , perduictoris , leno-nis , ebrij , stolidi , insani , surdi , cœci , circulatoris , impostoris , syco-phante . Erant eorum exitus abrupti : sic prorsus , vt uno decadente , ceteri quoq. discederent infecta plerumq. re , vel imperfecta . Erant inter eos crebra fugæ , insectationes , contentiones , ignauiae , vecordiæ , parodiæ , quibus imitarentur ridiculè seria , verumq. subuerte-rent . Erant repentina sententia , dictaq. subitò contorta nec expecta-ta . Ut illa Publij Mimi .

Mulier cum sola cogitat , male cogitat .

Malo in consilio femina vincunt viros .

Sepè tamen sententias , etiam inter ridiculas , longè grauissimas in-terponebant , quæ monitis , ac præceptis singulas propemodum hu-manae vitaæ partes informarent . Ex hoc genere illa sunt apud eundem Publum .

De amore .

Amare , ac sapere vix Deo conceditur .

De amicitia .

Amicos nes opima parant , aduersa probant .

De fortuna .

Excelsis multo facilius casus nocet .

Fortuna vitrea est : cum splendet , frangitur .

De vicissitudine.

Iucundum nihil est, nisi quod reficit varietas.

Quotidie est deterior posterior dies.

De morte.

Malè viuunt qui semper se victuros putant.

De otio.

Arcum inertia frangit: animum remisso.

De beneficentia.

Pars beneficij est, quod petitur si bene neges.

Beneficium dare qui nescit, iniuste petit.

De ceteris officijs eodem modo. Cum igitur hi Mimi sic, ut diximus, induci sint ab antiquis, dicendum est, iure ac sine reprehensione Actibus interponi personas aliquas ridiculas hoc etiam tempore, quæ a liarum gentium, & ciuitatum linguam, aut finitimorum mores irrideant, aut alia quædam argumenta leuissima tractent, ijs simillima, quæ tractabantur à Mimi.

Confirmo deinde, fas esse, eosdem Actus, & Comœdiæ partes non cantu solum, & musicorum modis, verum etiam saltatione, aut aliqua ludentium hominum huiusmodi ratione distinguere. Id enim etiam ab antiquis usurpatum intelligo: cum inter multas, ac propè innumerabiles saltationum formas, quas adhibuerunt in conuiuijs, in nuptijs, in sacrificijs, essent aliquæ Theatri propriæ, atque in ijs ipsis Theatralibus certæ quædā soli Comœdie subseruentes. Tres quippe fuere Theatrales saltādi species pro modo, ac numero Fabularū, quæ in Theatro dabantur. Prima fuit Tragœdiæ, dicebaturq. ἡμέλια: quæ grauis erat, atq. composita, quemadmodum ipsum significat nomen. Nam ἡμέλια non modulatio tantum est, sed etiam concinnitas. Itaq. hoc illi saltationi nomen inditum significat, eam sedatam, concinnamq. fuisse. quod discere præterea possumus ex Platone in dial. iij. de legibus. Secunda fuit Comœdiæ propria, solutiore licentia; quæ Græcè appellata est ῥοπάξ, à verbo ῥοπάνειν: quod significat liberè, licenterq. saltare. Tertia demum reseruabatur antiquæ Satyræ, quæ dabatur item in scenam, atq. in Theatro quondam recitabatur. Erat igitur hæc petulans, & maximè motoria, gesticulatione creberrima, ut Satyros decet: dictaq. est οὐρύς, ab auctore Sicinnio, quodam homine barbaro, ut aliqui prodidere.

Affirmo demum tertio loco, licere etiam Actibus interponi machinas, & per eas induci Deos, aut alios, qui sine machinis induci non possunt. Quamquam enim Tragœdiæ videntur esse propriæ machinæ,

non

non tamen à Comoedia sic abhorrent , vt numquam adhibitæ sint . Tradit adeo Suidas Carcinum Atticum appellatum à Platone fuisse poëtam duodecim machinarum . ὁ Πλάτων δοξαὶ μηχανῶν φυσικῶν . Quem ego poëtam fuisse Comicum propterea credo ; quod Suidas alio eum loco reponat , quām eo , vbi paulo ante commemorauerat alium Carcinum Atheniensem poëtam Tragicum , quoddque huius , de quo dico Carcini Fabulam Comicam laudet , cui nomen erat Mures ; cum alterius Carcini Tragoedias percenseat , & enumeret omnes . Credibile igitur est , hisce tam multis , quas inuenierat machinis , non modo vsum in Episodijs fuisse , verum etiam in argumento Fabulæ . quo fieri debet , vt multo maxime liceat easdem inferre machinas inter Actus Comoediæ . Quin inter machinas illas Theatri , quas describit accurate Julius Pollux , vnam fuisse ait vnius , & eiusdem quidem vsum , sed duplici appellatâ nomine , hoc est ἐγκύρωμα , καὶ ἔξωπα . hoc vero idcirco factum aliqui homines doctissimi putant , quod ἐγκύρωμα dicere tur , cum in Tragoedijs esset , ἔξωπα verò cum à Tragoedijs accepta , etiam minoribus Fabulis extra scenam Tragicam , atq. ipsis Comoedijs inserviebat . Huiusmodi credo fuisse Romanorum Imperatorum episodia multa : qui , vt legimus apud Martialem , Sueton. & alios , sàpè iusserunt , in Theatro Deorum amores , ac raptus proponi , aut bestiarum per funambulum incessus exhiberi . Quibus sanè spectaculis dandis propriam idoneamq. designat machinam Julius Pollux , Gruem . quam demitti solitam fuisse ait ex altissimis locis ad aliquorum rapienda corpora , & sursum ferenda : nominatimq. habuisse tum vsum in Theatro dicit , cum Aurora Memnonis filij corpus abripuit subito , atque in cælum subduxit .

Dicit aliquis iterum excitare me velle Chorum , & nouæ Comoediæ concedere , qui fuit olim inductus , atq. sublatus . Reddimus enim ei saltationem , & dicta Mimorum ridicula : quæ veteris erant Chori in antiqua Comoedia . Sed animaduertere necesse est , huiusmodi saltationem , colloquia , dicta , quæcumq. demum Actibus interponuntur , esse prorsus ab argumento Comoediæ aliena , & separata ; Chorum autem Comoediæ veteris fuisse partem Fabulæ : sic , inquam , vt Choricæ personæ cum Actoribus ipsis etiam colloquerentur , & agerent . Ad hæc : cum personas illas irridentes , & iocantes permittimus in episodijs , non eas ita licenter maledicas volumus , vt erant in veteri Comoedia Choricæ ; quæ ciues , quos carperent , suo nomine designabant .

Dicit iterum alius , hæc episodia , vel exodia , aut embolia non probari ab Aristotele : cum reprehendat histrionum consuetudinem , qui per episodia producebant Fabulas , si videbant non dum impletum esse clepsydræ tempus , quod ita præscribebatur , vt ante finem facere

non

non liceret. Sed Aristoteles non damnauit omnino, ac prorsus episodia, verum ea tantum, & nominatim, quæ præter modum produc-
rent Fabulam: quæq. ab Actoribus, & histrionibus excoxitarentur su-
bito, non tam appositè, consultoq. Actibus interponenda, quam teme-
rè quolibet inculcanda. Quòd si episodia sint accuratè facta, & Acti-
bus interiecta loco tibicinis, ac Musicorum, si Comœdiam non ita
multum amplifcent, nec plus nimio producant, nullum planè pericu-
lum reprehensionis imminet ab Aristotele.

An Actus omnino, ac prorsus oporteat esse quinque.

Caput XIX.

Nequæ plures, neque pauciores cuiuscumq. Fabulæ, siue Comicæ,
siue Tragice Actus esse debere quam quinque, non Donatus
modo confirmat, sed decernit Horatius: cuius auctoritati nemo fi-
dem vimquam abrogavit.

Neue minor quinto, neu sit productior Actus.

Fabula, quæ posci vult, & spectata reponi.

Sed Iacobus Mazonius in Apologia Dantis Aligherij pauciores Actus
esse, quam quinque, & tribus tantummodo iustum Fabulam perfici pos-
se demonstrare se putat ex testimonio quodam singulari M. Tullij Ci-
ceronis. Locus Ciceronis est ex epistola nobili ad Q. Fratrem. Illud te
extremum oro, & hortor; vt tamquam poëtæ boni, & Actores indu-
strij solent, sic tu in extrema parte, & conclusione muneris, ac nego-
tij tui diligentissimus sis: vt hic tertius annus tamquam tertius Actus
perfectissimus, atq. ornatissimus fuisse videatur. Ex hoc, inquam, lo-
co se putat ostendere planissimè, licere Fabularum Actus esse tatum-
modo tres. sed vincat ne ex Ciceronis illis verbis, quod ipse contem-
dit, an secus, non libet hic disputare: cum alioquin affirmare possim
a veteribus Græcorum poëtis interdum fuisse Fabulam in plures, in-
terdum in pauciores Actus distributam, quam quinque. Cum enim
Actus apud eos singuli singulis distinguerentur ingressibus Chori, di-
cere necesse est, totidem ab ijs Actus distinctos fuisse, quot Chori fie-
rent ingressus in Thymelem, atq. in proscenium per interualla sepa-
rati. At in Æschyli Prometheo Chorus bis, terue tantum inseritur
Fabulæ. Neque enim Io, & Oceanus Chori locum obtinere possunt.
quod si tamen obtineant, & Choricæ personæ sint, ingressus Chori in
ea Fabula numerandi sunt quinque, ac propterea non quinque tantum
Actus erunt, sed omnino sex; Fabula quippè, quæ diuisa sit in Actus
quinque, non potest habere, nisi quatuor ingressus Chori. In eiusdem
Æschyli Agamemnone, in Hecuba Euripidis, in Sophoclis Philoctete,

in Eleætra, in Oedipo quinques ingreditur Chorus, & quod inde consequens est, sex sunt partes, Actusq. Fabulæ: quos adeo Seneca trans ferre sic distinctos etiam voluit in Oedipum suum. Cum enim post quintum Chorum alia necessariò sequatur Fabulæ pars, non potest quæ consequitur esse nisi sexta. Qui verò Chorus interdum ponitur in extrema Fabula, is propriè Chorus dici non debet, sed Commus, vt diximus in libello de Tragœdia ex Aristotele: atq. ideo partiri Fabulam non potest in Actus; quod est eorum officium, qui propriè Chorum agunt. Quid plura? Sophocles in Trachinijs sex facere Chorus non dubitauit, Euripides in Iphigenia Taurica item sex: in Hippolyto coronato prorsus octo.

Hæc multo magis quām locus ille Ciceronis ostendere videntur, eum numerum Actuum quinque non fuisse constantem, ac certum. Quamquam enim hæc exempla petita sunt à Tragœdijs, demonstrant tamen vniuersè Fabulam dramaticam non fuisse ab omnibus semper diuisam in partes, aut Actus quinque. id quod contendunt Horatius, & Donatus. Sed dixerit aliquis, ab antiquis id perperam factum, deinde castigatum ab ijs, qui cetera quoq. vitiosis castigarunt in Fabulis. Nam ille quintus apud Senecam Chorus non canit, sed loquitur cum Iocasta, ideoq. non tam dici debet ingressus Chori, quām colloquio Chori cum personis scenicis. Dicit hæc, inquam, aliquis, & meritò dicet: quia veteribus aut nullæ fuerunt de scribenda Fabula leges, aut si quæ fuere, abrogatae sunt nouis. Nihil igitur in hoc genere mutandum censeo, sed sequendam Horati præceptionem. Quod si quispiam tamen audere id etiam velit, ac pauciores, pluresue Actus facere, quām quinque, vtatur consilio suo, ac se, quoad eius fieri possit, antiquorum auctoritate tueatur.

De Scenis. Caput XX.

ACtuum quædam partitiones scenæ sunt, quemadmodum Actus ipsi membra quædam sunt Fabulæ. Definiri propterea scena, potest Actus pars, in qua vna, duæ, tres, pluresue personæ loquantur. quod postremum idcirco addidi; ne putetur lege cautum iniuiolata, quod monet Horatius.

----- *Nec quarta loqui persona laboret.*

Non enim hoc ita seruatur ab omnibus vbique, ac semper incorruptè, vt plures interdum, quām tres in eadem scena loquentes non inducantur. Nam, & Diomedes in lib. iiij. admittit etiam quatuor, & Plautus tum in Mercatore, tum in alijs quoq. Comœdijs hunc ipsum numerum explet. Quare id tantummodo sibi velle arbitror Hora-
tium;

tium; vt si plures inducantur, quam tres, non loqui laborent multum ex, quæ supra tres inducuntur, sed pauca loquantur. Quantum enim attinet ad antiquos illos Græcorum Comicos, exploratissimum est, nullam ijs religio em fuisse, quatuor, interdum etiam plures simul loquentes inducere. id quod potissimum ex Aristophanis Ranis vide ri potest, cum excitatur cadauer: ex Pluto, in fine: ex Auibus prope modum ubique.

Multa sunt, quæ de scenis præcipiant antiquitatis viri peritissimi. Ac primo quidem loco. ne vllus Actus vltra septimam producatur scenam. Secundo. ne sæpius, quam quinques eadem persona veniat in proscenium. quæ præceptio Donati quidem est: sed Danus tamen in Andria sæpius exit. Tertio. vt initiu[m] scenæ fiat interdum ab omnium, qui locuturi sunt, interdum ab vnius, interdum ab aliquorum ingressu, interdum ab eo, qui ingreditur, & ab eo, qui remanserat è proximè superiore scena. Quarto. vt terminetur interdum ex omnium discessu, interdum ex abitione vnius, aut aliquorum. nam qui reliqui sunt, nouam constituunt scenam. Quinto. vt persona vel nihil, vel perparum loquantur cum populo, & spectatoribus. Quamquam enim facit hoc interdum Plautus, facit tamen ex antiquo Græcorum exemplo: quos iam diximus fuisse castigatos, & expolitos à nouis. In quo tamen amplior est permittenda licentia vltimis illis personis, quæ claudunt Fabulam, spectatoresq. dimittunt, & postulant plausum. Habent enim propterea necesse loqui cum populo, sicut Prologus, qui petit attentionem. Differunt tamen eo nomine, quod Prologi partes agit is, qui numquam postea inducitur in Fabula. conclusio verò, & dimissio spectatorum è Theatro permittitur alicui scenorum: vt in Andria, Dauo.

Non expectetis dum exceant huc. intus despondebitur.

Intus transfigetur si quid est, quod restat. plaudite.

Sed tamen has partes apud Plautum sæpè non Actorum aliquis agit, sed Grex. Ita inuenierunt inscriptam Afinariae, Captiuorum, aliquarumque aliarum Comœdiarum clausulam illam postremam ij, qui Plautum emendarunt. G R E X. Nam in illo codice, qui veteribus commentarijs Bernardi Saraceni, & Petri Vallæ fuit illustratus, non legitur inscriptum Gregis nomen: sed hoc. R E C I T A T O R. quod ipsi ad hunc modum, & his verbis interpretantur. Loquitur Comœdia recitator, finem facturus Fabula. Itaque istorum opinione videatur fuisse à ceteris distinctus Actoribus, & Prologo similis ille, qui Fabulam claudit, & spectatores dimittit, apud Plautum. Et profecto sic etiam necesse est diuinare, si Gregem reponere pro Recitatore velimus. Neq. enim Grex ille loquitur vñquam, aut aliiquid agit in Comœdia. Dedit igitur has illi partes Plautus; vt quemadmodum Prologus

logus nihil agit in Fabula, sed Poëta, Actorumq. nomine benevolentiam tantummodo captat, & poscit attentionem, sic etiam ultima hæc persona, immo plures fortasse personæ, vna loquente, Comœdia finem imponant, & Actorum eorundem nomine veniam deprecentur, dimittant humanissimè spectatores, & indicium approbationis efflagitent, plausum.

*Quid in singulis sequendum, & faciendum
sit Actibus. Caput XXI.*

PRÆTER eas, de quibus dixi, partes quantitatis in Prologum, Actus que distributas, alias Grammatici fecerunt tres, sine quibus constare Fabula non potest. Hæc non tam ab ijs seiunctæ sunt, quam ea runderem dotes quædam esse videntur, & qualitates, quibus Actus ipsos imbui quodammodo, atq. ornari necesse sit. Igitur hæc earum nomina sunt. Protasis, Epitasis, Catastrophe. quæ à nobis explicanda, atq. interpretanda esse intelligimus singula.

Protasis est prima illa Fabula pars, in qua proponitur, & enarratur summa rei, sine declaracione futuri exitus. Itaq. ne longum faciam, Protasis priorem exponit Comœdiæ partem, & periculum intentat, sed tamen eiusdem Fabulæ partem alteram, & quidem potissimum, hoc est exitum, & solutionem reticet; vt suspensione, atq. ignoracione spectatoribus auditatem exitus ingerat, qui ad catastrophen usque producitur. Sed quorsum hæc Protasis adhibetur, dicet alius? non ne satis in arguento, atque in Prologo exposita summa est Fabula? Non est satis. est enim expositio illa sic brevis, atq. ita concisa rerum gerendarum indicatio, vt non tam satiare auditoris animum, quam accendere cupiditate rei futuræ videatur. Alia igitur adiungenda est significatio copiosior, & planior. Exemplum Protasis in Andria sic est. Cum amaret Pamphilus Glycerium, eq. iam grauidæ iurata fide pollicitus esset, ducturum se illam vxorem; pater, qui filium ijs ambris teneri compererat, de illo abstrahendo cogitat à Glycerio. Simulat igitur, ei se vxorem daturum virginem, Chremetis filiam. Is cum & patrem vereretur, & Glycerium deserere putaret impium, pendet animi, nec inuenit quò se vertat. sed cum inaudisset à seruo, nuptias illas simulare patrem, promittit, patris se facturum imperata. Itaque prior Comœdiæ pars indicat, & intentat periculum, quod imminet Pamphilo, si pater verè velit eum vxorem ducere.

Epitasis est innolutio ipsa, & perturbatio rerum omnium. in qua suspicione augentur, & pericula. Maxima igitur hic adhibenda cura est, & diligentia, vt tota rei series, quasi quibusdam anulis intexta cœta,

tena, ducatur cursu perpetuo . sic prorsus, vt postrema medijs, media primis ex aequo, ac proportione respondeant : semperq. vnum nascatur ex alio ; nec inferatur quicquam, quod ex ijs, quæ iam antecesse, necessariò non consequatur . Ut ergò dicatur in summa, Epitasis continet quicquid inter Fabulæ propositionem , & eiusdem clausulam intercedit. Epitasis exemplum ab eadem Andria duci sic potest. Cum sparsus iam de nuptijs Pamphili rumor peruenisset ad ancillas Glycerij, suspicionibus, & turbis impletur Fabula. Ad hæc pater Pamphili, quoniam ab eo consensionem extorserat , cœpit verè , ac serìò cum Chremete agere de matrimonio , & rem facilem impetrat . Hoc igitur modo periculum augetur, & texitur nodus.

Catastrophe est exagitati negotij conuersio in tranquillitatē non expectatam, ac propterea Fabulæ dici debet exitus, & absolutio . cuius paradigmata ita peti potest ab eadem Comœdia . Insistit Pamphili pater, & nuptias vrget ad exitum. Itaq. res processisset, nisi casus, qui sèpè plus potest, quam ratio, dubijs rebus interuenisset. Adebat repente quidam Crito, qui docet, Glycerium esse filiam Chremetis, atque ita nuptiæ ex Pamphili sententia fiunt . altera Chremetis filia destinata iam Pamphilo, datur Charino adolescenti , qui eam deperibat. Sed illud hoc loco querere necesse est : An hæc conuersio ea semper esse debeat , quæ tranquillitate , ac exitu felici concludat Fabulam. Nam de Tragœdia diximus ex Aristotele, non semper eiusmodi Fabulæ mutationem sic in contrariam fieri debere partem , vt terminari exitu felici non possit , modo ingens aliquod periculum antecesserit. Inde, inquam, oritur hæc quæstio . An aliqua etiam Comœdia probabilis sit, quæ tristem, atq. infelicem exitum nanciscatur .

Respondeo itaque, Catastrophen, & conuersionem Comicæ Fabulæ in secundum, florentemq. rerum statum fieri plerumq. oportere : sed posse tamen alias finiri nonnulla tristitia leui , & exitu minus læto terminari, modo antecesserit risus, & iocus, qui à Comœdia separari non potest . Huiusmodi mihi videtur esse Afinaria Plauti . Cuius postrema clausula est maritus ætate confectus , & bene senex ab vxore deprehensus cum pellice : qui profectò senex risum sic mouet, vt ipse tristitiam habeat, & exitum rerum suarum minus felicem. Huiusmodi est Miles glriosus. qui captus, coniectus in vincula, vapulans, habitu supplici Fabulam claudit . hæc autem tristia sunt militi glorio- so, tametsi populo risum mouent . Huiusmodi denique est Perla ; quæ Comœdia finitur item suppicio sumpto de lenone , additis præterea minis, quæ hominis mœrorem augerent, nec populo magnū risum excitaré. Hac demū quæstione submota cōcludamus hisce de partibus omnia in hūc modum. Protasis in primo tractatur actu. Epitasis in se- cundo, & tertio. Catastrophe inchoatur in quarto, perficitur in quinto.

Vnum

Vnum esset addendum de Agnitionum generibus varijs , quæ ponuntur , & accident in extrema Catastropha . Sed non sunt hic iteranda quæ diximus cum de Catastropha Tragœdiæ disputauimus . est tamen affirmandum hic illud : Tragœdiæ quidem sine Agnitione quoque laudabilem esse ; Comœdiæ tamen , si careat Agnitione , vix esse probabilem . Nam quæ sunt apud Plautum eiusmodi , Asinaria , Aulularia , ceteræ , videntur esse frigidiores . quod quia penitus intellexit Terentius , sibi melius cauit , atque in rationem suam consuluit sapientius .

*De Fabulis illis, quæ dictæ sunt à nouis scriptoribus
Tragicocomœdiæ. Caput XXII.*

CVm has Tragicocomœdias nominamus , eas intelligi volumus , quæ personis grauissimis , infimisque , aut etiam Satyris vnâ permisisti , confusoq. simul Tragœdiæ , Comœdiæq. fine ex commiseratione , ac risu conflato , quoddam nobis Fabulæ genus proponere videntur , cuius neq. vlla mentio apud Aristotelem sit , neque apud veteres poëtas exemplum probabile . Quamquam enim multi ex antiquis illis poëtis , qui pluribus annis Aristotelem antecesserant , ex personarum illa mistione coagmétatas aliquas fecere Fabulas , vt supra commemorauimus , eas tamen in ipsa Comœdiæ definitione damnauit idé Aristoteles , cum Comœdiæ deteriores personas , Tragœdiæ meliores assignauit . De illa verò finis vtriusq. tam distracti compositione nihil est , cur multa dicamus ; cum non modò ab Aristotelis auctoritate , atque ab antiquorum exemplis , verum ab ipsa quoque ratione videatur aliena .

Nihilo minus tamen vnuis Aristotelis in cap. poët. xj. videtur esse locus , qui mentionem aliquam huiusmodi poëmatis habere fortasse queat . Sed vt diximus in libello de Trag. cap. xxj. in fine , locus ille v cum sit obscurior , in aliam trahitur sententiam ab interpretibus , & causam hanc tueri non potest , quia eiusmodi Fabulas , quas ibi commemorat , suo suffragio damnat , nec probari ait , nisi ab imperitia Theatrali , hoc est ab imperita Theatri multitudine , ad cuius se se fingunt voluntatem assentatores poëtae .

Exemplum etiam aliquod huiusmodi Tragicocomœdiæ videtur esse præsertim in Euripide : qualis est Cyclops . Habet enim duplēm ordinem personarum ; & tota Fabula vñum est , tota iocus , & risus ; ad extremum lato etiam exitu terminatur , cum Vlyssis socij liberantur . Quare si quarundam grauitatem personarum excipias , Comœdia dicenda videtur , si earundem illam grauitatem attendas , Tragœdia .

Quid ni ergo Tragicocomœdia sit? Sed hæc Fabula inter Satyricas
referenda Tragœdias est: in quibus Satyri, Sileniq. sic inducebantur,
ut inductos in Cyclope videmus. Satyros tamen explosit aliquando
tandem Tragœdia, & noua Comœdia non admisit. Possimus adeo iu-
re dicere, huiusmodi Fabulas ab Aristotele fuisse repudiatas: qui ve-
teribus illis dramaticæ poëseos antiquatis legibus, definitionibus tra-
ditis egregijs Tragœdiæ, Comœdiæque, noua dramaticæ poësi iura
condidisse videtur.

Itaque si quis velit tamen hoc genus Tragicocomicum sequi, atq. in scenam proferre, tueri se aliqua ratione potest, apertè, planèq. profitendo, velle se, vel antiquorum illas veteres Fabulas recoquere, quæ ab Aristotele leges non acceperant; vel extundere nouum genus, quæ admodum fecit in Flore Agatho. qui Fabulam illam fictis nominibus personarum, fictoq. prorsus argumento, ausus est proferre primus novo artificij modo: nec tamen damnatus est ab Aristotele propter nuditatem: immo verò est approbatus eo nomine, quod illa Fabula vulgo placeret; vt in commentario de Traged. diximus cap. xxij. Videntur enim Aristoteles significare, populi voluntatem, & voluptatem, aliquam posse poëtis ad excogitanda noua dramata veniam dare.

Sed quā fiet, ut risus cum misericordia, & dolore misceri queat? Dixerim, ea ratione misceri posse, qua frigus attemperatum calorem patitur, attemperatus calor frigus, algoremque non omnino depellit. In quo genere fortassis ea composuerunt Graci, quæ κλαυσηλωτα nominarunt.

De Comœdijs illis, quæ Pastoritiæ nominantur.
Caput XXXIII.

Libet ad extremum id etiam inuestigare, ac quærere. vnde nam illæ pastoritix Fabulae, quæ totum iam occuparunt Theatrum, promanarint. Neque enim apud antiquos aliquas illis scimus fuisse similes, nisi quas paulo ante Tragœdias Satyricas appellauimus. Sed tamen ab illis Satyricis Tragœdijs haec nouæ pastoritiae differunt: quia sæpè nullos inducunt Heroas, aut Deos, nullos Satyros, ac Paniscos, sed pastores tantum, agricolas, rusticanos, aliquas Nymphas. Necesse igitur est aperire primum fontes, vnde fluxerunt haec Fabulae. deinde videre, ac querere, num probanda sint, retinendæq. videantur.

Vetustissimum sane poëmatis genus ex antiquissimo viuendi more ductum sine dubio est , cum poësis ipsa nihil aliud quam humanarum actionum, hoc est humanæ vitæ quedam imitatio sit. At viuendi præsca genera fuere tria, ut disputat Iulius Scaliger, pastoris, venatoris,

3x3-

aratoris. Venatores quia semper in motu, cursuq. sunt, videntur à studio cantus abhorrere, ac propterea nullum imitationis, hoc est, nullum carminis genus excogitarunt. Reliqua ergo duo viuendi genera cantiones, versuq. meditata principio sunt. Ac pastores quidem multo fortassis id ante fecere, quam aratores, quia priores ætate fure, quemadmodum Varro docet, & ex Thucydide intelligi potest. Huc accedit, quod cum hoc inuentum solutos, ac remissos habuerit autores, à pastoribus potius manare debuerit, qui sapissimè sunt otiosi, quam ab aratoribus, qui plerumque, ac penè semper versantur in opere. Videtur igitur inuenta primum modulatio quædam, & cantus à pastoribus, vel inductione naturæ, vel auicularum, arborumq. sibilantium imitatione; vt Lucretius autumat in lib. v.

At liquidas auium voces imitarier ore

Ante fuit multo, quam levia carmina cantu

Concelebrare homines possent, auresq. iuuare.

Et Zephyri caua per calamorum sibila primum

Agrestes docuere cauas inflare cicutas.

Inde minutatim dulces didicere querelas,

Tibia quas fundit digitis pulsata canentum,

Auia per nemora, ac silvas, saltusque reperta

Per loca pastorum deserta, atque otia dia.

Et sanè, vt Plinius in lib. x. cap. xxix. demonstrat, tanta in vna luscinia modulatè canendi vis est, vt omnes Musicorum leges, & modi inde hausti esse videantur. In hac vna, inquit, perfecta musicæ scientia modulatus editur sonus: & nunc continuo spiritu trahitur in longum, nunc variatur inflexo, nunc distinguitur conciso, copulatur intorto, promittitur reuocato, infuscatur ex inopinato. interdum & secum ipse murmurat; plenus, grauis, acutus, creber, extensus, &c.

Ex his ergo cantibus auicularum cum otiosi pastores modulandi rationem aliquando certam didicissent, addiderunt modulis versuni, & numerosa verba, quæ fleterentur ad tibiam. Et quoniam tota hæc ars erat imitatio quædam, imitari eius beneficio coeperunt ea, quæ ipsis notiora erant, atq. in oculos continenter incurrebant; hoc est pastorum amores, & iurgia, concilia, & contentiones eorum, quibus cum essent semper, atq. eodem vitæ genere consuescerent. Natæ itaq. sunt ex eo fonte duæ canticularum formæ. altera; cum singuli sub arboris aliquam recepti umbram, à cibo, ac potu, suos canerent amores; quæ species monoprostopos, hoc est vnius tantum personæ loquentis erat; altera, cum vel casu, vel consilio conuenissent ij, inter quos, aut amor, aut odium, aut æmulatio, & riualitas esset. Huius posterioris, quæ plures inducit canentes personas, duos fuisse modos acceptimus: primum; cum sine certo numero, ac sine lege versus funde-

rent : cui non est aliquod proprium impositum nomen; quia vulgaris erat , liber , & naturalis, nec tam arte quæsitus , quam vltro prope modum oblatus . secundum ; in quo sententias reponerent æmulas , quibus versus pari numero responderent . Quare dictum est hoc genus carminis *ἀμοεβαῖον* : hoc est per vices, alternisq. responsio . cuiusmodi videtur esse apud Virgilium in Eclog. iij. vbi vices hasce, ac responses alternas ita pastoribus cantaturis præscribit Palæmon .

Alternis dicetis. amant alterna Camœne.

Et in Eclog. vij. vbi cantus hic amoebæus explanatus , & melius sic ab ipso poëta describitur initio .

Alternis igitur contendere versibus ambo

Cœpere: alternos Musæ meminisse volebant.

Hos Corydon, illos referebat in ordine Thyrsis.

Hæc itaque alternatio canentium pastorum dicta est ab antiquissimis Græcorum amoebæum carmen: quod auctore Festo tum esse dicitur, cum hi, qui canunt æquali quidem numero versuum vtūtur, sed ita se tamen habet responsio, vt aut maius aliquid, aut contrarium dicant qui respondent. Dixerat enim in tertia Damætas aliquid magnum:

Ab Ioue principium Musæ. Iouis omnia plena

Ille colit terras. illi mea carmina cure.

Maius tamen quiddam , & contrarium pari numero versuum Menalca respondet .

Et me Phœbus amat: Phœbo sua semper apud me

Munera sunt lauri, & suave rubens hyacinthus.

Tres igitur huius pastoritæ poëeos fuere formæ . Prima:quam vñus tantummodo caneret. qualis est illa Virgilij Ecloga ij. Formosum pastor: & vltima. Extremum hunc. Secunda forma est, quæ duos quidem, aut plures canentes inducit: sed sine villa contentione de pari sententia, vel de numero versuum . Tertia est illa, quæ certamen hoc, & alternationem , de qua diximus habet . Singulorum materiæ sunt arationes, vendemæ, messes, ligationes, & argumenta quædam viatoria, capraria, ouilia, olitoria: quibus addit Sanazarius ex Theocrito pisatoria . Interdum tamen assurgunt in hoc genere poëtæ, materiasque grandiores aggrediuntur; sed tamen inducunt tunc Pana, vel Silenus filuestrem Deum canentem , à quo tam excellens argumentum alienum esse non videatur . Est enim, vt Plato in conuiuio docet, Silenus reconditæ, ac sepositæ sapientiæ Deus; adeoque Bucolici poëtæ paulo maiora canere , ac filias egredi audent, cum eum inducunt, nec tam suo, quam ore loquuntur sapientissimi, ac prudentissimi Dei: quod Virgil. fecit in Eclog. vj. cui nomen est Silenus .

Igitur ex postremis hisce duabus formis, quæ multas inducunt personas, natæ Comoediæ sunt, quæ pastoritæ vocantur. quod inuentum,

aut

aut ego longè fallor, aut omnino nouitum est. Nam apud antiquos, Theocritum Græcum, Latinumque Virgilium, & postremum etiam Calpurnium Siculum, qui Diocletiano imperatore scripsit Eclogas, non inuenias nisi paucas admodum inductas personas canentes, colloquentesque; & quidem non plures quam tres. Quin earum Eclogarum multæ nullum habent dialogum, & colloquitionem: sed in ijs poëta loquitur ipse per se, numquam mutatus: quod à ratione dramaticæ poëeos est alienum. Quare cùm videamus iam ad iustum Comœdiæ magnitudinem has Fabulas peruenisse, siuimq. habere negotium, & rerum seriem, ac synthesim reliquis dramaticis similem formis, nouum hoc artificium dicendum est, ad parandam animi delectationem, vt cetera poëtarum, excogitatum. Cum enim vidissent Eclogas illas antiquorum simplices mirificè placere, intellexerunt, multo maximè faturum, vt tenerent populum, si producerentur in longum, additoq. negocio, & rerum aliqua constitutione, ac nodo, ex multis quodammodo Eclogis, quasi ex multis Actibus, ac scenis conflatum pastoritum aliquod drama proferretur in publicum.

Est aliis præterea fons, vnde facile huiusmodi Fabulæ natæ sunt; hoc est Satyra vetus, quæ dramatica fuit, & in scenam ab Actoribus illata. Illa quippè suos habuit histriones, & scenam propriam, vt docet Vitruvius, hoc est eam ipsam, quam hi noui pastoritarum architecti Fabularum vindicarunt sibi, ex arbustulis, frondibus, herbis, opere topiario compositam. Satyrica scenæ, inquit ille, ornantur arboribus, speluncis, montibus, reliquis agrestibus rebus in topiarij operis speciem deformatis. Ab hac ergo dramatica Satyra sine dubio hi sumperunt multa: hoc est scenam, Satyros, Silenosque, quos penè semper inducunt: ab Eclogis alia, vt pastores, Nymphas, bubulcos, subulcos, opiliones. Multa verò addidere de suo, & nouum hoc poëeos dramaticæ genus pepererunt, quod magnos habuit processus, & amplificatur in dies.

Fontes vnde fluxit hæc Fabula, vidimus: Quæramus verò nunc an probanda sit, atq. in Theatro cum ceteris retinenda. Ut breuissimè faciam, existimo improbari omnino non posse. Nam & risum habet, quo continetur vis, & natura Comœdiae, & instituit actiones humanas, informatq. hominum mores, aliorum propositis exemplis; quæ utilitas à scena debet in Rempub. emanare. Quod si dicas: nouum hoc inuentum esse, respōdebo, nouum etiam fuisse Florem Agathonis: qui tamen ab Aristotele non est improbatus, vt alibi docuimus.

Vnum tamen est, quod habeat fortasse maius aliquod robur, ac vim. Quid inquam? Sunt quæ singuntur in his Fabulis mutata iam religione minimè vero similia. Satyri enim illi, Nymphæ, siluestresque Dij, quos proferunt, nullam obtinent apud populum fidem, adeoque à

verosimili sunt alieni: quod peccatum in poëtis ferendum non est. Sed dixerim ego, Deoſ illos, ac cetera, quæ falsa esse prorsus, & commen-
titia demonstrauit populo recta religio, proponi tamquam aliqua
symbola rerum verarum, quemadmodum producitur interdum ira si-
mulacrum, aut inuidia. non quòd velit poëta, existimare spectatores,
inuidiam, iramq. corporatas, & aspectabiles esse, sed quòd ita
se melius illis propositurum videat ea, quæ faciunt irati
homines, aut inuidia laborantes. Ac de Comoedia
quidem diximus. nec necesse habemus aliud
addere, niſi excipere Fabulas impudi-
cas, quas exterminandas esse, &
ciuilis sapientium viro-
rum doctrina, & in-
tegra religio
iubet.

**





TARQVINII
GALLVTII
SABINI
E SOCIETATE IESV
D E E L E G I A

COMMENTARIUS.

Elegie antiquitas, & Scriptores.

Caput I.



Voniam id agere decreui, vt Elegiam in bono lumine collocem, ille primum erit eripiendus error, quo plerique decepti, putant, hanc non esse poëeos formam admodum splendidam, atq. spectabilem. Id quod facile consequar, si huius vetustatem carminis, scriptoresq. longè antiquissimos, & grauissimos ducta quasi serie percensebo.

Quamquam Horatius auctorem Elegiæ pri-
mum certo sciri posse negat his versibus,

Quis tamen exiguos Elegos emiserit auctor,

Grammatici certant, & adhuc sub iudice lis est,

aliqui tamen Theoclen, vel Naxium, vel Eretriensem esse volunt: qui mente captus, ac delirus dicitur primus hoc genus fecisse carminis, & pronunciasse. Sunt qui Midam nescio quem inuentorem faciunt; quod cum in funere matris primam Elegiæ syllabam ē, ē, quæ apud

Græcos lamentationem significat, usurpatet, initium huic poëmati dedisse videatur. Illud certè debet exploratissimum esse, antiquos, & quidem nobiles viros in huius scriptione carminis operam posuisse: Solonem, vnum è Græciæ sapientibus, Theognidem vetustissimum, doctissimumq. poëtam, Mennermum, Simonidem Ceum, Callinum, Xenophanem, Philetam, Tyrtæum, Callimachum; & verò etiam Aristotelem philosophorum omnium sine controværsia primum: vt Latinos interea prætermittamus, quasi non sic antiquos: Catullum, Tibullum, Propertium, Cornelium Gallum, & qui omnium habitus est ingeniosissimus, Ouidium Sulmonensem. Quamuis autem ambigi iure possit, an eorum multi, quos initio dixi, veram Elegiæ formam attigerint, rem tamen hic ad viuum non reseco, sed quicquid Elegiacis numeris scriptum est, id ego vniuersim Elegiæ nomine comprehendo; de his accuratius, ac subtilius in loco explicaturus. Placet itaque nunc, ipsam vocabuli notationem, atque Elegiæ veram etymologiam quaerere: vt facilius intelligatur id, de quo disputatur.

Notatio Nominis. Caput I I.

SVidas quidem Elegiæ notationem, ac etymon se nescire planissime profitetur. Sed tamen sunt, qui dictam velint ~~επέντειον τηλεγένης τελεγέντας~~, hoc est ex eo, quod mortuis illo carmine bene precarentur, eosdemq. laudarent. In funere enim tantummodo antiqui, vt infra dicetur, vtebantur Elegia. Hanc tamen etymologiam nemini placere video: non Robertello, non Scaligero; non alijs, qui hoc argumentum ad hanc diem vsq. tractarunt. Appellataam putat Simplicius ~~επέντειον λέξεων~~, quod est commiserationem implorare, vel ~~επέντειον λέξεων~~: quod est heu, heu, dicere. Quæ quidem interiectio ita Græcorum Tragicis visitata est, ac familiaris, vt nihil apud eos communius sit. quamquam interdum non ~~επέντειον~~ per epsilon illi scriptam eam interiectionem reliquerunt, sed per alpha iota ~~επέντειον~~; cui tamen eadem subiecta notio est, neque aliud, quam heu significat. Sic enim Clytemnestra, vt cetera mittamus, ab Oreste occupata lamentatur apud Sophoclem Tragici carminis omnium sententia principem. ~~επέντειον λέξεων~~. Heu, heu, heu, heu nos miseras. Hac igitur lamentationis forma ipsi etiā vtebantur Ele giaci, tum in funebri cantu, tum in amantiū stultis querimonij, quas pro amicarum foribus exponebant. Ceterum nonnullorū opinio fuit, dictam Elegiam esse ~~επέντειον λέξεων~~: non quidem à commiseratione, sed ab aue nocturna, stridula semper, & querula. Vlulā Latini appellarunt: vt vlulatus, & querelas, quas exprimit cantu, ipso nomine significant. Ea fortasse sit, quam noctuam dicimus. quod si verum est, hæc etymologij ratio cadit optimè in funebrem illam conquestionem Elegiæ: cum hæc auis apud Ægyptios hieroglyphicum mortis habita sit, vul-

gatis-

gatissimo etiam poëtarum , atq. historicorum nostrorum testimonio comprobatum: qui à noctua semper aliquid inauspicatum dicunt, ac exitiale portendi . sic prorsus; vt eius cantum, velut lethale prodigiū, hostijs expiari solitum esse tradiderint. Vel illa Propertij carmina id declararunt, quibus Arethusa portenta Lycotæ coniugi in castris degenti malum aliquod obnunciantia se procuraſſe commemorat.

Sine in finitimo gemuit ſtans noctua tigno,

Sen voluit tangi parca lucerna mero :

Illa dies horris cædem denunciat agnis ,

Succinētiq. calent ad noua lucra popæ .

Et profectò Pyrrhus Epirotarum Rex infelici prorsus euentu comprobauit, illam auem esse funestam . Cum enim in itinere nobilis expeditionis aduersus Argiuos, ipsius Regis hastæ repente infedisset noctua, intellexit ille calamitatem futuram : & in eo prælio sic mortuus est, quemadmodum ea feralis ales obnunciarat. His accedit Valeriani Pierij coniectura: qui putat, noctuam in eo signo sculptam, aut depictam fuisse, quod ad illos, qui publico damnati iudicio erant apud Athiopas, à liatore portabatur, ea cum lege, vel consuetudine iam inueterata, vt statim signo illo conspecto, damnatus quisq. sua sibi manu mortem afferret; magno & sibi, & patriæ dedecori futurus, nisi fecisset. Quæ cum ita sint, intelligere facile possumus, hanc etymologicæ rationem eam esse, quæ probet, Elegiam duxisse originem à funere: cum ἔλεος, hoc est, Vlula, cuius cantum imitatur, feralis habita sit, ac funesta . quamquam controverſum videri posset, à funere ne primum initium traxerit Elegia, ac deinde ad amantium querimonias deducita sit, an ab amantium querelis ad funeris luctum consecuto tempore gradum fecerit. Crediderim à funere translatam esse ad amantium commiserationes, ac lamenta . Id quippè significauit in definitione Didymus, cum dixit, Elegiam esse ἐγένετον ἀπό μηνὸς ἀνάδον: luctum siue lamentationem ad tibiam decantatam . Nam cum tibia firmeris propria fuerit, ipsa definitio, qua rei vis omnis, & natura continetur, funus videtur in Elegiam includere propterea, quod ei tibiam adscribit, ad quam præficarum conquestiones, & funera canebantur. Quo fit, vt hæc definitio intelligi perinde possit, ac si ea non sit Elegia, quæ funebrem luctum, ac lamenta non complectatur .

Optimo verò confilio à funere, ad amantium deplorandas insanias est euocata: in quibus quotidiana conquestio, vt ait Scaliger, & mors verissima est: cum vir à se ipso quasi alienus humili feminarum generi viuere videatur . Id vero quacumq. ratione factum sit, prætermitto; illud tantummodo statutū hic volo: Elegiam ad querelas vel præficarum, vel amantium originem suam referre. sic, inquam; vt propterea Latinus Pindarus Tibullū alloquens Elegos miserabiles appellari.

Albi

*Albi ne doleas plus nimio, memor
Immitis Glyceræ: neu miserabiles
Decantes elegos; cur tibi iunior
Læsa pœnitentia fide.*

Quibus ita constitutis, ac positis, de materia dicendum est, quæ tractanda proponitur Elegiæ.

Elegiæ materia. Caput III.

Cum à conquestionibus Elegiam esse natam, ac nominatam habemus exploratissimum, videtur esse consequens, nihil nisi funbre, vel querulum, ac miserandum in Elegiam cadere posse. Et ita profectò esset, nisi antiquorum poëtarum, scriptorumq. grauissimorum auctoritas alia omnia demonstraret: qui nullam penè materiam in qua cetera versantur poëmata, Elegiaco versu tractare dubitarunt: Quapropter existimauerim, initio quidem nihil, nisi lamentabile, numeris Elegiacis esse cantatum, siue amatorium illud fuerit, siue funestum, siue alio nomine triste, ac luctuosum: deinde verò cetera etiam argumenta ijsdem versibus inclusa, & comprehensa fuisse, quæ alio carminis genere tractantur ab alijs. Itaq. argumentum hoc tam amplum, & tam latè patens, quod videmus nunc Elegia tractari, nouum est, & accersitum; proprium verò, antiquum, & quasi primitium, querulum est, & flebile: quod planissimè docet Ouidius in Elegia per nobili de Tibulli morte, confirmans illam esse veram, & propriam Elegiam, quæ versatur in funere.

*Memnona si mater, mater plonauit Achillem,
Et tangunt magnas trifia fata Deas;
Flebilis indignos Elegeia solue capillos:
Ab nimis ex vero nunc tibi nomen erit.
Ille tui vates operis, tua fama Tibullus
Ardet in extructo corpus inane rogo.*

Eodem sanè modo suas ipse calamitates philosophus bonus, ac poëta non malus deplorans Boëthius, haud dubiè demonstrat, Elegiam quasi propria quadam nota distingui à ceteris luctu, & querimonia velle.

*Carmina qui quondam studio florente peregi,
Flebilis heu mœstos cogor inire modos.
Ecce mihi lacera dictant scribenda Q amoena,
Et veris elegi fletibus ora rigant.*

Non tamen id propterea dico, quòd credam, argumenta flebilia, tristia, funebria Elegiæ propria sic fuisse, ut nulla prorsus alia poëmatis forma

forma canerentur. Scio enim eandem sibi materiam sumpsiisse etiani Threnos, qui latinè luctus dici possunt: qualis est ille cantus, quo Hieremias sanctissimus vates dolenter admodum excidium Hierosolymæ, vrbis nobilissimæ lamentatur. cuius quidem carminis auctorem Linum Ethnicorum nonnulli esse voluerunt. Nec aliud profectò fuit argumentum Næniarum, quæ lugubri cantus inflexione ad feretrum admotæ sunt, atq. ad funus adhibitæ. Quamquam enim illas paulo superiori memoria Iouianus Pontanus traduxit ad nutricias cantilenas, non est tamen secutus antiquum, & proprium Næniarum argumentum; sed voluit illis dare nouum pro arbitratu, eo permotus consilio, quod in Italia nutrices populari lingua cantiunculas illas, quibus somnum pueris conciliant, Nænas appellant. Itaque apud illum nutricula somnum sic euocat ad Lucilij cunas.

Somne veni, tibi Luciolus blanditur ocellis:

Somne veni, venias blandule somne, veni.

Luciolus tibi dulce canit somne optime somne:

Somne veni, venias blandule somne, veni.

Luciolus vocat in thalamos te somnule, somne,

Sommule dulcicule, blandule somnicule.

Ad cunas te Luciolus vocat: hic age somne:

Somne veni ad cunas: somne age, somne veni.

Ad cubitum te Luciolus vocat; eia age somne,

Eia age somne veni, blandule somne veni.

Luciolus te ad puluinum vocat, in stat ocellis:

Somne veni, venias somne age, somne veni.

Luciolus te ad complexum vocat, innuit ipse:

Innuit, en venias somne age, somne veni.

Venisti bone somne, boni pater alme soporis,

Qui curas hominum, corpora q. agra leuas.

Sed hoc Næniarum genus nouum est, vt diximus, à Iouiano Pontano excogitatum: cum Nænia funebre carmen sit, neq. multum ab Elegia distare videatur. Quo loco illud etiam dicere oportet; ad hoc genus pertinere quoq. Monodiam, hoc est solitarium cantum, in quo solum affectum, & lamentationem posuerunt, θορυβία verò, hoc est morum effictionem, & prosopopœiam planè nullam. Hoc argumentum, atque hanc poëseos formam tractauit Sapho, nobilis illa poëtria, quæ multis dicitur scripsiisse Monodias, ac propterea cantum Missolodium, inuenisse, vt docet Patritius in Poëtica. quo de genere videtur esse, cantus ille, quem Politianus arctioribus solutum numeris, ac proponendum exlegem in obitu Laurentij Medicei scripsit, reliquitque posteritati.

Quis dabit capiti meo

Aquam?

*Aquam? quis oculis meis
Fontem lacrymarum dabit?
Vt nocte fleam.*

*Vt luce fleam.
Sic turtur viduus solet,
Sic cygnus moriens solet,
Sic luscinia conqueri.
Heu miser miser.
Heu dolor dolor.
Laurus impetu fulminis
Illa, illa iacet subito
Laurus omnium celebris,
Musarum choris,
Nympharum choris.*

*Sub cuius patula coma
Et Phœbi lyra blandius,
Et vox dulcissimis infonat.
Nunc muta omnia,
Nunc surda omnia.
Quis dabit capiti meo
Aquam? quis oculis meis
Fontem lacrymarum dabit?
Vt nocte fleam.
Vt luce fleam.*

Huius imitandi carminis studio nos etiam abrepti, quædam olim in Mariæ Magdalena Metanæ lusimus, vt leuissimè dicam, iuueniliter. Ea quæcumq. sunt, publicis typis, hoc est hominum iudicio sunt permissa: quorum arbitrium est, constituere quid eo conatu simus assecuti. antiquum certè nos carminis argumentum, & poëtam haud ignobilem Politianum secuti sumus imitando. Ceterum, vt ad institutum reuertar, hæc omnia poëmata locum in funere, & quidem initio, in solo funere obtinuerunt: Threni, Monodiae, Naniæ, ac Elegia. Elegia tamen traducta postmodum est ad amores, atq. ad amantium tristes insanias exprimendas, quales sunt, vt de Græcis hoc loco taceam, Ouidij, Tibulli, Propertij conuestiones. Quid enim aliud illa Propertij sibi volunt in libro tertio, Elegia duodeuigesima?

*Hæc certè deserta loca, & tacitura querenti;
Et vacuum Zephyri possidet aura nemus.
Hic licet occultos proferre impune dolores,
Si modò sola queant saxa tenere fidem.
Vnde tuos primum repetam mea Cynthia fastus,
Quod mihi das flendi Cynthia principium?*

Quid

Quid illa Tibulli, quibus Elegiæ septimæ libri tertij ita ducit exordium?

*Hei mihi difficile est imitari gaudia falsa,
Difficile est tristis fingere mente iocum;
Nec bene mendaci risus componitur ore,
Nec bene sollicitis ebria verba sonant.*

Quid denique illa, quæ in Ouidianis epistolis expostulant Heroides, Dido, Hypermnestra, Ariadna? Nihil his fieri potest luctuosius, nihil Elegiacis versibus accommodatius. Ita igitur à funere digressa tantisper Elegia, in amoribus initio sic versabatur, ut nihil nisi amantiū querimonias amplectetur. Factum deinde paulatim est, ut etiam gaudium, animique lætitiam, quam amantes præ se ferebant, vbi voti compotes fuissent, eodem genere carminis exprimerent, quo dolorem antea lamentati erant. Docet enim hæc planissimè duobus hisce versibus Horatius in poëtica.

*Versibus imparibus iuncta est querimonia primum,
Post etiam inclusa est voti sententia compos.*

quasi dicat; initio quidem Elegiam à funere traductā, atq. adhibitam fuisse ad amantium querimonias significandas; sed postea illos ipsos, vbi amicarum animum peruciissent, Elegiacis versibus animi lætitiam expressisse. Prolatis hoc modo Elegiæ finibus, & quasi pomœrio amplificato, cum diu, multumq. in rebus amantium lætis, prosperisq. versata esset, ita licenter, ac liberè postremò vagata est, ut nihil proprium Elegiaco carmine scriptum non sit. Nam Solonem, vnum è Græciæ sapientibus, & quidem principem, Diogenis Laertij testimonio, leges Atheniensibus Elegiaco versu descripsisse accepimus. Cuius fortasse carminis mentionem facit Demosthenes in orat. *περὶ γέροντας*: certè laudat Solonis Elegiam. Hunc verò morem scribendarum poëtico numero legum indicauit Aristoteles in Problematis eo loco, vbi quaerit, cur multæ leges appellatae sint cantiones, respondetque id fuisse factum, quod illæ leges poëticis modis, ac versibus canerentur in vrbi vijs, atq. in foris à pueris ipsis; ut facilius in aures audientium influerent, ac pertinacius animis inhærescerent. Extar præterea eius consuetudinis insigne testimoniu Athenæi, qui causam adprobat eandem, cur leges olim versibus scribebentur. Ait enim, hoc ideo factum, ut facilius & comprehendenterentur animo, & memoria retinerentur. Quapropter Arift. in poëticis, vbi de his subtilius disputat, inter ceteras poëticæ formas etiam *vocum*, hoc est legum poësim adnumeravit, eamque solitam ait fuisse res imitari sermone, rhythmo, atque harmonia. Hoc autem poëeos genus, quod à legibus ita nomen inuenit, diciturque præterea *vocum*, non debere ab Elegia distingui, pluribus à me demonstrabitur alio loco, vbi statuendum erit,

erit, ad quam Poëticæ formam Elegia reuocanda sit. In præsentia tamen id veluti certum, exploratumq. ponatur : Elegiam ita liberè vagatam esse, vt ne leges quidem, quæ sunt Philosophorum ciuilium argumenta, recusarit. Quid quod bellicæ quoq. res Epicorum propriæ versibus Elegiacis scriptæ sunt? Testatur hoc vel ipse Tyrtæus : qui tametsi claudus esset, gibbosus, luscus, deformis in paucis, ac ludi magister, militiam tamen nescio quo casu secutus, copijsq. tandem aliquando præfectus, adeo militum suorum animos Elegiaco carmine, quasi belli classico incitauit, vt in hostem non iam ferri consilio, sed cæco quodam impetu veluti furentes ruere viderentur. Rem ita perstrinxit Horatius in arte, vel epistola nobili ad Pisones.

Tyrtæusq. mares animos ad Martia bella

Versibus exacuit.

Quem sanè Tyrtæum Elegiarum fuisse scriptorem docuit ex Lycurgi oratoris auctoritate Harpocration, vt est apud Gyraldum in Historia poëtarum, & cognosci potest ex ijs huius poëtae versibus, qui apud Stobæum hodieq. leguntur. Testatur præterea quæ diximus Mimnermus quidam, siue Mnimermus, qui Smirnensem, Gygisq. bellum Elegia complexus est. Testatur Ceus ille Simonides: qui facta Cambysis, ac Darij superioris, Græcorumque naualem pugnam cum Xerse ijsdem planè numeris decantauit. quos secutus Callinus totum Cimmeriorum bellum modulatus est Elegis. Immo vero ipsam quoq. rerum naturam, ipsos mores, ac moralis Philosophiaæ præcepta sibi deum vindicarunt Elegiæ scriptores. quorum primum à Xenophane, alterum à Philone, ac deinde à Theognide, homine sapientissimo, factum est: cuius etiam nunc libellus moralis argumenti circumfertur, & legitur.

Hæc igitur à Græcis ita licenter, vt exposui, versibus Elegiacis trætata sunt. quorum exempla nostri libenter amplexi, nihil in eo genere intentatum reliquerunt: sic prorsus, vt ipsam quoq. humanæ vitæ breuitatem, inconstantiamque, philosophorum more sèpè proponant deplorandam. Propertius hoc egregie in libro tertio, Elegia sextadecima præstítit. ubi Marcelli obitum ad Baias, qui fuit Octauij Augusti sororis filius, grauissimo sanè carmine conquestus est.

Occidit: & misero steterat vigesimus annus:

Tot bona tam paruo clausit in orbe dies.

I nunc, tolle animos, & tecum finge triumphos,

Sstantiaq. in plausum tota Theatra iuuent.

Attalicas supera vestes, atq. omnia magnis

Gemmae sint ludis: ignibus ista dabis.

Sed tamen buc omnes: hic primus, & ultimus ordo:

Est mala, sed cunctis ista terenda via est.

Quin

Quin habet præterea multis sanè locis hic Vmber poëta præceptio-
nes admirabiles, in omni vitæ parte salutares; temperantia leges, de-
testationem libidinis, auaritiæ reprehenzionem: qualis est illa Elegiæ
sextæ, libri tertij, quæ scribitur in mortem Pæti.

Ergo sollicitæ tu causa pecunia uita es.

Per te immaturæ mortis adimus iter.

Tu uitij hominum crudelia pabula præbes,
Semina curarum de capite orta tuo.

Cui concinit alter Elegiarum scriptor Tibullus, tum alibi sæpè, tum
in libro præsertim tertio, ubi modestiam, frugalitatem, vitam deniq.
comendat antiquorum, ab omni auaritiæ studio prorsus abhor-
rentem.

Quam bene Saturno viuebant Rege, priusquam

Tellus in longas est patefacta vias.

Nondum cœruleas pinus contempserat undas,

Effusum ventis præbueratque sinum.

Non acies, non ira fuit, non bella: nec ensem

Immiti sauvus duxerat arte faber.

Nunc Ioue sub domino cades, & vulnera semper;

Nunc mare, nunc lethi mille repente viæ.

Dixerim in summa; ea omnia Elegiacorum esse poëtarum argumen-
ta, quæ à Lyricis ipsis tractantur in Odis. Interdum enim somnia de-
scribunt; id quod à Propertio factum est in libro tertio, Elegia se-
cunda.

Vixi eram molli recubans Heliconis in antro,

Bellerophontai quæ fluit humor equi.

Et à Tibullo in libro tertio, Elegia quarta.

Dij meliora ferant, nec sint insomnia vera,

Quæ tulit hefterna pessima nocte quies.

Interdum viros egregios, ac Principes quasi panegyricis quibusdam
exornant. id quod fecit item Propertius in libro tertio, Elegia
octaua.

Mecœnas eques Etrusco de sanguine Regum,

Intra fortunam qui cupis esse tuam.

Interdum vota concipiunt, ac futurum triumphum, vel vaticinando,
vel narrando describunt. Vaticinatur enim Propertius in libro ter-
tio, Elegia quarta.

Arma Deus Cæsar dites meditatur ad Indos,

Et freta gemmiferi findere classe maris.

Magna viri merces; parat ultima terra triumphos,

Tigris & Eusrates sub tua iura fluent.

Narrat autem Tibullus in libro primo, Elegia septima.

*Hunc cecinere diem Parcae fatalia nentes
Stamina, non ulli dissoluenda Deo.*

*Hunc fore Aquitanas posset qui fundere gentes,
Quem tremeret fortis milite vicit Arar.*

*Euenere nouos pubes Romana triumphos
Vidit, & euinctos brachia capta duces.*

Interdum Deos implorant, eorumq. laudes, ac sacrificia molli numero persequuntur. Propertius in libro tertio, Elegia decima sexta.

*Nunc o Bacche tuis humiles aduoluimur aris:
Da mibi pacato vela secunda Pater.*

Tibullus Elegia sexta, libri tertij.

*Candide Liber ades, sic sit tibi mystica vitis;
Sic hedera semper tempora vineta feras.*

Interdum pugnas, & prælia canunt: vt Propert. in libro quarto, Elegia sexta: cuius initium est.

Sacra facit Vates, &c.

Est Phœbi fugiens Athamana ad littora portus,

Quæ sinus Ioniae murmura condit aquæ.

Aëlia Iulææ pelagus monumenta carinæ,

Nautarum votis non operosa via.

Huc mundi coiere manus: stetit aequore moles

Pinea, nec remis aequa fauebat anis.

Interdum antiquas Fabulas, ducta, perpetuaq. narratione describunt; quod legimus apud Propertium in Vertumno; multoque maximè in Tarpeia. Deniq. Ouidius hoc poëticæ genere omnia omnium rerum argumenta comprehendit. nam Tristium libris, ac de Ponto, nonnullisq. alijs exceptis Elegijs, quæ ita flebiles sunt, vt in ijs veram, atq. antiquam Elegiæ formam agnoscas, in ceteris adeo se liberè iactauit, vt quiduis aliud potius, quam Elegiam scribere videatur. In Ibin., quasi Diras, non Elegiam scribebat, maledicit. In Fastis, Annalium quidem, sacrorumq. descriptionem habet, & Fabularum doctrinam; sed nihil omnino, quod veteri simile sit Elegiæ. In libris de remedio nihil nisi documenta, legesq. cantauit. Ceterum, vt Elegia liberè, licenterq. vagari possit, amores tamen in hoc poëma videbantur antiquis, ac maioribus nostris aptius cadere. hoc enim in argomento ita versati sunt, vt Ouidius ceteris descriptis poëseos formis, hunc ad modum depingat suis quasi coloribus Elegiam.

*Venit odoratos Elegeia nexa capillos,
Et, puto, pes illi longior alter erat.*

*Forma decens, vestis tenuissima, vultus amantis;
In pedibus vitium causa decoris erat.*

Hoc enim amatorio carmine ad amicarum expugnandas fores vteban-

bantrur, vt significat idem Ouidius, cum Elegiam Tragœdix anteponit, his verbis.

Quam tu non poteris duro referare cothurno,

Hæc est blanditijs ianua laxa meis.

quod quidem ad Latinos à Græcis fontibus, vt cetera, ductum est: apud quos Elegorū poëtae multo ante in amoribus versati iam erant. Nam, vt de alijs taceam, Theognis morum ille præceptor, philosophus verius, quam poëta, hoc argumento se contaminauit. Atq. haud scio, an hunc fecutus postea Marcus Varro Latinus, vir apud Romanos longè grauissimus, ingenium quoq. suum in illo scriptionis genere periclitari voluerit. Video quippè, ab Ouidio in ordinem Galli, Tibulli, Propertij, aliorumq. mollium poëtarum etiam tantum, talesq. virum fuisse relatum. Sic igitur ille suos auditores informat.

Disce etiam dupli genialia nablia palma

Vertere: conueniunt dulcibus illa iocis.

Sit tibi Callimachi, sit Coi nota poëtae,

Sit quoq. vinosi cognita musa senis.

Nota sit & Sappho, quid enim lascivius illa?

Cuiue Pater vafri luditur arte Getæ.

Et teneri possis carmen legisse Properti:

Siue aliquid Galli, siue Tibulle tuum.

Dictaq. Varronis fuluis insignia villis,

Vellera germanæ Pbryxe querenda tuæ.

Et profugum Aenean altæ primordia Romæ,

Quo nullum Latio clarius extat opus.

Forfitan & nostrum nomen miscebitur iſtis,

Nec mea Letheis scripta dabuntur aquis.

Atq. aliquis dicet, nostri lege culta magistri

Carmina, queis partes instruit ille duas.

Deue tribus libris, titulus quos signat Amorum

Elige: quos docili molliter ore legas.

Sed vereor, vtrum hic Varro sit ille Romanus, de quo dixi, an alias Varro Atacinus Narbonensis. Duos enim Varrones hosce fuisse cogit nos putare, ac dicere Sidonius Apollinaris in quarto Epistolarum. Fortasse, inquam, fuit is Atacinus, qui laudatur hic, alibique ab Ouidio, quod scripserit Argonautica, vt in primo Amorum.

Varronem, primamq. ratem quæ nesciet ætas,

Aureaq. Aesonio terga petita duci?

Quicumque tamen is fuit è duobus, non Argonautica modo scripsit, verum etiam amores cantauit, vt in libro secundo Tristium idem docet Ouidius.

Is quoq. Phasiacas Argon qui duxit in undas,

Non potuit Veneris fulta tacere sua.

Romanum quidem fuisse Varronem hunc putat Cataneus in Commentarijs ad Plinium Iuniorem; sed ne me suo inuoluat errore, si fortasse fallitur, volui Atacinum alterum Varronem hic commemorare.

Ex his, vt breuissimè omnia comprehēdamus, intelligere licet quæ nam sit Elegiæ proposita, atq. obiecta materia, quod initio quæsitus erat. Duplicem enim Elegiam constituendam puto: veram, ac propriam vnam: minus propriam alteram, & nonnihil à vera Elegiæ ratione discedentem. Illa nihil complectitur, nisi funera, & querimonias: hæc latissimè patet, & per omnia pertinet. laudat, obsecratur, bella, historias, sacrificia describit: salutaria morum præcepta non praterit, ea deniq. illi assignare, ac permettere possumus argumenta, quæ Scaliger, antiquorum obseruatis monumentis, ei tractanda proponit; laudationem, execrationem, querelam, expostulationem, preces, vota, gratulationem, fletum, conuicium; obiectiōnem vitij, recantationem, propriæ explicationem vitæ, sui cum riuali comparationem, comminationem; ianua, ianitori, ancillæ, matri, marito, tempestibus, cælo ipsi conuicium; exoptationem mortis, exilium voluntarium, cum imprecationibus coniunctam desperationem: epicedia, epitaphia, epistles ipsas, quibus lamenta, vel alia id genus animi sensa explicantur. Elegia enim Propertij duodecima libri quarti, vbi Paulum coniugem Corneliam iam vita funda compellat, epicedion, vel epitaphion est.

Desine Paule meum lacrymis urgere sepulcrum:

Panditur ad nullas ianua nigra preces.

Cum semel æternas intrarunt funera leges,

Non exorato stant adamante via, &c.

Neque ad aliud genus, nisi ad epistles reuocari possit Elegia tertia libri quarti: vbi Lycotam coniugem degentem in castris sic alloquitur Arethusa.

Hæc Arethusa suo mittit mandata Lycotæ;

Cum toties absis si potes esse meus.

Si qua tamen tibi lecturo pars obliter deerit,

Hæc erit è lacrymis facta litura meis.

Aut si qua incerto fallet te littera tractu,

Signa meæ dextræ iam morientis erunt.

Nunc, quod sa penumero in superiori disputatione velut exploratum, certumque proposui, est hic diligentissimè perquirendum; vera ne poëseos forma, & habenda, & nominanda sit Elegia: vt multa quæ subobscure ante dicta sunt, planiora fiant; sitque procliuor omnis de hoc poëmate disputatione.

An Elegia sit vere poësis.

Caput IV.

CVM quærimus an verè poësis sit Elegia, quærimus, an imitatione sit: earum videlicet imitationum aliqua, quibus omnem poëticæ naturam, ac vim Aristoteles circumscribit. Complures enim fuisse video, qui poëticam illam Aristotelis tum in latinam, tum in popularem nostram, tum etiam in Arabum linguam ex Græca conuerterint: permultos qui scriptis, & commentarybus illustrarint suis: Petrum Victorium, Vincentium Madium, Robertellum, Alexandrum Piccolomineum, atq. omnium, vel optimè, vel acutissimè Casteluitrum. Scio præterea nonnullos, paulo superiori memoria, aut etiam nostra perappositi de poësi disputauisse: Minturnum, Iacobum Mazonium, Torquatum Tasium, & qui non multo ante Pisces philosophiam docebat, Franciscum Bonamicum. Hos, inquam, tales, tantosq. viros de poëticæ vi, ac natura sedulò, accuratèq. disseruisse scimus; sed qui eam diceret imitatione non contineri, contrà, quam Aristoteles ipse, contrà, quam Plato in Ione, atq. in Sophista tradidit, scimus eorum fuisse omnino neminem. Sed tamen inuentus est aliquando vñus, qui vellet, poësim imitationis finibus contrahi, ac terminari non posse. Et habet ad id confirmandum rationes, vt ipse putat, haud infirmas: sed tamen grauissimam Aristotelis, Platonisque auctoritatem infirmare non potest. Ceterum cum ipsum imitationis nomen multas, easq. dissimiles habeat notiones, videndum est, quod nam imitationis genus poëticæ tribuant sapientes: vt statuere postremò possimus, an in Elegiam conueniat imitatione.

Imitationem ergo (vt alias prætermittam hoc loco imitationis formas, quas persequitur studiosè Patritius) nihil aliud esse putarim Aristoteli, nisi expressionem, effictionem, similitudinem, atq. exemplum. Ut enim pictores cum effingunt Alexandrum insidentem Bucephalo, certam illam Alexandi habitudinem imitari dicuntur, quam ab informata prius in animo Alexandi sic insidentis Bucephalo notione simillimè describunt, ita poëtae cum Achillem iratum, aut dimicantem faciunt, Achillis iram, ac pugnam imitantur, quarum formas habent in animo consignatas. Quapropter id, quod ab illa poëtae descriptione in lucem existit, quoddam videtur exemplum ab exemplari ductum, expressumue, quod ab animo, atque à ratione, illa principe hominis parte, velut ab architecto compositum est. Sed tamen, quia illa, quæ animo formatur effigies, à certis expressa fuit, & hausta rebus, quas videmus oculis, ac sensu tractamus, poësis esse dici-

tur imitatio, non quidem eius simulacri, quod informamus, & consignamus animo, sed rerum ipsarum, quæ illo simulacro nostris ipsorum animis obijciuntur.

Hinc enim deceptum esse crediderim Patrium, cum pronunciavit, poësim non imitationem esse, sed exemplar, hoc est, ut suspicari licet, illam in animo impressam certarum rerum speciem, ac simulacrum. Hinc etiam hallucinatum video Iacobum Mazonium, qui in ea mentis effigie prima, atq. idea, tamquam in propria, subiecta, materia pugnacissime contendit poëticam versari vniuersam. Quis enim paulo sapientior dixerit, artes, quæ ideis vtuntur, ac formis, eas formas veluti materiam, quam tractent, & in qua versantur, habere propositas, ac non potius ea, quæ ad earum formarum similitudinem arte, manuque componunt? Sed quia complures artes generali quadam imitatione continentur, qualis est pingendi, fingendi, scalpendi facultas, aliæq. huiusmodi, quæ res ipsas, conformatis imaginibus, imitantur, contrahenda est poëtica imitatio, atq. aliqua differentia, notaue ab imitationibus illis, quæ non sunt poëtarum propriæ, secernenda. Quemadmodum ergo ceteræ facultates, qua versantur in actione, distinguuntur plerumq. rebus, de quibus agunt modo, quo agunt, & ijs potissimum, quibus propositum arti finem assequuntur, sic poëtica imitatio rebus distingueda est, tum ijs, quas imitatur, tum quibus imitatur, ac præterea modo ipso, ac ratione, qua res easdem persequitur exprimendo. Ac primo quidem rebus expressis secerni dicuntur ab alijs; quia poëtica imitatio non nisi humanas personas, ac personarum actiones effingit. Neq. enim qui rerum naturam, quod fecit Lucretius apud Latinos, apud Græcos Empedocles, neq. qui pisces, quod fecit Oppianus, neq. qui cœli cursum ac sidera, quod fecit Manilius, exprimunt imitando, verè, proprièque poëta Aristotelis sententia sunt; sed tantum ij, qui humanas nominatim exprimunt actiones.

Distinguitur præterea poëtica imitatio ab ijs, quæ poëticæ non sunt quibusdam quasi præsidij, aut instrumentis, quæ à poëtis ad propositam rem perficiendam adhibentur. Ea sunt ex Aristotele, verba, vel simplicia, vel metrica, saltus, rhythmus, ac sonus, eaque vel coniuncta, vel separata. Quæ res ita imitationem contrahunt, ut nullum tamen poëeos genus imitatione ita contracta non contineatur. Tres enim facit Aristoteles poëticæ formas principes, atque præcipuas, Epicam, Scenicam, Dithyrambicam; cui tamen Lyricam, siue Melicam, ac legum poësim velut appendices, atque accessiones adiungit. Epica res effingit, vel nudis, ut ille loquitur, verbis, vel metro: Scenica, quæ Tragœdiam, Comœdiam, ac veterem Satyram comprehendit, vtitur oratione, & præterea cantu, ac saltu; non tamen omnibus

locis, ac semper, sed tantum in Choris: Dithyrambica, eiq. subiunctæ formæ, verbis, cantu, ac saltu, plane simul, eodem tempore, omnibus locis, ac semper vtuntur.

His addit Aristoteles *καθηριστικὴν, αὐλητικὴν, διθύραμβικὴν*. citharisticam nominat artem pulsandæ citharae: auleticam artem in flandarum tibiarum, orchestricam artem saltandi, chorique ducendi. Neque vero eas, vt mea fert opinio, veluti distinctas poëticæ species enumerat, sed quasi superiorum formarum instrumenta describit: vt videlicet intelligatur, non modo unumquodque poëticæ genus res humanas imitari per se, verum etiam illa, quæ ad vera poëticæ genera quocumq. modo affecta sint, in earundem rerum imitatione versari. Nam citharisticam quidem, atq. auleticam, vniuersèq. musicen ipsam videmus hominum affectus ita sensibus audientium obijcere, vt nihil fieri possit ad impellendos animos accommodatius. Scitum quippè est quod de Alexandro illo Macedone traditur: qui Musicorum cantu, sonoq. permotus, è conuiuio se quasi dimicaturus stricto mucrone proripere, mutatisq. repente numeris ad tranquillitatem iterum componi, atq. ad epulas animo soluto reuerti solitus erat. De solitaria vero saltatione, de qua multò dubitari par est magis, qua ratione imitari, atq. actiones effingere possit, rem longè pulcherrimam aliqui commemo- rant. Memoriae namq. proditum est, Cynicum Demetrium, cui vi- lior esset illa saltandi ars, qua ceteri summopere delectabantur, dictare solitum, hoc artificij genus tibiarum, & fistularum parergon esse quoddam, atque appendicem, neque quicquam omnino spectatorum animis posse significare. Id cum audisset nobilissimus Neronis ea tempestate saltator, & quantum inde declarauit, neq. rerum ignarus, neq. imprudens: quæso, inquit, Demetri, ne tibi graue sit me saltantem tua præsentia cohonestare. Saltaturum enim se confirmabat, nullis aut hominum vocibus, aut citharis accidentibus. id nisi placeret Cynico, vbi spectasset, tum enim uero artificium suum ab eo sperni facile se passurum esse pollicebatur. Accipit optionem Demetrius: compromittit: adeò hora, locoq. condicto. Tum ille qua prædictus erat calliditate, saltare aggreditur Veneris, Martisq. adulterium: Vulcanum à Sole commonitum, utriusque struentem insidias, & rete ferreum ini- ciente; accitos spectaculo Deos, ceteraque huiusmodi, quæ cum fabula illa inuercunda coniuncta sunt. Hæc omnia tam vario, tam artificio, atq. ad rem accommodato gestu, tanta denique, quod difficultum est, perspicuitate ob oculos adstantium posuit, vt irrigor ille Cynicus exclamaret. οὐκοῦ ἀνθεποντὸν ποτέ. οὐχὶ δέοντος, οὐλαζούσον δοκεῖ τοῦ ζερποῦ θυταῖς λαλεῖν. Audio, inquit, οὐ mi homo quæ facis, effingisque. neque enim ea solum ob oculos ponis, verum etiam manibus ipsis mihi loqui videris. Cum ergo musicè ipsa per se, atque saltatio separatim

actiones ita imitarentur, eas artes quasi distinctas poëticæ formas fecisse videtur Aristoteles: sed re ipsa, verèque instrumenta vult esse, non formas. Sunt enim verae imitationum formæ omnino tres: Epica, Scenica, Dithyrambica. quamquam Plato in Sophista duas tantummodo facit imitationis species. *τέρπεσθαι, καὶ φαντασθαι;* icasiticam, & phantasticam. Icasticam earum imitatrixem rerū esse ait, quæ verè, vel ita sunt, vel certè ita fuerunt: phantasticam illarum, quæ pro arbitratu singuntur, & componuntur: quales sæpenumero è multis, ijsque pugnantibus conflatae partibus à pictoribus adumbrantur. Phantasticæ figuramentum à Suida dici videtur idolum, icasiticæ similitudo. Hoc enim de ijs quodam loco scriptum reliquit. *τελείωτα μὲν τὰς τὸ θέατρον υφεστάτα. οἷον Τετράves, καὶ σφῆγγες, καὶ κένταυροι. ὄμοιό μάτα δὲ τὰ τρία υφεστάτα εἴδη μάτα. οἷον Σφίγγες, καὶ ἀνθρώποι.* Idola sunt rerum numquam existentium effigies: quales sunt Tritones, Sphinges, Centauri. similitudines autem sunt rerum existentium simulacra: veluti ferarum species, hominumue. Sed hæc imitationis in icasiticam, phantasticamq. tradita à Platone partitio superiorem illam Aristotelis perturbare non debet. quippe quæ singulas illius partes ita complectitur, vt nulla in hac breuiori diuisione desideretur. Sunt enim qui tres illas designatas ab Aristotele formas ad duas tantummodo contrahant, diuidantque imitationem vniuersam in Exigematicam, & Dramaticam, hoc est in enarrantem, & in scenicam, siue agentem. Exigematica Epicam, ac Dithyrambicam comprehendit: Dramatica, Tragœdiam, Comœdiam, Satyram antiquam, ceterasque Scenicas, si quæ præterea repe riuntur. Quo fit, vt horum nos diuidendi rationem secuti, Aristotelii Platonem ita conciliare possimus, si partiamur imitationem tū narratiuā, tū Dramaticā in icasicā, & phantasticā. His enim imitandi generibus omnis poëticæ vis, ac ratio continetur: è quibus in summa eam expressit definitionem Aristoteles, vt diceret, poësim nihil aliud esse, nisi actionum humanarum, & quidem verosimilium, versu, oratione, concentu, ac saltu expressam artificiose imitationem. Siue igitur Aristotelis, siue Platonis, siue utriusque partitionem sequaris, nullam poëseos formam inuenias, quæ non sit imitatio, verbis, cantu, saltatione ab alijs imitationibus sciuncta, quæ poëticæ minimè sunt. Itaq. tria videntur esse, quæ in poëticæ definitione ponuntur, imitatio, materia, instrumenta. è quibus imitatio, vel ipsa personarum inductione continetur, vel effictione, aut illustratione illa, quæ Græcè dicitur *επαργεῖα;* estque ex Aristotelis sententia *τὸ πρὸ δημάτων ποίειν:* hoc est res ob oculos ponere.

Quibus ita positis, habendum pro comperto est, Elegiam imitationem poëticam esse. Principio enim ita res oculis obijcit, vt quæ finit & canit, haud minus cerni videantur, quād quæ describuntur à

Lyrico. Deinde quamquam non semper inducit personas loquentes, id quod ne Lyrici quidem ipsi faciunt, nisi raro, sapissime tamen inducit. Exemplum utriusque rei luculentissimum, tum effictionis, & enargiae, tum etiam inductionis in Tibulli Elegia quarta libri tertij recognoscamus; vbi Phœbum suis depingit coloribus, & loquentem, canentemq. ad citharam ita facit.

Hic iuuenis caſta redimitus tempora lauro

Eſt viſus noſtra ponere ſede pedem.

Non illo quicquam formoſius ulla priorum

Aetas, humanum nec videt illud opus.

Intonſi crines longa ceruice fluebant,

Stillabat Tyrio myrrhea rore coma.

Candor erat qualem prefert Latonia Luna,

Et color in niueo corpore purpureus.

Vt iuueni primum virgo deducta marito,

Inficitur teneras ore rubente genas.

Aut cum contexunt amaranthis alba puellæ

Lilia, & autumno roſcida mala rubent.

Ima videbatur talis illudere palla;

Namq. hæc in nitido corpore uestis erat:

Artis opus raræ fulgens teſſudine, & auro

Pendebat leua garrula parte lyra.

Hanc primum plectro veniens modulatus eburne,

Felices cantus ore ſonante dedit.

Salve cura Deum. caſto nam ritè poëtæ

Phœbusq. & Bacchus, Pieridesq. fauent.

Quid poterat aut magis ad viuum exprimi, aut clarius ob oculos ponni? quam personam eadem planè ratione, ac via mutatus Epicus loquentem non induxit? Quando igitur Elegia verè imitatur, videntum est, an ea, quæ oportet, hoc est humanas actiones imitetur. Sed cum alia disputatione bene longa positum sit, Elegia proprium esse amantium querelas, funerum luctus exprimere, triumphos, bella, sacrificia, ceteraque, quibus humanæ vitæ continetur actio, canere, exploratissimum esse debet, eam ab Elegia tractari materiam, quam alia poësos formæ persequuntur, & tractant.

De instrumentis, deque praefidijs illis, quibus aliquæ ad humanas exprimendas actiones utuntur, hoc est de cantu, ſono, ac ſaltu non ſit ita fortasse compertum, ſed tamen harmoniam quandam, & cantum ad Elegia rationem accedere oportere ausim constantissime confirmare. Declarat id viſus ille communis, ac peruetustus Elegia in demortuorum hominum funere, vel ad amantium foreſ flebili cantus inflexione modulandæ. & quo minus ea de re dubitare debeamus, de-

finita est à Didymo Elegia : θεῖνος ἀδόμενος πρὸς ἀνὴρ : luctus ad tibiam decantatus . perinde quasi dicitur , eo planè modo , quo Tragœdiarum chorus , ac Lyrica adiungitur cantus , sic oportere tibiam coniungi cum Elegia .

De saltū nihil habeo tam confidenter affirmare . Scio tamen *τραγῳδίαν* , legum illam poësim , quæ versibus Elegiacis vtebatur , ad hominum imitandos , & exprimendos mores , adhibuisse , quemadmodum Aristoteles ipse testatur , orationem , rhythmum , & harmoniam , Quo loco rhythmus fortasse significet ordinem longi , tardiq . motus , non quidem in oratione , sed in saltu ; quod sibi vult sèpè apud Aristotelem rhythmus , vt eam vocem Petrus Victorius interpretatur . Promouent coniecturam meam quidam apud Heliodorum pentametri perpetua dispositi serie , nullo prorsus hexametro antecedente . Fuit enim poëma ex solis conflatum pentametris , vt ex antiquorum monumentis docet in poëtica Patritius , ostenditq . fortasse illa quæ Virgilij nomine circumfertur vulgata conquestio .

Sic vos non vobis vellera fertis oues.

Sic vos non vobis nidificatis aues.

Sic vos non vobis mellificatis apes , &c.

Sed quod ego contendebam , multo , vt dixi , declarat planius Heliodorus initio libri tertij , facitque , vt omnino putem , hoc poëmatis exigui genus solis compositum pentametris non sine choro , ac saltu cantatum fuisse . Sic enim ille sacrificium , pompamque describit . Armenta , ductoresque boum Thessalicae virgines excipiebant , discinctis pulcrè vestibus , & capillis solutis . Distinguebantur autem in duos choros . quæ in primo choro erant , ferebant quasillos , floribus refertos , ac pomis : in altero autem bellaria , & aromata calathis feren tes , locum odore replebant . Neq . verò manuum ministerio in hisce ludiis vtebantur : sed capite quasillos impositos , calathosq . gestantes , ad choream iusto ordine , ac per obliquum ducendam se se mutuo sicut tenebant , vt incedere simul , & choreas ducere facile possent . Cantilenæ autem rationem , ac modum alter illis chorus præscribebat : huic enim vt totum hymnum caneret , fuerat negotium demandatum . Hymnus verò erat , in quo Thetis primum laudabatur , & Peleus ; deinde illorum filius Achilles , tum nepos ad extremum Neoptolemus . erat adeo talis cantilena .

Canto Thetim , nitidis ò Theti pulcra comis .

Immortale genus Nereo aquorei :

Quæ nupsit Peleo virgo iubente Ioue .

O Venerem nostram , lumen & aquoreum ,

Quæ belli Martem magnanimum peperit :

Deq . furente hastâ mater Achille fuit ,

*Fulmine Græcorum : laus adit unde Deos .
Cui peperit puerum Pyrrha Neoptolemum ,
Excidium Troum, præsidium Danaum .
Tu facilis nobis es̄to Neoptoleme ;
Felix quem tumulo Pythia terra tegit .
Accipe nunc hymnos, munera sacra, pios .
Pelle omnem nostra promptus ab urbe metum .
Canto Thetim nitidis ò Theti pulcra comis .*

Hymnus igitur hac ratione compositus concinnatis ad numerum choreis usurpabatur , saltationis strepitu ita ad cantum quadrante, vt oculi in contemptum eorum , quæ cernebantur , ab auditu ipso adducerentur . Hæc eo loco Heliodorus ita commemorat : quæ me suspicari propemodum cogunt, Elegiam certam habuisse saltandi rationem , carminis numero respondentem . Cum enim hymnus ille è pentametris factus, non nisi ad certam chori saltationem caneretur, videtur haud dubiè significare , eundem illum saltandi modum fuisse proprium Elegiæ, quæ ita pentametro constat, vt hoc dempto, non sit amplius Elegia .

Ad quam poëeos formam reuocetur Elegia .

Caput V.

Nascitur hoc loco quæstio difficilior . Nam quia Elegia poësis est, hoc est imitatio, nullamq. desiderat veræ poëeos partem, videndum est, qualis tandem imitatio , & cui poëeos formæ subiungenda sit . Neq. enim in triplici illa poëticæ partitione ab Aristotele tradita diserte quicquam , aut explicatè dicitur de Elegia . Quaramus igitur initio necesse est , quid sit id , quo alia poëticæ forma se iungitur ab alijs; vt statuere possimus , illi subiunctam Elegiam esse, cum qua communicat ea, quibus ab alijs singula separantur . Aristoteles igitur initio poëticæ ita de hac formarum partitione loquitur. Discrepant inter se poëticæ species tribus omnino nominibus . aut enim rebus genere diuersis imitantur, aut res diuersas, aut aliter, & non eodem modo . Cum ait inter se distingui poëticæ formas, quia res genere diuersas imitantur, distinctionem petit à materia , quam tractant . Nam, vt singula species poëticæ humanas actiones imitari debeant, non tamen omnes easdem actionum species imitantur. Tria quippe sunt, quod ipse subiungit, humanarum actionum genera, quæ sub imitationem poëticam cadunt . quos enim imitatur poëta, ij , si nobiscum comparentur, vel meliores sunt, vel deteriores, vel similes. Idque à pictura petita similitudine sic declarauit. Polygnotus meliores,

res, inquit, Pauson deteriores, Dionysius verò similes effingebat. Quo ex loco intelligere fas est, poëtas esse tripartitos : Epicos, ac Tragicos, qui meliores inducunt ; quales sunt Heroës, & Reges : Comicos, ac Satyricos ; qui partim mediocres, hoc est gregarios ciues, partim plebeios, & his inferiores, hoc est parasitos, ganeones, Satyros, Cyclopas, ac Silenos, eosque vniuersè qui risum excitare possint, expingunt : Lyricos deniq. qui singulos horum ordines exprimunt imitando. Quamuis enim Lyricorum sit, Deos, Heroas, ac primarios viros carminibus celebrare, quia tamen nulla poëeos species est, neq. Epica, neq. Scenica, sed sola Lyrica, qua simul omnes propè actiones imitetur, Lyrica distinctio non ab uno tantum genere personarum, sed ab omnibus petenda videtur. Horatius in hanc me sententiam dicit, qui non Deos modò, & victorias, quæ res magnæ sunt, sed ebrietatem, & libera vina, quæ sunt infimæ, Lyrica materiam facit in Arte poët.

*Musa dedit fidibus Diuos, puerosq. Deorum,
Et pugilem victorem; & equum certamine primum,
Et iuuenum curas, & libera vina referre.*

Operæ pretiū verò est de Lyrica explicatius dicere; quia ei subiunctam esse putamus Elegiam, vt infra dicetur in loco. Lyrica igitur, vt in summa dicam, ortum dicit à Dithyrambica. Dithyrambica verò ipsa præstantiores tantum imitabatur, hoc est Bacchum ; qui dictus Dithyrambus est quasi bis natus, aut è duabus egressus in lucem ianuis. *απὸ τῆς Δίης εἰς δύο παν άριθμόν τριῶν.* Scitum enim est, quod dicitur in fabulis, Bacchum semel ex utero Semeles natum esse, iterum ex femore Iouis: quo factum est, vt certa quædam poëeos forma in eius laudem inuenta, Dithyrambica diceretur. Hæc initio quidem canebarunt ad tibiam, sine saltu. sed postea paulatim Strophæ, Antistrophæ, ac Epodium adiunxit. Strophe motus est vel à dextra in sinistram, vt Didymus, ac Victorinus putant, vel à sinistra in dextram, vt contendunt Pindari Scholiaستes, & interpres Sophoclis in Electra. Antistrophe conuersio est, vel à sinistra dexteram versus, vel à dextera versus sinistram. Epodus est Chori status, in quo carmina sine ullo motu, ac sine villa conuersione canebarunt. Harum conuerzionum, certorumque motuum originem referunt nonnulli ad Theseum : qui à Labyrintho egressus incolumis, ubi reuenit Athenas, dicitur huiusmodi conueriones reciprocas, ac status certis saltandi legibus expressissime, vt Labyrinthi errores inexplicabiles ob oculos ciuum poneret. Alij referunt hæc in varios orbium cœlestium motus : quos imitari varia illa corporis conuersione antiqui contulerent. Homerus enim orientem solem dexteram mundi partem appellauit, occidentem verò sinistram. Cum ergo primus ille cœlestium orbium globus ab oriente feratur in occidentem, eo motu exprimi videbatur, qui à dextera-

tenderet in sinistram. Quia verò errantia sidera ab occidente feruntur in orientem , motus hic superiori contrarius aduersa conuersione, quæ dicitur Antistrophe, significabatur . Aliquando igitur hisce conuersionibus vfa est sola Dithyrambica: sed ab ea tandem aliquando transferunt ad Lyricam; ac tres velut in partes distractæ sunt, quibus variè Lyrici vtebantur . Nam , vt Aristophanis interpres in Vespis declarauit, motus ille Dithyrambicus in Lyricam transcriptus, diuisus est in Epodicum, Mesodicum , Prodicum . Epodus fuit , in quo principio quidem Strophe posita est, deinde Antistrophe, tertio loco Epodus. Mesodus verò fuit, qui statim post Strophen adiunxit Epodus. Denique Prodigus initio collocauit Epodus, secundo loco Strophen, tertio Antistrophen .

Ex his intelligi potest, à Dithyrambica prosemminatam fuisse Lyricam ; quæ mutuatis ab illa mouendi corporis inter canendum legibus , non Bacchum tantum, non certas aliquas personas, sed omnes imitatione complexa est ; præstantiores, infimas, mediocres: vt canit Horatius ijs versibus quos ante laudaui .

*Musa dedit fidibus Diuos, puerosq. Deorum,
Et pugilem victorem; & equum certamine primum,
Et iuuenum curas, & libera vina referre.*

Hæc cum eo, quo diximus modo se habeant, statuendum est primò distinctionem harum formarum ducendam esse à personis imitationi subiectis: non quòd à vario personarum genere singulæ prorsus à singularis secernantur , sed quia poëticæ pars aliqua sit, quæ distinguatur ab alijs eo nomine , quòd certum quoddam personarum genus tantum imitetur . Nam Lyrica quidem , quia æquè omnia personarum complectitur genera, non omnino, perfæctèq. distinguitur ex eo, quòd distinctas ab alijs omnino personas imitetur, sed quòd instrumentis, modoque vtatur ab alijs discrepantibus. Ipsa etiam Epopœia Reges, ac viros principes, quos imitatur, habet communes cum Tragœdia, sed tamen ab ea secernitur ex imitandi modo, quem obtinet varium, & differentem . Eam igitur verbis Aristotelis sententiam subesse dicendum est; vt velit ijs tribus, non omnino, ac planè, sed separatim, atq. vt dicunt, disunctiuè distingui poëticæ formas : vel personis nimirum, quas imitantur ; vel si minus personis differant, separari instrumentis, quorum accessione res imitantur: quod si etiam in eo genere consentiant, aliam discrepare ab alia modo ipso, ac ratione varia imitandi. De personis ita diximus .

Sequitur , vt ea dicantur, quorum præsidio poëtra personarum variarum actiones imitatur . Hæc Aristoteles ait esse verba, vel simplicia, & nuda, vel numeris & metro composita, rhythmum, harmoniam, ac saltum . Ac verba quidem , vt ab ijs initium faciamus , adhibent

omnes; sed sola verba sine cantu, ac saltu, vna tantum usurpat Epopœia. Quamquam enim interdum cum aliquo cantu à Rhapsodo recitata olim est Epopœia, ille tamen cantus aduentitus erat, & accessitus; ac propterea illo etiam subducto, fuislet nihilominus Epicæ imitatio. Rhythmus verò duplex est: alter in cantu aliquo, & saltu positus, alter in verbis ipsis, quæ longius, aut breuius postulant in pronunciatione temporis spatium: qualis est numerus carminum, qui ex varia pedum, sine metrorum dispositione, quasi modulatio quedam existit. Hic ergo numerus carminum, qui dicitur etiam rhythmus, sine cantu, ac saltu solitarius, vni concedi debet Epopœiæ. Tragœdia enim, & Comœdia vetus tribus vtuntur rebus ad imitandum; numerosa oratione, concentu, ac rhythmicō saltu. id quod etiam fecit antiqua Satyra, quæ Scenicæ poësos species fuit; facitq. Dithyrambica, & Lyrica, quæ, vt supra diximus, tribus illis ijsdem præsidijs imitationem perficiunt suam.

Cum ergo, neq. à personis omnes poëticæ formæ omnino, atq. absolute distingui possint, neq. ab ijs rebus, quarum beneficio eas imitantur personas, vna excepta Epopœia, quæ concentum, ac saltum non requirit, consequens esse videtur, ceterarum distinctionem, ac differentiam ab imitandi modo petendam esse. modus autem hic varius spectari potest tum in personis, tum in verbis, tum in concentu, ac saltu: quæ præsidia poëticæ imitationis sunt. Nam Tragœdia, atq. Epopœia tametsi præstantes, excellentesq. personas imitantur, altera tamen ab altera differt, quod Tragœdia ita eas imitatur, vt humilem, aut mediocrem nullam admittat. quamquam enim seruos interserit aliquando, interserit tamen honorarios, honestos, planè Regios. Contra vero Epopœia imitatur etiam humillimos, atq. turpisimmo. qualis est ille Thersites apud Homerum.

Quo non ad Troiam venit vir turpior alter.

*Lumina distortus, claudus pede, gibbus, utroque
Deformatum humero, coniunctum pectus habebat.
Oblongi capitinis vertex surgebat acutus.*

Exigua rari suberant in fronte capilli.

Tales caprarij sunt, ac subulci, tales ancillæ mœchæ, talis Irus pauperimus in Odyssæa: quorum infimæ, plebeiaeque actiones non diligenter modò, sed etiam verbosissime describuntur. Ceterum, quemadmodum hoc nomine discrepat à Tragœdia Epopœia, ita cum Comœdia consentit in speciem; sed distinguitur eo nomine tamen, quod Comœdia tota est in humilibus huiusmodi actionibus imitandis, easque persequitur quasi proprias, ac sibi propositas ad imitandum: Epopœia verò humiles hasce personas quasi aliud agens sequitur, atque obliquè: sic, inquam, vt à præstantibus, Heroicisque personis, ad quas

rectâ

rectâ contendit, Heroica sit appellata. Quamquam, si poëtarum quispiam actiones illas solum humiles, atque ridiculas infimorum hominum heroico sic scriberet carmine, ut nihil præterea caneret, scriberet ille quidem Epopœiam, sed minus propriam, & eam, quæ ab Aristotele peiorum imitatio dicitur. Triplicem enim ille facit Epopœiam non longè à principio poëticæ: præstantiorum vnam, mediocrium, aut similiūm alteram, tertiam infimorum. quam partitionem intuitus Castelutritus, confirmare non dubitauit, Homeri Margitem Epicum fuisse poëma, etiam si compertissimum sit, eum hominem, quem tamquam Heroëm aliquē per iocum imitabatur, ita fuisse ridiculum, ut non modò Comœdia, verum etiam Atellanis, Phallicis, atq. Ithyphallicis posset argumentum suppeditare. De hominis enim huius ineptijs, ut impura taceam, hæc scripta reliquit Suidas. Margites vir fuit ineptijs irridendus; quem dicunt, numquam didicisse numerare, nisi vique ad numerum quintum: cumq. vxorem aliquando duxisset, eam contingere non est ausus, quod pertimesceret, ne hoc illa deferret ad matrem. denique iam grandior, & ætate prouectus dubitabat, vtrum ex ventre patris, an ex vtero matris suæ in lucem ipse fuisset editus. Itaq. matrem interrogauit, ipsa ne, an pater se peperisset. Hæc igitur Epopœia, ut reuertar ad institutum, Comœdia simillima, minus propriæ, ac per abusionem quandam est Epopœia. Nam quia proprie illa tantum est Epopœia, quæ summas imitatur personas, ab his tamquam à principe sui parte Heroici poëmatis nomen accepit.

Pergo nunc de multiplici, varioq. imitandi modo copiosius explicare. Duplex est etiam in poëtarum oratione varietas; vna quidem in metrorum, ac versuum genere, altera in incessu quodam sermonis, atque in ipsa narratione. Nascitur ex metro varietas: quia Epopœia vno carminum genere contenta est. quamquam enim Aristoteles varijs permistum metris carmen concedere videtur Epopœia, non tamen omnino concedit: quia dicta postmodum mutat, atq. id addit, ad eam usque diem Epopœiam, simplici, vnicoque versuum genere usam fuisse, non misto. Scenicæ autem omnes versus varie miscent, ac temperant; quod videre licet in choris. nullum quippè carminum genus est, quod certa lege non persequantur. Quid Dithyrambica? Ipsa quidem per se, vno, ac simplici fortasse usq. est versu, licenti, ac libero: cuius similem suspicor esse in Catulli Galliambo: sed Lyrica, quæ Dithyrambicæ subiuncta est, omne carminum genus admirabiliter varietate permiscuit; longè tamen aliter, quam Scenicæ facere solitæ sint. Lyrica enim ita permiscet versus, ut mixtis vtatur perpetuò: Scenicæ vero tantummodo varietatem habent in Choris. Ita igitur singulari poëticæ partes ipsa metrorum varia dispositione distinguuntur.

Sed multo distinguuntur, ac differunt magis ab expositione varia
tei, quam versibus tractant. Sunt enim poëtae, qui sic personas indu-
cunt loquentes, ut ipsius poëta persona nusquam appareat; nusquam
audiatur oratio. Ex quo genere Dramatici sunt, & omnes, qui ver-
santur in scena. Alij personas inducunt quidem, sed eas ita loquen-
tes faciunt, ut etiam ipsi s̄e, plurimumq. loquantur: quales Heroi-
ci sunt, & qui scribunt Epopœiam. Alij denique neminem inducunt,
sed semper ipsi loquuntur. quod Dithyrambici faciunt, ac Lyrici; qui
simplici sunt rerum expositione contenti. Scio, Lyricum interdum
Deos, hominesue loquentes inducere: sed scio præterea, non id eum
agere, quia debet, sed quia potest, ac vult. Neq. enim magis poëta sit
Horatius, cum Iunonem loquentem facit in Ode tertia libri tertij,
quam cum Pindarum, nemine prorsus inducto, perpetua laudat expo-
sitione in Ode secunda libri quarti. Totum enim hoc imitationis ge-
nus, quantum attinet ad sermonem, continetur expressione, ac re-
rum effictione ita spiranti, ac viua, ut res non quidem enarrari, sed
pene subiici oculis videatur: id quod etiam facit Epopœia, cum nul-
lum inducit. in quo quia videbatur Homerus excellere, meritò di-
ctus est à Longino εἰκονογράφῳ, hoc est pictor imaginum. Quare Lucianus
in quodam dialogo, Pantha pulcritudinem poëticè descripturus,
Imagines ipsi dialogo nomen fecit, confirmavitq. disertè, rem eo mo-
do describere, non esse, nisi pictorum, sculptorum, ac poëtarum. Addi-
dit postremo, imagines illas oratione poëtarum expressas longè ante-
ferendas esse imaginibus Apellis, Parrhasij, ac Polygnoti. Erit hæc
imago, inquit, multo stabilior, multoq. plus tempore superstes, quam
vlla vel Apellis, vel Parrhasij, vel Polygnoti. Hæc enim multò excel-
lentiorem ostendit intuentibus speciem; cum neq. ligno, neq. cera,
neq. coloribus, sed Musarum ad hoc unum aduocatarum industria-
fit expressa. Hæc, inquam, imago haud dubiè omnium perfectissima
erit; cum eodem plane tempore, non corporis solum, sed etiam animi
pulcritudinem sit oculis intuentium demonstratura. Sic ibi disputat
Lucianus. Loquitur eadem Pindarus in quinto Nemeorum carmine:
vbi ait, se non esse statuarum artificem, neq. ea signa cælare, quæ mo-
tu careant, ac vita, quæq. sua semper in basi consistant: sed carmina
condere statuis meliora, quæ terras, ac maria peruagentur, quæ vi-
ctorum in Olympicis laudes, ac coronas toto terrarum orbe denun-
cient, atq. circumferant. Rectè itaq. Philostratus, ac verè in primo
Imaginum scripsit, picturæ omnino similem esse poësim: rectè Plutar-
chus in libro de audiendis poëtis, poësim, non modò picturæ similem
fecit, sed planissimè dixit, esse picturam loquentem. Copiosius hæc
Cicero docuit in quinta Tusculana. vbi de Homero sic loquitur. Tra-
ditum est, cæcum fuisse. at eius picturam, non poësim videmus. Quæ
re-

regio? quæ ora? qui locus Græcia? quæ species formæ? quæ pugna?
quæ acies? quod remigium? qui motus hominum, qui ferarum non
ita expictus est, vt quæ ipse non viderit, nos vt videremus efficerit?
Probat hanc picturæ similitudinem Horatius in Poëtica.

*Vt pictura poësis erit: quæ si proprius stes,
Te capiet magis, & quædam si longius obstes.
Hæc amat obscurum, volet hæc sub luce videri,
Iudicis argutum quæ non formidat acumen:
Hæc placuit semel, hæc decies repetita placebit.*

Neq. verò est, quod aliquis dicat, huiusmodi picturam, atq. effictionem poëtae esse cum historico, & cum oratore communem. His enim aduentitium est exprimere, ac oratione res, quasi coloribus depingere, poëtae proprium, & quodammodo ipsa natura insitum. Præterea etiam in illa ipsa effictione plurimum à poëta differunt historici, atq. oratores, vt docet Plinius Iunior in epistola secunda libri sexti ad Lupercum. Descriptiones, inquit, locorum, quæ in hoc libro frequentes erunt, non historicè tantum, sed prope poëticè persequi fas est. Ita eo loco Plinius differentiam indicat esse non leuem inter expressionem historicam, ac poëticam. Vult enim à nobis intelligi, aliquid in eo genere poëtae licere, quod historicō, ac oratori concessum non sit. Tradit hæc Demetrius Phalereus multo planius, cum ait, animaduertendum esse, ne comparationes, quæ parcè ab oratore sunt adhibendæ, proximè ad poëticas accedant: quo de genere multas apud Xenophontem esse confirmat. Quis enim aut historicus, aut orator res eo modo, ac ratione describat, qua nentes vitam Achillis Parcæ fuerunt à Catullo depictæ?

*Læua colum molli lana retinebat amictam,
Dextera tum leuiter diducens fila, supinis
Formabat digitis: tum prono in pollice torquens
Libratum tereti versabat turbine fusum:
Atq. ita decerpens æquabat semper opus dens
Quæ prius in laui fuerant extantia filo.
Ante pedes autem candardis mollia lanæ
Vellera virgati custodibant calathisci.*

Quis eo modo, quo textrices expinguntur ab Ouid. in Meta. lib. sexto?
*Et gracili geminas distendunt pectine telas.
Tela iugo iuncta est, stamen secernit arundo,
Inseritur medium radijs subtegmen acutis,
Quod digitii expedient, atq. inter stamina ductum
Percussi feriunt insecti pectine dentes.*
Quis eo, quo Lupam Romuli, Remique altricem Virgilius est imitatus? vbi canit,

----- *viridi fætam Mauortis in antro
Procubuisse lupam, geminosq. huic ubera circum
Ludere pendentes pueros, & lambere matrem
Impauidos illam tereti ceruice reflexam
Mulcere alternos, & corpora fingere lingua.*

Hac descriptione tam expressa, quæ poëtarum pictura dicitur, vtitur quidem Epopœia; sed quia ea minimè contenta, etiam personas inducit, non hæc illi tantum imitatio, effictioq. tribuitur, sed quædam mista, ac ex vtraq. conflata. Nisi enim personas induceret, iudicio Platonis Epica non esset; quantumuis res ad viuum exprimeret, & pictura quadam orationis imitaretur. Contra verò hæc sermonis pictura Lyrica propria dicitur, quia tametsi neminem inducit, modo depingat, & describat res, vt dictum est, eumq. habeat orationis incessum, qui neq. in historicum, neque in oratorem conueniat, Lyrica tamen est cunctis omnino partibus absoluta.

Restaret modus, quem varium esse diximus in ceteris quoq. præsidjs, quibus res poëticæ subiectas imitamus. Sed ex ijs, quæ dicta sunt, facilius id intelligitur, quam vt hoc loco debeat pluribus explicari. Epica enim verbis tantummodo ad imitandum vtitur, sine concentu, ac saltu: ceteræ formæ sonum omnes, harmoniam, ac saltum postulant, sed vario modo. Nam Scenicæ quidem non in tota poësi ea, permiscent, sed tantum in Choro: Lyrica vbiq. tribus illis, harmonia verbis, ac saltu, eodem planè tempore, ac perpetuò vti debet. Atque hinc factum est, vt Horatius in ijs Odis, quæ numquam fortassis ad lyram erant canendæ, quia ijs tamen compositæ fuerant legibus, quas cithara, certusque postulabat saltus, vel de lyra loquatur, vel ad lyram sic orationem conuertat, quasi eo tempore, quo scribit, ad citharam, lyramue canat, ac saltet. Vt in ode.j.lib.j.

*Me doctarum bedera præmia frontium
Dijs miscent superis, me gelidum nemus,
Nympharumq. leues cum Satyris chori
Secernunt populo: si neq. tibias
Euterpe cohabet, nec Polybymnia
Lesboum refugit tendere barbiton.*

Et in libro item primo, ode sexta.

*Nec sæuan Pelopis domum
Conamur tenues grandia, dum pudor,
Imbellisq. lyrae Musa potens vetat.*

In ode quoq. duodecima ad Augustum.

*Quem virum, aut Heroa lyra, vel acri
Tibia sumes celebrare Clio?*

Nihil enim de tricesima secunda dicendum videtur, quæ initio, testudinis,

dinis; ac barbiti laudationem aggressa, in eodem argumento deinde tota consumitur.

Poscimus, si quid vacui sub umbra

Lusimus tecum, quod & hunc in annum

Viuat, & plures, age dic latinum

Barbite carmen.

Quibus ita constitutis, non erit ita difficilè certam Elegiæ sedem inter Poëticæ formas assignare. Siue enim varia personarum genera spectemus, quæ sibi proponit ad imitandum, siue instrumenta, & præsidia, quibus imitatur, siue modum ipsum imitandi, non ad aliam potius poëticæ partem, quam ad Lyricam pertinere cōperiemus. Quod enim attinet ad materiam, nullum est actionum humanarum genus, siue præstantium, siue mediorum, infimorumue hominum, quod prætermittat, modò in eos, aut laus, aut vituperatio cadat. De instrumentis nihil est necesse repetere, quæ in proximè superiori disputatione posita sunt; cum multis docuimus, ad imitandum adhibuisse orationem, saltum, & harmoniam. Ostendunt enim id, vel ipsa Elegiæ incunabula, cum à funere nata sit, in quo lugubri modulo, atque accentu canebarū à feminis, quæ Præficiæ dicebantur: ostendit ille, quem habuit paulatim processus; cum ad amicarum fores cantari cœpta est: ostendit planissimè Didymus, qui cum tibia sic coniunxit Elegiam, ut eam definierit, luctum ad tibiam decantatum. ostendit deniq. Heliodorus, etiam certam saltandi legem additam esse concentui: vt nihil quod esset in Lyrica, desideraret Elegia. Sed præter ea, quæ produxi testimonia, habeo cur id multo confidentius affirmem ex eo, quod ab antiquis scriptoribus traditum sciam, inter modos, legesq. tibicinum eam fuisse non postremam, quam Elegon appellabant. Ad hæc. ipsam etiam imitatio, quam oratione conficit Elegia, planè demonstrat, non posse nisi ad Lyricam reuocari. Neq. enim eius imitatio eam postulat personarum inductionem, in qua poëta nusquam apparet, semper inducta personæ colloquuntur: neq. illam, in qua partim poëta sermonem habet, partim inducta persona loquuntur, sed ea contenta est expressione simplici, atq. effictione rerum spirante, picturæq. persimili, quæ Lyricæ propria est, & dicitur euidentia. Quod si addatur interdum illa personarum induction, quæ solet etiam à Lyricis, ut diximus, aliquando adhiberi, imitatio quidem videbitur aliquanto perfectior; sed minimè tamen requiritur: ac si prætermittatur, erit nihilominus vera in suo genere imitatio. Si enim imitatio cum tribus poëticæ formis conferatur, ea videbitur genus, quod à Dialecticis dicitur analogum mistum. perfectissima enim omnium imitatio est scenica, quæ personas facit perpetuo sermone colloquentes: quare ceteræ eo perfectiores sunt, quo magis ad eam imitationem accedunt.

D d His

His adde, quod Elegia eandem planè orationis formam, atq. incessum habet, quem sequitur Lyrica. Tarpeia enim non eo lamentatur modo vulnus suum apud Propertium, quo Dido queritur apud Virgilium suum, sed eo, quo apud Horatium Hypermnestra. Adde quod, quemadmodum Lyricus induit sèpe canentis personam, aut precantis, aut accumbentis, sic Elegiacus lamentatur, exponit intimum animi sensum, dolorem, lètitiam quasi suam: cum tamen alienos affectus imitetur, non exprimat suos. Cum ergo tam similis sit Elegia Lyrica poësi, vt materiam, instrumenta, modum ipsum imitationis, orationis incessum, aliaq. huiusmodi habeat cum ea communia, non ad aliam poëticæ formam debet, quam ad Lyricam reuocari.

Quare hinc intelligi potest, errasse nonnullos, qui Elegiacis versibus Epicam à grauissimis, antiquissimisq. poëtis propterea scriptam fuisse putant, quod res bellicas illo versu sint persequunti. Res enim bellicæ non Epicæ tantum argumenta sunt, sed etiam Lyricæ poëeos, ac Elegiæ. quare, nisi eum habeat incessum oratio, eamque imitationem, quæ propria Epicorum est, etiam si Epicorum amplectatur argumentum, Epica non est: sed si Elegiæ vtatur, & versibus, & incessu, est Elegia. Atq. hoc profectò genere orationis, imitationisq. crediderim compositas Mimnermi, Ceiq. Simonidis Elegias, quibus, vt aliás memini me dicere, pugnas, & prælia cecinerunt. Neq. enim Patritij iudicium reformido: qui eos Epicam Elegiaco versu scripsisse confirmat. Habeo quippè patronum Aristotelem; qui Epopœiam dixit imitari solitam esse affectiones humanas vno tantum genere versuum, hoc est heroico; quemadmodum usque ad ipsius ætatem ab Epicis factum erat. Sic enim loquitur in capite primo poëticæ. Epopœia vero tantummodo sermonibus utitur nudis, vel metris; atque his quidem, vel mistis inter se, vel uno quodam genere, quemadmodum usque ad hanc diem fecit. Ita vertit eum locum latinè Victorius. Sed Mimnermus, vt tradit Gyraldus in vita, vixit Olympiade circiter trigesima octaua, Simonides quinquagesima sexta, vel sexagesima secunda: Aristotleles centesima tertia, vt rationem subducit Laertius. Ergo multo ante memoriam Aristotelis Simonides, ac Mimnermus Elegiaco versu victorias, & bella scripserunt. At negat Aristotleles ante sua ipsius tempora Epicam fuisse scriptam numeris mistis, ac propterea etiam Elegiacis. negat igitur Epica fuisse poëmata Simonidis illas, ac Mimnermi Elegias, qui eius ætatem longè antecesserant.

Quid vero de ijs censendum est, qui præcepta ciuilia versibus Elegiacis ediderunt? Illos dicet aliquis non Elegiacos tantum malos, sed malos præterea, minimeq. poëtas. Nam disertè traditum est ab Aristotlele, artium disciplinarumque præceptiones in poëticæ materiam cadere non posse, ac propterea deceptos fuisse antiquos, qui omnem poë-

poëticæ distinctionem in vario versuum genere sitam esse credidissent. sic, inquam, ut qui Elegiacum, aut Epicum fecisset versum, eo solum nomine ijs, vel Elegiacus, vel Epicus esset poëta, tametsi musicæ, aut medicinæ præceptiones illo carminum genere comprehendisset. Et quo minus de illius sententia dubitandum esset, ea, quæ dixit, exemplis illustrauit in hunc modum. οὐδὲν γάρ ποιεῖται ὅμηρος, οὐδὲν Ἐμπεδοκλεῖ, πλὴν τὸ μέτρον. διὸ τὸν μὲν ποιητὴν δίκαιον καλεῖν : τὸν δὲ, φυσικὸν μᾶλλον, οὐ ποιητὴν. hoc est. Nihil profectò habet Homerus cum Empedocle commune, nisi versum. ac propterea illum dicere, ac nominare poëtam par est; hunc autem Physicum, & naturæ contemplatorem potius, quam poëtam. Dicit hæc sanè illo loco Aristoteles distinctè, ac disertè. non tamen inde consequens est, rerum naturam, ac morum doctrinam universèq. Philosophorum materiam tractari nullo modo à Lyrica posse. Neq. enim idcirco reprehenditur Empedocles, quod philosophorum aggressus sit argumentum; sed quod eam materiam eo planè modo tractarit, quo tractari à philosopho solet. Simplici enim Physicorum doctrinæ nihil adiunixerat, nisi versum; nullum imitationis genus erat secutus, neq. personis inducendis, neq. pingendis rebus illius enargiæ, atq. euidentiæ beneficio, quam postulat poëticæ vis, & natura. Quod si ciuiles præceptiones, aliaq. id genus philosophorum argumenta orationis incessu planè poëtico tractentur, exprimanturque coloribus illis, quibus res exprimuntur à Lyricis, à poëtica profectò non abhorrent.

Itaque vita præcepta Elegiacis exposita versibus nego depellenda esse à finibus Elegiæ, modò poëticis ornamentiis Elegiarum proprijs expressa sint: cum præsertim videam *ropanū*, hoc est legum ciuilium illum modulationem, veram poësim ab Aristotele dici; quæ tamen Elegiacis scripta numeris erat, addebatq. harmoniam, proprium illud Lyricorum instrumentum. Dicet ad extreum alijs, imitationem huiusmodi, quæ leges, & præceptiones exprimit, non esse personarum imitationem, in qua vis, & natura poëticæ sita est. Cui responsum volo, multas etiam esse Horatij odas, in quibus nullam imitatur ipse personam, nullius depingit actiones, sed præcepta vita salutaria commemorat. qualis est in libro tertio illa vigesima quarta.

Intactis opulentior

Thesauris Arabum, & diuitiis Indiae

Cæmentis licet occupes

Tyrrhenum omne tuis, & mare Ponticum,

Si figit adamantino

Summis verticibus dira necessitas

Clauos: non animum metu,

Non mortis laqueis expedites caput.

Sed quemadmodum huiusmodi Odæ poëticæ sunt imitationes, quia virtutem, vitiumq. describunt, quæ humanis actionibus continentur, sic à poëtica depellendæ non sunt morales Elegiæ, quarum summa, vel vitiorum vituperatio, vel virtutis laudatio est.

Vnum est, quod facere poslit, vt Elegia Heroico carmini, & Epopœiæ, quam Lyricæ videatur esse similior. hoc autem in ipsa partium dispositione positum est. Nam si diuidere velis in partes Elegiam, non in alias diuides, nisi in eas, quæ tribuuntur Epopœiæ. sed nihil prorsus hac ratione vincitur. Quia quemadmodum partes Epopœiæ intelligimus, & distinguimus ex ijs, quas assignauit Aristoteles Tragœdiæ, nec tamen Epopœiam dicimus esse Tragœdiam, sic Elegiæ attribuimus easdem propè partes, quas videmus fuisse tributas Epopœiæ, cum tamen ab Epopœia Elegiam discrepare videamus. Quin si velimus Odarum partes perquirere, non alias profectò inuenimus, quam eas, quæ designantur in Epopœia. sed quia non eadem ratione tractantur illæ partes, qua tractantur in Epopœia, dicimus esse Lyricæ, non Epopœiæ. Quæ item causa est, cur Elegia ijsdem pene distincta partibus, quibus distinguitur Epopœia, non Epopœiæ subiungatur, sed Lyricæ; quia partes suas Lyricorum more tractat, non Epicorum. quæ nam autem hæ partes sint ex proximè consecuturis disputationibus intelligetur.

De Elegiæ partibus vniuersè.

Caput VI.

DE partibus agendum est Elegiæ: quia vnumquodq. sine magnum, sine breue poëma quoddam quasi corpus est, suis partibus, membrisque compositum. Partium autem ipsarum duo sanè genera fecit Aristoteles in poëticis: quantitatis vnum, alterum qualitatis. Qualitatis partes dixit esse omnino sex, Fabulam, Mores, Dictionem, Sententiam, Apparatum, Harmoniam. Quantitatis autem constituit quatuor; Prologum, Exodum, Choricos, Commos. Has quantitatis partes Tragœdiæ tantum adscribit, non Epopœia: qualitatis, si minus omnes, certè aliquas cum vtraque voluit esse communes. Sed quemadmodum ex ea diuisione Tragœdiæ in quantitatis partes certas, Prologum, Exodum, ceteras, intelligimus, etiam Epopœiam oportere suas habere partes, quarum causa distingui possit in ea principium, medium, finis, sic etiam in Elegia faciendum existimo, ut aliquæ designentur, ac distinguantur partes, tum quantitatis, tum qualitatis, ijs, quæ magnis poëmatiis adscribuntur, aliqua ratione respondentes.

De Partibus Quantitatis. Caput VII.

ATque, vt primo loco de partibus quantitatis agamus, eas constituantur esse dixerim similes partibus Epopœia, quæ poësis est expositiva. Sed Epopœia quantitatis partes variè varios fecisse video. Sunt enim qui has esse dicant, Propositionem, quæ Tragœdia Prologo respondet, Perturbationem, Conuercionem, ac Finem. Sunt, qui contendant constitui non posse plures, quam duas, hoc est Connexionem, & Solutionem. Sed hi de re subtiliter, & exiguè disputant. nos qui de his incuriosius explicamus, nonnullos sequemur Grammaticos, qui has in Epopœia vident, agnoscuntq. partes quantitatis: Propositionem, Inuocationem, Narrationem, Episodium, ac Finem. Ex his enim partibus Propositionem, Narrationem, ac Finem sseligere possumus, ac Elegia tribuere: cum sine his constare, atque absoluī non omnino posse videatur.

*De Inuocatione. An omittenda sit.**Caput VIII.*

PRætermittenda vero est Inuocatio; quæ ab antiquis Epicis adhiberi propterea initio solet, quod rem perdifficilem aggreduntur, & eam, quam sine Musarum, aut alicuius Dei, hominisue, quem pro Deo colunt auxilio, ad exitum perducere se posse diffidunt. Quare, si quid vñquam fingunt admirabile, & supra quam credibile vide ri possit, eo munimento insistunt; significantq. non dubiè, se Musarum admonitu, quæ omnia norunt, id compertum habere. Hoc videlicet secutus consilium Virgilius, antequam dicere aggrederetur, quo loco res Latinorum essent, quibusue dominis Italia, maximeq. Latium eo tempore teneretur, quo tempore terram illam est ingressus Æneas, eam ipsam, quam initio flagitauerat opem cum dixit,

Musa mibi causas memora;

deintegro, ac rursus implorauit, quia se credibilia dicturum nō esse in tanta rerum antiquitate, atq. in tam obscuris euoluendis annalibus existimabat, nisi qui lecturi carmen illud erant, intelligerent, poëtam res tam longè ab hominum memoria remotas à Musis, quas, & præsides, & familiares haberet, accepisse.

Nunc age, qui Reges Erato, que tempora rerum,

Quis Latio antiquo fuerit status, aduena classem

Cum primum Ausonijs exercitus appulit oris

*Expediam, & primæ reuocabo exordia pugnae.
Tu Vatem tu Diua mone: dicam horrida bella,
Dicam acies, actosq. animis in funera Reges,
Tyrrhenamq. manum, totamq. sub arma coactam
Hesperiam. maior rerum mibi nascitur ordo,
Maius opus mqueo.*

Hac videlicet inuocatione iterum instituta locum arduum, ac salebrosum, quem repente offendit, sperat se facilè superaturum, & credibilia facturum ea, quæ alioqui credéda non essent. Eandem loci difficultatem vidit, cum eorum seriem texere deberet, qui ad expeditionem in Troianos, Latinosque ex tota pene Italia, ductore Turno profecti sunt. Qui enim fieri poterat, vt eorum nomina, patriam, arma, cognita sic haberet poëta, vt rei gestæ interfuisse videretur, nisi omnia Musarum beneficio didicisset? Qua igitur arte hic etiam expeditetur locus, nisi Musarum inuocatione renouanda?

*Pandite nunc Helicona Deæ, cantusq. mouete.
Qui bello exciti Reges, quæ quemq. fecutæ
Complerint campos acies: quibus Itala iam tum
Floruerit terra alma viris, quibus arserit armis.
Et meministis enim Diuæ, & memorare potestis.
Ad nos vix tenuis famæ perlabitur aura.*

Quid cum Troianorum naues à Turno, Turniq. militibus incensas in Nymphas est commutaturus? A quo nam hæc tam admiranda rerum portenta, quæ nemo tradidit litteris, aut vñquam commemorauit, accepisse se dicit, nisi à Musis ipsis, quarum instinctu cetera se didicisse profitetur?

*Quis Deus ò Musæ tam saeva incendia Teucris
Auertit? tantos ratibus quis depulit ignes?
Dicite: prisca fides factò; sed fama perennis.*

Quin etiam Turnum ipsum debacchantem in prælio, multosq. contrucidantem describere se minus posse confirmat, nisi Musarum præsidio subleuetur. Neq. enim potest percensere numerando eorum nomina Troianorum, qui à Turno sunt imperfecti, nisi Musarum aliqua ei redigat in mentem illa, quæ omnium planè memoriam subterfugerunt.

*Vos ò Calliope precor adspirate canenti,
Quas ibi tum ferro strages, quæ funera Turnus
Ediderit, quem quisq. virum demiserit Orco:
Et mecum ingentes oras euoluite belli.
Et meministis enim Diuæ & memorare potestis.*

Hæc, inquam, ab Epicis ita fiunt; qui res sèpè vel aggrediuntur, vel commemorant, non modo arduas, ac difficiles, sed etiam abhorrentes

tes à fide. Elegia verò, quæ neq. tam ardua molitur, neq. tam incredibilis proponit, neq. nodos illos habet, quos Horatius Deo vindice dignos appellat, Inuocationem facile prætermittit. quamquam eam interdum non negligit; quiddam certè Inuocationi simillimum videatur habere, ac Musarum, Deorum, hominum auxilium, more prope modum Epicorum implorare. Id quippè fecisse Propertium video in Elegia sexta libri quarti. vbi cum hoc modo rem proposuisset, de qua dicturus erat:

*Sacra facit Vates. sint ora fauentia sacris,
Et cadat ante meos icta iuuencia focos.*

*Cera Philetæis certet Romana corymbis,
Et Cyrenæas vrna ministret aquas.*

*Costum molle date, & blandi mihi thuris honores;
Terq. focum circum laneus orbis eat.*

*Spargite me lymphis, carmenq. recentibus aris
Tibia Mygdonijs libet eburna cadi.*

*Ite procul fraudes; alio sint aère noxae:
Pura nouum vati laurea mollit iter.*

Cum, inquam, ad hunc modum prolusisset, ad Musam oratione conuersa, Inuocationem adiungit, quasi magnum aliquod, & poëta dignum Epico argumentum tractaturus.

Musa Palatini referamus Apollinis ædem.

Res est Calliope digna fauore tuo.

Sed quia hæc vel Inuocatio, vel Inuocationis similitudo, ac species rarò apud Elegiacos est, idcirco hanc partem adimendam Elegiæ putau. non enim eam adhibere nefas existimo, sed adhibere necesse non esse intelligo. Quod si pro re nata interdum usurpanda videatur, meminerimus oportet, Inuocationem esse debere non Epopœiæ, sed Elegiæ, hoc est breuissimam, & quæ propositio quædam potius sit, quam Inuocatio: qualis est illa Propertiæ supra laudata. Addo etiam ideo implorasse Musarum opem eo loco Propertium, quia naualem pugnam, victoriæ de Cleopatra, deq. Antonio Palatini Apollinis beneficio reportatam aggrediebatur exponere. quod argumentum Epicum quodammodo videbat esse, ac Elegiæ modum superare. Id quod etiam facilè possit esse causæ, cur Ouidius eo planè modo Germanicum Cæfarem appellet initio Fastrorum, quo Virgilius Augustum, ac Mecenatem.

*Tempora cum causis Latium digesta per annum,
Lapsaq. sub terras, ortaq. signa canam.*

*Excipe pacato Cæsar Germanice vultu
Hoc opus, & timidæ dirige nauis iter.*

Officioq. leuem non auersatus honorem,

Huic tibi deuoto, numine dexter ades.
 Causa, inquam, cur Epicorum propria Inuocatione vtatur Ouidius ea mihi videtur esse, quod argumentum tractaturus sit non omnino Elegiacum, ac ratione quadam, & via ab Elegiacis haud parum abhorrente. Nam præter versum nihil habere videtur Elegiæ.

*De Principio, & Propositione Elegiæ.**Caput IX.*

ITa igitur Inuocatione ab Elegiæ partibus expuncta, consequens est, ut de ceteris explicemus, primumq. de prima, quæ Epicorum Propositioni respondet. Ea est exordium, & principium Elegiæ interdum è re ipsa natum, interdum longè petitum. Quemadmodum enim Propositio in Epopœia, ea, quæ canenda sunt, breuiter exponit, rerum, tum præsentium, tum præteritarum statum breuiter indicat, quod ab Homero factum est egregie, præsertim in Odyssea; sic Elegia ipso statim exordio aperit argumentum, sed longè alia ratione, ac via. Nam Epopœia ita planè, distinctèque rem proponit, ut poëta consilium facile cognoscatur.

Dic mihi magnanimi Pelida Musa furorem.

Arma, virumq. cano.

Sed Elegia latenter, ac velut ex insidijs irrumpit; itaq. dissimulanter interdum argumentum inuadit, ut quid cantatura sit, legenti non facilè possit apparere. Cum enim Messalæ natalem, victorias, ac triumphos celebrare Tibullus institueret, non eo modo rei principium fecit, quo versus Heroicos eiusdem argumenti exorsus est:

Te Messala canam:

sed latentius, multoq. longius, hoc est, à Parcis ipsis petito principio.

Hunc cecinere diem Parca fatalia nentes

Stamina, non ulli dissoluenda Deo.

Hunc fore Aquitanas posset qui fundere gentes,

Quem tremeret forti milite vietus Atax.

Hoc inquam initium nihil aliud est, nisi occulta quædam, latensque propositio, ex earum videlicet genere, quæ in exordijs illigantur ab oratoribus interdum, cum rem, de qua dicturi sunt, nec planè propoununt, nec partiuntur; sed semina quædam tractâræ rei leuissimè spargunt, ex quibus auditores intelligere oporteat, quæ nam sit futura messis orationis. Peti etiam potest exemplum ab Elegia tertia libri primi, cuius initium est.

Ibitis Aegeas sine me Messala per vndas:

O vtinam memores tuq. cchorfa. mei.

Me

Me tenet ignotis agrum Phœacia terris :

Abstineas auidas mors precor atra manus .

Quibus ex versibus prouidere illico possis , suam ægrotationem conquesturum esse Tibullum , cuius nimirum expostulationis quædam veluti semina spargit expositione morbi , quo alienis in terris tenebatur . In Elegia verò decima eiusdem libri primi , otium ac pacem laudaturus , ab eorum detestatione dicit exordium , qui primi arma bellica procuderunt .

Quis fuit horrendos primus qui protulit enes ?

Quam ferus , & verè ferreus ille fuit ?

Quamquam hoc initio multo planiorem videtur habere propositionem , neq. ita recedentem ab ijs , quas adhibet interdum Propertius expeditas , ac Epicis sanè persimiles . Nam in Elegia illa , qua canit Actiacam pugnam , clarè , distinctè q. argumentum proponit :

Musa Palatini referamus Apollinis ædem ;

propositione cum inuocatione coniuncta . quod etiam Epici sæpiissimè faciunt .

Dic mihi Musa virum , raptæ post tempora Troiæ

Qui mores hominum multorum vidi , & urbes .

Sed nihil fieri potest planius exordio , & propositione illius Elegiæ , qua Tarpeiæ fabulam explicata narratione describit .

Tarpeium nemus , & Tarpeia turpe sepulcrum

Fabor , & antiqui limina capta Iouis .

Quid de Ioue Feretrio dicatur ? cuius nominis causam ita dilucidè se narraturum pollicetur , vt Epicorum nullus propositionem habeat magis distinctam , & clariorem .

Nunc Iouis incipiam causas aperire Feretri ,

Armaq. de ducibus tria recepta tribus .

Sed huiusmodi propositionibus ita distinctis rarò vtitur ipse Propertius , alijque : vt vel hinc intelligere debeamus , parcè usurpandas esse . Proprium enim Elegiacorum est , vti dicebamus , exordijs potius propositionem illigare , quam eam distinctè proferre . Quare suas interdum rationes , vitæq. modum exponentes , sine vlla dicendarum propositione rerum , exordiuntur , quod in Elegia prima Tibullus secutus est .

Divitias alius fuluo sibi congerat auro ,

Et teneat culti iugera magna soli .

Interdum abhortatione principium faciunt , atq. ab inuitatione aliqua ad cantum , ad sacrificium , ad iter agendum .

Quisquis adest , faueat fruges lustramus & agros ,

Ritus ut à prisco traditus extat auro .

Interdum à Deorum precatione : quod exordiū Lyricis est familiare .

Can-

Candide Liber ades, sic sit tibi myſtica vitis.

Interdum à rerum inanimarum, vel animatarum etiam appellatione, quo exordiendi genere mirificè delectatur Ouidius. vt in Elegia illa, qua ianuæ custodem alloquitur seruum.

Ianitor indignè dura religate catena

Difficilem noto cardine pande forem.

Et in duodecima secundi.

Ite triumphales circum mea tempora lauri.

Et in quintadecima, anulum, quem Corinnæ muneri mittebat, sup-
pliciter obsecrans.

Annule formosæ digitum vinciture puellæ.

Et in quinta tertij, fluvio, quem traiecturus erat, vt fisteret cursum, vota profundens, ac preces.

Annis arundinibus limosas obſite ripas,

Ad dominam propero, ſiſte parumper aquas.

Interdum ab expostulatione, atque ab admiratione.

Quis fuit horrendos primus qui protulit enſes?

Et apud Ouidium.

Eſſe quid hoc dicam, quod tam mibi dura videntur

Strata, nec in lecto pallia noſtra ſedent?

Et quod longè pulcherrimum apud eundem principium est;

Eſſe Deos credam neq; fidem iurata feſſellit,

Et facies illi, quæ fuit ante, manet.

Infinita denique varietas est in exordijs Elegiarum componendis: sed nullum eorum est, in quo Propositio rerum dicendarum non deliteſcat. Præstat nunc de Narratione verba facere, quæ ſequitur ordine Propositionem.

De Narratione. Caput X.

E Legia vbi narrat, ab Epica narratione longè recedit. Epicus enim poëta res veluti minimè notas exponit planiſſimè, copioſiſſimèque: Elegiacus quaſi omnibus exploratiſſimæ ſint, perſtringit, ac ſummatim enumerat, interpositis epiphonematis, lenioribusque ſententijs. Habet enim Elegiaca narratio propriam quandam rationem, ac viam, quæ non facile, niſi ex poëtarum exemplis agnosci poſſit. Virgiliiſ igitur, Aeneas in Italiam nauigantis tempeſtatem enarraturus, exorditur à primis cauſis; hoc eſt ab illa Iunonis ira peruerteri, atq; impotente, quæ cælum, terram, mare conturbat, omnia in omnem partem impellit. Subiunguntur ordine quæ conſecuta ſunt, errores, hospitia, connubia, itinera, prælia, expeditiones, victoria; eo pene modo,

modo, quo ab Historico solent huiusmodi res commemorari. Neque enim ab illo differt alio nomine, nisi quod ab intermedia rei gestæ parte narrandi principium facit: velut ab Æneæ tempestate, non ab incendio Troiæ, à quo initium duxisset historicus. Hæc, ut dixi, ita narratione perpetua disponit, complectiturq. Virgilius. Propertius contrà, cum pugnam Actiacam explicaturus eset, causis belli ciuilis omnino prætermisssis, quasi notissimis, pugnæ locum describit.

Est Phœbi fugiens Athamana ad littora portus,

Quæ finus Ionia murmura condit aquæ :

Actia Iulæ pelagus monumenta carinæ ,

Nautarum votis non operosa via .

Deinde strictim, summatimque, non explicatè, naualis pugnæ seriem, exitumq. persequitur.

Huc mundi coiere manus: stetit æquore moles

Pinea, nec remis æqua fauebat auis .

Altera classis erat Teucro damnata Quirino ,

Pilaq. feminea turpiter acta manu .

Hinc Augusta ratis plenis Iouis omine velis ,

Signaq. iam patriæ vincere docta suæ .

Tandem acies Nereus geminos lunarat in arcus ,

Armorum & radijs piæta tremebat aqua .

Tum Episodio interposito, quo Phœbūm inducit, Augustum ad pugnam hortantem; narrationem breuissimè claudit. habet enim satis dicere, pugnatum esse, atque Apollinis præsidio Cleopatram, Antoniumq. fugatos, & fusos ab Augusto fuisse.

Vicit Roma fide Phœbi: dat femina penas :

Sceptra per Ionias fracta vebuntur aquas .

Nam de his dicturus Epicus, naues ipsas singillatim, ordines militum, dispositam aciem ob oculos posuisset, descripsisset locum pluribus, multa multorum, qui pugnaturi erant, nomina, genus, patriam commemorasset. Dicam in summa. etiam Elegiæ narratio earum simillima est, quæ interdum ponuntur in Odis. Tyberis enim eluuium cum caneret Horatius, rei serie prætermissa, perstringit leuiter omnia, indicatq. breuissimè quod gestum est.

Vidimus flauum Tyberim retortis, &c.

Et Rhætos, Vindelicosque à Druso Nerone debellatos, ac casos dicturus, non tam signis, militum ordinibus, conflictu ipso describendo rem explicat, quam leuissima quadam expositione commemorat.

Videre Rhæti bella sub Alpibus

Drusum gerentem, & Vindelici, &c.

Tum, ne ratione quidem exposita, qua pugnatum est, victoriam penes

Dru-

Drusum Neronem stetisse confirmat ; pergitq. illius virtutem pluribus amplificare .

Sensere quid mens ritè, quid indeoles

Nutrita faustis sub penetralibus

Posset: quid Augusti paternus

In pueros animus Nerones.

Quod si ne huiusmodi quidem breuis alicuius facti narratio sit in Elegia , quemadmodum s̄apenumero factum videmus , meminerimus oportet, illam ipsam expositionem, quæ consequitur exordium, narrationis locum obtinere . Neq. enim ductæ illæ, tractæq. narrationes sunt, nisi in paucissimis Tibulli, Propertijq. Elegijs, & in plerisq. apud Ouidium Epistolis Heroinarum .

De Episodio . Quid sit , & quotuplex .

Caput XI.

Sequitur Episodium. quam etiam partem scio magnorum poëmatum esse propriam : sed scio præterea diuerticulum quoddam in Elegia tam frequens esse, tam varium, ac multiplex, vt principem in ea locum obtinere videatur. Hanc autem digressionem, & diuerticulum appellare communi, eqq. Græco vocabulo placet Episodium.

Est autem Episodium declinatio quædam è via , hoc est ab instituta narratione digressio : ab ἡδῷ ; quæ vox Græcis est via ; & cum adiuncta particula egressionem significat extra viam . Sed quia in hac definitione etiam finem esse oportet , ex quo intelligatur , cuius rei gratia poëtae digrediantur è via, dixerim, Episodium non tantum esse poëtarum à recto poëmatis cursu aberrationem; sed addiderim præterea, euagationem illam esse ornatus, & delectationis causa institutam . quare definitur à Suida , τὸ εἰς φερόμενον πέρι δράματος, γέλωντος χάρειν, ἔξω τῆς ἀνθίστασθαις ὁρῶν , quod inducitur in drama, risus, & delectationis causa extra hypothesisin, hoc est præter institutum, & propositum argumentum. Addit ad extremum post definitionem Suidas, κατηχοντικῶς δὲ ἔξαγαντος ἀπὸν τελεγύμα . sed abusiuè, inquit, quicquid præter rem affertur, dici potest Episodium . Quæ ideo subiungit , vt intelligamus , etiam cœnarum acroamata , additasq. ludis & conuiuijs cantilenas, etiam Geleotopæios, hoc est, histriones risum mouentes, qui extra Fabulam inducuntur ; etiam embolia, & interpositas personas, quæ interdum non à poëtis, atq. auctoriibus Fabularum, sed ab alijs apponuntur, Episodia dici posse. Verum à Polluce multo breuius, multoq. elegantius ita definitur . τελεγύμα τελεγύματα οὐναντόμενα . hoc est res rei accedens, & quodammodo insititia . Nihil sanè potuit melius , atq. ad rem

rem accommodatius dici . nam quemadmodum qui tessellatum , aut vermiculatum componunt opus , ingentibus marmoris crustis tessellulas maculosas ad oblectandos aspicientium oculos creberimas , & multis locis interserunt , sic poëtae operi vniuerso inferunt Episodia quasi tessellas : vt legentium animus multo magis ea varietate teneatur . Adde quod affert vtilitatem admirabilem Episodium ; cum rationem expeditat fabulae producendæ , atq. amplificandæ : id quod in argu-
mento minus copioso præstare facile posse , permagnum est . Sed ea , quæ dicta sunt , in omnia planè omnium poëmatum Episodia cadunt . Videndum est nominatim quale sit Episodium Epicæ , à qua similitudinem petere oportet eius , quod est proprium Elegiæ . Aristoteles quidem vnum tantum Episodium Epopœiæ adscribit , continuatum , & longum . cuiusmodi nos esse secundum , tertium , quartum , Virgilij librum dicere possumus ; addo etiam quintum . Sed tamen aliud etiam in Epopœia recognoscere nos oportet Episodium concisum , ac breve : cum videlicet delectationis gratia secedit aliquantulum poëta de via , describendis , depingendisq. rebus , aut inducendis personis , quarum effictio , inductio minus Fabulae necessaria fuisset . qualis est apud Virgilium descriptio Famæ , Clypeus Æneæ Romanis distinctus historijs , occursus Veneris in primo , & alia penè sexcenta : à quibus statim poëta regreditur , institutamq. repetit narrationem .

*De duplice Episodio Elegiæ : ac primū
de longiore . Caput XI.*

Dobus igitur his Episodijs duo item simillima excogitauit ad delectationem Elegia ; longiusculum vnum , breuissimum alterum . Sed est incredibile dictu , quantam habeat in utroq. varietatem . Interdum enim ab ipso principio statim egressa , ita perpetuo vtitur Episodio , vt non nisi paulò ante finem repeatat institutum . Multa ex eo genere suppetunt Episodia ; sed omnium planè pulcherrimum est in Elegia quinta libri secundi apud Tibullum . in qua cum poëta consilium esset Messalini , Coruini Messalæ filij , qui Augur fuerat eo tempore creatus , nouum sacerdotium carminibus celebrare , ab invocatione Apollinis exortis , ac paucissimis in eius laudem expositis , illico ad Sibyllæ vaticinium egreditur , quo Troianis prædictitur felicissimus in Italiam aduentus ; Romanæ Vrbis initia , processus , maiestas , ac dominatus , bella ipsa ciuilia prodigijs obnunciata referuntur . ad extremum , ac planè sub finem reuocat orationem ad Messalinum , eique triumphum amplissimum ex profligato bello vaticinatur . Initium hoc est .

Phœbe faue nouis ingreditur tua templa sacerdos,

Huc age cum cithara, carminibusq. veni.

Nunc te vocales impellere pollice chordas,

Nunc precor ad laudes flectere verba meas.

Ipse triumphali deuinetus tempore lauro,

Dum cumulant aras, ad tua sacra veni.

Sed nitidus pulcherq. veni: nunc indue vestem

Depositam, & longas nunc bene pecte comes.

Qualem te memorant, Saturno Rege fugato,

Victori laudes concinuisse Ioui.

Hæc est, inquam, inuitatio, hic orationis ingressus ab Apollinis inuocatione petitus. Phœbi laudes sequuntur, & ex, quæ vaticinandi scientiam potissimum continent; ut aditum nimirum aperiant ad egressionem ipsi Messalino accommodatam, qui erat populo Romano captaturus auguria, & libros Sibyllinos consulturus. Orat igitur Phœbum, ut Messalino Sibyllæ vaticinia lecturo præsto sit, eq. plana faciat, quæ obscurissimis illis oraculis oboluuntur.

Tu procul euentura vides: tibi deditus augur

Scit bene quid fati prouida cantet avis.

Tuq. regis sortes: per te presentit baruspex,

Lubrica signauit cum Deus exta notis.

Te duce Romanos numquam frustrata Sibylla est,

Abdita quæ senis fata canit pedibus.

Phœbe sacras Messalinum sine tangere chartas

Vatis, & ipse precor quod canat illa doce.

Cum autem hic Sibyllæ mentio incidisset, de Sibylla sic aggreditur dicere, quasi nihil amplius de Messalino dicturus fit. Totus enim est in exornatione Sibyllæ, quam eo præcipue nomine commendat, quod Romam à Troianis nascituram prædixerit, quod oracula Romanis illa tradiderit, quibus futura omnia continerentur.

Hæc dedit Aeneæ sortes, postquam ille parentem

Dicitur, & raptos sustinuisse lares.

Hæc fore credebat Romam, cum mœstus ab alto

Ilion, ardentes respiceretque Deos.

Romulus æterne nondum fundauerat Vrbis

Mœnia consorti non habitanda Remo.

Sed tunc pascebant herboſa Palatia vaccæ,

Et stabant humiles in Iouis arce casæ.

Tum nonnullis præterea in eandem sententiam interiecit, ad Episodium magis amplificandum, Sibyllam ipsam loquentem inducit: quæ in Italiam venienti iam Aeneæ prospera, & secunda cuncta denunciet.

Impiger Aenea volitantis frater amoris,
 Troica qui profugis sacra vobis ratibus,
 Iam tibi Laurentes assignat Iuppiter agrós,
 Iam vocat errantes hospita terra Deos.
 Ecce super fessas volitat Victoria puppes;
 Tandem ad Troianos Diua superba venit.
 Ecce mibi lucent Rutulis incendia castris.
 Iam tibi pradico barbare Turne necem.
 Ante oculos Laurens castrum, murusq. Lauini est;
 Albaq. ab Ascanio condita longa duce.
 Te quoq. iam video Marti placitura sacerdos
 Ilia, Vestales deseruisse focos.
 Concubitusq. tuos furiim, vittasq. iacentes,
 Et cupidi ad ripas arma relicta Dei.
 Carpite nunc tauri septem de collibus herbas
 Dum licet: hic magna nam locus Vrbis erit.
 Roma tuum nomen terris fatale regendis
 Quà sua de celo prospicit arua Ceres;
 Quàq. patent ortus, & quà fluitantibus undis
 Solis anhelantes abluit amnis equos.
 Troia quidem tum se mirabitur, & sibi dicet,
 Vos bene tam longam consuluisse fugam.
 Vera cano. sic usq. sacras innoxia lauros
 Vescar, & aeternum sit mihi virginitas.
 Ex hoc loco gradum facit per apposito transitu ad ea commemoranda prodigia, quæ bella ciuilia, & ipsam Cæsaris mortem antecesse-
 runt; affirmans, hæc etiam à Sibyllis prouisa, & denunciata fuisse,
 beneficio Phœbi, qui vatibus ipsis mentem, ac diuinandi facultatem
 inspirat.

Quicquid Amalthea, quicquid Marpeffia dixit,
 Herophile Phœbo grata quod admonuit,
 Hæc fore dixerunt bell'i mala signa cometem,
 Multus ut in terris deplueretq. lapis;
 Atq. tubas, atq. arma ferunt strepitantia calo
 Audita, & lucos præcunuisse fugam.
 Ipsum etiam solem defectum lumine vidit
 Iungere pallentes nubilus annus equos.
 Et simulacra Deum lacrymas fudisse tepentes,
 Fataq. vocales præmonuisse boues.

Ex hisce prodigijs occasionem arripit meliora precandi, vaticinandi. prospera populo Romano.

Hæc fuerunt olim. sed tu iam mitis Apollo

Prodigia indomitis merge sub aquoribus .
 Et succensa sacris crepitet bene laurea flammis ,
 Omine quo felix & sacer annus eat .
 Laurus ubi bona signa dedit , gaudete coloni .
 Distentet spicis horrea plena Ceres .
 Oblitus & musto feriet pede rusticus vuas ,
 Dolia dum magni deficiuntq. lacus .
 At madidus Baccho sua festa Palilia pastor
 Concinet ; à stabulis tum procul este lupi .
 Et foetus matrona dabit , gnatusq. parenti
 Oscula compressis auribus eripiet .
 Nec tēdebit auum paruo aduigilare nepoti ,
 Balbaq. cum puero dicere verba senem .
 Tunc operata Deo pubes discumbet in herba ,
 Arboris antiquæ quā leuis umbra cadet .
 At sibi quisq. dapes , & festas extruet altè
 Cespitibus mensas , cespitibusq. torum .

Finis iam appetit Elegiæ in Messalini laudem institutæ , ac de Messalino verbum amplius nullum audimus . Quid igitur ? errabit ita vagus poëta , neq. ad locum vnde decessit reuertetur ? vix profectò reuertitur . nam ab ijs conuiuijs , & felici , pacatoq. rerum statu , quem descripsit vaticinans , egreditur ad detestationem amoris ; perinde quasi vnuis hic esset , qui eam interturbaret felicitatem : optatq. vehementer , eo se animi motu tandem aliquando liberari , vt versus condere facile possit in laudem ipsius Messalini ; eo præsertim tempore , quo Messalinus ducet in Capitolium triumphum ex hostibus victor .

Pace tua pereant arcus , pereantq. sagittæ
 Phœbe ; modò in terris erret inermis Amor .
 Ars bona ; sed postquam sumpsit sibi tela Cupido ,
 Hei mibi quād multis ars dedit illa malum ?
 Et mihi præcipue , iaceo cum saucius annum ,
 Et faueo morbo , cum iuuat ipse dolor .
 Vixq. cano Neme sim , sine qua versus mibi nullus
 Verba potest , iustos aut reperire modos .
 At tu (nam Diuum seruat tutela poëtas)
 Præmoneo , vati parce puella facro .
 Ut Messalinum celebrem , cum præmia belli ,
 Ante suos currus oppida victa feret .
 Ipse gerens laurus , lauro deuinctus agresti ,
 Miles io magna voce triumphe canam .
 Tunc Messala meus pia det spectacula turba
 Et plaudat curru prætereunte pater .

Annue:

Annue: sic tibi sint intonsi Phœbe capilli,

Sic tua perpetuò sit tibi casta soror.

Sic impositus est finis Elegiæ longè pulcherrimæ, atque omnium elegantissimæ, reseruato ad extremum usque regressu. Sunt tamen quæ magis redditum differant, ac producant; cum ab Episodio non nisi postremis carminibus se recipient in viam. Sunt, quæ multo ante finem iter repetant Episodio interruptum: sed quia non utuntur Episodio perpetuo, rei ciendæ videntur in earum classem, quæ brevioribus Episodijs delectantur.

An Episodium Elegiæ sine redditu sit probabile.

Caput XIII.

NVnc illud de hoc perpetui, continuatique Episodij genere quærendum est. an liceat interdum sic egredi, ut numquam in eam viam referatur oratio, in quam ipso se dedit initio. Absurdum alicui videbitur esse quod dicā; sed legibus Elegiæ consentaneum est. Confirmo, inquam, licere scriptoribus Elegiarum ab argumento proposito sic egredi, ut numquam eō reuertantur. confirmo autem permulchorum grauissima ductus auctoritate, in primisque Propertij; qui in Elegia libri tertij decima huius Episodij luculentissimum exemplum posteritati reliquit. Nam, ut illa se purgaret ignauia nota, cuius à multis insimulabatur, propterea quod turpissimum seminarum iugum, ac seruitium pateretur, id turpe sibi non esse aggreditur ostendere præclarorum hominum, ac Deorum exemplo; qui, ut fortissimi fuerint, seminarum tamen imperium subterfugere non potuerunt. Cum ergo, multis ex eo genere hominibus, Dijsq. nominatim per inductionem enumeratis, ad Antonium peruenisset, qui Cleopatræ perditus amore, peregrinæ feminæ seruitium, quasi vile mancipium pertulit, egreditur ad commemorandum, detestandumq. bellum nauale, quod cum vtrinsq. classe commisit Augustus: atq. illa digressione ita concludit Elegiam, ut de amantium, sui q. ipsius illa seruitute ne verbum quidem adiungat.

Quid mirare, meam si versat femina vitam,

Et trahit addictum sub sua iura virum?

Criminaq. ignavi capit is mibi noxia fingis,

Quod nequeam fracto rumpere vincla iugo?

Ista ego præterita iactavi verba iuuenta;

Tu nunc exemplo disce timere meo.

Exordium hoc est, & propositio quædam Elegiæ. Fidem propositioni facit inductione, petita ab Iasone viro fortissimo; qui à Medea super-

E c ratus

ratus est: ab Achille illo insuperabili, ac fatis, ut poëta dixerunt, inuitato, quem vicit amoris vi Amazonum Regina Penthesilea: ab Hercule, quem de toto triumphantem orbe terrarum, traxit sub iugum, atque ad lanificium compulit Omphale: à Ioue ipso, qui turpissimis amoribus est infamatus: denique ab Antonio Romano, viro clarissimo, cui Cleopatra meretrix Ægypti Regina sic imperauit, ut eum etiam ad arma in patriam sumenda concitarit.

Colchis flagrantes adamantina sub iuga tauros

Egit, & armigera prælia seuit humo.

Custodijq. feros clausit serpentis biatus,

Iret ut Aesonias aurea lana domos.

Ausa ferox ab equo quondam oppugnare sagittis

Mæotis Danaum Penthesilea rates.

Aurea cui postquam nudauit cassida frontem,

Vicit viñorem candida forma virum.

Omphale in tantum formæ processit honorem

Lydia, Gygæo tinclæ puella lacu.

Vt qui pacato statuisset in orbe columnas,

Tam dura traberet mollia pensa manu.

Nam quid ego Heroas, quid raptem in crimina Diuos?

Iupiter infamat seq. suamq. domum.

Quid modò que nostris opprobria vexerit armis,

Et famulos inter femina trita fuos?

Hi postremi versus inductionis modum faciunt, & Cleopatram carpunt: quæ cum formæ pulchritudine cepisset, ac viciisset Antonium, tanto conatu Romani fines Imperij aggressa est, ut parum abfuerit, quin improba feminæ gentium Vrbs, populorumque Regina seruitutem seruiret. Quam ego Elegiæ partem Episodium nomino, nō membris inductionis: quia satis inductioni erat, illam Antonij seruitutem commemorasse. sed cum ab ea commemoratione lôgius auectus poëta, de bello illo nauali copiosissime dicat, Episodio sanè rem amplificare, non inductione dicendus est. In rem præsentem veniamus. Sic enim pergit de Cleopatra, deq. Antonio canere.

Coniugis obscœni pretium Romana poposit

Mænia, & addictos in sua regna Patres.

Noxia Alexandria, dolis aptissima tellus,

Et toties nostro Memphi cruenta malo.

Tres ubi Pompeio detraxit arena triumphos:

Tollet nulla dies hanc tibi Roma notam.

Issent Phlegræo melius tibi funera campo,

Vel tua si sacerdo colla daturus eras.

Scilicet incesti meretrix Regina Canopi

Vna Philippæo sanguine adusta nota .
 Ausa Ioui nostro latrantem opponere Anubim ,
 Et Tyberim Nili cogere ferre minas .
 Romanamq. tubam crepitanti pellere fistro ,
 Baridos & contis rostra Liburna sequi .
 Fœdaq. Tarpeio conopea tendere saxo ;
 Iura dare statuas inter, & arma Mari .
 Quid nunc Tarquinij fractas iuuat esse secures ,
 Nomine quem simili vita superba notat ,
 Si mulier patientia fuit? cape Roma triumphum ,
 Et longam Augusto salua precare diem .
 Fugisti tamen in timidi vaga flumina Nili :
 Accepere tua Romula vincla manus .
 Brachia spectaui sacris admorsa colubris ,
 Et trabere occultum membra soporis iter .
 Non hac Roma fuit tanto tibi ciue verenda
 Dixit, & affiduo lingua sepulta mero .
 Septem Vrbs alta iugis, toti quæ præsidet orbi ,
 Femineas timuit territa Marte minas .
 Hannibal is spolia, & victi monimenta Syphacis ,
 Et Pyrrbi ad nostros gloria fracta pedes .
 Curtius expletis statuit monimenta lacunis ,
 At Decius missò prælia rupit equo .
 Coclitis abscissos testatur semita pontes ,
 Et cui cognomen Coruus habere dedit .
 Hæc Dij condiderunt, hæc Dij quoq. mœnia seruant :
 Vix timeat, saluo Cæsare, Roma Iouem .
 Nunc ubi Scipiadae classes , ubi signa Camilli ?
 Aut modò Pompeia Bosphora capta manu ?
 Leucadius versas acies memorabit Apollo :
 Tantum operis belli sustulit una dies .
 At tu, siue petes portus, seu nauita linques ,
 Cæsar is in tuto sis memor Ionio .

Atq. hæc est eius Elegiæ clausula , quæ duxit initium ab intolerabili
 seruitute , quam Propertius auctor sub feminæ perferebat arbitrio .
 Quam enim habet Augusti de Cleopatra, deq. Antonio clarissima vi-
 toria cum illa seruitute coniunctionem ? Et tamen hoc diuerticulo
 sine regressu terminata est Elegia . vt intelligas; hoc poëmatis genus
 Episodio perpetuo, atq. ad finem vsq. produc̄to, posse cum laude, atque
 artificiosè concludi. Sed quamquam Propertij, aliorumque mihi non
 exempla suppterent, haberem tamen, cur id nihilominus confirmar-
 rem. quod ante quam pluribus ostendo, id mihi ponendum esse intel-

ligo : Episodium Elegiarum eius omnino generis esse, quo vtitur in Odis poëta Lyricus. nam Episodijs Epicæ quadam tantummodo proportione respondet . Quapropter illa Episodiorum genera, quæ conueniunt Odis , non abhorrebunt ab Elegia . Videamus ergo, an inter digressiones Lyricorum aliquam huic , de qua disputamus , similem inuenire possimus . Principio Episodia illa, quæ vel paulo ante finem, vel in ipso fine referuntur in gradum, atq. ad institutum reuertuntur, ita frequenter apud Lyricos occurruunt, vt non facilè constitui posse videatur, Elegiæ ne, an Odæ magis propria sint. Horatius enim Drusi Neronis è gente Claudia victoriam , quam de Rhœtis, ac Vindelicis reportarat, ornare aggressus, iucundissimo digressus est Episodio, replicanda memoria periculosisimi prælij, quod cum Hasdrubale olim ad Metaurum felicissimo confecerat euentu Claudio Nero , à quo Drusus ipse ducebat originem .

*Quid debeas ò Roma Neronibus,
Testis Metaurum flumen, & Hasdrubal
Deuictus, & pulcher fugatis
Ille dies Latio tenebris ,
Qui primus alma risit adorea ;
Dirus per urbes Afer, vt Italas
Ceu flamma per tædas, vel Eurus
Per Siculas equitauit vndas .
Post hoc secundis usq. laboribus
Romana pubes creuit: & impio
Vaſtata Pœnorum tumultu
Fana Deos habuere reētos .
Dixitq. tandem perfidus Hannibal .
Cerui luporum præda rapacium ,
Sectamur ultro quos opimus
Fallere, & effugere est triumphus .
Gens, quæ cremato fortis ab Ilio
Iactata Tuscis æquoribus sacra ,
Natosque, maturosq. patres
Pertulit Aufonias ad urbes ,
Duris ut ilex tonsa bipennibus
Nigræ feraci frondis in Algido ,
Per damna, per cædes ab ipso
Dicit opes, animumq. ferro .
Non Hydra seculo corpore firmior
Vinci dolentem creuit in Herculem ,
Monstrumque summisere Colchi
Maius, Ecbioniae Theba .*

Carthagini iam non ego nuncios

Mittam superbos: occidit, occidit

Spes omnis & fortuna nostri

Nominis, Asdrubale interempto.

Hic Episodio finis est sub ipsum exitum Odæ, quam his quatuor versiculis principio respondentibus ita concludit.

Nil Claudiæ non perficiunt manus,

Quas, & benigno numine Iuppiter

Defendit, & curæ sagaces

Expediunt per acuta belli.

Tractat eodem modo sextam decimam Oden libri primi: cuius argumenti vis vniuersa in eo posita est, ut veniam à puella petat, quam iambis, ac maledictis lacerarat. Cum enim eo se nomine purgasset, quòd fecisset id iracundia perturbatus; cuius impetum nemo sustinere queat, egressus est ad iræ vim explicandam, atq. amplificandam, pulcherrimo illo vsus commento de hominis effictore Prometheo. Ait enim, Prometheus, cum hominem efformaret è luto, ex omnibus animantibus aliquam decerpississe particulam, ipsique homini iam informato inseruisse. Ex quo factum vult, vt tam varijs animi perturbationibus à mutis animantibus hand alienis exagitemur. Addit ad extreum, iram nominatim decisam è leonis pectore fuisse; atque animis insitam nostris, excitasse ea, quæ patimur bella, seditiones, discordias, vrbiuum, ac regnorum euersiones. His expositis, iterum à puella veniam precatur, iambos rescindit, & quam paucissimis Oden absoluit. Innumerabiles pene sunt eius generis apud Lyricos egresiones, quæ omnino cadunt etiam in Elegiam; quod supra demonstrauimus exemplis. Perquirendum nunc est, num in Odis etiam illud sit Episodium, quod regressione caret, & semper aberrat. meminisse enim oportet, hæc ideo à me disputari, vt ostendatur, illud Episodij genus, à quo numquam poëta se recipit in semitam, esse laudabile illo potissimum nomine, quòd eo Lyrici sèpè sint vñi; ad quorum vide licet formam ipsa reuocatur, vt diximus, Elegia. Nam si cetera Lyricorum Episodia communia cum Elegiaco poëta sunt, cur non etiam hoc, quod pulcherrimum est, ac singulare cum illa communicetur? Ne multa. hunc etiam locum exemplis ab Horatio petitis frequentabo: ac primo quidem Ode nobili, quæ tertia est libri primi. vbi cum initio bene precatus esset Virgilio in Atticam nauiganti, ad detestandos nauium inuentores illicò, ac repente dilabitur: rursusq. ab ea detestatione ad execrandam vniuersè hominum audaciam ita gradum facit, vt in eo consitiat, omnino reuersionis oblitus.

Illi robur, & as triplex

Circa pectus erat, qui facilem truci

Commisit pelago ratem
 Primus: nec timuit præcipitem Africum
 Decertantem Aquilonibus,
 Nec tristes Hyadas, nec rabiem Noti,
 Quo non arbiter Hadria
 Maior, tollere, seu ponere vult freta.
 Quem mortis timuit gradum
 Qui siccis oculis monstra natantia,
 Qui vidit mare turgidum, &
 Infames scopulos Acroceraunia.
 Nequicquam Deus abscidit
 Prudens Oceano dissociabili
 Terras, si tamen impia
 Non tangenda rates transiliunt vada.
 Audax omnia perpeti
 Gens humana ruit per vetitum nefas.
 Audax Iapeti genus
 Ignem frande mala gentibus intalit.
 Post ignem ætherea domo
 Subductum, macies, & noua febrium
 Terris incubuit cohors:
 Semotiq. prius tarda necessitas
 Lethi corripuit gradum.
 Expertus vacuum Dædalus æra,
 Pennis non homini datis.
 Perrupit Acheronta Herculeus labor.
 Nil mortalibus arduum est
 Cælum ipsum petimus Stultitia: neque
 Per nostrum patimur scelus,
 Iracunda Iouem ponere fulmina.
 Hactenus Ode: quæ illo perpetuo, ductoq. ad finem usq. terminatur
 Episodio, nec Virgilij nauigantis villam amplius mentionem incul-
 eat, pro quo vota Castori, Pollucique fecerat initio, & nauem ipsam
 compellarat, rogaueratque, ut eum secundo usum cursu in Atticæ fi-
 nes exponeret.
 Sic te Diua potens Cypri,
 Sic fratres Helenæ lucida sidera,
 Ventorumq. regat pater,
 Obstrictis alys, praver Iapyga.
 Nauis, qua tibi creditum
 Debes Virgilium, finibus Atticis
 Reddas incolunem precor,

Et serues animæ dimidium meæ.
 Persimilis est Ode libri secundi tertiadecima : quæ ab arbore , cuius
 casu penè fuerat oppressus Horatius in agro Sabino , statim discedit,
 & in describendis Inferis hæret sine reditu ad argumentum . Cum
 enim dixisset, absuisse parum, quin ipse illa arboris prolapsione rape-
 retur ad Inferos , inde arrepta statim egressionis ansa , in Inferis im-
 moratur: arboris casum ne commemorat amplius quidem.

Quam penè furua regna Proserpinae,

Et iudicantem vidimus Aeacum;

Sed efsq. discretas piorum, &

Aeolys fidibus querentem.

Sappho puellis de popularibus:

Et te sonantem plenius aureo

Alcae plectro dura nauis,

Dura fugæ mala, dura belli!

Vtrumq. sacro digna silentio

Mirantur umbræ dicere: sed magis

Pugnas, & exactos Tyrannos

Densum humeris bibit aure vulgus.

Quid mirum, ubi illis carminibus stupens

Demittit atras bellua centiceps

Aures, & intorti capillis

Eumenidum recreantur angues?

Quin & Prometheus, & Pelopis parens

Dulci laborum decipitur sono:

Nec curat Orion leones,

Aut timidos agitare lyncas.

Etiā huic fini longè simillimum Episodium est in Ode quarta libri
 tertij: vbi hoc agit, & sequitur, vt inductione quadam ostendat, se Mu-
 farum ope multis periculis fuisse liberatum. sed hoc argumento præ-
 temissō, aggreditur de Titanibus, ceterisq. hominum immanium de-
 trusis ad Inferos ita subitò, abruptèq. dicere, vt non facile deprehen-
 di possit egressionis occasio: quantum tamen intelligere possum, hæc
 est. Sermonem in inductionis parte postrema conuerterat ad Musas,
 quas eo potissimum nomine commendarat, quod saluberrimum ijs
 consilium darent, quos ipse in tutelam suscepissent. Ut igitur contra
 ostenderet, illos inconsultò res agere, qui diuinitus inspiratum à Mu-
 sis consilium non habent, eosdemq. quantumuis robore, ac firmitate
 præstantes sua mole ruere, atq. ad Inferos prolabi, profert in medium
 Titanum, atq. aliorum exempla, qui aliquid aduersum Deos sine con-
 silio, ac ratione moliti essent. Sed hic ad fabulam, atque ad Episodium
 transitus obscurissimus est: est tamen is, qui possit planissimè id, quod

dicebam demonstrare : Elegias nimirum, quæ similes Odis sunt, producto ad finem usque diverticulo, perpetuoq. vti Episodio iure posse, nec habere necesse de regressione, redituque ad susceptum argumentum, & institutum magnopere laborare : quia sic Lyricis, & Odarum scriptoribus est ius.

Vester Camœna, vester in arduos

Tollor Sabinos, &c.

Vos lene consilium & datis, & dato

Gaudetis alma scimus ut impios

Titanae, immanemq. turmam

Fulmine sustulerit caduco.

Magnum illa terrorem intulerat Ioui,

Fidens iuuentus horrida brachij,

Fratresq. tendentes opaco

Pelion imposuisse Olympo.

Sed quid Typhœus, & validus Mimas,

Aut quid minaci Porphyron statu,

Quid Rhetus, euulissq. truncis

Enceladus iaculator audax

Contra sonantem Palladis ægida

Possent ruentes & hinc auditus stetit

Vulcanus, hinc matrona Iuno, &

Numquam humeris positurus arcum,

Qui rore puro Castalia lauit

Crines solutos, qui Lyciae tenet

Dumeta, natalemq. syluam

Delius, & Patareus Apollo.

Ab hoc loco videtur aliquantulum regredi poëta : non tamen ad institutam initio de Musis orationem revertitur, sed ad eam, quam egrediens protulerat de inani eorum consilio sententiam, qui aliquid sine ratione moliuntur. Quare continuatum, non interruptum Episodium est, si principij, & argumenti ratio habeatur. id quod etiā alibi tum Horatius ipse sequitur, tum Tibullus, alijq. auctores Elegiarum. Pergit igitur in hunc modum Horatius.

Vis consili expers mole ruit sua,

Vim temperatam Dij quoq. prouehunt

In maius: idem odere vires

Omne nefas animo mouentes.

Testis mearum centimanus Gyas

Sententiarum, notus & integre

Tentator Orion Diana,

Virginea domitus sagitta.

*Iniecta monstris terra dolet suis,
Mæretq. partus fulmine luridum
Misso ad Orcum, nec peredit
Impositam celer ignis Aetnam.
Incontinentis nec Tyti iecur
Relinquit ales nequitiae additus
Cujos : amatorem trecentæ
Pyrithoum cobibent catenæ.*

Consequens Ode, hoc est, quinta libri tertij habet huius generis Episodium admirabile: in quo Attilius Regulus inducitur de non redimendis captiuis seuerissimam illam in Senatu sententiam proferens. Inducitur autem propterea sic alloquens Patres, quod paulo post initium poëta Romanorum deplorauerat opprobrium; quo ad infamiam usque postremam notati erant, cum sub duce Craffo venerunt in hostium potestatem. Dixerat enim, illos milites turpissime victos esse, turpissime seruitutem passos, quia corrupto moribus saeculo, sub Imperatore item corrupto, stipendia fecerant. Hinc ad Attilium Regulum elabitur, confirmatque, id sapientissimum illum hominem prouidisse, cum legatus Romam à Carthaginensibus missus, captiuus ipse, captiuos tamen redimendos non esse iudicauit. Intelligebat enim futurum, ut si facilè redimerentur ab hostibus ij, qui per socordiam in Carthaginensium venerant ditionem, milites haberet Romana Republica moliores, & qui facillimè ditionem hostibus facerent.

*Hoc cauerat mens prouida Reguli
Dissentientis conditionibus
Faedis, & exemplo trahentis
Perniciem veniens in euum,
Si non periret immiserabilis
Captiuua pubes. Signa ego Punicis
Affixa delubris, & arma
Militibus sine cade dixit
Direpta vidi. vidi ego ciuium
Retorta tergo brachia libero
Portasq. non clausas; & arua
Marte coli populata nostro.
Auro repensus scilicet acrior
Miles redibit? flagitio additis
Damnum: nec amissos colores
Lana refert medicata fuco.
Nec vera virtus cum semel excidit
Curat reponi deterioribus.
Si pugnat extricata densis*

Cerua plagis ; erit ille fortis ,
 Qui perfidis se credidit hostibus ?
 Et Marte Paenos proteret altero ,
 Qui lora restrictis lacertis
 Sensit iners, timuitq. mortem ?
 Hic unde vitam sumeret inscius
 Pacem duello miscuit . ò pudor
 O magna Carthago probrosis
 Altior Italiae ruinis .
 Fertur pudicae coniugis osculum ,
 Paruosq. natos, ut capit is minor
 Ase remouisse, & virilem
 Toruus humi posuisse vultum :
 Donec labantes consilio Patres
 Firmaret auctor, numquam alias dato ;
 Interq. morentes amicos
 Egregius properaret exul .
 Atqui sciebat quæ sibi barbarus
 Tortor pararet: non aliter tamen
 Dimovit obstantes propinquos ,
 Et populum redditus morantem ,
 Quam si clientum longa negotia
 Djudicata lite relinquere ,
 Tendens Venafranos in agros ,
 Aut Lacedemonium Tarentum .
 Hæc ita conclusa quam longè distant ab ijs , quæ fuerant initio proposita de Crassi milite, qui victus sine pugna, per summam ignauiam in Barbarorum seruitutem abduci se passus est ?
 Miles ne Crassi coniuge barbara
 Turpis maritus vixit? & hostium ,
 Proh curia, inuersiq. mores ,
 Confenuit sacerorum in armis ?
 Sub Rege Medo Marsus, & Appulus
 Anciliorum nominis, & togæ
 Oblitus, &c.

Quid de Ode septima libri primi dicamus , in qua Teucer inducitur sodales appellans? quid de vigesima septima libri tertij, in qua inducitur Europa, nec ad suscepturn redditur argumentum? quid de vndecima libri tertij , quæ ab obstinatione Lydæ principium sumens, extum reperit in Danai puellis , quas digressione bene longæ ad finem, vsq. describit? Exemplum, præteritis ceteris, instar omnium sit Ode libri tertij tertia: vbi, vt ostendere præcipue contendat Horatius, ho-

minem virtutis instructum præsidio & vi , nihil extimesceré , numquam de recto, æquabiliq. animi statu dimoueri ; inducta tamen Iu-
none, quæ Deos in Cælitum concilio alloquatur, Oden prorsus absolu-
uit , ac de constantia filet . Sed est necesse videre ipsam totius argu-
menti cum Episodio continuationem , coniunctionemque ; quæ tum
occultissima , tum vero etiam artificiosissima est . Pronunciat igitur
Horatius, eum, qui altissima virtutis fundamenta iecerit, ita semper
eodem loco consistere, vt etiam si suis conuulsus sedibus totus laba-
tur orbis terrarum, tenorem tamen animi seruet eundem impertur-
batus . Hac videlicet virtutis via ingressos ad immortalitatem esse
Pollucem, Herculem, ceteros, quorum egregia facinora prædicamus,
in primisque Römulum Vrbis conditorem, qui Deorum in concilium
exceptus est, Iunone placata, veterumq. oblita simultatum, quas cum
Troianis, ipsius Romuli maioribus, exercuerat . Tantum enim abest,
vt de Romulo à Cœlitibus excludendo deliberarit, vt in Deorum se-
natu admirabilia quædam de Romuli, Romanorumq. laude loqua-
sit . Hæc est Episodij ratio; quam in ipso fonte præstat intueri .

Hac arte Pollux, & vagus Hercules

Innixus, arces attigit igneas :

Quos inter Augustus recumbens

Purpureo bibet ore nectar .

Hæc te merentem Bacche pater tuæ

Vexere Tigres, indocili iugum

Collo trabentes: hæc Quirinus

Martis equis Acheronta fugit ,

Gratum eloquuta consiliantibus

Iunione Diuis . Ilion Ilion ,

Fatalis, incestusq. iudex

Et mulier peregrina vertit

In puluerem, ex quo destituit Deos

Mercede pacis Laomedon, mihi ,

Castæq. damnatum Minerua

Cum populo, & duce fraudulentio .

Iam nec Lacæna splendet adulteræ

Famosus boffes, nec Priami domus

Periura pugnaces Achiuos

Hectoreis opibus refringit .

Nostrisq. ductum seditionibus

Bellum resedit. protinus & graues

Iras, & inuisum nepotem ,

Troica quem peperit sacerdos

Marti redonabo . illum ego lucidas

*Inire sedes, ducere nectaris
 Succos, & adscribi quietis
 Ordinibus patiar Deorum :
 Dum longus inter sauiat Ilion
 Romamq. pontus, qualibet exules
 In parte regnanto beati ;
 Dum Priami, Paridisq. busto
 Insultet armentum, & catulos ferae
 Cælent inulta: Stet Capitolium
 Fulgens, triumphatisq. possit
 Roma ferox dare iura Medis.*

Pergit in eandem sententiam vaticinari Juno, & futuram populi Romani gloriam prædicare ; sed de virtutis, animiq. constantia, cuius elogium initio texere cœperat , nihil in exitu loquitur amplius Horatius : ratus, satis superq. laudatam illa sententia fuisse, quæ principium fecit .

*Iustum, & tenacem propositi virum
 Non ciuium ardor prava iubentium,
 Non vultus instantis Tyranni
 Mente quatit solida: neq. Auster
 Dux inquieti turbidus Hadriæ,
 Nec fulminantis magna Iouis manus.
 Si fractus illabatur orbis,
 Impavidum ferient ruine.*

Hæc à me tam multa , tamq. longa ponuntur exempla , vt intelligatur, etiam Elegiæ fas esse sic egredi , vt numquam reuertatur : quia Lyrica , in quo genere collocauimus Elegiam , eam sibi licentiam usurpauit, vt perpetua aberratione vagaretur . non enim id ex ingenio , & pro arbitratu excogitauit ; ac fecit Horatius ; sed sumpsit à Græcis,in primisque à Pindaro,cuius laudem æmulabatur.

Ceterum non à Lyricis mòdò , verum etiam ab alijs quoq. poëtis huius egressionis tam liberæ, licentisq. petere possumus exempla, quæ tribuere debeant eandem veniam Elegiæ. Multa enim sunt in Virgilianis Eclogis, atq. in Georgicis ipsis Episodia, quæ similia videntur Elegiacis . qualis est Sileni cantus in Ecloga sexta , Italæ laus in Georg. primo, aliaq. permulta. In quibus duas omnino reperio digressiones his, de quibus hoc loco disputamus, affines . Prior est in fine libri secundi Georgicorum : vbi laudes rei rusticæ Virgilius , egressus ab argumento, copiosè persequitur; de præceptionibus autem serendarum arborum, quas accurate scribendas sumpserat, nihil amplius cogitat . Posterior est in exitu libri primi : vbi cum multa de futuræ tempestatis, aut serenitatis indicijs cecinisset, signa postremo certissima

sima describit in Sole , quem historiæ tradunt Iulij Cæsaris mortem, ac bella ciuilia, quæ mortem ipsā consecuta sunt, præmonstrasse. Hanc igitur egrediendi nactus occasionem , prodigia , quæ obitum illum. Cæsaris antecesserunt, Vrbis clades, intestina dissidia , eo planè modo, quo hæc ab Elegia perstricta fuissent, enumerando commemorat. atq. ita librum absolvit, cuius argumentum erat seminum satio, atq. agricultura.

Cum igitur Elegiacorum poëtarum, & Lyricorum exemplo, cum ipsius Virgilij auctoritate ita comprobari possit Elegiæ digressio sine vlo reditu ad argumentum, non video cur laudem mereri non debebet is, qui ad horum poëtarum similitudinem arte directa, huiusmodi Episodij licentia vteretur.

De altero Elegiæ Episodio breuiori .

Caput XIV .

Restat illud alterum Episodij genus , quod ego breuius appella-
bam . Sed quoniam hoc etiam multiplex est, in quasdam quasi
formas partiendum, ac diuidendum erit. Vnum enim est, quo mirifi-
cè ornatur Elegia; cum egressio non ita longa subiungitur alicui sen-
tentia, statimq. redditur eo, vnde defluxit oratio; iterumq. noua digres-
sione, nouoque reditu res amplificatur. Præstat hæc admirabili modo
Tibullus in Elegia tertia libri primi .

*Quam bene Saturno viuebant Rege, priusquam
Tellus in longas est patefacta vias .*

Cum enim exorsus fuisset ab aduersa valetudine sua, cuius vi detine-
batur in alienis terris , impediebaturq. quo minus itinere perpetuo
sequi Messalam in bellum proficiscentem posset, ad aureum Saturni
sæculum orationem distraxit , à quo non multo post, ad valetudinem
reuertitur suam ; Iouem obtestans , vt si illo morbo, mortisque pe-
riculo liberet .

*Parce Pater: timidum non me periuria terrent ,
Nec dicta in sanctos impia verba Deos .
Quod si fatales iam nunc expleuimus annos ,
Fac lapis inscriptis stet super ossa notis .
Hic iacet immitti consumptus morte Tibullus ,
Messalam terra dum sequiturq. mari .*

Iterum hinc eò discedit, quò postrema eum sententia ducere videba-
tur; & campos describit Elyrios , ad quos demigraturum se putabat,
si eo morbo extingueretur .

Sed me, qui facilis tenero sum semper amori ,

Ipsa Venus campos ducet ad Elysios.

Hic choreæ, cantusq. vigent, passimq. vagantes

Dulce sonant tenui gutture carmen aues.

Postremò ad valetudinem redit; affirmans, habere se spem, breui futurum, ut conualescat, reuertatur in patriam, ac lacrymantem Deliam consoletur.

Tunc mibi qualis eris, longos turbata capillos

Obvia, nudato Delia curre pede.

Hoc precor, hunc illum nobis aurora nitentem

Luciferum roseis candida portet equis.

Hæc Episodij forma interponitur identidem, ac crebrius ad elegantiā incredibilem inculcatur. Ergo in Elegia decima libri primi Titullus, vbi gladios & bella detestatur, illico post initium egreditur, enuncians, bellorum causam auaritiam esse, ac propterea beatos fuisse, qui aureo illo saeculo vixerunt, quo tempore apparatus bellici nulli erant.

Non arces, non vallus erat, somnumq. petebat

Securus varias dux gregis inter oves, &c.

Deinde reuertitur ad institutum, Deosq. precatur domesticos, & Lares, vt sibi in castra proficiscenti præstò sint. ab hac precatione arripit occasionem laudanda frugalitatis antiquorum, quæ spectabatur etiam in sacrorum ornatu.

Nunc ad bella trahor, & iam quis forsitan hostis

Hæsura in nostro tela gerit latere.

Sed patrij seruare Lares, aliusq. & idem,

Cursarem vestros cum tener ante pedes.

Nec pudeat prisco vos esse è stipite factos:

Sic veteris sedes incoluistis aui.

Tunc melius tenuere fidem, cum paupere culta

Stabat in exigua ligneus æde Deus.

Hic placatus erat, seu quis libauerat vuam,

Seu dederat sanctæ spicae ferta come.

Rursus ab egressione repetit viam, & armorum studium execratur, statimque digreditur ad describendos Inferos: quò militia pertrahit ante diem eos, qui bello delectantur, & armis.

Quis furor est atram bellis accersere mortem?

Imminet, & tacito clam venit illa pede.

Non seges est infra, non vinea culta, sed audax

Cerberus, & Stygia nauita puppis aquæ.

Illic percussi que genis, usq. capillo

Errat ad obscuros pallida turba lacus.

Hinc etiam receptum habet ad primam illam animi sui sententiam, qua

qua se studio pacis delectari professus erat, incipitq. vniuersè pacem,
quietemq. publicam commendare.

Interea pax arua colat, pax candida primum.

Duxit aratueros sub iuga curua boves.

Pax aluit vites, & succos condidit vuæ,

Funderet ut gnato testa paterna merum.

Pace bidens, vomerq. vigent, &c.

Sed hæc Episodia tam crebra videntur interdum non tam à stirpe,
hoc est ab argomento præcipuo nata, quam ab Episodijs ipsis veluti
surculi quidam, & stolones è ramis existentes. Artificium hoc planè
rarū est, ac singulare in Elegia Tibulli septima libri primi. in qua cum
à natali Messalæ, quem canendum suscepereat, ad eiusdem Messalæ vi-
ctorias celebrandas elapsus esset, ait se in partem aliquam triumpfi
vocari debere; cum semper in bello Messalam secutus sit, ac sub eo
stipendia fecerit. Ab hoc Episodio natum est alterum, quo vniuersa
loca describit, in quibus pugna commissa est, & victoriam Messala,
Tibullo comite reportauit.

At te victrices lauros Messala gerentem

Portabat niueis currus eburnus equis.

Non sine me est tibi partus bonos per bella: Pyrene

Testis, & Oceani littora Santonici.

Testis Arar, Rhodanusq. celer, magnusq. Garumna,

Carnoti & flavi cœrula lympha Liger.

At te Cydne canam, tacitis qui leniter vndis

Cœruleus placidis per vada serpis aquis.

Quantus & æthereo contingens vertice nubes

Frigidus intonfos Taurus alat Cilicas.

Quid referam ut volitet crebras intacta per urbes

Alba Palæstino sancta columba Syro:

Vtq. maris vastum prospectet turribus æquor

Prima ratem ventis credere docta Tyros;

Qualis & arentes cum findit Syrius agros

Fertilis æstiva Nilus abundet aqua.

Ad Nilum cum venisset, quò Messalam Imperatorem longo secutus
erat itinere, nouo sibi viam expedit Episodio, sine ullo ad natalem re-
ditu, quem initio canere cœperat.

Nile pater, qua nam possum te dicere causa,

Aut quibus in terris oculuiſe caput?

Te propter nullos tellus tua postulat imbræ,

Arida nec pluvio supplicat herba Ioui.

Te canit, atq. suum proles miratur Osirim

Barbara Memphitem plangere docta bouem.

Rursus à Nilo discedit , & in Osiride , cuius vel leuissima inciderat mentio , commoratur .

Primus aratra manu solerti fecit Osiris ,

Et teneram ferro sollicitauit humum .

Primus inexperta commisit semina terræ ,

Pomaq. non notis legit ab arboribus .

Hic docuit teneram palis adiungere vitem ,

Hic viridem dura cadere falce comam .

Illi iucundos primum matura sapore

Expressa in cultis sua dedit pedibus .

Quoniam verò fuerat hic sua commemorata , nouus est Episodio factus aditus ; idq. additum in vini laudem , & commendationem est .

Ille liquor docuit , voces infletere cantu ,

Mouit & ad certos nescia membra modos .

Bacchus & agricola magno confecta labore

Pectora tristitia dissoluenda dedit .

Bacchus & afflictis requiem mortalibus affert ,

Crura licet dura compede pulsa sonent .

Difserit igitur hæc Episodij forma à superiore , illo nomine , quod non tam ab argumento ipso dicit originem , quam ab alio quodam Episodio . Cui non videntur absimiles alia quædam breuissimæ , natæ ex aliquo verbo antecedenti ; & quæ repetitiones verius sint , quam egressiones . vt in Eleg . v . lib . ij . apud Tibul .

Pendebatq. vagi pastoris in arbore votum ,

Garrula silvestri fistula sacra Deo .

Fistula , cui semper decrescit arundinis ordo :

Nam calamus cera iungitur usq. minor .

Et alio loco Eleg . j . lib . j .

Adsistis Diui : nec vos è paupere mensa

Dona , nec è puris spernите fictilibus .

Fictilia antiquus primum sibi fecit agrestis

Pocula , de facili , composuitq. luto .

Hæc , inquam , repetitiones breuissima mihi videtur Episodia ; quia rei , qua de agitur , aduentitia sunt , & argumento , quod habetur in manibus , apposita . quid enim erat necesse id subiungere ?

Fistula cui semper , &c. Fictilia antiquus , &c.

Postremam breuis Episodij rationem , ac formam Horatius habet , epitheto , & rei , quæ tractatur , explicationi , vel illustrationi persimilem . Nam in Ode octaua libri primi Achillem nominans , hoc Episodio tamquam epitheto quodam , aut explicatione hominem ornat . De Sybari loquitur perditè Lydiam amate , quem comparat cum Achille in Scyro delitescente .

Quid latet, ut marina

Filium dicunt Thetidis sub lacrymosa Troiae

Funera, ne virilis

Cultus in cædem, & Lycias proriperet cateruas.

Et in Ode quarta libri quarti dicturus, à Druso viatos fuisse Vindelicos, adiungit, scire se Vindelicos vti solitos Amazonia securi, sed unde morem illum, & genus armorum acceperint, se nescire.

Videre Rhœti bella sub Alpibus

Drusum gerentem & Vindelici; quibus

Mos unde deductus per omne

Tempus Amazonia securi

Dextras obarmet, querere distuli,

Nec scire fas est omnia.

Etiam Ode trigesima secunda libri primi suppeditabit exemplum: in qua cum satis fuisse dicere, barbito usum Alcæum poëtam, addidit quatuor versiculis argumentum, quod solitus esset Alcæus canere.

Liberum, & Musas, Veneremque; & illi

Semper hærentem puerum canebat.

Hæc, inquam, adiungere nulla necessitas cogit, sed persuadet ornatus, ac delectatio, cuius gratia institutum Episodium est, vt in Episodij definitione traditur à Suida. De fine dicendum nunc esse videtur, quo terminari oporteat Elegiam.

De Fine. Caput X V .

Vltima pars ex ijs, quas diximus esse quætitatis, est finis, exitusq. poëmatis in loco, ac tempore terminati. Recte enim ab Aristotele in Poëticis finis esse dicitur, ac definitur ea pars, quæ post aliam nata est, & quam nulla præterea consequatur. vt intelligas, non vbiq. terminari poëmata posse, non infinitè produci; sed oportere aliquas esse antecedentes partes, ex quibus oriatur appositè finis, nihil superesse post finem, quod exponendum necessariò videatur. Quare præcipit idem Aristoteles, fabulam neq. ordiendam esse temere, neq. fine ratione terminandam. Vbi enim perfecta est, atq. absoluta illa actio, quam nominatim, & solitariè poëta suscepit exprimendam, claudendum etiam poëma est, antea, nullo modo claudendum; ne fabula inchoata sit, atq. imperfecta. Inde factum est, vt Comici præsertim pauclo ante finem, vel ipso in fine soleant admonere, apertèq. confirmare, actionem exprimendam à poëta, suum habere iam finem, & fabulam esse perfectam: si quid supersit, hoc est, si quid præter actionem illam faciendum sit, intus confectum iri.

Ne expectetis, dum exceant buc: intus despondebitur,

Intus transfigetur, si quid est, quod restat. plaudite.

Epici verò quamquam admonere, ac denunciare, ad exitum operis se peruenisse, minimè solent, sed actionis illius absolutione, quam tractant, contenti tantummodo sunt, qualis est procorum mors in Odyssea, Hectoris funus in Iliade, ac Turni cædes in Æneide; quamquam, inquam, hoc modo sine finis denunciatione finem faciunt Epici, non nulli tamen minus Epici, & qui non tam Epicæ structuram habent, quam Epicæ versus, aliquo interdum indicio significant, modum se poëmati ponere, ac finem facere. vt Virgilius in fine Georg. ij.

Sed nos immensum spatijs confecimus æquor:

Et iam tempus equum spumantia soluere colla.

Sed in fine quarti totum absoluturus opus, ampliori vtitur epilogo, ac pluribus verbis denunciat finem.

Hæc super aruorum cultu, pecorumq. canebam,

Et super arboribus; Casar dum magnus ad altum

Fulminat Eufratem bello: victorq. volentes

Per populos dat iura, viamq. affectat Olympo.

Illi Virgilium me tempore dulcis alebat

Parthenope studijs florentem ignobilis oti:

Carmina qui lusi pastorum, audaxq. iuuenta

Tytire te patula cecini sub tegmine fagi.

Nihil verò de Ouidio dicatur: qui claudit hoc exitu Metamorphoseon librum extreum.

Iamq. opus exegi, quod nec Iouis ira, nec ignes,

Nec poterit ferrum, nec edax abolere vetustas, &c.

Sed hi poëtæ, quemadmodum indicaui, structuram, quæ orvtheos à Græcis dicitur, habent ab Heroicis alienam. quare cum his potius conuenit Elegia, quam cum Epica. Si quis enim eorum compositionem, incessum orationis, epiphonemata, ceteraque huiusmodi ornamenta conferat cum Odis, & cum Elegijs, haud sanè multum hæc inter se differre comperiet. finem igitur expeditat Elegia necesse est hisce poëmatis similem, quibus cum tantam habet coniunctionem. Fateor equidem, in faciendo fine libriores Elegias esse, neq. adeo de fine ipso magnopere laborare: sed tamen etiā illas oportet in eo leges habere aliquas. Neq. enim vbiq., ac temere finiri debet, sed tātū eo loco, in quo esse perfecta rei proposita videtur expositio, & eo, vbi Episodia ipsa iustum magnitudinem habuerunt. Nam, vt dicam hoc exempli causa, Propertius pugnam Augusti naualem se cantaturum pollicitus, si ante terminasset Elegiam, quam ad eius exitum pugna peruenisset; aut quoniam credebatur ab omnibus, ac palam circumferebatur, eam vicitoriā Apollinis beneficio, qui pro Augusto steterat in clasie, reportatam esse, Episodio aliquo non cōplexus hoc esset, aut si per Episodiū Apolline inducto, sic egressus ab instituto fuisset, vt infinitè protrahe-
retur

retur oratio, finē Elegiæ sine artificio, sine consilio, ac ratione fecisset.

Vbi ergo & expositio nihil desiderat, & quicquid comprehendendi per Episodium, aut per inductionem debet, comprehensum iam est, modus imponendus etiam est Elegiæ; sed appositè, ac eleganter. Quod ut facile præstari possit, quosdam quasi communes ego notauerim locos, ex quibus imponendi finis accommodata ratio ducenda sit.

Ac primo quidem video magnopere à poëtis eum frequentari locum admonitionis, ac denunciationis, de quo paulo ante dicebam. Nam præter ea veterum testimonia, quæ proposui, pulcherrimus est locus apud Virgilium in Ecloga decima; quæ, quia colloquentes pastores non inducit, sed perpetuo sermone vnum tantummodo, hoc est poëtam ipsum loquentem habet, Gallum amore perditum Lycoridis alloquio consolantem, eum omnino sequitur incessum orationis, eam conformatiōnem, quam habere oportet Elegiam. In ea igitur Ecloga video finem factum ab ipsa finis denunciatione ad hunc modum.

*Hæc sat erit Dina vestrum cecinisse poëtam
Dum sedet, & gracili fiscellam texit bibisco
Pierides: vos hec facietis maxima Gallo,
Gallo; cuius amor tantum mihi crescit in horas,
Quantum vere nouo viridis se subiicit alnus.
Surgamus: solet esse grauis cantantibus umbra,
Juniperi grauis umbra; nocent & frugibus umbrae,
Ite domum saturæ, venit Hesperus, ite capellæ.*

Hic, inquam, locus suppeditat accommodatam Elegiæ terminandæ rationem, & modum: quia tractatur à poëtis illis, qui ab Elegiacis alieni non sunt. Propertius adeo, vbi Elegiam illam naualis pugnæ iustum habere magnitudinem vidisset, denunciauit ipse quoq. finem, & usus est, nō eadem solum terminādi ratione, sed etiam forma loquendi.

*Bella satis cecini: citharam iam poscit Apollo
Victor, & ad placidos exuit arma choros.
Candida nunc molli subeant coniuia Iuco,
Blanditiaeque fluant per mea colla rosæ.
Ingenium potis irritet Musa poëtis:
Bacche soles Phœbo fertilis esse tuo.
Ille paludosos memoret seruire Sicambros,
Cepheam hic Merovën, fuscaq. regna canat.
Hic referat sero confessum fœdere Parthum:
Reddat signa Remi, mox dabit ipse sua.
Siue aliquid pharetris Augustus parcer Eois,
Differat in pueros ista trophyæ suos.
Gaude Crasse, nigras si quid sapis inter arenas:
Ire per Eufraten ad tua busta licet.*

*Sic noctem patera, sic ducam carmine, donec
Inyiat radios in mea vina dies.*

Quamquam hæc Propertij clausula duplice potest finis locum demonstrare. Neq. enim tantummodo finem denunciat; sed à fine gradum facit ad nouum argumentum breuiter in fine perstringendum; hoc est ad Parthicum bellum, ad signa Romana recepta, ad Crassi mortem, Barbarorum expiatam sanguine, quæ omnia, duce Ventidio, Augusti ipsius auspicio gesta felicissimè sunt. Eadem plane ratione finis est usus in Elegia prima libri quarti: in qua cum de Romanæ Vrbis initijs, amplificatione, maiestate, imperio, magnitudine, victorijs multa dixisset, sub extreum Elegiam clausurus, finem sibi faciendum esse aperte, dilucidèque confirmauit, ac stylum ad aliud argumentum suo magis accommodatum ingenio referendum.

Haec tenus histrio. nunc ad tua deuehor astra.

Incipe tu lacrymis aequis adesse nouis.

Vmbria te notis antiqua Penatibus edit:

Mentior an patriæ tangitur ora tua?

Quæ nebulosa cauo rorat Meuania campo,

Et lacus æstinius intepet Umber aquis.

Scandentisq. axis consurgit vertice murus,

Murus ab ingenio notior ille tuo.

Oßaq. legisti, non illa atate legenda

Patris, & in tenuis cogeri ipse lares.

Nam tua cum multi versarent rura iuuenci,

Abstulit excultas pertica tristis opes.

Mox ubi bulla rudi dimissa est aurea collo,

Matris & ante Deos libera sumpta toga;

Tum tibi pauca suo de carmine dictat Apollo,

Et vetat insano verba tonare foro.

At tu singe Elegos, fallax opus. hæc tua castra:

Scribat ut exemplo cetera turba tuo.

Militiam Veneris blandis patiere sub armis,

Et Veneris pueris utilis hostis eris.

Alter hic Propertij locus nouam quoq. parere finis rationem suo fine videtur. Nam præter nouum argumentum, quod se cantaturum pollicetur poëta, continet quasi reprehensionem, quod maiora sit aggressus argumenta, quæm ingenium, aut institutio, aut Apollo ipse patiatur. Id quod Horatio videtur esse prope solemne: qui s̄epe Musam temeritatis accusat in fine, quod rem suam vincentem facultatem aggredi, & complecti sit ausa. Quare in Ode illa tertia libri tertij, in qua lunonem in Cælitum Senatu loquentem induxit, Episodium sane longum ita concludit.

Non hoc iocose conueniunt lyrae.

Quo Musa tendis? define peruvicax

Referre sermones Deorum, &

Magna modis tenuare paruis.

Et in Ode prima libri secundi cum bella ciuilia, quibus afflita Res publica fuerat, & oratione perpetua, & acerba detestatione sic commemorasset,

Quis non Latino sanguine pinguior

Campus sepulcris impia prælia

Testatur, auditumq. Medis

Hesperie sonitum ruina?

Qui gurges, aut quæ flumina lugubris

Ignara belli? quod mare Dauniæ

Non decolorauere cædes,

Quæ caret ora cruento nostro?

cum, inquam, hæc tam tristia rerum argumenta à Lyricis aliena tractasset, cursum orationis in fine reprehendit.

Sed ne relictis Musa procax iocis,

Cæs retractes munera nania,

Mecum Dionæo sub antro

Quære modos meliore plectro.

Dicuntur enim hæc in eandem planè sententiam, qua dictum est illud à Virgilio.

Dum canerem Reges, & prælia, Cynthius aurem

Vellit, & admonuit. pastorem Tityre pingues

Pascere oportet ones, diductum dicere carmen:

in eandem, qua Phœbus admonuit, reprehenditq. Propertium, quòd ausus esset Epicam, certè argumentum Epicæ versibus attingere minus idoneis.

Quid tibi cum tali demens est flumine? quis te

Carminis heroi tangere iussit opus?

Non hinc vlla tibi speranda est fama Properti:

Mollia sunt paruis prata terenda rotis.

Vt tuas in scanno iactetur sâpe libellus,

Quem legat expectans sola puella virum,

Cur tua præscriptio seuecta est pagina gyro?

Non est ingenij cymba grauanda tui.

Alter remus aquas, alter tibi radat arenas:

Tutus eris: medio plurima turba mari.

Versat idem argumentum, eandemque sententiam in Elegia prima libri secundi cum alloquitur Meccenatem, eique confirmat, ingenium se scribendæ accommodatum Epicæ naçum non esse, sed amo-

ribus tractandis potius, ac Elegiæ.

Quod mihi si tantum Mæcenas fata dedissent,

Vt possem heroas ducere in arma manus,

Non ego Titanas canerem, non Ossan Olympo

Impositum, ut cœli Pelion esset iter.

Non veteres Thebas, nec Pergama, nomen Homeri;

Xerxis & imperio bina coisse vada.

Regna prima Remi, aut animos Carthaginis altae

Cimbrorumq. minas, & bene facta Mari.

Bellaq. resq. tui memorarem Cæsaris: & tu

Cæsare sub magno cura secunda fores.

Nam quoties Mutinam, aut ciuilia busta Philippos,

Aut canerem Siculae classica bella fugæ?

Eversosq. focos antiquæ gentis Etrusca,

Et Ptolemææ littora capta Phari.

Aut canerem Aegyptum, aut Nilum, cum tractus in Vrbem

Septem captiuis debilis ibat aquis.

Aut Regum auratis circumdata colla catenis,

Actiæq. in sacra currere rostra via.

Sed neq. Phlegræos Iouis, Enceladiq. tumultus

Intonet angusto peccore Callimachus.

Nec mea conueniunt duro præcordia versu

Cæsaris in Phrygios condere nomen auos.

Nauita de ventis, de tauris narrat arator;

Enumerat miles vulnera, pastor oues.

Hæc ergo sententia, quæ tam sape tractatur à poëtis, appositè finem imponet Elegiæ, cum præsertim argumētum aliquod magnum canit ab ipsius abhorrens Elegiæ ratione. Alios nunc locos, & quasi sedes, è quibus accōmodati fines Elegiæ duci possunt, exquiramus. Video ab ijsdem Elegiarum scriptoribus sape frequentari repetitionem eiusdem sententiæ, quam initio exposuerant in exordio. qui exitus est naturæ, ac ratione maximè consentaneus: cum par sit, eò ad extremum orationem referre, vnde principio velut à fonte promanauit. Itaque Tibullus in Elegia decima libri primi, quam ab armorum, bellorumque detestatione fuerat exorsus, ab inuocatione pacis finem accessit.

At nobis Pax alma veni, spicamq. teneto,

Perfluat & pomis candidus ante sinu.

Et in Elegia prima libri primi, cuius initium fuerat diuitiarum contemptus;

Dinitias alius fuluo sibi congerat auro,
finis, eiusdem sententiæ repetitio fuit.

Ferte,

*Ferte, & opes: ego composito securus aceruo
Despiciam dites, despiciamq. famem.*

Hanc videlicet habet clausulam Elegia septima libri primi de natali Messalæ

*Hunc cecinere diem Parcæ, &c.
quæ longo post itinere ad natalem reuertitur, & natali terminatur.*

*At tu natalis multos celebrande per annos
Candidior semper, candidiorq. veni.*

Sed in hoc genere illa videtur esse pulcherrima clausula , quæ in fine non iterat tantum eandem sententiam , à qua ductum exordium est, & totius Elegiæ argumentum; sed etiam eadem pene verba, eandemque verborum figuram, & conformatiōnem inculcat . Huius finis lūculentum nobis demonstrat exemplum Tibullus in Elegia quinta libri secundi, cui factum initium est ;

Phœbe faue, &c.

Iterat enim illud idem votum , & precationem eadem inuocationis figura .

Annue: sic tibi sint intonſi Phœbe capilli :

Sic tua perpetuò fit tibi caſta ſoror.

Demonstrat idem exemplum Horatius in Ode trigesima secunda libri primi: quam cum ab appellatione barbiti fuisset exorsus ;

Postimus ſi quid vacui ſub umbra

Lufimus tecum, quod & hunc in annum

Viuat, & plures, age dic Latinum

Barbite carmen :

cum ita, inquam , fuisset exorsus Oden , eadem appellatione barbiti terminauit .

O decus Phœbi, & dapibus supremi

Grata teſtudo Iouis, & laborum

Dulce lenimen, mibi cumq. ſalve

Rite vocanti .

Reuocari poſſit ad hoc genus pulcherrimus exitus Elegiæ quartæ libri tertij de ſomnio : quæ cum à timore, ac denunciati per ſomnium mali depreciatione naſcatur ,

Dij meliora ferant, &c.

in eadem ſignificatione timoris, in eademque mali depreciatione inuenit finem .

Hæc Deus in melius crudelia ſomnia vertat,

Et iubeat trepidos irrita ferre Notos .

Similis est apud Ouidium finis Epistolæ nobilis, quam ſcribit Hypermenſtra: quæ principio catena ſe vincas habere manus affirmat :

Claſſa domo teneor, durisq. coercita vincis:

Et in ijsdem desinit vinculis.

Scribere plura libet, sed pondere laffa catenæ.

Est manus, & vires substrabit ipse timor.

Eiusdem generis est apud eundem finis Elegiæ quartæ libri primi, cuius initium est exprobratio puellæ; qua nimio medicamentorum vsum capillos fucare voluerat, eosdem sibi radicitus extirparat.

Dicebam desiste tuos medicare capillos:

Tingere quam possis, iam tibi nulla coma est.

Huic exprobationi consolatio respôdet in fine. sperare quippe pueram iubet, aliquando futurum, ut crines prioribus longiores, pulchriorisque renascantur.

Collige cum vultu mentem; reparabile damnum est.

Postmodò nativa conspicere coma.

In hanc etiam referendus est classem finis Elegiæ decimæ quintæ libri secundi, de anulo, quem cum initio sic appellasset,

annule formosa digitum vinciture puella,

In quo censendum nil nisi dantis amor,
eodem planè modo, eademque sententia alloquitur in fine.

Irrita quid voneo? paruum proficisciere munus:

Ille datam tecum sentiet esse fidem.

Quid Elegias tantummodo commemoro, cum apud Virgilium ipsum rei rusticæ finis initio Bucolice, ipsa verborum, ac nominum iteratione, respondeat?

Illo Virgilium me tempore dulcis alebat

Parthenope, studijs florentem ignobilis oti:

Carminal qui lusi pastorum, audaxq. iuuenta

Tityre te patula cecini sub tegmine fagi.

Sed omnium mihi videtur esse artificiosissimus exitus Elegiæ Callimachi de lauacro. Habet quippe singularem ingressum, ductum ab appellatione Nympharum in balneo, & eidem appellationi finem aptissimè respondentem. Nymphas igitur initio compellat, hortaturque, ut quam citissimè se proripiant, locumq. Palladi se se ibi de more lauantur liberum, vacuumque relinquant. ad extremum easdem alloquitur, admonetque, ut veniente iam Pallade, procul è balneo dilabantur. Ita proferam versus, ut à Politiano latinitate donatos offendì.

Ite foras agedum, quæcumq. liquentibus undis

Membra lauaturæ Pallados, ite foras.

Ipsa venit, fremitus sacrorum audimus equorum:

Ite agedum, flauæ ò ite Pelasgiades.

Pergit in eandem sententiam Nymphas, ut egrediantur, hortari, ac potissimum admonere, ne lauantem se Palladæ aspicere audeant;

nisi

nisi mori continuò, aut humanam formam amittere velint. quo loco pulcherrimum interserit Episodium, explicans acerbissimum suppli-
cium, quo Tiresiam olim affecerat Pallas, quòd eam ausus fuissest in lauacro contemplari.

*Cae tu ergo Pelasge,
 Ne nudam imprudens aspicias Dominam.
 Qui cernet nudatam Pallada, quæ tenet Vrbem,
 Ultra iam hoc Argos cernere non poterit.
 Iam veneranda exi Pallas, dum quiddam ego iſtis
 Dicam; nec meus hic sermo, sed alterius.*

Hoc est initium Episodij copiosè commemoratis Tiresiae casum: qui cum sitim leuaturus in itinere fontem peteret, ac in eo nudā Palladē fuissest intuitus, ab indignata Dea oculorum orbitate affectus illico est. Quam fabulam cū ad extremām vsq. Elegiam Callimachus abſolutissimè protulisset, eō reuertitur aliquando, vnde disceretur, repetitque non sententiam modò, sed verba propemodum ipsa, & confor-
mationem orationis, quæ posita principio fuerat.

*En verè nunc Pallas adeſte:ia ergo puelle,
 Queis Argos curæ eſt, ite Deam accipite.
 Cumq. bonis verbis, & cum prece, cumq. vulatu
 Salue ò Diua, urbem protege & Inachiam.
 Salve binc abſcedens, iterumq. buc fleſte iugales
 Ac rebus Danaum ſis precor auxilio.*

Alium video locum poētarum vestigijs maximè tritum; quem placet Inscriptionem appellare. Nam ſapè in exitu ipſo votum ſoluunt, aut tumulum optant, & voto, vel tumulo indicem, atque inscriptionem adiungunt. Exemplo fit apud Propertium Arethusa, quæ de reditu vi-
ri concepto animis voto, illius arma ſuspensuram ſe pollicetur ex fa-
cro pariete prope portam Capenam cum inscriptione, ipsam Ele-
giam ſic concludente.

*Armaq. cum tulero portæ votiuia Capenæ,
 Subſcribam, ſaluo grata puella viro.*

In Elegia vero prima libri ſecundi ad Mecenatem, tumulo ſuo multo longius addidit Epigramma idem Propertius. cum enim amore per-
ditus mutuum iam amorem planè desperaret, ac vitam, vt declarat
hoc diſticho,

*Vna meos quoniam prædata eſt femina ſensus,
 Ex hac ducentur funera noſtra domo,
 ſuum ipsius funus inscriptione comitatur, ac indice tumuli, quem stu-
diosè designat, hoc modo.*

*Quando cumq. igitur vitam mea fata reponſent,
 Et breue in exiguo marmore nomen erit;*

*Mecœnas nostræ spes inuidiosa iuuentæ
Et vite, & morti gloria iusta meæ,
Si te forte meo ducet via proxima busto,
Eßeda celatis siste Britanna iugis.
Taliaq. illacrymans mutæ iace verba fauilla :
Huic misero fatum dura puella fuit.*

Multis adhibetur locis à Tibullo similis finis ; sed egregiè in secunda libri tertij Elegia : vbi miserum sibi pertimescens interitum, & pro salute vota concipiens, ita loquitur.

*Ergo cum tenuem fuero mutatus in umbram,
Candidaq. offa super nigra fauilla teget,
Ante meum veniat longos incompta capillos,
Et fleat ante meum mœsta Næra rogum.
Sed veniat cara matris comitata dolore :
Mœreat hæc genero, mœreat illa viro.
Præfatæ ante meos manes, animamq. precatæ,
Perfusæq. pias ante liquore manus,
Pars quæ sola mei superabit corporis, offa
Incinctæ nigra candida ueste legent.
Et primum annoſo spargant collecta Lyæo,
Mox etiam niueo fundere lacte parent :
Post hæc carbaseis humorem tollere velis,
Atq. in marmorea ponere sicca domo.
Illic quas mittit diues Panchaia merces,
Eoiq. Arabes, diues & Assyria,
Et noſtri memores lacryme fundantur eodem :
Sic ego componi versus in offa velim.*

Hoc ordine, funere suo, ceremonijsque solemnibus ita descriptis, prononit, designatque indicem mortis : quem iubet ad extremum affigi sepulcro.

*Sed tristem mortis demonſtret littera causam,
Atq. hæc in celebri carmina fronte notet.
Lygdamus hic ſitus eſt: dolor huic, & cura Næra :
Coniugis ereptæ cauſa perire fuit.*

Placet hoc etiam referre clausulam Elegiæ nonæ libri primi eiusdem Tibulli.

*At tua tum me poena iuuet, Veneriq. merenti
Fixa notet casus aurea palma meos.
Hanc tibi fallaci resolutus amore Tibullus
Dedicat, & grata ſis Dea mente rogar.*

Sed poëtarum nemo frequentius ad hunc finem delabitur, quam Ouidius. Notissimæ quippè sunt epistolarum clausulæ, quarum permul-

et desperationem Heroinarum continent, & in tumulo Epigramma,
vel votum.

*Inscribere meo causa inuidiosa sepulcro,
Aut hoc, aut simili carmine notus eris.
Phyllida Demophoon letho dedit, hospes amantem.
Ille necis causam præbuit; ipsa manum.*

Cui moritura iam concinens Dido, Æneam persimili damnat inscrip-
tione, sibiq. ipsi parentat.

*Nec consumpta rogis inscribar Elisa Sichæ;
Hoc tamen in tumuli marmore cæmen erit.
Præbuit Aeneas, & causam mortis, & ensem:
Ipsa suo Dido concidit vsa manu.*

Video etiam sæpè finem peti ab aliquo dicto acuto, aut epiphonema-
te ijs minimè dissimili, quæ adhiberi solita sunt in clausulis Epigram-
matum: quod secutus potissimum Tibullus est in Elegia sexta libri
quarti.

*Quamuis nulla mei supereft tibi cura Nœara,
Sis felix, & sint candida fata tua.
At nos securæ reddamus tempora mensæ:
Venit post multas una serena dies.*

Hi sunt celebriores, nobilioresq., quos apud poëtas offendimus Ele-
giarum fines: sed sunt alij præterea longè plurimi, quos difficilè sit ad
certos locos reuocare: cum Elegiæ liberiora poëmata sint, & nullis
pene legibus in hoc genere teneantur.

De Partibus Qualitatis. ac primo quidem de Constitutione. Caput XVI I.

Qualitatēs partes, vt initio monuimus, quatuor in poëmatis e-
tiam hisce minoribus designandæ sunt: Synthesis, siue consti-
tutio, Mores, Sententia, Diction. Quæ quidem Epopœiæ tri-
buuntur; sed possunt tamen proportione, ac comparatione quadam
etiam in ipsam Elegiam conuenire. Dicuntur autem hæ partes qua-
litatis, quod ab his poëma, non quidem quantum, hoc est, magnum,
aut paruum dicatur, sed quale, hoc est, bene, vel male constitutum,
moratum, vel à moribus, ac decoro discedens, instructum sententijs,
atque affectibus, vel his carentis, oratione ornatum idonea, vel contrâ
inornatum: quæ quidem qualitatis sunt omnia non quantitatis. Itaq.
partes illæ, de quibus supra disputauimus, poëmatis membra qua-
dam sunt, veluti corporis: hæ, quas dicimus qualitatis, eiusdem cor-
poris, ac membrorum quasi color, succus, nerui videntur esse.

Dicen-

Dicendum est ergo primum de Synthesi, vel systasi, quam Aristoteles in capite quarto Fabulam vocat, eamque definiens, esse rerum ipsam compositionem, constitutionemque pronunciauit. Λέγεται μάθησις τὴν τὴν αὐτήν τὴν τεχνήν μάθαντας. Fabulam hanc, inquit, intelligo ipsam rerum esse compositionem. Et paulo post. μέμνοντες τὸν τέλον τῆς τεχνῆς μάθησις. Horum verò maximum ipsa rerum coagmentatio est. Ex quibus intelligas non modo quid Synthesis sit, verum etiam hanc partem esse talem, ac tantam, vt in ea posita esse omnia videantur. Ut enim in eodem capite confirmat Aristoteles, poëmatum animus, & quasi spiritus hæc rerum siue compositio, siue coagmentatio est. De hac ergo coagmentatione, & compositione sic præcipit, tum capite quinto, & sexto, tum etiam alibi sparsim: oportere principium habere suum, medium, ac finem accommodatum; nec unde fors tulerit incipere, aut vblibet definere: oportere magnitudine terminari iusta; qualis in pulcherrimis animantibus cernitur; quæ neque plus nimio proceræ sunt, neque plus nimio paruae: debere denique vnam esse; sic, inquam, vt vnum ad finem vniuersa colliment, quæ tractantur in opere.

Sint igitur etiam Elegiacæ coagmentationis eadem pene leges: vt principio nimirum, medio, fine constet accommodato; nec casu incipiatur, aut temere desinat; sed vnumquodq. sic disponat, & collocet ordine, quemadmodum in animantis corpore membra, vel in ædificatione partes operis dispositæ sunt. Ut enim Virgilius non quidem ab excidio Troiano, sed ab errore illo septenni ducit initium, deinde incendium Ilij, ceteraq. iam prætermissa Episodijs interserit; sic Elegiacus poëta exquisitum aliquod, atque à communi abhorrens exordium afferet, ex ijs petitum fontibus, quos aperuimus cum supra de exordio ageremus: deinde paulatim ad rem ipsam exponendam, ac tractandam accedet: tum eandem amplificabit Episodijs, ad extremum clausula terminabit, atq. idoneo fine concludet omnia. ex quibus existet quidam in eo genere nexus, quædam præter opinionem, expectationemq. legentium solutio, ijs prope similis, quas in poëmatis Epici constitutione cernimus. Cum ergo quædam sint, quæ melius initio ponuntur, alia quæ in medio, alia demum quæ in fine collocantur artificiosius, erit eius, qui Elegiam veluti corpus componit ex partibus, omnia sic digerere, vt quæ capitinis locum obtinere debent, ne ponantur in fine, neve illa, quæ medium, aut ultimum sibi vindicant locum, collocentur in capite.

Ex his vero partibus ita constitutis illa existet vntas, quam in coagmentatione summopere postulat Aristoteles. Quemadmodum enim Dramatis, vel Epopœia Fabula ita dicitur vna esse, si actiones singulæ, quæ tractantur in poëmate, ad vnam illam referantur principem,

cipem, atq. præcipuam, in qua summa omnis continetur, & vis, sic profectò Elegiæ compositio tum habenda verè est vna, cum singula Episodia, siue longa illa sint, siue breuiora, ad rem à primo institutam apposítè pertinebunt. Quamquam enim hæc longè differunt inter se, maximèq. distracta sunt, huius tamen beneficio partis, quæ synthesis, aut systasis dicitur, tam affabré componuntur, vt omnia vnum esse videantur.

Restat ipsa constitutionis magnitudo, quam Aristoteles ait esse debere iustum vniuersè; nec præscribit nominatim alium poëmatis finem, nisi quem operis absolutio postulat. Quare nos, quod attinet ad Elegiæ magnitudinem, nihil certi statuere possumus. Si tamen antiquorum exempla sequenda sint, & eorum relegenda vestigia, qui hoc scriptioris genere omnium maximè floruerent, dixerim, Elegiam paulo longiorem esse posse, quam Oden. Nam præter vnum Ouidium, laudissimus quisq. ex hisce limitibus vix excedit.

De Moribus. Caput XVII.

Antequam de moribus explicemus, illud hoc initio nosse oportet, quod ad omnia penitus intelligenda patefaciet viam: triplicem apud Aristotelem orationi moratae subiectam esse notionem. prima in eo posita sermone est, qui facile potest aliorum animos ad probos mores impellere: secunda in eo, qui ostendit dicentis mores esse bonos; vt cum oratores confirmant initio dicendi, se liberos omni perturbatione esse, Reipub. studiosos, iustos, probitatis amantes, &c. Tertia cernitur in poëmatis tantum, atq. in earum potissimum inductione personarum, quæ indicant quidem animi sui propensionem ad aliquid, vel sequendum, vel fugiendum, sed tamen quid eligant non plane declarant. Ita enim se res habet. mos quantum ad hanc notionem attinet, vel est innata nobis ad aliquid volendum, aut nolendum proclivitas, vel est ad idem ex frequentatis actionibus inueterata qualitas. Cum igitur is, qui loquitur apud Poëtas, indicat quidem hanc animi sui proclivitatem, & inueteratam consuetudinem, sed non aperit quid eligat, quidue demum velit, aut nolit, illius oratio morem habere dicitur. cum præterea declarat animi sensum, delectum, siue electionem, & voluntatem, tum est in oratione sententia, atq. affectus: de quibus in proximo post capite disputandum erit. Itaq. mos antecedit, sequitur ex eo, ac manat affectus, siue sententia, quæ in electione consistit. Sed hæc apud Aristotelem videamus; qui capite quarto poëticas ita morem definit. ἐστὶ δὲ ἕδος μὲν τὸ πειστόν, οὐ διλοῦ τὴν προσέγενον, ὅποια πειστόν, εἰ δὲ οὐκ ἐστὶ δῆλον ἡ προσέγενος, οὐ διλοῦται. est autem mos quid-

quoddam huiusmodi , quod aperit quidem alicuius electionem , aut insitam voluntatem, declarando, qualis illa sit, sed tamen in ijs versatur rebus, in quibus non dum apparet, easne sequatur, an fugiat . In hunc enim modum placet, non tam ad verbum reddere, quam interpretari sententiam Aristotelis . Atque ut breuissimè rem illustremus exemplo, quod proponit eo loco Pet. Victor. ita dicamus . Apud Euripidem Andromacha in Troadibus confirmat, in anteacta iam ætate domi se mansisse perlubenter, nec facile pedem foras extulisse, contra quam pleraque feminæ vulgo faciunt; quæ ludos, & conuiua frequentant: obseruasse virum, eiusq. haud grauatè ingenium tolerasse. Quibus verbis aperit illa quidem ingenium, & naturam suam, adeoq. docet sibi placere animi moderationem, & castitatem; sed non plane tamen significat affectum aliquem certum , electionemq. ab ea conformatio ne naturæ, vitaq. consuetudine promanantem.

Hanc igitur descriptionem moris etiam in Elegia reperiemus. Addidit enim Aristoteles, eius esse, qui mores exprimere velit , intuertia , necessarium , decorum , verosimile . Χεὶ δὲ καὶ τοῦτο οὐτενὸν ἐν τῷ ἀναγκαῖον τῷ εἴδετο. oportet in moribus quærere, vel necessarium, hoc est decorum, vel verosimile . At hæc exprimit haud minus Elegia, quam faciat Epicus. Quamquam enim Elegia non semper inducit personas loquentes, tamen, & cum inducit, inducit suis præditas moribus , & cum poëta ipse loquitur, personam indutus amantis , lugentis , aut gestientis, præ se fert mores, habitusq. animi, quos vel necessitas, vel decorum, vel verisimilitudo postulat. Facit igitur amantes incredulos, timidos, peruvicaces, indociles, confidentes , suspiciosos , omnia detestantes, molles, ignauos, varios, indignabundos; feminas inconstantes, perfidiosas, formæ cupidas , voluptarias . Sed tamen hos affectus , quos electiones appellat Aristoteles , indicat leuissimè pars hæc qualitatis, quæ Mos appellatur . Nam eos aperte declarare eius est partis, quæ sententia dicitur . Quòd si hæc in aliquo releggere velimus antiquorum exemplo, satis erit Elegia Tibulli decima libri primi: vbi mollem, delicatumq. ita suis se verbis effingit .

Quis fuit horrendos primus qui protulit enses?

Quam ferus & verè ferreus ille fuit!

Ostendit enim ille quidem, se bella detestari , non tamen planissimè hanc sententiam aperit animi sui, nisi cum postmodum addit hæc de aureo saeculo .

*Tunc mibi vita foret: vulgi nec triflia nossem
Arma, nec audissim corde tremente tubam.*

*Nunc ad bella trahor; & iam quis forsitan hostis
Hæsura in nostro tela gerit latere.*

Sed de sententia mox .

De Sententia. Caput XVIII.

Quemadmodum in proximè superiori capite Morem , siue moratam orationem fecimus duplicum,vnam oratorum,alteram poëtarum , sic sententiam hoc loco distinguere bifariam , ac bipartitò diuidere necesse habemus ; hoc est in eam, quæ pertinet ad oratores, & in alteram,quæ poëtarum est propria.non quòd illa oratorum seruire poëticæ non queat, sed quòd de ea præcipiant tantummodo Rethores ; de hac ijs solum præcepta describant, qui poëticæ proprium artificium persequuntur.Cum igitur eius cognitio sententiæ,quæ Rhetorum est,ad hanc etiam,quæ conuenit in poëticam,aliquid afferre momenti possit , dicam primum quæ nam , & quotuplex illa sit:vt demum intelligatur,an cum ipsa quoq.communicari queat Elegia .

Est adeo sententia apud dicendi magistros,& Rethores nihil aliud, quam oratio sumpta de vita;hoc est oratio, quæ demonstrat,doceatque breuiter,& summatim qualē vitam ipsam esse oporteat,& quibus officijs,aut virtutibus informatam.Eiusdem autem partitio sententiæ,vt à Quintiliano didicimus,huiusmodi est; vt alia dicenda sit simplex,alia complexa,siue composita. Simplicis exemplum esto . Ne quid nimis . Nosce te ipsum . Compositæ : Obsequium amicos,veritas odium parit . Alia sententiæ potest esse diuisio,in eam, quæ referratur ad personam,& in eam,quæ rem tantummodo complectatur,& explicit . Prioris exemplum apud Quintilianum hoc est . Principes, qui scire omnia volunt, multa necesse habent ignoscere . Posterioris. Nihil est tam populare, quam bonitas. Videtur hæc accepisse Quintilianus ab Aristotele,qui in libro Rheticorum secundo in eundem prope modum de hoc argumento disputauit. Ac primo quidem sententiam sic definiuit. Sententia est enunciatio, non quidem de singulis rebus,aut hominibus,vt qualis,aut qui vir Iphicrates sit: sed vniuersè prolata . neque de quibuslibet rebus:vt si quis rectum obliquo contrarium esse dixerit; sed de rebus agendis, deq. ijs,quæ in agendo prosequenda sunt , aut fugienda . Quæ definitio ita potest explanari per partes. Ait,sententiam esse nihil aliud, quam enunciationem : vt intelligamus , esse oportere propositionem integrām , & perfectam , quæque aliquid esse , vel non esse significet . Sed cum enunciations aliquæ de rebus peculiaribus sint, hoc est, ex,quæ de vna tantum re, vel de vno certo proferuntur homine , aliquæ verò generales, hoc est ex,quæ de vniuersis vniuersè dicuntur, docet, enunciationem illam, quæ propriè sententia est , non esse de singulis rebus, neque de certis qui-

quibusdam hominibus, sed de vniuerso genere prolatam vniuersè. Est enim sententia quoddam veluti decretum, & lex : leges autem, & decreta feruntur in omnes. Quoniam verò hæ quoque generales enunciationes de rebus esse possunt, quæ non cadunt in actionem, neq. vitam instituunt humanam, sed intelligentiam tantum hominis per contemplationem alunt : qualis esset ea, quæ declararet, ab inani, & vacuo rerum naturam vehementer abhorrire, vel quemadmodum ipse ait, obliquum esse recto contrarium, id etiam disertè subiungit; oportere huiusmodi enunciationes, quæ propriè dicendæ sententiæ sint, esse de actionibus humanis : vt de administranda Repub. de virtutibus excolendis, de fugienda improbitate, deq. alijs eiusmodi rebus, quas aut expetere solemus, aut declinare. vt : Pleriq. metu cef-sant peccare, non innocentia. Omnes sibi melius esse volunt, quam ceteris. Nulla re propius accedimus ad Deum, quam misericordia. Atq. hanc in hunc modum tradit Aristoteles sententiæ definitionem. Partitionem autem adiungit eam, quam ab ipso Quintilianus expressit. Quamquam enim genera sententiarum vult esse tātummodò duo, vult tamen ea esse veluti fontes, & capita ceterarū, à quibus aliæ duæ à Quintiliano descriptæ promanant. Primum ergo genus facit earum, quæ rationem adiunctam habent. Vt apud Terentium in Adelphis. Homine imperito nihil fieri potest iniustius : qui nisi quod ipse facit, nihil rectum putat. quæ quidem sententia respondet illi, quæ composita dicitur, aut complexa. Alterum genus docet rerum earum esse, quæ sine ratione subiecta proferuntur. Vt apud eundē Terentium in eadem Fabula. Pecuniam in loco negligere magnum interdum est lucrum. hæc autem similis illi est, quæ simplex appellatur. Causa verò huiuscē bipartitæ diuisionis ea videtur esse, quemadmodum ipse docet Aristoteles, quod enunciationes huiusmodi de rebus humanis aliquæ sint admirabiles, aut incredibiles, & paradoxis similes, nec facile fidem inueniant apud auditores, nisi subiecta ratione probentur. Non enim credit vulgus quod magnificè dices : iniuriam accipere melius esse, quam interre. debet adeo eiusmodi sententia ratione subiecta probari, ac demonstrari. Aliquæ vero sunt, quæ nihil habent abhorrens à vulgari opinione, ac propterea probatione non indigent. Quotus enim quisq. verum esse non credat illud ?

-----trabit sua quemq. voluptas.

Hæc ergo sententia, quod dicere institueram initio, à dicendi magistris sic exposita, & explanata, non est à poëtis aliena. quippè qui docent etiam interdum vniuersè, quid expetendum in vita homini sit, quid fugiendum. Vt.

-----Varium, & mutabile semper

Femina

Quid

*Quid non mortalia pectora cogis
Auri sacra fames?*

*Superanda omnis fortuna ferendo est.
Facilis iactura sepulcri.*

Quæ postrema, quia non vnicuiq. videbatur esse probabilis, cum pleriq. de suo laborent sepulcro, deg. sui nominis fama secundum obitum extendenda solliciti sint, adiuncta ratione probatur.

*Iam pridem inuisus Diuis, & inutilis annos
Demoror, &c.*

Sunt itaque, vt eò tandem accedam, quò deuenire consilium est, suæ in hoc genere sententiæ etiam Elegijs : sed humiliores, & suauiores quam illæ tam grandes Epicorum. Quod enim ille de mobilitate, ac levitate feminæ ita splendidè dixit, pronunciauit item Tibullus, sed suauius, & temperantius in Elegia iv. lib. iij.

Ab crudele genus: nec fidum femina nomen.

Et ibidem paulo post.

Sed flecti poterit; mens est mutabilis illi.

Quod Propertius expresit, additis comparationibus, aliquanto magnificenter: sed à suauitate tamen Elegiæ non longè discessit in libro secundo Eleg. vij.

Non sic incerto mutantur flamine Syrtes,

Nec folia hyberno tam tremefacta Noto.

Quam cito feminine non constat fœdus in ira.

De auro autem, pecuniaq. idem Propertius haud dissimilia loquitur ijs, quæ dicta sunt à Virgilio.

Ergo sollicitæ tu causa pecunia vite es? &c.

Tu vitys hominum crudelia pabula præbes, &c.

De patientia demum animi rebus in arduis retinenda Ouidius idem cecinit, quod de superanda fortuna Virgilii affirmauit.

Perfer, & obdura. dolor hic tibi proderit olim.

Qui quidem poëta omnium maximè hisce sententijs abundat, & ijs nominatim, quæ compositæ sunt, ac rationem enunciationi subiungunt.

Ceterum, hoc de sententiarum genere, quemadmodum initio dixi, non loquitur Aristoteles cum in poëticis de sententia præcipit ; sed de quadam animi, voluntatisque declaratione planissima, quæ certis consequitur ex moribus, de quibus ante disputauerat.

In hac enim parte illa est electionis apertissima significatio, quæ in superiori tantum adumbratur. Sic enim in capite quarto poëtices docet hæc Aristoteles. Sententia in ijs est, in quibus ij, qui dicunt, sui declarant animi voluntatem. Quid autem in tractanda sententia sequi debeamus, exposuit capite decimonono, vbi planissimè confirmat,

sententia officium esse, demonstrare, soluere, affectus excitare, rem aut imminuere, aut amplificare. Ex quibus id quod in affectibus est positum ita huic poëmati, quo de agimus congruit, ut nullum apud poëtas scriptionis genus magis patheticum inueniatur, quam Elegia. Mores igitur ipsos varij consequuntur affectus, gaudium dolor, tristitia, cupiditas, odium, amor, ceteri, qui sua exprimi singuli sententia debent ad viuum. Quam enim spirat ardenter ille apud Propertium Arethuse in coniugem absentem, atque in castris verstantem amor?

Romanis utinam patuissent castra puellis:

Essem militiae sarcina fida tua.

*Non me terrorent Scythiae inga, cum pater altas
Africus in glaciem frigore necit aquas.*

Omnis amor magnus, sed aperto in coniuge maior.

Hanc Venus, ut vivat, ventilat ipsa facem.

Et paulo post etiam mollius hunc affectum animi patescens eadem Arethusa, amorem suum esse meticolosum muliebriter indicat.

Dic mibi num teneros viri lorica lacertos?

Num grauis imbellis atterit hasta manus?

*Diceris & macie vultum tenuasse; sed opto
E desiderio sit color iste meo.*

Eamus per alios affectus. Tristitiam sic expressit Ouidius in Amorum primo libro Elegia duodecima.

Flete meos casus; tristes rediere tabellæ.

Et Propertius libro primo Elegia duodecima.

*Hæc certè deserta loca; & tacitura querenti,
Et vacuum Zephyri possidet aura nemus.*

*Hic licet occultos proferre impune dolores:
Si modo saxa queant sola tenere fidem.*

Gaudium idem Ouidius in Amorum secundo, Elegia duodecima.

Ite triumphales circum mea tempora lauri.

Vicimus, &c.

Et Propertius libro secundo, Elegia quinta decima.

O me felicem, nox o mibi candida, &c.

Timorem Tibullus: libro tertio, Elegia quarta.

Dij meliora ferant, nec sint insomnia vera,

Que tulit hesterna pessima nocte quies.

Ite procul vani; falsumq. auertite visum, &c.

Et in eodem libro Elegia quinta.

At mibi Persephone nigram denunciat horam.

Immerito iuueni parce nocere Dea.

Sed hi, ceterique apud Elegiacos affectus animi non sic exprimuntur

magnificè, quemadmodum eos expressos apud Virgilium, aliosq. poëtas intuemur, sed suauius, molliusque; vt ipsa postulat Elegiæ ratio. Quare de dictione postremo loco dicendum est.

De Dictione. Caput XIX.

Dictionem Aristoteles ait esse τὴν διὰ τῆς ὁρούσας ἐργασίαν: interpretationem animi per verba. Hoc enim ordo postulabat; vt constituto poëmate per synthesim, expressis moribus, exposita sententia, dictio ad extremum adderetur apposita, & verba eligerentur idonea sententijs.

Dixerim ergo primum vniuersè: dicendi genus Elegiacum esse debere medium, ac temperatum. Habent enim etiam poëtæ tria genera, characteresq. dicendi; qui à Virgilio, vt docet Macrobius, expressi tribus operibus sunt. Scripsit quippè Bucolicon humili genere, Georgica medio, Æneida sublimi, atq. grandiloquo; quemadmodum argumentum, & materia postulabat. Cum igitur Elegiæ materia sit humili, magnæq. plerumq. interiecta, intermedium quoq. dicendi vult notam, hoc est floridam, & temperatam. Itaq. mollis Elegiæ dictio esse debet, simplex, candida, suavis, speciosa verbis, nitore venusta, ordine, ac modo concinna. quas virtutes, atq. ornamenta licebit in Tibullo, in Propertio, in Ouidio ipso relegere. Nam Propertius, vt ait Scaliger, candidus est, & limatior, quam à plerisq. iudicetur; Ouidius tener, ac simplex, Tibullus æquabilis, delicatus, semper idem: Cornelius Afinij Pollionis filius, atq. à Virgilio adamatus habitus est inter Latinos durior, vt docet Quintilianus; sed miror, si vera Cornelij Galli, antiqui poëtæ illa est Elegia, quam paucis ante annis edidit Aldus mutilatam, & curtam. Nam quæ Cornelij Galli inscriptæ nomine circumferuntur elegiæ, & voluminibus Tibulli, atq. Propertij à librarijs adduntur, non Cornelij sunt, sed Maximiani Galli, qui non ita superiori vixit memoria, vt discere potes à Lilio Gyraldo in Histor. poëtarum. Illud, inquam, fragmentum Cornelij Galli, quod expositum est ab Aldo, non modò duritie caret, atq. asperitate, verum etiam eam habet dictiōnem, vt à Tibulli suavitate parum discedere, cum Propertijs grauitate contendere videatur. Sic enim ipse Cornelius canit, ac loquitur in Parthorum castris sub Ventidio clarissimo Imperatore, factus certior de valetudine Lycoridis, quam in Urbe reliquerat.

*Illa meos reditus s̄pē non p̄fūmit inani,
Et fouet in tacito gaudia certa s̄nu.
Me vocat absentem, me me suspirat in unum;
Et de me noctes cogitat, atq. dies.*

Quin etiam argento, puroq. intexitur auro

Altera iam castris parta lacerna meis.

Illic bellantum iuuenum studiosa figuræ,

Atq. auditæ leui prælia pingit acu.

Pingit & Eufratis currentes mollius vndas,

Viætricesq. Aquilas sub duce Ventidio.

Qui nunc Crassorum manes, direptaq. signa

Vindicat Augusti Cæsar's auspicijs.

Parthe tumens animis, & nostra cœde superbe,

Hic quoq. Rōmano stratus ab hoste iaces.

At mea cum primis viætricæ apparet imago :

Exigit hoc pietas, & bene fidus amor.

Ipsa quoq. exprimitur deiecto pallida vultu :

Stat lacrymans, & me penè vocare putas.

Quam bene, cum ferrum non dum prodiret in auras,

Omnia pacis erant; & sua cuiq. satis.

Dives erat, si quis parui possessor agelli

Seuerat ille prius, deinde coquebat olus.

Non locus inuidiaæ, quamuis vicinus abunde

Et pecus & mesæ, mustaq. haberet ager.

Cur mibi non illis nasci mea vita diebus

Contigit: inuidit quis bona tanta Deus?

O niueas luces, ò aurea tempora, verè

Aurea Saturni sæcla fuere senis.

Nunc ferrum erupit, rabiesq. afferrima ferri, &c.

Ex horum, inquam, poëtarum Elegijs petenda est vera dicendi nota. quæ, vt diximus, candida est, florens, concinna, iucunda. Sed sunt tamen quidam quasi loci vnde peti huiusmodi iucunditas, & concinnitas debet. Ac primo quidem sunt numeri: quorum alij sine dubio alijs sunt, aut dulciores, aut concinniores, aut grauiores. Grauis enim est, sed cum suauitate coniunctus ille, quo sâpe vtuntur initio versus hexametri.

Ibitis Aegæas

Musa Palatini.

Aut initio etiam ipsius pentametri.

Non exorato stant adamante fores.

Iungere pallentes nubilus annus equos.

Ille suavior, qui ab ethlipsi, aut collisione litterarum existit.

Magnum iter, ad doctas proficisci cogor Athenas:

Crescit enim assidue spectando cura puellæ.

quod est apud Propertium. Et quod apud Tibullum

Ipsum etiam solem defectum lumine vidit.

Suauissimus tamen omnium est, & grauissimus ille apud Ouidium: qui partim fit ex collisione, partim ex penultimo spondeo.

Castori Amyclæo, & Amyclæo Polluci.

Petitur interdum concinnitas à quadam quasi celeritate, ac trepidatione verborum. Ut apud Tibullum.

Cæruleus placidis per vada serpis aquis.

Namq. agor, ut per plana citus sola verbere turbo.

Interdum à tarditate, vel grauitate. ut in Elegia tertia libri secundi.

Claudit & indomitum moles mare, lento ut intra

Negligat hibernas piscis adeisse minas.

Et alibi.

Parce per immatura tuæ precor offa sororis.

Interdum à quadrifyllabo in fine pentametri, qui numerus semper habitus est mollior in Elegijs, Scaligero teste in Hypercritico; videoturq. accommodatus præfertim argumentis flebilibus: quale illud est Catulli plane in loco.

At tu non orbum luxti deserta cubile;

Sed cari fratris fleibile diffidium.

Nam ceteroqui videtur Catullus nimius in huiusmodi quadrifyllabis, fractus, & veluti confragosus. Sunt tamen qui illa ipsa Catulli duritie, atq. asperitate sic delectantur, ut eam audeant etiam imitari. Principatum in his habent Fracastorius, & M. Antonius Flaminius. Illius enim Elegiam legimus in eo genere, elaboratam in obitu M. Antonij Turrij Veronensis, hoc initium præferentem.

Et si ego met tanti casu perculsus amici

Solamen nostris discuperem lacrymis, &c.

Huius illam de Amore Lycinna.

Quid mirare tuo si regnat corde Lycinna;

Nec cessat tantis te cruciare malis?

Crede mihi non solus amas. Veneris puer omnium

Est Diuum, atq. hominum maxima pernicies.

Et eam, in qua Paufilypi colles Neapolitanos alloquitur.

Paufilypi colles, & candida Mergellina,

Et myrteta sacris constata littoribus, &c.

Sunt, inquam, quibus hæ placeant numerorum salebrae, & quadrifyllabon illud in fine. mihi probantur quidem, sed nominatim in argumento flebili, aut alioqui atroci, ac peracerbo, quemadmodum dixi. In alijs enim argumentis, bisyllabus videtur esse iucundior; ille præfertim, quem antecedunt aliqua interdum participia passiva, quæ admirabilem pentametro venustatem addunt, ut apud Tibullum.

Insidet celeri confaciendus equo.

Somnia ter salsa deueneranda mola.

Incedat donis conspicienda meis.

Mœnia consorti non habitanda Remo.

Sed culta, & diris non habitanda domus.

Aëria & nubes diripienda ferant.

Ceterum ad suavitatem Elegiacæ dictiōni conciliandam , erit ex vñ plurimum obsernare ipsarum sonum, & quasi qualitatem litterarum. Nam, vt de vocalibus primum dicamus, A, & O, magnum efficiunt sonum . Italiam fato . Ionio in magno. & Neptuno Ægæo. E, non habet tam magnum sonum, sed mediocrem, adeoque verba, quæ huiusmodi vocalem habent, erunt suauiora, quam prima; vt ciere, dicere . I, minus etiam sonat, & mollit vocem. Vt vidi, vt perij . omnium verò accidit mollissimè , ac suauissimè V , præsertim si in eadem voce geminetur .

Et color in niueo corpore purpureus.

Ex consonantibus autem F, spiritum habet, & quasi flatum; ac propterea erit ea littera rebus violentis , aut æstuosis exprimendis accommodata .

----- *ferunt sua flamina claffem.*

----- *fractasq. ferunt ad littora voces.*

----- *fracta remurmurat vnda.*

S, sibilum habet clarum, si sequatur vocalis: videturq. suavis .

----- *sale faxa sonabant.*

Z, stridorem .

Quinque tenent cœlum Zone.

Et ----- *nemorosa Zacynthos.*

R, Asperitatem .

Asper acerba tumens studijs asperrima belli .

N, tinnitum quodammodo tremulum: nomina, numina, neminem.

M, vt diximus, in Ethlipi suavitatem .

L, mollitudinem incredibilem . vt non immerito hæc littera dicta sit liquida, quasi mollis, ipsiq. palato quodammodo lubrica: quod Persius expressit his versibus .

Phyllidas, Hypsipylas, & vatum plorabile si quid

Eliquat, & tenero supplantat verba palato.

Nec sine summo consilio , ac ratione Virgilii, quemadmodum animaduertit Quintilianus, hanc litteram eo versu frequentauit, quem volebat esse dulcissimum .

Mollia luteola pingit vacinia caltha .

Quin omnes omnino poëta, cum mollitudinem querunt in litteris , configiunt ad illa diminutiua, quibus abundat vbiq. Catullus ; sed in eo præsertim ludo, vbi sunt hæc .

Ne laneum latusculum, manusq. mollicellas

Inusta turpiter tibi flagella conscribillent.

Esset facile per ceteras litteras eadem via iter habere: sed ex his satis, superq. potest intelligi; illud videndum esse Elegiaco poëta, vt tam è vocalibus, quām è consonantibus felicitat eas, quā suauiores esse videbuntur, ac dulciores.

Ad figuras potius extremo loco veniamus: in quibus maximè distinctionis posita est vis. ac eas primò perstringamus, quibus vix aliquod imponi potest nomen: quales sunt quædā encliticarum trajectiones.

Nec citara, intonsæ profueruntq. come.

Pocula de facili composuitq. luto.

Messalam terra dum sequiturq. mari.

Serus inoffensum rettuleritq. pedem.

—perfractas conqueriturq. fores.

Texuit, auratas disposuitq. vias.

Dolia dum magni deficiuntq. lacus.

Accendet; flammæ transflietq. sacras.

Et syllabarum dissolutiones in certis quibusdam verbis, quæ facile distrahi possunt.

Pectora trifitiæ disoluenda dedit.

Stamina non ullo disoluenda die.

Nulla queat posthac quam soluisse dies.

Sit satis ornatas disoluisse comas.

Et temporis præsentis in præteritum commutationes, quibus frequentissimè Tibullus vtitur in Modis infinitis. vt in Elegia iv. lib. j.

Nec te paeniteat duro subijsse labori,

Aut operi insuetas atteruijisse manus.

Et in Elegia prima libri secundi.

Nec pecudes, velut ante, petit: fixisse puellas

Gesit, & audaces perdomuisse viros.

Similem temporum commutationem habere videtur etiam illud in Elegia sexta libri tertij.

Ite procul durum cura genus, ite labores.

Fulserit hic niueis Delius alitibus.

pro fulgeat; nisi modus quidam potentialis sit, vt loquuntur Grammatici.

Alijs sunt figuræ suis distinctæ nominibus cum ceteris quoq. poëtis communes, sed quæ propriam quandam sibi vindicent in Elegia rationem. Quis enim repetitione non vtitur? illa tamen suum videatur habere modum apud Elegiacos minimè communicatum cum alijs. vt apud Ouidium.

Militat omnis amans, & habet sua castra Cupido.

Attice, crede mibi, militat omnis amans.

Et Semibouemq. virum, sanuirumq. bouem.

Et Cedere iussit aquam, iussa recessit aqua.

Aut apud Tibullum alia frequens huiusmodi repetitio.

Cespitibus mensam, cespitibusq. torum.

Quæ quidem repetitiones videntur illis similes, quæ sunt in aliorum versibus: sed ratione discrepant, ac modo. Ut

Dicemus, Daphninq. tuum tollemus ad astra:

Daphnus ad astra feremus. amauit nos quoq. Daphnis.

Et Pastorum Musam Damonis, & Alpheisibæ,

Immemor herbarum quos est mirata iuuencia

Certantes, quorum Stupefactæ carmine lynces.

Damonis Musam dicemus, & Alpheisibæ.

Vel apud Catull. Gemelle Caſtor, & Gemelle Caſtoris.

Vel apud eundem Virgilium.

— Nymphæ,

Laurentes Nymphæ,

cum appositione illa epitheti, quæ maximum addit ornamentum. Hæ, inquam repetitiones, ut similes videantur repetitionibus Elegiacorum, habent tamen aliam collocationem, & modum. Quam enim dissimilis illa?

Dum cumulant aras ad tua sacra veni:

Sed nitidus pulcherq. veni, &c.

Et Garrula sylvestri fistula sacra Deo.

Fistula cui semper decrescit arundinis ordo.

Vel Et seu quid merui, seu quid peccauimus, vror,
Vror io. remoue ſæua puella faces.

Vel Me tenet ignotis agrum Phæacia terris:

Aſtineas auidas mors precor atra manus.

Aſtineas mors atra precor.

Annuat & Cherinthe tibi quodcumq. rogabis,
En age quid ceſſas? annuit ille, roga.

Ad repetitionis figuram referri, ac reuocari debet versus intercalaris, quo inter Elegiacos poëtas reperio singulariter vtentem Ouidiū in Amor. libro primo Elegia sexta. vbi subinde, atq. identidem repetit hunc versiculum.

Tempora noctis eunt; excute poſte fores.

Haud minorem habet varietatem apostrophe. Quamquam enim familiaris est Heroicis, Elegiacis tamen esse videtur, & audacior, & frequentior. Illæ enim apud Virgilium,

Te nemus Angitiae, vitrea te Fucinus vnda,

Te liquidi fleuere lacus:

— Tuus ò clarissime frater.

Pandare : &

Hinc albi Clitunne greges ;

apostrophæ quidem sunt: sed longè differunt à subitis quibusdam, nec opinatis Elegia conuerzionibus ad personas, ad res inanimas, ad stirpes, & saxa, ad montes, & oppida, ad alia, de quibus nullus erat institutus sermo, nulla commemoratione.

Quidue domus prodest Phrygij innixa columnis

Tanare siue tuis, siue Cariste tuis?

quod est apud Tibullum in Elegia tertia libri tertij. & apud Properium in prima libri quarti.

Ennius birsuta cingat sua dicta corona :

Mi folia ex hedera porridge Bacche tua.

Obuiæ sunt huiusmodi conuersiones apud omnes quidem, sed apud Ouidium præsertim, qui multus in his est: ac fortasse plus nimio figuram illam persequitur.

Habet præterea locum in Elegia peculiarem comparatio, à comparisonibus Heroicorum haud mediocriter differens. His enim, comparationes sunt explanatae, longeq. tractæ similitudines.

Ac veluti optata ventis æstate coortis

Dispersa immittit siluis incendia pastor, &c.

Quam multa in siluis autumni frigore primo, &c.

Elegiacis autem poëtis sunt contractiores, & leuiter indicatae: nec fermè producuntur, nisi per conglobata. Ut apud Tibullum in Elegia quarta libri tertij.

Candor erat qualem præfert Latonia Luna,

Et color in niueo corpore purpureus.

Vt iuueni primum virgo deducta marito

Inficitur teneras ore rubente genas.

Vt cum contextunt amaranthis alba puellæ

Lilia, & autumno candida mala rubent.

Et in Elegia quarta libri primi.

At si tardus eris, errabis: transiet ætas

Quam citò non segnis stat, remeatq. dies.

Quam citò purpureos deperdit terra colores,

Quam citò formosas populus alta comas.

Quam iacet, infirmæ venere ubi fata sene&ta,

Qui prior Elæo est carcere missus equus.

Et apud Ouidium in Elegia quinta libri primi.

Pars adaperta fuit, pars altera clausa feneſtra:

Quale ferè ſylue lumen habere ſolent.

Qualia ſublucent fugiente crepūcula Phæbo;

Aut ubi nox abijt nec tamen orta dies.

Ac paulo post.

Qualiter in thalamis formosa Semiramis iſſe

Dicitur, & multis Lais amata viris.

Quæ postrema comparatio mihi rededit in memoriam genus quod-dam congregatarum similitudinum à fabulis, aut ab historijs peti-tum, Ouidio si minus proprium, certè maximè familiare. nisi fortas-se, non tam ad comparationem, quam ad exemplum locus huiusmo-di pertinere possit. Sic igitur in Elegia septima libri primi.

Talis periuri promissaque, vel aq. Thesei

Fleuit præcipites Cressa tulisse Notos.

Sic, nisi vittatis quòd erat Cassandra capillis,

Procubuit templo casta Minerua tuo.

Quin Elegiam decimam ab huiusmodi comparationibus exorditur. & ijsdem comparationibus promouet.

Qualis ab Europa Phrygijs aduecta carinis

Coniugibus belli cauſa duobus erat.

Qualis erat Lede, &c.

Ceteræ quoque figuræ suppetunt omnes apud poëtas Elegiacos : interro-gationes, conces-siones, correc-tiones, allegoriæ, parabolæ, hy-perbolæ, paranomasiæ, allusiones, antitheta. Sed nihil propemodum habent, cur distinguantur ab ijs quas alij poëtæ vulgo tractant in carminibus suis. Hæ de multis paucissimæ idcirco à me fuerunt hoc loco perstrictæ, quòd notam quandam videantur habere peculiarem, ac propriam Elegiæ.



FINIS.

RECENSIO RERVM NOBILIVM quæ toto continentur in opere.

Numerus paginam: p. principium, m. medium,
f. finem paginæ significat.

A



Extractiones animi.
Vide, *Animus, Variatio*.

Abyla, Calpeque di-
uulsa vi irruptensis
Oceani. 88.p.m. 39.f.
Acheron quid Plato-
nicis. 235.f.

Achilles ante Argonautarum expeditionem natus. 43. f. 47. m. fuerit ne Phthius, an Larissæus. 68. 69. eius or-
creæ stanneæ, an ferreae. 15.f. 103.p.
ex ira furentis hominis symbolum.
230.m. optimiq; ducis. 231.m. Vide,
Pedes.

Axerophætivæ machina quid. 272. m.
Actus fabulæ quid, vbiuè terminentur.
368.p. quot esse debeant. 275.f. Chori interuentu distinguntur. 276.p.
olim plures, pauci resuè, quam quinque. 372. 373. tamen quinque retinen-
di. 373. m. si nguli non habeant plus
septem scenis. 374. p. Cur Actus ali-
qui in Tragœdia dicantur Episodæ.
276.f. 277.m. præter cantum tibicinis
interferi possunt actibus machinæ,
saltationes, ac personæ extra argu-
mentum colloquentes. 368.m. 370.m.
immo & Dijs per machinam. 371. p.
Vide, *Chorus, Scena*.

Adolere vnde dictum. 107.f.

Adolescentes cuiusmodi in Comœdijs
inducantur. 392.f.

Aduerfitor seruus quid. 345.f.

Aegyptus mobilis. 85. p. quæ portenta
pro Dijs coleret. 114.m.

Aemilius Macer Iliadem conatus ab-
soluere. 200.p.

Aenaria Insula, Vide, *Inarime*.

Aeneas an primus in Italiani venerit.

24.25. An Didoni suppar ætate fue-
rit. 41. 42. 46. Troiam Græcis cum
Antenore prodidit. 49.f. 52.p. m. an
verè pius. 47.f. Viri prudētis, omniq;
virtute instructi symbolum. 235.p.
239. 240. & optimi Imperatoris. ibid.
eius virtutes. 244. 245. 246.

Aeneis an ijs versibus inchoetur, *ille
ego qui quondam*. 20. 21. 22. eius ar-
gumentū, Aeneas errans, ac laborans
ad parandam Italianam. 63. f. 209. m.
cur eam clemari Virgilius iussit.
198.f. an ad eius absolutionem des-
iderentur, quæ Vegius addidit. 198.f.
246.m. an rectè Turni morte termi-
natur. 197.p. 200. 201. tota est vna
actio. 202. p. f. quia vnius hominis,
vnoq; sine circumscripta. 208.p. Iliadē
met continet, & Odysseam. 208.m.f.
209.m. 244.m. Vide, *Maphæus, Tucca,
Virgilinus*.

Aes an pro ferro aliquando sumatur.
110.p.m.

Aeschylus primus è scena abstulit
cruenta spectacula. 307.m.

Aesopii Phrygis fabulatoris argutè di-
ctum. 228.m.

Aetas bona iuuentus: senectus mala.
169.f. 170.

Aetnæ Virgiliana descriptio contra-
Phauorinum defenditur. 92. 93.

Affectus, seu perturbationes animorum
à corpore potissimum, siue ab anima
sentiente promanant. 136.f. 137.f. re-
manent post mortem ex Platonico-
rum sententia, nisi antea virtutis be-
neficio purgati sint. 137.f. exuperantia
quædam in his est, quam purgari
eportet. 251.f. 252.p. quid sit affectus
purgare. 339.m. Vide, *Ebrietas*.

I N D E X

- A**gamemnon hominis libidinosi symbolum. 230.m.
- Agna, vel ouis mactabatur Iunoni. 115.p.
- Agitio in fabula quid. 293.f. An possit esse sine peripetia. 293.f. 294.m.f. quamquam vbi agitio, ibi peripetia, potest haec tamen ante illam collocari.
294. f. duplex est: vel cum uterque ab utroque, vel cum alter tantum agnoscitur. 297.p. fit per signa, vel in nata, vel aduentaria. 297. m. 298. item è signis corporis, aut extra corpus. 298.m. quamnam dicatur ex cogitata à poëta, vel extra fabulam. 298.f. 299. praedicta, quæ ex rerum serie quasi necessariò nascitur. 299.p.m. 300. 301. quædam fit beneficio recordationis. 301. f. 302. p. quædam per syllogismum. 302.m.f. 303.p. interdum etiam per paralogismum. 303.m.f. omnium optima, quæ maximè verisimilis, & admirabilis. 304.p. Vide etiam *Error, Tragodia*.
- Alba longa ab Ascanio condita. 41.f.
- Alexander Macedo qualem mortem timeruerit. 34.m. an temerarius fæc objiciens discriminibus. 156.f. cur Ilia dem Homericam lectraret. 231.m. corpore fuit maximè temperato. 242.m. quantopere cantu musico permotus fit. 397.m.
- Alexander Seuerus Imperator quam honorifice appellaret Virgilium. 220.m.
- Allegoria in Epico poëmate exploditur ab Aristacho. 213.m. cui contradicunt reliqui omnes. ibid. Est proprius poëta character, ac nota. 214.p. turpitudinem obtegit fabularum. 215. m. 217. An eius meminerit Aristotleles in Poëtica. 216. m.f. 217. p.
- Allegoria raptæ Helenæ, domumque post decenium reuectæ. 214. m. rerum naturalium aliquæ. 221. f. 222. 223. 224. rerum moralium. 225. 226. Vide, *Enargia, Epica, Landinus, Paris, Virgilius, Vulcanus*.
- Ancebæum carmen, eiusque leges. 380. Vide, *Pænoritia*.
- Amphiboliz exempla. 15.p.m.
- Anachronismus, non solum permutat tempora, sed antiquis etiam vocabulis pro nouis utitur, & contra. 107.p. 108.m. 109.f. 122.m. patet latius quam prolepsis. ibid. Vide, *Anticipatio, seu Prolepsis, Poëta*.
- Ancillulæ, Anusq; ridiculæ qua forma fuerint in *Comœdia*. 346.p.
- Anima corpori inclusa seu carcere. 235.m. illam ab initio procreatam cum Angelis, mox demissam in corpus error Platonicorum. 236. f. eius vehicula duo, ostracum, & athereum, ex ijsdem. 188. p.m. eorum animas, qui suffocentur aquis, penitus interire, persuasū antiquis. 35.m. apimæ mortuorum, siue Vmbræ an strictos gladios, ac lanceas timeant. 137.p. Animi à corpore abstractio philosophica. 241. ex numerantur septem. 242. 243. Vide, *Vacatio*.
- Animantes quadrupedes ut pedes moveant. 3.p. variae pro Diis sunt habitæ. 114. p. m. quædam propriæ Diis fungulis victimæ. 114.f. 115.p. quædam fibi Dij ut proprias seponabant. 115.m. Vide, *Dij*.
- Anfer Ifidis victimæ. 115.p.
- Antenor primus nè è Troia venerit in Italiam. 24.m. Vide, *Aeneas*.
- Anticipatio figura, quæ & Prolepsis, & Praesumptio poëtis visitata. 39.m. 40.p. fit cum vocabulis nouis appellamus ea, quibus id nomen nondum erat impositum. 122. m. quid differat ab anachronismo. ibid. exempla eius aliqua. ibid. quo tempore ea vti fas sit. 123.p. triplex est, Grammatica, Orationis, Poëtica: postrema duplex. 123.f. 124.p. Vide, *Poëta*.
- Antistrophe. Vide, *Chorus, Distyrambus, Strophe*.
- Antode. Vide, *Chorus*.
- Antoninus Imperator cur dictus Pius. 50.f.
- Apelles pictor Ephesus, non Couf. 69.m. diuinus quādo dici ceperit. 120.f.
- Apollonius cur dictus Rhodius, cùm fuerit Alexandrinus. 69.m. Vide, *Argonautica*.
- Apparatus, seu spectaculum quid in

R E R V M.

Tragedia. 266. p.m. ab arte poëtica
alienus. ibid. Vide, *Poëma*.

Apulia cur dicta Virgilio humilis Ita-
lia. 91. p.

Aquila Thebanis pro Deo culta. 114. p.
Vide, *Cyenus*.

Ara. Vide, *Pulpitum*.

Archias bellī Cimbrici scriptor contra
fabulæ vnitatem peccauit. 206. m.

Acticus, & Antarcticus polus. Vide,
Cælum.

Argentarij qui dicantur latinis. 107. m.

Argo nauis in Cœlo collocata. 165. m.

Argonauta scriptorū Orpheus, Epi-
menides Gnoſſius, Apollonius, Varro
Atacinus. 206. m. onnes contra vni-
tatem fabulæ peccarunt. ibid.

Arimi populi, qui & Arimæi. 175. f. in
Syria, vel Cilicia sunt, non prope
Prochytam. 176. p. Arimi Etruscorum
lingua dicuntur Simiae. 176. m. Vide,
Typhæus.

Argumēta, seu Periochæ Plautinis, Te-
rentianisque Comœdijs quis fecerit.
361. m. 362. p. primis veriuum literis
nomen Comœdiæ continebant. 361.
f. 362. p. Vide, *Comœdia*, *Dij*, *Fabula*.

Aristarchus Alexandrinus grammaticus
Homeri censor. 213. m. Vide, *Alle-
goria*.

Aristotelis laus. 2. f. scripsit etiam Ele-
gias. 384. p. eius Poëticam qui illu-
strarint. 395. p.m. Vide etiam Sylla-
bum scriptorum.

Arianius scriptor Heracleidos contra
fabulæ vnitatem peccauit. 205. m.

Ars imitatrix quælibet vnam sibi tan-
tum formam proponit. 203. m.f.

Artemisius an ænei tormenti repertor.
111. p.

Arundo cur pro sagitta. 107. f.

Atellana. Vide, *Comœdia*, *Exodus*.

Auctor quis latinis dicitur. 284. m.

Aues docuere nos modos musicos.
379. m.

Aulæa quæ, & qualia in apparatu Tra-
gico. 272. f.

Aulerica. Vide, *Poësis*.

Aurelianus Imperator cur perduelli
Zenobie vitam condonarit. 75. p.

Auspicari cur latinis sit exordiri. 107. f.

Autopœia machina quid. 272. m.

B

Bacchus bis natus. Vide, *Dithyram-
bus*, *Tragedia*.

Barbari dicti omnes, præter Græcos.
71. m. 72. p. præsertim vero Phryges,
& Persæ. 72. m. f. cur aurum dictum
barbaricum. 71. opes barbaricæ, id est
maximæ. 72. f. Vide, *Treia*.

Biremis primum ab Erythræis exædi-
cata. 106. f.

Boëthus belli inter Augustum, & Bru-
tum scriptor contra vnitatem fabu-
læ peccauit. 206. m.

Bombarda. Vide, *Artemisius*, *Eutropius*,
Salmonœus, *Tormenta*.

Boues Heliopolitanis habiti Dij. 114. p.
facri erant Soli. 112. m. 115. m.

Boyotæ machina quid. 272.

Buta Romanas res carnine complexus
contra fabulæ vnitatem peccauit.
206. f.

C

Cadauer affinis, cognatiæ interfe-
cti cur summis in membris conci-
debat. 139. m. f. 140. m. præsertim
vero per preditionem occisi. 140. m.
f. 141. p.

Cærpar, ac porri Agyptijs Dij habitii.
114. m.

Cæruleus pro alto, ac profundo. 179. f.
seu pro nigro. ibid. differt à cærulo.
180. p. Vide, *Tyberis*.

Cæstus, & Pancratium à Lycурgo La-
cedæmonijs interdictum. 43. f. 44.

Calamitas aliena nostræ solatium. . .
253. m. f.

Camerinus Iliadem conatus absoluere.
200. p.

Canæ olim Regum custodes. 8. f. pro
Dijis colebantur. 114. m.

Caninius Rufus belli Troiani scriptor
contra vnitatem fabulæ peccauit.
206. m.

Capra, & hircus à Mendesij culti pro
Dijis. 114. p.m. Libero maſtabantur.
115. p.

Car.

I N D E X

- Carcinus poëta Comicus. 371.p. alter
Tragicus.ibid.
- Carthago quando primum cōdita.41.f.
incertum id tamen.47.p.
- Casti homines templum sunt Dei. 243.
m.diuinant. ibid. alijs donantur mu-
neribus.243.m.f. Vide, *Ioannes*.
- Catastasis. Vide, *Epitasis*.
- Catastrophe , exitus est, & mutatio fa-
bulæ.292.p.376.m. quædam simplex,
quædam implexa.292.m. possitne sim-
plex esse sine peripetia.295.m.f.
- Canfa belli Latinorum aduersus Aeneā
qua, quæuē occasio.150.151.
- Kεραύνος* quid.15.m.
- Cedri arboris,citriq;discrimen.37.qui-
bus gignatur in locis.ibid.
- Cephus Babylonij pro Deo cultus .
114.p.
- Kεραυνοςκοπειον* machina quid .
272.m.
- Cercopes impostores in simias versi .
176.f.
- Cercopithecus quibus pro Deo cul-
tus.114.m.
- Cerui sintnè in Africa.37.p.38.f.Ceruæ
cornibus carent. 4.m. 38. m. maestra-
bantur Dianaæ.115.p.116.m.
- Charus Heracleidos auctor contra fa-
bulæ vnitatem peccauit.205.m.
- Cherilus item , qui bellum Xerfis scri-
psit.206.m.
- Choragus,& choragium quid.266.m.
- Chorus post aetum quartum an semper
excedat.277.f.278.p. an canat inter-
dum post actum quintum.278.p.per-
missa ei in veteri Comoedia maledic-
cendi licentia . 331. m. è Comoedia
expulsus,& cur? 278.m. 331.f.332.p.
non tamen omnis, sed qui erat pars
fabulæ.371.m. quis numerus eorum,
qui in choro agerent.278.m.f.280.m.
maximè probantur quindecim, aut
duodecim.278.m.Satyri è choro tra-
gico depulsi.278.f.chori munera can-
tus,& saltatio.279.p.284.p. idq; cum
tibia,& cithara.283.f.An ante prolo-
gū induci possit.279.p. Choriphæus
eius moderator.279.m. ex qua parte
theatri egressus chorii.279.m.quid in
eo Strophe, Antistrophe,Ode,Anto-
- de.Epode. 279.m.f.281.p. 402.f.eius
figura ordine constat, & iugo.279.f.
280.p. figura interdum cyclica.281.
m. interdum flexuosa in morem la-
byrinthi.281.f.282. 283. chorus diui-
debatur in partes.283.f. loquitur in-
terdum; partesque actoris, seu moni-
toris suscipit.284.m.f.285.p.alia eius
munera.285.286. Tota eius ratio di-
uiditur in parodum, stasimon, &
communum.287.f.288. An chorici sem-
per sint in proscenio. 288. m.f. An
chorus initium Tragedia facere
possit. 290. f. an locum spectatorum
interdum obtineat.303.f. aetibus in-
terferitur. 372. f. non ponitur in ex-
trema fabula . 373. p. Vide etiam
*Actus, Commus, Comædia, Iuga, Pa-
rodus, Poëma, Scenica, Stasimus, The-
seus, Tibicines*.
- Cicero pater patriæ primus dictus. 51.
p. eius eloquentiae genus copiosum.
210.f.211.p.vnus omnes dicendi for-
mas complexus egregiè. 211. m. Vi-
de, *Virgilius*.
- Circumstantia. Vide, *Peristases*.
- Citharistica.Vide, *Poësis*.
- Citria mala,qua & Medica, & Persica,
& Citromela.37.m.
- Ciuitates turbant aut qui potentia pol-
lent, aut qui desperatione laborant.
337.f.
- Cocytus quid Platonicis.235.f.
- Cœli vertex, pedesue qui : quæ item
pars eius dextera,vel sinistra.185.m.
f.186. cur illud incudis filium poëta
dixerint.224.m.f.cur dictum ancum.
ibid.
- Κόλα, & κόλων* quid.343.f.
- Color fluuiorum vel insitus,vel aduen-
titius.180.
- Columba Veneri Sacra . 111. f. eidem
immolabatur.115.f.116.p. Syris san-
ctum animal. 112. m. & pro Deo ha-
bitum.114.p.115.m. cur Homero,ac
Virgilio in ludis exposita iaculantiū
i&tibus.11.f.112.p.116.f.
- Κώμη* græcis vicus . 329. f. κῶμος Deus
comeslationis.330.m.
- Commiseratio vnde nascatur . 258. f.
259.p.

R E R V M.

Conclusus chori luctus , ac lamentatio pars Tragœdiæ ultima. 289.p. an distinguatur à choro. ibid. in paucis est Tragœdijs. 289.f.

Comœdia vnde dicta. 329.330. eius finis, stultorum insanias deridere. 319.m. 338.f. nulla carere debet ridiculo. 339.p. inuenta, vt inopes, deſtitutiq; de felici rerum ſuccēſſu ne deſperent. 338.p. præcipiuſ eius fructus oſtendere quid ridendum, quid magno aſtimandum. 339.F. 340.p. eius encomium. ibid. ex fine, ac personis præcipue fecernitur à Tragœdia. 319.m. 328.m. Eſt deteriorum imitatio ſecundum ridiculum. 327.f. 328. quas imitetur personas. 328.m.f. cur deteriores? 337.338. in his ipſis imitandis diſſert ab Epica. 404.f. 405.p. quamuis deteriores imiterur, non tamen ſemper deterrimas. 337.p. immo interdum Reges, Heroas, Deos non omnino repudiat. 335.m. 336.m. eiusmodi tamen Comœdia imperfæta ſunt, nec probantur Aristoteli. 336.m.f. Argumenta, nominaque conſingit. 320.m.f. nō tamen ideo nobilior, quam Tragœdia. 321.m. minimè tamen abſurdum, verum alicuius perſonæ nomen in ea retineri. 362.m.f. an ſit eius proprium felici exitu terminari. 319.p. 376.f. an poſſit & trifti. 376.f.

Comœdia Græca vetus, media, noua. 331.p. vetus maledica. 331.p.m. media ſuſtulit maledicta, præterquam in poëtas. 331.f. nullum nominatim, vitia generatim irridebat. 332.p. qui græci in quois horum trium genereum floruerint. 332.m. Omnis latina Comœdia nouæ græcorum conſentanea. 332.f. quamuis vetus, media, noua apud latinos elegantiā internoſci poſſint. 333.p. Prætextata nobilissima latinarum, à prætexta, qua Magistratus; ſeu Trabeata, à trabea, qua Consules in pace vtebantur. 333.m. proxima Togata, à toga Senatum. 333.f. poſtrema Tabernaria, ſeu Tunicata, qua inducebantur humiles fortunæ perſonæ. 333.f. Atella-

nā omnium maximè iocofa, ſolo ab alijs differens argumento. 334.p. Variæ Comœdiarum argumenta. 334.m. Palliata à græcorū pallio græcas inducebat perſonas. 334.f. Partes qualitatibus Comœdiæ ſex. 353.m. Vide, Poëma. tota eius actio vno die concluditur. 354.p.m. ſæpe à medio, vel à fine orditum. ibi. eius diſtio familiaribus colloquijs conſentanea. 354.f. an populari, vulgarius lingua conſcribi poſſit. 354.f. 355.p. tibiarum, ac modorū muſicorum in Comœdia leges. 356.f. 357.p.m. Partes quantitatibus Comœdiæ. 359.f. Vide, Poëma. in titulo nomē auſtoris, ac fabulæ cū breui ſumā proponebatur. 359.f. 360.p. no-men multiplici ſumebat ex capite. 360.m. f. quid Comœdia ſimplex, aut duplex. 363.p.m. ſæpe duabus ex actionibus in vnam fabulam, ſive ar-gumentum coalescentibus compo-nitur. 363. 364. in his tamen vna eſt perſona præcipua. 364.m. non tamen dainnatur, ſi qua reperitur, in qua duæ ſint perſonæ primariæ. 364.f. Mimi, ac Tibicines, ſublato choro, eius actibus interiecti. 368.f. 369.p. vitut metro, concentu, ac saltu. 404.p. Comici Græci permulti. 332.m. 335.f. 336.p. Comici Latini. 333.p.m. Vide etiam Adolescentes, Ancilla, Chorus, Epica, Episodium, Finis, Grex, Liu-ius, Machina, Officia, Poëſis, Poëma, Prologus, Protaſis, Saltatio, Scena, Se-nes, Serui, Tibicines.

Componere ſæpe eſt hunc are, ac ſepeli-re. 170.m.

Confiliari quid. 285.f.

Constitutio fabulæ. Vide, Fabula, Ele-gia, Epica.

Conuiuij abſoluendū, vel interrumpen-di tempora quinque. 130.131. Vide, Mors.

Cordax quid. 370.f. Vide, Saltatio.

Cornelius, Seuerus, Siciliſis bellī ſcri-ptor, contra fabulæ unitatem peccauit. 206.m.

Cornelius Gallus an ſcriperit, qua eius nomine circumferuntur, Elegias. 459.m.p.

I N D E X

- C**othurnus, Tragicum calceamentum, atollebat actores. 273. f.
Kράσης machina quid. 272. p.
Crathis fluuius albumne , an flauum colore capillis inducat. 98. p. 99. m.
Cratinus Homericam Odyseam irridet in fabula. 331. f.
Credibile est quod fieri potest : incredibile , quod factum est nunquam. 162. p. 163. m. 195. p. satis tamen est, si factum aliquando sit simile. 164. p.
Crita quid in galea , aut animalibus . 67. p. f.
Crocodus pro Deo colebatur ab Aegyptijs. 114. m. aquatice , an terrestris nimirum sit aptum mulieris faciei fucanda. 98. p. f. 99. f. 100. f.
Cumae Chalcidensium colonia quando conditæ. 122. f.
Cunei, hoc est sedilium ordines in theatro. 267. m.
Cycnus an aquilam in certamine vincat. 174. p. cur dicatur purpureus. 179. suauiter prope mortem canit . 190. f. 191. m. alioqui obstrepit. 191. f. 192. p.
Cyllarus, Castoris, an Pollucis equus. 100. p.
Kuyén quid propriè. 107. m.
Cyprus. Vide, *insula*.

D

- D**antes Aligherius commendatur . 233. p. eius de Paradiso Cantica quomodo inuenta. ibi, allegorias adauit. ibid. & 234. f. sui ducem iteris elegit Virgilium 233. f.
Deiphobus Helenam habuit post obitum Paridis. 138. f. à Menelao occiditur. ibid. 141. p. an aures ei, nares, manusque præcise. 138. 139. 140. proditus ab Helena. 139. p. 141. p.
Delectatio poëtica vnius magis , quam multarum actionum expressione comparatur. 204. p. m. & cur? ibid. vnde vniuersè delectatio capiatur. 204. m.
Delus Insula an fluctuauerit aliquando. 83. f. 85. p. 98. f. An terræ motibus quateretur , contraria scriptorum sententia. 85. m.

- D**emetrius Cynicus quātum fuerit mihi saltatione permotus. 397. m. f.
Descriptiones poëticæ ab Historicis, & Oratorijs differunt. 97. p. 407. m. f.
Dēcis Aristotelii quid in fabula. 291. p.
Dialecticus, ac Poëta s̄e vel vnius viri docti sequuntur sententiam . 18. f. Vide, *Poëtica*.
Dictio est interpretatio animi per verba. 263. m. 459. p. dicendi genera tria. ibid. Vide, *Comœdia*, *Elegia*, *Poëma*, *Tragœdia*.
Dido, ne secundas Iarbæ admitteret nuptias, se se coniecit in rogam . 42. 43. cur vnum tantum pedem fingatur exuta. 104. p. 105. m. iustum putavit Virgilius habuisse voluntariæ mortis causam. 134. m. cur apud Inferos reposita potius inter amantes. 129. & seq. Vide, *Aeneas*.
diōscuri, & **diōscuri** accentu vario quid apud Homerum. 12. m. f. 13. p. m.
Dies in horas æquales, inæqualesque diuisus. 167. p. ille artificialis, hic naturalis. ibid. sex horæ negotijs, totidem quieti dabantur. 167. m. f. diei pars melior, idest maior, que septem horas continet. 168. m. seu potius matutina , quia negotijs agendis magis idonea. 168. f. 169. p. siue quia melior ætati, hoc est iuuentuti, similior. 169. f. 170. dies condì, sepeliriū dicitur. 170. m.
Dijs dormientes cur inducantur ab Homero. 10. m. cur eos propitios, infensores mortalibus poëta fixerint. 25. 26. cur inter se altercantes. 25. f. orbem terræ, eiusque partes, atque homines diligunt. 26. p. tunc à Poëtis per machinam inducuntur , cum dignus vindice nodus inciderit, non aliter. 56. f. 275. p. argumentum fabula cur interdum explicit. 275. m. non discumbebant cum cibum caperent, sed sedebant. 109. p. m. Dijs res sacras violare piaculum. 112. m. quænam animalia pro Dijs habita. 114. m. quæ quibus Dijs immolabantur. 114. f. 115. m. quænam sibi Dijs propriè se posuerint . 115. p. quid Deos facere posse antiqui senserint. 164. m. mun- di

R E R V M.

di molitione, ac fabrica delectantur.
216.p. eorum pugna pugnam elemē-
torum significat. 220.m.f.222.m.223.
p. Vide, *Animantes, Bones, Capa, Ca-
pra, Cephus, Columba, Crocodilus, Ho-
merus, Ibis, Pater, Philosophi, Potta.*

Dionysius Thrax cur dictus Rhodius .
69. m. Dionysij duo Mitylenæus, &
Afer, resomnes Bacchi complexi car-
mine, contra fabulæ vnitatem pecca-
runt. 205.f.

Dithyrambus dictus Bacchus bis natus,
quasi duabus egressus ianuis. 402.
m. eodem nomine dictum carmen,
quod ei caneatur. 250. m. Dithy-
rambica poëticæ species, Lyricam,
quoque, seu Melicam, Nomicenque
complectitur. 396. f. Dithyrambica,
eique subiunctæ formæ metro, can-
tu, ac saltu vtuntur. 404.p. ijsque si-
mul eodem tempore, ac semper. 397.
p. Dithyrambicæ saltus, Strophe, An-
tistrope, Epodus. 402.f. omni metri
genere vtitur. 405.f. initio Bacchum,
ac præstantiores imitabatur. 402. m.
Poëta Dithyrambicus semper ipse
loquitur. 406.p. Vide, *Strophe*.

Divinatio futurorum è septem animi
vacationibus oritur iuxta Platonicos.
241.f.242.243. Vide, *Vaticinium,*
Melancholici, Pythia, Socrates, Zoroa-
ster.

Dorica modulatio componēdis animis
accommodata. 357.m.

Draco per uigil papauere, ac melle ale-
batur, vt minus fœuiret. 101.f. 102.p.
& vi locum suum amaret. 102.m.eius
cristæ metaphorice dicuntur iubæ.
66.m.67.f.

Dramata. Vide, *Fabula, Pastoritia, Poë-
sis, Tragicocomædia.*

Dux, siue Imperator, anima, vinculumq;
exercitus. 155. m. & quasi acies gla-
dij 155.f. & quasi gubernator in nau-
gio. 156. p. mortis aleam subire non
debet cum hoste configens. 155.156.
nisi necessitate cogente. 156. m. 157.
ob eandem potest, & ab exercitu ad
tempus discedere. 157.m.158.

E

E Brietas animi perturbationi simi-
lis. 131.p.135.p.

Ecloga tria in genera diuiditur. 380.VI.
de, *Pastoritia.* Eclogæ pifcatorie.
380.f.

Εγκλημα machina quid. 272.m.

Εἰδος quid græcis significet. 9.p.m.

Elementa. Vide, *Dij.*

Ελεος, hoc est vlula, nomen Elegiæ de-
dit. 384.f.385.m.

Elegia, vnde dicta. 384. m. f. 385. p.m.
386.f.a quo inuenta. 383.f. qui versi-
bus Elegiacis poëmata scripserint.
384.p.390.p.m. 459.m. initio nil, nisi
funebre, eius materia. 386.m.f.394.p.
mox à funere traducta ad amantium
querimonias. 385.m.f.388.f.389.p. &
ad gaudia, animique lætitiam. 389.m.
& ad leges, philosophicaque, & ciui-
lia præcepta. 389.m.f. 390. p.f. 411.f.
immo, & ad res bellicas. 390. p. m.
410.m. ad viros principes, vaticinia,
fomnia. 391.m.f.392.p. etiam ad epi-
stolas, & epitaphia. 394. m. f. ad alia
omnia. 392.p.m.394.p.m. 409.m. præ-
cipue tamen ad amores. 392. f. 393.
Elegia imitatio est poëtica. 398.f.399.
hoc est humanarum actionum. 394.p.
399.f.409.m. & virtutis, virtutesque ex-
primit. 412.p. non postulat necessariò
personarum inductionem. 409.f. can-
tu vtitur. 399.f.400.p.409.m. & saltu.
400.m.f. 401. p. 409. m. Ad Lyricam
poësos formam reuocatur. 409.p.f.
410. p. 412. m. Partes easdem habet.
quas, & Epopœia. 412.p. partes quan-
titatis in ea, Propositio, Narratio, Fi-
nis. 413.p. Inuocationem cur præter-
mittat. 415. p.m. non tamen neglit
aliquando. 415.m.f.416.p. cuiusmodi
propositio vtatur 416.417. aut po-
tius principio. 417.f. 418. cuiusmodi
narratio Elegiaca. 418. 419. Episodio
vtitur longiore. 421.f.422. interdum
ab ipso principio egressa, non nisi sub
finem repetit institutum. 421.f.425.p.
immo & interdum nunquam ad in-
stitutum reddit. 425. 426. 427.436.m.

Episodij breuioris in Elegia genera varia. 437.438. 439. interdum in illa Episodium ex Episodio nascitur. 439. 440. Partes qualitatis in Elegia, Constitutio, Mores, Sententia, Dic̄io, cur sic dicta: 451. f. qualis eius synthesis, seu cōstitutio esse debeat. 452. m. vnitatem habeat. 452. f. 453. p. longitudo eius iusta. 453. p. quales debeat mores exprimere. 454. m. f. sententia Elegiacæ suauiores, humilioresque, quam Epicæ. 457. m. f. affectibus abundat Elegia. 458. suauiter, molliterque expressis. 459. p. qualis Elegiacæ dicitio. 459. concinnitas numerorum. 460. f. 461. 462. an quadrifyllaba dictio conueniat in fine pentametri. 461. m. f. literarum etiam obseruandus sonus. 462. figuræque nonnullæ. 463. p. m. præsertim repetitio, apostrophe, comparationes breuiores, & congregatae, & aliae. 463. 464. 465. 466. Vide etiam Aristoteles, Episodium, Finis, Midas, Narratio, Poëma, Propositio, Theocles, Tyrtaeus.

Eloquentia quadruplex, copiosa, brevis, siccæ, florida. 210. f.

Emmelia quid. 370. Vide Salatio.

Empedocles philosophus cur dictus νανυσταρεψ. 224. p. an sit poëta censensus. 396. m. 411. p.

Erarchus quomodo reuixerit. 242. p.

Enargia vis est orationis, rem excellenti modo ponens ob oculos. 193. f. 398. f. iuuatur metaphoris, allegorijs, superlationibus. ibid.

Ennius, Romanarum rerum scriptor, à fabulæ vnitate discessit. 206. f.

Epicæ, siue Epopœia, sicut & Tragœdia, Reges, ac Principes imitatur. 403. f. Imperatoris conformatiōnem continet. 231. m. differt à Tragœdia, quod etiam personas mediocres, humilesque poëmati interserit suo. 404. m. obliquè tamen: nec tanquam personas proprias, ac sibi propositas, quod facit Comœdia. 404. f. 405. p. Triplex est, præstantiorum, mediocrum, infirmorum. 405. p. postremæ duas non sunt propriæ Epopœia. 405. m. non ipsa sola res canit bellicas. 410. m. nisi

personas induceret, non esset Epicæ. 408. p. ita has inducit, ut ipse interdum poëta loquatur. 406. p. an, cum ipse loquitur, non inducīs personis, sit Epicus, vel imitator. 30. p. m. imitatione, & allegoria constat, quasi corpore, & anima. 214. m. 216. m. qualis eius effigie, siue expressio. 408. p. res effingit, atque imitatur nudis verbis, & metro, sine alijs instrumentis, atq; præsidij. 396. f. 404. p. m. 408. m. an uno carminis vtatur genere. 405. f. constitutio Epicæ differt ab historia. 61. m. nullo certo tempore definitur, ut tragica. 255. m. f.

Epicum poëma inferius tragicò. 324. f. 325. 326. interdum à rhapsodis cum cantu, vel ab histriónibus recitabatur. 324. p. m. 404. p. An Epicæ sua poëmatæ in libros diuiserint. 79. p. similes sunt Comicis in fine operi imponendo. 201. m. 246. f. Epicæ poëmatis partes quantitatis Propositio, Inuocatio, Narratio, Epilodium, Finis. 413. p. Epicæ, tragicaq; narratio similes 61. m. Vide etiam Allegoria, Comœdia, Elegia, Episodium, Finis, Poësis, Preparationis Inuocatio, Narratio, Poëma, Propositio, Tragœdia.

Epicurus voluntaria mortis auctor, cū conflictamur molestijs. 132. f.

Epimenides. Vide, Philosophi, Argonautica.

Eπιτείσοι cur dicti milites gloriosi. 343. p.

Episodium est quasi declinatio à via. 420. m. ornatus, & delectationis gratia. 204. f. 420. m. siue est res rei accidens, & insititia. 420. f. 421. p. quomodo definitur à Suida. 96. f. 97. p. 420. m. quid sit Episodium in Tragœdia. 276. m. cur sic dictum. ibid. & 277. m. non eodem modo sumitur in Tragœdia, & in Epopœia. 277. p. quid in Comœdia. 369. p. est pars Epopœia. 413. p. eiusdemque actionis quasi membrum, & pars. 204. f. Epicoque poëmati necessaria. 61. f. pars tamen poëmati non censetur. 63. p. m. 277. p. quid sibi velit Aristoteles, cum ait esse debere fabula necessarium. 95. m. fatis

satis est si vel sit, vel esse videatur. ibid. &c. 165. p. aut si verosimile. 96. p. Episodica fabula cur pessima. 257. m. damnantur etiam Aristoteli, quæ nimium producunt fabulam. 371. f. 372. p. Episodiorum exempla. 95. m. Epicæ longiora. 421. p. sed & breuiora. 421. m. vtriusque etiam generis in Elegia. 421. f. huius Episodia similia Lyricis. 428. p. Lyricus interdum ab Episodio non, nisi sub finem, sese referat in gradum. 428. p. 429. p. interdum semper aberrat, nec vñquam regreditur. 429. m. f. 430. 431. 432. 433. 434. 435. 436. quod & interdum facit Virgilius in Eclogis, atque in Georgicis. 436. f. 437. p. Vide etiam *Actus*, *Poëma*, *Elegia*.

Epitasis in fabula est rerum nodus, & implicatio. 291. p. 375. f. 376. p. an differat à catastro. 291. f.

Epode, Antode. Vide, *Chorus*, *Dithyrambus*, *Lyrica*, *Srophe*.

Equus Soli mactabatur. 115. p. qua ratione pedes in incessu attollat. 3. p. solus inter belluas flet. 194. f. an præsgiat. 193. p. 194. f. eius lacrymæ prodigiosæ. 194. f. 195. p. Equus Capitolinus. 3. p.

Error Tragicus quatuor complectitur genera. 304. 305. duo agnitionem habent, duo illa carēt. 304. m. 305. f. quis horum deterrimus. 309. m. f. 310. p. quis optimus, aut mediocris. 310. m. f. 311.

Ergo, ambigua vox Homero. 10. m. Euander an primus venerit in Italiam. 24. f.

Bubœa. Vide, *Insula*.

Eugamenes Cyrenæus, Thesprotij scri-
tor belli, cōtra fabulæ vnitatem pec-
cauit. 206. f.

Eumolpus Corinthius Iliadem conatus
absoluere. 199. f.

Euridice morfu pedis interiens quid si-
gnificet. 103. f.

Eutropius Theodosij Funuchus an in-
uentor tormenti bellici, quā dicunt
bombardam. 311. p.

Exodus quid in Tragoëdia. 277. f. pro-
priè est exitus fabulæ, qui Actu quin-

to continetur. 277. f. 278. Exodium in
Atellana egressio, & diuerticulum.
369. p.

F

F Abri ferrarij dicti ærarij, qui & fu-
sores. 107. m.

Fabula est synthesis, hoc est compositio,
constitutio, seu coagmentationerum,
quæ tractantur in poëmate. 254. m.
353. f. 452. f. cur sic dicta. ibid. ab ar-
gumento non differt. 205. m. inuenta
ad arcana philosophiae occultanda,
inuolucris ad delectationē coparatis.

213. f. 215. p. Vnius poëmatis vna esse
debet. 203. p. m. 204. p. m. Vna est, cum
vnam in toto opere actionem poëta
sequitur. 201. f. 256. f. 353. f. non satis
est vnius hominis multas, nec multo-
rum multas, vnamue actionē imitari;
sed necesse est, vnius vnam. 205. 257. p.
quinam poëta cōtra fabulæ vnitatem
peccarint. 205. m. f. 206. 207. est poë-
matis anima. 452. p. præsertim Tragoë-
dia. 254. m. 257. f. corpori animantium
quomodo similis. 255. p. quas condi-
tiones fabula, præsertim tragica, ha-
bere debeat. 254. f. 255. 256. 257. 452.
p. fabula episodica pessima, & quæ-
nam illa dicatur. 257. m. fabulæ dra-
maticæ actio tota vno die concludi-
tur. 255. m. 354. p. ideo s̄pē dramatis
actionē à medio, vel à fine ordinur.
ibid. iusta eius magnitudo esse debet.
255. 256. 354. f. Fabula simplex, aut
duplex quid. 363. p. Vide etiam *Actus*,
Catastrophe, *Chorus*, *Episodium*, *Nūts*,
Poëma, *Tragœdia*.

Fatum, quæ & necessitas dicitur, poëtis
est supra Iouem. 164. f. 165. p. omnia
sub fati, Parcarumque necessitate.
166. m. an fatalis moriendi necessitas
protrahi, contrahiue possit. 183. 184.
185. Vice, *Pares*.

Femina, quā vir, iniquius interficitur.
74. f. 75. p.

Ferrea ne fuerint arma, an ærea, vel stâ-
nea heroicis temporibus. 110. p. m.

Figuræ, *Vida*, *Elegia*.

Finis fabulæ, seu poëmatis quid. 441. f.

INDEX

Comici admonere solent fabulam habere iani finem. 441. f. Epici non solent. 442. p. in fine imponendo liberior Elegia. 442. m. f. varia tamen ratione, ac legibus Elegiæ, Odæque constringuntur in faciendo fine. 442. f. 443. usque ad 450. per admonitionem, seu denunciationem. 443. 444. per reprehensionem. 444. f. 445. 446. per repetitionem sententia, quam initio proposuerat. 446. f. 447. 448. 449. per inscriptionem, ut tumuli. 449. f. 450. 451.

Elauum pro pulchro apud poëtas. 178.
p. Vide, *Tyberis*.

Fletus. Vide, *Lacryma*.

Fluuij. Vide, *Color, Crathis, Dij.*

Formosi homines bello parum idonei. 153. p.

Fortis vir timet genus mortis inglorium. 33. 34. 36. abhorret à cæde feminae. 74. f. 75. p.

Fumi volumina globo, quam flumini, similiora. 93. m.

Funes, rudentes uè nauium num è corio fuerint aliquando. 117. 118.

G

G Abiensis terra tremit. 84. p.
Galeæ crista. 67. p. f.

Galerita, quæ & Alauda. 67. m.

Gallus, gallinaque victimæ Aesculapio propria. 114. f.

Genius quibus rebus attributus. 166. m.

Teatræ machina quid. 272. p.

Germani recens natos infantes scuto exceptos imponebant Rheno ad fidem coniugum explorandam. 711. m.
f. Vide, *Infantes*.

Gigantes ante Centauros cōtra Iouem præliantur. 45. m.

Gladiatores cur inducti. 54. m.

Trabous, unde Gnathones, quid. 343. m.
Gnathonis parasiti nomen verum, non fictum in Comœdia. 362. f.

Gordianus Imperator cum Platone, & Aristotele semper Virgilium lectitabat. 218. m. Gordianus Poëta in Antoniniane peccauit contra fabulæ uitatem. 206. p.

Grex quid agat in Comœdijs. 374. f.

Grus, machina ad corpora rapienda. 371. m.
Gyges Lydius picturæ inuentor Plinio. 40. f.

H

H Abenæ in nauibus Virgilio quid significant. 117. 118. quid, cum dicuntur immisæ flammis. 118. f. quid cum palmitib⁹, arborumq; ramusculis. ibid.

Harmonia. Vide, *Poëma*.

Helena suprema Troiani excidi⁹ nocte Danaos aduocauit. 74. p. m. Vide, *Millegoria, Deiphobus*.

Hercules Poëtis antiquior. 44. f.

Hermesionætes, res Colophoniorum, uno complexus poëmata, contra fabulae uitatem peccauit. 206. f.

Hermonius senex quid. 342. m.

Heroicum carmen quod dicatur. 325. f.
Vide, *Iambicum, & Tragœdia*.

Hexametrum carmen magnificum. 265.
p. an, & quibus in locis aptum Tragœdia. 265. p. f. cur dictum Heroicum. 265. m.

Hieronis Siciliae Regis laus. 107. f.

Hipparchus Rhapsodos instituit. 79. m.

Hippias Thasius Homeri defensor. 12. m.

Historicus non semper Iocorum ordinem in enumerationibus sequitur.
182. p. rerum potius, quam temporis, ordinem sequi debet. 182. m. Vide, *Descriptiones, Narratio, Poësia, Poëta*.

Homerus accusatus à Platone, quod de Diis absurdæ cōfinxerit. 5. p. excusat. 5. f. an anteferendus Virgilio. 28. 29. 30. 31. 208. m. An magis, quam Virgilius, imitator. 30. f. 31. p. eius Iliadē ab Odyssaea quis diuiserit. 79. m. f. Homericus mos idem ac poëticus. 60. m. cōtrarias interdum sententias sequitur. 184. m. f. Homeri laus. 201. f. 207. m. 209. p. ab Aristotele, & Proclo explanatus. 212. p. m. à summis philosophis Anaxagora, Platone, Arcesilaus laudatus. ibid. à Christianis Cyrillo, Basilio, Fulgentio lectitatus. ibid. eius figura cum figura.

segmentis histrionicis comparantur.
222.p.moralis philosophia præceptis
abundat.229.f.Vide,Aristarchus,Dij,
Virgilius,Ilias,Odyssæ,Xenophanes,
Horæ.Vide,Dies.
Hospitalia in theatro machinas conti-
nebant.268.f.269.p.
Hostius Istrici belli scriptor contra fa-
bulæ unitatem peccauit.206.m.

I

IAmbicum carmen aptum colloquijs.
264.f.cur dicatur heroicum.265.m.
325.f.Tragœdia proprium Senarium,
Octonario repudiato.ibid.326.p. Vi-
de,Tragœdia.

Iani aperiendi mos.Vide,Numa.
Iarbas. Vide,Dida.

Iason in Anauro fluvio alterum amit-
tens calceum quid significet 104.105.
per speciem honoris in Chalcidem
misus à Pelia, qui fibi ab illo time-
bat.ibid. eius patrocinium Iuno su-
scipit.105.p. primus longam nauim
fecit.106.f.Vide,Sesostris.

Ibis pro Deo ab Aegyptijs adoratur.
114.m.

Icadius, siue Icarius pater Penelopes
Lacedæmonius, an Cephalensis.16.f.
17.p.

Icastice, poëticæ imitationis species,
imitatur quæ vera sunt, aut esse pos-
sunt.120.m.398.p.eius segmentum di-
citur similitudo.ibid.

Idolum, & similitudo quid differant.
120.m.398.Vide,Phantastice,Poëta.

Ilias Homericæ an absoluta.199.p.m.
rectènè morte Hectoris terminetur.
ibid. quis eam conatus absoluere.
199.f.200.p. sed frustra.201.m. eius
scopus.ibid. vnicat tantum actionem
continetur.201.f.206.m.207.f.208.f.
209.p. Vide, Aemilius, Alexander,
Camerinus, Eumolpus, Quintus, Ho-
merus,Leschis,Odyssæ,Triphiodorus.
Imagines poëticæ, quæ dicantur.406.
m.f.

Imitatio,quæ delectationem habet;finis
poëtae.159.f.alterum genus huius in-
ductione constat personarum, alte-

rum expressione verborum.198.m.
earum discriben.194.p. & poëta, &
cuiusvis, qui res imitetur, artificis,
vnius tantum rei debet esse.203.m.
207.m. varias poëseos distinguit spe-
cies. Vide, Poëss, Poëta. Scenica om-
nium perfectissima.409.f. Vide etiam
Elegia,Epica,Icastice,Lyrical, Mimus,
Phantastice.

Imperator cur sic dictus.155.m. Vide,
Dux,Tragœdia.

Inanitas,poëtae vitium,quid sit.152.p.
Inarime vna,an duabus vocibus ab Ho-
mero dictæ 175.m.f.176.p. à Virgilio
vna voce dicta Insula Aenaria, quæ
& Pithecusa prope Prochyten.176.
m.huic impostores homines in pithe-
cos, hoc est simiæ, versi, fecere no-
men.176.f.

Infantes,puerosuè recens natos frigidis
durabant aquis Ligures.170.f. Spar-
tani.ibid.171.p. Germani, seu Celtæ.
171. Thracæ.172.f. Cantabri.172.f.
idem quoq; olim faciebant Itali.172.
f.Vide,Romulus.

Interi loci, eorumque iudices, poenæ,
flumina, regiones à poëtis fictæ num
omnino habendæ pro fabulis? 226.
227.nil aliud sunt Platonicis,nisi no-
stra corpora.235.m.f.Vide,Monstra.

Insulæ fluctuantes in agro Reatino,
Cæcubo, Vadimonis lacu.84.m. &
Calaminæ.ibid. & ad aquas Cutilias.
m. f. & in Lydia. ibid. & in agro Ti-
burtino. f. & Cyaneæ, ac Symplega-
des.98.f.affectur eius rei causa.84.m.
Insulæ Sicilia,Cyprus,Eubœa maris
impetu à continentis direpta.88.f.
Vide,Delus,Mare,Thule.

Interpunctio varia quantum variet sen-
tentiam.13.f.14.p.m.

Inuocatio Epico poëmati cur præmit-
tatur.413.m.adhibetur etiam quoties
narratur aliquid, quod fidem supe-
ret.413.f.414. cum propositione in-
terdum coriungitur.417.m. Vide,
Elegia.

Ioannes Apostolus dotes nonnullas na-
buit ob castitatem.243.f.

Isthmij ludi à Theseo post mortem Her-
cules instituti.44.f.47.m.

I N D E X

- talib quibus olim finibus circumsciri-
pta. 24.f. cur humilis sit dicta à Vir-
gilio. 90.91.
- Iubæ quid in animali. 65.f. ijs lea caret.
66. p. sic dicuntur interdum plumæ
colli versicolores. 67.p. Vide, *Draco*.
- Iuga quid in choro, curuè sic dicta.
280.m.f.
- Iuno Pelia Regi Thessaliæ cur infensa.
104.105. Vide, *Agnæ, Iason, Luna*.
- Iustinianus Imperator Pij cognomen
addeptus. 51.m.
- Iuuentus. Vide, *Aetas, Dies*.
- Ixion rora tortus poenam ambitus fi-
gnificat. 226.m. incautum etiam, aut
imprudentem hominem. 236.p.

L

- L** Acrymæ hominum ne solum fint, an
etiam belluarum. 194. f. Vide,
Equus.
- Lais scortuñ, Corinthia, an Siciliensis.
68.f.69.p.
- Lancea terrigenarum quid Aristoteli.
297.f.298.
- Landinus totum poëma Virgilij expli-
cat allegoricè. 254.f.
- Lapides solidi supernatant interdum in
aquis, & cur? 84.m.
- Lea crinibus caret. 66.p.
- Leges versibus olim cur scriptæ. 389.f.
legalis, seu *νομινὴ* pars poëeos. 396.
f. 411. f. præsidia habuit orationis,
rhythmi, & harmoniæ. 400. p. Vide,
Solon.
- Leo pro Deo à Leontopolitanis cultus.
114.p.
- Leshis Iliadem conatus absoluere.
200.p.
- Lethe fluvius quid Platonicis. 235.f.
- Linus poëtarum antiquissimus. 44.f. 47.
m. threnorum inuentor. 387.p.
- Literæ singulæ qualem sonum habeant.
462. earum sonus, & qualitas in car-
mine obseruanda. ibid. Vide, *Elegia*.
- Liuius Andronicus Comœdiam primus
latinè scriptis. 333.p.
- Logeum, seu λόγειον quid in Orchestra.
268.m.
- Longæus propriè quid significet, 142.

p. m. an pro immortalí rectè vñsurpe-
tur. ibid.

Lucretius an sit poëta. 396.m.

Luna, seu Diana cur Iunoni à poëtis
singatur contraria. 222. m. Vide,
Taurus.

Lupus Lycopolitanis pro Deo cultus.
114.p.

Luscinia cantu planè admirabilis.
379.m.

Lutescere quid significet. 178.f. 179.p.

Lycomedius senex quid. 342.m.

Lyrica, seu Melica species Dithyram-
bicæ. 396.f. 402. m. ab ea saltum, &
conuersiones accepit. 403. p. motus
eius Epodicus, Melodicus, Prodigus.
403. p. humanas actiones, hoc est vi-
tia, virtutesque imitatur. 412.p. leges,
disciplinarumque præcepta tracta-
re potest, si imitationem adiungat.
411.m.f. res bellicas interdum canit.
410.m. poëta in Lyrico poëmatum so-
lus loquitur. 406.p. personas tamen
potest inducere. ibid. res omnes imi-
tatur. 402.p.m. 403.m. si tamen eas ad
viuum exprimat, ac depingat. 408.p.
vtitur vbiique, ac semper metro, can-
tu, & saltu. 404.p. 408.m. omnique ge-
nere metri. 405. f. cur lyram sèpius
Lyricus alloquatur. 408.f. Vide, *Ele-
gia, Epodium, Narratio, Poësis, Poë-
ma, Sirophæ*,

Δύνεται, hoc est solutio, quid Aristoteli in
fabula. 292.p. ea autem simplex est, &
composita. 296.p.m. quadam natura-
lis, alia artificioſa. 296. m. præstan-
tior naturalis, & sine machina.
296.m.f.

M

M Achinæ quæ, qualesuè, & cur in
scena. 271.f. 272.p.m. machina vbi
vtendum. 296. m. f. An in Comœdia
induci possit, 371.p. machina ἔγκυρα-
μα, & ἔξορπα. 371.m. Vide, *ἀντοματον*,
Grus, Dij, Lysis.

Macrobius a Gellio pleraque suffura-
tus. 149.f.

Magi nudis pedibus Dijs Inferis sacri-
ficabant. 103.p.

Man:

Mandragora Tigrim nutritur Turcarum Imperator. 102. p.
 Manilius an poëta? 396. m.
 Manubiæ affixæ postibus refigi non poterant. 71. f.
 Mapheus Vegius Aeneida conatur absoluere. 198. m. 199. f. sed frustra. 246. m. Vide, *Aeneis*.
 Mare possitnè terras conuellere, Insulasque facere. 88. 89. subinde locum, litusque mutat. 89. p. m. cum terra, vnum facit globum. 90. f.
 Margites Homerius ridiculus. 348. m. an poëma heroicum. 405. p. eius hominis ineptiæ. 405. m.
Μαργίταιοθύραι, quid græcis significet. 139. m. 140. m. quid *μαργίταιοθύραι* 141. p.
 Melancholici diuinant, ex Platonice. 242. m. Vide, *Socrates*.
 Melica. Vide, *Dithyrambus*.
 C. Melissus primus trabeatam Romanis dedit Comœdiam. 333. f.
 Mella fluuius cur flauus dictus. 178. m.
 Menœ secundæ heroicis temporibus nullæ. 109. f.
 Mercurius Atlantem, maternum auum, in Mauritania sèpius inuisit. 96. p. m.
 Metamorphoses cuiusmodi à poëtis fitæ. 164. p. m. in scenam non inducendæ, & cur? 271. p. m. earum scriptores Parthenius, Theodorus, Callisthenes, Ouidius, Nestor Laradæus contra fabulæ vnitatem peccarunt. 207. p.
 Metaphora cuiusmodi esse debet. 119. p. poëta illa frequenter vtuntur. Vide, *Poëta, Enargia*.
 Metis ab Ioue vorata, ex quo Pallas è cerebro Iouis existit, quid significet. 225.
Μισητὴν quid Aristoteli. 316. m.
 Midas nonnullis Elegiæ inueteror. 383. f.
 Mimnermus poëtanè Epicus, an Elegiacus? 390. m. 410. m. f. quando vixerit, 410. f.
 Mimus vnde dictus. 368. f. primò gestulatione tantum, mox etiam verbi res imitabatur. ibid. Publius, & Laberius egregij Mimi. ibid. quænam argumenta tractarent. 369. m. sententias grauissimas proferebant inter-

dum. 369. m. f. 370. p. Vide, *Comœdia Demetrius*.
 Monodia lugubre carmen. 387. f. à quibus scriptum. 387. f. 388.
 Monomachia paria debet habere præfida. 196. f.
 Monstra ex contrarijs animalium conflata partibus rectène a poëtis singantur. 119. 120. cur apud Inferos à Virgilio, & poëtis efficta. 120. 121. immo & à Christianis. 121. m.
 Mores poëta debet exprimere. 257. f.
 258. ea præcipua poëtæ pars. ibid. &
 259. 260. in morum expressione spe-
 candum, vt probi, vt conuenientes,
 vt similes, vt æquabiles sint. 258. 259.
 260. probi mores in præcipuum per-
 sonam cadunt. 258. f. similes mores
 dicuntur, qui vulgatae de persona opini-
 oni respondent. 259. f. 260. p. mores
 quid differant à sententia. 261. m. f.
 262. p. m. 453. f. quid morata oratio
 tum apud poëtas, tum oratores. 453.
 m. 455. p. quid mos. 453. f. 454. p. spe-
 candum in his necessarium, decorum,
 verisimile. 454. m. Vide, *Elegia, Poëma, Poëta*.
 Mors omnium miserrima, cum quis aquis suffocatur. 35. p. præcipue quod ijs
 extingui animam antiquitas credit. 35. m. voluntariæ mortis oppetendæ,
 sicut & abrumpendi conuiuij, iuxta
 Platonicos tempora quinque. 130.
 131. mortem voluntariam oppetiere
 pro patria Curtius, Menœceus. 130.
 m. ad sedandam discordiam Otho.
 130. f. ne alios sceleris contagio
 foedarent Oedipus, Alcmæon, Ore-
 stes. 131. m. ne miseri viuerent Pole-
 non Laodicenfis, Euphrates, Demo-
 critus philosophi: Pomponius Atti-
 cus, Festus, Cato, Virrius. 132. p. po-
 stremam hanc cōscindæ sibi mor-
 tis causam, & Stoici probant, & Epi-
 curus. 132. f. sed ij ignaii habendi.
 133. 134. Mortis dies an ita fatalis, ac
 certus, vt contrahi, protrahiè non
 posset. 183. 184. 185. Pythagoricis
 quædam mors animalis, quædam ani-
 mæ. 236. m.
 Mortuorum animas humanarum hostia-
 rum

I N D E X

xum sanguine delectari crediderunt
Ethnici. 54.p. 77.p. eorum præcipue,
à quibus ipsi essent occisi. 55.m. 237.
m. Morientes vaticinantur interdum.
188. 189. cum cadaveribus mortuo-
rum res ipsi caræ cremabantur olim.
193.m.

Mulier vnde dicta. 74.f.

Musica animis sedat affectus. 340.m. quâ-
tum ijs concitandis possit. 397.m. Vi-
de, *Comœdia, Dorica.*

N

Naenia lugubre carmen, ut Threni,
ac Monodia. 387.388. à Pontano
vocabulum hoc traductum ad nutri-
cias cantilenas. 387.m.f.

Narratio Epica qualis. 418.f. ab histori-
ca differt. 419.p. Elegiac ab utraque
diuersa. 418.f. 119. hæc similis lyricæ.
419.f. 420.p. expositio ipsarerum, nar-
ratiōis locum in Elegia plerunque
subit. 420.p. Vide, *Poëta.*

Nationes quænam recens natos infan-
tes frigidis aquis immergent. Vide,
Infantes.

Nauigantes, terras sub se depressoſſas exi-
ſtūmant. 90.m.

Neacles pictor qua ratione Nili aquas
à marinis in tabulainternosci posse
existimauerit. 120.f. 121.

Neptunus Apollini cur contrarius.
222.m.

Nestor Larandæus. Vide, *Metamorpho-
ſis.*

Naupactikòv machina, quid. 272.m.

Nilus inundatione, cum copiosa est, fer-
tilitatem affert. 46. p. conuecto limo
Pharum insulam continentem adiunxit.
89.p.

Noctescere quid. 178.f. 179.p.

Noctua, siue Vlula mortis symbolum.
384.f. 385.p. cur? 385.m.

Noxūn quid. Vide, *Legalis, Diithyram-
bica.*

Nonnus Panopolitanus idem, qui Bac-
chi vitam, atque Euangelium S.Ioan-
nis heroico scripsit carmine. 205. f.
contra vnitatem fabulæ peccauit.
ibid.

Numa Pompilius Pythagore minimè
æqualis. 44.m. 47.m. primus aperien-
di Iani morem induxit. 45.p. 47.m.
Nuncius in Tragœdia olim nullus.
307. m.

O

O Deum, siue *quæſiōn* quid in Orche-
stra. 268. m.

Ode. Vide, *Chœus, Finis, Lyrica.*
Odyſſea unica tantum actione contine-
tur tota. 201.f. 207. m.f. 277. p. seu
duplici actione uno fine terminata.
364.p. eius argumentum. 63.m. 277.p.
an Iliade præstantior. 365. m. Vide,
Cratinus, Homerus,

Officia personarum qua risum excitent
in Comœdia. 341.f. 343.

Oī vario accentu quid significet. 12. 13.

Olympus ab Osſa distinctus Peneo im-
misso fluui. 88.f.

Onagri, hoc est syluestres afni vbi?
38.p.

Oppianus, qui scripsit de piscibus, an
poëta? 396.m.

Oī quid in Tragœdia. 266.p.

Opulescere quid. 178.f. 179.p.

Orchestra vnde dicta. 267.m. quem lo-
cum habeat in theatro. 207.f. 268. p.
Vide, *Logeum, Odeum, Pulpitum, Or-
chestica.* Vide, *Poësis.*

Orpheus. Vide, *Argonautica.*

Ortygia Insula. Vide, *Delus.*

Ouidius. Vide, *Metamorphosis.*

Oveēs Homero custodem, non mulum
significat. 8.m. 9.p.

P

PAcuvius quales Comœdias scrip-
rit. 333.p.

Pædo Albinouanus, scriptor Theseidos,
contra fabulæ vnitatem peccauit.
205.m.

Pallas è Louis cerebro genita, vorata.
Meti, quid poëts significet. 225.

Palliatæ. Vide, *Comœdia.*

Pancratium. Vide, *Cestus.*

Paniasis scriptor Heracleidos contra-
fabulæ vnitatem peccauit. 205.m.

Para-

R E R V M.

Parasitus Unde dictus. 343. p. quod eius officium in Comœdia. 343. m. dictus etiam Colax, & Gnatho. 343. m. f. quo habitu fingebarur. 343. m. Vide, *Serius, Gnatho.*

Paræ necessitatis filiæ. 166. m. tres sunt, per tria diuisæ tempora, præteritum, præsens, futurum. ibid. significant necessitatem certo tempore moriendi. 166. p. Vide, *Fatum.*

Paridis iudicium de trium Dearum pulchritudine, an extet apud Homerum. 219. p. quid ea fabula allegoricè significet. 219. m. f.

Parodus in choro quid. 287. f. 288. p. quam sedem habeat in Tragoëdia. 288. m.

Parthenius, unus Heracleidos, alter Archelaidos scriptor, contra fabulæ unitatem peccarunt. 205. m. Vide etiam, *Metamorphosis.*

Pastoritia poësis. 336. f. 378. f. genus est vetustissimum. 378. f. 379. p. pastores primi ab aubis didicere cantum. 379. p. f. quid coeperint imitari. 379. f. Eclogarum pastoritariorum genus vnu vius personæ. 379. f. 380. m. alterum duarum, aut plurium sine contentione. 380. p. m. tertium cum contentione, & alteratione, quod amoebæum dicitur. ibid. Assurgunt interdum, inductis Dijs, præsertim Sileno. 380. f. interdum in his solus poëta loquitur. 381. p. Pastoritæ Comœdia, siue Dramata nouum inuentum. 381. p. m. ad Satyræ veteris genus reuocari potest. 378. f. 381. m. non est improbandum. 381. f. 382.

Pater interdum ætatis, interdum honori nomen. 64. p. m. eo nomine Dij vocantur omnes. 64. f. immo & montes, & fluuij, quia Dij habebantur. ibid. 65. p. & ij à quo familiæ ortum habent. 65. m.

Nâb̄s interdum non affectum animi, sed cædis perpeſſionem significat. 308. m. 309. m.

Peccata poëtarum. Vide, *Poëta.*

Pedes affectus significant, & cur. 103. m. f. cur Achill'i soli pedes paterent vulneri. 103. f. Vide, *Euridice, Magi.*

Pelias. Vide, *Iason, Iuno.*

Pentametrum carmen interdum sine hexametro. 400. m. f. 401. p. eius suauiter condendi leges. 461. & seq. Vide, *Elegia.*

Pericles ante Archelaum Macedonum Regem deceſſit è viuis. 45. f.

Perioche. Vide, *Argumentum.*

Peripetia in fabula est mutatio in contrarium præter expectationem. 292. f. 295. m. Vide, *Agnitio, Tragoëdia.*

Peritales. Vide, *Poëta.*

Perse. Vide, *Barbari.*

Persona histrionis primum curanda. 273.

p. quales initio fuerint, quis perficerit. ibid. m. personæ primarum, aut secundarum partium. 274. p. Scenica, & Choricæ. 274. m. quoties in Scenam ingredi, quot loqui debeant. 274. m. f. 374. m. aliqua semper agat in prosœnio. 274. f. Choricæ personæ in Scenam subeunt actu absoluto. 275. p. ne loquuntur cum populo. 374. m. nisi claudant fabulam, aut prologum agant. 374. m. Vide, *Comœdia, Tragoëdia*, vbi quæ huic sint aptæ personæ. Vide etiā, *Elegia, Epica, Imitatio, Lyrica, Mores, Poësis, Ridiculum, Scena.*

Perturbatio, idest cædis perpeſſio, seu *nâb̄s*. 308. m. Perturbationes animi. Vide, *Affectus.*

Phantaſia poëtica quid sit grammaticis. 159. 160.

Phantaſice, species altera imitationis poëticæ, res pro arbitratu fingit, etiā quæ veræ esse non possunt. 120. m. 398. p. eius ſigmentum Idolum dicitur. ibid.

Pharus Alexandriæ, olim Insula. 89. p. Vide, *Nilus.*

Philanthropia, hoc eſt humanitas, eſt remissa quædam commiseratio. 317. m. erga inimicos etiam, ibid. auelli non potest à nobis. ibid.

Philosophi cur absurdæ de Dijs confinxerint. 5. m. præcipui quique Epimenides, Zoroastres, Socrates, Plato, Plotinus, Porphyrius, soliti sunt à ſenſibus abſtrahi. 241. p. m.

Philosophia tres in partes tributa. 270. f.

I N D E X

- Philostratus, *vitas Pelepidæ, Epaminondæ, Thefei* singulis complexus poëmatis, contra fabulæ vnitatem peccauit. 205.m.
- Phlegeton quid Platonicis. 235.f.
- Phormio parasitus in *Comœdia* nomen verum, non fictum. 362.f.
- Phryges. Vide, *Barbari, Tibicines.*
- Pictura fuerit ne ante Troianum bellum. 39.40. quis eius inuentor. 40.f. 41.p. vbi, & vnde nata. 41.p. Vide, *Gyges, Poësis, Poëma, Polynotus, Pyrrhus.*
- Pietas in parentes est maximè, & in patriam. 48.p. interdum & in Deum, ut pote nostrum procreatorem. 48.f. 49.p. interdum & pro misericordia, seu clementia. 49.m. cur Imperatores aliqui dicti sunt Dij. 50.51. cur Aeneas. 47. & seq. Vide, *Antoninus, Iustinianus, Severus.*
- Pisander scriptor Heracleidos contra fabulæ vnitatem peccauit. 205.m.
- Filices Syris pro Dijs habiti. 114.p.
- Pisistratus an auctor Rhapsodiæ. 79.m.
- Pithecus Insula. Vide, *Inarime, Typhæus.*
- Plato de natura pauca differuit, multa de moribus. 232.m. Platonici è sacris libris hausere pleraque. 216.p. Vide, *Philosophi, Anima, Inferi.*
- Plautus. & Terentius Comicorum elegantissimi. 333.p. qua in re Plautus. inferior Terentio. 377.p. Vide, *Argumenta.*
- Plinius Veronensis ne fuerit, an Nouocomensis. 69.f. Plinii junioris floridum dicendi genus. 210.f. 211.m.
- Plotinus corpore fuit maximè temperato. 242.m. diuinasse fertur. ibid. Vide, *Philosophi.*
- Podium quid in theatro. 268.m.
- Poësis, seu Poëtica ars imitandi, siue imitatio est. 395.398.f. hoc est effectio, atque exemplum ab exemplari expressum. 395.f. non ab illo, quod animo conformamus, qua est Idea, sed à rebus ipsis. 396.p. Pictura persimilis. 406.m.f. 407.p. Differt ab alijs, qua imitantur, artibus, præcipue rebus ipsis, quas imitantur: qua sunt personæ, atque actiones humanæ verosimiles. 230.p. 231.328.p. 378.f. 396.m. debet enim fingere verisimile. 215.p. cädantne in eius materiam artium, disciplinarumque præceptiones. 410.f. 411.p. non respuit has, si imitationem adiungat. 411.m. differt & ab alijs imitandi artibus, quibusdam instrumentis, & quasi præfidijs, quibus vtitur. 396.f. qua sunt ea præsidia. 396.f. 398.p. nobilior est poësis quam historiæ, & cur. 321.p.
- Tres poëticæ imitationis species Aristoteli, Epica, Scenica, Dithyrambica. 396.f. 398.p. An etiam eius species sunt Citharistica, Auletica, Orchestrica. 397.p. 398.p. duæ species Platoni, Icastice, & Phantastice. 120.m. 398.p. Rursus imitatio vel Exegematica est, id est enarrans, vel Dramatica, id est agens. 398.m. Exegematicæ species Epica, & Dithyrambica ibid. Dramaticæ Tragœdia, Comœdia, & Satyra antiqua. 398.m. tum Exegematica, tum Dramatica in Icasticæ, & Phantasticæ dividuntur. 398.f. Species poëseos differunt inter se, quia personæ, actiones, &c. diuersas imitantur. 401.f. 403.m. vel instrumentis, præfidijs, quibus vtitur. 403.f. vel modo, rationeque imitandi. 403.f. Epici, Tragicique præstantissimas personæ, actiones, &c. imitantur. 402.p. Comici, & Satyrici tum mediocres, tum infinitas. 402.p. Lyrici omnes ordinis complectuntur. 402.p. 403.m. Vide, *Leges, vñus, Pastoritia, Scenica, Tragedia.*
- Poëtica ars à nonnullis Dialetticæ, Sophisticæ subiungitur. 221.p. ab Aristotele ciuili 230.f. eius artis finis, vel delectatio, vel utilitas, vel vtrunque. 203.p. De poëtica arte qui scripserint. 395.m.
- Poënia picturæ cur simile. 258.p.m. illud interdum poëma dicitur, quod excludit Episodia aduentitia. 63.p.m. Partes eadem, aut ferè similes tum qualitatibus, tum quantitatibus Epici, Tragicique poëmatibus. 412.f. immo & Elegia, & Lyricæ. 412.f. 413.p. diuerso tamen modo tractantur. ibid. Partes quæ.

R E R V M.

qualitatis poëmatis, præfertim Tragici, sex vniuersi sunt Aristoteli, Fabula, Mores, Dictio, Sententia, Apparatus, Harmonia. 412.f. conueniunt etiam quadam ratione Comœdia. 353.f. & Elegia. 451.f. Partes quantitatis Tragœdia, Prologus, Episodiū, Exodus, Choricus duplex, Commus. 254.p. 412.f. Comœdia, Titulus, Argumentum, Prologus, Actus quinque. 352.f. Epici poëmatis Propositio, Inuocatio, Narratio, Episodium, Finis. 413. p. Elegie, Propositio, Narratio, Finis. 413.p. Vide, Elegia, Epica, Episodium, Fabula, Inuocatio, Lyrica, Principium, Prologus, Scriptores, Sententia, Tragœdia.

Poëta imitator, pictori similis. 2.f. 203.m. propositum eius admiratio, vel delectatio. 3.m.f. 120.f. 203.p. 213.f. nam & ipsa admiratio delectationem gignit. 159.f. 160.p. 213.f. 296. p. quod admirabilius est, seligit. 29.p. 31.f. idcirco interdum factum narrat, quod fieri nequit. 159.m. 160. m. an pauca debeat ex sua persona loqui. 28.p. an eius vaticinia obscura esse debeat. 29. m. an personas inducere debeat. 30.m.f. 31.p. ad Deos configit, in histantū, quæ naturæ vi fieri nequeant. 87. f. 88. cur absurdā de Dijs configat. 5.m.f. idola, seu simulacra rerum inanimatarum, quasi essent animata, configit, vt res ipsas exprimat magis. 159. 160. 193.m. 194.p. interdum vnius nationis mores ad alias transfert. 172.m. locorum ordinem in enumerationibus non semper sequitur. 182. p. in uno quopiam homine mores omnium vniuersi imitatur. 320.f. Vnicum argumentum, seu finem, hoc est vnicam vnius actionem sibi constituit, & cur? 203.p.m. morum expressio munus poëtæ præcipuum. 257.f. 258. 259. Poëta, historique discimen. 230.m. 320.f. differt veriusque narratio. 59. 60. 61. & cur? 60. m. cuiusmodi conciones poeticae esse debeant. 31.p. diuersa ipsi, atque historico incipiendi, ac desinendi ratio. 200.m. in terum expressione quo-

modo differat ab historicō, & Oratore. 407.p.m. Furor poëticus. 185.p. Poëtarum errata quænam grauia Aristoteli. 80.f. 81.p. excusandi illa sexdecim aperit rationes, & quasi capita. pag. 3. vsque ad 20.

Primum, quod non in propria, sed aliena in arte peccauit: præfertim vero si ea ratione res sit admirabilior. 2.f. 3.p.m. 38.m. hæc enim peccata illis sunt leuiora. 3.f. 4.p. 174.m.

Secundo, quod rem imiteretur, non qualis illa est, sed qualem esse deceat, aut oporteat. 2.f. 4.m. 139.p.

Tertio, quod rem exprimat, qualis fama fertur; vulgatasque, ac populares sequuntur sententias. 4.f. 5.m. 6.p. 26.f. 46.f. 86.f. 87.p. 99.f. 163.f. etiā si id falsum sit, præfertim apud viros doctos. 100.f. 119.f. 120.p. 174.m. id enim esse, ac fieri dicit, quod esse, fieriue videatur. 91.m. eiusque verisimile satis est, si sit vulgo, ac popularibus verisimile. 46.f. 52.p.

Quarto, quod exprimat consuetudinem illarum gentium, quarum actiones imitatur. etiā alioqui parum decoras. 6.m.f.

Quinto, quod nō solum spectat id quod sit, sed ~~re~~ quis ~~et~~ etiam, quæ rem circumstant, quis, quid, ubi, quo tempore, cuius gratia: ex quibus verisimile fit rem ita contigisse. 7.p.m. 76.f. 83.m. 116.f. 158.m.

Sexto, ex diuersa eiusdem vocis apud diuersos populos significatione. 8. 9. vocabulis enim vtitur, quæ aliud alteri nationi significant. 8.p. 176.m.

Septimo, quod frequenter figuris vtitur, præfertim hyperbole, ac metaphora. 2.f. 10. 11. 194.p. & prolepsī, sive anticipatione. 39.m. & anachronismo, hoc est temporis inuersione. 43. 44. 45. 46. cur ea permitta poëta. 46.m.f. qua eadem ratione vocabula noua pro veteribus, contraue usurpat. 107. 108. 109. 118.m.

Octavo, ex accentus mutatione, qui variam eidem vocabulo significationem impartitur. 11.f. 12. 13.

Nono, ex varia interpunctione, qua tue-

I N D E X

ri possimus orationem absurdam. 13.
f. 14.p.m.

Decimo, si orationi ambiguae commoda posse ex ipsa serie, ac structura subesse sententia. 14.f. 15.p.

Vndeclimo, quod utatur vocabulo, formaque loquendi quam habet communis usus. 15.m. 107.p.

Duodecimo, si vocabulum multiplicis sit significationis. 15.f. 16.p.m.

Tertiodecimo, si poetae accusator praedicta opinione ducatur, cuius contraria poeta sequatur. 16.f. 17.p.m.

Quartodecimo, quod quamvis incredibilis res videatur; sive tamen multa sunt, quae fieri non posse putamus. 17.f.

Quintodecimo dissoluitur criminatio eo planè modo, quo & sospitata: expendendo an sit idem quod dicitur, an ad idem, an eodem modo. 18.p. 113.f. 127.f. 191.m.

Sextodecimo, quod poeta sequuntur est deiti cuiuspiam hominis, prudentisque sententiam: nam inter discrepantes sententias, quam vult, eligit. 18.f. 19.p. 70.m. 144.p. etiam inter se fortasse pugnantes. 85.m. 184. 185. 192.p. praesertim verò, ut res fiat credibiliior. 31.n. 189.f. Vide, *Descriptiones*, *Dij*, *Empedocles*, *Epica*, *Imitatio*, *Mores*, *Tragœdia*.

Polycritus rerum Sicilienium scriptor contra fabulae unitatem peccauit. 206.m.

Polydamas ad Troiz prodictionem trāfigendam ad Græcos legatur. 49.f.

Polygnotus Atheniensis Theophrasto inuenitor picturæ. 40.f.

Porcus Dijs Laribus mactabatur. 115.p.

Porphyrius. Vide, *Philosophi*.

Porticus quid in theatro. 269.m.

Posthumus, qui post obitum patris nascitur. 142.p. quasi natus post humanum parentem. 143.p. Item, qui patri postremo loco, sive post conditum testamentum natus. 142.f. 143.f. hac posteriore ratione scribendum, postumus, sine aspiratione. 143.p.m.

Preparatio, sive Ifagoge aliqua Epico poëmati præmittenda. 27.m. 30.p.

Praesumptio poëtica, sive Anticipatio, & Prolepsis. 125.f. ex praesenti rerum statu præsumimus in praeteritum, si mutatio nulla facta sit in re. 125.p. poeta etiam, quod videt praesens, præsumit sic etiæ in praeterito fuisse, si res mutationi non fuit obnoxia. 125.f. 126.p.

Prætexta quid. 333.m. Prætextata. Vide, *Comœdia*.

Primus interdum temporis ordine, interdum dignitatis. 24.p.m. 151.f.

Principiū poëmatis quomodo definatur ab Aristotele. 52.f. 62.m.

Procnæ in hirundinem, an in lusciniam versa? 100.p.

Prochyta. Vide, *Arimi*, *Inarime*.

Prolepsis. Vide, *Anticipatio*, *Anachronismus*, *Poëta*.

Prologus quid in fabula. 275.f. 276.p. quod eius officium 276.m. 375.p. non idem in Comœdia, atque in Tragœdia. 365.f. quid in Comœda a. 366.m. in Comœdia agitur ab una persona ad fabulam non pertinentes; contra in Tragœdia. 366.p. Prologi in Comœdijs genera quinque. 366. 367. loquitur cum populo. 375.p. Vide, *Chorus*, *Poëma*, *Prologus*.

Propositio in Epopœia poëtæ cōsilium planè exponit. 416.m. in Elegia latenter. 416.m. f. 417.p. interdum etiam in hac distincte. 417.m. hoc tamen raro. 417.f. Vide, *Inuocatio*.

Proscenium quid in theatro. 268.m.

Protasis breuem habet rerum gerendrum significationem. 290.p. 375.m. quid differat à prologo. 375.m. actu primo semper absolvitur in Tragœdia, non semper in Comœdia. 290.m. an à choricis personis peragi possit. 290.f.

Proteruia quodnam sacrificium apud Romanos. 349.f.

Pueri preferendis frigoribus assuefiendi. 173.p.

Pulpitum locus editor in Orchestra: 268.m. an differat à Thymele. ibid. dicitur & Ara. ibid.

Purpureum pro pulchro. 178.f. 179.p.m. purpurare, idest nitescere. ibid. Vide,

de, *Viola*.

Pyrrhus, cognatus Dædali, picturæ invento Arilitoteli. 40.f. Pyrrhi Epitorum Regis mortis om̄en. 385.m.

Pythagoras. Vide, *Numa*. Pythagoreorum doctrinam sectatur Virgilius. 235.p. Vide, *Mors*.

Pythij ludi Triptolemi temporibus instituti. 172.p. Pythia feminæ cur diuinaarent. 242.f.

Q

Qvercus Cereri sacra. 112.f. 115.f. Quintus Calaber Iliadem conatur absoluere. 200.p.

Quirites interdum principes viros, pro cerefue significant. 108.f. 109.p.

R

Rancus sonus non semper insuavis. 191.p.

Rapſodi & ράβδων, qui & rhapsodi. 79.m.

Reatina tellus tremit. 84.p. Insulae in eo agro fluctuant. ibid.

Religio est Dei cultus. 48.f. interdum, & pietas vocatur. 49.p. Vide, *Superstitione*.

Rex interdum rectorem, ac præceptorem significat. 172.m.

Rhapsodi qui dicti. 79.p.m. quo colore induit prodirent recitaturi. 79.m.f. quando cœperint. 79.m.f. Poëtarum partiti sunt libros. ibid. Vide, *Epica*, *Hipparchus*, *Pisistratus*, *ράβδων*.

Rhenus cur dictus vindex coiugij. 172.p. Vide, *Germani*.

Rhianus Cretenis, qui scripsit Theßalica, peccauit contra vnitatem fabulæ. 206.f.

Rhodus cur clara dicta ab Horatio, & Lucano. 101.m.f.

Rhythmus quid Aristoteli. 400.p. 404.p. Ridiculum est turpitudo sine dolore.

340.f. 341.p. aliud petulans, & vnde que peritum; aliud honestum, & liberale. 338.f. 339.p. huius causa interdum suppetit ex personis ridiculis. 341.m.hæ personæ quænam apud an-

tiquos in scena, quæ formæ fuerint. 342. & seqq. quæ apud recentiores Italos. 346.p.m. ridicula etiam personæ ratione, sensuque carentes. 346.f. 347. vitiorum quoque personæ finguntur. 347.f. interdum causa ridiculi ex rebus ipsis, quæ risum mouent. 341.m. 348. & seqq. Ridiculi ex turpitudine, huic ex erratis genera quinque. 348. 349. dicta ridicula, iociuè quibus ex locis petendi. 349. 350. 351. carere omni obsecnitate debet. 352. f. Vide, *Comœdia*.

Risus unde concitetur. 327. f. 328. m.f. 329.p. quidam voluntarius, quidam quasi necessarius. 341.p. interdum ex lætitia sine vlla turpitudine. 341.p. 348.p. Vide, *Officia*, *Senes*, *Serui*.

Romulus, & Remus infantes in Tyberim ex regionis projecti confuctidine. 172.f.

S

Salmoneus an invento tormetiænci. 110.f.

Saltatio. Vide, *Demetrius*. theatalis saltationis genera tria: Emmelia pro Tragœdia, Cordax pro Comœdia, Sicinnis pro Satyra. 370.f.

Saturnales dies tres, quinque, septem. 127.f. 128.p.

Satyra vetus suam habuit scenam, fuos histriones. 381.m.vtitur metro, cantu, & saltu. 404.p. Satyri in Tragoëdiam cur inducti. 369.p. explosi tandem. 378.p. Vide, *Chorus*, *Pastoritia*, *Poësis*, *Saltatio*, *Scena*.

Saugetη quid græcis. 6.m.

Scena, eiusque membra in theatro. 268.f.

269. eius etymon, & origo. 269.f. inumbrationem significat. 270.p. propria fuit Satyra ab initio. 381.m. Triplex Scenæ species Comica, Tragica, Satyrica. 270.p.m. 396.f. quid differant. ibid. Scenæ ad ostentationem aureæ, argenteæ, marmoreæ, ductiles, versatiles. 270.f.in hemicycli formam extrebat. 271.f. eius carcer, regia, portæ. ibid. in Scena olim re ipsa verè occidebantur aliqui. 307.m. Vide,

I N D E X

- Vide, *Spectacula, Machinae, Personae, Satyra.*
- Scena pars Actus in fabula quid. 373. f. an quatuor, pluresuè personæ in ea loqui possint. 373. f. 374. p. alia scenarum eiusmodi præcepta. 374. m. f. Vide, *Actus.*
- Scenica poësis vtitur oratione; præterea cantu, & saltu tantum in Choris. 396. f. 408. m. Scenice omnes versus variè miscent in Choris. 405. f. in his nusquam poëta loquitur. 406. p. Vide, *Poësis.*
- Scriptores olim suum nomen initio operis apponebant. 22. m. conclusiones, siue Epilogos subiungebant. ibid.
- Scylla Nisi in auem Phorci in scopulum versa. 99. f.
- Senes ridiculi quinam in Comœdia, quoue habitu. 342. p. m. Vide, *Aetas.*
- Sententia quid generatim. 455. m. 456. p. m. oratoria, & poëtica. 455. p. simplex, & composita. 455. m. 456. m. cur aliquibus sententijs adiungatur ratio. 456. f. Sententia poëtica quid. 457. f. quid in poëmate, ac Tragoedia. 261. m. Rhetorum argumentationi respödet. ibid. à moribus quid differat. 261. f. 262. p. eius partes, siue officia quinque. 262. f. qualis Tragoedia esse debet. ibid. Vide, *Elegia, Poëma.*
- Serpens Marti facer. 112. m. 115. m.
- Serius Polensis parasitus: eiulque Epi-taphium. 344. 345.
- Serui ad risum excitandum quo habitu in Comœdia. 345. m. Seruus aduersitor quid. 345. f.
- Sesostris Rex Aegypti Iasonis vsus navi. 106. f.
- Severus Septimus Imperator dictus Pius. 51. m. mirificè lœtatus, cum accepit se in bello esse moritum. 34. f.
- Sibyllæ cur vaticinatæ. 243. m.
- Sicilia vi ne maris, an Neptuni tridente à continentis diuulsa? 88. 89. quando in eam migrarint Græcorum coloniæ. 45. p.
- Sicinnis quid. 370. f. Vide, *Saltatio.*
- Silenus Deus reconditæ sapientia. 380.
- f. Vide, *Pastoritia.*
- Silius Italicus peccaueritnè in suo poëmate contra fabulæ vnitatem. 207. p.
- Similitudo. Vide, *Icastice, Idolum.*
- Simonides Epiculnè poëta, an Elegiacus. 390. m. 410. m. f. quo tempore vixerit. 410. f.
- Simulus, res Romanorum omnes uno complexus poëmate, contra vnitatem fabulæ peccauit. 206. f.
- Sisyphus quid sua pena significet. 236. p.
- Situs quid significet. 343. p.
- Socrates ex melancholia multa præsent. 242. m. carpitur ab Aristophane vt contemptor Deorum. 347. m. Vide, *Philosophi.*
- Solon leges Elegiaco scripsit carmine. 389. m.
- Solutio fabulæ. Vide, *Nous.*
- Somnia cœlestia cur cornibus, terrestria ebori comparantur. 145. m. eorum portæ duæ doctorum disputationibus attritæ. 144. f. cur cornea vera, eburnea falsa. 145. f. 146. p. f. aliud quid significant. 146. m. cur eburnea magis, quam cornea eductus Aeneas. 147. 148.
- Spectacula tragica, siue atrocia amo-ueda à scena, & cur. 306. 307. 308. an aliquando ea concesserit Aristoteles. 308. m. f. 309. p. quæ spectacula Romani exhibuerint Imperatores. 307. m. 371. m. Vide etiam, *Apparatus, Tragœdia.*
- Stannum pro ære ferroue. 15. f. 107. m.
- Stasimus in choro quid. 288. p. m. quam sedem habeat in Tragoedia. ibid.
- Statius poëta Neapolitanus, non Tolofanus. 70. p. contra vnitatem fabulæ peccauit in Achilleide. 205. f. 206. p. & in Thebaide. 206. m.
- Stoici voluntariam mortem probant ad vitandas miserias. 132. m.
- Strophe propria est Dithyrambicæ, Lyricæque poëlos. 281. p. 402. f. ad choros Tragoediæ translata. ibid. quid Strophe, Antistrophe, Epodos. 281. p. Vide, *Chorus, Dithyrambus.*
- Στροφὴν machina quid. 272. m.
- Styx quid Platonicis. 235. f.

R E R V M.

Supersticio antiquis existimata religio .
53.f.54.p.

Sylua ad aquas Cutilias mobilis. 84.m.
f. aliae item in Nymphæo , dictæ Sal-
tuares. ibid. & in Tarquinensi lacu.
ibid.

Sylvius num Aeneæ seni natus , an vita
iam functo. 142 f. 143. p.f. Alijs credi-
tus Alcanij filius. 144.p.

Syracusæ nullo die non cernunt Solem.
101.f.

Syrma vestis tragica quid. 273.m.

T

T Antalus auari cruciatum sua pœ-
na significat. 226.m. 235.f.

Tarquinius Superbus eos, qui sibi mor-
tem consciuerant , addixit cruci .
134.p.

Taurus quibusnam Dijs non immolare-
tur. 82.m.eum immolare Ioui, piacu-
lum. 83.p. Lunæ mactabatur. 115.p.

Terentius Latinis Comicis præstat om-
nibus. 336.f eius Andria duas actio-
nes habet. 353. f. 363. m. 364. Vide ,
Plautus, Argumenta.

Terræ nounullæ tremunt . 84. p. Terri-
genarum lancea quid Ariftoteli. 297.
f. 298.

Tetradusines Troglodytis habitæ pro
Dijs. 114.p.

Teucer in Phrygiam deduxit coloniam.
71.m.

Theatrum à quibus scriptoribus expli-
cetur. 266.f.eius schema ex Vitruvio.
267. 268. constat cuncis , orchestra ,
pulpito, proscenio, podio, scena, ho-
spitalibus , valuis regijs , & ho/pita-
lium porticu. ibid. Vide hæc suis lo-
cis.

Thebanum bellum omnium, quorum
extat apud Græcos memoria , anti-
quissimum. 40.p.

Theocles nonnullis inuentor Elegiæ .
383.f.

Theodorus. Vide , *Metamorphosis.*

Theseus redierit ab inferis , an ibi
perpetuo manserit . 127. 128. inuen-
tor fuit saltationum in Choris. 281.f.
402.f.

Thespis an inuentor Tragoedie. 250.m.
faciem minio primus illeuit. 273.p.

Threni carmen lugubre , à quo inuen-
tum. 387.p.

Thule Inîula an supernatauerit ali-
quando. 98.f. 101.p. cur dicta nigra.
101.m.

Thymele. Vide , *Pulpitum.*

Tibicines in Comœdia substituti pro
Choro. 356.m. 368.f. Tibiarum modi
præcipui Doricus, Aeolicus, Lydus,
Phrygus, Ionicus. 356.f. 357.p. tibia
vetus, & noua. 357.f. 358.tibiae pares,
& impares. 358. p. dexteræ , & fini-
stræ. 358.m.f. Phrygiae , & Sarrhanæ.
359.p.m.

Titulus. Vide , *Comœdia, Poëma.*

Titus sua pœna libidinis cruciatum
nobis significat. 226.m. 235.f. vultus,
conscientiae lacerationem. 235.f.

Togata. Vide , *Comœdia.*

Tormenta ænea,vulgo a sonitu,bombo-
que bombardæ dictæ,fuerintè anti-
quis temporibus. 110.f. III. p. Vide ,
Salmonœus, Artemisius, Entropius.

Trabea quid. 333.f. Trabeata. Vide , *Co-
mœdia, Melissus.*

Tragicocomœdia an dramatis genus
fit à Tragoedie, Comœdiaque diuer-
sum. 318.f. 377.m.f. 378.p. nomen hoc
à Plauto per iocum confictum. 319.f.
tertium hoc dramatis genus, ex fine,
personisque longè dissimilibus coag-
mentatum , non videtur idoneum.
320. p. qua ratione tamen defendi
possit. 378. m. Pastoritæ Italorum.
Tragicocomœdia. 336.f. 378.

Tragoedie dicta ἀπὸ τῆς τραγύς, hoc est
ab hirco , & cur. 249. f. 250. p. Bac-
chi laudes initio continebat . ibid.
quinam eius inuentores. 250.m. fan-
tiquissimum est poëseos genus . ibid.
quinam poëta Tragici. 250. f. expli-
catur eius definitio. 251.p.m. est imi-
tatio personarum illustrium. 251.m.
finis eius animi metum , & commis-
erationem abstergere. 251.m.f. 252.m.
f. 319.m. purgar etiam audaciam , &
crudelitatem. 340.m. inuenta ad prin-
cipes viros in officio continendos .
337.f. 338.p. immerito eam Proclus ,
&

I N D E X

& Plato à Repub. ablegarunt. 252.m.
eius utilitates. 253.m. Partes eius tum
quantitatis. 254.p. 412.f. Vide, *Poëma*.
tum qualitatis. 254.p. 412.p. Vide ibi-
dem, intra unius tantum Solis ambi-
tum concludi debet. 255.m. 326.f. cur
rem à principio non ordiatur. 255.f.
terminus eius tum naturalis, quem
rei natura postulat, tum artificiosus,
quem imponit clephydra. 256.p.m.
tragica sententia qualis esse debeat.
262.f. 263.p. eius dicendi genus gran-
diloquum. 263.m.f. demittit se tamen
interdum. ibid. an soluta oratio-
ne conscribi possit. 264.p.m. an alio
carmine, quam iambico. 264.f. 265.p.
an hexametro, sive heroico. 265.p.f.
325.326. an elegiaco. 265.f. an vario
carmine. 265.f. 266.p. Tragicæ vestes
variae. 273.m.f. qualis initio, qualis
postea Tragoëdia fuerit. 276.f. 277.p.
Tragoëdia composita, sive implexa,
qua peripetiam, vel agnitionem, vel
vtrunque habet: simplex, quæ his ca-
ret. 292.m. 295.p.f. 363.p. à Tragoëdia
spectacula atrocia amouenda. 306.
307. 308. Insigniter scelesti homines
ad principes in Tragoëdia partes a-
gendas minimè apti. 309.f. 310.m. &
cur. ibid. & 317.m.f. 318.p. ne excellen-
ti quidem probitatem, & sanctitatem
prædicti. 315.316. & cur. 316. apulissimi
qui nec virtute, nec virtuo insignes
sunt. 318. etiam is, qui cædem per-
travit, interdum commiseratione di-
gnus est habitus, & persona apta.
Tragoëdiæ. 310.f. 311.p. an censenda
sit Tragoëdia, quæ felici exitu termi-
natur. 311.m. 318.f. 319.p.f. 376.m.
Tragoëdia simplex, & composita non
est idem Aristoteli, quod fabula sim-
plex, & composita. 311.f. simplex pul-
cherrima, & quæ. 312.m.f. non est
ideem Aristoteli optima, & pulcher-
rima. 313.m.f. 314.cur in paucis fa-
milijs versari dicatur ab Aristotele.
315.f. 322.p. cur vera nomina vslur-
pet. 162.m. 322.p. aliqua tamen con-
fingi possunt. 322.m. interdum & no-
mina omnia, & rem ipsam confingit.
322.m.f. huiusmodi tamen Tragoëdia

imperfectissima. 323.p. vim suam,
etiam si sola legatur, hoc est sine ap-
paratu, & scena, retinet. 324.p. cur
videatur Epica inferior. 323.f. 324.
illi tamen præstat. 324.f. 325.326. ma-
giorem habet vnitatem, quam Epica.
326.f. vtitur metro, cantu, & saltu.
404.p. differt ab Epica, quod nullam
humilem personam imitatur. 404.m.
Vide etiam *Apparatus*, *Aula*, *Cho-
rus*, *Commus*, *Comædia*, *Corburnus*,
Epica, *Episodium*, *Error*, *Exodus*, *Fabu-
la*, *Parodus*, *Persona*, *Poësis*, *Poëma*,
Prologus, *Protasis*, *Salutatio*, *Scena*, *Sen-
tentia*, *Stasimus*, *Strophe*, *Syrma*, *The-
spis*.

Transformationes. Vide, *Metamorpho-
sis*.

Tribus Romanis vnde dictæ. 280.f.

Triphiodorus Aegyptius Iliadem con-
tus absoluere. 199.f. idem bellum Ma-
rathonium scribens contra fabulæ
vnitatem peccauit. 206.m.

Triremis fabricata post bellum Troia-
num. 106.f. eam molitus Amocles Co-
rinthius. ibid. pro quauis naui sumi-
tur. 108.m.

Troia an dicenda barbaracivitas. 71.72.
fuit Græcorum colonia. 71.m.f.

Tεῦ quid græcis significet. 249.f.

Tucca, & Varus quid abstulerint ex Ae-
neide. 73.m. 74.p.

Tunicata, & Tabernaria. Vide, *Comæ-
dia*.

Tyberis fluvius dictus cæruleus. 177.f.
& cur. 179.m.f. 180.p. an potius albus,
vnde & dictus Albula. 177.f. à Tybri
Albanorum Rege nomen accepit.
ibid. flavius poëtis dictus, idest pul-
cher. 178.

Typhœus sepultus in Arimis in Syria.
175.m.f. 176.p. an in Insula Pithec-
ea? 177.p.

Tyrannus dictus Rex quiuis, etiam ius-
fus. 107.f. 108.p. tyrannis à Platone
minimè laudata. 108.p.

Tyrtæus animos militum Elegiaco ac-
cendit carmine. 390.p.

Vacationes, hoc est abstractiones à corpore septem. 241. f. 242. 243. & sunt Platonicis diuinandi causæ. ibid.

Vaccæ Memphitis pro Dijs habitæ. 114. p.

Valentinianus Imperator dictus Pius. 51. m.

Valua Regis, & hospitalium quid in Scena. 269. p. m.

Varrones duo. 393. f. Atacinus scriptor Argonautica. 206. m. vt̄ scriperit Elegos. 393. f. 394. p.

Vaticinium poëtarum an obscurum esse debeat 29. m. 32. p. proprium est Sacerdotum. 187. f. & morientium. 188. 189. num interdum quoque viuentium. 189. m. Vide, *Diuinatio, Morientes, Sibylle*.

Velia oppidū in Lucania à Seruio Tilio Rege conditum. 122. p. dicta olim Elea, ab Ἀλεα, hoc est palude. 123. m. Dicta, & Elea ab eiusdem nominis fluuiio. 125. m. Velinus portus palustrem significat. 123. m.

Venti in eam regionem non aspirant, vbi vtres edito in loco deligati suspenduntur. 223. f. 224. p.

Venus duplex. 75. f. 239. m. interdum pro redita etiam ratione sumitur. ibid. Veneris templum Corinthi mille meretricibus refertum. 69. p. Vide, *Columba*.

Viola, cùm sit pallens, cur dicta purpurea. 179. p.

Vir vide dictus. 74. f.

Virescere prima producta, vires recuperare. 178. f. 179. p.

Virgilii triplicem vitam triplici operæ adumbravit. 21. f. 23. p. ijsdemque libris triplex dicendi genus complexus. 459. m. An Homero præferendus. 28. 29. 244. m. non Homeri solum, sed etiam Apollonij, aliorumque imitator. 42. m. An Aeneida in libros diuinserit. 80. p. Icasten, phantaſtikenque permisit. 120. m. defecit, si Macrobius credimus, vbi Homeri ductu caruit. 149. f. ab Oratoribus dignus ex-

planari. 210. m. imò & à philosophis. 211. f. 212. p. autor, parentesque eloquentia. 210. elegantissimus Orator. ibid. vel ipsi Ciceroni à nonnullis anteponitur. 210. f. omne genus eloquentiæ complexus. 211. p. Vniuersitatis exprimit varietatem. ibid. etiam in Allegorijs imitator Homerij. 218. p. quas operi aspergit suο. 218. m. f. libri eius reconditam continent philosophiam. 218. m. f. est Poētarum Plato. 220. m. moralia magis, quam naturalia suo in poēmatē adumbravit. 227. & seqq. Theologus, & Pontificij iuris interpres. 227. f. excutit omne penū philosophiæ. ibid. liberalium artium docto. ibid. moralis præsertim philosophia. 229. m. 230. p. 231. f. philosophiam Platonicam, Pythagoricamque expressit. 232. 235. m. Vide etiam *Aeneis, Alexander, Dantes, Episodium, Gordianus, Homerus*.

Virtus in prudentiam, fortitudinem, temperantiam, iustitiam quadripartitō diuiditur. 238. p. 239. f. 240. aliter à Plotino, in purgantes, purgati animi, politicas, & ideas. ibid. vel in otiosas philosophorum, & actuosas magistratum, & mistas. ibid.

Vlysses viri prudētis symbolum. 230. m.

Vmbræ. Vide, *Animæ*.

Vrbes à fluminibus nomen sumpserunt multæ. 125. m.

Vrsa coelestis num sola non occidat.

11. m. 25. p.

Vulcanus faber yniuersitatis molitionem à Dijs cum voluptate exceptam significat allegoricè. 215. f. 216. cur Scamandro, Xanthouē fingatur contrarius. 222. f.

X

Xanthus fluuius. Vide, *Vulcanus*. Ξανθός, idest, flauum epitheton pulchritudinis apud græcos. 178. p.

Xenophanes Colophonius qua ratione Homerum defenderet. 5. m.

Z

Zoroaster diuinasse creditur. 242. f. Vide, *Philosophi*.

Zogōtēsō quid Homero. 9. f. 10. p.

S Y L L A B V S AV T O R V M ,
 qui toto in opere vel citantur, vel illustrantur,
 vel refelluntur.



B V I E N S I S To-
 status. 210. f.
 Adrianus Turnebus
 citatur. 102. m. 143.
 m. 168. m. refellitur.
 123. m. defensor Vir-
 gili. 2. p.

Aelianus var. histor.
 79. m.

Aeschylus Poëta in Tragoëdia, septē ad
 Thebas. 40. m. Perse. 279. p. 290. f.
 Prometheus, & Agamemnone. 372. f.
 libro non adnotato. 142. m.

Agathias historicus. 111. p.

Agathosthenes philosophus. 99. m.

Albericus Gentilis. 39. m.

Alciatus Andreas Iurisconsultus. 124. f.
 125. 128. f. 143. f. 168. p. f.

Alexander Aphrodisiensis philosophus.
 13. p. m.

Alexander Paccius Interpres Aristote-
 lis. 5. f. 12. f.

Alexander Piccolomineus citatur. 3. m.
 f. 294. p. 309. p. 316. f. 355. m. 395. p. re-
 fellitur. 125. p. 329. p.

Alexis Poëta Comicus in Lino. 44. f.

Angelus Politianus. Vide, Politianus.

Antipater Sidonius in Anthologia. 68. f.

Antiphates Poëta Comicus. 98. n.

Apollonius Rhodius. 43. f. 66. p. m. 104.
 m. f. 105. 109. m. 139. m. 140. m. 152. m.

Appianus Alexandrinus historicus. 47. p.

Apuleius Madaurēsis de Mundo. 272. m.

Aristophanes Poëta Comicus in Auibus.
 100. p. 374. p. Ranis. 374. reprehendi-
 tur in Rhani. 346. f. in Nebulis. 347.
 p. in Auibus. 347. f.

A R I S T O T E L E S Stagirites Phi-
 losophus.

Loci ex eius Poëtica.

Ex Capite primo multa strictim expli-
 cantur. 396. f. 397. 398. de auletica, &
 citharistica num distinctæ sint formæ
 poëticas. 397. p. cur tanquam species

poni videantur. 383. f. Poësis est imi-
 tatio. 395. m. 328. p. qualis, quarumue
 rerum. ibid. &c seqq. qua nota differat
 ab alijs imitationibus, quæ poëticæ
 non sunt. 396. m. & seqq. Poëticæ ge-
 nera, qua ratione secernantur inter
 se. 396. f. 401. f. & seqq. Oratio metrica
 instrumentum est, nō vis intima poë-
 eos. 355. m. varijs siue mistis metris
 non vitetur Epopœia. 405. f. 410. f.
 So-
 cratici Sermones, Sophronis, & Xe-
 narchi Dialogi inter poëmata nume-
 randi, & cur. 264. m. disciplinæ, ea-
 rumque præceptiones non sunt ma-
 teria poëleos. 410. f. 411. f. legum
 poësis, hoc est *vivere*, seu *vivere* (quæ
 male legitur, Mimorum, poësis, apud
 Latinum Interpretem) est Dithyram-
 bicæ pars. 389. f. 396. f. 400. p. Epo-
 pœia præstantiores, medios, infimos
 imitatur. 405. p. Tragœdiæ inuento-
 res. 250. m.

Ex secundo. Imitatio ex delectatione
 nara est; nobisque natura insita. 159. f.
 Iambus senarius debetur omnino
 Tragœdiæ. 264. f. 325. 326. Comœdiæ
 definitio. 327. f. 328. risus, Comœdiæ
 propositus, vnde nascatur. 340. f. 341.
 Tragœdiæ imitatio intra vnum diem
 compelli debet. 255. m. an recitatio
 diem vnum expiere debeat. ibid.

Ex tertio. Tragœdiæ definitio explicata
 per partes. 251. p.

Ex quarto. Mores emendare, est homi-
 nis actiones ad felicitatem dirigere.
 231. p. id quod etiam facit Poëta. ibid.
 Fabula est synthesis, seu constitutio
 rerum. 452. p. Mos, & morata oratio
 quid. 453. f. 454. p. m. Sententia quid
 sit. 457. f. quid eius proprium. 261. m.
 & seqq. Dictio poëticæ quæ & quo-
 tplex. 263. m. in moribus effingendis
 imitandus pictor. 257. f.

Ex quinto. Fabula, quasi corpus, princi-
 pio

A U T O R V M.

- pio constat medio, & fine. 59.f. 61.p.
quid principium. 59.f. quid finis. 441.f.
Fabula disponendæ ordo. 62.p.m. 63.
p. Explicatur totum illud caput de
magnitudine, & dispositione fabula.
ibid. & 254.f. 255. 256. 452. conditio
nes fabula. 256.p. duplex Tragœdia
finis, ac terminus à clepsydra, & à
rebus. 256.m. f. 441.f.
- Ex sexto. Unitas fabulæ quoæ, quantuè
esse debeat. 201.f. 202.p. 203.f. 205.
207. totum explicatur caput. ibid. &
256.f. 257.p.
- Ex seprimo. Explicatur totum. 320.f.
321. 332. Historici, poëtaque discri
men. 230.m. 320.f. 321.p.m. 322.p.m.
Comœdia fingit res, & nomina. 362.
m. an hoc etiam facere liceat in Tra
gœdia. 320. 321. 322. Agathonis Tra
gœdia *Flos*. 322. Credibile, & vero si
mile quid sit. 162.m. 195.p.
- Ex octavo. Fabula Episodica deterri
ma. 94.f. Episodica fabula quoæ. ibid.
Episodia necessaria, & verosimilia
tate debent, & quoæ sint eiustmodi. 95.
96.de Episodijs rursum. 257. Histro
nes interdum fabulâ plus æquo pro
ducunt. 371.f.
- Ex Nono. Fabularum alia simplices, alia
implexæ. 292.p. quoæ simplices, quoæ uè
implexæ. 292. 293. 363.p. Agnitionis
definitio. 293.f. diuisio. ibid. altera di
uisio. 297.p. perturbatio quoæ pars fa
bulæ. 308.m.f. 309.f. fabula pathetica
quoæ. ibid.
- Ex Decimo. Partes quantitatis in Tra
gœdia. 275.f. Prologus. ibid. & 276.p.
Episodium. 276.m. 279.p. Epodus. 277.
f. Parodus, Stasimus, Commus. 287.f.
288.
- Ex Undecimo. Fabula simplex, & du
plex. 364.p. 365.m. neque insignitè
probi, neque insignitè scelesti debent
induci. 315. 316. 317. atrocia specta
cula è scena submouenda. 306. 307.
etiam ij, qui grauissima scelera per
parrarunt, interdum commiseratione
digni. 310.m. Tragicocomœdia fabu
la videtur indicari, sed non probari.
420.p. 377.f. 378.m. quatuor errandi
genera in Tragœdia. 304. 305. 309.
310. 311. 312.
- Ex Duodecimo. Mores rectè expressi
quatuor habere conditions debent.
258. f. sint probi. ibid. conuenientes
personæ. 259.p. similes. 259.f. æqua
biles. 260.p. solutio fabulæ naturalis,
ac plana probatur Aristotelii. 296.m.
non tamen artificiosa, & per machi
nam. ibid. peccant Poëta cum perlo
næ tribuunt mores ei non congruen
tes. 35.f. mores rectè expressi picturæ
similem fabulam faciunt. 257. f. To
tum caput breuiter explicatur. 258.
- Ex Decimo tertio. In quo agitur de
agnitionum, solutionumq; vario ge
nere, multa ac pene totum explicata
tur. pag. 297.vsq. ad 304.
- Ex Quintodecimo. Nomine poëmatis
intelligitur interdum ipsa princeps
actio sine Episodijs. 63.m. 277.p.m. E
pisodia esse debet in dramate brevia;
in Epopœia longiora. ibid. & 421.m.
- Ex Sextodecimo. Connexio, & solutio
fabulæ varia. 291.m. 292.p.
- Ex Decimo nono. Sententia quid sit;
quid eius proprium. 261.p. 457.f. quo
modo differat à moribus. ibid. sen
tentia officia quinque. 262.f.
- Ex Vicimosecundo. Epica vnum cor
pus efficere deberet, & vnum opus,
principio, medio, & fine constans,
haud minus quam Tragœdia. 61.p.m.
62.p. unitas Homericæ Iliados. 209.p.
versus heroicus grauissimus. 265.p.
tumidisimus, & maximè stabilis. ibi.
Epici Poëta loqui per se parum de
bent; inducete loquentes frequenter.
28.p. in eo omnes vincit Homerus.
ibid. quod est mirabile, delectatio
nem parit, 160.p. ideo Poëta sequitur
admirabile. ibid. & 217.p.m. errata
quædam Poëtarum, quoæ dicuntur
~~ægryæ~~ 80.f. huiusmodi videri potest
expositio Vlyssis in patriam à Phœa,
censibus. 81.p. defenditur ab Aristoteli. ibid.
- Vicimsum tertium, vbi traduntur de
fensiones Poëtarum, explicatur to
tum pag. 3. vsq. ad 20. Præterea, 107.
p.m. 110.m. 113.f. 120.p. 127.f. 138.f.
160.m. 163.m. 176.p. & alibi.

S Y L L A B V S

- Vicefimum quartum, vbi comparatur
Tragœdia cum Epopœia, explicatur
totum. 323.f. 324.325.
- Poëticæ liber Aristotelis**, non videtur
absolutus. 216.m. 319.p. quinam illum
explicarint. 395.p.m.
Loci ex alijs libris Aristotelis.
- Ex 1.** Rhetor. 204.m. ex 2. Rhetor. 7.f.
258.f. 315.m. 455.m. 456.f. ex 3. Rhetor. 68.p.
- Ex 1.** Ethic. 204.m. 230.f. ex 3. Ethic. 32.
m. 36.p. 133.f.
- Ex 7.** Polit. 173.p. ex 8. Polit. 251.f. 252.f.
340.f. 357.m.
- Ex Problematis.** 74.f. & 204. m. 389. f.
400.p. vbi de nomine, seu legali poë-
ticæ specie; quod habetur secl. 19.
probl. 28.
- Ex libro de Mundo.** 166.m. 272.m.
- Ex Meteoris.** 88.f. lib. de Memoria. 301.
f. de histor. anim. 174.p. lib. 2. de ge-
ner. animal. c. 4. post med. 258.p. de
admir. audit. 206.f. ex libro de locis
Homeri, qui non extat. 212.p. ex alijs
eius libris 190.f. 242.m. 395.m.
- ARTEMON Milesius.** 182.f.
- Athenæus Dipinosoph.** 36.m. 44.f. 45.f.
69.p. 191.f. 205.m. 253.p. 260.f. 389.f.
- D. Athanasius Alexandrinus.** 308.f.
- Atteius Capito.** 82.m.
- Auerroës Cordubensis.** 203.p. 256.p. de-
fenditur. 203.f. discedit ab Aristotelis
mente. 315.m.
- D. Augustinus Hippomensis.** 42.m. 48.f.
49. m. 153. p. 210. m. 218. m. 232. p.
243.f.
- Aurelius Prudentius.** 121.m.
- Ausonius Gallus Poëta.** 21.m. 42.f. 64.f.
143.f. 333.f.
- B AR B A R V S.** Vide, *Daniel.*
- B**ernardus Saracenus. 374.f.
- Besfarion Cardinalis.** 108.p.
- Boëthius Seuerinus philosophus.** 386.f.
- Brodæus Ioannes.** 39.m.
- Budeus Gulielmus.** 266.f. 366.f.
- C ALL I N V S** Poëta Elegiacus.
390.m.
- Callimachus Poëta** in Elegia de Iau-
cro. 448.f. 449.cius erratum. 4.m. eius
anachroñimus. 46.p.
- Calpurnius Siculus poëta Eucolicus.**
- 381.p.
- Canterus.** Vide, *Gulielmus.*
- Cassiodorus Aurelius.** 266.f. 269.f.
- Casteluius Ludouicus citatur.** 82. p.
149.f. 395.p. 405.p. refellitur. 354.f.
355. p. rurum. 355. m. reprehendit
Aristotelem. 317.p. refellitur. ibid re-
prehendit Homerum, & Virgilium.
28.p. 80. f. 86.f. 94. 95. 122.p. 162. 163.
186.f. refellitur his ipsiis locis. 29.30.
81.87.95.96.97.163.164.187.
- Carillus poëta citatur.** 83.f. 109.m. 178.
m. 407.f. 461.m. 462.f. 464.p. eius ana-
chronismus. 43.f.
- Cerda Ludouicus.** 194.f.
- Cesellius Vindex Virgilium redarguit.**
141.f. eundem defendit. 142.f.
- Chrysippus philosophus.** 225.p.
- M. C I C E R O** Orator. Epist. ad Att.
21.m. ad Famil. 243.m. ad Q. fratrem.
372.m. de Inuent. 48.p. de Orat. 114.
p. 349.f. 351.p. Orat. ad Brut. 352.m.f.
pro Sex. Rosc. 340.m. in Verr. 101.f.
350.m. pro Plancio. 49. p. pro domo
fus. 49.p. pro Mil. 310.m. Philippic.
183.f. Tullul. 33.f. 72.m. f. 72.f. 225.f.
406.f. de Finib. 21.m. de Nat. Deor. 26.
p. de Diuin. 198.m. in Académ. 179.p.
de Senect. 169.f. de Amic. 343.m. de
Offic. 352.f.
- Claudianus poëta.** 51.f. 88.p.m. 171. m.
173. m. permuat Laidis patriam.
68.f.
- Clemens Alexandrinus.** 98. m. 206. f.
335.m.
- Coelius Rhodiginus.** 185.m. 266.f.
- Columella de re rust.** gallos gallinaceos
iubatos appellat. 66.f. 67.p. violam
purpuream. 179.p.
- Concilium Bracarense.** 236.f.
- Cornelius Gallus Elegorum scriptor.**
459.m. f. 460.
- Cronius.** 217.m.
- Q. Curtius historicus.** 155.m.
- Cyrillus Alexandrinus.** 221.f.
- D ANIEL Barbarus in Vitruu.**
268.p.
- Dantes Aligherius Statij permuat pa-**
triā. 69.f.
- Dares Phrygius.** 49.f.
- Demetrius Phalereus philosophus.** 153.
m.

A U T O R V M .

- m. 407. m.
 Demosthenes Orator. 183. f. 343. m.
 389. m.
 Didymus. 145. m. 385. f. 400. p. 402. m.
 409. m.
 Dio historicus. 132. p.
 Dio Chrysostomus. 60. p. m. 185. p.
 Diodorus Siculus historicus. 174. p.
 Diogenes Laertius historicus. 205. m.
 389. m. 410. f.
 Diomedes Grammaticus. 265. p. 273. m.
 274. f. 329. m. 330. p. 373. f. resellitur.
 285. p.
 Dionysius Halicarnassensis historicus reprehendit Thucydidem. 182. m.
 Dionysius Lambinus. Vide, *Lambinus*.
 Dioscorides de re medica. 37. m.
 Donatus Grammaticus. 23. m. 210. m.
 227. f. 232. m. 274. m. 340. m. 345. f. 363. p. f. 373. m. 374. p.
EMPEDOCLES philosophus. 14. p. 221. m. vtres suspendit ad inhibendos ventos. 223. f.
 Ennius Poëta, *Medea*. 21. m.
 Ephæstion. 205. f.
 Epicharmus poëta *Vlyss* naufrago reprehensus ab Arist. 36. m. 260. f.
 Epigrammata graeca. 167. f. 171. m.
 Erythræus Nicolaus. 178. f.
 Etymologicum græcum. 140. f. 280. m.
 Euripides Poëta *Troadibus*. 98. p. 99. m.
 275. m. *Helena*, 174. f. *Hippolyto*, 275. m. 286. p. *Rheo*, 279. p. 290. f. *Andromacha*, 265. f. 286. f. 289. f. *Iphigenia latè*, 299. m. 300. *Medea*, 304. f. *Hecuba*, 372. f. *Cyclope*, 377. f. qua ratione se defendit, quod dixit esse peierandum, 7. f. euerit seriem temporum, 44. f. 45. p. reprehenditur ab Aristotele, 260. f. 261. p. reprehenditur in *Hecuba*, 354. m.
 Eusebius Casariensis. 47. p. 69. f. 70. m.
 216. p.
 Eustathius in Homerum. 213. m. 215. m.
 217. f. 348. m. in *Iliadem*. 176. p. 188. m.
 200. p. in *Odysseam*. 110. f. 144. f. 145. m. 223. m. in *Dionysium Afrum*. 88. p. 205. f.
FAVSTVS Victorinus. 281. f.
 402. m.
 Festus Grammaticus. 266. m. 380. m.
- L. Florus historicus. 156. f.
 Fracastorius Hieronymus. 461. m.
 Franciscus Bonamicus. 395. m.
 Fronto Grammaticus. 180. p.
 Fulgérius Placiadis Mythologus. 219. m.
 Furius poëta. 178. f.
- G**ALENVS medicus. 98. m. 171. p.
 p. 184. m. 225. p. m. 257. m. defendit Homerum. 152. f.
- Gallus. Vide, *Cornelius*.
 A. Gellius citatur. 122. p. 167. p. 178. f.
 183. f. 184. p. 272. m. reprehendit Virgilium ex Phauorino. 92. p. m. & ex Higyno. 123. p. 127. p. ex Apollinari, & Celellio. 141. f. 142. f.
- Germanus in Virgil. 193. p.
 Geraldus Lilius. 205. f. 207. p. 266. f. 307. m. 390. m. 410. m. 459. f.
 D. Gregorius Nazianenus. 190. f.
 Gulielmus Cantebus. 143. p.
 Gulielmus Modicius defendit Virgilium. 2. p. 71. m. 118. p. 150. m.
- H**ARPOCRATION. 390. m.
 Heliodorus Aethiopic. 400. m.
 409. m.
 Herodotus historicus. 89. m. 114. p. 115. p. 164. f.
 Hesigonus historicus. 99. m.
 Hesiodus poëta. 225. p. f.
 Hesychius. 177. f.
 D. Hieronymus. 210. f. 218. m. 243. m.
 353. p.
 Hieronymus Robertellus citatur. 36. m.
 266. m. 293. m. 297. f. 309. p. 384. m. 395. p. Lambinum reprehendit. 16. m. reprehenditur. 3. f. 12. f. 13. p. 315. f.
 Higynus. Vide, *Iulus*.
 HOMERVS Poëta.
Loci ex eius Iliade.
 Iliados argumentum, & scopus. 201. m.
 206. m. 208. f. 209. p.
 Ex libro Primo. Mulosne, an custodes, canesue lues primum interemerit. 8. m. f. 9. p. quid sibi velit Deorum ritus ex claudicatione Vulcani. 215. m. f. 216. p.
 Ex Secundo. Defenditur Homerus à Platone reprehensus, quod dixerit somnum allegatum ab Ioue ad decipendum Agamemnonem. 11. f. 12. 13. quid sit Deos dormire. 10. m. Theristes ho-

S Y L L A B V S

me turpisimus, & caprarij, subulci-
que inducuntur ab Homero in Epo-
peia. 404. f. cur Nireus tam verbosè
pulcher in Catalogo describarur, cu-
ius postea nulla mentio. 152. f. 153. p.
eiv. op. uox non est vox cōposita. 175.
f. 176. p. quem sequatur ordinem in
militibus enumerandis. 181. f.

Ex Tertio. Defenditur Homerus, quod Menelaum inducat in Iouem maledicēta iactantem. 7. m. f. Ex eodem tertio, ac sexto. Cristas galearum antiqui fecerunt ex caudis, ac iubis equinis. 67. p. m.

Ex Nonno. Quid Homerus intelligat, cū Achilles Patroclum iubet hospitibus præbere ζερπετον: significetnè vox illa, festinanter, an virum mercenarius. 9. f. 10. p.

Ex Decimo. An credibile sit in Græco-
rūni exercitu omnes dormisse, præter Agamemnonem. 10. f. 11. p. cur idem dicatur intempesta nocte, cūm effet in stratis, respicere campos Troianos. 10. f. cur Diomedes hæstas humi defixa habet, non intentas in hostem. 6. m. f. Dolon turpis an rectè dicatur pedibus pernix. 9. p.

Ex Undecimo. Semidei epulaturi sedet. 109. m.

Ex Quintodecimo. Hector, penè solus in fugam Græcos omnes auertens, an rectè singatur. 3. f.

Ex Decimolexto. Parochus moriens cur imminentem interitum denunciare posuit. Hectori vaticinans. 182. f.

Ex Decimo septimo. Achillis equi plorantes ex obitu Patrocli. 192. f.

Ex Decimo octauo. Achillis ocreæ cur dicantur stannæ. 15. f. 107. p.

Ex Viceximo. Dij cur inter se contrarij, ac pugnantes. 227. f.

Ex Viceximo secundo. Hectoris, Achilliisque monomachis an probabilis. 197. p. Hector moriens Achilli vaticinatur obitum. 189. p.

Ex Viceximo tertio. Columba proponitur istibus iaculatorum in funere Patrocli. 132. p.

Ex Ultimo. Illes absoluuntur Hectoris obitu, ac fecerit. 199. p.

Loca ex Odyssea.

Odysseæ scopus, argumentum, constitutio. 63. m. 227. p. 312. p. Unica actione continetur. 201. f. 207. m.

Ex libro primo. Dic mihi, Musa, virum, idoneum initium. 417. m. cur concilium Deorum inducatur. 27. m.

Ex secundo. Cur Telemachum comitantur duo canes. 8. f. Icarius, pater Penelopes, an Lacedæmonius. 16. f.

Ex Quarto. Telemachus de patre sciscitur ad Menelaum proficiscitur. 16. f. 17. p. an Homerus significet eorum, qui moriuntur in aquis, etiam animam interire. 35. m.

Ex Quinto. An rectè solam Ursam non occidere dixerit Homerus. 11. m. Vlysses obseruans sidera, ibid. p. Vlysses in naufragi periculo an rectè geomet. 33. p.

Ex Septimo. Rectè solus, & sine comitatu ad Alcinoum Vlysses veniat. 28. f. 31. m.

Ex Octavo. Vlysses ab Alcinoo ex fluctu cognitus. 302. p.

Ex Nonno. Heroës sedent, non discumbunt, in mensis. 109. m.

Ex Decimo. Venti cur vtre conclusi. 223. p. m.

Ex Undevicensimo. Cur Vlysses stricto gladio sacrificium peragat magicum. 137. p. cur Vlysses apud interos iubatur vxori narrare, quæ ibi videbit. 147. m.

Ex Duodecimo. Inter Scyllam, Charybdisque peritans Vlysses non gemit, sed bortatur socios. 56. p. elus socij tenpestare demissi, quia boues, soh facios, occiderant. 111. m.

Ex Decimotertio. Phæaces an rectè inducantur Vlyssem solum, & consopitum in Ithacam reducentes. 80. f. 81. p. f. 217. p. m. Nympharum antrum quid significet. 147. f. 217. m.

Ex Decimonoeno. Vlysses cognitus ex cicatris. 198. m. gemina: Somni porta. 144. f.

Homeri erratum ex Aristotele. 3. m. ex Platone, & Proculo. 5. p.

HO R A T I V S poëta. Ex primo Carminum Ode prima. 408. f. secunda.

A V T O R V M.

- 178.p. 419.f. *tertia*. 429.f. 430. *sexta*.
 408.f. *septima*. 101.m. 434.f. *octaua*.
 440.f. 441.p. *duodecima*. 408.f. *deci-*
sexta. 429.m. *trigesima secunda*. 409.
 P. 441.m. 447.m. *trigesima tertia*. 386.
 p. *trigesima sexta*. 172.m.
Ex secundo. *Ode prima*. 445.p. *decima*
tertia. 431.p.
Ex Tertio. *Ode tertia*. 406. p. 435.436.
 444 f. *quarta*. 431.f. 432.433.p. *quinta*.
 433. m.f. 434. *vicefima quarta*. 411.f.
vicefima septima. 145.p.
Ex quarto. *Ode prima*. 179.m. *secunda*.
 406.p. *quarta*. 174.f. 419.f. 420.p. 428.
 429. 441, p. *sexta*. 68. m. *septima*.
 127.m.
Ex Epodon *Ode nona*. 72. m. *duodeci-*
ma. 98.m.
Ex Satyris. 64.m. 103.p.
Ex Epistolis. 16.m. 72.m. 229.p.
 Loci ex eius Poëtica.
Humano capiti cernicem. 254.f.
Credite Pijanes. 255.p.
Ordinis hac virtus erit. 59.m.
Versibus impariter iunctis. 389.m.
Quis tamen exiguo Elegos. 383.f.
Musa dedit fidibus Diuus. 402.m. 403.m.
Et Tragicus plerunque dolet. 164.p.
Inseruit multam Danusne. 335.m.
Aut famam sequere. 259.f.
Si quid inexpertum scena committis.
 260.m.
Reftus Iliacum carmen. 323.m.
Nec gemino bellum Troianum. 59.p.
 200.m.
Scapar ad euentum. 59.m. 200.m.
Aetatis cuiusque notandi. 259.p.
Segniss irrelant animos. 146.m.
Nec pusios coram populo. 271.p. 306.p.
Quod in quo ostendis mihi sic. 306.f.
 307.p.
Nunc minor quinto. 275.f. 372.m.
Nec Deus inter sic. 275.m.
 --nec quartz loqui persona laboreat. 274.
 f. 373.f.
Aetoris partes chorus. 284.285.286.287.
Tibia non, ut nunc, orichalco. 357. f.
 359.p.
Aspirare, sp ad se chorus. 283.f.
Carmine qui Tragico. 250.p.
Mox etiam agrestes Satyros. 273.f.
- Vt festis matrona*. 263.f.
Ignotum Tragica genus. 250.f.
Vel qui prætextas. 333.m.f.
Vt pictura poësis erit. 258.m. 407.p.
Tyrtausque mates animos. 390.p.
IACOBVS Mazonius citatur. 45.
 f. 129.f. 395. m. refellitur. 205.f. 372.
 m. 396.p.
Ianus Parrhasius. 142.m. 171.f.
Iason de Nores. 308.p.
Incertus poëta. 208.m.
Ioannes Bapt. Pius. 117.m. 139.m. 171.m.
Iosephus Scaliger. 20.f. refellitur. 22.m.
Iouianus Pontanus citatur. 34. m. 89.f.
 92.f. 387.m.f. refellitur. 124.m.
D. Isidorus. 49.f. 194.m. 266.f.
Iulianus Apóstata. 145.p. 171.f.
Iulius Caesar Scaliger citatur. 22.m. 34.
 m. 65. m. 92.f. 93.123.f. 227.f. 266.f. 271.
 f. 280.m.f. 283.f. 291. f. 330.f. 331.m.
 341.f. 342.p. 357.p. 358.f. 360.p. 278.f.
 384.m. 385.f. 459.m. 461.m. refellitur.
 23.m. 124.p. 219.p.
Iulius Capitolinus. 50.f. 218.m.
Iulius Higynus reprehendit Virgilium.
 123.p. 127.p. refellitur his locis.
Iulius Pollux. 266.f. 267.f. 268.m. 278.m.
 283.f. 288.f. 371.m. 420.f.
Iustinus historicus. 41.f. 42.p. 155.m.
 156.f.
Iuueialis poeta. 114.m. 115.p. 273.f.
LACTANTIVS Firmianus ci-
 tatur. 115.p. 133.p. reprehendit
 Virgilium. 53.m. 237.p. refellitur. 53.
 f. 54.p. 237.p.
Lactantius, seu *Lutatius Statij* inter-
 pres. 159.m.
Lambinus Dionysius citatur. 273.p. re-
 prchenditur à Robertello. 16.m.
Lepidus *vetus Comicus* in *Philodoxo*
 fabula, ab Aldo Manutio edita. 355.f.
Lilim. Vide *Giraldus*.
T. Liuius Patauiinus. 44.m. 144.p. 155.f.
 330.f.
Longinus. 406.m.
Lucanus poëta. 55.m. 59.p. 156.f. 164.f.
Lucianus Samofatensis. 114.p. 145.p. 191.
 f. 406.m.
T. Lucretius Carus poëta. 118.f. 379.m.
Ludouicus Castelvitrus. Vide *Castelvitrus*.
Lyco.

S Y L L A B U S

Lycophonis interpres. 99.m.

MA C R O B I V S Aurelius citatur. 85.m. 114.p.m. 128.p. 129.f. 232.p. 368.f. defendit, ac laudat Virgilium. 82.m. 210.f. 218.m.f. eundem reprehendit. 42.m. 149.f. 150.p. 152.p. 181.f. 219.p. refellitur ijsdem locis.

Madius Vincentius citatur. 17.m. 309.m. 395.p. reprehenditur. 12.f. 355.m.

M. Antonius Flaminius. 461.m.

M. Antonius Muretus. 147.p.

M. Aurelius Imperator. 51.p.

Martialis poëta, libro primo. 132.m. 307.m.f. quarto. 167.m. sexto. 130.f. octavo. 21.p. decimotertio. 116.p. decimoquarto. 21.p. libro non adnotato. 127.f. 128.p. 133.m.f. 371.m.

Martinus Del Rio citatur. 280.p. refellitur. 281.m.

M. Marullus poëta. 43.p.

Mazonius. Vide, *Iacobus*.

Menander Myndius. 191.f. 192.p.

Mimnermus poëta Elegiacus. 390.m.

Minturnus in Poëtica. 395.m.

Modicinus. Vide, *Gulielmus*.

NAE V I V S poëta. 351.p. Niseus Grammaticus. 23.m.

Nonius Marcellus. 169.m.

Nomnus Panopolitanus. 172.p. 205.f.

Numenius Platonicus. 217.f.

Nymphodorus medicus. 99.m.

OCTAVIANVS Augustus. 198.f. Olympiodorus philosophus. 129.f. 130.131.226.f.

Onofriander Strategetico. 156.p.

Oppianus poëta. 38.f.

Oribasius medicus. 98.f.

Orosius Paulus historicus. 41.f.

Orpheus vates. 43.f.

P. Ouidius Naõ.libris Metamorphoseõ. 29.m. 44.m. 55.m. 67.f. 85.p. 89.f. 99.m. 103.p. 112.m. 115.m. 167.f. 407.f. 442.m. Epistolis. 389.p. 447.f. 451.p. de Arte. 46.p. 98.p.f. 393.p.m. Elegijs, siue Amorum. 206.m. 386.m. 392.f. 393.f. 418.p.m. 448.p.m. 458.m. 463.f. 465.f. 466.Pastorum. 115.p. 116.p. 415.f. de Tristibus. 21.p. 35.p.m. 303.p. 393.f.de Ponto. 44.m. 205.m. 299.f. libro non adscripto. 69.m. 112.m. 190.f. 205.f. 457.f. 461.p.

PACCIUS. Vide, *Alexander*.
Patriitus Franciscus citatur. 395.f. 400.m. refellitur. 396.p. 410.m.

Paulus Aegineta medicus. 98.f.

Paulus Iurisconsultus. 168.f.

Pausanias historicus. 44.f. 110.p. 206.f.

A. Persius Satyricus. 21.p. 153.m. 462.f.

Petrarcha Franciscus. 69.m.

Petrus Valla. 361.f. 374.f.

Petrus Victorius citatur. 3.f. 18.m. 36.m. 82.p. 101.f. 102.p. 132.f. 170.f. 266.m. 298.p.f. 302.p. 308.f. 309.m. 358.m. 395.p. 400.p. 410.f. reprehendit Virgilium. 38.p. refellitur. ibid. & 12.f. 13.p. 38.m. 309.p. 325.p.m. 355.m.

Phauorinus reprehendit Virgilium. 92.refellitur. 93.

Philander in Vitruvium. 268.p.f.

Philemon. 164.f.

Philo Hebreus. 103.m.

Philostratus. 39.p. 132.p. 209.m. 307.m. 406.f.

Phurnutus Mythologus. 224.m.

Piccolomineus. Vide, *Alexander*.

Pierius Valerianus. 2.m. 117.f. 385.m.

Pindarus Lyricus. 100.m. 406.f. eius erratum. 4.m. 38.m.

Plato philosophus. 108.p. 120.m. 129.f. 130.131.132.144.f. 153.m. 185.p. 188.m. 189.p. 190.f. 220.f. 226.m.f. 250.m. 252.m. 340.p. 353.p. 370.f. 380.f. 395.m. 408.p. Homerum, ac poëtas reprehendit. 5.p. 215.f. eius anachronismus. 45.f. refellitur. 338.f.

Plautus Comicus Amphitruone. 66.m. 169.f. 296.m. 319.f. 350.p. 366.p. Asinaria. 72.p. 351.p. 374.f. 376.f. 377.p. Aulularia. 366.m. 368.p. 377.p. Captiuis. 374.f. Casina. 367.m. Cistellaria. 366.p. Bacchidibus. 330.f. 351.m.f. 352.p. Milite glorioſo. 290.m. 351.f. 352.m. 376.f. Mercatore. 373.f. Rudente. 348.f. 349.p. 354.p. 368.p. Trinumo. 347.f. non adnotato libro. 274.f. 298.f. eius erratum in Amphitruone. 122.p.

Plinius Secundus in naturali hist. 37.p. f. 39.p. 40.f. 46.m. 66.m. 67.m.f. 71.f. 84.p.m. 98.p. 101.f. 102.m. 114.p. 120.f. 175.f. 194.m. 243.m. 332.f. 358.f. 379.m.

Plinius junior. 69.f. 132.p. 407.m.

A V T O R V M.

- Plotinus Platonicus. 131.p.
 Plutarchus Cheroneus. 5.m. 44.p.f.67.
 m.68.f.137.p.184.m.219.m.226.p.242.
 m.298.p.406.f.
 Politianus Angelus.266.f.387.f.448.f.
 Polybius historicus.156.p.
 Pomponius Mela.89.m.
 Pontanus. Vide, *Louianus*.
 Porphyrius philosophus. 129. f. 145. f.
 189.m.241.m.242.m.
 Posidoniis historicus. 170. f. 175. f.
 357.m.
 Proclus Platonicus.214.m.224.f.Home-
 rū reprehendit.5.p.eundem defendit.
 215.m.226.f.refellitur.252.m.f.
 Sex. Propertius , libro secundo. 445. f.
 446.p. 449.f. 457.m. 458.f. permuat
 Laidis patriam.68.libro tertio. 388.
 f.390.f.391.p.m.f.392.p. 425.m.425.
 m.f.426. 427. 445. f.eius anachronif-
 mus. 43.f.44.p. libro quarto. 392. m.
 394.m.f. 415.p.m. 417.m.f. 419. p. m.
 442.f.443.m.f. 444. 449.f. 458.p. non
 adscripto libro. 115.f.385.p.
 Prudentius. Vide, *Aurelius*.
- Q**UINTILI ANVS Rhetor.21.
 f.60.m.155.m.210.f.276.p.455.m.
 459.m.462.f.
- Quintus Calaber.138.m.f.
- R**APHAEL Volaterranus.167.f.
 Rhodiginus. Vide, *Cælius*.
 Robertellus. Vide, *Hieronymus*.
 Rodulphus Agricola.60.f.
- S**ANNA ZARIV S. 380.f.
 Sappho poëtria.387.f.
 Scaliger. Vide, *Iulius Cæsar*.
 Scholiafestes , sive Interpres Apollonij.
 44.f.128.p.140.p.177.p.205.f. Aristo-
 phanis.69.p.403.p. Pindari. 44.f.100.
 m.199.f.402.f.Sophoclis.139.p.m.402.
 f.Theocriti.99.m.
 Scripturæ sacræ libri.65.p.160.p.216.p.
 387.p.
 Sebastianus Conradus. 22. f. refellitur.
 23.m.
 Seneca philosophus,ac Rhetor. 44.p.75.
 m. 84.m. 85.p.m. 132.f. 155. m. 164.f.
 170.f.210.f.232.f.368.f.
 Seneca Tragicus in Hercule furēte.67.f.
 Thyeste. 108.f.262.p.284.f.285.p.287.
 p.Hippolyto.261.f.Oedipode.265.m.
- 277.f.373.p.m. Troadibus. 274.f.295.
 m.Medea.103.p.265.f.reprehenditur.
 308.p. Agamemnone. 274.f. Octavia.
 277.f. 285.p. 295.m. Hercule Octeo.
 275.m.277.f.278.p.286.m.296.m.
 Serenus Honoratus Grammaticus cita-
 tur. 45.m. 54.m. 64.f. 71.f. 83.m.91.f.
 112.f.115.p.159.m.161.f. 178.f. 184.p.
 218.m.227.f. 359.m. refellitur. 66.m.
 90.m.100.m.113.p.m.127.m.179.f.
 Sidonius Apollinaris. 70.m.96.p.143.m.
 393.f.
 Silius Italicus poëta. 59.p. 107. f. 132.f.
 175.f.207.p.
 Simonides Ceus Elegus.390.m.
 Simplicius philosophus. 5. m. 189. f.
 384.m.
 Socion philosophus.99.m.
 Solinus polyhistor.101.f.
 Sophocles Tragicus in Electra.287.m. f.
 312.p.373.p.eius anachronismus.122.
 p. Oedipode Tyranno . 255. f. 286. f.
 290.f.292.f.293.p.294.p.305.p.373.p.
 quomodo excusat,quod dicat Oe-
 dipodem ignorasse Laij cædem à se
 factam. 17. f. Philoctete. 285.f. 372.f.
 Aiace.289.f. 295.m. Antigona. 310.p.
 non adnotato libro.281.p.384.f. qua-
 les personas seſe dicebat effingere.
 4.m.139.p.
 Statius Papinius poëta Syluis. 98.f.100.
 m.101.p.vbi emendatur locus.101.m.
 172.m. Thebaide. 33.p.130.m. 159.m.
 170.m.206.m.Achilleide.205.f.206.p.
 Stephanus Geographus.68.f.125.m.176.
 p.205.m.206.f.
 Stephonius Bernardinus. 282.p.290. f.
 360.m.
 Stobæus Ioannes in Sent.390.m.
 Strabo Geographus. 46.p. 89.m. 114.p.
 115.p.172.m.f.175.f.Homerum defen-
 dit.89.p.
 Suetonius Tranquillus . 195. p. 333. f.
 371.m.
 Suidas 96.f.103.m.108.m. 120.m. 132.p.
 140.f.176.f.273.m.335.f. 348.m.362.f.
 371.p.384.m.405.m.420.f.
 Sulpitius Apollinaris.141.f.
 Synesius.35.m.69.p.
TACITVS Cornelius.333.f.
Terentianus Maurus Grammati-
 cus.

S Y L L A B V S

- cus. 265. p. 325. f.
- Terentius Afer Comicus in Andria. 274.
m.f.360.m.363.m.f.364.m.f.367.p.374.
m.375.f.376.p.m.441.p.Eunuchos.259.
m. 361.p.362.f. 367.p. Heautontimorumenos.360.f. Adelphos.345.f.359.p.
360.f.366.f.456.m. Hecyra.361.p.366.
f.367.p.Phormione.361.p. 362.f. loco
non adscripto.356.f.
- Tertullianus Septimus. 42. p. 143. m.
307.f.335.m.
- Theocritus poëta.380.f.381.p.
- Theodorus Gaza.174.p.
- Theognis poëta gnomographus.390.m.
393.p.
- Theophrastus philosophus. 40. f. 84.m.
98.p.99.m.
- Thucydides historicus citatur. 85. m.
106.f.qua in re à Dionysio reprehendatur.182.p.m.
- Tibullus Elegiacus lib.primo.391.f.416.
m.f.417.p.f.437.m.f.438.439. 440. p.f.
446.f.447.p.450.f.454.f.463.m.464.m.
465.f. libro secundo.417.f.421.f. 422.
423.424.440.m.447.p.461.p. 463.f. libro
tertio.389.p.391.p.m.392.p. 399.
p.m.447.f.450.p.m. 457.m. 458.f.463.
f.465.m.libro quarto.451.m.libro nō
notato.112.m.250.f.461.p.464.p.
- Timæus historicus.223.f.
- Timocles.253.p.m.
- Tiraquellus Andreas.75.p.
- Torquatus Tassus poëta.214.m.395.m.
- Turnebus.Vide, Adrianus.
- Turpilius Comicus.169.f.
- V**ALERIUS Flaccus poëta.59.p.
f.175.m.
- Valerius Maximus.48.p.m.
- Varro Terentius Romanus. 38.p.115.p.
143.p.185.f.379.p.Idem, vel alter Atacinus Narbonensis.393.p.f.
- Vegetius de re milit.20.f.
- Velleius Paterculus.41.f.
- Victorinus.Vide, Faustus.
- Vincenius Madius.Vide, Madius.
- P**IRGILIUS Maro poëta.
Loci ex eius Bucolicis.
- Ecl.2. Mollia luteola.464.p.
- Ecl.3. Alternis dicetis. 380.p.
Ab Ione principium.380.m.
- Ecl.5. Daphni tuum Panos.194.m.
Daphnif ad astræ feremus.464.p.
- Ecl.6. Cum canerem Reges.445.m.
Namque canebat vti. 380.f.436.f.
Quid loquar aut Scyllam Nisi.100.p.
- Ecl.7. Alternis igitur contendere.380.m.
- Ecl.9. Damonis Musam.464.p.
- Ecl.10. Hac sat erit, Diana.443.m.
- Ex Georgicis.
- Libro primo. Quinque tenent cœlum
Zone.186.p.
Hic vertex semper nobis sublimis.185.f.
Fracipites celo labi.91.m.
— pro purpureo panas dat Scylla capillo.
178.f.
- Ille etiam extincto.430.p.
- Secundo. Huc, pater ò Lenze.64.f.
Sed neque Medorum lylus.436.f.
Palms agit laxis.118.f.
O fortunatos nimium.436.f.
Sed nos immensum spatij.442.p.
- Tertio. Vel scena vt versis.270.f.
Optima queque dies.160.f.
Talis Amyclei domitus.100.p.
- Quarto. In mare purpureum.178.f.
Hac super aruorum.442.m.
Illo Viegilium me.448.m.
- Ex Aeneide.
- Libro primo. Ille ego qui quondam. 20.
21.22.
Arma virumque cano.416.m.
--- Troia qui primus ab oris.23.24.25.
Italianum fato prosgus.200.f.208.p.
--- Laninaque venit Littora. 122.f.123.p.
Musa mihi caufas.413.f.
--- spretaque iniuria forma.219.p.
Cum Iuno eternum seruans.25.26.
--- tu das epulis accubere Diuum.109.p.
Extemplo Aenee soluuntur.32.m.
--- tres littore cervos Prospicit errantes.
36.37.
--- sic vertice cali constitit.185.f.
Antenor potuit medijs.24.f.
Oscula libauit nata.10.m.
Cum domus Assaraci Phthiam.68.m.
Ante diem clauso componet.170.m.
Sum pius Aeneas.47.48.49.
Aspico bisfenos.174.m.
--- videt Iliacas ex ordine pugnas.39.40.
Hac dum Dardanio Aenea.41.42.43.
--- concurso accedere magno Anthea Ser-



AVT ORVM.

- gestumque videt, rectenè inducatur
Aeneas tot stipatus comitibus à Di-
done exceptus. 28. f. 31. m.
--- quis Troi nesciat Vrbem? 71. p.
--- lumenque iuuent Purpurcum. 178. f.
--- toris iussi discumbere peditis. 107. p.
Postquam prima quies epulis, mensaque
remota. 109. f.
Immo age & à prima. 58. f.
Libro secundo, Inde toro pater Aeneas.
64. 65. 109. p. Quos neque Tidydes, nec
Larissaus Achilles. 68. 69.
Ecce aut. m. gemini. 65. f.
--- primusque Machaon. 24. m.
O patria, o Divum domus. 71. p.
Barbarico postes auro. 70. 71. 72.
Non ita, namque et si nullum. 73. 74.
Aspice, namque omnem. 146. p.
I ampridem inuisus Dinius. 457. p.
Libro tertio. --- classique sub ipsa An-
tandro. 80. 81.
Sacra Dion & matri. 82.
--- terra que, vrbesque recedunt. 91. m.
Sacra mari colitur. 83. 84.
--- nunc fami, minores Italia dixisse. 86.
Diffiluisse ferunt. 86.
Hesperium Siculo latus absclit. 86. 87.
--- humilemque videmus Italianam. 90. 91.
--- attollit se Diua Lacinia contra. 91.
Turbine sumantem pieco. 92. 93.
Apparet Camaria procul. 125. p.
Libro quarto, Vritur infelix Dido. 134. m.
--- atque agmina cerui Puluerulenta fu-
ga. 37. p.
Atlantis cinctum assidu. 94. 95.
Spargens humida mella. 97. 98.
Vnum exuta pedem. 102. 104.
Non servata fides cineri. 136. p.
Quid loquar, aut ubi sum? 134. m.
Sed cadat ante diem. 183. 184. 185.
--- moriemur inulta. 55. m.
Nam quia nec fato. 183. 184.
Libro quinto, Impellunt, reyno consur-
gunt ordine remi. 106. 107. 108.
--- & volucrem traiesto in fune colum-
bam. 111. 112. 113.
--- furit immisus Vulcanus habenis. 118. f.
Libro sexto. --- classique immittit habe-
nas. 117. 118. 119.
Chalcidique leuis. 122. f. 123. p.
Causa malii sancti coniux. 150. m.
Maternas agnoscit aues. 111. f.
Tuque inuade viam, vaginaque eripe
ferrum. 110. p. m. 137. m.
Iabant obscuri sola sub nocte per umbras.
29. m. 31. f.
Centauri in foribus stabulant. 119. 120.
--- strictamque aciem venientibus offert.
137. m.
Et ni docta comes. 135. m. 137. m.
--- portusq; require Velinos. 121. 122. 123.
--- qui sibi lethum Insontes peperere ma-
nu. 134. f.
Hic quos durus amor. 135. m.
Inter quas Phœnissa recens. 129. 134. 135.
Ingenti trepidare metu. 136. 137.
Deiphobum vidit licerum. 138. 139. 140.
Namque ut supremam. 73. f.
Egregia interea coniux. 141. m.
Demens qui nimbos. 110. f.
--- sedet, aternumque sedebit infelix The-
seus. 12. 7. 128.
--- & lumine vestit Purpureo. 178. f.
Igneus est illis vigor. 136. f.
Hinc metuunt, cupiuntque. 136. f. 138. p.
quin & supremo cum lumine. 137. f.
--- tua postrema proles: quem tibi longe-
uo. 141. 142. 143.
Sunt gemina somni porta. 144. 145. 146.
Libro septimo, Nunc age qui Reges, Era-
to. 413. f.
Ipse Quirinali lituo. 108. f.
--- dextram tetigisse Tyranni. 107. f.
Ergo iter ad Regem. 150. f.
--- qua prima malorum causa fuit. 151. f.
Corvus erat forma præstanti. 149. 150.
Mos erat Hesperio in Latio. 45. p.
Pandite nunc Helicona, Dea. 414. p.
Primus init bellum. 152. 153.
--- & longa canoros: Dant per colla mo-
dos. 192. p.
Libro octavo, Haud incerta cano. 157. f.
Caruleus Tybris. 177. f.
Nympha Laurentes, Nympha. 464. m.
--- quo cunq; solo pulcherrimus exis. 178. p.
Sic memorat, geminasque. 154. 157. 158.
Miratur nemus insuetum. 158.
Primus ab atherio. 24. p.
Nec te vlla facies, non terruit. 45. m.
--- amisit vetus Albula nomen. 177. f.
Nec non & gemini custodes. 8. f.
Procubuisse lupam. 408. p.

Libro


S Y L L A B V S


- Libro nono. Namq; ita discedens. 155.p.
Quis Deus, ò Musa. 414.m.
 --præsta fides facta, sed fama perennis. 163.p.
Pineas sylua mibi. 81.m.
O genitrix, quo fara vocas? 162.f.
 ---olim quacunque euaserit vndis. 163.
 p. 165.f.
 ---Ex tempora Parc& debita complerant. 163.m. 166.
 ---hinc virginea mirabile monstrum. 161.
 162. 163.
Nunc adeo, melior quoniam pars. 167.
 168. 169.
Quos pater Aeneas, si quando. 158.p.
 159. 160.
Dum domus Aenea Capitoli. 64.m.
Vos ò Calliope precor. 414.f.
Sustulit alta petens. 173. 174.
 ---naros ad flumina primum Deferimus. 170. 171. 172.
 ---bisorem dat tibia cantum. 359.f.
Inarime Louis imperijs. 175. 176. 177.
 ---ille suo cum gurgite flano Acceptit. 177. 178. 179.
 Libro decimo. Pandite nunc Helicona. 414.p.
Maffrus erata princeps. 181. 182.
Stat sua tuique dies. 183. 184. 185.
Proxima queque metit. 56.p.
Quatuor hinc iuuenes. 53.p.f.
Inde Magoprocum infensam. 237.f.
Argenti, atque auri memoras. 245.m.
- Lucage, nulla tuos.* 54. 55. 186. 187.
Illi autem expirans, nō me. 187. 188. 189.
 --crista que hisfutus equina. 67.p.
 Libro undecimo. Vinxerat, & post terga manus. 53.m.
It lacrymans guttisq; humectat. 192. 193.
Pacemnè exanimis. 245.m.f.
 --Ex olentem scindere cedrum. 37.p.
Vadite, & hac Regi. 56.p.
Flent maestri, mussantque. 191.p.
Dant sonicum rauci. 190. 191. 192.
Nam quicunque tuum. 55.m.
 Libro duodecimo. Sanit, & infrausta. 244.f.
Stabat acerba fremens. 245.p.
Parcite iam, Rutuli, & vos. 197.m.
 ---quique alta tenebant Mænia. 197.f.
Arrethaque amborum acies. 197.m.
Vndique enim densa Teutri. 196. 197.
Nomine quemque vocans. 197.f.
Indigetem Aenea scis ipsa. 202.m. 246.f.
Ille oculis postquam sui. 237.f.
V I T R V V I S. 266.f. 267.f. 268. 269.
 270.p. 271.f. 281.m.
Urbanus Grammaticus refellitur. 113.
 p. 116.m.
- X E N A G O R A S.** 175.m,
Xenophanes Colophonius. 5.m.
 390.m.
Xenophon. 114.p. f. 115.p. 281.m.
Z E N O Stoicus. 185.p.
Zezes, interpres Hesiodi. 214.p.
Zoroastres. 188.m.
- F I N I S.

Errata sic corrigere.


Pag. 4.li. 25.hadenda: dic, habenda. 6.15.II.xx. 11.x. 15.3.II.xij. 21.I. 22. fat vti-
 nam.deléduum: at. 25.16.Cum Iuno tacitum: eternum. 70.25.Phrygium: Phthium.
 76.33.Prologomenis: Prolegomenis. 96.1.probabilius: probabilibus. 109.9.In tertio:
In primo, & I. 18.Odiss. xix.Odys. xix. & I. 13.de Dijis: de Heroibus. 112.1.II.xij.
 II.xxiiij. 114.32.hamanis: humanis. 137.4.lib. ij.lib. xij. 139.2. Defens. viij. Defens. ij.
 144.27.Odys. ix.Odys. xix. 169.28.mortalibus ægris: eui. 192.3.palmi pedesq; pal-
 mipesq; 203.18.scalptores: sculptores. 218.4.ac lapietē: at tam sapientem. 223.1.
 custodiuit: constituit. 231.38.instruere: in situere. 258.3. de gener.adde: animal.
 259.8.haud bubie: dubie. & I. 30.si formæ: si famæ. 284.14.aptu: apte. 294.35.mutio:
 mutatio. 305.l.antep.in cap.xx. in cap.xxij. 313.37.Eripidem: Euripidem. 329.22.
 dτο τοῦ: τοῦ. 338.4.vallatoq.: vallatoq. 367.24.Casinaria: Casina. 378.17.cap.
 xxij cap xxv. 389.16. imparibus iuncta est: impariter iunctis. 390.25.à Philone:
 Chilone. 417.18.raptæ: capte. 425.21. tertij decima: tertij nona. 458.16.& paulo
 post: & paulo ante.

In Indice priore. Verbo Κόνα, & κόναν: dic, κόναξ, & κόλος. V. Εγύρηνα: dic,
 Εγύρηνα. V. Γράθες: dic, Γράθος. V. Inferi: dic, Inferi. V. Pietas. dicti sunt Dij:
 dicti sunt Pij. Et alia.









300

Top.

Núm.



2732

A 104 T